



5.8.E.12.








M. TVLLII CICERONIS ORA-  
 tionum uolumen primum, in quo multa,  
 . quæ in aliarum editionum libris cor-  
 rupte legebantur, ex diligenti  
 uetustorum exemplariū  
 collatione sunt  
 emendata.

BIBLIOTECA NAZ.  
 ROMA  
 VITTORIO EMANUELE.




PAVLVS MANVTIVS ALDI F.

M. D. XL.



STAMPED BY THE POST OFFICE

REVERENDISSIMO, ET ILLVSTRIS  
SIMO S. R. E. PRESBITERO,  
CARDINALI RAVENNAE,  
BENEDICTO ACCOLTO  
PAVLVS MANVTIVS  
ALDI F. S. D.



**M**AXIME esset optandum Accolte clarissime, ut, quæ olim à doctissimis uir-  
ris magno labore, magnisq; uigilijs  
sunt elucubrata, ea nostram ad ætatem  
omnia peruenire potuissent. artium plu-  
rimarum scientia, quarum adiumento ad uitam recte  
instituendam indigemus, non desideraretur. uerum ita  
casu nescio quo accidit, ut ex ijs scriptis, quæ ueteres  
illi, homines sapientissimi, reliquerunt, non solum mul-  
ta prorsus interierint, sed etiam, quæ in hunc diem ser-  
uata sunt, ita deprauata, ita mutila legantur, ut sæ-  
piissime uix, aut ne uix quidem intelligi possint. hoc in-  
commodum pater olim meus magna ex parte sustulit.  
cuius industria multos excitauit, ut eandem rem aggres-  
si, iacentem literarum laudem pro suis quisque uiribus  
subleuaret. quod si alij fecerunt tantum æmulatione  
gloriæ permoti, certe, cur ego id faciam, hoc plus ha-  
beo causæ, quòd cum pater studiosis id, quod in hoc  
genere promiserat, morte præuentus præstare non po-  
tuerit, hoc me nomine ita appellant, quasi ad filios so-  
leat non paternæ solum rei, sed uoluntatis etiam hære-  
ditas peruenire. hæc me res, ut debet, multum mouet,  
sed auctoritas tua plurimum, quam ego tanti soleo fa-

A ij

cere, ut quaecunque tu probas rationem, ea demum  
& utilis mihi, & honesta uideatur esse. tu igitur cum  
nos ad hoc posteritatis adiuuanda studium & uehemen-  
ter, & saepe sis cohortatus, effecisti, ut in eam rem tan-  
to alacrius incumbamus, quanto pluris apud me tua,  
quam reliquorum omnium, consilia sunt. quod si la-  
bore, studio, diligentia profici in hoc genere quicquam  
potest, ut certe potest: magnopere spero fore, ut ne-  
que officij tui in me admonendo, neque liberalitatis in  
adiuuando poeniteat. cuius rei quasi specimen erit haec  
prima Ciceronis orationum pars, quam ex ueterum  
exemplarum collatione diligenter emendatam, in ma-  
nus hominum sub tuo nomine emittimus. nam cum usu,  
& consuetudine ita comparatum sit, ut, quibus rebus  
principes uiri delectentur, in ijs rebus multi suum stu-  
dium probare uelint, ex quo fit, ut ab alijs canes, ab  
alijs equos, aut aues nobiles dono dari uideamus: com-  
mode me facturum existimaui, siquid ego eius generis  
ad te mitterem, quod omnibus te praeferre uoluptati-  
bus intellexissem: soles enim quotidie ferè à grauissimarum  
artium tractatione, in haec studia, quae sibi ab hu-  
manitate nomen asciuerunt, quasi in hortum amœnissi-  
mum diuertere: ubi te modo oratorum & poetarum  
flores, modo dulcium amicorum colloquia mirifice de-  
lectant: ut praeter id temporis, quod ualetudini dare  
soles, quod sanè pusillum est, hora nulla sit, quam  
non in literis, & cum uirtute traducas. quam tuae ui-  
tae rationem qui ignorant, mirantur scilicet, unde il-  
la tibi in aduersis rebus fortitudo tanta, unde animi  
robur illud inuicti, quod ne illa quidem ipsa, quae in

rebus humanis Fortuna dominatur, ullo pacto poterit  
infringere, contra cuius vim duplici te praesidio munis  
ueris; artium maximarum cognitione, & mentis opti  
mae conscientia. haec est aliarum uirtutum, quae in te  
sunt multae, quasi princeps & regina quaedam, ut in  
alijs neminem tibi antepondere, in hac ne conferre quis  
dem possim. nam de prudentia, de pietate, de iustitia,  
ne uidear assentari, nihil dicam: ne de liberalitate qui  
dem; quae tamen ita nota est, ut nō, qui eam laudet, assen  
tator, sed, qui non laudet, maleuolus existimetur. cum es  
nim haec dandi beneficij ratio eiusmodi sit, ut nulla cer  
tior ad laudem, nulla item magis lubrica uideatur uia,  
propterea q̄ in beneficijs collocandis plerique fortunam  
hominum spectare solent, ut eandem gratiam, aut  
etiam cum faenore recipiant: non est, quod in hoc te  
labi quisquam arbitretur, cum & rarissime contingat,  
cuiusquam opera ut egere uidearis, & tu tamen quam  
plurimis ob eximiam naturae tuae liberalitatem, atque  
amplitudinem benigne facere & soleas, & possis. &  
cum de omnibus ad bene merendum natura es maxime  
propensus, tum uero ipsa te ratio atque doctrina ita  
conformauit, ut ad eos honestandos, qui se ijs artibus,  
in quibus ipse excellis, dedidere, tuum soleas studium  
libentissime conferre. quae quidem humanitas & bene  
ficientia tua non sanè uideo qui possit in ullo maior esse,  
quàm in me tuendo fuit. quae est enim à te res, quae ad  
meum commodum attineret, praetermissa? quis dili  
gentius est adhortatus, ut hanc restituendae antiquitatis  
laudem, qua pater meus olim excelluit, penè afflictam  
excitarem? quis eam ipsam ad rem perficiendam plura

contulit? cum etiam magnis Principibus, tui simili-  
mis, ita me commendaris, ut iudicii tui testimonio per  
moti non minimis ad se premiis euocarint. quæ cum re-  
cordor, etsi me ipsum probe noui, tamen interdum mi-  
hi assentor, & mihi aliquid uideor esse, quod à te sim  
ornatus. hæc me inanis ambitio ita delectat, ut illum  
dolorem, quem ex difficultate capio remunerandi, si  
non tollat, minuat quidem certe. quanquam tu is es,  
qui te satis superque remuneratum existimas, si modo id,  
quod dedisti, ab eo, qui accepit, intelligis memoria te-  
neri. quo in officio præstando noli credere quenquam  
esse qui me uincat. & huius quidem rei confido fore ut  
aliquando eiusmodi à me signa dentur, quæ nullum cui-  
quam de mea in te uoluntate dubitandi locum relin-  
quant. nunc earum rerum, quas ipsi quidem hoc tem-  
pore possumus, maxima, primum, ut dixi, Ciceronis  
orationum uolumen in tuo nomine apparebit. omnino  
neque amplitudine tua, neque ijs officiis, quæ in me con-  
tulisti, digna res uidetur, sed, ut spero, muneris no-  
stri tenuitatem humanitatis tuæ magnitudo suble-  
uabit. Vale.

1. The first part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

2. The second part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

3. The third part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

4. The fourth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

5. The fifth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

6. The sixth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

7. The seventh part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

8. The eighth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

9. The ninth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

10. The tenth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

M. TVLLII CICERONIS ORATIO=  
 NVM, QVAE PRIMO VOLV=  
 MINE CONTINENTVR,

I N D E X.

Pro P. Quintio, Oratio prima,	I
Pro Sex. Roscio Amerino, oratio II.	18
Pro Q. Roscio comædo, oratio III.	45
Divinatio in C. Verrem, oratio IIII.	55
In C. Verrem liber II. oratio V.	66
In C. Verrem liber III. oratio VI.	76
In C. Verrem liber IIII. oratio VII.	109
In C. Verrem liber V. oratio VIII.	148
In C. Verrem liber VI. oratio IX.	200
In C. Verrem liber VII. oratio X.	236
Pro M. Fonteio, oratio XI.	276
Pro A. Cæcina, oratio XII.	284



M. TVLLII CICERONIS  
PRO P. QVINTIO,  
ORATIO I.

BIBLIOTHECA NAZ.  
ROMA  
VITTORIO EMANUELE.

9  
V AE RES In ciuitate dua plurimū  
possunt, ea contra nos amba faciunt in  
hoc tempore, summa gratia, & eloquen-  
tia. quarum alteram C. Aquili uereor,  
alteram metuo. eloquentia Q. Horten-  
sij ne me dicendo impediāt, non nihil commoueor. gratia  
Sex. Neuij ne P. Quintio noceat, id uero non mediocriter  
pertimesco. neq; hoc tantopere querendū uideretur, hac  
summa in illis esse, si in nobis essent saltem mediocria. ue-  
rum ita se res habet, ut ego, qui neq; usu satis, & ingenio  
parum possum, cum patrono disertissimo comparer; P.  
Quintius, cui tenues opes, nullae facultates, exiguae ami-  
corum copiae sunt, cum aduersario gratiosissimo conten-  
dat. illud quoq; nobis accedit incōmodum, qd M. Iunius;  
qui hanc causam Aquili aliquoties apud te egit, homo et  
in alijs causis exercitatus, & in hac multum & saepe uer-  
satus, hoc tempore abest, noua legatione impeditus: et ad  
me uentum est, qui ut summa haberem cetera, temporis  
quidem certe uix satis habui, ut rem tantam, tot contro-  
uersijs implicatam, possem cognoscere. ita, quod mihi con-  
suevit in ceteris causis esse adiūmeto, id quoq; in hac cau-  
sa deficit: nam quo minus ingenio possum, subsidio mi-  
hi diligentiam comparavi. quae quanta sit, nisi tempus, et  
spatium datum sit, intelligi non potest. Quae quo plura  
sunt C. Aquili, eo te, & hos, qui tibi in consilio adsunt,  
meliori mente nostra uerba audire oportebit, ut multis

## O R A T I O

Incommodis ueritas debilitata, tandem aequitate talium  
 uirorum recreetur. quod si tu iudex nullo praesidio fuisset  
 se uidebere contra uim, & gratiam solitudini, atque inopi-  
 e; si apud hoc consilium ex opibus, non ex ueritate cau-  
 sa pendetur: profecto nihil est iam sanctum, atque sincerum  
 in ciuitate; nihil, quod humilitatem cuiusquam gra-  
 uitas & uirtus iudicis consoletur. certe aut apud te, &  
 eos, qui tibi adsunt, ueritas ualebit: aut ex hoc loco re-  
 pulsa ui, & gratia, locum, ubi consistat, reperire non po-  
 terit. non eo dico C. Aquili, quo mihi ueniat in dubium  
 tua fides & constantia: aut quo non in iis, quos tibi ad-  
 uocasti, uiris electissimis ciuitatis spem summam habere  
 P. Quintius debeat. quid ergo est? primum magnitudo  
 periculi summo timore hominem afficit, & uno iudicio  
 de fortunis omnibus decernit. idque dum cogitat, non mi-  
 nus saepe ei uenit in mentem potestatis, quam aequitatis  
 tuae: propterea quod omnes, quorum in alterius manu ui-  
 ta posita est, saepius illud cogitant, quid possit is, cuius in-  
 ditione ac potestate sunt, quam quid debeat facere. dein-  
 de habet aduersarium. P. Quintius uerbo Sex. Neuium,  
 re uera huiusce aetatis homines disertissimos, fortissimos,  
 ornatissimos nostrae ciuitatis, qui communi studio summis  
 opibus Sex. Neuium defendunt, si id est defendere, cupi-  
 ditati alterius obtemperare, quo is facilius, quam uelit, ini-  
 quo iudicio opprimere possit: nam quid hoc iniquius, aut  
 indignius C. Aquili dici aut commemorari potest, quam  
 me, qui caput alterius, famam, fortunamque defendam,  
 priore loco causam dicere? cum praesertim Q. Horten-  
 sius, qui hoc iudicio partes accusatoris obtinet, contra me  
 sit dicturus, cui summam copiam facultatemque dicendi

natura largita est. ita fit, ut ego, qui tela depellere, et uulneribus mederi debeam, tum id facere cogar, cum etiam telum aduersarius nullum iecerit: illis autem id tempus impugnandi datur, cum et uitandi illorum impetus potestas adempta nobis erit, et, si qua in re, id quod parati sunt facere, falsum crimē, quasi uenenatum aliquod telum, iecerint, medicinae faciendae locus non erit. id accidit Praetoris iniquitate, et iniuria: primum quod contra omnium consuetudinem iudicium prius de probro, quam de re maluit fieri: deinde quod ita constituit id ipsum iudicium, ut reus, ante quam uerbum accusatoris audisset, causam dicere cogeretur. quod eorum gratia, et potētia factum est, qui, quasi sua res, aut honos agatur, ita diligenter Sex. Neuij studio et cupiditati morem gerunt, et in eiusmodi rebus opes suas experiuntur, in quibus quo plus propter uirtutē nobilitatemque possunt, eo minus, quantum possint, debent ostendere. cum tot tantisque difficultatibus affectus atque afflictus, in tuam C. Aquili fidem, ueritatem, misericordiam P. Quintius confugerit; cum adhuc ei propter uim aduersariorum non ius par, non agendi potestas eadem, non magistratus aequus reperiri potuerit; cum ei summam per iniuriam omnia inimica, atque infesta fuerint: te C. Aquili, uosque, qui in consilio adestis, orat, atque obsecrat, ut multis iniurijs iactatam atque agitatam equitatem, in hoc tandem loco consistere, et confirmari patiamini. id quo facilius facere possitis, dabo operam, ut, à principio res quemadmodum gesta et contra facta sit, cognoscatis. C. Quintius fuit P. Quintij huius frater, sanē caterarum rerum paterfamilias et prudens et attentus, una in re paulo minus consideratus,

qui societatem cum Sex. Neuius fecerit, uiro bono, uerum-  
 tamen non ita instituto, ut iura societatis, & officia certi  
 patrisfamilias nosse posset: non quo ei deesset ingenium:  
 (nam neq; parum facetus scurra Sex. Neuius, neq; inhu-  
 manus præco est unquam existimatus: ) quid ergo est?  
 cum ei natura nihil melius, quam uocem, dedisset, pater  
 nihil præter libertatem reliquisset: uocem in quæstû con-  
 tulit, libertate usus est, quo impuniùs dicax esset. quare,  
 qd socium tibi cum uelles adiungere, nihil erat, nisi ut in  
 tua pecunia condisceret, qui pecuniæ fructus esset. tamen  
 Inductus consuetudine, ac familiaritate Quintius fecit,  
 ut dixi, societatem earum rerum, quæ in Gallia compa-  
 rabantur. erat ei pecuaria res ampla, & rustica sanè be-  
 ne culta, & fructuosa. tollitur ab atrijs Licinijs atq; à  
 præconum confessu in Galliam Neuius, & trans alpes  
 usq; transfertur. fit magna mutatio loci, non ingenij: nā  
 qui ab adolescentulo quæstum sibi instituisset sine impen-  
 dio; posteaquam nescio quid impendit, & in commune  
 contulit, mediocri quæstu contentus esse non poterat: nec  
 mirum, si is, qui uocem uenalem habuerat, ea, quæ uoce  
 quæsiuerat, magno sibi quæstui fore putabat. itaq; hercu-  
 le haud mediocriter de communi, quicquid poterat, ad se  
 in priuatam domum seuocabat. qua in re ita diligens  
 erat, quasi i, qui magna fide societatem gererent, arbitriū  
 pro socio condemnari solerent. uerum his de rebus nō ne-  
 cesse habeo dicere ea, quæ me P. Quintius cepit commemo-  
 rare. tamen si causa postulat, tamen, quia postulat, non  
 flagitat, præteribo. cum annos iam complures societas es-  
 set, & cum sæpe suspectus Quintio Neuius fuisset, neq;  
 ita commode posset rationem reddere earū rerum, quas

libidine, non ratione gesserat: moritur in Gallia Quintius, cum adesset Neuius, & moritur repentino. haredem testamento reliquit hunc P. Quintium, ut ad quem summus mæror morte sua ueniebat, ad eundem summus honos quoq; perueniret. quo mortuo, nec ita multo post, in Galliam proficiscitur Quintius. ibi cum isto Neuius familiariter uiuit: annum ferè unà sunt, cum & de societate inter se multa communicarent, & de tota illa ratione atq; re Gallicana: neque interea uerbum ullum interposuit Neuius, aut societatem sibi quippiam debere, aut priuatim Quintium debuisse. cum aris alieni aliquantulum esset relictum, quibus nominibus pecuniam Romæ curari oporteret: auktionem in Gallia P. hic Quintius Narbone se facturum esse proscribit earum rerum, quæ ipsius erant priuata. ibi tum uir optimus Sex. Neuius hominem multis uerbis deterret ne auktionetur: cum non ita commode posse eo tempore, quæ proscripsisset, uendere: Romæ sibi nummorum facultatem esse, quam, si sciret, communem existimaret pro fraterna illa necessitudine, & pro ipsius affinitate: nam P. Quintij consobrinam habet in matrimonio Neuius, & ex ea liberos. quia, quod uirum bonum facere oportebat, id loquebatur Neuius, credidit Quintius; cum, qui orationem bonorum imitaretur, facta quoq; imitaturum. auktionem uelle facere desistit: Romam proficiscitur: decedit ex Gallia Romam simul Neuius. cum pecuniam C. Quintius P. Scapulæ debuisset: per te C. Aquili decedit P. Quintius, quod liberis eius dissolueret. hoc eo per te agebatur, quod propter arariam rationem non satis erat in tabulis instexisse quan-

tum deberetur, nisi à Quæstoribus quæsisset quantum solueretur. decidis, statuisq; tu propter necessitudinem, quæ tibi cum Scapulis est, quid us ad denarium solueretur. hæc omnia Quintius agebat auctore, & consuasore Neuius : nec mirum, si eius utebatur cōsilio, cuius auxilium sibi paratum putabat : non modo enim pollicitus erat in Gallia, sed Romæ quotidie, simul atq; sibi hic annuisset, numeraturum se dicebat. Quintius porro istum posse facere uidebat : debere, intelligebat : mentiri, quia causa, cur mentiretur, non erat, non putabat. quasi domi nummos haberet, ita constituit Scapulis se daturum. Neuium certiore facit : rogat, ut curet, quod dixisset. tum iste uir optimus ( uereor ne se derideri putet, quod iterum iam dico optimus ) qui hunc in summas angustias adductum putaret, ut eum suis conditionibus in ipso articulo temporis astringeret, assem sese negat daturum, nisi prius de rebus rationibusq; societatis omnibus decidisset, & scisset sibi cum Quintio controuersia nihil futurum. posterius, inquit, ista uidebimus, Quintius : nunc hoc uelim cures ( si tibi uidetur ) quod dixisti. negat se alia ratione facturum : quod promississet, non plus sua referre, quam si, cum auctorem uideret, domini iussu quippiam promississet. destitutione illa perculsus Quintius, à Scapulis paucos dies aufert, in Galliam mittit, ut ea, quæ proscripterat, uenirent. deteriore tempore absens auctonatur : Scapulis difficiliore conditione dissoluit. tunc appellat ultro Neuium, ut, quoniam suspicaretur aliqua de re fore controuersiam, uideret, ut quamprimum, & quam minima cum molestia tota res transigeretur. dat iste amicum M. Trebellium : nos cōmunem necessarium, qui istius

domi erat educatus, et quo utebatur iste plurimum, pro-  
pinquum nostrum Sex. Alphenum. res conuenire nullo  
modo poterat: propterea q̄ hic mediocrem iacturam fa-  
cere cupiebat, iste mediocri praeda cōtentus non erat. itaq;  
ex eo tempore res esse in uadimonium cōpit. cum uadi-  
monia saepe dilata essent, & cum aliquantum temporis  
in ea re esset consumptum, neq; quicquam perfectum es-  
set: uenit ad uadimoniū Neuus. obsecro C. Aquili, uosq;  
qui adestis in consilio, ut diligenter attendatis, ut singu-  
lare genus fraudis, & nouam rationem insidiarum co-  
gnosce possitis. ait se auctioratum esse in Gallia: quod  
sibi uideretur, se uendisse: curasse, ne quid sibi societas  
deberet: se iam neq; uadari amplius, neq; uadimonium  
promittere: si quid agere secum uelit Quintius, non re-  
cusare. hic, cum rem Gallicanam cuperet reuiscere, homi-  
nem in praesentia non uadatur. ita sine uadimonio disce-  
ditur. deinde Romae dies XXX ferè Quintius commo-  
ratur: cum ceteris, quae habebat, uadimonia differt, ut  
expeditus in Galliam proficisci posset. proficiscitur: Ro-  
ma egreditur ante diem IIII. Cal. Februarij Scipione  
& Norbano Cōs. quāso, ut eum diem memoriae mende-  
tis. L. Albius Sex. filius Quirina, uir bonus & cum-  
primis honestus, una profectus est. cum uenissent ad  
Vada Volaterrana quae nominantur, uident perfa-  
miliarem Neuij, qui ex Gallia pueros uenales isti ad-  
ducebat, L. Publicium. qui ut Romam uenit, narrat  
Neuiō, quo in loco uiderit Quintium. quod nisi ex Pu-  
blicio narratum Neuiō esset, non tam cito res in contē-  
tionem uenisset. tum Neuus ipse pueros circum ami-  
cos dimittit: ipse suos necessarios ab atrijs Licinijs, & à



faucibus macelli corrogat, ut ad tabulam Sestiam sibi  
 adsint hora secunda postridie. ueniunt frequentes: testifi-  
 cantur isti P. Quintium non stetisse, & se stetisse. tabula  
 maxime signis hominum nobilium consignantur. disce-  
 ditur. postulat à Burrieno Pratore Neuius, ut ex edicto  
 bona possidere liceat. iussit bona proscribi eius, quicum  
 familiaritas fuerat, societas erat, affinitas liberis istius  
 uiuis diuelli nullo modo poterat. qua ex re intelligi faci-  
 le potuit, nullum esse officium tam sanctum, atq; solen-  
 ne, quod non auaritia comminuere, atq; uiolare soleat.  
 etenim si ueritate amicitia, fide societas, pietate propin-  
 quitas colitur: necesse est, iste, qui amicum, socium, affi-  
 nem fama ac fortunis spoliare conatus est, uanum se,  
 & perfidiosum, & impium esse fateatur. libellos Sex. Al-  
 phenus procurator P. Quintij, familiaris & propinquus  
 Sex. Neuij, deijcit: seruulum unum, quem iste prehende-  
 rat, abducit: denuntiat, sese procuratorem esse, istum  
 equum esse fame fortunisq; P. Quintij consulere, et ad-  
 \* uentum eius expectare. quod si facere nolit, atq; inhibue-  
 rit eiusmodi rationibus illum ad suas condiciones perdu-  
 cere: sese nihil precari, & si quid agere uelit, iudicio de-  
 fendere. hæc dum Romæ geruntur, Quintius interea con-  
 tra ius et consuetudinem edicto Prætoris de saltu agroq;  
 communi à seruis communibus ui detruditur. existima-  
 C. Aquili id, modo, & ratione omnia Romæ Neuium fe-  
 cisse, si hoc, quod per literas istius in Gallia gestum est,  
 recte, atq; ordine factum uidetur. expulsus atq; eiectus è  
 prædio Quintius, accepta insigni iniuria, confugit ad C.  
 Flaccum imperatorem, qui tum erat in provincia: quem,  
 ut ipsius dignitas poscit, honoris gratia nomino. is eam  
 rem



rem quàm uehementer uindicandam putarit, ex decretis eius poteritis cognoscere. Alphenus interea Romæ cum isto gladiatore uetulo quotidie pugnabat: utebatur populo sanè suo, propterea quòd iste caput petere non desinebat. iste postulat, ut procurator iudicatum solui satisfdaret. negat Alphenus æquum esse procuratorem satisfdare, quod reus satisfdare non deberet, si ipse adesset. appellantur Tribuni: à quibus cum esset certum auxilium petitum, ita tamen disceditur, ut Idibus Sept. P. Quintium sisti Sex. Alphenus promitteret. uenit Romam Quintius, uadimonium sistit: iste, homo acerrimus, bonorum possessor, expulsor, ereptor, annum et sex menses nihil petit, quiescit, conditionibus hunc, quo ad potest, producit. à Cn. Dolabella deniq; Prætoris postulat, ut sibi Quintius iudicatum solui satisfdet, ex formula, quòd ab eo petat, cuius ex edicto Prætoris Romani bona dies XXX possessa sint. non recusabat Quintius, quin ita satisfdare iuberet, si bona possessa essent ex edicto. decernit: quàm æquum, nihil dico: unum hoc dico, nouum: & hoc ipsum tacuisse mallet, quoniã utrumque quiuis intelligere potuisset. iubet P. Quintium sponsonem cum Sex. Neuius facere, si bona sua ex edicto P. Burrieni Prætoris dies XXX possessa essent. recusabant qui aderant tum Quintio: demonstrabant, de re iudicium fieri oportere, ut aut uterq; inter se, aut neuter satisfdaret: non necesse esse famam alterius in iudicium uenire. clamabat porro ipse Quintius, sese iccirco nolle satisfdare, ne uideretur iudicasse, bona sua ex edicto possessa esse: sponsonem porro si istiusmodi faceret, se ( id quod nunc euenit ) de capite suo priore lo-

eo causam esse dicturum. Dolabella (quēadmodum solent homines nobiles: seu recte seu perperā facere cōperunt, ita in utroque excellunt, ut nemo nostro loco natus assequi posset) iniuriā facere fortissime perseverat; aut satisfacere, aut sponsonem iubet facere, & interea recusantes nostros aduocatos acerrime submoueri. conturbatus sanē discedit Quintius: neq; mirum, cui hęc optio tam misera tamq; iniqua daretur, ut aut ipse se capitis dānaret, si satisfecisset: aut causam capitis, si sponsonē fecisset, priore loco diceret. cū in altera re causa nihil esset, quin secus iudicaret ipse de se, quod iudicium grauis simū est: in altera spes esset ad talem tamen uirum iudicem ueniendi, unde eo plus opis auferret, quo minus attulisset gratiæ: sponsonē facere maluit, fecit, te iudicē C. Aquili sumpsit, ex sponso egit. in hoc summa iudicij, causaq; tota consistit. iudiciū esse C. Aquili nō de re pecuniaria, sed de fama fortunisq; P. Quintij uides. cum maiores ita constituerint, ut, qui pro capite diceret, is posteriori loco diceret: nos, inaudita criminatione accusatorū, priore loco causam dicere intelligis: eos porro, qui defendere consueverunt, uides accusare, & ea ingenia conuerti ad perniciē, quæ antea uersabantur in salute atq; auxilio ferendo. illud etiā restiterat, quod hesterni die fecerunt, ut te in ius adducerēt, ut nobis tēpus, q̄ diu diceremus, prætiteres: quā rem facile à Prætore impetrassent, nisi tu, quod esset tuū ius, & officium, partesq; docuisses. neq; nobis adhuc præter te quisquam fuit, ubi nostrum ius contra illos obtineremus: neq; illis unq̄ satis fuit illud obtinere, quod probari omnibus posset: ita sine iniuria potentiā leuem, atq; inopem esse arbitrat̃ur.

uerum quoniam tibi instat Hortensius, ut eas in consilium; à me postulat, ne dicendo tempus absumam; queritur, priore patrono causam defendente, nunquam perorari potuisse: non patiar istam manere suspensionem, nos rem iudicari nolle. nec illud mihi arrogabo, me posse causam commodius demonstrare, quàm antea demonstrata sit: neque tamen tam multa uerba faciam: propterea quod et ab illo, qui ante dixit, informata iam causa est; et à me, qui neque excogitare, neque pronunciare multa possum, breuitas postulatur, quae mihi met ipsi amicissima est. faciam, quod te saepe animaduerti facere Hortensi: totam causae meae dictionem certas in partes diuidam. tu id semper facis, quia semper potes: ego in hac causa faciam, propterea quod in hac uideor posse facere. quod tibi natura dat ut semper possis, id mihi causa dat ut hodie possim. certos mihi fines, terminosque constituam, extra quos egredi non possim, si maxime uelim: ut et mihi sit propositum de quo dicam; et Hortensius habeat exposita, ad quae respondeat; et tu C. Aquili iam ante animo prospicere possis, quibus de rebus auditurus sis. Negamus, te bona P. Quintij Sexte Neui possedisse ex edicto Praetoris. in eo sponsio facta est. ostendam, primum causam non fuisse, cur à Praetore postulares, ut bona P. Quintij possideres: deinde, ex edicto te possidere non potuisse: postremo, non possedisse. quae sunt C. Aquili, uosque; qui estis in consilio, ut, quid pollicitus sim, diligenter memoriae mandetis: etenim res facilius totam accipietis, si hac meminertis: et me facile uestra existimatione reuocabitis, si extra hos caecos egredi conabor, quos mihi ipse circūdedi. nego fuisse causam, cur postularer: nego ex edicto possidere potuisse:

nego, possedisse. hæc tria cū docuero, perorabo. non fuit  
 cā, cur postulares. qui hoc intelligi potest? q̄a Sex. Neui-  
 neq; ex societatis rōne, neq; priuatim quicq̄ debuit Quin-  
 tius. quis huic rei testis est? idem, qui acerrimus aduer-  
 sarius. in hac re te, te inquam testem Neui citabo. an-  
 num, & eo diutius post mortem C. Quintij fuit in Gal-  
 lia tecum simul Quintius. doce, te petisse ab eo istam  
 nescio quam innumerabilem pecuniam. doce, aliquando  
 mentionem fecisse, dixisse deberi: debuisse concedam. mo-  
 ritur C. Quintius, qui tibi, ut ais, certis nominibus gran-  
 dem pecuniam debuit: hæres eius P. Quintius in Galliā  
 ad te ipsum uenit, in agrum communem, eò deniq; ubi  
 non modo res erat, sed ratio quoq; omnis, & omnes li-  
 teræ. quis tam dissolutus in re familiari fuisset, quis tā  
 negligens, quis tam tui Sexte dissimilis, qui, cum res ab  
 eo, qui contraxisset, recessisset, & ad hæredem peruenis-  
 set, non hæredem, cum primum uidisset, certiore face-  
 ret? appellaret? rationem afferret? si quid in controuer-  
 siam ueniret, aut intra parietes, aut summo iure experi-  
 retur? ita ne est? quod uiri optimi faciunt, si qui suos  
 propinquos ac necessarios caros & honestos esse atq; ha-  
 beri uolunt, id Sex. Neuius non faceret? qui usq; eò fer-  
 uet, ferturq; auaritia, ut de suis commodis nolit aliquā  
 partem amittere, ne quam partem huic propinquo suo  
 ullius ornamentum relinquat. & is pecuniam, si qua debe-  
 retur, nō peteret, qui, quia, quod debitum nunquam est,  
 id datum non est, non pecuniam modo, uerum etiam ho-  
 minis propinqui sanguinem, uitamq; eripere conatur.  
 huic tu molestus esse uidelicet noluisti, quē nunc respira-  
 re libere non sinis, quem nunc interficere nefarie cupis,

cum tum pudenter appellare nolebas. ita credo, hominem propinquum, tui obseruantem, uirum bonum, pudetem, maiorem natu, nolebas, aut non audebas appellare. saepe, ut fit, cum ipse te confirmasses, cum statuisses de pecunia mentionem facere, cum paratus meditatusque uenisses, homo timidus, uirginali uerecundia, subito ipse te retinebas, excidebat repente oratio; cum cuperes appellare, non audebas, ne inuitus audiret. id erat profecto. credamus hoc, Sex. Neuium, cuius caput oppugnet, eius auribus pepercisse. si debuisset Sexte, petisses statim: si non statim, paulo quidem post: si non paulo, at aliquando, sex quidem illis mensibus profecto, anno uertente sine controversia. anno & sex mensibus uero, cum tibi quotidie potestas hominis fuisset admonendi, uerbum nullum facis: biennio iam confecto fere, appellas. quis tam perditus ac profusus nepos, non adesa iam, sed abundanti pecunia sic dissolutus fuisset, ut fuit Sex. Neuius? cum hominem non mino, satis mihi uideor dicere. debuit tibi C. Quintius: nunquam petisti. mortuus est ille, res ad heredem uenit: cum eum quotidie uideres, post biennium denique appellas. dubitabitur, utrum sit probabilius, Sex. Neuium statim, si quid deberetur, petiturum fuisse, an ne appellaturum quidem biennio? appellandi tempus non erat? at tecum anno plus uixit. in Gallia agi non potuit? at & in provincia ius dicebatur, et Romae iudicia fiebant. restat, ut aut summa negligentia tibi obstiterit, aut unica liberalitas. si negligentiam dices, mirabimur: si bonitatem, ridebimus: neque, praeterea quid possis dicere, inuenio. Satis est argummenti, nihil esse debitum Neuius, quod tam diu nihil petiuit. quid, si hoc ipsum, quod nunc facit, ostendo testimonio esse, nihil

deberi? quid enim nunc agit Sex. Neuius? qua de re controuersia est? quod est hoc iudicium, in quo iam biennium uersamur? quid negotij geritur, in quo ille tot et tales uirum defatigat? pecuniam petit: nunc denique? ueruntamen petit: audiamus. de rationibus & controuersiis societatis uult dijudicari, sero, uerum aliquando tamen: concedamus. non, inquit, id ago C. Aquili, neque in eo nunc laboro. pecunia mea tot annos uititur P. Quintius. utatur sane, non peto. quid igitur pugnas? an, quod saepe multis in locis dixisti, ne in ciuitate sit? ne locum suum, quem adhuc honestissime defendit, obtineat? ne numeretur inter uiuos? decernat de uita, & ornamentis suis omnibus? apud iudicem causam priore loco dicat? & eam cum orarit, tum denique uocem accusatoris audiat? quid? hoc quod pertinet? ut ocius ad tuum peruenias? at, si id uelles, iam pridem actum esse poterat. ut honestiore iudicio confisteretur? at sine summo scelere P. Quintium propinquum tuum iugulare non potes. ut facilius iudicium sit? at neque C. Aquilius de capite alterius libenter iudicat, & Q. Hortensius contra caput non didicit dicere. quid a nobis autem C. Aquili refertur? pecuniam petit: negamus deberi: iudicium fiat statim: non recusamus. nunc quid praeterea? si ueretur ut res iudicio facto parata sit, iudicatum solui satis accipiat. quibus a me uerbis satis accipiet, isdem ipse, quod peto, satisfacet. actum iam potest esse C. Aquili: iam tu potes discedere liberatus molestia prope dicam non minore, quam Quintius. quid agimus Hortensius? quid de hac conditione dicimus? possumus aliquando depositis armis, sine periculo fortunarum, de re pecuniaria disceptare? possumus ita rem nostram persequi, ut hominis propin-

qui caput incolume esse patiamur? possumus petitoris personā capere, accusatoris deponere: immo, inquit, abs te satis accipiam, ego autē tibi non satisfabo. quis tandem nobis ista iura tam æqua describit? quis hoc statuit, quod æquum sit in Quintium, id iniquū esse in Neniū? Quintij bona, inquit, ex edicto Prætoris possessa sunt. ergo, id ut confitear, postulas: ut, quod nunq̃ factum esse iudicio defendimus, id, perinde quasi factum sit, nostro iudicio cōfirmemus. inueniri ratio C. Aquili non potest, ut ad suū quisq; q̃primum sine cuiusq; dedecore, infamia, perniciēq; perueniat: profecto, siquid deberetur, peteret: non omnia iudicia fieri mallet, q̃ unū illud, unde hæc omnia nascūtur. qui inter tot annos ne appellarit quidē Quintium, cum potestas esset agendi quotidie; qui, quo tempore primum male agere cœpit, in uadimonij differendis tempus omne consumpsit; qui postea quoq; uadimonij missum fecerit, hunc per insidias uī de agro cōmuni deiecerit; qui, cū de re agendi nullo recusante potestas fuisset, sponsonē de probro facere maluerit; qui, cum reuocetur ad id iudicium, unde hæc nata sunt omnia, conditionem æquissimam repudiet; fateatur, se nō pecuniam, sed uitam & sanguinem petere: is non hoc palām dicit? mihi si quid deberetur, peterē, atq; adeo iam pridem abstulissēm: nihil hōc tanto negotio, nihil tam inuidioso iudicio, nihil tā cōpiosa aduocatione uterer, si petendū esset: extorquendum est inuito atq; ingratis, quod non debet; eripiedum, atq; exprimendum est: de fortunis omnibus P. Quintius deturbandus est: potentes, disertī, nobiles omnes aduocādi sunt: adhibēda uis est ueritati: minae iactentur: pericula intēdātur: formidines opponātur, ut



his rebus aliquando uictus, & perterritus ipse cedat. quæ me hercule omnia, cum, qui contra pugnent, uideo; & cum illū confessum considero, adesse atq; impendere uidentur, neq; uitari ullo modo posse. cum autem ad te C. Aquili oculos animumq; retuli; quo maiore conatu studioq; aguntur, eo leuiores infirmioraq; existimo. nihil igitur debuit, ut tu ipse prædicas. quid, si debuisset? cōtinuo ne causa fuisset, cur à Prætoře postulares, ut bona possideres? non opinor id quidē neq; ius esse, neq; cuiquā expedire. quid igitur demonstrat uadimonium sibi ait esse desertum. antequā doceo id factū non esse, libet mihi C. Aquili ex officij ratione, atq; ex omnium cōsuetudine rem ipsam, & factū simul Sex. Neui considera re: ad uadimonium non uenerat, ut ais, is, quicum tibi affinitas, societas, omnes deniq; causæ, & necessitudines ueteres intercedebant: ilico ne ad Prætořem ire conuenit? continuo ne uerū fuit postulare, ut ex edicto bona possidere liceret? ad hæc extrema & inimicissima iura tam cupide decurrebas, ut tibi nihil in posterum, quod grauius atq; crudelius facere posses, reseruares? nā quid hominī potest turpius, quid uiro miserius, aut acerbius usu uenire? quod tantum euenire dedecus? quæ tanta calamitas inueniri potest? pecuniā si cuipiā fortuna ademit, aut si alicuius eripuit iniuria, tamē, dum existimatio est integra, facile consolatur honestas egestatem. at non nemo aut ignominia affectus, aut iudicio turpi conuictus, bonis quidem suis uitur, alterius opes, id quod miserrimum est, non expectat: hoc tamē in miserus adiuumento & solatio subleuatur. cuius uero bona uenerunt, cuius non modo illæ amplissimæ fortunæ, sed



etiam uictus uestitusq; necessarius sub præcone cum dedecore subiectus est; is non modo ex numero uiuorum exturbatur, sed, si fieri potest, in fra etiã mortuos amandatur: etenim mors honesta sæpe uitam quoque turpem exornat, uita turpis ne morti quidem honeste locum relinquit. ergo hercule cuius bona ex edicto possidentur, huius omnis fama & existimatio cum bonis simul possidetur: de quo libelli in celeberrimis locis proponuntur, huic ne perire quidem certe tacite obscureq; conceditur. cui magistri fiunt, & domini constituuntur, qui, qua lege & qua conditione pereat, pronuncient, de quo homine præconis uox prædicat, & pretium conficit; huic acerbissimum uiuo uidentiq; funus ducitur; si funus id habendum sit, quò non amici conueniunt ad exequias honestandas, sed bonorum emptores, ut carnifices, ad reliquias uitæ lacerandas & distrahendas; itaque maiores nostri raro id accidere uoluerant: Prætores, ut confiderate fieret, comparauerunt, uiri boni cum palàm fraudantur, cum experiundi potestas non est, timide tamen & pedetentim istuc descendunt, ui ac necessitate coacti, inuiti, multis uadimonij desertis, sæpe illusi ac destituti: considerant enim, quid & quantum sit, alterius bona proscribere. iugulare ciuem ne iure quidem quisquam bonus uult: mauult enim commemorare, se, cum posset perdere, pepercisse, quàm, cum parcere potuerit, perdidisse. hæc in homines alienissimos, denique inimicissimos uiri boni faciunt & hominum existimationis, & communis humanitatis causa, ut, cum ipsi nihil alteri scientes incommodarint, nihil ipsis iure incòmodi cadere possit. ad uadimonium non uenit: quis? propinquus. si

res ista grauissima sua sponte uideretur, tamen eius atrocitas necessitudinis nomine leuaretur. ad uadimonium non uenit: quis? socius. etiam grauius aliquid ei debe res concedere, quicum te aut uoluntas congregasset, aut fortuna coniunxisset. ad uadimonium non uenit: quis? is, qui tibi præsto semper fuit. ergo in eum, qui semel hoc commisit, ut tibi præsto non esset, omnia tela coniecisti, quæ parata sunt in eos, qui permulta male agendi causa fraudandiq; fecerunt? si de prædijs tuis ageretur Sex. Neui, si in paruula re captionis aliquid uerere, non statim ad C. Aquilium, aut ad eorum aliquem, qui consuluntur, concurrisses? cum ius amicitiae, societatis, affinitatis ageretur, cum officij rationem atq; existimationis duci conueniret, eo tempore tu non modo ad C. Aquilium, aut L. Lucullum, sed ne ipse quidem te consulisti, sed ne ipse quidem ad te retulisti, ne hæc quidem tecum locutus es: horæ duæ fuerunt: Quintius ad uadimonium non uenit, quid ago? si mehercule hæc tecum duo uerba fecisses, quid ago? respirasset cupiditas, atq; auaritia paululum: aliquid loci rationi & consilio dedisses: tu te collegisses: non in eam turpitudinem uenisses, ut hoc tibi esset apud tales uiros confitendum, quia tibi uadimonium non sit obitum, eadem te hora cōsiliū cepisse, hominis propinqui fortunas funditus euertere. ego pro te nunc hoc consulo post tempus in aliena re, quod tu in tua re, cum tempus erat, consulere oblitus es. quæro abs te C. Aquili, L. Luculle, P. Quintili, M. Marcelle, uadimonium mihi non obijt quidam socius & affinis meus, quicum mihi necessitudo uetus, conuersionis de re pecuniaria recens intercedit. postulo ne

à Prætorè, ut eius bona mihi possidere liceat? an, cum Romæ domus eius, uxor, liberi sint, domum potius denunciem? quid est, quod hac tandem de re uobis possit uideri? profecto si recte uestram bonitatem atque prudentiam cognoui, non multum me fallit, si consulamini, quid sitis responsuri. primum, expectare: deinde, si latitare, ac diutius ludificare uideatur, amicos conuenire; querere, quis procurator sit; domum denunciare. dici uix potest, quam multa sint, quæ respondeatis ante fieri oportere, quam ad hanc rationem extremam necessariam deuenire. quid ad hæc Næuius? ridet scilicet nostram amentiam, qui in uita sua rationem summi officij desideremus; & instituta bonorum uirorum requiramus. quid mihi, inquit, cum ista summa sanctimonia ac diligentia? uiderint ista officia uiri boni. de me autem ita considerent: non quid habeam, sed quibus rebus inuenerim, querant, & quemadmodum natus, & quo pacto educatus sim. memini: uetus est de scurra, multo facilius diuitem, quam patrem familias fieri posse. hæc ille si uerbis non audet, re quidem uera palam loquitur: etenim si uult uirorum bonorum instituto uiuere, multa oportet discat atque dediscat: quorum illi ætati utrumque difficile est. non dubitauit, inquit, cum uadimonium desertum esset, bona proscribere. improbe: uerum, quoniam tu id tibi arrogas, & concedi postulas, concedamus. quid, si nunquam deseruit? si ista causa abs te tota per summam fraudem et malitiam facta est? si uadimonium omnino tibi cum P. Quintio nullum fuit, quo te nomine appellemus? improbum? at, etiam si desertum uadimonium esset, tamen in ista posulatione & proscriptione bonorum

improbissimus reperiebare: num malitiosum? negas.  
 fraudulentum? iam id quidem arrogas tibi, & præcla-  
 rum putas. audacem? cupidum? perfidiosum? uulga-  
 ria & obsoleta sunt, res autem noua & inaudita. quid  
 ergo est? uereor mehercule, ne aut grauioribus utar uer-  
 bis, quàm natura fert, aut lenioribus, quàm causa postu-  
 lat. ais esse uadimonium desertum. quæsiuit à te statim,  
 ut Romam redyt, Quintius, quo die uadimonium istuc  
 factum esse diceres. respondisti statim, Nonis Febr. di-  
 scedens in memoriam redyt Quintius, quo die Roma in  
 Galliam profectus sit: ad ephemeridem reuertitur: in-  
 uenitur dies profectionis, pridie Cal. Febr. Nonis Febr.  
 si Romæ fuit, causæ nihil dicimus, quin tibi uadimo-  
 nium promiserit. quid? hoc inueniri qui potest? pro-  
 fectus unà L. Albius homo in primis honestus. dicet tes-  
 timonium. profecti sunt familiares & Albi & quin-  
 ti. dicent hi quoque testimonium. literæ P. Quinti, tes-  
 tes tot, quibus omnibus causa iustissima est cur scire  
 potuerint, nulla cur mētiantur: cum ad stipulatorem tuo  
 comparabuntur. & in hac eiusmodi causa P. Quintius  
 laborabit? & diutius in tanto metu miser, periculoq;  
 uersabitur? et uehementius eum gratia aduersarij per-  
 terrebit, quàm fides iudicis consolabitur? uixit enim  
 semper inculte atque horride: natura tristi ac recondi-  
 ta fuit: non ad solarium, non in campo, non in conui-  
 uijs uersatus est: id egit, ut amicos obseruatiā, rem par-  
 simonia retineret: antiquam officij rationem dilexit, cu-  
 ius splendor omnis his moribus obsoleuit. at si in causa pa-  
 ri discedere inferior uideretur, tamen esset nō mediocri-  
 ter conquerendum. nunc in causa superiore, ne ut par

quidem sit, postulat: inferiorem esse patitur, duntaxat usque eo, ne cum bonis, fama, fortunisque omnibus Sex. Neui cupiditati crudelitatiq; dedatur. Docui, quod primum pollicitus sum, C. Aquili, causam omnino, cur postularet non fuisse: q; neq; pecunia debebatur, et, si maxime deberetur, commissum nihil esse, quare ad istam rationem perueniretur. attende nunc, ex edicto Pratoris bona P. Quintij possidere nullo modo potuisse. recita editum. QVI FRAVDATIONIS CAUSA LATITARIT. non est is Quintius: nisi latitant, qui ad negotium suum relicto procuratore proficiscuntur. CUI HAERES NON EXTABIT. ne is quidem. QVI EXILII CAUSA SOLVM VERTERIT.

★

quo tempore existimas oportuisse Neui absentem Quintium defendi? aut quomodo? tum; cum postulabas, ut bona possideres? nemo affuit: neq; enim quisquam diuinare poterat te postulaturum: neq; quēquam attinebat id recusare, quod Prator, sed ex edicto suo iubebat: qui locus igitur absentis defendendi procuratori primus datus est? cum proscribebas. ergo affuit, non passus est, libellos deiecit Sex. Alphenus: qui primus erat officij gradus, seruatus est à procuratore summa cum diligentia. uideamus, quae deinde sint consecuta. hominem P. Quintij deprehendis in publico, conaris abducere: non patitur Alphenus, ut tibi ademittat, curat ut domum reducatur ad Quintium. hic quoque summe constat procuratoris diligentis officium. debere tibi dicis Quintium, procurator negat: uadari uis, promittit: in ius uocas,

sequitur : iudicium postulas, non recusat . quid aliud sit  
absentem defendi, ego non intelligo. at quis erat procu-  
rator ? credo aliquem eiectum hominem, egentem , liti-  
giosum, improbum, qui posset scurræ diuitis quotidia-  
num conuicium sustinere . nihil minus . eques R. locu-  
ples , sui negotij bene gerens, denique is, quem, quoties  
Neuius in Galliam profectus est, procuratorem Romæ  
reliquit. & audes Sex. Neui negare absentem defensum  
esse Quintium, cum eum defenderit idem, qui te sole-  
bat ? & cum is iudicium acciperet pro Quintio, cui tu  
& rem & famam tuam commendare proficiscens &  
concredere solebas : conaris hoc dicere, neminem exti-  
tisse, qui Quintium iudicio defenderet ? postulabam, in-  
\* quit, ut satisficeret : iniuria postulabas, ita uidebare, re-  
cusabat Alphenus . ita : uerum Prætor decernebat. Tri-  
buni igitur appellabantur . hic te, inquit, teneo : non est  
istud iudicium pati, neque iudicio defendere, cum auxi-  
lium à Tribunis petas . hoc ego, cum attendo qua pru-  
dencia sit Hortensius, dicturum esse eum non arbitror :  
cum autem antea dixisse audio, & causam ipsam consi-  
dero, quid aliud dicere possit, non reperio: fatetur enim  
libellos Alphenum deiecisse, uadimonium promisisse, iu-  
diciū quin acciperet in ea ipsa uerba, quæ Neuius ede-  
bat, non recusasse, ita tamen, more & instituto per eum  
magistratum, qui auxilij causa constitutus est . aut hæc  
facta non sint, necesse est ; aut C. Aquilius talis uir iu-  
ratus hoc ius in ciuitate constituat ; cuius procurator  
non omnia iudicia acceperit ; quæ quisq; in uerba postu-  
larit ; cuius procurator à Prætore ad Tribunos appel-  
lare ausus sit, eum non defendi , eius bona recte possi-

deri posse; ei misero,absenti,ignaro fortunarum suarum,omnia uitæ ornamenta per summum dedecus & ignominiam diripi conuenire. quod si probari nemini potest,illud certe probari omnibus necesse est, defensum esse iudicio absentem Quintium. quod cum ita est, ex edicto bona possessa non sunt. at enim Tribuni pl.ne audierunt quidem? fateor, si ita est,procuratorem decreto Prætoris R.oportuisse parere. quid, si M.Brutus intercessurum se dixit palam,nisi quid inter ipsum Alphenum & Neuium conueniret? uidetur ne intercessisse appellatio Tribunorum non more, sed auxilij causa? quid deinde fit? Alphenus, ut omnes intelligere possent iudicio defendi Quintium, nequa subesse posset aliena aut ipsius officio, aut huius existimatione sufficio, viros bonos cōplures aduocat: testatur isto audiente, se pro communi necessitudine id primum petere, ne quid atrocius in P. Quintium absentem sine causa facere conetur: sin autem inimicissime atq; infestissime contendere persueret, se paratum esse omni recta atq; honesta ratione defendere: quod petat, nō deberi: se iudicio id, quod edat, accipere. eius rei, conditionisq; tabellas obsignauerunt uiri boni cōplures. res in dubium uenire non potest. fit rebus omnibus integris, neq; proscriptis, neq; possessis bonis ut Alphenus promittat Neuiο sisti Quintium. uenit ad uadimonium Quintius: iacet res in controuersijs isto calumniante bienniū, usq; dum inueniretur, qua ratione res ab usitata consuetudine recederet, & in hoc singulare iudicium causa omnis concluderetur. quod officium Aquili commemorari procuratoris potest, quod ab Alphenο præteritum esse uideatur? quid affertur, quare



P. Quintius absens negatur esse defensus? an uero id, quod Hortensius, quia nuper iniecit, & quia Neuus semper id clamat, dicturum arbitror, non fuisse Neniu partem certationem cum Alphenio, illo tempore, illis dominantibus? quod si uelim confiteri, illud opinor concedet, non procuratorem P. Quintii neminem fuisse, sed gratiosum fuisse. mihi autem ad uincendum satis est, fuisse procuratorem, quicum experiri posset. qualis is fuerit, si modo absentem defendebat per ius & magistratum, nihil ad rem arbitror pertinere. erat, inquit, illarum partium. quid ni? qui apud te esset educatus, quem tu à puero sic instituis, ut nobili ne gladiatorum quidem haberet. sicut tu semper summe concupisti, idem uolebat Alphenus: ea re tibi cum eo par contentio erat. Bruti, inquit, erat familiaris, itaque is intercedebat. tu contra Burrieni, qui iniuriam decernebat; omnium denique illorum, qui tum & poterant per uim et scelus plurimum, & quod poterant, id audebant. an omnes tu istos uincere uolebas, qui nunc, tu ut uincas, tantopere laborant? aude id dicere, non palam, sed his ipsis quos aduocasti: tametsi nolo eam rem commemorando renouare, cuius omnino rei memoriam omnem tolli funditus ac deleri arbitror oportere. unum illud dico, si propter partium studium potens erat Alphenus, potentissimus Neuus: si fretus gratia postulabat aliquid iniquius Alphenus, multo iniquiora Neuus impetrabat: neque enim inter studium uestrum quicquam, ut opinor, interfuit: ingenio, uetustate, artificio tu facile uicisti. ut alia omittam, hoc satis est: Alphenus cum istis, & propter eos perire, quos diligebat: tu, postquam, qui tibi erant amici, non poterant uincere; ut amici tibi



tibi essent, qui uincebant, effecisti. quòd si tum par tibi  
ius cum Alphenò, fuisse non putas, quia tamen aliquem  
contra te aduocare poterat; quia magistratus aliquis re-  
periebatur, apud què Alpheni causa còsisteret: quid hoc  
tempore Quintio statuendum est? cui neq; magistratus  
adhuc æquus inuentus est; neq; iudiciũ redditum est usi-  
tatum; non conditio, non sponsio, nõ deniq; ulla unq̃ in-  
tercessit postulatio, mitto æqua, uerum ante hoc tempus  
ne fando quidem audita. de re pecuniaria cupio conten-  
dere: non licet. at ea controuersia est: nihil ad me atti-  
net: causam capitis dicas, oportet. accusa, ubi ita necesse  
est: non, inquit, nisi tu ante nouo modo priore loco dixe-  
ris: dicendum necessario est: præstituendæ horæ ad arbi-  
trium nostrum: iudex ipse arcessetur. quid tum? tu ali-  
quem patronum inuenies hominem antiqui officij, qui  
splendorem nostrum & gratiam negligat? pro me pu-  
gnabit L. Philippus, eloquentia, grauitate, honore, floren-  
tissimus ciuitatis: dicet Hortensius, excellens ingenio, no-  
bilitate, existimatione: aderunt autem homines nobilissi-  
mi ac potentissimi, quorum frequentiam & consessum  
nò modo P. Quintius, qui de capite decernit, sed qui uis,  
qui extra periculum sit, perhorrescat. hæc est iniqua cer-  
tatio, nõ illa, qua tu contra Alphenum uelitabaris. huic,  
ne ubi còsisteret quidem contra te, locũ reliquisti. quare  
aut doceas oportet, Alphenum negasse se procuratorem  
esse, non deiecisse libellos, iudiciũ accipere noluisse: aut,  
cum hæc facta sint, ex edicto te bona P. Quintij nõ pos-  
sedisse concedas: etenim, si ex edicto possedisti, quæro, cur  
bona non uenerint? cur ceteri sponsores & creditores  
conuenerint? nemo ne fuit, cui deberet Quintius? fua

runt, & complures fuerunt: propterea quòd Caius frater aliquantum aris alieni reliquerat. quid ergo est? homines erant ab hoc omnes alienissimi, & ijs debebatur, neq; tamen quisquam inuentus est tam insignite improbus, qui uiolare P. Quintij existimatione absentis auderet. unus fuit, affinis, socius, necessarius Sex. Neuius, qui, cum ipse ultro deberet, quasi eximio pramio sceleris exposito, cupidissime contenderet, ut per se afflictum atq; euersum propinquum suum non modo honeste partis bonis, uerum etiam còmuni luce priuaret. ubi erant ceteri creditores? denique hoc tempore ubi sunt? quis est, qui fraudationis causa latuisse dicat? quis, qui absentem defensum neget esse Quintium? nemo inuenitur. at contra omnes, quibuscum ratio huic aut est, aut fuit, adsunt, defendunt; fides huius muleis locis cognita ne perfidia Sex. Neuij derogetur, laborant. in huiusmodi sponsonem testes dare oportebat, ex eo numero qui hæc dicerent: uadi monium mihi deseruit: me fraudauit: à me nominis eius, quod inficiatus esset, diem petiuit: ergo experiri non potui, latitauit, procuratorem nullum reliquit. horum nihil dicitur. parantur testes, qui hæc dicant. uerum opinor uiderimus, cum dixerint. unum tamen hoc cogitent, ita se graues esse, ut, si ueritatem uolent retinere, grauitatem possint obtinere; si eam negligent, ita leues sint, ut omnes intelligant, non ad obtinendum mendaciũ, sed ad uerum probandũ auctoritatem adiuuare. ego hæc duo quero: primum, qua ratione Neuius susceptum negotium nõ transegerit, hoc est cur bona, quæ ex edicto possidebat, non uendiderit: deinde, cur ex tot creditoribus alijs ad istam rationem nemo accesserit: ut. necessario

confiteare, neque eorum tam temerarium quengquam  
fuisse, neque te ipsum id, quod turpissime suscepisses,  
perseuerare & transigere potuisse. quid, si tu ipse Sex.  
Nesi statuisti bona P. Quintij ex edicto possessa non  
esse? opinor, tuum testimonium, quod in aliena re leue  
esset, id in tua, quoniam contra te est, grauissimum  
debet esse. emisti bona Sex. Alpheni L. Sylla Dictatore  
uendente: socium tibi in his bonis edidisti Quintium.  
• plura non dico. cum eo tu uoluntariam societatem coi-  
bas, qui te in hereditaria societate fraudarat: &  
eum iudicio tuo comprobabas, quem spoliatum fama  
fortuniq; omnibus arbitrabare. Diffidebam meher-  
cule C. Aquili satis animo certo & confirmato me posi-  
se in hac causa consistere: sic cogitabam, cum contra  
dicturus esset Hortensius, & cum esset attente auditu-  
rus Philippus, fore, uti permultis in rebus timore pro-  
laberer. dicebam huic Q. Roscio, cuius soror est cum  
P. Quintio, cum à me peteret, & summe contende-  
ret, ut propinquum suum defenderem, mihi. perdif-  
ficile esse contra tales oratores non modo tantam cau-  
sam perorare, sed omnino uerbum facere conari. cum  
cupidius instaret, homini pro amicitia familiarius di-  
xi, mihi uideri ore durissimo esse qui praesente eo ge-  
stum agere conaretur; qui uero cum ipso cōtenderent,  
eos, etiā si quid antea recti aut uenusti habere uisi sunt;  
id amittere: ne quid mihi eiusmodi accideret, cum con-  
tra talem artificem dicturus essem, me uereri. tum mihi  
Roscius & alia multa confirmandi mei causa dixit: &  
mehercule si nihil diceret, tacito ipso officio & stu-  
dio, quod adhibebat erga propinquum suum, quemuis

commoueret. etenim cum artifex eiusmodi sit, ut solus dignus uideatur esse, qui in scena spectetur: tum uir eiusmodi est, ut solus dignus uideatur, qui eò non accedat. ueruntamen, quid si, inquit, habes eiusmodi causam, ut hoc tibi planum sit faciendum, neminem esse, qui possit biduo, ad summum triduo septingenta millia passuum ambulare? tamen ne uereris, ut possis hæc contra Hortensium contendere? minime, inquit. sed quid id ad rem? nimium, inquit, in eo causa consistit. quo modo? docet me eiusmodi rem, & factum simul Sex. Neuij: quod si solū proferretur, satis esse deberet. quod abs te C. Aquili, & à uobis, qui adestis in cōsilio, quaeso, ut diligenter attendatis: profecto intelligetis, illinc ab initio cupiditatem pugnassee & audaciam; hinc ueritatem & pudorem, quoad potuerit, restitisse. Bona postulas ut ex edicto possidere liceat: quo die? te ipsum Neui uolo audire: uolo inauditum facinus ipsius, qui id commisit, uoce conuinci. dic Neui diem. ante V. Cal. intercalares. bene agis. quàm longe est hinc in saltum uestrum Gallicanum? Neui te rogo. D C C millia passuum. optime. de salto deijcitur Quintius, quo die? possumus hoc quoque ex te audire: quid taces? dic inquam diem. pudet dicere. intelligo: uerum & sero, & nequicquam pudet. deijcitur de saltu C. Aquili pridie Cal. intercalares. biduo post, aut, ut statim de iure aliquis cucurrerit, non toto triduo D C C millia passuum conficiuntur. ò rem incredibilem: ò cupiditatem inconsideratam: ò nuntium uolucrum. administrari & satellites Sex. Neuij Roma trans alpeis in Sebusianos biduo ueniunt. ò hominem fortunatum, qui eiusmodi nuntios, seu potius pegafos habeat.

hic ego, si Crassi omnes cū Antonijs existant, si tu L. Philippe, qui inter illos florebas, hāc causam uoles cum Hortensio dicere, tamen superior sim necesse est: non enim, quemadmodum putatis, omnia sunt in eloquentia: est quaedam tamen ita perspicua ueritas, ut eam infirmare nulla res possit. an, anteq̃ postulasti ut bona possideres, misisti, qui curarent ut dominus de suo fundo à sua familia ui deiceretur? utrunlibet elige. alterum incredibile est, alterum nefarium; & ante hoc tempus utrunq; inauditū. DCC millia passuum uis esse decursa biduo? dic. negas? ante igitur misisti. malo: si. n. illud diceres, improbe mentiri uiderere: cum hoc confiteris, id te admisisse concedis, quod ne mendacio quidem tegere possis. hoc consilium Aquilio & talibus uiris tam cupidū, tam audax, tam temerarium probabitur? quid hāc amentia? quid hāc festinatio? quid hāc immaturitas tanta significat? non uim? non scelus? non latrocinium? non deniq; omnia potius, quā ius, quā officium, quā pudorē? mittis iniussu Prætoris: quo consilio? iussurum sciebas? quid? cum iussisset, tum mittere non ne poteras? postulaturus eras: quando? post dies XXX: nempe si te nihil impediret, si uoluntas eadem maneret, si ualeres, denique si uiueres. Prætor iussisset: opinor si uellet, si ualeret, si ius diceret, si nemo recusaret, qui ex ipsius decreto & satisfaceret, & iudiciū accipere uellet. nam per deos immortales si Alphenus procurator P. Quintij tibi tum satisfaceret, et iudiciū accipere uellet, deniq; omnia, quæ postulares, facere uoluisset, quid ageres? renouares eum, quem in Galliam miseris? at hic quidem iam de fundo expulsus, iam à suis dijs penatibus præceps electus,

iam, quod indignissimum est, suorum seruorum manibus; nuntio atque imperio tuo uiolatus esset. corrigeres hæc scilicet tu postea. de cuiusquam uita dicere audes, qui hoc concedas necesse est, ita te cæcum cupiditate & auaritia fuisse, ut, cum, postea quid futurum esset, ignorares (accidere autem multa possent) spem maleficij præsentis in incerto reliqui temporis euentu collocares? atq; hæc perinde loquor, quasi ipso illo tempore, cum te Prætor iussisset ex edicto possidere, si in possessionem mississes, debueris aut potueris P. Quintium de possessione deturbare. omnia sunt C. Aquili eiusmodi, quiuis ut perspicere possit, in hac causa improbitatem & gratiã cum inopia & ueritate cõtendere. Prætor te quemadmodum possidere iussit? opinor, ex edicto. sponsio quæ in uerba facta est? ni ex edicto Prætoris bona P. Quintij possessa non sint. redeamus ad edictum. id quidem quemadmodum iubet possidere? nũ quid est causæ C. Aquili, quin, si lôgè aliter possedit, quàm Prætor edixit, iste ex edicto non possederit, ego sponsione uicerim? nihil, opinor. cognoscamus edictum. **QVI EX EDICTO MEO IN POSSESSIONEM VENERIT.** de te loquitur Neui, quemadmodum tu putas: ais enim te ex edicto uenisse: tibi, quid facias, definit, te instituit; tibi præcepta dat. **EOS ITA VIDETVR IN POSSESSIONE ESSE OPORTERE.** quomodo? **QVOD IBIDEM RECTE CVSTODIRE POTERVNT, ID IBIDEM CVSTODIANT: QVOD NON POTERVNT, ID AVFERRE ET ABDVCERE LICEBIT.** quid tum? **DOMINVM (inquit) INVITVM**

DETRUDERE NON PLACET. cum ipsum, qui fraudandi causa latitet; cum ipsum, quem iudicio nemo defendat; cum ipsum, qui cum omnibus creditoribus suis male agat, inuitum de prædio detrudi uetat. proficiscenti tibi in possessionem Prætor ipse Sex. Neui palam dicit, ita possideto, ut tecum simul possideat Quintius: ita possideto, ut Quintio ius non auferatur. quid? tu id quemadmodum obseruas? mitto illud dicere, tam, qui non latitaret, cui Romæ domus, uxor, liberi, procurator esset; eum, qui tibi uadimonium non deseruisset: hæc omnia mitto, illud dico, dominum expulsus esse de prædio, domino à familia sua manus allatas esse ante suos lares familiares. hoc dico,

\*

Neuium ne appellauisse quidem Quintium, cum simul esset, experiri posset quotidie: deinde quod omnia iudicia difficillima cum summa sua inuidia, maximoque periculo P. Quintii fieri mallet, quam illud pecuniarium iudicium, quod uno die transigi posset: ex quo uno hæc omnia nata, & profecta esse concedit. quo in loco conditionem tuli, si uellet pecuniam petere, P. Quintium iudicatum solui satisfidaturum, dum ipse, si quid peteret, pari conditione uteretur. ostendi, quam multa ante fieri conuenerit, quam hominis propinqui bona possideri postularentur, præsertim cum Romæ domus eius, uxor, liberi essent, & procurator æque utriusque necessarius. docui, cum desertum esse dicat



uadimonium, omnino uadimonium nullum fuisse : quo  
 die hunc sibi promississe dicat, eo die ne Roma quidē eum  
 fuisse, id testibus me pollicitus sum planum facturum,  
 qui & scire deberent, & causam, cur mentirentur, non  
 haberent. ex edicto autem nō potuisse bona possideri, de-  
 monstrauī : q̄ neque fraudandi causa latitasset, neque  
 exiliū causa solum uertisse diceretur. reliquū est, ut eum  
 nemo iudicio defenderit : quod contra copiosissime de-  
 fensum esse contendi, non ab homine alieno, neque ab ali  
 quo calumniatore atque improbo, sed ab equite R. pro-  
 pinquo & necessario suo, quem ipse Sex. Neuius procu-  
 ratorem relinquere antea consueffet : neq; eum, si Tribu-  
 nos appellarit, iccirco minus iudicio pati paratum fuisse;  
 neq; potentia procuratoris Neuii ius exceptum : contra  
 istum potentia sua tum tantummodo superiorem fuisse,  
 nunc nobis uix respirandi potestatem dare. quāsiui, quā  
 causa fuisset, cur bona non uenissent, cum ex edicto possi-  
 derentur. deinde illud quoq; requisui, quā ratione ex tot  
 creditoribus nemo neque tum idem fecerit, neque nunc  
 cōtra dicat, omnesq; pro P. Quintio pugnent, præsertim  
 cum in tali iudicio testimonia creditorum existimentur  
 ad rem maxime pertinere. postea sum usus aduersarij  
 testimonio, qui sibi eum nuper edidit socium, quem, quo-  
 modo nūc intendit, ne in uiuorum quidem numero tum  
 demonstrat fuisse. tum illam incredibilem celeritatem  
 seu potius audaciam protuli : confirmaui necesse esse aut  
 biduo D C C millia passuū esse decursa, aut Sex. Neuium  
 diebus cōpluribus ante in possessionem misisse, quā pos-  
 tularēt, ut ei liceret bona possidere. postea recitauī edi-  
 ctum, quod aperte dominum de prædio detrudi uctaret :



in quo constitit Neuium ex edicto nō possedisse, cum confiteretur ex prædio uī detrusum esse Quintium: omnino autem bona possessa non esse constitui, quod bonorū possessio spectetur non in aliqua parte, sed in uniuersu, quæ teneri ac possideri possint. dixi Romæ domum fuisse, quō iste ne aspirarit quidem; seruos complures, ex quibus iste possederit neminem, ne attigerit quidem; unum fuisse quem attingere conatus sit, prohibitum fuisse, quæ uisse. in ipsa Gallia cognostis in prædia priuata Quintij Sex. Neuium nō uenisse: denique ex hoc ipso saltu, quem per uim expulso socio possedit, seruos priuatos Quintij non omnes eiectos esse. ex quo, & ex cæteris dictis, factis, cogitatisq; Sex. Neuij quīuis potest intelligere, istum nihil aliud egisse, neque nunc agere, nisi uti per uim, per iniuriam, per iniquitatem iudicij totum agrum, qui communis est, suum facere possit. Nunc, causa perorata, res ipsa & periculi magnitudo C. Aquili cogere uideatur, ut te, atq; eos, qui tibi in consilio sunt, obsecret, obtesteturq; P. Quintius per senectutem, ac solitudinem suā, nihil aliud, nisi ut uestre naturæ bonitatiq; obsequamini: ut, cum ueritas cum hoc faciat, plus huius inopia possit ad misericordiam, quā illius opes ad crudelitatem. quo die ad te iudicem uenimus, eodem die illorum minas, quas ante horrebamus, negligere cœpimus. si causa cum causa contenderet, nos nostram per facile cuius probaturos statuebamus. quod uitæ ratio cum ratione uitæ decerneret, iccirco nobis etiam magis te iudice opus esse arbitrati sumus: ea res enim nunc in discrimen uersatur, utrum ne possit se contra luxuriam, ac licentiam rusticana illa atque inculta parsimonia defendere; an

deformata atq; ornamentis omnibus spoliata, nuda cupiditati, petulantiaq; addicatur. non comparat se tecum gratia P. Quintius Sex. Neui, non opibus, non facultate contendit: omnes tuas artes, quibus tu magnus es, tibi concedit, fatetur se non belle dicere, non ad uoluntatem loqui posse, non ab afflictâ amicitia transfugere, atque ad florentem aliam deuolare, non profusis sumptibus uiuere, non ornare magnifice splendideq; conuiuium, non habere domum clausam pudori & sanctimonie, patentem atq; adeo expositam cupiditati & uoluptatibus: contra, sibi officium, fidem, diligentiam, uitam omnino semper horridam atq; aridam cordi fuisse. ista superiora esse, ac plurimum posse his moribus sentire, quid ergo est? non usque eò tamen, ut in capite fortunisq; hominum honestissimorum dominetur, qui, relictâ bonorum uirorum disciplina, & questum, & sumptum Galloni sequi maluerunt, atq; etiam, quod in illo non fuit, cum audacia perfidiaq; uixerunt. si licet uiuere eum, quem Sex. Neuius non uult, si est homini honesto locus in ciuitate inuito Neui, si fas est respirare P. Quintium contra nutum dicionemq; Neui, si, quæ pudore ornamenta sibi peperit, ea potest contra petulantiam te defendente obtinere: spes est, & hunc miserum, atque infelicem aliquando tamen posse consistere. sin et poterit Neuius id quod libet, et ei libebit quod non licet: quid agendum est? qui deus appellandus est? cuius hominis fides imploranda est? qui denique questus, qui mæror dignus inueniri calamitate tanta potest? miserum est, exturbari fortunis omnibus: miseriùs est, iniuria, acerbum est, ab aliquo circumueniri: acerbius, à propinquo.

calamitosum est, bonis eueriti: calamitosus, cum dedecore, funestum est, à forti atq; honesto uiro iugulari: funestius, ab eo, cuius uox praconio quaestu prostitit. indignum est, à pari uinci, aut superiore: indignius, ab inferiore, atq; humiliore. luētuosum est, tradi alteri cum bonis: luētuosius, inimico. horribile est, causam capitis dicere: horribilius, priore loco dicere. omnia circumstexit Quintius, omnia periclitatus est C. Aquili: non Prato rem modo, à quo ius impetraret, inuenire nō potuit, atq; adeo ne unde arbitrari quidem suo postularet: sed ne amicos quidem Sex. Nēui, quorum sepe & diu ad pedes iacuit stratus, obsecrans per deos immortales, ut aut secum iure contenderent, aut iniuriam sine ignominia sibi imponerent. denique ipsius inimici uultum superbissimum subiit: ipsius Sex. Nēui lacrymans manum apprehendit, in propinquorum bonis proscribendus exercitatum: obsecrauit per fratris sui mortui cinerem, per nomen propinquitatis, per ipsius coniugem & liberos, quibus propior P. Quintio nemo est, ut aliquando misericordiam caperet: aliq, si non propinquitatis, at atatis suae, si nō hominis, at humanitatis rationē haberet: ut secum aliquid integra sua fama, qualibet, dūmodo tolerabili, conditione transigeret. ab ipso repudiatus, ab amicis eius nō subleuatus, ab omni magistratu agitatus atq; perterritus, quē prater te appellet, habet neminē: tibi se, tibi suas omnes opes, fortunasq; cōmendat: tibi cōmittit existimationē ac spem reliquae uitae: multis uexatus cōtume-  
 līs, plurimis iactatus iniurijs, nō turpis ad te, sed miser cōfugit. ē fundo ornatissimo deiectus, ignominijs omnibus appetitus, cū illū in suis paternis bonis dominari ui-

deret, ipse filiae núbili dotē cōficere nō posset, nihil alienu  
tamen uita superiore cōmisit. itaq; te hoc obsecrat C. A.  
quili, ut quā existimationē, quā honestatē in iudiciū tuū  
propē acta iam etate decursaq; attulit, eam liceat ei se-  
cum ex hoc loco efferre, ne is, de cuius officio nemo un-  
quam dubitauit, sexagesimo denique anno dedecore, ma-  
cula, turpissimāq; ignominia notetur: ne ornamentis  
eius omnibus Sex. Neuius pro stolijs abutatur; ne per te  
ferat, quo minus quæ existimatio P. Quintiū usq; ad se-  
nectutē perduxit, eadem usq; ad rogum prosequatur.

## PRO SEX. ROSCIO AMERINO.

## O R A T I O II.

REDO EGO Vos iud. mirari,  
quid sit, quod, cum tot summi orato-  
res hominesq; nobilissimi sedeant, ego  
C potissimum surrexerim, is, qui neque  
etate, neq; ingenio, neq; auctoritate sim  
cum his, qui sedeant, cōparandus. omnes enim hi, quos ui-  
detis adesse in hac causa, iniuriam nouo scelere cōflatam  
putāt oportere defendi, defendere ipsi propter iniquita-  
tem temporum non audent. ita fit, ut adsint, propterea  
q̃ officium sequuntur: taceant autem iccirco, quia pe-  
riculum metuūt. quid ergo? audacissimus ego ex omni-  
bus? minime. at tanto officiosior, quā ceteri? ne istius  
quidem laudis ita sum cupidus, ut alijs eam præreptam  
uelim. quæ me igitur res præter ceteros impulit, ut cau-  
sam Sex. Roscij reciperem? quia, si quis istorum dixisset,  
quos uidetis adesse, in quibus summa auctoritas est, atq;

amplitudo, si uerbū de Rep. fecisset, id quod in hac cau-  
 sa fieri necesse est, multo plura dixisse, quā dixisset, pu-  
 taretur: ego etiam si omnia, quæ dicenda sunt, libere di-  
 xero, nequaquam tamen similiter oratio mea exire, atq;  
 in uulgus emanare poterit. deinde, quod cæterorum ne-  
 que dictum obscurum potest esse propter nobilitatem,  
 & amplitudinem, neque temere dicto concedi pro-  
 pter ætatem & prudentiam: ego si quid liberius dixe-  
 ro; uel occultum esse propterea, quod non dum ad  
 Remp. accessi; uel ignosci adolescentiæ meæ poterit. tam-  
 etsi non modo ignoscendi ratio, uerum etiam cognoscen-  
 di consuetudo iā de ciuitate sublata est. accedit illa quo-  
 que causa, quod à cæteris forsitan ita petitum sit, ut di-  
 cerent, ut utrumuis saluo officio se facere posse arbitra-  
 rentur: à me autem i contenderunt, qui apud me &  
 amicitia, & beneficijs, & dignitate plurimum possunt:  
 quorum ego neq; beneuolentiā erga me ignorare, nec au-  
 ãtoritatem aspernari, nec uoluntatem negligere debeam.  
 his de causis ego huic causæ patronus extiti: non electus  
 unus, qui maximo ingenio; sed relictus ex omnibus, qui  
 minimo periculo possem dicere: neq; uti satis firmo præ-  
 sidio defensus Sex. Roscius, uerū uti ne omnino desertus  
 esset. forsitan quærat, qui iste terror sit, & quæ tanta  
 formido, quæ tot ac tales uiros impediat, quo minus pro  
 capite & fortunis alterius, quemadmodum consueue-  
 runt, causam uelint dicere. quod adhuc uos ignorare nō  
 mirum est, propterea q̃ consulto ab accusatoribus, eius  
 rei, quæ conflauit hoc iudiciū, mentio facta non est. quæ  
 res ea est bona patris huiusce Sex. Roscij, quæ sunt sexa-  
 gies, quæ de uiro fortissimo & clarissimo L. Sylla, quem

honoris causa nomino, duobus millibus nummū sese dicit emisse adolescens uel potentissimus hoc tēpore nostrae ciuitatis L. Cornelius Chrysogonus. is à uobis iudices hoc postulat, ut, quoniam in alienam pecuniam tā plenam, atq; praeclaram nullo iure inuaserit, quoniamq; ei pecunia uita Sex. Roscij obstare, atq; officere uideatur, delectis ex animo suo suspicionem omnē, metumq; tollatis. sese hoc incolumi nō arbitratur huius innocentis patrimoniū tam ampliū, & copiosum posse obtinere: damnato et eiecto, sperat se posse, quod adeptus est per scelus, id per luxuriā effundere atq; consumere. hunc sibi ex animo scrupulum, qui se dies noctesq; stimulat ac pungit, ut euellatis postulat: ut ad hanc suam praedā tam nefariam adiutores uos profiteamini. si uobis aqua et honesta postulatio uidetur iudices: ego cōtra breuem postulationē afferro, & (quomodo mihi persuadeo) aliquanto equiorē. prius à Chrysogono peto, ut pecunia fortunisque nostris contentus sit, sanguinē et uitā ne petat: deinde à uobis iudices, ut audaciū sceleri resistatis, innocentium calamitatem leuetis, & in causa Sex. Roscij periculum, quod in omnes intenditur, propulsetis. q̄ si aut causa criminis, aut facti suspicio, aut quaelibet deniq; uel minima res reperietur, quamobrem uideatur illi nō nihil tamen in deferendo nomine secuti; postremo si praeter eam praedā, quam dixi, quicquā aliud causae inueneritis: non recusamus, quin illorum libidini Sex. Roscij uita dedatur. sin aliud agitur nihil, nisi ut his ne quid desit, quibus satis nihil est; si hoc solum hoc tēpore pugnatur, ut ad illā opimā praeclaramq; praedam dānatio Sex. Roscij, uelut cumulus, accedat: nōne cum multa indigna, tum uel hoc indignissimum est,

uos idoneos habitos, per quorū sententias, iusq; iurādū id  
assequantur, quod antea ipsi scelere & ferro assequi con-  
suerunt? qui ex ciuitate in senatū propter dignitatē, ex  
senatu in hoc cōsiliū delecti estis propter seueritatē: ab his  
hoc postulare homines sicarios atq; gladiatores, nō modo,  
ut supplicia uitēt, quæ à uobis pro maleficijs suis metue-  
re atq; horrere debēt, uerū etiā ut spolijs Sex. Rosci hoc  
iudicio ornati auctiq; discedāt? his de rebus tātis, tamq;  
atrocibus neq; satis me cōmode dicere, neq; satis grauiter  
cōqueri, neq; satis libere uociferari posse intelligo: nā cō-  
moditati ingeniū, grauitati atas, libertati tēpora sunt im-  
pedimēto. huc accedit summus timor: quē mihi natura  
pudorq; meus attribuit, et uestra dignitas, et uis aduersa  
riorū, et Sex. Rosci pericula, quapropter uos oro atq; ob-  
secro iudices, ut attēte, bonāq; cū uenia uerba mea audia-  
tis. fide sapiētiāq; uestra fretus, plus oneris sustuli, q̄ fer-  
re me posse intelligo. hoc onus si uos aliqua ex parte alle-  
uabitis, feram, ut potero, studio et industria iudices. sin-  
à uobis (id quod nō spero) deserar, tamē animo nō defi-  
ciam, et id, quod suscepi, quoad potero, perferam. q̄ si  
perferre nō potero, opprimi me onere officij malo, q̄ id,  
quod mihi cum fide semel impositu est, aut propter per-  
fidiā abycere, aut propter infirmitatē animi deponere. te  
quoq; magnopere M. Fanni quæso, ut, qualē te iam antea  
populo R. prabuisti, cū huic idē quæstioni iudex præf-  
ses, talem te et nobis, et populo R. hoc tempore impertias.  
quanta multitudo hominum cōuenerit ad hoc iudicium,  
uides: quæ sit omniū mortalium expectatio, quæ cupidi-  
tas, ut acria ac seuera iudicia fiant, intelligis. longo in-  
teruallo iudicium inter sicarios hoc primum cōmittitur,



cum interea cædes indignissimæ maximæq; factæ sint. omnes hanc questionem te Prætor de manifestis maleficijs, quotidianoq; sanguine haud remissius sperant futuram. qua uociferatione in cæteris iudicijs accusatores uti consueuerunt, ea nos hoc tempore utimur, qui causam dicimus. petimus abs te M. Fanni, à uobisq; iud. ut quâ acerime maleficia uindictis, ut quamfortissime hominibus audacissimis resistatis, ut hoc cogitetis, nisi in hac causa, qui uester animus sit, ostendetis, eò prorûpere hominum cupiditatem, & scelus, et audaciam, ut non modo clam, uerum etiam hic in foro, ante tribunal tuum M. Fanni, ante pedes uestros iudices, inter ipsa subsellia cædes futuræ sint : etenim quid aliud hoc iudicio ceteratur, nisi ut id fieri liceat ? accusant ij, qui in fortunas huius inuaserunt : causam dicit is, cui præter calamitatem nihil reliquerunt. accusant ij, quibus occidi patrem Sex. Roscij bono fuit : causam dicit is, cui non modo luctum mors patris attulit, uerum etiam egestatem. accusant ij, qui hunc ipsum iugulare summe cupierunt : causam dicit is, qui etiâ ad hoc ipsum iudiciû cum præsidio uenit, ne hic ibidem ante oculos uestros trucidetur. deniq; accusant ij, quos populus poscit : causam dicit is, qui unus relictus ex illorum nefaria cæde restat. atq; ut facilius intelligere possitis iudices, ea, quæ facta sunt, indigniora esse, q̃ hæc sunt, quæ dicimus: ab initio res quemadmodum gesta sit, uobis exponemus, quo facilius & huius hominis innocentissimi miseras, & illorum audaciam cognoscere possitis, & Reip. calamitatem. Sex. Roscius pater huiusce, municipis Amerinus, fuit cum genere, & nobilitate, & pecunia non modo sui municipij, uerum etiam eius uicini-

etatis



tatis facile primus, tum gratia atq; hospitij florens ho-  
 minum nobilissimorum: nam cum Metellis, Seruijs,  
 Scipionibus erat ei non modo hospitium, uerum etiam  
 domesticus usus & consuetudo: quas (ut æquum est) fa-  
 milias honestatis amplitudinisq; gratia nomino. itaque  
 ex suis omnibus commodis hoc solum filio reliquit: nam  
 patrimonium domestici prædones ui ereptum possident:  
 fama & uita innocentis ab hospitibus, amicisq; paternis  
 defenditur. hic cum omni tempore nobilitatis fautor  
 fuisset, tum hoc tumultu proximo, cum omnium nobiliū  
 dignitas, & salus in discrimen ueniret, præter ceteros in  
 ea uicinitate eam partem, causamq; opera, studio, aucto-  
 ritate defendit: etenim rectum putabat, pro eorum ho-  
 nestate se pugnare, propter quos ipse honestissimus inter  
 suos numerabatur. posteaquam uictoria constituta est,  
 ab armisq; recessimus: cum proscriberentur homines,  
 atq; ex omni regione caperentur ij, qui aduersarij fuisse  
 putabantur, erat ille Romæ frequens, atq; in foro, & in  
 ore omnium quotidie uersabatur, magis ut exultare ui-  
 ctoria nobilitatis uideretur, q̃ timere ne quid ex ea cala-  
 mitatis sibi accideret. erant ei ueteres inimici cū duo-  
 bus Roscijs Amerinis, quorum alterum sedere in accusa-  
 torum subsellijs uideo, alterum tria huiusce prædij pos-  
 sidere audio. quas inimicitias si tam cauere potuisset, q̃  
 metuere solebat, uiueret: neq; enim iud. iniuria metue-  
 bat: nam duo isti sunt T. Roscij, quorum alteri Capito-  
 ni cognomen est: iste, qui adest, Magnus uocatur: homi-  
 nes eiusmodi, alter plurimarum palmarum uetus ac no-  
 bilis gladiator habetur: hic autem nuper se ad eum la-  
 nistā contulit, qui, cū ante hāc pugnam tyro esset scien-

Cic. Orat.

D



tia, facile ipsum magistrū scelere, audaciāq; superauit. nā cum hic Sex. Roscius esset Ameriæ, T. autē iste Roscius Romæ; cū hic filius assiduus in prædijs esset, cumq; se uolūate patris rei familiari, uitāq; rusticæ dedisset, iste autē frequēs Romæ esset: occiditur ad balneas Palatinas rediēs à cœna Sex. Roscius. spero ex hoc ipso nō esse obscurū, ad quē suspicio maleficij pertineat: uerū id, quod adhuc est suspiciosum, nisi perspicuū res ipsa fecerit, hūc affinem culpæ iudicatote. Occiso Sex. Roscio primus Ameriā nuntiat Mālius Glaucia quidā, homo tenuis, libertinus, cliens, & familiaris istius T. Roscij: & nuntiat domū, nō filij, sed T. Capitonis inimici. & cum post horam primā noctis occisus esset, primo diluculo nuntius hic Ameriā uenit. decē horis nocturnis sex & quinquaginta millia passuū ciuijs peruolauit: nō modo ut exoptatum inimico nuntium primus afferret, sed etiam cruorē inimici quā recētissimum, telumq; paulo ante ē corpore extrahē ostēderet. quatriduo, quo hæc gesta sunt, res ad Chrysogonū in castra L. Syllæ Volaterras deferretur: magnitudo pecuniæ demonstratur: bonitas prædiorum (nam fundos decem & tres reliquit, qui Tyberim ferē omnes tangūt) huius inopia & solitudo cōmemoratur. demonstrant, cū pater huiusce Sex. Roscius, homo tā splendidus & graciosus, nullo negotio sit occisus, per facile hūc, hominē incautum, & rusticū, et Romæ ignotū, de medio tolli posse. ad eā rem operam suā pollicentur. ne diutius uos teneā iud. societas coitur. cū iam proscriptionis mentio nulla fieret, & cū, etiam qui antea metuerant, redirent, ac iam defunctos sese periculis arbitarentur: hominis studiosissimi nobilitatis manceps fit Chrysogonus;

tria prædia uel nobilissima Capitoni propria traduntur, quæ hodie possidet: in reliquas omnes fortunas iste T. Roscius nomine Chrysogoni, quemadmodum ipse dicit, impetum facit. hæc bona sexagies HS, emuntur duobus milibus nummum: hæc omnia iud. imprudens L. Sylla facta esse certo scio. neque enim mirum, cum eodem tempore et ea, quæ præterita sunt, et ea, quæ uidentur instare, præpararet; cum et pacis constituendæ ratione, et belli gerendi potestate solus habeat; cum omnes in unum spectent, unus omnia gubernet; cum tot tantisque negotiis distentus sit, ut respirare libere non possit: si aliquid non animaduertat: cum præsertim tam multi occupatione eius obseruent, tempusque aucupetur, ut simul atque ille despexerit, aliquid huiusce modi moliantur. huc accedit, quod quamuis ille felix sit, si cut est, tamen in tanta felicitate nemo potest esse in magna familia, qui neminem neque seruum, neque libertum improbum habeat. interea iste T. Roscius uir optimus, procurator Chrysogoni, Ameriam uenit, in prædia huius inuadit, hunc miserum, luctu perditum, qui non dum etiam paterno funeri iusta soluisset, nudum eicit domo; atque foras patris, dumque penatibus præcipitem iudices exturbat: ipse amplissime pecunia fit dominus: qui in sua re fuisset egentissimus, erat (ut fit) insolens in aliena: multa palam domum suam auferbat, plura clauis de medio remouebat: non pauca suis adiutoribus large effususque donabat, reliqua constituta auctione uendebat. quod Amerinis usque eo uisum est indignum, ut urbe tota fletus gemitusque fieret: etenim multa simul ante oculos uersabantur: mors hominis florentissimi Sex. Roscii crudelissima: filii auctorem eius egestas indignissima, cui de tanto patrimonio

prædo iste nefarius ne iter quidem ad sepulcrum patriū reliquisset: bonorum emptio, flagitiosa possessio, furta, rapina, donationes. nemo erat, qui nō ardere omnia mallet, q̄ uidere in Sex. Roscij uiri optimi, atq; honestissimi bonis iactantem se, ac dominantē T. Roscium. itaq; decurionum decretum statim fit, ut decemprimi profiscantur ad L. Syllam; doceatq; eum, qui uir Sex. Roscius fuerit; conquerantur de istorum scelere & iniurijs; orēt, ut & illius mortui famam, & filij innocentis fortunas cōseruatas uelit. atque ipsum decretum quaeso cognoscite.

DECRETVM DECVRIONVM. Legati in castra ueniunt. intelligitur iud. id quod iam ante dixi, imprudente L. Sylla scelera hac & flagitia fieri: nā statim Chrysogonus & ipse ad eos accedit, & homines nobiles allegat is, qui peterent, ne ad Syllam adirent, & omnia Chrysogonum, quæ uellent, esse facturum polliceretur. usq; adeo autem ille pertimuerat, ut mori mallet, q̄ de his rebus Syllam doceri. homines antiqui, qui ex sua natura ceteros fingerent, cum ille confirmaret sese nomē Sex. Roscij de tabulis exēpturum, prædia uacua filio traditurum, cumq; id ita futurū T. Roscius Capito, qui in X. legatis erat, adpromitteret, crediderunt, Ameriam re inorata reuerterunt. ac primo rem differre quotidie ac procrastinare isti cœperunt, deinde aliquāto lentius, nihil agere atq; deludere, postremo (id quod facile intelletū est) insidias uitæ huiusce Sex. Roscij parare, neq; sese arbitrari posse diutius alienam pecuniam domino incolumi obtinere. quod is simul atq; sensit, de amicorum cognatorumq; sententia Romam confugit, & sese ad Cæciliam Nepotis filiam, quā honoris causa nomino, cōtulit,

qua pater usus erat plurimum. in qua muliere iud. etiā  
nunc, id quod omnes semper existimauerunt, quasi exem-  
pli causa uestigia antiqui officij remanent. ea Sex. Ro-  
scium inopem, eiec-tum domo, atq; expulsū ex suis bo-  
nis, fugientem latronum tela & minas, recepit domum,  
hospitiq; oppresso iam, desperatoq; ab omnibus opitula-  
ta est. eius uirtute, fide, diligentia factum est, ut hic po-  
tius uiuus in reos, q̄ occisus in proscriptos referretur. nā  
postquam isti intellexerunt, summa diligentia uitam Sex.  
Rosci custodiri, neq; sibi ullam cedis faciundæ potestatem  
dari: consilium ceperunt plenum sceleris, & audaciæ; ut  
nomen huius de parricidio deferrent, ut ad eam rem ali-  
quem accusatorem ueterem compararent, qui de ea re  
posset dicere aliquid, in qua re nulla subesset suspicio; de-  
niq; ut, quoniam crimine non poterant, tempore ipso pu-  
gnarent: ita loqui homines, q̄ iudicia tam diu facta nō  
essent, condemnari eum oportere, qui primus in iudiciū  
adductus esset: huic autem patronos propter Chrysogo-  
ni gratiam defuturos: de bonorum uenditione, & de  
ista societate uerbum esse facturum neminem: ipso no-  
mine parricidij, & atrocitate criminis, fore, ut hic nullo  
negotio tolleretur, cum ab nullo defensus esset. hoc con-  
silio atq; adeo hac amentia impulsī, quem ipsi, cum cupe-  
rent, non potuerunt occidere, eum inguladum uobis tra-  
diderunt. quid primum querat? aut unde potissimum  
exordiar iud? aut quod, aut a quibus auxilium petam?  
deorum ne immortalium? populi ne Romani? uestrā ne,  
qui summam potestatem habetis, hoc tempore fidem im-  
plorem? pater occisus nefarie, domus obfessa, ab inimicis  
bona adēpta, posseβa, direpta: filij uita infesta, saepe ferro

atq; insidijs appetita. qd ab his tot maleficijs sceleris abesse videtur? tamē hęc alijs nefarijs cumulāt atq; adaugent: crimen incredibile consingunt: testes in hūc & accusatores huiusce pecunia cōparant: hanc conditionē misero ferunt, ut optet utrū malit, ceruices Roscio dare, an insutus in culeū supplicium parricidarū, per summum dedecus uitā amittere. patrōnos huic defuturos putauerūt, defunt, qui libere dicat, qui cū fide defendat, id quod in hac causa est satis, quoniā quidē suscepi, nō deest profecto iudices. et forsitiā in suscipienda causa temere impulsus adolescentia fecerim: quoniā quidem semel suscepi, licet hercules undiq; omnes terrores, minę, periculaq; impendeāt omnia, succurram, atq; subibo. certū est, deliberatumq; quę ad causam pertinere arbitror, omnia nō modo dicere, uerū etiam libenter, audacter, liberēq; dicere. nulla res tāta existat iudices, ut possit uim mihi maiorem adhibere metus, q̄ fides: etenim quis tā dissoluto animo est, qui, hęc cū uideat, tacere ac negligere possit? patrem meū, cū proscripius nō esset, iugulastis: occisum in proscriptorū numerum retulistis: me domo mea per uim expulistis: patrimoniū meum possidetis. quid uultis amplius? etiā ne ad subsellia cū ferro atq; telis uenistis, ut hic aut iuguletis, aut condemnetis Sex. Rosciū? hominem longe audacissimū nuper habuimus in ciuitate C. Fimbriā, & quod inter omnes constat, nisi inter eos qui ipsi quoq; insaniūt, insanissimū. is cum curasset in funere C. Marij, ut Q. Scauola uulneretur, uir sanctissimus atque ornatissimus nostrę ciuitatis, de cuius laude neq; hic locus est ut multa dicantur, neq; plura tamen dici possunt, q̄ populus R. memoria retinet: diē Scauolę

dixit, posteaq̄ comperit eū posse uiuere. cum ab eo quære-  
retur, quid tādē accusaturus esset eū, quem pro digni-  
tate ne laudare quidem quisquā satis cōmode posset: aiūt  
hominem (ut erat furiosus) respondisse, q̄ nō totū telum  
corpore recepiſſet. quo populus R. nihil uidit indignius,  
nisi eiusdem uiri mortem: quæ tantū potuit, ut omnes ci-  
ues suos perdidit & affligerit: quos quia seruare per  
cōpositionem uolebat, ipse ab ijs interēptus est. est ne hoc  
illi dicto atq; factō Fimbriæ nō simillimū? accusatis Sex.  
Rosciū: quid ita? quia de manibus uestris effugit, quia se  
occiſi paſſus nō est. illud, quia in Scauola factū est, ma-  
gis indignū uidetur: hoc, quia fit à Chrysogono, nō est  
ferendū. nam per deos immortales, quid est in hac causa  
quod defensionis indigeat? qui locus ingeniū patroni re-  
quirit, aut oratoris eloquentiā magnopere desiderat: to-  
tā causam iud. explicemus, atq; ante oculos expositā cō-  
sideremus. ita facillime, quæ res totū iudiciū cōtineat,  
& quibus de rebus nos dicere oporteat, & quid uos se-  
qui cōueniat, intelligetis. Tres sunt res, quantū ego exi-  
stimare possum, quæ obſtēt hoc tempore Sex. Roscio, cri-  
men aduersariorū, & audaciā, et potentia. criminis cōfi-  
tationem accusator Erucius suscepit. audaciæ partes Ro-  
sciū sibi poposcerunt. Chrysogonus autem, is, qui pluri-  
mū potest, potētiā pugnat. de hisce omnibus rebus me di-  
cere oportere intelligo. quid igitur est? non eodem mo-  
do de omnibus: ideo quod prima illa res ad meum offi-  
cium pertinet, duas autem reliquas uobis populus R.  
imposuit. ego crimen oportet diluam, uos & audaciæ  
resistere, & hominum eiusmodi perniciosam atque in-  
tolerādam potētiā primo quoque tempore extinguerē,



atq; opprimere debetis. occidisse patrem Sex. Roscius arguitur. scelerū dū immortales ac nefariū facinus, atq; eiusmodi, quo uno maleficio scelera omnia complexa esse uideantur. etenim si, id quod præclare à sapientibus dicitur, uultu sæpe læditur pietas: quod supplicium satis acre reperietur in eū, qui mortem obtulerit parci? pro quo mori ipsum, si res postularet, iura diuina atq; humana cogeant. in hoc tanto, tam atroci, tā singulari maleficio, quod ita raro extitit, ut, siquādo auditum sit, portenti ac prodigy simile numeretur, quibus tandem te C. Eruci argumentis accusatorem censes uti oportere? nonne & audaciam eius, qui in crimen uocetur, singularem ostendere, & mores feros, immanemq; naturam, et uitā uitius flagitijsq; omnibus deditā, & deniq; omnia ad perniciem profligata atq; perditā? quorum tu nihil in Sex. Roscium, ne obijciendi quidem causa, contulisti. patrem occidit Sex. Roscius: qui homo? adolescentulus corruptus, & ab hominibus nequam inductus? annos natus magis quadraginta. uetus uidelicet sicarius, homo audax, & sæpe in cæde uersatus? at hoc ab accusatore ne dici quidē audistis. luxuries igitur hominem nimirum, et aris alieni magnitudo, & indomitæ animi cupiditates ad hoc scelus impulerunt. de luxuria purgauit Erucius, cum dixit hunc ne in conuiuium quidem ullo ferē interfuisse. nihil autem unquam debuit. cupiditates porro quæ possunt esse in eo, qui (ut ipse accusator obiecit) ruri semper habitaret, & in agro colendo uixerit? quæ uita maxime disiuncta à cupiditate, & cum officio coniuncta. quæ res igitur tantū istum furorē Sex. Roscio obiecit? patri, inquit, non placebat. patri non placebat? quam ob cau-



sam? necesse est enim eam quoque iustam, & magnam, et perspicuam fuisse. nam ut illud incredibile est, mortem oblatam esse patri à filio sine plurimis & maximis causis: sic hoc uerisimile non est, odio fuisse parenti filium sine causis multis, & magnis, & necessarijs. rursum igitur eodem reuertamur, & queramus, quæ tanta uicia fuerint in unico filio, quare is patri displiceret, at perspicuum est, nullum fuisse. pater igitur amens, qui odisset eum sine causa, quem procrearat, at is quidem fuit omnium constatissimus. ergo illud iam perspicuum profecto est, si neque amens pater, neque perditus filius fuerit, neque odij causam patri, neque sceleris filio fuisse. nescio, inquit, quæ causa odij fuerit: fuisse odium intelligo, quia antea, cum duos filios haberet, illum alterum, qui mortuus est, secum omni tempore uolebat esse, hunc in prædia rustica relegarat. quod Erucio accidebat in malanugatoriaque accusatione, idem mihi usu uenit in causa optima. ille, quomodo crimen cõmentitium confirmaret, nõ inueniebat: ego, res tam leues qua ratione infirmem ac diluam, reperire non possum. quid ais Erucio? tot prædia, tam pulchra, tam fructuosa Sex. Roscius filio suo relegationis ac supplicij gratia colenda ac tuenda tradiderat? quid hoc? patres familias, qui liberos habent, præsertim homines illius ordinis, ex municipijs rusticanis, non ne optatissimum sibi putant esse, filios suos rei familiari maxime seruire, & in prædijs colendis opera plurimum studijque consumere? an amandarat hunc sic, ut esset in agro, ac tantummodo aleretur ad uillam? ut cõmodis omnibus careret? quid, si constat, hunc non modo colendis prædijs præfuisse, sed certis fundis patre uiuo frui solitum esse?

tamen ne hæc attenta uita & rusticana, relegatio atque amandatio appellabitur? uides Eruci, quantum distet argumentatio tua ab re ipsa, atq; a ueritate. quod cōsuetudine patres faciunt, id quasi nouū reprehēdis: quod beneuolentia sit, id odio factū criminari. quod honoris causa pater filio suo concessit, id eum supplicij causa fecisse dicis. neq; hæc tu nō intelligis, sed usq; eō, quid arguas, nō habes, ut non modo tibi contra nos dicendū putes, uerū etiam contra rerū naturam, contraq; cōsuetudinem hominū, contraq; opiniones omnīū. at. n. eum duos filios haberet, alterū a se non dimittebat, alterū ruri esse patiebatur. quæso Eruci, ut hoc in bonam partem accipias: nō n. exprobrandi causa, sed cōmonendi gratia dicā. si tibi fortuna nō dedit ut patre certo nascere, ex quo intelligere posses, qui animus patrius in liberos esset: at natura certe dedit, ut humanitatis nō parū haberes. eō accessit studiū doctrinæ, ut ne à literis quidē alienus esses. ecquid eādē tibi uidetur (ut ad fabulas ueniamus) senex ille Cæcilianus minoris facere Eutychnū filiū rusticū, q̄ illū alterū Cherestratū? (nā, ut opinor, hoc nomine est) alterū in urbe secū honoris causa habere, alterū rus supplicij causa relegasse? quid ad istas ineptias abis, inq; quasi uero mihi difficile sit quāuis multos nominatim proferre (ne lōgius abeā) uel tribules, uel uicinos meos, quī suos liberos, quos plurimi faciūt, agricolas assiduos esse cupiūt. uerū homines notos sumere odiosum est: cū & illud incertū sit, uelint ne hi sese nominari; et nemo uobis magis notus futurus sit, q̄ est hic Eutychnus; & certe ad rem nihil intersit, utrū hunc ego comicum adolescentem, an aliquem ex agro Veiente nominem: etenim hæc cōficta ar=

bitror à poetis esse, ut effectos nostros mores in alienis personis, expressamq; imaginem nostrâ uitæ quotidianæ uideremus. age nunc, refer animû, sis, ad ueritatē, et cōsidera, nō modo in Vmbria atq; in ea uicinitate, sed in his ueteribus municipijs quæ studia à patribus familias maxime laudentur: uā profecto te intelliges inopia criminū summā laudē Sex. Roscio uitio et culpæ dedisse. at nō modo hoc patrū uolūtate liberi faciūt, sed permultos et ego noui, & (nisi me fallit animus) unusquisq; uestrū, qui et ipsi incensi sunt studio, quod ad agrū colendū attinet, uī tamq; hanc rusticā, quā tu probro & crimini putas esse oportere, & honestissimā et suauissimā esse arbitratur. quid cōses hunc ipsum Sex. Rosciū, quo studio, et quā intelligentia esse in rusticis rebus: ut ex his propinquis eius hominibus honestissimis audio, nō tu in isto artificio accusatorio callidior es, q̄ hic in suo. uerū, ut opinor, quoniam ita Chrysogono uidetur; qui huic nullum prædiū reliquit, & artificium obliuiscatur, et studium deponat, licebit. quod tamen si miserum, & indignum est, feret tamen æquo animo iudices, si per uos uitam & famam potest obtinere. hoc uero est, quod ferri non potest, si et in hanc calamitatem uenit propter prædiorum bonitatē & multitudinem; & q̄ ea studiose coluit, id erit ei maxime fraudi: ut parum miseriæ sit, quod alijs coluit, nō sibi; nisi etiam, q̄ omnino coluit, crimini fuerit. nā tu Eruci accusator esses ridiculus, si illis temporibus natus esses, cum ab aratro arcesserantur, qui Consules fierent: etenim, qui præesse agro colendo flagitium putes, profecto illum milium, quem sua manu spargentem semen, qui missi ei, ant, cōuenerunt, hominem turpissimum, atq;

inhonestissimum iudicares. at hercule maiores nostri longe aliter et de illo, et de ceteris talibus viris existimabāt. itaq; ex minima tenuissimāq; Rep. maximam & florentissimā nobis reliquerunt: suos. n. agros studiose colebāt, nō alienos cupide appetebant: quibus rebus, & agris, & urbibus, et nationibus Remp. atq; hoc imperiū, & populi R. nomen auxerunt. neq; ego hac eo profero, quo cōferenda sint cū hisce, de quibus nunc quaerimus: sed ut illud intelligatur, cū apud maiores nostros summi viri, clarissimiq; homines, qui omni tempore ad gubernacula Reip. sedere debebant, tamen in agris quoq; colendis aliquantū operae, temporisq; consumpserint; ignosci oportere ei homini, qui se fateatur esse rusticum, cum ruri assiduus semper uixerit; cum praesertim nihil esset, quod aut patri gratius, aut sibi iucundius, aut re uera honestius facere posset. odium igitur acerrimum patris in filium ex hoc opinor ostenditur Eruci, q̄ hūc ruri esse patiebatur. nunquid est aliud: immo uero, inquit, est: nam istū exhaeredare in animo habebat. audio. nunc dicis aliquid, quod ad rem pertineat. nā illa opinor tu quoq; concedis leuia esse atq; inepta. conuiuia cum patre non inibat: quippe qui ne in oppidum quidem nisi perraro ueniret. domū suam istum non ferē quisquam uocabat: nec mirū, quē neq; in urbe uideret, neq; rure uocaturus esset. uerū hāc quoq; tu intelligis esse nugatoria. illud, quod cœpi-  
mus, uideamus, quo certius argumentū ody reperiri nullo modo potest. exhaeredare pater filium cogitabat. mitto quaerere, qua de causa: quero, qui scias? tamen si te dicere atq; enumerare causas omneis oportebat: & id erat certi accusatoris officium, qui tanti sceleris argueret,

explicare omnia uitia, atq; peccata filij, quibus incensus parens potuerit animū inducere, ut naturam ipsam uinceret, ut amorem illum penitus insitū eijceret ex animo, ut deniq; patrem esse sese obliuisceretur. quæ sine magis huiusce peccatis accidere potuisse nō arbitror. uerū concedo tibi, ut ea prætereas, quæ cum taces, nulla esse cōcedis. illū quidem uoluisse exheredare, certe tu planum facere debes. quid ergo offers, quare id factum putes? uere nihil potes dicere. finge aliquid saltem cōmode, ut ne planē uidearis id facere, quod aperte facis. huius miseri fortunis, & horū uirorum talium dignitati illudere. exheredare filium uoluit: quā ob causam? ne scio. exheredauit ne? non. quis prohibuit? cogitabat, cogitabat. cui dixit? nemini. quid est aliud, iudicio, ac legibus, ac maiestate uestra abuti ad quæstum, atq; ad libidinem, nisi hoc modo accusare, atq; id obijcere, quod planū facere non modo non possis, uerū ne coneris quidem? nemo nostrum est Eruci, quin sciat tibi inimicitias cū Sex. Roscio nullas esse: uident omnes, quā de causa huic inimicus uenias: sciunt huiusce pecunia te adductum esse. quid ergo est? ita tamē quæstus te cupidū esse oportebat, ut horum existimationem, & legem Memmiam putares aliquid ualere oportere. accusatores multos esse in ciuitate utile est, ut metu contineatur audacia. ueruntamē hoc ita est utile, ut ne planē illudamur ab accusatoribus. innocens est quispiam: ueruntamen, quanq̃ abest à culpa, suspitione tamen non caret. tamen si miserrum est, tamē ei, qui hunc accuset, possim aliquo modo ignoscere: cum enim aliquid habeat quod possit criminosè ac suspiciosè dicere, aperte ludificari, & calumniari sciens nō uideat

compa  
tio

tur. quare facile omnes patimur esse q̄ plurimos accusa-  
tores, q̄ innocens, si accusatus sit, absolui potest; nocens,  
nisi accusatus fuerit, condemnari nō potest. utilius est au-  
tem absolui innocentem, q̄ nocentem causam nō dicere.  
anseribus cibaria publice locantur, & canes aluntur in  
Capitolio, ut significant si fures uenerint. at fures inter-  
noscere non possunt, significat tamen, si qui noctu in Ca-  
pitoliū uenerint. & quia id est suspiciosum, tamen si be-  
stia sunt, tamen in eā partem potius peccat, quæ est cau-  
tior. q̄ si luce quoq; canes latrent, cū deos salutatum ali-  
qui uenerint: opior, ut erra suffringatur, q̄ acres sint  
etiā cum, cum suspicio nulla sit. simillima est accusatorū  
ratio. alij uestrum anseres sunt, qui tantūmodo elamāt,  
notere non possunt. alij canes, qui & latrare, & morde-  
re possunt. cibaria uobis præberi uidemus: uos autem ma-  
xime debetis in eos impetum facere, qui merentur. hoc  
populo gratissimū est, deinde si uoletis, etiam tum, cū ue-  
risimile erit aliquem eō misisse, in suspitione latratore. id  
quoq; concedi potest: sin autem sic ageris, ut arguatis ali-  
quem patrem occidisse, neq; dicere possitis aut quare, aut  
quomodo, ac tantūmodo sine suspitione latrabitis: crura  
quidem uobis nemo suffringet: sed si ego hos bene noui,  
literā illam, cui uos usq; eo inimici esis, ut etiā eas o-  
mnes oderitis, ita uehementer ad caput affigent, ut po-  
stea neminē aliū nisi fortunas uestras accusare possitis.  
quid mihi ad defendendum dedisti bone accusator? quid  
hisce autem ad suspicandum? ne exheredaretur, ueritus  
est. audio. sed quā de causa uereri debuerit, nemo dicie.  
habebat pater in animo: planū fac. nihil est: nō, qui cum  
deliberarit, quē certiore fecerit, unde istud uobis suspi-



cari in mentem uenerit. cū hoc modo accusas Eruci, nō  
ne hoc palā dicis? ego, quid acceperim, scio: quid dicā, ne-  
scio. unū illud spectāui, q̄ Chrysogonus aiebat, neminem  
isti patronū futurū: de bonorū emptione, deque ea socie-  
tate neminem esse, qui uerbū facere hoc tēpore auderet.  
hæc te opinio falsa in istā fraudem impulit. nō miheres-  
le uerbū fecisses, si tibi quēq̄ responsurū putasses. ope-  
ræ pretiū erat, si animaduertisti iudices, negligentia rui-  
in accusando considerare. credo, cū uidisset, qui homines  
in hisce subsellis sederent, quæsisse, nū illa, aut ille defen-  
surus esset: de me ne suspitatu quidem, q̄ antea causam  
publica nullam dixerim. posteaquā inuenit, acminē eō-  
rum, qui possunt, & solent: ita negligens esse cœpit, ut,  
cū in mentem ueniret ei, resideret, deinde spatia retur, nō  
nunquā etiam puerum uocaret, credo cui cœnā impera-  
ret, prorsus ut uestro confessu, & hoc conuētū pro suma  
ma solitudine abuteretur: perorauit aliquando, affedit.  
surrexi ego. respirare uisus est, quod non alius potius di-  
ceret. cœpi dicere. usq; eō animaduerti iudices eum ioca-  
ri, atq; alias res agere, antequam Chrysogonum nomina-  
ui. quem simul atq; attigi, statim homo se erexit, mirari  
uisus est. intellexi, quid eū pupugisset. iterū, ac tertio no-  
minaui. postea homines cursare ultro, & citro nō desti-  
terūt, credo, qui Chrysogono nūtiarent, esse aliquē in ciui-  
tate, qui contra uolūtatem eius dicere auderet; aliter cau-  
sam agi, atq; ille existimaret; aperiri bonorū emptionem;  
uexari pessime societatem; gratiam, potentiamq; eius ne-  
gligi; iudices diligenter attendere; populo rem indignam  
uideri. quæ quoniam te fefellerunt Eruci; quoniamq;  
uides uersa esse omnia; causam pro Sex. Roscio si

non commode, at libere dici; quem dedi putabas, defendi intelligis; quos tradituros sperabas, uides iudicare: restitue nobis aliquando ueterem tuā illam calliditatem, atq; prudentiā: confitere huc ea spe uenisse, q̄ putares hic latrocinium, non iudiciū futurum. de parricidio causa dicitur. ratio ab accusatore reddita non est, quam ob causam patrē filius occiderit. quod in minimis noxis, & in his leuioribus peccatis, quæ magis crebra, & iam propè quotidiana sunt, maxime, & primū quaritur, quæ causa maleficij fuerit: id Erucius in parricidio quari nō putat oportere. in quo scelere iudices, etiam cū multæ causæ conuenisse unum in locum, atq; inter se congruere uidetur; tamen nō temere creditur, neq; leuī cōiectura responditur, neq; testis incertus auditur, neq; accusatoris ingenio res iudicatur; cum multa antea commissā maleficia tum uita hominis perditissima, tum singularis audacia ostēdatur, necesse est; neq; audacia solum, sed summus furor, atq; amentia. hæc cū sint omnia, tamen extent oportet expressa sceleris uestigia, ubi, qua ratione; per quos, quo tempore maleficiū sit admissum. quæ nisi multa; & manifesta sunt, profecto res tam scelestā, tam atrox, tam nefaria credi nō potest: magna est. n. uis humanitatis: multum ualet cōmunio sanguinis: reclamitat istiusmodi suspicionibus ipsa natura: portētum atq; mōstrum certissimum est, esse aliquem humana specie, & figura, qui tantum immanitate bestias uicerit, ut, propter quos hanc suauissimā lucem aspexerit, eos indignissime luce priuarit, cū etiam feras inter sese partus, atq; educatio, & natura ipsa cōciliet. nō ita multis ante annis aiūt T. Clæliū quendā Terracīnensem, hominē nō obscurū,

cum



cum cœnatus cubitum in idem conclauē cū duobus adolescentibus filijs isset, inueniū esse mane iugulatū. cū neque seruus quisquam reperiretur, neq; liber, ad quem ea suspicio pertineret; id ætatis autem duo filij propter cubantes ne sensisse quidē se dicerent: nomina filiorum de parricidio delata sunt. quid postea? erat sanē suspiciosum. neutrū sensisse? ausum autem esse quenquā se in id conclauē cōmittere, eo potissimū tempore, cū ibidem essent duo adolescentes filij, qui & sentire, & defendere facile possent? erat porro nemo, in quem ea suspicio conueniret. tamen cum planū iudicibus esset factum, aperto ostio dormientes eos repertos esse: iudicio absoluti adolescentes, & suspicione omni liberati sunt: nemo enim putabat quenquam esse, qui, cum omnia diuina atque humana iura scelere nefario polluisset, summum statim capere potuisset; propterea quod qui tantum facinus cōmiserunt, non modo sine cura quiescere, sed ne stirare quidē sine metu possunt. uidetis ne, quos nobis poeta tradiderit patris ulciscendi causa supplicium de matre sumpsisse, cū præsertim deorū immortalū iussus atq; oraculis id fecisse dicantur; tamen ut eos agitent furia, neq; cōsistere usquā patientur? q̄ ne p̄i quidem sine scelere esse potuerunt. sic se res habet iudices, magnam uim, magnā necessitatem, magnā possidet religio- nem paternus, maternusq; sanguis. ex quo si qua macula cōcepta est, non modo elui nō potest, uerū usq; eō permanat ad animū, ut summus furor, atq; amentia consequatur: nolite. n. putare, quemadmodū in fabulis sæpe numero uidetis, eos, qui aliquid impie seclerateq; cōmiserint, agitari, & perterriti furiantur teditis ardentibus. sua

quenq; fraus, et suus terror maxime uexat : suū quenq;  
 scelus agitat, amentiaq; afficit: suæ malæ cogitationes, cō-  
 scientiæq; animi terrent. hæ sunt impijs assidue domesti-  
 cæq; furia, quæ dies noctesq; parentū pœnas à cōscelera-  
 tissimis filijs repetant. hæc magnitudo maleficijs facit, ut,  
 nisi penè manifestum parricidiū proferatur, credibile nō  
 sit; nisi turpis adolescentia, nisi omnibus flagitijs uita in-  
 quinata, nisi sumptus effusi cū probro atq; dedecore, nisi  
 prorupta audacia, nisi tāta temeritas, ut nō procul abhor-  
 reat ab insania. accedat huc oportet odiū parētis, animad-  
 uersionis paternæ metus, amici improbi, serui cōscij, tem-  
 pus idoneū, locus opportune captus ad eā rem : penè di-  
 cam, respersas manus sanguine paterno iudices uideant;  
 oportet, si tantū facinus, tā immane, tam acerbū creditu-  
 ri sunt. quare hoc quo minus est credibile, nisi ostēditur;  
 eo magis est, si cōuincitur, uindicandū. itaq; cum multis  
 ex rebus intelligi potest, maiores nostros nō modo armis  
 plus, quàm ceteras nationes, uerū etiā cōsilio sapientiāq;  
 potuisse : tum ex hac re uel maxime, q̃ in impios singu-  
 lare supplicium inuenerunt. qua in re quantū prudentia  
 præstiterint ijs, qui apud ceteros sapientissimi fuisse dicū-  
 tur, considerate. prudētissima ciuitas Atheniensis, dum  
 ea rerū potita est, fuisse traditur. eius porrò ciuitatis sa-  
 pientissimū Solonē dicunt fuisse, eū, qui leges, quibus ho-  
 die quoq; utuntur, scripserit. is cum interrogaretur, cur  
 nullum supplicium constituisset in eum, qui parentem ne-  
 casset : respondit, se id neminem faēturū putasse. sapien-  
 ter fecisse dicitur, cum de eo nihil sanxerit, quod antea  
 cōmissum non erat ; ne nō tam prohibere, quàm admo-  
 nere uideretur. quāto maiores nostri sapiētius, qui, cum

intelligerent, nihil esse tam sanctum, quod non aliquando violaret audacia, supplicium in parricidas singulare excogitauerunt: ut, quos natura ipsa retinere in officio non potuisset, ejus magnitudine pœnæ maleficio summouerentur: insui uoluerunt in culleum uiuos, atq; ita in flumen deijci. ò singularem sapientiam iudices. non ne uidentur hūc hominem ex rerum natura sustulisse & eripuisse, cui repente cœlum, solem, aquam, terramq; ademerunt? ut, qui eum necasset, unde ipse natus esset; cerneret ijs rebus omnibus, ex quibus omnia nata esse dicuntur. noluerunt feris corpus obycere, ne bestiis quoq; quæ tantum scelus attigissent, immanioribus uteremur: non sic nudos in flumen deijcere, ne, cum delati essent in mare, ipsum polluerent, quo cætera, quæ uiolata sunt, expiari putantur. denique nihil tam uile, neque tam uulgare est, cuius partem ullam reliquerint: etenim quid tam est cômune, quàm spiritus uiuus? terra mortuis? mare fluctuantibus? litus eiectis? ita uiuunt dum possunt, ut ducere animam de cœlo non queant: ita moriuntur, ut eorum ossa terra non tangat: ita iactantur fluctibus, ut nunquam abluantur: ita postremo eijciuntur, ut ne ad saxa quidē mortui cōquiescāt. tanti maleficij crimen, cui maleficio tã insigne suppliciū est cōstitutū, probare te Eruci cēses posse talibus uiris, si ne causam quidē maleficij protuleris? si hunc apud bonorum emptores ipsos accusares, eiq; iudicio Chrysogonus præesset, tamen diligentius paratiusq; uenisses: utrum, quid agatur, non uides; an, apud quos agatur? agitur de parricidio: quod sine multis causis suscipi non potest. apud homines autem prudentissimos agitur: qui intelligunt neminem ne

minimum quidem maleficiū sine causa admittere. esto :  
 causam proferre non potes. tametsi statim uicisse debeo:  
 tamen de meo iure decedam, & tibi, quod in alia causa  
 non concederem, in hac concedam, fretus huius innocen-  
 tia. non quæro abs te, quare patrem Sex. Roscius occide-  
 rit: quæro, quomodo occiderit. ita quæro abs te C. Eruci  
 quomodo, et sic tecum agam, ut in eo loco uel responden-  
 di, uel interpellandi tibi potestatem faciam, uel etiam, si  
 quid uoles, interrogādi. quomodo occidit? ipse percussit,  
 an alijs occidendum dedit? si ipsum arguis, Romæ non  
 fuit. si per alios fecisse dicis: quæro, seruos ne, an liberos?  
 quos homines? indidem ne Ameria, an hosce ex Vrbe si-  
 carios? si Ameria, qui sunt hi? cur non nominantur? si  
 Roma, unde eos nouerat Roscius? qui Romā multis an-  
 nis non uenit, neq; unquā plus triduo fuit. ubi eos conue-  
 nit? quicum locutus est? quomodo persuasit? pretium  
 dedit? cui dedit? per quem dedit? unde, aut quantum  
 dedit? nō ne his uestigijs ad caput malefici perueniri so-  
 let? & simul tibi in mentem ueniat facito, quemadmo-  
 dum uita huiusce depinxeris: hūc hominē ferū, atq; agre-  
 stem fuisse: nunquā cum homine quoquā collocutū esse,  
 nūquā in oppido cōstitisse. qua in re prætereo illud, quod  
 mihi maximo argumēto ad huius innocentia poterat esse:  
 in rusticis moribus, in uictu arido, in hac horrida, incul-  
 taq; uita, istiusmodi maleficia gigni non solere. ut non  
 omnē frugē neq; arborē in omni agro reperire possis: sic  
 nō omne facinus in omni uita nascitur. in urbe luxuries  
 creatur: ex luxuria existat auaritia necesse est, ex auaritia  
 erumpat audacia: inde omnia scelera ac maleficia  
 gignūtur: uita autem hæc rustica, quā tu agrestem uo-

cas, parsimonia, diligentia, iustitia magistra est. uerum  
 hæc missa facio: illud quero, is homo, qui, ut tute dicis,  
 nunq̃ inter homines fuerit, per quos homines hoc tatum  
 facinus, tam occultū, absens præsertim, cōficere potuerit.  
 multa sunt falsa iudices, quæ tamē argui suspiciose pos=  
 sunt. in his rebus si suspicio reperta erit, culpā inesse con=  
 cedam. Romæ Sex. Roscius occiditur, cum in agro Ame=  
 rino esset filius. literas, credo, misit alicui sicario, qui Ro=  
 mæ nouerat neminē. arcessiuit aliquē: at quādo? nun=  
 cium misit: quē? aut ad quē? pretio, gratia, spe, pro=  
 missis induxit aliquē: nihil horū ne confingi quidē po=  
 test: & tamen causa de parricidio dicitur. reliquū est;  
 ut per seruos id admiserit. ò dī immortales, rē miseram  
 & calamitosam. quod in tali crimine, innocētī saluti so=  
 let esse, ut seruos in quæstionē polliceatur: id Sex. Roscio  
 facere nō licet: uos, qui hūc accusatis, omnes eius seruos  
 habetis: unus puer uictus quotidiani administer ex tāta  
 familia Sex. Roscio relictus nō est. te nūc appello P. Sci=  
 pio, te Metelle: uobis aduocatis, uobis agētibus, aliquoties  
 duos seruos paternos in quæstionē ab aduersarijs Sex. Ro=  
 scius postulauit. meministis ne T. Rosciū recusare? quid?  
 ij serui ubi sunt? Chrysogonū iudices seētātur, apud eū  
 sunt in honore, et in pretio. etiā nūc, ut ex his queratur,  
 ego postulo, hic orat, atq; obsecrat. quid facitis? cur recu=  
 satis? dubitate etiā nūc iudices, si potestis, à quo sit Sex.  
 Roscius occisus: ab eo ne, qui propter illius mortē in ege=  
 state & insidijs uersatur, cui ne querēdi quidē de mor=  
 te patris potestas permittitur; an ab ijs, qui quæstionem  
 fugitāt, bona possidēt, in cæde, atq; ex cæde uiuūt. omnia  
 iudices in hac causa sunt misera, atq; indigna: tamen hoc

nihil neq; acerbius, neq; iniquius proferri potest. mortis paternæ de seruis paternis quæstionem habere filio non licet. ne tandiu quidem dominus erit in suos, dum ex ijs de patris morte queratur: ueniam, neq; ita multo post, ad hunc locum: nam hoc totum ad Roscios pertinet: de quorum audacia tum me dicturum pollicitus sum, cum Eruci crimina diluisssem. Nunc Eruci ad te uenio. conueniat mihi tecum, necesse est; si ad hunc maleficiũ istud pertinet, aut ipsum sua manu fecisse, id quod negas; aut per aliquos liberos, aut seruos. liberos ne? quos neq; ut conuenire potuerit, neq; qua ratione inducere, neq; ubi, neq; per quos, neq; qua spe, aut quo pretio, potes ostendere. ego contra ostendo, nõ modo nihil eorum fecisse Sex. Roscium, sed ne potuisse quidem facere, quod neq; Roma multis annis fuerit, neq; de prædys unquam temere discesserit. restare tibi uidebatur seruorum nomen, quod, quasi in portum reiectus à cæteris suspicionibus, confugere posses: ubi scopulum offendis eiusmodi, ut non modo ab hoc crimine resilire uideas, uerum omnem suspicionem in uosmet ipsos recidere intelligas. quid est ergo, quod tandem accusator inopia argumentorum confugerit? eiusmodi tempus erat, inquit, ut homines uulgo impune occiderentur. quare tu, hoc, propter multitudinẽ sicariorum, nullo negotio facere potuisti. interim mihi uideris Eruci una mercede duas res assequi uelle, nos iudicio perfundere, accusare autẽ eos ipsos, à quibus mercedem accepisti. quid ais? uulgo occidebatur per quos? et à quibus? non ne cogitas te à sectoribus huc adductum esse? quid postea? nescimus, per ista tempora eosdem fere sectores fuisse collorum, & bonorum? u; deniq; qui tum armati

dies noctesq; concursabant, qui Romæ erant assidui, qui omni tempore in præda & sanguine uersabantur, Sex. Roscio temporis illius acerbitatē iniquitatemq; obijcient? & illam sicariorum multitudinem, in qua ipsi duces ac principes erant, huic crimini putabunt fore? qui nō modo Romæ nō fuit, sed omnino, quid Romæ ageretur, nesciret, propterea q̄ ruri assiduus, quemadmodū tute confiteris, fuit. uereor, ne aut molestus sum uobis iudices, aut ne ingenijs uestris uidear diffidere, si de tam perspicuis rebus diutius differā. Erucij criminatio tota, ut arbitror, dissoluta est: nisi forte expectatis, ut illa diluā, quæ de peculatu, ac de eiusmodi rebus cōmentitijs, inaudita nobis ante hoc tēpus ac noua, obiecit. quæ mihi iste uisus est ex alia oratione declamare, quam in aliū reum cōmenta retur: ita neq; ad crimen parricidij, neq; ad eū, qui causam dicit, pertinebant. de quibus quoniā uerbo arguit, uerbo satis est negare. siquid est, quod ad testes referret; ibi nos quoq; ut in ipsa causa, paratiores reperiet, q̄ putabat. Venio nunc eō, quō me nō cupiditas ducit, sed fides: nā si mihi liberet accusare, accusarē alios potius, ex quibus possem crescere: quod certū est non facere, dum utrumuis licebit: is. n. mihi uidetur amplissimus, qui sua uirtute in altiorē locum peruenit, nō qui ascendit per alterius incōmodum & calamitatem. desinamus aliquando ea scrutari, quæ sunt inania: queramus, ubi maleficiū est, et inueniri potest. iā intelliges Eruci, certum crimē q̄ multis suspicionibus coarguatur. tamen si neq; omnia dicam, et leuiter unumquodq; tēgam: neq; n. id facerē, nisi necesse esset: et id erit signū me inuitum facere, q̄ non prosequar longius, q̄ salus huius, et mea fides postulabit.



causam tu nullā reperiēbas in Sex. Roscio; at ego in T. Roscio reperio: tecū. n. mihi res est T. Rosci, quoniā istic sedes, ac te palām aduersariū esse profiteris. de Capitone post uiderimus; si, quemadmodū paratū esse audio, testis prodierit. tum alius quoq; suas palmas cognoscet, de quibus me ne audisse quidē suspicatur. L. Cassius ille, quē populus R. uerissimū et sapiētissimū iudicē putabat, idē tīdem in causis querere solebat, cui bono fuisset. sic uita hominū est, ut ad maleficiū nemo conetur sine spe, atque emolūmēto accedere. hūc quasitorē, ac iudicē fugiebāt; atq; horrebāt ij, quibus periculū creabatur: ideo q; tamē si ueritatis erat amicus, tamē natura nō tam propēsus ad misericordiā; q; implicatus ad seueritatē uidebatur. ego, quanquā præst huic quæstioni et cōtra audaciā fortissimus, & ab innocētia elemētissimus, tamen facile me paterer, uel illo ipso acerrimo iudice querente, uel apud Cassianos iudices, quorū etiā nunc ij, quibus causa dicenda est, nomē ipsum reformidāt, pro Sex. Roscio dicere: in hac. n. causa cū uiderent illos amplissimā pecuniā possidere, hūc in summa mēdicitate esse, illud quidē nō querent, cui bono fuisset; sed eō perspicuū crimen, & suspicionē potius ad prædā adiungerēt, q; ad egestatē. quid, si accedit eodē, ut tenuis antea fueris? quid, si, ut auarus? quid, si, ut audax? quid, si, ut illius, qui occisus est, inimicissimus? num querēda causa, quæ te ad tantū facinus adduxerit? quid ergo horū negari potest? tenuitas hominis eiusmodi est, ut dissimulari nō queat, atq; eo magis eluceat, quo magis occuleatur. auaritiā præfers, qui societate coieris de municipis, cognatiq; fortunis cum alienissimo. quā sis audax ( ut alia obliuiscar ) hinc omnes

intelligere potuerūt, q̄ ex tota societate, hoc est ex tot. sicarijs, solus tu inuētus es, qui cum accusatoribus sederes, atq; os tuū non modo ostenderes, sed etiā offerres. inimicitias tibi fuisse cū Sex Roscio, & magnas rei familiaris cōtrouersias, cōcedas necesse est. restat iudices ut hoc dubitemus, uter potius Sex Rosciū occiderit: is, ad quē morte eius diuitie uenerint; an is, ad quē mendicitas: is, qui antea tenuis fuerit; an is, qui postea factus sit egētissimus: is, qui ardēs auaritia feratur infestus in suos; an is, qui semper ita uixerit, ut quæstū nosset nullū, fructum autem eū solum, quē labore peperisset: is, qui omnium seſtorū audaciſſimus sit; an is, qui propter fori iudiciorumq; insolentiā nō modo subsilia, uerū etiā urbem ipsam reformidat: postremo iudices, id quod ad rem mea sentētia maxime pertinet, uerū inimicus potius, an filius. hæc tu Eruci tot & tāta si nactus esses in reo, quādiu diceres? quo te modo iactares? tēpus hercule te citius, quā oratio deficeret: etenim in singulis rebus eiusmodi materies est, ut dies singulos possis cōsumere: neq; ego nō possum: nō enim mihi tantū derogo, tametsi nihil arrego, ut te copiosius, quā me, putē posse dicere. uerū ego forsitan propter multitudinē patronorū in grege annumerer: te pugna Cannēsū accusatorē sai bonū facit. multos casos non ad Thrasimenū lacū, sed ad Seruiliū uidimus. quis ibi nō est uulneratus ferro Phrygio? nō necesse est omnes cōmemorare, Curtios, Marios, denique Mamecos, quos iā atas à prælijs duocabat: postremo Priamum ipsum, senem Antistiū, quem non modo atas, sed etiā leges pugnare prohibebāt. iam quos nemo propter ignobilitatem nominat, sexcenti sunt, qui inter sica-

rios, & de ueneficijs accusabant. qui omnes (quod ad me  
 attinet) uellem uiuerent: nihil. n. mali est, canes ibi quā-  
 plurimos esse, ubi permulti obseruandi, multaq; seruan-  
 da sunt. uerum (ut sit) multa sæpe imprudentibus impe-  
 ratoribus uis belli, ac turba molitur. dum in alijs re-  
 bus erat occupatus, qui summam rerum administrabat:  
 erant interea, qui suis uulneribus mederentur, qui, tanq̃  
 si offusa Reip. sempiterna nox esset, ita ruebant in tene-  
 bris, omniaq; miscebāt. à quibus miror, ne quod iudicio-  
 rum esset uestigium, non subsellia quoq; esse combusta:  
 nam & accusatores, & iudices sustulerunt. hoc cōmodi  
 est, q̃ ita uixerunt, ut testes omnes, si cuperent, interficere  
 non possent: nam, dum hominum genus erit, qui accu-  
 set eos, non deerit: dum ciuitas erit, iudicia fient. uerum,  
 ut cæpi dicere, et Erucius hæc si haberet in causa, quæ cō-  
 memorauit, posset ea quāuis diu dicere, et ego iudices pos-  
 sum: sed in animo est (quemadmodum ante dixi) leuiter  
 transire, ac tantūmodo perstringere unāquamq; rem: ut  
 omnes intelligant, me non studio accusare, sed officio de-  
 fendere. Video igitur causas esse permultas, quæ istum  
 impellerent. uideamus nunc, ecquæ facultas suscipiendi  
 maleficij fuerit. ubi occisus est Sex. Roscius? Romæ. quid  
 tu Rosci ubi tunc eras? Romæ. uerum quid ad rem? &  
 alij multi. quasi nunc id agatur, quis ex tanta multitu-  
 dine occiderit, ac non hoc queratur, eum, qui Romæ sit  
 occisus, utrum uerisimilius sit ab eo esse occisum, qui assi-  
 duus eo tempore Romæ fuerit; an ab eo, qui multis an-  
 nis Romam omnino non accesserit. age nunc, cæteras fa-  
 cultates quoq; consideremus. erat tum multitudo sica-  
 riorum, id quod cōmemorauit Erucius: & homines im-

pune occidebantur. quid? ea multitudo quæ erat? opinor, aut eorum qui in bonis erant occupati, aut eorum qui ab ijs cōducebantur, ut aliquem occiderent. si eos putas, qui alienū appetebant, tu es in eo numero, qui nostra pecunia diues es: sin eos, quos, qui leuiore nomine appellāt percussores uocant, quare, in cuius fide sint, & clientela: mihi crede, aliquē de societate tua reperiēs. & quicquid tu contra dixeris, id cum defensione nostra contēdito, ita facillime causa Sex. Rosci cum tua cōferetur. dices, quid postea, si Romæ assiduus fui: respondebo: at ego omnino non fui. fateor me sectorem esse, uerum & alij multi: at ego (ut tūte arguis) agricola & rusticus, non continuo, si me in gregē sicariorū contuli, sum sicarius: at ego profecto, qui ne noui quidē quenquā sicarium, longe absum ab eiusmodi crimine. per multa sunt, quæ dici possunt, quare intelligatur summā tibi facultatē fuisse malefici suscipiendi: quæ nō modo iccirco prætereo, quod te ipsum nō libenter accuso: uerum eo magis etiam, quod si de illis cædibus uelim cōmemorare, quæ tū facta sunt ista eadem ratione, quā Sex. Roscius occisus est, uereor ne ad plures oratio mea pertinere uideatur. uideamus nūc strictim, sicut cætera, quæ post mortem Sex. Rosci abs te T. Rosci facta sunt: quæ ita aperta et manifesta sunt, ut mediūssidius iudices inuitus ea dicām: uereor enim cuiusmodi es Rosci, ne ita hunc uidear uoluisse seruare, ut tibi omnino nō pepercerim. cum hoc uereor, & cupio tibi aliqua ex parte (quod salua fide possim) parcere, rursus immuto uoluntatem meam: uenit enim mihi in mentem oris tui. te ne, cum ceteri socij tui fugerent ac se occultarent, ut hoc iudicium non de illorum præda, sed de

huius maleficio fieri uideretur ; potissimum tibi partes istas depoposcisse, ut in iudicio uersarere, & sederes cum accusatore ? qua in re nihil aliud assequeris, nisi ut ab omnibus mortalibus audacia tua cognoscatur, & impudentia occiso Sex. Roscio, qui primus Ameriam nuntiat ? Mallius Glaucia, quē iam antea nominavi, tuus cliens et familiaris. quid attinuit eum potissimū nuntiare, quod, si nullū iam ante consiliū de morte, ac de bonis eius inieras, nullamq; societate neq; sceleris, neq; prēmij cum homine ullo coieras, ad te minime omniū pertinebat ? sua sponte Mallius nuntiat ? quid, quaeso, eius intererat ? an, cum Ameriā non huiusce rei causa uenisset, casu accidit, ut id, quod Romæ audierat, primus nūtiaret ? cuius rei causa uenerat Ameriā ? nō possum, inquit, diuinare. eō rem iam adducā, ut nihil diuinatione opus sit. qua ratione Roscio Capitoni primum nunciauit ? cum Ameria Sex. Roscij domus, uxor, liberiq; essent, cū tot propinqui cognatiq; optime cōuenientes, qua ratione factum est, ut iste tuus cliens, sceleris tui nuntius T. Roscio Capitoni potissimum nuntiaret ? occisus est à cœna rediens. nōdum lucebat, cum Ameria scitū est. quid hic incredibilis cursus ? quid hæc tanta celeritas, festinatioq; significat ? non quæro, quis percusserit. nihil est Glaucia, quod metuas : nō excutio te, si quid forte ferri habuisti, nō scrutor : nihil ad me arbitror pertinere. quoniā, cuius consilio occisus sit, inuenio ; cuius manu sit percussus, nō laboro. unū hoc sumo, quod mihi apertum tuū scelus, resq; manifesta dat : ubi, aut unde audiuit Glaucia, qui tam cito sciuit ? fac audisse statim. quæ res eum nocte una tantū itineris cōtendere coegit ? quæ necessitas cū tāta premebat, ut, si

sua sponte iter Ameriam faceret, id tēporis Roma proficisceretur? nullam partē noctis requiesceret? etiā ne in tam perspicuis rebus argumētatio quærenda, aut coniectura capiēda sit? nō ne uobis hæc, quæ audistis, cernere oculis uideamini iudices? nō illum miserū, ignarū casus sui, redeūtem à cœna uidetis? nō positas insidias? nō impetum repentinū? nō uersatur ante oculos uobis in cade Glaucia? nō adest iste T. Roscius? non suis manibus in curru collocat Autumedontē illum, sui sceleris acerbissimī, nefariæq; uictoriæ nunciū? nō orat, ut eam noctem peruigilet? ut honoris sui causa laboret? ut Capitonī q̄= primum nuntiet? quid erat, quod Capitonē primū scire uoluerit? nescio: nisi hoc uideo, Capitonē in his bonis esse sociū: de tribus et decem fundis tres nobilissimos fundos eū uideo possidere. audio præterea, nō hanc suspicionem nunc primū in Capitonem cōferri, multas esse infamē palmas, hæc primā esse tamē lemniscatā, quæ Romæ deferatur: nullum modū esse hominis occidendi, quo ille nō aliquot occiderit: multos ferro, multos ueneno. habeo etiam dicere, quē, contra morem maiorū, minorem annis L X. de pōte in Tyberim deiecerit. quæ, si prodierit, atq; adeo cū prodierit, scio enim proditurū esse, audiet ueniat modo, explicet suū uolumen illud: quod ei planū facere possum Eruciū conscripsisse: quod aiūt illum Sex. Roscio intentasse, & minitatu esse, se omnia illa pro testimonio esse dicturū. ò præclarū testem iudices: ò grauitatem dignam expectatōne: ò uitā honestam, atq; eiusmodi, ut libentibus animis ad eius testimoniū uestrū iusurandum accōmoderis. profecto nō tam perspicue istorū maleficia uideremus, nisi ipsos cacos redderet cupiditas, & auari=

tia, et audacia. alter ex ipsa cade uolucrum nuntium A= meriam ad socium, atq; ad magistrum suum misit, ut, si dissimulare omnes cuperēt se scire ad quem maleficium pertineret, tamē ipse apertum suum scelus ante omnium oculos poneret. alter (si dys immortalibus placet) testimo nium etiam in Sex. Roscium dicturus est: quasi uero id nunc agatur, uirū id, quod dixerit, credendum, an, quod fecerit, uindicandū sit. itaq; more maiorum cōparatū est, ut in minimis rebus homines amplissimi testimonium de sua re nō dicerent. Africanus; qui suo cognomine de= clarat tertiam partē orbis terrarū se subegisse; tamen, si sua res ageretur, testimoniū non diceret. nam illud in ta lem uirū nō audeo dicere: si diceret, nō crederetur. ui dete nunc, q̄ uersa et mutata in peiorē partē sint omnia. cum de bonis, & de cade agatur, testimonium dicturus est is, qui & sēctor est, & sicarius, hoc est, qui et illorum ipso rum bonorū, de quibus agitur, emptor atq; possessor est, & eum hominē occidēdum curauit, de cuius morte quæritur. quid tu uir optime? ecquid habes, quod dicas? mihi ausculta, uide ne tibi desis: tua quoq; res permagna agitur, multa scelerate, multa audaciter, multa improbe fecisti: unū stultissime, profecto tua stōte, nō de Erucij sentētia. nihil opus fuit te isti credere: neq; n. accusatore muto; neque teste quisquam utitur eo, qui de accusatoris subelliō surgit. huc accedit, q̄ paulo tamē occultior, atq; rectior uestra ista cupiditas esset. nūc quid est, quod quis= quam ex uobis audire desideret? cum, quæ facitis, eius= modi sint, ut ea dedita opera à uobis cōtra uosmet ipsos facere uideamini. Age, nūc illa uideamus indices, quæ statim consecuta sunt. ad Volaterras in castra L. Syllæ



mors Sex. Roscij quatriduo, quo is occisus est, Chrysogono nunciatur. quæritur etiam nunc, quis cum nuntium miscrit. nõ ne perspicuum est, eundẽ qui Ameriam? curat Chrysogonus, ut eius bona ueneant statim. qui nõ norat hominẽ, aut rem? atqui ei uenit in mentẽ prædia concupiscere hominis ignoti, quẽ omnino nunquã uiderat. solētis, cum aliquid huiuscemodi auditis iudices, cõtinuo dicere, neesse est aliquem dixisse municipem, aut uicinum. ij plerunq; indicant, per eos pleriq; produntur. hic nihil est, quod suspicionem hanc putetis. non enim ego ita disputabo: uerisimile est Roscios istam rem ad Chrysogonum detulisse: erat enim eis cum Chrysogono iam antea amicitia: nam cum multos ueteres à maioribus Roscij patronos, hospitesq; haberent, omnes eos colere atq; obseruare destiterũt, ac se in Chrysogoni fidem et clientelam contulerunt. hæc possum omnia uere dicere: sed in hac causa coniectura nihil opus est: ipsos certo scio non negare, ad hæc bona Chrysogonum accessisse impulsu suo. si eum, qui indicij partem acceperit, oculis cernetis: poteritis ne dubitare iudices, qui indicarit? qui sunt igitur in istis bonis, quibus partem Chrysogonus dederit? duo Roscij. num quisnam præterea? nemo est iudices. num ergo dubium est, quin ij obrulerint hanc prædam Chrysogono, qui ab eo partem prædæ tulerunt? Age, nunc ex ipsius Chrysogoni iudicio Rosciorum factum consideremus. si nihil in ista pugna Roscij, quod operæpretium esset, fecerant, quam ob causam à Chrysogono tantis præmijs donabantur? si nihil aliud fecerunt, nisi rem detulerunt, non ne satis fuit his gratias agi? denique, ut perliberaliter ageretur,

honoris aliquid haberi? cur tria prædia, tanta pecuniæ statim Capitori dantur? cur, quæ reliqua sunt, iste Roscius omnia cū Chrysogono cōmuniter possidet? non ne perspicuū est iudices, has manubias Roscius Chrysogonū re cognita concessisse? uenit in decemprimis Legatus in castra Capito. totā uitā, naturā, moresq; hominis ex ipsa legatione cognoscite. nisi intellexeritis iudices, nullum esse officiū, nullū ius tam sanctū atq; integrū, quod non eius scelus, atq; perfidia uiolant, & imminuerit: uirū optimū esse cum iudicatote. impedimēto est, quo minus de his rebus Sylla doceatur: ceterorū Legatorū consilia, & uoluntatē Chrysogono enūciat: monet, ut provideat, ne palām res agatur: ostēdit, si sublata sit uēditio bonorū, illum pecuniā grandem amissurū, sese capitis periculum aditurū: illum acuerē, hos, qui simul erant missi, fallere: illum identidem monere, ut cauere; hisce insidiosē spem falsam ostendere: cū illo contra hos inire cōsilia, horū consilia illi enūciare: cum illo partem suam depascisci, hisce, aliqua fretus hora semper, omnes aditus ad Syllam intercludere. postremo isto hortatore, auctore, intercessore ad Syllam Legati non adierunt: istius fide, ac potius perfidia decepti, id quod ex ipsis cognoscere poteritis, si accusator uoluerit testimoniū eis denūciare, pro re certa spem falsam domū retulerunt. in priuatis rebus si qui rem mandatā non modo malitiosius gessisset sui quæstus, aut cōmodi causa, uerū etiam negligētius; eū maiores summū admisisse dedecus existimabāt. itaq; mandati constitutū est iudiciū, non minus turpe q̄ furti, credo propterea, q̄ quibus in rebus ipsi interesse non possumus, in his operæ nostræ uicaria fides amico-

rum

rum supponitur: quam qui lădit, oppugnat omnium cō-  
mune prăsidium, & quantum in ipso est, disturbat uitę  
societatem: non. n. possumus omnia per nos agere: alius  
in alia est re magis utilis: iccirco amicitię cōparantur,  
ut cōmune commodū mutuis officijs gubernetur. quid  
recipis mandatū, si aut neglecturus, aut ad tuum cōmo-  
dum conuersurus es? cur mihi te offers, ac meis cōmodis  
officio simulato officis, et obstas? recede de medio, per aliū  
transigam. suscipis onus officiij, quod te putas sustinere  
posse: quod minime uidetur graue ijs, qui minime ipsi le-  
ues sunt. ergo iccirco turpis hęc culpa est, quod duas res  
sanctissimas uiolat, amicitiā, & fidem. nā neq; mādāt  
quisquā ferē, nisi amico: neq; credit, nisi ei, quem fidelem  
putat. perditissimi est igitur hominis simul & amicitiā  
dissoluere, & fallere eū, qui lăsus non esset, nisi credidisset.  
ita ne est? in minimis rebus, qui mandatū neglexerit,  
turpissimo iudicio condēnetur necesse est: in re tanta, cū  
is, cū fama mortui, fortunę uiuī cōmendatę sunt, atq;  
concredita, ignominia mortuū affecerit, is inter honestos  
homines, atq; adeo inter uiuos numerabitur? in minimis  
\* priuatisq; rebus etiā negligentia in crimen mādati iu-  
diciūq; infamia reuocatur, propterea quod. si recte fi-  
at, illum negligere oporteat qui mādarit, non illum, qui  
mandatū receperit: in re tanta, quę publice gesta, atq; cō-  
missa sit, quā non negligentia priuatū aliquod cōmodum  
lăserit, sed perfidia, legationis ipsius cerimoniā polluerit,  
maculāq; affecerit; quā is tādē pœna afficietur? aut quo  
iudicio damnabitur? si hanc ei rem priuatim Sex. Rosci-  
us mandauisset, ut cum Chrysogono transigeret, atq; de-  
cideret; inq; eam rem fidem suam, si quid opus esse puta-

ret, interponeret: ille, qui sese facturum recepisset, nō ne, si ex eo negotio tantulum in rem suā cōuertisset, damnatus per arbitrum, & rē restitueret, & honestatē omnē amitteret? nunc non hanc ei rem Sex. Roscius mandauit: sed, id quod multo grauius est, ipse Sex. Roscius cum fama, uita, bonisq; omnibus à decurionibus publice Roscio mandatus est: & ex eo T. Roscius nō paulum nescio quid in rem suam cōuertit, sed hunc funditus euerit bonis: ipse tria prædia sibi depactus est, uoluntatē decurionum ac municipum omnium tantidē, quanti fidem suam, fecit. uidete iam porro cætera iudices, ut intelligatis fingi maleficium nullum posse, quō iste sese nō contaminauit. in rebus minoribus socium fallere turpissimum est, æquēq; turpe, atq; illud, de quo ante dixi: neque iniuria, propterea q̃ auxilium sibi se putat adiunxisse, qui cū altero rem comunicauit. ad cuius igitur fidē confugiet, cū per eius fidem læditur, cui se cōmiserit? atqui ea sunt animaduertenda peccata maxime, quæ difficillime præcauentur. recti esse ad alienos possumus: intimi multa apertiora uideant necesse est: socium uero cauere qui possumus? quē etiam si metuimus, ius officij lædimus. recte igitur maiores eum, qui socium fefellisset, in uirorum bonorum numero nō putarunt haberi oportere. at uero T. Roscius nō unum rei pecuniariæ sociū fefellit (quod tametsi graue est, tamen aliquo modo posse ferri uidetur) uerum non uem homines honestissimos, eiusdem muneris, legationis, officij, mādatorumq; socios induxit, decepit, destituit, aduersarij tradidit, omni fraude & perfidia fefellit. qui de eius scelere suspicari nihil potuerunt, sociū officij metuere nō debuerunt: eius malitiam nō uiderunt, oratio=

ni uana crediderunt. itaq; nunc illi homines honestissimi propter istius insidias parum putantur cauti, prouidiq; fuisse. iste, qui initio proditor fuit, deinde perfuga, qui primo sociorum cōsilia aduersarijs enunciauit, deinde societate cum ipsis aduersarijs coit: terret etiam nos, ac minatur, tribus prædijs, hoc est præmijs sceleris, ornatus. in eiusmodi uita iudices, in his tot tātisq; flagitijs hoc quoq; maleficiū, de quo iudiciū est, reperiētis. etenim quare re ita debetis: ubi multa auare, multa audaciter, multa improbe, multa perfidiose facta uidetis, ibi scelus quoq; latere inter illa tot flagitia putatote. tāetsi hoc quidē minime latet, q̄ ita prōptum, et propositū est, ut non ex illis maleficijs, quæ in illo cōstat esse, hoc intelligatur; uerum ex hoc, etiam si quod illorum forte dubitabitur, cōuincentur. quid tandē quæso iudices? nū aut ille lanista omnino iam à gladijs recessisse uidetur, aut is discipulus magistro tantulum de arte concedere? par est auaritia, similis improbitas, eadem impudentia, gemina audacia: etenim quoniam fidem magistrī cognostis, cognoscite nunc discipuli æquitatem. dixi iam antea, sæpenumero postulatōs esse ab istis duos seruos in quæstionem: tu semper T. Rosci recusasti. quæro abs te, ij ne, qui postulabant, indigni erant, qui impetrarent; an iste non commouebat, pro quo postulabant? an res ipsa tibi iniqua uidebatur? postulabant homines nobilissimi, atque integerrimi nostræ ciuitatis, quos iam antea nominauī: qui ita uixerunt, talesq; à populo R. putantur, ut, quicquid dicerent, nemo esset, qui non æquum putaret. postulabant autem pro homine miserrimo, atque infelicissimo, qui uel ipse sese in cruciatum dari cuperet, dum de patris morte

quereretur. res porro abs te eiusmodi postulabatur,  
 ut nihil interesset, utrum eam rem recusares, an de ma-  
 leficio confiterere. quæ cum ita sint, quæro abs te, quam  
 ob causam recusaris. cum occiditur Sex. Roscius, ibidem  
 fuerunt. seruos ipsos, quod ad me attinet, neq; arguo, neq;  
 purgo. q̃ a uobis hoc pugnari uideo, ne in quæstionem  
 dentur, suspiciosum est: q̃ uero apud uos ipsos in honore  
 tanto sunt, profecto necesse est, sciant aliquid, quod si di-  
 xerint, perniciosum uobis futurũ sit. in dominos quæri  
 de seruis, iniquum est. an ne quæritur? Sex. enim Roscius  
 reus est: neq; n. cum de hoc quæritur, uos dominos esse di-  
 citis: cum Chrysogono sunt. ita credo: literis eorũ, & ur-  
 banitate Chrysogonus ducitur, ut inter suos omniũ deli-  
 ciarũ atq; omnium artium puerulos ex tot elegantissi-  
 mis familijs lectos, uelit hos uersari, homines penẽ opera-  
 rios ex Amerina disciplina patrisfamilie rusticani. non  
 est ita profecto iudices, non est uerisimile, ut Chrysogo-  
 nis horum literas adamarit, aut humanitatẽ; non, ut rei  
 familiaris negotio diligentia cognorit eorũ & fidem. est  
 quiddam, quod occultatur: quod quo studiosius ab ipsis  
 opprimitur & absconditur, eo magis eminet & appa-  
 ret. quid igitur? Chrysogonus sui maleficiũ occultãdi cau-  
 sa quæstionem de his haberi non uult? minime iudices. nõ  
 in omnes arbitror omnia cõuenire. ego in Chrysogono,  
 quod ad me attinet, nihil eiusmodi suspicor, neq; hoc mi-  
 hi nũc primũ in mentem uenit dicere. meministi me ita  
 distribuisse initio causam: in crimen, cuius tota argumẽ-  
 tatio permissa Erucio est: & in audaciã, cuius partes Ro-  
 scijs impositæ sunt. quicquid maleficiũ, sceleris, cædis erit,  
 proprium id Rosciorum esse debebit. nimia gratiam po-



tentiamq; Chrysogoni dicimus & nobis ob stare, et per  
 ferri nullo modo posse, & à uobis, quoniā potestas data  
 est, nō modo infirmari, uerū etiā uindictari oportere. ego  
 sic existimo, qui quæri uelit ex ijs, quos constat, cū cades  
 facta sit, affuisse, eū cupere uerū inuenire: qui recuset, cū  
 profecto, tamen si uerbo nō audeat, tamen re ipsa de ma  
 leficio suo confiteri. dixi initio iudices, nolle me plura de  
 istorū scelere dicere, q̄ causa postularer, ac necessitas ipsa  
 cogeret: nā & multa res afferri possunt, et unaquaq; ea  
 rum multis cū argumentis dici potest. uerū ego, quod in  
 iutus ac necessario facio, neq; diu, neq; diligenter facere  
 possum. quæ præteriri nullo modo poterant, ea leuiter in  
 dices attingi. quæ posita sunt in suspicionibus, de quibus si  
 cæpero dicere, pluribus uerbis sit differendum: ea uestris  
 ingenijs coniecturæq; cōmitto. Venio nūc ad illud. no  
 men aureū Chrysogoni: sub quo nomine tota societas sta  
 tuitur: de quo iudices neq; quomodo dicā, neq; quomodo  
 taceā, reperire possum: si. n. taceo, uel maximā partē re  
 linquo: sin autē dico, uereor ne non ille solus (id quod ad  
 me nihil attinet) sed alij quoq; plures lesos se esse. putet.  
 tamen si ita res se habet, ut mihi in cōmunem causam se  
 etorū dicendum nihil magnopere uideatur: hæc. n. causa  
 noua profecto & singularis est. bonorū Sex. Roscij em  
 ptor est Chrysogonus. primum hoc uideamus, eius homi  
 nis bona qua ratione uenierunt, aut quomodo uenire po  
 tuerunt. atq; hoc non ita quærā iudices, ut id dicā, esse in  
 dignū hominis innocentis bona uenisse: si. n. hæc audien  
 tur, ac libere dicentur, non fuit tātus homo Sex. Roscius  
 in ciuitate, ut de eo potissimū conqueramur. uerum ego  
 hoc quæro: qui potuerunt ista ipsa lege, quæ de proscri



ptione est, siue Valeria est, siue Cornelia (non. n. noui, nec scio) uerum ista ipsa lege bona Sex. Roscij uenire qui potuerunt? scriptum. n. ita dicunt esse, ut eorum bona ueniant, qui proscripti sunt: quo in numero Sex. Roscius non est: aut eorum, qui in aduersariorum praesidijs occisi sunt. dum praesidia ulla fuerunt, in Syllae praesidijs fuit. posteaquam ab armis recesserunt, in summo otio rediens à cœna Romæ occisus est. si lege, bona quoque, lege, uenisse fateor. sin autem constat contra omnes non modo ueteres leges, uerum etiam nouas occisum esse: bona quo iure, aut quomodo, aut qua lege uenierint, quero. in quem hoc dicam, queris Eruci? non in eum, quem uis, et putas: nam Syllam et oratio mea ab initio, et ipsius eximia uirtus omni tempore purgauit. ego hæc omnia Chrysogonum fecisse dico, ut ementiretur, ut malum ciuem Roscium fuisse fingeret, ut eum apud aduersarios occisum esse diceret, ut his de rebus à legatis Amerinorum doceri L. Syllam passus non sit. denique etiam illud suspicor, omnino hæc bona non uenisse: id quod postea, si per uos iudices licitum erit, aperietur: opinor. n. esse in lege, quam ad diem proscriptiones, uenditionesque fiant, nimirum ad Cal. Iun. aliquot post menses et homo occisus est, et bona uenisse dicuntur. profecto aut hæc bona in tabulas publicas nullas redierunt, nosque ab isto nebulone facilius eludimur, quam putamus: aut, si redierunt, tabulae publicae corruptae aliqua ratione sunt: nam lege quidem bona uenire non potuisse constat. intelligo, me ante tempus iudices hæc scrutari, et propemodum errare, qui, cum capiti Sex. Roscij mederi debeam, reduuiam curem: non. n. laborat de pecunia, non ullius rationem sui comodi ducit: facile ege-

statem suam se laturū putat, si hac indigna suspitione, et  
fiēto crimine liberatus sit. uerum quaeso à uobis iudices,  
ut hæc pauca, quæ restant, ita audiat, ut partim me di-  
cere pro me ipso pueritis, partim pro Sex. Roscio: quæ. n.  
mihi ipsi indigna & intolerabilia uidentur, quæq; ad o-  
mnēs, nisi prouidemus, arbitror pertinere; ea pro me ip-  
so, ex animi mei sensu ac dolore pronuntio: quæ ad huius  
uitæ casum, causamq; pertineant, & quid hic pro se dici  
uelit, & qua cōditione cōtentus sit, iam in extrema ora-  
tione nostra iudices audietis. Ego hæc à Chrysogono  
mea sponte remoto Sex. Roscio quero: primum, quare  
cuius optimi bona uenerint: deinde, quare hominis eius,  
qui neq; apud aduersarios occisus est, bona uenerint, cū  
in eos solos lex scripta sit: deinde quare aliquāto post eā  
diem uenerint, quæ dies in lege præfinita est: deinde cur  
tantulo uenerint. quæ omnia si, quemadmodum solent  
liberti nequam, et improbi facere, in patronū suum uo-  
luerit cōferre, nihil egerit: nemo est. n. qui nesciat, pro-  
pter magnitudinē rerum multa multos partim coniuē-  
te, partim imprudente L. Sylla cōmisisse. placet igitur in  
his rebus aliquid imprudentia præteriri? nō placet iudi-  
ces, sed necesse est: etenim si Iupiter Optimus Maximus,  
cuius nutu & arbitrio cælum, terra, mariaq; reguntur,  
sapeuctis uehemētioribus, aut immoderatis tēpestatibus,  
aut nimio calore, aut intolerabili frigore hominibus no-  
cuit, urbes deleuit, fruges perdidit, quorū nihil pernicie  
causa diuino cōsilio, sed ui ipsa, & magnitudine rerum  
factum putamus; at contra, cōmoda, quibus utimur; lu-  
cemq; qua fruimur; spiritumq; quē ducimus, ab eo no-  
bis dari, atq; impertiri uidemus: quid miramur, L. Syllā;

cum solus Remp. regeret, orbemq; terrarū gubernaret, imperiūq; maiestatem, quam armis receperat, legibus cōfirmaret, aliqua animaduertere non potuisset nisi hoc mirum est, quod uis diuina assequi non possit, si id mens humana adepta non sit: uerum ut hac missa faciam, quae iam facta sunt: ex ijs, quae nunc maxime fiunt, non ne quiuis potest intelligere, omnium architectum, & machinatorem unum esse Chrysogonum, qui Sex. Roscij nomē deferendum curauit: hoc iudicium, cuius honoris causa accusare se dixit Erucius.

desunt non pauca.

aptam, & ratione dispositam se habere existimāt, qui in Salentinis aut in Brutijs habēt, unde uix ter in anno audire nuntium possunt. alter tibi descendit de Palatio, & adibus suis: habet animi relaxandi causa rus amœnum & suburbanum, plura praeterea praedia, neq; tamen ullum nisi praclarum & propinquum: domus referta uasis Corinthijs & Deliacis, in quibus est authepsa illa, quā tanto pretio nuper mercatus est, ut, qui praetereuntes pretiū enumerari audiebāt, fundum uenire arbitarentur. quid praeterea calati argenti? quid stragulae uestis? quid pictarū tabularū? quid signorū? quid marmoris apud illum putatis esse? tantū scilicet, quantū ē multis splendi-  
disq; familijs, in turba et rapinis coaceruari una in do-

mo potuit. familiam uero quātam, & q̄ uarijs cum ar-  
tificijs habeat, quid ego dicam? mitto hasce artis vulga-  
rens, coquos, pistores, leſticarios: animi & aurium causa  
tot homines habet, ut quotidiano cantu uocū, & neruo=  
rū, & tibiārum; nocturnūq; cōuiuijs tota uicinitas per=  
sonet. in hac uita iudices quos sumptus quotidianos, quas  
effusiones fieri putatis? quæ uero cōuiuia: honesta, credo,  
in eiusmodi domo: si domus hæc habēda est potius, q̄ of=  
ficina nequitiae, & diuersoriū flagitiorum omnium. ipse  
uero quēadmodum composito et delibuto capillo passim  
per forum uolitet cum magna caterua rogatorū, uide=  
tis iudices; ut omnes despiciat, ut hominē præ se neminē  
putet, ut se solum beatū, solum potentem putet. quæ uero  
efficiat, & quæ conetur, si uelim cōmemorare, uereor iu-  
dices, ne quis imperitior existimet me causam nobilitatis  
uictoriāq; uoluisse lādere. tametsi meo iure possum, si  
quid in hac parte mihi non placeat, uituperare: non. n.  
uereor, ne quis alienū me animū habuisse à causa no=  
bilitatis existimet. sciunt ij, qui me norunt, me pro illa te=  
nui infirmāq; parte, posteaq; id, quod maxime uolui, fie=  
ri non potuit, ut cōponeretur; id maxime defendisse, ut ij  
uincerent, qui uicerunt: quis. n. erat, qui non uideret hu=  
militatem cū dignitate de amplitudine contendere? quo  
in certamine perditū ciuis erat nō se ad eos iungere, qui=  
bus incolumibus, et domi dignitas, et foris auctoritas re=  
tineretur. quæ perfectā esse, & suū cuiq; honorē, &  
gradum redditum, gaudeo iudices, uehementerq; letor:  
eāq; omnia deorum uoluntate, studio populi R. consilio,  
& imperio, et felicitate L. Syllæ gesta esse intelligo. q̄ ani=  
maduersum est in eos, qui contra omni ratione pugna=

runt: non debeo reprehendere. ꝓ uiris fortibus, quorum  
 opera eximia in rebus gerendis extitit, honos habitus est:  
 laudo. quæ ut fierent, iccirco pugnatum esse arbitror, meq;  
 in eo studio partium fuisse cōfiteor. sin autem id actum  
 est, et iccirco arma sumpta sunt, ut homines postremi pe-  
 cunijs alienis locupletarentur, & in fortunas uniuscu-  
 iusq; impetum facerent, & id nō modo re prohibere nō  
 licet, sed ne uerbis quidem uicuperare: tum uero in isto  
 bello nō recreatus, neq; restitutus, sed subactus oppres-  
 susq; populus R. est. uerū longe aliter est: nihil horum est  
 iudices: nō modo nō ledetur causa nobilitatis, si istis ho-  
 minibus resistetis, uerū etiam ornabitur: etenim qui hæc  
 uituperare uolunt, Chrysogonū tantum posse querūtur:  
 qui laudare uolunt, concessum ei non esse cōmemorant.  
 ac iam nihil est, quod quisquā aut tam stultus, aut tam  
 improbus sit, qui dicat: uellem quidem liceret, hoc dixi-  
 sem: dicas licet, hoc fecissem: facias licet, nemo prohibet.  
 hoc decreuissem: decerne, modo recte: oēs approbabit.  
 hoc iudicassem: laudabunt omnes, si recte & ordine iudi-  
 caris. dū necesse erat, resq; ipsa cogebat, unus omnia po-  
 terat. qui posteaq; magistratus creauit, legesq; constituit:  
 sua cuiq; procuratio auctoritasq; est restituta. quā si re-  
 tinere uolunt y, qui receperunt: in perpetuum poterunt  
 obtinere. sin has cædes, & rapinas, & hos tantos, tamq;  
 profusos sumptus aut facient, aut approbabit: nolo in  
 eos grauius quicq; ne ominis quidem causa dicere: unum  
 hoc dico, nostri isti nobiles, nisi uigilātes, et boni, & for-  
 tes, & misericordes erunt, ijs hominibus, in quibus hæc  
 erunt, ornamenta sua concedant necesse est. quapropter  
 desinant aliquando dicere, male aliquem locutum esse, si

quis uere ac libere locutus sit: desināt suam causam cum Chrysogono cōmunicare: desināt, si ille lēsus sit, de se ali quid detractum arbitrari: uideāt, ne turpe miserumq; sit, eos, qui equestrem splendorē pati non potuerunt, ser= ui nequissimi dominationē ferre posse. quæ quidē dōmi= natio iudices in alijs rebus antea uersabatur: nunc uero quā uiam munitet, quō iter affectet, uidetis: ad fidem, ad iusiurādum, ad iudicia uestra, ad id, quod solum propē in ciuitate sincerum, sanctumq; restat. hic ne etiam sese putat aliquid posse Chrysogonus: hic etiā potēs esse uultis? o rem miseram, atq; acerbam. neq; mehercules hoc indi gne fero, quod uerear, ne quid possit: uerum, quod ausus est, quod sperauit sese apud tales uiros aliquid ad perni ciem posse innocentis, id ipsum queror. iccirco ne experre ēta nobilitas, armis, atq; ferro Remp. recuperauit, ut ad libidinem suam liberti seruiliq; nobiliū, bona, fortunas uestras, nostrasq; uexare possent: si id actū est, fateor me errasse, qui hoc maluerim: fateor insanisse, qui cum illis senserim: tamen si inermis iudices sensi. sin autem uictō= ria nobiliū ornamento, atq; emolumento Reip. populōq; R. debet esse: tum uero optimo, & nobilissimo cuiq; meā orationem gratissimam esse oportet. quod si quis est, qui & se, & causam lēdi putet, cum Chrysogonus uitupe= retur: is causam ignorat, se ipsum propē non nouit: causa enim splendidior fiet, si nequissimo cuique resiste tur: ille improbissimus Chrysogoni fautor, qui sibi cum illo rationem communicatam putat, lēditur, cum ab hoc splendore causæ separatur. uerum hæc omnis ora tio (ut iam ante dixi) mea est: quæ me uti Resp. & do= lor meus, & istorum iniuria coegit: sed Roscius ho=

rum nihil indignum putat : neminem accusat : nihil de suo patrimonio queritur : putat homo imperitus morū, agricola, & rusticus, ista omnia, quæ uos per Syllam gesta esse dicitis, more, lege, iure gentiū facta : culpa liberatus, & crimine nefario solutus, cupit à uobis discedere : si hac indigna suspitione careat, animo æquo se carere suis omnibus cōmodis dicit : rogat, oratq; te Chrysogone, si nihil de patris fortunis amplissimis in suam rem conuertit, si nulla in re te fraudauit, si tibi optima fide sua omnia concessit, adnumerat, appendit, si uestitum, quo ipse tectus erat, annulumq; dedit, os suum tibi tradidit, si ex omnibus rebus se ipsum nudū, neq; præterea quicq; excepit; ut sibi per te liceat innocenti amicorū opibus uita tam in egestate degere. prædia mea tu possides : ego aliena misericordia uiuo. cōcedo : et quod animus æquus est, et quia necesse est. mea domus tibi patet, mihi clausa est. fero. familia mea maxima uteris : ego seruū habeo nullū. patior, & ferendū puto. quid uis amplius? quid insequeris? quid oppugnās? quæ in re tuā uoluntatem lædī à me putas? ubi tuis cōmodis officio? quid tibi obsto? si spoliatorum causa uis hominem occidere, spoliasti. quid queris amplius? si inimicitiarum, quæ sunt tibi inimicitie cū eo, cuius antea prædia possedisti, q̄ ipsum cognosti? si me tuis : ab eo ne aliquid metuis, quē uides ipsum ab sese tam atrocem iniuriam propulsare nō posse? si, q̄ bona, quæ Rosci fuerunt, tua facta sunt, iccirco hunc illius filium studes perdere : non ne ostendis id te uereri, quod præter ceteros tu metuere non debeat, ne quando liberis proscriptorum bona patria reddantur? facis iniuriam Chrysogone, si maiorem spem emptionis tuæ in huius exitio po-



nis, q̄ in ijs rebus, quas L. Sylla gessit. q̄ si tibi causa nulla est, cur hunc miserū tanta calamitate affici uelis; si tibi omnia sua præter animam tradidit, nec sibi quicq̄ paternum, ne monumenti quidē causa, reseruauit: per deos immortales, quæ ista tanta crudelitas est? quæ tam fera immanisq̄; natura? quis unquam prædo fuit tā nefarius, quis pirata tam barbarus, ut, cum integram prædā sine sanguine habere posset, cruenta spolia detrabere mallet? scis hunc nihil habere, nihil audere, nihil posse, nihil unq̄. cōtra rem tuam cogitasse: & tamen oppugnas eū: quem neq; metueres, neq; odisse debes, nec quicq̄ habere iā reliqui uides, quod ei detrabere possis: nisi hoc indignum putas, q̄ uestitū sedere in iudicio uides, quem tu ē patri monio tanquā ē naufragio nudū expulisti. quasi uero nescias hunc & ali & uestiri à Cæcilia Balearici filia, Nepotis sorore, spectatissima fœmina: quæ cū patrē clarissimū, amplissimos patruos, ornatissimum fratrem haberet, tamen, cū esset mulier, uirtute perfecit, ut, quāto honore ipsa ex illorū dignitate afficeretur, non minora illis ornamenta ex sua laude redderet. an q̄ diligenter defenditur, id tibi indignū facinus uidetur? mihi crede, si pro patris eius hospitij, & gratia uellent oēs huius hospites adesse, & auderent libere defendere, satis copiose defenderetur: sin autem pro magnitudine iniuriæ, proq̄; eo, q̄ summa Reip. in huius periculo tentatur, hæc omnes uindicarent, consistere mehercule uobis isto in loco non liceret. nunc ita defenditur, non sanē ut moleste ferre aduersarij debeant, neque ut se potentia superari putent: quæ domi gerenda sunt, ea per Cæciliam transiguntur. fori iudiciq̄; rationem Messala, ut uidetis iudices, susce-

pit. qui si iam satis ætatis atq; roboris haberet, ipse pro  
 Sex. Roscio diceret, quoniam ad dicendum impedimento  
 est ætas, & pudor, qui ornat ætatem: causam mihi tradi-  
 dit, quæ sua causa cupere ac debere intelligebat. ipse assi-  
 duitate, consilio, auctoritate, diligentia perfecit, ut Sex.  
 Roscij uita erepta de manibus seëtorum, sententijs iudi-  
 cum permitteretur. nimirum iudices pro hac nobilitate  
 pars maxima ciuitatis in armis fuit: hæc æta res est, uti  
 nobiles restituerentur in ciuitate, qui hoc facerent, quod  
 facere Messalam uidetis, qui caput innocētis defenderet,  
 qui iniuria resisterent, qui, quantum possent, in salute al-  
 terius, quam in exitio mallerent ostendere: quod si omnes,  
 qui eodem loco nati sunt, facerent: et Resp. ex illis, & ipsi  
 ex inuidia minus laborarent. uerum si a Chrysogono iu-  
 dices non impetramus, ut pecunia nostra contentus sit,  
 uitam ne petat, si ille adduci non potest, ut, cum ademe-  
 rit nobis omnia, quæ nostra erant propria, ne lucē quoq;  
 hanc, quæ cōmunis est, eripere cupiat, si nō satis habet a-  
 uaritiā suā pecunia explere, nisi etiā crudelitate san-  
 guinis perlitus sit: unum per fugiū iudices, una spes re-  
 liqua est Sex. Roscio, eadē quæ Resp. uestra pristina boni-  
 tas, & misericordia, quæ si manet, salui etiā nunc esse  
 possumus. sin ea crudelitas, quæ hoc tempore in Rep. uer-  
 sata est, uestros quoq; animos (id q̄ fieri profecto non po-  
 test) duriores acerbioresq; reddidit: actū est iudices: inter  
 feras satius est ætatem degere, q̄ in hac tanta immanita-  
 te uersari. ad eam ne rem uos reseruati estis, ad eam ne  
 rem delecti, ut eos cōdemnaretis, quos seëtores, ac sicarij  
 iugulare non potuissent? solent hoc boni imperatores fa-  
 cere: cum præliū cōmittunt, ut in eo loco, quo fugam

hostium fore arbitrentur, milites collocent, in quos, si qui ex acie fugerint, de improviso incidant. nimirum similiter arbitrantur isti bonorum emptores, uos hic tales uiros sedere, qui excipiat eos, qui de suis manibus effugerint. dum prohibeant iudices, ut hoc, quod maiores consilium publicum uocari uoluerunt, praesidium seſtorum existimetur. an uero iudices uos non intelligitis, nihil aliud agi, nisi ut proscriptorum liberi quauis ratione tollantur? Et eius rei initium in uestro iureiurando, atque in Sex. Roscij periculo quaeri? dubium est, ad quem maleficium pertineat, cum uideatis ex altera parte seſtorem, inimicum, sicarium, eundemque accusatorem hoc tempore; ex altera egentem, probatum suis filium, in quo non modo culpa nulla, sed ne suspicio quidem potuit consistere? nunquid hic aliud uidetis obstare Roscio, nisi quod patris bona uenerunt? quod si id uos suscipitis, Et eadem in re operam uestram profitemini; si igitur sedetis, ut ad uos adducantur eorum liberi, quorum bona uenerunt: caute per deos immortales iudices, ne uoua, Et multo crudelior per uos proscriptio instaurata esse uideatur. illam priorem, quae facta est in eos, qui arma capere potuerunt, tamen senatus suscipere noluit, ne quid acrius, quam more maiorum comparatum est, publico consilio factum uideretur. hanc uero, quae ad eorum liberos, atque infantium puerorum incunabula pertinet, nisi hoc iudicio à uobis reijcitis, Et aspernamini: uidete per deos immortales, quem in locum Remp. peruenturam putetis. homines sapientes, Et ista auctoritate, Et potestate praeditos, qua uos estis, ex quibus rebus maxime Resp. laborat, uis maxime mederi conuenit.

# ORATIO

uestrum nemo est, quin intelligat populum R. qui quondam in hostes lenissimus existimabatur, hoc tempore domestica crudelitate laborare. hanc tollite ex ciuitate iudices: hanc pati nolite diutius in hac Rep. uersari: quæ non modo id habet in se mali, quod tot ciues atrocissime sustulit; uerum etiam hominibus lenissimis ademit misericordiam consuetudine incommodorum: nam cum omnibus horis aliquid atrociter fieri uidemus, aut audimus, etiam qui natura mitissimi sumus, assiduitate molestiarum sensum omnem humanitatis ex animis amittimus.

Desit fortasse quippiam.

## PRO Q. ROSCIO COMOEDO.

## ORATIO. III.

*Multa, quæ desunt, quærenda.*

malitiam naturæ, crederetur. is scilicet uir optimus, & singulari fide præditus, qui suo iudicio tabulis suis testibus uti conatur. solent ferè dicere qui per tabulas hominibus honesti pecuniam expensam tulerunt: ego ne talem uirum corrumpere potui, ut mea causa falsum in codicem referret? expecto, quàm mox Cherea hac oratione utatur. ego ne hanc manum plenam perfidiæ, & hos digitos meos impellere potui, ut falsum perscriberent nomē? quòd si ille suas proferet tabulas, proferet suas quoque Roscius. erit in illius tabulis hoc nomen: at in huius non erit. cur potius illius, quàm huius crederetur? scripsisset ille, si nō iussu huius expensum tulisset? non scripsisset hic, quod sibi expensum ferri iussisset? nam quemadmodum turpe est scribere, quod non debeat: sic improbum est non referre, quod debeat: aque enim tabulae condemnantur eius, qui uerum non retulit; & eius, qui falsum perscripsit. sed ego copia & facultate causæ confisus, uide, quò progrediar. si tabulas C. Fannius accepti & expensi proferet suas, in suam rem, suo arbitratu scriptas: quo minus secundum illum iudicetis, non recusō. quis hoc frater fratri, quis parens filio tribuit, ut, quodcunq;

retulisset, id ratum haberet: ratum habebit Roscius, profer. quod tibi fuerit persuasum, huic erit persuasum: quod tibi fuerit probatum, huic erit probatum. paulo ante à M. Perpenna P. Saturi tabulas poscebamus, nunc tuas C. Fanni Cherea solius flagitamus: & quo minus secundum eas lis detur, non recusamus. quid ita non profers? non conficit tabulas? immo diligentissime. nō refert parua nomina in codices? immo omnes summas, leue, et tenue hoc nomen HS CCCIDDD sunt: quomodo tibi tāta pecunia extraordinaria iacet? quomō HS CCCIDDD in codice accepti & expensi non sunt? pro dii immortales, esse ne quenquam tāta audacia præditum, qui, quod nomen referre in tabulas timeat, id petere audeat: quod in codice iniuratus referre noluit, id iurare in litem nō dubitet? quod sibi probare non possit, id persuadere alteri conetur? nimium cito ait me indignari de tabulis: non habere se hoc nomen in codice accepti & expensi relatū confitetur, sed in aduersarijs patere contendit. usq; eō ne te diligis, & magnifice circumspicis, ut pecuniam non ex tuis tabulis, sed aduersarijs petas? suum codicem testis loco recitare, arrogantia est: suarum perscriptionum, & ligurarum aduersaria proferre, non amentia est? q̄ si eandem uim, diligentiam, auctoritatemq; habent aduersaria, quam tabulae: quid attinet codicem instituere, conscribere? ordinem conseruare? memorie tradere literarū uetustatem? sed si, q̄ aduersarijs nihil credimus, iccirco codicem scribere instituimus: quod etiam apud omnes leue & infirmum est, id apud iudicem graue et sanctum esse ducetur? quid est, quod negligenter scribamus aduersaria? quid est, quod diligenter consiciamus tabulas? qua

de causa? quia hæc sunt menstrua, illæ sunt æternæ: hæc delentur statim, illæ seruantur sanæ: hæc parui temporis memoriam, illæ perpetuæ existimationis fidem & religionem amplectuntur: hæc sunt deiecta, illæ in ordinem confecta. itaque aduersaria in iudicium protulit nemo: codicem protulit, tabulas recitauit. tu C. Piso tali fide, uirtute, gravitate, auctoritate ornatus, ex aduersariis pecuniam petere non auderes. ego, quæ clara sunt consuetudine, diutius dicere non debeo: illud uero, quod ad rem uehementer pertinet, quæro: quàm pridem hoc nomen Fanni in aduersaria retulisti? erubescit: quid respondet, nescit: quid fingat extemplo, non habet. sunt duo menses iam, dices: tamen in codicem acceptum & expensum referri debuit. amplius sunt sex menses: cur tantum diu iacet hoc nomen in aduersariis? quid, si tandem amplius triennium est? quomodo, cum omnes, qui tabulas conficiant, menstruas penè rationes in tabulas transferant, tu hoc nomen triennium amplius in aduersariis iacere pateris? utrum cætera nomina in codicem accepti & expensi digesta habes, an non? si non, quomodo tabulas conficis? si etiam: quamobrem, cum cætera nomina in ordinem referebas, hoc nomen triennio amplius, quod erat in primis magnum, in aduersariis relinquebas? nolebas sciri, debere tibi Roscium: cur scribebas? rogatus eras, ne referres: cur in aduersariis scriptum habebas? sed hæc quanquam firma esse uideo: tamen ipse mihi satisfacere non possum, nisi à C. Fannio ipso testimonium sumo, hanc pecuniam ei non deberi. magnum est, quod conor: difficile est, quod polliceor: nisi eundem & aduersariū,



Et testem habuerit Roscius, nolo uincat. pecunia tibi de-  
 bebatur certa, quæ nunc petitur per iudicem, in qua le-  
 gitime partis sponsio facta est. hic tu si amplius HS nū-  
 mo petisti, quod tibi debitum est: causam perdidisti: propte-  
 rea quod aliud est iudiciū, aliud est arbitrium. iudicium  
 est pecuniæ certæ, arbitriū incertæ. ad iudicium hoc mo-  
 do uenimus, ut totam litem aut obtineamus, aut amitta-  
 mus. ad arbitrium hoc animo adimus, ut neque nihil, neque  
 tantum, quantum postulauimus, consequamur. eius rei  
 ipsa uerba formulæ testimonio sunt. quid est in iudicio?  
 directam, asperum, simplex. si peteret HS 1000 dari:  
 hic, nisi planum facit. HS 1000 ad libellam sibi deberi,  
 causam perdit. quid est in arbitrio? mite, moderatū, quā-  
 tū æquius et melius sit dari. ille tamen conficitur plus  
 se petere, quam debeatur: sed satis superque habere dicit,  
 quod sibi ab arbitro tribuatur. itaque alter causæ confidit,  
 alter diffidit. quæ cum ita sint, quæro abs te, quid ita de  
 hac pecunia, de his ipsis HS 1000, de tuarum tabularū  
 fide copromissum feceris, arbitrum sumpseris, quantum  
 æquius, et melius sit dari repromitti uel, si pateret. quis in  
 hanc rem fuit arbiter? utinam is quidem Romæ esset: Ro-  
 mæ est. iam utinam adesset in iudicio: adest. utinam sede-  
 ret in consilio C. Pisonis: ipse C. Piso est. eundem ne tu ar-  
 bitrum, et iudicē sumebas? eidem et infinitam largitio-  
 nem remittebas, et eundem in angustissimam formulam  
 sponsionis concludebas? quis unquam ad arbitrum, quā-  
 tum petijt, tantum abstulit? nemo: quātum. n. æquius es-  
 set sibi dari, petijt. de quo nomine ad arbitrum adisti, de  
 eo ad iudicē uenisti. ceteri cum ad iudicem causam labe-  
 factari animaduertunt, ad arbitrum confugiunt: hic ab

arbitro ad iudicem uenire est ausus: qui cum de hac pecunia, de tabularū fide arbitrum sumpsit, indicauit sibi pecuniam non deberi. iam duae partes causae sunt confectae: adnumerasse sese negat: expensum tulisse non dicit, cum tabulas non recitat. reliquū est, ut stipulatū se esse dicat: praeerea. n. quemadmodum certam pecuniam petere possit, non reperio. stipulatus es? ubi? quo die? quo tempore? quo praesente? quis spondidisse me dicit? nemo. hic ego si finem faciā dicendi, satis fidei et diligentiae meae, satis causae et controuersiae, satis formulae et sponsioni, satis etiā iudici fecisse uidear, cur secundū Roscium iudicari debeat. pecunia petita est certa, cum tertia parte sponsio facta est. haec pecunia, necesse est, aut data, aut expensa lata, aut stipulata sit. datam non esse, Fānius cōfiteatur: expensam latā non esse, codices Fānii confirmant: stipulatā non esse, taciturnitas testiū concedit. quid ergo est? quod et reus is est, cui et pecunia leuissima, et existimatio sanctissima fuit semper: et iudex est is, quē nos non minus bene de nobis existimare, quā secundū nos iudicare uelimus: et aduocatio ea est, quā propter eximium splendorem, ut iudicem unum, uereri debeamus: perinde ac si in hac formulā omnia iudicia legitima, omnia arbitria honoraria, omnia officia domestica, conclusa, et comprehensa sint, perinde dicemus. illa superior fuit oratio necessaria, haec erit uoluntaria: illa ad iudicem, haec ad C. Pisonē: illa pro reo, haec pro Roscio: illa uictoriae, haec bonae existimationis causa comparata. pecuniam petis Fanni à Roscio, quam? dic audacter et aperte: utrum, quae tibi ex societate debeatur, an, quae ex liberalitate huius promissa sit et ostentata? quorum alterum est grauius, et odiosius: alterum

leuius et facilius. quæ ex societate debeatur? quid ais? hoc iam non leuiter ferendum est, neq; negligenter defendendum: si qua. n. sunt priuata iudicia summæ existimationis, & penè dicam capitis, tria hæc sunt, fiducia, tutela, societatis: æque. n. perfidiosum & nefarium est, fidem fraudare, quæ continet uitam; & pupillum fraudare, qui in tutelam peruenit; & socium fallere, qui se in negotio cōiunxit: quæ cum ita sint: qui sit qui socium fraudarit, et fefellerit, consideremus: dabit. n. nobis iā tacite uita acta in alterutram partem firmum & graue testimonium.

Q. Roscius? quid ais? non ne ut ignis in aquam cōiectus continuo restinguitur, & refrigeratur: sic reseruēs falsum crimen in purissimam & castissimam uitam collatum statim concidit, et extinguitur? Roscius socium fraudauit? potest hoc homini huic herere peccatum? qui mediū fidiū (audacter dico) plus fidei, q̄ artis; plus ueritatis, q̄ disciplinæ possidet in se: quem populus R. meliorem uirum, q̄ histriōem esse arbitratur: qui ita dignissimus est scena propter artificium, ut dignissimus sit curia propter abstinentiam. sed quid ego ineptus de Roscio apud Pisonem dico? ignotum hominem scilicet pluribus uerbis commendo. est ne quisquam omnium mortalium, de quo melius existimes tu? est ne quisquā, qui tibi purior, pudentior, humanior, officiosior, liberalior uideatur? quid tu saturi, qui cōtra hunc uenis, existimas aliter? nō ne, quotiescunq; in causa in nomen huius incidisti, toties hunc & uirum bonum esse dixisti, & honoris causa appellasti? quod nemo nisi aut honestissimo, aut amicissimo facere consueuit. qua in re mihi ridicule es uisus esse inconstans, qui eundem & læderes, et laudares; & uirum

optimum, & hominē improbiſſimū eſſe diceret. eundem  
 tu & honoris cauſa appellabas, & uirum primariū eſſe  
 dicebas; & ſociū fraudaſſe arguebas. ſed, ut opinor, lau-  
 dem ueritati tribuebas: crimē gratiæ cōcedebas: de hoc,  
 ut exiſtimabas, prædicabas: Chereæ arbitratu cauſam  
 agebas. fraudauit Roſcius. eſt hoc quidem auribus, ani-  
 miſq; hominū abſurdū. quid, ſi tādē aliquē timidū, de-  
 mentē, diuitē, inertē nactus eſſet, qui experiri nō poſſet?  
 tamē incredibile eſſet. uerūtamen, quē fraudarit, uidea-  
 mus. C. Fanniū Chereā Roſcius fraudauit. oro, atq; obſe-  
 cro, uos, qui noſtis, uitā inter ſe utriuſq; cōfert: qui non  
 noſtis, faciē utriuſq; cōſiderate. nō ne ipſum caput, & ſu-  
 percilia illa penitus abraſa olere malitiā, & clamitare *coniciū*  
 calliditatē uidetur? nō ne ab imis unguibus uſq; ad uer-  
 ticem ſummū, ſi quā coniecturam affert hominibus. ta-  
 cita corporis figura; ex fraude, fallacijs, mendacijs con-  
 ſtare, totus uidetur? qui iccirco capite & ſupercilijs ſem-  
 per eſt raiſis, ne ullum pilum uiri boni habere dicatur. cu-  
 ius perſonam præclare Roſcius in ſcena tractare conſue-  
 uit. neq; tamen pro beneficio ei par gratia refertur:  
 nam Ballionem illum improbiſſimū, & periuriſſimum  
 lenonem cum agit, agit Cheream. perſona illa, lutulē-  
 ta, impura, inuiſa, in huius moribus, natura, uitāq; eſt  
 expreſſa. qui quamobrem Roſcium ſimilem ſui in frau-  
 de & malitiā exiſtimarit, nihil uidetur: niſi forte, quòd  
 præclare hunc imitari ſe in perſona lenonis animad-  
 uertit. quamobrem etiam atque etiam conſidera C. Pi-  
 ſo, quis quem fraudāſſe dicatur. Roſcius Fannium?  
 quid eſt hoc? probus improbum, pudens impudē-  
 tem, periurum caſtus, callidum imperitus, liberalis

audum. incredibile est. quæ admodum. si Fānius Roscium  
 fraudasse diceretur, utrunq; ex utriusq; persona uerisimile  
 uideretur, & Fanniu per malitiā fecisse, & Rosciu  
 per imprudentiā deceptū esse: sic, cū Roscius Fāniu frau-  
 dasse arguatur, utrūq; incredibile est, et Rosciu quicquā  
 per auaritiā appetisse, & Fānium quicquā per se bonita-  
 te amisisse. principia sunt huiusmodi: spectemus reliqua:  
 HS 1000 Q. Roscius fraudauit Fānium, qua de cau-  
 sa subridet Saturius ueterator, ut sibi uidetur. ait, pro-  
 pter ipsa HS 1000. uideo: sed tamē, cur ipsa HS 1000  
 tā uehementer concupierit, quæro. nā tibi M. Perpenna,  
 C. Piso certe tanti non fuisset, ut socium fraudaretis. Ro-  
 scio cur tanti fuerit, causam requiro: egebat? immo locu-  
 ples erat. debebat? immo in suis nummis uersabatur. aua-  
 rus erat? immo etiam ante, quam locuples, semper libera-  
 lissimus munificentissimūq; fuit. pro deum hominumq;  
 fidē, qui HS 100000. 100000. 100000. quæ-  
 stus facere noluit (nā certe HS 100000. 100000.  
 100000 merere & potuit, & debuit, si potest Diony-  
 sia HS 100000. 100000 merere) is per summā  
 fraudem, & malitiā, & perfidiam HS 1000 appetuit?  
 & illa fuit pecunia humanis; hæc paruula: illa honesta,  
 hæc sordida: illa iucunda, hæc acerba: illa propria, hæc in-  
 causa, & in iudicio collocata. decem his annis proximis  
 HS sexagies honestissime consequi potuit, noluit: labore  
 quæstus recepit, quæstū laboris reiecit: populo R. adhuc  
 seruire non destitit, sibi seruire iam pridem destitit. hoc  
 tu inquam Fāni faceres? sed si hos quæstus recipere pos-  
 ses, non eodem tempore & gestum, & animam ageres?  
 dic nunc te ab Roscio HS 1000 circumscriptum esse:

qui tantas, & tam infinitas pecunias non propter iner-  
tiam laboris, sed propter magnificentiam liberalitatis re-  
pudiavit. quid ego nunc illa dicā, quæ vobis in mentem  
venire certo scio? fraudabat te in societate Roscius. sunt  
iura, sunt formulæ de omnibus rebus cōstitutæ, ne quis  
aut in genere iniuriæ, aut ratione actionis errare possit:  
expressæ sunt. n. ex uniuscuiusq; damno, dolore, incōmo-  
do, calamitate, iniuria publicæ a Prætorē formulæ, ad  
quas priuata lis accōmodatur. quæ cum ita sint: cur non  
arbitrium pro socio adegeris Q. Roscium, quæq; formu-  
lā non noras? notissima erat iudicio graui experiri nole-  
bas? quid ita? propter familiaritatem ueterem? cur ergo  
lædis, propter integritatem hominis? cur igitur insinu-  
las? propter magnitudinē criminis? ita ne uero, quæ per  
arbitriū circumuenire non posses, cuius de ea re propriū  
erat iudiciū, hunc per iudicem cōdemnabis, cuius de ea  
re nullū est arbitriū? quin tu hoc crimen aut obijce, ubi  
licet agere: aut iacere noli, ubi non oportet, tametsi iam  
hoc tuo testimonio crimen sublatū est: nam quo tu tēpo-  
re illa formula ueni noluisti, nihil hūc in societatem frau-  
dis fecisse ostendisti. fecit pactionem: num tabulas habet,  
an non? si non habet, quæ admodū pactio est? si habet, cur  
non nominas? dic nunc, Rosciū abs te petisse, ut familiare  
suū sumeres arbitriū: non petiit. dic pactionem fecisse, ut  
absolueretur: nō pepigit. quare, quare sit absolutus: quod  
erat summa innocentia, & integritate: quid. n. factū est?  
uenisti domū ultro Rosciū: satisfecisti: quod temere com-  
misisses in iudiciū ut denuntiaret, rogasti ut ignosceret:  
te affuturum negasti: deberi tibi ex societate nihil, clami-  
tasti. iudici hic denuntiavit: absolutus est. tamen frau-

dis ac furti mentionem facere audes? perstat in impudentia: pactionem enim, inquit, mecum fecerat: iccirco uidelicet ne cōdemnaretur? quid erat causæ, cur metueret ne cōdemnaretur? res erat manifesta: furtum erat apertum, cuius rei furtum factum erat? exorditur magna cū expectatione ueteris histrionis exponere societatem. Panurgus, inquit, fuit Fannij. is fuit ei cum Roscio cōmunis. hic primū questus est nō leuiter Saturius, cōmunē factum esse gratis cū Roscio, qui pretio proprius fuisset Fannij. largitus est scilicet homo liberalis, et dissolutus, et bonitate affluēs Fannius Roscio. sic puto. quoniam ille hic cōstitit paulisper, mihi quoq; necesse est paulum cōmorari. Panurgum tu Saturi propriū Fannij dicis fuisse: at ego totū Roscij fuisse cōtendo: quid erat enim Fannij? corpus: quid Roscij? disciplina. facies non erat, ars erat pretiosa. ex qua parte erat Fannij, nō erat HS 1000: ex qua parte erat Roscij, amplius erat HS 100000. nemo enim illum ex trunco corporis spectabat, sed ex artificio comico aestimabat. nam illa membra merere per se nō amplius poterant duodecim aris: disciplina, quæ erat ab hoc tradita, locabat se non minus HS 100000. o societatem captiosam et indignam. ubi alter HS 1000, alter, 100000 quod sit, in societatem affert. nisi iccirco moleste pateris, q̃ HS 1000 tu ex arca proferebas, HS 100000 ex disciplina et artificio Roscius promebat: quam enim rem, et expectationē, quod studium, et quem fauorem secum in scenam attulit Panurgus? quod Roscij fuit discipulus. qui diligebant hūc, illi fauebant: qui admirabantur hunc, illum probabant: qui deniq; huius nomen audierant, illum eruditum et



perfectum existimabant. sic est uulgus, ex ueritate pauca, ex opinione multa aestimat. quid sciret ille, per paucis animaduertebant: ubi didicisset, omnes querebant: nihil ab hoc prauum & peruersum produci posse arbitrabantur. si ueniret ab Statilio, tametsi artificio Roscium superaret, aspicere nemo posset: nemo enim, sicut ex improbo patre probum filium nasci, sic ex pessimo histrione bonum comædum fieri posse existimaret. quia ueniebat à Roscio, plus etiam scire, quàm sciebat, uidebatur. quod ite nuper in Erote comædo usu uenit: qui postea quàm è scena non modo sibilis, sed etiam cōicio exlodebatur, sicut in aram confugit in huius domum, disciplinam, patrōcinium, nomen. itaq; per breui tempore, quine in nouissimis quidē erat histriōibus, ad primos peruenit comædos. quæ res extulit eum? una cōmendatio huius: qui tamen Panurgum illum nō solum, ut Roscij discipulus fuisse diceretur, domum recepit, sed etiā summo cum labore, stomacho, miseriāq; erudit: nam quousq; est solertior, & ingeniosior, hoc docet iracundius & laboriosius: quod enim ipse celeriter arripuit, id cum tarde percipi uidet, disfruciatur: paulo longius oratio mea prouecta est hac de causa, ut cōditionē societatis diligenter cognosceretis. quæ deinde consecuta? Panurgum, inquit, hunc seruū communem Q. Flauius Tarquiniensis quidam interfecit: in hanc rem, inquit, me cognitorem dedisti: lite contestata, iudicio damni iniuria constituto, tu sine me cum Flauio decidisti: utrum pro dimidia parte, an pro tota societate? planius dicam, utrum pro me, an pro me & pro te? pro me? potui. exemplo multorum licitum.



est: iure fecerunt multi: nihil in ea re tibi iniuria feci: pete tu tuum: exige, & aufer quod debetur: suam quisque partem iuris possideat, et persequatur. at enim tu tuum negotium gessisti bene: gere & tu tuum bene. magno tuam dimidia partem decidisti: magno & tu tuam partem decide, HS CCC ICCC tu abstulisti: si fit hoc uero, HS CCC ICCC tu quoque aufer. sed hanc decisionem Roscius, oratione, & opinione augere licet: re & ueritate mediocrem & tenuem esse inuenietis: accepit enim agrum temporibus istis, cum iacerent pretia prædiorum: qui ager neque uillam habuit, neque ex ulla parte fuit cultus: qui nunc multo pluris est, quam tunc fuit: neque id est mirum: tum enim propter Reip. calamitates omnium possessiones erant incertæ, nunc deum immortalium benignitate, omnium fortunæ sunt certæ: tum erat ager incultus sine tecto, nunc est cultissimus cum optima uilla. ueruntamen, quoniam natura tam maleuolus es, nunquam ista te molestia et cura liberabo. præclare suum negotium gessit Roscius, fundum fructuosissimum abstulit: quid ad te? tuam partem dimidia, quemadmodum uis, decide. uertit hic rationem, & id, quod probare non potest, fingere conatur. de tota re, inquit, decidisti. ergo huc uniuersa causa deducitur, utrum Roscius cum Flauio de sua parte, an de tota societate fecerit actionem. nam ego Roscium, siquid cõmuni nomine tetigit, confiteor præstare debere societati. societatis, non suas lites redemit, cum fundum à Flauio accepit. quid, ita satis non dedit, amplius à se neminem petiturum? qui de sua parte decidit, reliquis integram relinquit actionem. qui pro socijs transigit, satisfat neminem eorū postea petiturum.

quid ita Flavio sibi cauere non uenit in mentem? nesciebat uidelicet Panurgum fuisse in societate: sciebat. nesciebat Fanniū Roscio esse sociū: præclare: nam iste cum eo litem cōtestatam habebat. cur igitur decidit, et nō restipulatur, neminē amplius petiturū? cur de fundo decidit, & iudicio nō absoluitur? cur tam imperite facit, ut nec Roscium stipulatione alliget, neq; à Fannio iudicio se absoluat? est hoc primum & ex conditione iuris, & ex cōsuetudine cautionis grauissimum, & firmissimū argumentum: quod ego pluribus uerbis amplecterer, si non aliacertiora et clariora testimonia in causa haberē. et ne forte me hoc frustra pollicitū esse prædices, te, te inquit Fanni ab tuis subsellijs cōtra te testem suscitabo. criminatio tua quæ est? Rosciū cum Flavio pro societate decidisse: quo tēpore? ab hinc annis XV. defensio mea quæ est? Rosciū pro sua parte cum Flavio trāsegesse. repromittis tu ab hinc trienium Roscio. quid? recita istā restipulationē clarius. attende quasō Piso: Fanniū inuitū, & huc, atq; illuc tergiuersantem, testimoniū contra se dicere cōgo. quid enim restipulatio clāmat? QVOD A FLAVIO ABSTVLERO, PARTEM DIMIDIAM INDE ROSCIO ME SOLVTVRVM SPONDEO. tua uox est Fānī. quid tu auferre potes à Flavio, si Flavius nihil debet? quid hīc porro nunc restipulatur, quod iam pridem ipse exegit? quid uero Flavius tibi daturus est, qui Roscio omne, quod debuit, dissoluit? cur in re tā ueteri, in negotio tā cōfecto, in societate dissoluta, noua hac restipulatio interponitur? quis est huius restipulationis scriptor? testis? arbiter? quis tu Piso: tu. n. Q. Rosciū pro opera, pro la-

bore, & cognitor fuisset, & uadimonia obisset, rogasti ut Fannio daret HS CCCIDDD hac conditione, ut, si quid ille exegisset à Flauio, partem eius dimidiam Roscio dissolueret. satis ne ista restipulatio dicere tibi uideatur aperte, Rosciū pro se decidisse? at enim forsitan hoc tibi ueniat in mētē, repromississe Fanniū Roscio, si quid à Flauio exegisset, eius partem dimidiam: sed omnino exegisse nihil. quid? tu nō exitum exactionis, sed initium repromissionis spectare debes: neq; si ille persequi noluit, non, quod in se fuit, indicauit Roscium suas, nō societatis lites redemisse. quid, si tandem planum facio, post decisionem ueterem Roscij, post repromissionem recētem hanc Fanniū, HS CCCIDDD Fannium à Q. Flauio Panurgi nomine abstulisse? tamen diutius illudere uiri optimi existimationi Q. Roscij audebit? paulo ante querebam, id quod uehemēter ad rem pertinebat, qua de causa Flauius, cum de tota lite faceret pactionem, neq; satis acciperet à Roscio, neq; iudicio absolueretur à Fannio. nunc uero (id quod mirū et incredibile est) requiro, quamobrē, cum de tota re decidisset cū Roscio, HS CCCIDDD separatim Fannio dissoluit. hoc loco Saturi quid pares respondere, scire cupio: utrū, omnino Fanniū à Flauio HS CCCIDDD nō abstulisse? an alio nomine, & alia de causa abstulisse? si alia de causa, quæ ratio tibi cum eo intercesserat? nulla. addictus erat tibi? non. frustra tempus cōtero: omnino, inquit, HS CCCIDDD à Flauio nō abstulit neq; Panurgi nomine, neq; cuiusquam. si planum facio post hanc recētem stipulationē Roscij HS CCCIDDD à Flauio te abstulisse: nūquid causæ est, quin ab iudicio abeas turpissime uictus? quo teste igitur hoc planum faciam? uenerat,

ut opinor, hæc res in iudicium? certe, quis erat petitor? Fannius, quis reus? Flavius, quis iudex? Cluvius, ex his unus mihi testis est producendus, qui pecuniam datam dicat, quis est ex his grauissimus? sine controuersia, qui omnium iudicio comprobatus est, iudex, quem igitur ex his tribus à me testem spectabis? petito rem? Fannius est, contra se nunquam testimonium dicet, reum? Flavius est, is iam pridem est mortuus: si uiueret, uerba eius audiretis, iudicem? Cluvius est, quid is dicit? HS CCCIDDD, Panurgi nomine Flauium Fannio dissoluisse, quem tu si ex censu spectas, eques R. est: si ex uita, homo clarissimus est: si ex te, iudicem sumpstisti: si ex ueritate, id, quod scire potuit & debuit, dixit, nega, nega nunc, equiti R. homini honesto, iudici tuo, credi oportere, circūspicit, æstuat, negat nos Cluij testimonium recitatu ros, recitabimus, erras: inani, & tenui spe te cōsolaris, recita testimonium T. Manilij, et C. Lusciy Ocreæ, duorum senatorum, hominum ornatissimorum, qui ex Cluuiō audierunt, utrum dicis, Luscio & Manilio, an & Cluuiō non esse credendum? planius atq; apertius dicam, utrū Luscius & Manilius nihil de HS CCCIDDD ex Cluuiō audierunt? an Cluius falsum Luscio & Manilio dixit? hoc ego loco, soluto & quieto sum animo: &, quorsum recidat responsum tuum, non magnopere laboro: firmissimis enim, & sanctissimis testimonijs uirorum optimorum causa Rosciy communita est, si iam tibi deliberatum est, quibus abroges fidem iurisiurandi: responde, Manilio & Luscio negas esse credendum? dic, aude, est tuæ contumaciæ, arrogantiae, uitæq; uniuersæ uox, quid expectas, quàm mox ego Luscium & Maniliū di-

eam ordine esse senatores, etate grandes natu, natura sanctos & religiosos, copiis rei familiaris locupletes, & pecuniosos? nō faciā: nihil mihi detrahā, cū illis exacte etatis seuerissime fructū, quē meruerūt, retribuā. magis mea adoleſcētia indiget illorū bona existimatione, q̄ illorum seuerissima senectus desiderat meā laudē. tibi uero Piso diu deliberādū, & cōcoquendū est, utrū potius Cherea iniurato in sua lite, an Manilio & Luscio iuratis in alieno iudicio credas. Reliquū est, ut Cluiū falsum dixisse Luscio & Manilio cōcedat. quod si facit, qua impudētia est? eum ne testem improbabit, quē iudicē probauerit? ei negabit credi oportere, cui ipse crediderit? eius testis ad iudicē fidē infirmabit, cuius propter fidē & religionē iudicis testes cōparabat? quē ego si ferrē iudicē, refugere nō deberet: cū testē producā, reprehēdere audebit? dixit. n. inquit, iniuratus Luscio & Manilio. si diceret iuratus, crederes? at quid interest inter periurū, & mendacē? qui mētiri solet, peierare cōsuevit. quē ego, ut mētiatur, inducere possum; ut peieret, exorare facile poterō: nā qui semel a ueritate deflexit, hic nō maiore religione ad periuriū, q̄ ad mēdaciū perducī cōsuevit: quis enim deprecatione deorū, nō cōscientiæ fide cōmouetur? propterea, quæ pœna ab dijs immortalibus periuro, hæc eadem mēdaci cōstitutā est: nō. n. ex pactione uerborū, quibus insiurandū cōprehēditur, sed ex perfidia & malitia, per quā infidiæ cōduntur alicui, dij immortales hominibus irasci, & succēdere cōsuerunt. at ego hoc ex contrario cōtendo. leuior esset auctoritas Cluij, si diceret iniuratus, quā nunc est, cū dicit iniuratus: tum enim forsitan improbis nimis cupidus uideretur, qui, qua de re

index

index fuisset, testis esset : nūc omnibus inimicis necesse est  
castissimus, & constantissimus esse uideatur, qui id, quod  
scit, familiaribus suis dicit. dic nunc, si potes, si res, si cau-  
sa patitur, Cluuium esse mentitum. mentitus est Clui-  
us ? ipsa mihi ueritas manum iniecit, & paulisper confi-  
stere, & commorari cogit. unde hoc totum ductum, et  
conflatum mendacium est ? Roscius est uidelicet homo  
callidus & uersutus : hoc initio cogitare cepit : quoniā  
Fannius à me petit HS 1000, petam à C. Cluuius equi-  
te R. ornatissimo homine, ut mea causa mentiatur : dic-  
cat decisionem factā esse, quæ facta non est : HS CCC-  
1000 à Flauio data esse Fannio, quæ data non sunt. est  
hoc principium improbi animi, miseri ingenij, nullius cō-  
siliij. quid deinde ? posteaquam se præclare confirmauit,  
uenit ad Cluuium, quem hominem ? leuem ? immo grauif-  
simum : mobilem ? immo constantissimum : familiarem ?  
immo alienissimum. hunc posteaquam salutauit, rogare  
cepit, blande & concinne scilicet : mentire mea causa,  
uiris optimis tuis familiaribus presentibus dic Flauium  
cum Fannio de Panurgo decidisse, qui nihil transegit : dic  
HS CCC1000 dedisse, qui assem nullum dedit. quid  
ille ? ego uero cupide & libenter mentiar tua causa :  
& , si quando me uis peierare, ut paululum tu compen-  
dy facias, paratum fore scito. non fuit causa, cur tantū  
laborem caperes, & ad me uenires. per nuntium hoc,  
quod erat tam leue, transigere potuisti. pro deum homi-  
numq; fidem : hoc aut Roscius unquā à Cluuius petiisset,  
si HS millies in iudicium haberet : aut Cluuius Roscio  
parenti concessisset, si uniuersa prædæ particeps esset ? uix  
mediusfidius tu Fanni à Ballione, aut aliquo eius simili



hoc postulare auderes, et impetrare posses: quod cum est  
 ueritate falsum, tum ratione quoque est incredibile: obliui  
 scor. n. Roscium & Cluuium uiros esse primarios: impro-  
 bos, temporis causa esse fingo. falsum subornauit testem  
 Roscius Cluuium: cur tam sero? cur, cum altera pensio  
 soluenda esset; non tum, cum prima? nam iam antea HS  
 1000 dissoluerat. deinde, si iam persuasum erat Cluui-  
 o ut mentiretur: cur potius HS 1000, q̃ 1000  
 1000 data dixit Fannio à Flavio, cum  
 ex restipulatione pars eius dimidia Roscij esset? iam in-  
 telligis C. Piso, sibi soli, societati nihil Roscium petisse. hoc  
 cum sentit Saturius esse apertum, resistere, & repugna-  
 re contra ueritatem nō audet: aliud fraudis & insidia-  
 rum in eodem uestigio diuerticulum reperit. petisse, in-  
 quit, suam partem Roscium à Flavio cōfiteor: uacuā, &  
 integram reliquisse Fānij, concedo: sed quod sibi exegit,  
 ad comune societatis factum esse cōtendo. quo nihil ca-  
 ptiosius, neque indignius potest dici: quero. n. potuerit ne  
 Roscius ex societate suam partem petere, nec ne? si nō po-  
 tuit: quēadmodum abstulit? si potuit: quemadmodum nō  
 sibi exegit? nam quod sibi petitur, certe alteri nō exigi-  
 tur. an ita est? si, quod uniuersę societatis fuisset, petisset:  
 quod tum exactum esset, æqualiter omnes partirentur.  
 nunc cum petierit quod suę partis esset: nō quod abstu-  
 lit, soli sibi exegit? quid interest inter eum qui per se liti-  
 gat, & qui cognitor est datus? qui per se litem conte-  
 statur, sibi soli petit. alteri nemo potest, nisi qui cognitor  
 est factus. ita ne uero? cognitor si fuisset tuus; quod uici-  
 set iudicio, ferres tuum. suo nomine petiit: quod abstulit,  
 sibi, non tibi exegit. quod si quisquam petere potest alie-

ri, qui cognitor non est factus: quæro, quid ita, cum Pannurgus esset interfectus, & lis contestata cum Flavio damni iniuria esset, tu in eam litem cognitor Roscii sis factus? cum præsertim ex tua oratione, quodcunque tibi peteres, huic peteres: quodcunque tibi exigeres, id in societatem recideret. quod si ad Roscium nihil perveniret, quod tu à Flavio abstulisses, nisi te in suam litem dedisset cognitorem: ad te pervenire nihil debet, quod Roscius pro sua parte exegit, quoniam tuus cognitor non est factus. quid enim huic rei respondere poteris Fannius? cum de sua parte Roscius transigit cum Flavio, actionem tibi tuam reliquit, an non? si non reliquit, quemadmodum HS CCCIDDD ab eo postea exegisti? si reliquit, quid ab hoc petis, quod per te persequi & petere debes? simillima enim, & maxime gemina societas hereditatis est. quemadmodum socius in societate habet partem: sic hæres in hereditate habet partem. ut hæres sibi soli, non cohæredibus petit: sic socius sibi soli, non socijs petit: & quemadmodum uterque pro sua parte petit, sic pro sua parte dissolvit; hæres ex sua parte, qua hereditatē adiit; socius ex ea, qua societatem coijt. quemadmodum suam partem Roscius suo nomine condonare potuit Flavio, ut eam tu non peteres: sic cum exegit suam partem, & tibi integram petitionem reliquit, tecum partiri non debet. nisi forte tu perverso more, quod huius est, ab alio extorquere non potes, huic eripere potes. perstat in sententia Saturius; quodcunque sibi petat socius, id societatis fieri. quod si ita est: quæ (malum) stultitia fuit? Roscius qui ex iuris peritorum consilio & auctoritate restipularetur à Fannio diligenter, ut, quod

is exegisset à Flavio, dimidiam partem sibi dissolveret,  
 siquidem sine cautione, & repromissione nihilo minus id  
 Fannius societati, hoc est Roscio, debebat?

*desiderantur non pauca.*

ACCUSATIONIS IN C. VERREM  
LIBER PRIMVS, QVI DIVI  
NATIO DICITVR.  
ORATIO IIII.

**S** I QVIS uestrum indices, aut eorū,  
qui adsunt, forte miratur, me, qui tot  
annos in causis iudicijsq; publicis ita  
sim uersatus, ut defenderim multos, læ  
serim neminem, subito nūc mutata uo  
luntate ad accusandum descendere: is, si mei consilij cau  
sam rationemq; cognouerit, unā & id, quod facio, pro=  
babit, & in hac causa profecto neminem mihi esse præ=  
ponendum auctorem putabit. Cum Quaestor in Sicilia  
fuissem iudices, itaq; ex ea prouincia decessissem, ut Sicu  
lis omnibus iucundam diuturnamq; memoriam Quæ=  
sturæ nominisq; mei relinquerem: factū est, uti cū sum=  
mum in ueteribus patronis multis, tum nonnullum etiā  
in me præsidium suis fortunis constitutum esse arbitra=  
rentur, qui nunc populi, atq; uexati, cuncti ad me pu  
blice sæpe uenerunt, ut suarum fortunarum omnium  
causam defensionemq; susciperem. me sæpe esse pollicitū,  
sæpe ostendisse dicebant, si quod tempus accidisset, quo tē  
pore aliquid à me requirerent, commodis eorum me nō  
defuturum. uenisse tempus aiebant, non iam ut cōmoda  
sua, sed ut uitam salutemq; totius prouinciæ defenderē:  
se se iam ne deos quidem in suis urbibus, ad quos confu=  
gerēt, habere, quod eorum simulacra sanctissima C. Ver  
res ex delubris religiosissimis sustulisset: quas res luxu=  
ries in flagitijs, crudelitas in supplicijs, auaritia in rau

pinis, superbia in contumelijs efficere potuisset, eas omnes sese hoc uno Pratore per triennium pertulisse: rogare, et orare, ne illos supplices aspernarer, quos me incolumi nemini supplices esse oporteret. tuli grauiter, & acerbe iudices, in eum me locum adductum, ut aut eos homines spes falleret, qui opem à me, atq; auxilium expectassent; aut ego, qui me ad defendendos homines ab ineunte adolescentia dedissem, tempore atq; officio coactus ad accusandum traducerer. dicebam, habere eos actorem Q. Cæcilium, qui præsertim Quæstor in eadem prouincia post me Quæstorem fuisset. quo ego adiumento sperabam hanc à me molestiam posse dimoueri, id mihi erat aduersarium maxime: nam illi multo mihi hoc facilius remisissent, si istum non nossent, aut si iste apud eos Quæstor non fuisset. adductus sum iudices officio, fide, misericordia, multorum bonorum exemplo, ueteri consuetudine, institutoq; maiorum, ut onus hoc laboris, atq; officij non ex meo, sed ex meorum necessariorum tempore mihi suscipiendum putarem. quo in negotio tamen illa me res iudices consolatur; quòd hæc, quæ uidetur esse, accusatio mea, non potius accusatio, quàm defensio est existimanda: defendo enim multos mortales, multas ciuitates, prouinciam Siciliam totam. quam ob rem si mihi unus est accusandus, propemodum manere in instituto meo uideor, & non omnino à defendendis hominibus subleuandisq; discedere. quòd si hanc causam tam idoneam, tam illustrem, tam grauem non haberem; si aut hoc à me Siculi non petissent, aut mihi cum Siculis causa tantæ necessitudinis non intercederet; & hoc, quod facio, me Reip. causa fa-

cere profiterer, ut homo singulari cupiditate, audacia, scelere præditus, cuius furta atq; flagitia non in Sicilia solum, sed in Achaia, Asia, Cilicia, Pamphylia, Romæ denique ante oculos omnium maxima turpissimaq; nossemus, me agente in iudicium uocaretur: quis tandem esset, qui meum factum aut consilium posset reprehendere? quid est, pro deū hominumq; fidem, in quo ego Reip. plus hoc tempore prodesse possim? quid est, quod aut populo R. gratius esse debeat, aut socijs exterisq; nationibus optatius esse possit, aut saluti fortunisq; omnium magis accommodatum sit? populata, uexata, funditus eversa provincia: socij, stipendiarij; populi R. afflicti, miseri, iam non salutis spem, sed exitij solatium querunt. qui iudicia manere apud ordinem senatorium uolunt, queruntur accusatores se idoneos non habere. qui accusare possunt, iudiciorum seueritatem desiderant. populus R. interea, tametsi multis incommodis difficultatibusq; affectus est, tamen nihil æque in Rep. atque illam ueterem iudiciorum uim grauitatemq; requirit. iudiciorum desiderio tribunitia potestas efflagitata est. iudiciorum leuitate ordo quoque alius ad res iudicandas postulatur. iudicium culpa atque dedecore. etiam censorium nomen, quod asperius antea populo uideri solebat, id nunc poscitur, id iam populare, atque plausibile factum est. in hac libidine hominum nocentissimorum, in populi R. quotidiana querimonia, iudiciorum infamia, totius ordinis offensione, cum hoc unum his tot incommodis remedium esse arbitraret, ut homines idonei, atque integri causam Reip. legumq; susciperent: fateor me salutis omnium causa ad eam partem

accessisse Reip. subleuanda, quæ maxime laboraret. nunc,  
 quoniam, quibus rebus adductus ad causam accesserim,  
 demonstravi, dicendum necessario est de contentione no-  
 stra, ut in constituendo accusatore, quod sequi possitis,  
 habeatis. Ego sic intelligo indices: cum de pecunijs re-  
 petundis nomen cuiuspiam deferatur, si certamen inter  
 aliquos sit, cui potissimum delatio detur, hæc duo in pri-  
 mis spectari oportere: quem maxime uelint actorem esse  
 ei, quibus facta esse dicantur iniuriæ: & quem minime  
 uelit is, qui eas iniurias fecisse arguatur. in hac causa in-  
 dices, tamen si utrumque esse arbitror perspicuum, tamen  
 de utroque dicam, et de eo prius, quod apud uos plurimum  
 debet ualere, hoc est de uoluntate eorum, quibus iniuriæ  
 factæ sunt: quorum causa iudicium de pecunijs repetun-  
 dis est constitutum. Siciliam provinciam C. Verres per  
 triennium depopulatus esse, Siculorum ciuitates uastasse,  
 domos exinanisse, fana spoliasse dicitur. adsunt, querun-  
 tur Siculi uniuersi: ad meam fidem, quam habent specta-  
 tam iam, & diu cognitam, confugiunt: auxilium sibi per  
 me à uobis atque à populo R. legibus petiunt: me defen-  
 so rem calamitatum suarum, me ultorem iniuriarum, me cogni-  
 torum iuris sui, me actorem causæ totius esse uoluerunt.  
 utrum Q. Cecili hoc dices, me non Siculorum rogatu ad  
 causam accedere, an optimorum fidelissimorumque sociorum  
 uoluntate apud hos graue esse non oportere: si id audebis  
 dicere, quod C. Verres, cui te inimicum esse simulas, maxi-  
 me existimari uult, Siculos hoc à me non petisse: primum  
 causam inimici tui subleuabis: de quo non præiudicium,  
 sed planè iudicium iam factum putatur, quod ita percre-  
 bruit, Siculos omnes actorem suæ causæ contra illius in-



iurias quæssisse. hoc si tu, inimicus eius, factum negabis, quod ipse, cui maxime hæc res obstat, negare non audeat: uideato, ne nimium familiariter inimicitias exercere uideare. deinde sunt testes uiri clarissimi nostræ ciuitatis: quos omnes à me nominari nō est necesse. eos, qui adsunt, appello: quos, si mentirer, testes esse impudentiæ meæ minime uellē. scit is, qui est in consilio, C. Marcellus: scit is, quē adesse uideo, Cn. Lentulus Marcellinus: quorum fide atq; præsidio Siculi maxime nituntur, q̄ omnino Marcellorū nomini tota illa prouincia adiuncta est. hi sciūt, hoc non modo à me petitū esse, sed ita scire, & ita uehemēter esse petitū, ut aut causa mihi suscipiēda fuerit, aut officiū necessitudinis repudiandum. sed quid ego his testibus utor? quasi res dubia aut obscura sit. adsunt homines ex tota prouincia nobilissimi, qui præsentēs nos orāt atq; obsecrāt iudices, ut in actore causæ suæ diligendo uestrū iudiciū à suo iudicio ne discrepet. omniū ciuitatū totius Siciliæ legationes adsunt, præter duas ciuitates: quarum duarū si adessent, duo crimina uel maxima minuerētur, quæ cū his ciuitatibus C. Verri cōmunicata sunt. at enim cur à me potissimū hoc præsidium petiuerūt? si esset dubiū, petissent à me præsidium, nec ne: dicerē, cur petissent. nūc uero, cū id ita perspicuū sit, ut oculis iudicare possitis: nescio, cur hoc mihi detrimento esse debeat, si id mihi obiciatur, me potissimum esse delectum. uerum id mihi non sumo iudices, & hoc non modo in oratione mea non pono, sed ne in opinione quidem cuiusquam relinquo, me omnibus patronis esse præpositum. non ita est: sed uniuscuiusq; temporis, ualitudinis, facultatis ad agendum, ducta ratio est. mea fuit semper hæc in hac re uoluntas, & sen-

rentia, quemuis ut hoc mallent, de his qui essent idonei, suscipere, quam me; me ut mallent, quam neminem. Reliquum est iam, ut illud queramus, cum hoc constet, Siculos à me petisse: ecquid hanc rem apud uos, animosque uestros ualere oporteat, ecquid auctoritatis apud uos in suo iure repetundo socij populi R. supplices uestri habere debeant. de quo quid ego plura comemorem? quasi uero dubium sit, quin tota lex de pecunijs repetundis sociorum causa constituta sit. nam ciuibus cum sunt crepta pecunia, ciuili ferè actione, et priuato iure repetuntur: hac lex socialis est: hoc ius nationum exterarum est, hæc habent arcem, minus aliquanto nunc quidem munitam, quam antea: uerūtamen, si qua reliqua spes est, qua sociorum animos consolari possit, ea tota in hac lege posita est. cuius legis non modo à populo R. sed etiam ab ultimis nationibus iam pridem seueri custodes requiruntur. quis igitur est, qui neget oportere eorum arbitratu lege agi, quorum causa lex sit constituta? Sicilia tota, si una uoce loqueretur, hoc diceret: quod auri, quod argenti, quod ornamentorum in meis urbibus, sedibus, delubris fuit, quod in unaquaque re beneficio senatus populiq; R. in ris habui, id mihi tu C. Verres eripuisti, atq; abstulisti. quo nomine abs te sestertiū millies ex lege repeto. si uersa, ut dixi, prouincia loqui posset, hac uoce uteretur. quoniam id nō poterat, harum rerū actorem quem idoneum esse arbitrata est, ipsa delegit. in huiusmodi re quisquam tam impudens reperietur, qui ad alienam causam inuitis ijs, quorum negotium est, accedere, aut aspici rare audeat? si tibi Q. Cæcili hoc Siculi dicerent; te non nouimus, nescimus, qui sis, nunquam te antea uidi-

mus; sine nos per eum nostras fortunas defendere, cuius fides est nobis cognita: non ne id dicerent, quod cuius probare deberent? nunc hoc dicunt, utrumque se nosse, alterum se cupere defensorem esse fortunarum suarum, alterum planè nolle. cur nolint, etiam si tacent, satis dicunt. verum nò tacent. tamen his inuitissimis te offeres? tamen in aliena causa loquere? tamen eos defendes, qui se ab omnibus desertos potius, quàm abs te defensos esse malunt? tamen his operam tuam pollicebere, qui te neque uelle sua causa, nec, si cupias, posse arbitrantur? cur eorum spem exiguam reliquarum fortunarum, quàm habent in legis et iudicij seueritate positam, ui extorquere conaris? cur te interponis inuitissimis iis, quibus maxime lex consultum esse uult? cur, de quibus in prouincia non optime es meritus, eos nunc planè fortunis omnibus conaris euertere? cur iis non modo persequendi iuris sui, sed etiam deplorandæ calamitatis adiuuandis potestatem? nam te actore quem eorum affuturum putas, quos intelligis, non ut per te alium, sed ut per aliquem te ipsum ulciscantur, laborare? At enim solum id est, ut me Siculi maxime uelint: alterum illud credo obscurum est, à quo Verres minime se accusari uelit. æquis unquam tam palam de honore, tam uehementer de salute sua contendit, quàm ille atque illius amici, ut ne hæc mihi delatio detur? sunt multa, quæ Verres in me esse arbitratur, quæ scit in te Q. Cæcili nò esse: quæ cuiusmodi in utroque nostrum sunt, paulo post commemorabo. nunc tantum id dicam, quod tacitus tu mihi assentiare: nullam rem in me esse, quàm ille continet; nullam in te, quàm pertimescat, itaque magnus ille defensor,

et amicus eius tibi Hortēsius suffragatur, me oppugnat: aperte ab iudicibus petit, ut tu mihi anteponeare: & ait, hoc se honeste, sine ulla inuidia, ac sine ulla offensione contendere: nō enim, inquit, illud peto, quod soleo, cum uehementius cōtendi, impetrare; reus ut absoluator; non peto: sed ut ab hoc potius, q̄ ab illo accusetur, id peto. da mihi hoc: concede, quod facile est, quod honestum, quod non inuidiosum: quod cum dederis, sine ullo tuo periculo, sine infamia illud dederis, ut is absoluator, cuius ego causa laboro. & ait idem, ut aliquis metus adiunctus sit ad gratiam; certos esse in cōsilio, quibus ostendi tabellas uelit: id esse per facile: nō enim singulos ferre sentētias, sed uniuersos cōstituere: ceratam unicuiq; tabellam dari cera legitima, non illa infami ac nefaria. atq; is non tam propter Verrem laborat, q̄ q̄ cum minime res tota delectat: uidet enim, si à pueris nobilibus, quos adhuc elusit, si à quadruplatoribus, quos non sine causa cōtempnit semper, ac pro nihilo putauit, accusandi uoluntas ad uiros fortes, spectatosq; homines translata sit, se in iudicijs dominari nō posse. huic ego homini iam ante denuncio: si à me causam hanc uos agi uolueritis, rationem illi defendendi totam esse mutandam, & ita tamen mutandam, ut meliore & honestiore cōditione sit, q̄ qua ipse esse uult; ut imitetur homines eos, quos ipse uidit, amplissimos, L. Crassum, & M. Antonium, qui nihil se arbitrabātur ad iudicia causasq; amicorū prāter fidem, et ingenium asferre oportere. nihil erit, q̄ me agente arbitretur iudicium sine magno multorum periculo posse corrūpi. ego in hoc iudicio mihi Siculorum causam receptam, populi R. susceptam esse arbitror: ut mihi non unus homo im-

probus opprimendus sit, id quod Siculi petiuerunt, sed  
 omnino omnis improbitas, id quod populus R. iādiu fla-  
 gitat, extinguenda atq; delenda sit. in quo ego quid eniti;  
 aut quid efficere possim, malo in aliorum spe relinquere,  
 quā in oratione mea ponere. Tu uero Cæcili quid potes?  
 quo tēpore, aut qua in re non modo specimen cæteris ali  
 quod dedisti, sed tute tui periculum fecisti? in mētem ti  
 bi nō uenit, quid negotij su, causam publicam sustinere?  
 uitā alterius totā explicare? atq; eā non modo in animis  
 iudicum, sed etiam in oculis, conspiciat; omnium expo-  
 nere? sociorum salutem, cōmoda prouinciarum, uim le-  
 gum, grauitatem iudiciorū defendere? cognosce ex me,  
 quoniā hoc primū tempus discendi nactus es, q̄ multa  
 esse oporteat in eo, qui alterū accuset: ex quibus si unum  
 aliquod in te cognoueris, ego iam tibi ipse istuc, quod ex-  
 petis, mea uoluntate concedam. primū integritatem atq;  
 innocentiam singularem: nihil est enim, quod minus fe-  
rendum sit, q̄ rationem ab altero uitæ reposcere eū, qui  
nō possit suæ reddere. hic ego de te plura nō dicam: unū  
 illud credo omnes animaduertere, te adhuc ab nullis nisi  
 à Siculis potuisse cognosci: Siculos hoc dicere, cum ei-  
 dem sint irati, cui tu te inimicum esse dicis, sese tamen te  
 aēto ad iudicium non affuturos. quare negent, ex me  
 non audies: hos patere id suspicari, quod necesse est. illi  
 quidem, ut est hominum genus nimis acutum & suspi-  
 ciosum, nō te ex Sicilia literas in Verrem deportare uel-  
 le arbitrantur, sed, cum iisdem literis illius Prætura, &  
 tua Quæstura consignata sit, asportare te uelle ex Sicilia  
 literas suspicantur. deinde accusatorem firmū, uerumq;  
 esse oportet. cum ego si te putem cupere esse, facile intel-

ligo esse non posse. nec ea dico, quæ, si dicam, tamen infirmare non possis: te, antequam de Sicilia decesseris, in gratiam redisse cum Verre: Potamonem scribam, & familiarem tuum retentum esse à Verre in provincia, cum tu decederes: M. Cæcilium fratrem tuum, lectissimum, atque ornatissimum adolescentem, non modo non adesse, neque tecum tuas iniurias persequi, sed esse cum Verre, cum illo familiarissime atque amicissime uiuere. sunt hæc, et alia in te falsi accusatoris signa permulta: quibus ego nunc non utor. hoc dico, te, si maxime cupias, tamen uerum accusatorem esse non posse: uideo enim permulta esse crimina, quorum tibi societas cum Verre eiusmodi est, ut ea in accusando attingere non audeas. Queritur Sicilia tota C. Verrem ab aratoribus, cum frumentum sibi in cellam imperauisset, & cum esset tritici modius HS I I, pro frumento in modios singulos duodenos sesterrios exegisse. magnum crimen, ingens pecunia, furtum impudens, iniuria non ferenda. ego hoc uno crimine illum condempnum necesse est. tu Cæcili quid facies? utrum hoc tantum crimen pratermitteres, an obijcies? si obijcies: id ne alteri crimini dabis, quod eodem tempore in eadem provincia tu ipse fecisti? audebis ita accusare alterum, ut, quo minus tute condempnare, recusare non possis? si pratermitteres, qualis erit ista tua accusatio? quæ domestici periculi metu, certissimi & maximi criminis non modo suspicionem, uerum etiam mentionem ipsam pertimescat. emptum est ex S. C. frumentum ab Siculis Prætorè Verre, pro quo frumento pecunia omnis soluta non est. graue est hoc crimen in Verrem, graue me agente, te accusante nullum: eras enim tu Questor, pecuniâ publicâ tu tractabas: ex qua,

etiam si cuperet Prator, tamē, nequa deductio fieret, magna ex parte tua potestas erat. huius quoque igitur criminis te accusante mentio nulla fiet. silebitur toto iudicio de maximis, & notissimis illius furtis, & iniurijs. mihi crede Cæcili, non potest in accusando, socios uere defendere is, qui cum reo criminum societate cōiunctus est. mancipēs à ciuitatibus pro frumento pecuniā exegerunt. quid? hoc Verre Pratore factum est solum? non, sed etiam Quæstore Cæcilio. quid igitur? daturus es huic crimini, quod & potuisti prohibere ne fieret, & debuisti? an totum id relinques? ergo id omnino Verres in iudicio suo nō audiet, quod cum faciebat, quemadmodū defensurus esset, nō reperiēbat. atque ego hæc, quæ in medio posita sūt, cōmemoro. sunt alia magis occulta furtā: quæ ille, ut istius credo animos, atque impetus retardaret, cū Quæstore suo benignissime cōmunicauit. hæc tu scis ad me esse delata: quæ si uelim proferre, facile omnes intelligent, uobis inter uos nō modo uoluntatem fuisse cōiunctam, sed ne prædam quidem adhuc esse diuisam. quapropter si tibi iudicium postulas dari, quod tecum unā fecerit: concedo, si id lege permittitur. sin autem de accusatione dicimus: cōcedas oportet ijs, qui nullo suo peccato impediuntur, quo minus alterius peccata demonstrare possint. ac uide, quantū inter futurū sit inter meā, atque tuā accusatio nem. ego, etiā quæ tu sine Verre cōmisisti, Verri crimini daturus sum, quod te nō prohibuerit, cū summā ipse haberet potestatem. tu cōtra, ne quæ ille quidē fecit, obijcies, nequa ex parte cōiunctus cum eo reperiare. quid illa Cæcili? contemnenda ne tibi uidentur esse? sine quibus causa sustineri, præsertim tanta, nullo modo potest. aliqua



facultas agendi, aliqua dicendi consuetudo; aliqua in foro, iudicijs, legibus aut ratio, aut exercitatio. intelligo, quod scopuloso, difficiliq; in loco uerser: nam cum omnis arrogantia odiosa est, tum illa ingenij, atq; eloquentiae multo molestissima. quamobrem nihil dico de meo ingenio; neq; est, quod possim dicere; neq;, si esset, dicerem: aut enim id mihi satis est, quod est de me opinionis, quicquid est: aut, si id parum est, ego maius id commemorando facere non possum. de te Caelii iam mehercule hoc extra hanc contentionem certamenq; nostrum familiariter tecum loquar. tu ipse quemadmodum existimes, uide etiam, atq; etiam: et tu te collige: et qui sis, et quid facere possis, considera. putas ne te posse de maximis, acerbissimisq; rebus, cum causam sociorum, fortunasq; provinciae, ius populi Romani grauitatem iudicij, legumq; susceperis, tot res, tam uarias, uoce, memoria, consilio, ingenio sustinere? putas ne te posse, quae C. Verres in Quaestura, quae in Legatione, quae in Praetura, quae Romae, quae in Italia, quae in Achaia Asia, Pamphyliaq; patrarit, ea, quemadmodum locis, temporibusq; diuisa sint, sic criminibus et oratione distinguere? putas ne posse, id quod in eiusmodi reo maxime necessarium est, facere, ut, quae ille libidinose, quae crudeliter fecerit, ea aequae acerba et indigna uideantur esse ijs, qui audient, atq; illis uisa sunt, qui senserunt? magna sunt ea, quae dico: mihi, mihi crede, noli haec continere. dicenda, demonstranda, explicanda sunt omnia: causa non solum exponenda, sed etiam grauius copiosq; agenda est: perficiendum est, si quid agere aut perficere uis, ut homines te non solum audiant, uerum etiam libenter studio seq; audiant, in quo si te multum natura adiuuaret, si optimis a

mis à pueritia disciplinis atq; artibus studuisses, & in his  
 elaborasses, si literas græcas Athenis, nō Lilybæi, latinas  
 Romæ, non in Sicilia didicisses: tamen esset magnum, tan-  
 tam causam, tam expectatā & diligentia consequi, &  
 memoria complecti, & oratione exponere, & uoce, &  
 uiribus sustinere. fortasse dices, quid? ergo hæc in te sunt  
 omnia? utinam quidem essent: uerūtamen, ut esse possent,  
 magno studio mihi à pueritia est elaboratum. & si ego  
 hæc propter magnitudinem rerū, ac difficultatē assequi  
 non potui, qui in omni uita nihil aliud egi: q̃ longe tu te  
 ab his rebus abesse arbitrare, quas non modo antea nun-  
 quā cogitasti, sed ne nunc quidem, cū in eas ingrederis,  
 quæ & quantæ sint, suspicari potes? ego, qui, sicut omnes  
 sciunt, in foro iudicijsq; ita uerser, ut eiusdem ætatis aut  
 nemo, aut pauci plures causas defenderint, & qui omne  
 tempus, quod mihi ab amicorū negotijs datur, in his stu-  
 dijs, laboribusq; consumā, quō paratiōr ad usum foren-  
 sem, promptiorq; esse possim: tamen ita deos mihi uelim  
 propitios, ut, cū illius diei mihi uenit in mentem, quo die  
 citato reo mihi dicendum sit, non solū cōmoueor animo,  
 sed etiam toto corpore perhorresco. iam nūc mente, &  
 cogitatione prospicio, quæ tum studia hominum, qui cō-  
 cursus futuri sint, quantā expectationem magnitudo iu-  
 dicij sit allatura, quantā auditorū multitudinē C. Verris  
 infamia concitatura, quantā deniq; audientiam orationi  
 meæ improbitas illius factura sit. quæ cū cogito, iā nunc  
 timeo, quidnā pro offensione hominū, qui illi inimici, in-  
 fensiq; sunt, & expectatione omnium, & magnitudine  
 rerum dignū eloqui possim. tu horum nihil metuis, nihil  
 cogitas, nihil laboras: & si quid ex uetere aliqua oratio-

ne; I O V E M ego Optimū Maximū; aut, V E L L E M, si fieri potuisset iudices; aut aliquid eiusmodi ediscere potueris; praeclare te paratū in iudicium uenturū arbitraris. ac si nemo tibi respōsurus esset, tamē ipsam causam; ut ego arbitror, demonstrare nō possēs. nunc ne illud quidem cogitas, tibi cū homine disertissimo, & ad dicendū paratissimo futurū esse certamen? quicum modo differēdū, modo omni ratione pugnandū, certandumq; sit: cuius ego ingeniū ita laudo, ut nō pertimescam: ita probo, ut me ab eo delectari facilius, q̄ decipi putem posse. nunquam ille me opprimet consilio: nunq̄ ullo artificio peruertet: nunq̄ ingenio me suo labefactare atq; infirmare conabitur: noui omnes hominis petitiones, rationesq; dicēdi: saepe in iisdem, saepe in cōtrarijs causis uersati sumus. ita contra me ille dicet, quāuis sit ingeniosus, ut nonnullū etiam de suo ingenio iudiciū fieri arbitretur. te uero Cæcili quemadmodum sit elusus, quā omni ratione iactaturus, uidere iam uideor: quoties ille tibi potestatem optionemq; facturus sit, ut eligas utrū uelis; factū esse, nec ne; uerū esse, an falsum: utrū dixeris, id cōtra te futurum. qui tibi æstus, qui error, quæ tenebræ diu immortales erunt, homini minime malo? quid, cum accusationis tuæ membra diuidere cœperit, & in digitis suis singulas partes causæ constituere? quid, cum unūquodq; transigere, expedire, absolueret? ipse profecto metuere incipies, ne innocenti periculum facefferis. quid, cum commiserari, conqueri, & ex illius inuidia deonerare aliquid, & in te traicere cœperit? commemorare Quæstoris cum Prætoris necessitudinem constitutam? morem maiorum? sortis religionem? poteris ne eius orationis subire inuidiam?

vide modo, etiam atq; etiam considera : mihi. n. uidetur periculū fore, ne ille non modo uerbis te obruat, sed gestu ipso ac motu corporis prastringat acie ingenij tui; teq; ab institutis tuis, cogitationibusq; abducatur. atq; huiusce rei iudiciū iam continuo uideo futurū . si. n. mihi hodie respondere ad hæc, quæ dico, potueris; si ab isto libro, quem tibi magister ludi nescio quis ex alienis orationibus compositū dedit, uerbo uno discesseris: posse te et illi quoq; iudicio non deesse, & causæ atq; officio tuo satisfacere arbitror . sin mecum in hac prolusione nihil fueris, quem te in ipsa pugna cum acerrimo aduersario fore putemus? esto: ipse nihil est, nihil potest: ac uenit paratus cū subscriptoribus exercitatis & disertis. est tamē hoc aliquid, tametsi non est satis omnibus. n. rebus is, qui princeps in agendo est, ornatissimus et paratissimus esse debet. uerūtamen L. Apuleium esse uideo proximū subscriptorem, hominem nō atate, sed usu forensi atq; exercitatione tyronem. deinde, ut opinor, habet Allienū, hunc tamen à subsellijs: qui quid in dicendo possit, nunquam satis attendi : in clamando quidem uideo eum esse bene robustum atq; exercitatum. in hoc spes tuæ sunt omnes. hic, si tu eris actor constitutus, totum iudicium sustinebit. ac ne is quidem tantum contendet in dicendo, quantum potest; sed consulet laudi & existimationi tuæ, et ex eo, quod ipse potest in dicendo, aliquantum remittet, ut tu tamen aliquid esse uideare . ut in actoribus Græcis fieri uidemus; sæpe illum, qui est secundarum, aut tertiarum partiū, cum possit aliquanto clarius dicere, quam ipse primarum, multum summittere, ut ille princeps quāmaxime excellat: sic faciet Allienus, tibi seruiet, tibi

lenocinabitur: minus aliquanto contendet, quā potest. iam  
 hoc considerate, cuiusmodi accusatores in tanto iudicio si-  
 mus habituri, cum et ipse Allienus ex ea facultate, si quā  
 habet, aliquantum detracturus sit, et Cæcilius tum de-  
 nique se aliquid futurum putet, si Allienus minus uelhe-  
 mens fuerit, et sibi primas in dicendo partes concefferit.  
 quartum quem sit habiturus, non uideo, nisi quem forte  
 ex illo grege oratorū, qui subscriptionē sibi postularunt,  
 cuiusque uos delationem dedissetis, ex quibus alienissimis  
 hominibus ita paratus uenis, ut tibi hospes aliquis sit re-  
 cipiendus, quibus ego non sum tantum honorem habitu-  
 rus, ut ad ea, quæ dixerint, certo loco, aut singulatim uni-  
 cuique respondeā. sic breuiter, quoniā non consulto, sed ea  
 su in eorum mentionem incidi, quasi præteriens satisfac-  
 ciam uniuersis, tanta ne uobis inopia uidear. esse amico-  
 rum, ut mihi non ex his, quos mecum adduxerim, sed de  
 populo subscriptor addatur? uobis autem tanta inopia  
 reorum est, ut mihi causam præripere, conemini potius,  
 quā aliquos à columna Menia uestri ordinis reos reperia-  
 tis? custodē, inquit, Tullio me apponite. quid? mihi quā mul-  
 tis custodibus opus erit, si te semel ad meas capsas admi-  
 seras? qui, non solum ne quid enunties, sed etiam ne quid  
 auferas, custodiendus sis. sed de isto custode toto sic uo-  
 bis breuissime respondebo: non esse hos tales uiros cōmis-  
 suos, ut ad causam tantam à me susceptam, mihi credi-  
 tam quisquam subscriptor me inuito aspirare possit: et-  
 enim fides mea custodem repudiat, diligentia speculato-  
 rem reformidat. uerum ut ad te Cæcili redeam, quā-  
 multa te deficiant, uides: quā multa sint in te, quæ re-  
 us nocens in accusatore suo cupiat esse, profecto iam in-

telligis. quid ad hæc dici potest? non enim quero, quid tu dicturus sis. uideo, mihi non te, sed hunc librum esse responsurum, quem monitor tuus hic tenet. qui si recte monere uolet, suadebit tibi, ut hinc discedas, neque mihi uerbum ullum respondeas: quid enim dices? an id, quod ditatitas, iniuriam tibi fecisse Verrem? arbitror: neq; enim esset uerisimile, cum omnibus Siculis faceret iniurias, te illi unum eximium, cui consuleret, fuisse. sed ceteri Siculi ultorem suarum iniuriarum inuenerunt: tu, dū tuas iniurias per te, id quod non potest, persequi conaris, id agis, ut ceterorum quoq; iniuriæ sint impunitæ atq; inultæ. & hoc te præterit, non id solum spectari solere, qui debeat; sed etiam illud, qui possit ulcisci: in quo utrunq; sit, eum superiorem esse: in quo alterum, in eo, non quid is uelit, sed quid facere possit, quari solere. & si ei potissimum censes permitti oportere accusandi potestatem, cui maximam C. Verres iniuriam fecerit: utrum tandem censes hos iudices grauius ferre oportere; te ab illo esse læsum, an prouinciā Siciliā esse uexatā ac perditā? opinor, concedis, multo hoc esse grauius, & ab omnibus ferri grauius oportere. concede igitur, ut tibi anteponatur in accusando prouincia: nam prouincia accusat, cū is agit causam, quem sibi illa defensorem sui iuris, ultorem iniuriarum, actorem totius causæ adoptauit. at eā tibi C. Verres fecit iniuriam, quæ ceterorum quoq; animos posset alieno incommodo commouere. minime: nam id quoq; ad rem pertinere arbitror, qualis iniuriā dicatur, quæ causa inimicitiarum proferatur: cognoscite ex me: nam iste eam profecto, nisi planè nihil sapit, nunquā proferet. Agonis est quadam Lilybatana, liberta Ve-

neris Erycina, quæ mulier ante hunc Quæstorem copiosa planè & locuples fuit. ab hac præfectus Antonij quidam symphoniacos seruos abducebat per iniuriam, quibus se in classe uti uelle dicebat. tum illa, ut mos in Sicilia est omnium Venereorum, & eorum qui à Venere se liberauerunt: ut præfecto illi religionem Veneris, non menq; obijceret, dixit & se, & omnia sua Veneris esse. ut hoc Quæstori Cæcilio uiro optimo, & homini æquissimo nuntiatum est: uocari ad se Agonidem iubet: iudicium dat statim, si pateret eam se, & sua Veneris esse dixisse. iudicant Recuperatores id, quod necesse erat: neque enim erat cuiquam dubium, quin illa dixisset. iste in possessionem bonorum mulieris mittit: ipsam Veneri in seruitutem adiudicat: deinde bona uendit: pecuniam redigit. ita dum pauca mancipia Veneris nomine Agonis ac religione retinere uult, fortunas omnes libertatemq; suam istius iniuria perdidit. Lilybæū Verres uenit postea: rem cognoscit: factum improbat: cogit Quæstorem suam pecuniam, quam ex Agonidis bonis rede-gisset, eam mulieri omnem adnumerare & reddere. est adhuc, id quod uos omnes admirari uideo, nō Verres, sed Q. Mutius: quid enim facere potuit elegātius ad hominum estimationem? æquius ad leniendam mulieris calamitatem? uehementius ad Quæstoris libidinem coercendam? summe hæc omnia mihi uidentur esse laudanda. sed repente è uestigio ex homine, tanquam aliquo Circeo poculo, factus est Verres: redit ad se, atq; ad mores suos: nam ex illa pecunia magnam partem ad se auertit: mulieri reddit, quantulum uisum est. hic tu si læsum te à Verre esse dicis, patiar, & concedam: si iniuriam tibi factam quæ-



reris, defendam, et negabo. deinde de iniuria, quæ tibi facta sit, neminem nostrum grauiorem uindictam esse oportet, quam te ipsum, cui facta dicitur. si tu cum illo postea in gratiam redisti, si domi illius aliquoties fuisti, si ille apud te postea cenauit: utrum, te perfidiosum, an prauaricatorem existimari mauis? uideo esse necesse alterutrum. sed ego tecum in eo non pugnabo, quo minus, utrum uelis, eligas. quid, si ne iniuriæ quidem, quæ tibi ab illo facta sit, causa remanet? quid habes, quod possis dicere, quam ob rem non modo mihi, sed cuiquam anteponeas? nisi forte illud, quod dicturum te esse audio: Quæstorē illius fuisse. quæ causa grauis esset, si certares mecum, uter nostrum illi amicior esse deberet. in contentione suscipiendarum inimicitiarum ridiculum est putare, causam necessitudinis ad inferendum periculum iustam uideri oportere: etenim si plurimas à tuo Prætorē iniurias accepisses, tamen eas ferendo maiorem laudem, quam ulciscendo mererere: cum uero nullum illius in uita relictum sit, quam id quod tu iniuriam appellas; hi statuent, hanc causam, quam ne in alio quidem probarent, in te iustam ad necessitudinem uiolendam uideri? qui si summam iniuriam ab illo accepisti: tamen, quoniam Quæstor eius fuisti, non potes eum sine ulla uituperatione accusare. si uero nulla tibi facta est iniuria: sine scelere eum accusare non potes. quare cum incertum sit de iniuria: quenquam esse horum putas, qui non malit te sine uituperatione, quam cum scelere discedere? at uide, quid differat inter meam opinionem, ac tuam. tu cum omnibus rebus inferior sis, hac una in re te mihi anteferri putas oportere, quod Quæstor illius fueris. ego, si superior ceteris

rebus esses, te hanc unā ob causam accusatorē repudiari  
 putare oportere: sic. n. a maioribus nostris accepimus,  
 Prætorē Quæstori suo parentis loco esse oportere, nul-  
 lam neq; iustiorē, neq; graviorē causam necessitudi-  
 nis posse reperiri, q̄ coniunctionem sortis, q̄ provinciæ, q̄  
 officij, q̄ publicam muneris societatem. quam ob rem si  
 iure eum possis accusare, tamen, cum is tibi parentis nu-  
 mero fuisset, id pie facere non posses. cum uero neq; in-  
 iuriā acceperis, & Prætori tuo periculum crees: fatea-  
 ris, necesse est, te illi iniustum impiumq; bellum inferre  
 conari. etenim ista Quæstura ad eam rem ualet, ut ela-  
 borandum tibi in ratione reddenda sit, quamobrem, qui  
 Quæstor eius fueris, accuses: non ut ob eam ipsam cau-  
 sam postulandum sit, ut tibi potissimum accusatio detur.  
 neq; ferè unquam uenit in contentionem de accusando  
 qui Quæstor fuisset, quin repudiaretur. itaq; neque L.  
 Philoni in C. Seruiliū nominis deferēdi potestas est da-  
 ta, neq; M. Aurelio Scauro in L. Flaccum, neq; Cn. Pom-  
 peio in T. Albutium: quorum nemo propter indignita-  
 tem repudiatus est, sed ne libido uiolandæ necessitudinis  
 auctoritate iudicum comprobaretur. atq; ille Cn. Pom-  
 peius ita cum C. Iulio contendit, ut tu mecum: Quæstor  
 enim Albutij fuerat, ut tu Verris. Iulius hoc secum au-  
 ctoritatis ad accusandum afferebat, quod ut hoc tempo-  
 re nos ab Siculis, sic tum ille ab Sardis rogatus ad cau-  
 sam accesserat. semper hæc causa plurimum ualuit: sem-  
 per hæc ratio accusandi fuit honestissima, pro socijs,  
 pro salute provinciæ, pro exterarum nationum commo-  
 dis inimicitias suscipere, ad periculum accedere, operam,  
 studiū, laborem interponere. etenim si probabilis est eorū

causa, qui iniurias suas persequi uolunt, qua in re dolori suo, non Reip. commodis seruiunt: quanto illa causa honestior, quæ nō solum probabilis uideri, sed etiam grata esse debet; nulla priuatim accepta iniuria, sociorum atq; amicorum populi R. dolore atq; iniurijs comoueri nuper cum in P. Gabinium uir fortissimus et innocentissimus L. Piso delationem nominis postularet, et contra Q. Cæcilius peteret, usq; se ueteres inimicitias iadiu susceptas persequi diceret: cum auctoritas et dignitas Pisonis ualebat plurimum, tum illa erat causa iustissima, quod eum sibi Aelæi patronum adoptarant: etenim cum lex ipsa de pecunijs repetundis sociorum, atq; amicorum populi R. causa comparata sit; iniquum est, non eum legis iudiciq; actorem idoneum maxime putari, quem actorem causæ suæ socij, defensoremq; fortunaru suarum potissimum esse uoluerunt. an quod ad comemorandum est honestius, id ad probandum non multo uideri debet æquius? utra igitur est splēdidior, utra illustrior commemoratio? accusaui eum, quicum Quæstor fueram, quicum me fors cū suetudoq; maiorum, quicum me decorum hominumq; iudicium coniunxerat: an, accusaui rogatu sociorum atq; amicorum et delectus sum ab uniuersa prouincia, qui eius iura fortunæq; defenderē. dubitare quisquam potest, quin honestius sit, eorum causa, apud quos Quæstor fueris, quam eum, cuius Quæstor fueris, accusare? clarissimi uiri nostræ ciuitatis, temporibus optimis, hoc sibi amplissimum pulcherrimumq; ducebant, ab hospitibus clientibûq; suis, ab exteris nationibus, quæ in amicitiam populi R. ditionemq; essent, iniurias propulsare, eorumq; fortunas defendere. M. Cato.

nem illum sapientem, clarissimū uirū, & prudentissimū, cum multis graues inimicitias gessisse accepimus propter Hispanorū, apud quos Cōsul fuerat, iniurias. nuper Cn. Domitium scimus Decimo Syllano diem dixisse propter unius hominis Egritomari paterni amici, atque hospitis iniurias: neq; n. magis animos hominū nocentiū res unquam ulla cōmouit, quā hęc maiorū consuetudo longo interuallo repetita, atq; relata. sociorū querimoniæ delatæ ad hominē non inertissimū: susceptæ ab eo, qui uidebatur eorū fortunas fide, diligentiaq; sua posse defendere. hoc timent homines: hoc laborant: hoc institui, atque adeo institutū referri, ac renouari moleste ferūt. putant fore, uti, si paulatim hęc consuetudo serpere, ac prodire cœperit, per homines honestissimos uirosq; fortissimos, nō imperitos adolescētulos, aut illiusmodi quadruplatores leges iudiciaq; administrentur. cuius consuetudinis, atq; instituti patres maioresq; nostros nō pœnitebat, tū, cū P. Lētulus, is, qui princeps senatus fuit, accusabat M. Aquiliū subscriptore C. Ruilio Rufo; aut cū P. Africa-nus, homo uirtute, fortuna, gloria, rebus gestis amplissimus, posteaq; bis Consul & Censor fuerat, L. Cottam in iudiciū uocabat. iure tum florebat populi R. nomē: iure auctoritas huius imperij, ciuitatisq; maiestas grauis habebatur. nemo mirabatur in Africano illo, quod in me nūc homine paruis opibus, ac facultatibus prædito simulant sese mirari: cū moleste ferant: quid sibi iste uult? accusatorē ne se existimari, qui antea defendere cōsue-rat? nūc præsertim, ea iam ætate, cū Aedilitatem petat. ego uero ætatis non modo meæ, sed multo etiā superio-ris, & honoris amplissimi puto esse, & accusare impro-

bos, & miseros calamitososq; defendere. & profecto aut  
 hoc remediū est ægrotae, ac propè desperatae Reip. iudi-  
 ciusq; corruptis, ac cõtaminatis paucorū uitio ac turpitu-  
 dine, homines ad legū defensionē iudiciorumq; auctorita-  
 tem quā honestissimos, & integerrimos, diligentissimosq;  
 accedere: aut, si ne hoc quidē prodesse poterit, profecto  
 nulla unquā medicina his tot incōmodis reperietur, nulla  
 salus Reip. maior est, q̃ eos, qui alterū accusant, nō minus  
 de laude, de honore, de fama sua, q̃ illos, qui accusantur,  
 de capite, ac fortunis suis pertimescere. itaq; semper ṽ di-  
 ligētissime, laboriosissimeq; accusarūt, qui se ipsos in disci-  
 men existimationis uenire arbitrati sunt. quāobrem hoc  
 statuere iudices debetis, Q. Cæciliū, de quo nulla unquā  
 opinio fuerit, nullaq; in hoc ipso iudicio expectatio futu-  
 ra sit, qui neq; ut ante collectam famā cōseruet, neq; uti  
 reliqui tēporis spem cōfirmet, laborat; nō nimis hāc cau-  
 sam seuerē, nō nimis accurate, nō nimis diligenter actū-  
 rum: habet enim nihil, quod in offensione deperdat, ut  
 turpissime flagitiosissimeq; discedat: nihil de suis ueteri-  
 bus ornāmētis requireret. à nobis multos obsides habet po-  
 pulus R. quos ut incolumes cōseruare, tueri, confirmare,  
 ac recuperare possimus, omni ratione erit dimicandum.  
 habet honorē, quem petimus: habet spem, quā proposi-  
 tam nobis habemus: habet existimationē multo sudore,  
 labore, uigilijsq; collectam: ut, si in hac causa nostrū of-  
 ficiū, ac diligentiam probauerimus, hāc, quæ dixi, retine-  
 re per populum R. incolumia, ac salua possimus: si tan-  
 tulum offensum titubatūq; sit, ut ea, quæ singulatim  
 ac diu collecta sunt, uno tempore uniuersa perda-  
 mus. quapropter iudices uestrum est, deligere quem

existimetis facillime posse magnitudinem causæ, ac iudiciũ sustinere fide, diligentia, cõsilio, auctõritate. uos si mihi Q. Cæcilium anteposueritis, ego me dignitate super eum non arbitror: populus R. ne tam honestã, tam seueram, diligentemq; accusationem neq; uobis placuisse, neq; ordini uestro placere arbitretur, provideat.

## ACCUSATIONIS IN C. VER-

## REM LIBER II.

## ORATIO V.

Q VOD erat optandum maxime iudices, & quod unum ad inuidiam uestri ordinis, infamiamq; iudiciorum sedandam maxime pertinebat: id non humano consilio, sed propè diuinitus datum, atq; oblatum uobis summo Reip. tempore uidetur: inuenerat enim iam opinio perniciosa Reip. uobisq; periculosa, quæ non modo Romæ, sed & apud exteras nationes omnium sermone percrebruit, his iudicijs, quæ nũc sint, pecuniosum hominem, quamuis sit nocēs, neminem posse damnari. nunc in ipso discrimine ordinis iudiciorumq; uestrorum, cum sint parati qui concionibus & legibus hanc inuidiam senatus inflammare conentur: reus in iudicium adductus est C. Verres; homo uita atq; factis, omnium iam opinione damnatus; pecuniæ magnitudine, sua spe, ac prædicatione absolutus. huic ego causæ iudices cum summa uoluntate, & expectatione populi R. actor accessi: non ut augerem inuidiam ordinis, sed ut infamiam cõmunĩ succurrerem: adduxi enim hominem,

in quo recôciliare existimationem iudiciorum amissam, redire in gratiam cum populo R. satisfacere exteris nationibus possetis: depeculatorem ærarij, uexatorẽ Asiæ, atq; Pamphylia, prædonem iuris urbani, labem atq; perniciem provinciae Siciliae. de quo si uos seuerè, religiosq; iudicaueritis: auctoritas ea, quæ in uobis remanere debet, hærebit. sin istius ingêtes diuitiæ iudiciorum religionem, ueritatemq; perfregerint: ego hoc tamen assequar, ut iudicium potius Reip. quã aut reus iudicibus, aut accusator reo defuisse uideatur. equidem, ut de me cõfitear iudices, cum multæ mihi à C. Verre insidiæ terra mariq; factæ sint, quas partim mea diligẽtia deuitarim, partim amicorũ studio, officioq; repulerim: nũquam tamẽ neq; tantũ periculũ mihi adire uisus sum, neq; tantopere peritimi, ut nũc in ipso iudicio. neq; tantũ me expectationis meæ, cõcursusq; tantæ multitudinis, quibus ego rebus uehementissime perturbor, cõmouet; quantũ istius insidiæ nefariæ, quas uno tempore mihi, uobis, M. Glabrioni Prætori, socijs, exteris nationibus, ordini, nomini deniq; senatorio facere conatur. qui ita dictitat, ijs esse metuẽdum, qui, quod ipsis solis satis esset, surripuissent: se tantum rapuisse, ut id multis satis esse possit; nihil esse tam sanctũ, quod non uiolari; nihil tam munitũ, quod nõ expugnari pecunia possit. q̃ si, quàm audax est ad conandũ, tam esset obscurus in agendo: fortasse aliqua in re nos aliquando fefellisset. uerũ hoc adhuc percommode cadit, quod cũ incredibili eius audacia singularis stultitia coniuncta est: nam ut apertus in corripiendis pecunijs fuit, sic in spe corrumpendi iudicij perspicua sua consilia, conatusq; omnibus fecit. semel ait se in uita perituisse,



tum, cum primum reus à me factus sit: quòd, cū è pronuncia recens esset, inuidiaq; & infamia non recenti, sed uetere ac diuturna flagraret, tum ad iudiciū corrūpendum tempus alienū offenderet. itaq; cū ego diem in Siciliam inquirendi perexiguam postulauissem, inuenit iste qui sibi in Achaiam biduo breuiorem diem postularet: non ut idem conficeret diligentia, & industria sua, quòd ego meo labore, & uigilijs consecutus sum: etenim ille Achaicus inquisitor ne Brūdusium quidem peruenit: ego Siciliam totam quinquaginta diebus sic obij, ut omnium populorū, priuatorumq; literas, iniuriasq; cognoscerem: ut perspicuū cuius esse possit, hominem ab isto quæsitu esse, non qui reū suū adduceret, sed qui meū tempus obsideret. nūc homo audacissimus, atq; amentissimus hoc cogitat. intelligit me ita paratū, atq; instructum in iudiciū uenire, ut non modo in auribus uestris, sed in oculis omnium sua furta, atq; flagitia defixurus sim: uidet senatores multos esse testes audaciæ suæ: uidet multos equites R. frequētes, præterea ciues atq; socios, quibus ipse insignes iniurias fecerit: uidet etiam tot graues ab amicissimis ciuitatibus legationes cū publicis auctoritatibus, ac testimonijs conuenisse. quæ cū ita sint: usq; eò de omnibus bonis male existimat, usq; eò senatoria iudicia perditā profligataque esse arbitratur, ut hoc palām dictitet, non sine causa se cupidum pecuniæ fuisse, quoniam tantum in pecunia præsidium experiatur esse: sese ( id quod difficillimū fuerit) tēpus ipsum emisse iudicij sui, quo cætera facilius emere posset, ut, quoniā criminū uim subterfugere nullo modo poterat, procellam tēporis deuitaret. quòd si nō modo in causa, uerū in aliquo honesto præsi-

dio, aut in alicuius eloquentia aut gratia spem aliquam  
 collocasset: profecto non hæc omnia colligeret, atque au-  
 cuparetur, non usque eò desiceret, contemneretq; ordi-  
 nem senatorium, ut arbitratu eius deligeretur ex senatu  
 qui reus fieret, qui, dum hic, quæ opus essent, cõpararet,  
 causam interea ante eum diceret. quibus ego rebus quid  
 iste speret, & quò animum intendat, facile perspicio.  
 quamobrem uero se confidat aliquid perficere posse hoc  
 Prætor, & hoc consilio, intelligere non possum. unum il-  
 lud intelligo, quod populus R. in reiectione iudicum iu-  
 dicauit: ea spe istū fuisse præditū, ut omnē rationē salu-  
 tis in pecunia poneret; hoc crepto præsidio, ut nullā sibi  
 rem adiumento fore arbitraretur: etenim quod est in-  
 genium tantum, quæ tanta facultas dicendi, & copia,  
 quæ istius uitam tot uitijis flagitijsq; conuietam, iam pri-  
 dem omnium uoluntate, iudicioq; damnatam, aliqua ex  
 parte possit defendere? cuius ut adolescentiæ maculas  
 ignominiasq; præteream, Quæstura primus gradus ho-  
 noris quid aliud habet in se, nisi Cn. Carbonem spo-  
 liatum à Quæstore suo pecunia publica? nudatum,  
 & proditum Consulem? desertum exercitum? reli-  
 ctam provinciam? sortis necessitudinem, religionemq;  
 uiolatam? cuius Legatio exitium fuit Asiæ totius, &  
 Pamphyliae. quibus in provincijs multas domos, plu-  
 rimas urbes, omnia fana depeculatus est, cum in  
 Cn. Dolabellam scelus suum illud pristinum reno-  
 uauit, & instaurauit quæstorium, cum eum, cui Le-  
 gatus, & Proquæstore fuisset, & in inuidiam suis  
 maleficijs adduxit, & in ipsis periculis non solum  
 deseruit, sed etiam oppugnavit, ac prodidit. cuius

Prætura urbana ædium sacrarū fuit, publicorumq; operum depopulatio : simul in iure dicendo bonorū possessionumq; contra omnium instituta addiclio, & condonatio. iam uero omnium uitiorū suorum plurima & maxima constituit monimēta, & indicia in prouincia Sicilia: quā iste per trienniu ita uexauit, ac perdidit, ut ea restitui in antiquū statum nullo modo possit, uix autem per multos annos, innocentesq; Prætores aliqua ex parte recreari aliquando posse uideatur. hoc Prætor Siculi neq; suas leges, neq; nostra S. C. neq; cōmunia iura tenuerūt. tantum quisq; habet in Sicilia, quantū hominis auarissimi, & libidinosisi aut imprudētiam subter fugit, aut satietati super fuit. nulla res per triēnium, nisi ad nutum istius, iudicata est : nulla res cuiusquam tam patria, atq; auita fuit, quæ non ab eo, imperio istius abiudicaretur. innumerabiles pecuniæ ex aratorū bonis nouo nefarioq; instituto coactæ: socij fidelissimi in hostium numero existimati : ciues Romani seruilem in modū cruciati, et necati : homines nocentissimi propter pecuniam iudicio liberati, honestissimi, atq; integerrimi absentes rei facti, indicta causa damnati, et ciecli : portus munitissimi, maxime tutissimæq; urbes piratis, prædonibusq; patefactæ: nautæ, militesq; Siculorum, socij nostri, atq; amici fame necati : classes optime, atq; opportunissimæ cum magna ignominia populi R. amissæ & perditæ. idem iste Prætor monumenta antiquissima partim Regum locupletissimorum, quæ illi ornamento urbibus esse uoluerunt, partim etiam nostrorum Imperatorum, quæ uictores ciuitatibus Siculis aut dederunt, aut reddiderunt, spoliavit, nudauitq; omnia, neque hoc solum in statuis publicis,

blicis, ornamētisq; fecit : sed etiam delubra omnia sanctissimis religionibus consecrata depeculatus est : deum deniq; nullū Siculis, qui ei paulo magis affabre, atq; antiquo artificio factus uideretur, reliquit. in stupris uero; et flagitijs nefarias eius libidines cōmemorare, pudore deterreor : simul illorū calamitatem cōmemorando augere nolo, quibus liberos coniugesq; suas integras ab istius petulantia conseruare non licitū est. at enim hæc ita cōmissa sunt ab isto, ut non cognita sint ab omnibus. hominem esse arbitror neminem, qui nomē istius audierit, quin facta quoq; eius nefaria cōmemorare possit: ut mihi magis timendum sit, ne multa crimina prætermittere, q̄ nequa in istū fingere existimer: neq; n. mihi uidetur hæc multitudo, quæ ad audiendū cōuenit, cognoscere ex me causam uoluisse, sed ea, quæ scit, mecum recognoscere. quæ cum ita sint: iste homo amēs ac perditus alia mecum ratione pugnat: non id agit, ut alicuius eloquentiam mihi opponat: nō gratia, non auctoritate cuiusquā, non potentia nititur: simulat, his se rebus confidere. sed uideo, quid agat: neq; n. agit occultissime: proponit inania mihi nobilitatis, hoc est hominum arrogantium nomina: qui non tam me impediunt, q̄ nobiles sunt; quàm adiuuant, q̄ noti sunt: simulat se eorum præsidio confidere, cū interea aliud quiddam iandiu machinetur. quam sp̄e nunc habeat in manibus, et quid moliatur, breuiter iam iudices exponam: sed prius, ut ab initio res ab eo cōstituta sit, quas cognoscite. Ut primum ē prouincia redijt, redemptio est huius iudicij facta grādi pecunia: mansit in conditione atq; pacto usq; ad eum finem, dum iudices reiecti sunt. posteaquam reiectio iudicum facta

est: & in sortitione, istius spem fortuna populi R. & in reiciendis iudicibus, mea diligentia istorum impudentiam uicerat; renuntiata est tota conductio. praeclare se res habebat: libelli nominum uestrorum consilijsq; huius in manibus erant omnium: nulla nota, nullus color, nulla sordes uidebantur his sententijs allini posse: cum iste repete ex alacri, atq; lato sic erat humilis, atq; demissus ut non modo populo R. sed etiam sibi ipse condemnatus uideretur. ecce autem repente, his diebus paucis, comitijs consularibus factis, eadem illa uetera consilia pecunia maiore repetuntur, eademq; uestrae famae, fortunisque omnium insidiae per eosdem homines comparantur. quae res primo iudices pertenui nobis argumento, indicioq; patefacta est: post aperto suspicionis introitu ad omnia intima istorum consilia sine ullo errore peruenimus: nam ut Hortensius Cos. designatus domum reducebatur e caelo, cum maxima frequentia, a multitudine; sit obuiam casu ei multitudini C. Curio: quem ego hominem honoris potius, quam contumeliae causa nominatum uolo: etenim ea dicam, quae ille si commemorari nolisset, non tanto in conuentu, tam aperte, palamq; dixisset: quae tamen a me pedetentim cauteq; dicuntur, ut amicitiae nostrae, & dignitatis illius habita ratio esse intelligatur. uidet ad ipsum fornicem Fabianum in turba Verrem: appellat hominem, & ei uoce maxima uictoriam gratulatur: ipsi Hortensio, qui Consul erat factus, propinquis necessarijsq; eius, qui tum aderant, uerbum nullum facit: cum hoc consistit, hunc amplexatur, hunc iubet sine cura esse. renuncio, inquit, tibi, te hodiernis comitijs esse absolutum. quod cum tam multi homines honestissimi au-

dissent, statim ad me defertur, immo uero, ut quisq; me uiderat, narrabat. alijs illud indignum, alijs ridiculum uidebatur: ridiculum ijs, qui istius causam in testium fide, in criminum ratione, in iudicum potestate, non in comitijs consularibus positam arbitrabantur: indignum ijs, qui altius perspiciebant, & hanc gratulationem ad iudicium corrumpendum spectare arbitrabatur: etenim sic ratiocinabantur, sic honestissimi homines inter se, & mecum loquebantur, aperte iam & perspicue nulla esse iudicia; qui reus pridie iam ipse se condemnatum putabat, is, posteaquam defensor eius Consul est factus, absoluitur. quid igitur? q̃ tota Sicilia, q̃ omnes Siculi, omnes negotiatores, omnes publicæ priuatæq; literæ Romæ sūt, nihil ne id ualebit? nihil, inuito Consule designato. quid iudices? non crimina, non testes, non existimationem populi R. sequentur? non: omnia in unius potestate, ac moderatione uertentur. uere loquar iudices, uehementer me hæc res comouebat: optimus enim quisq; ita loquebatur: iste quidem tibi eripietur, sed nos non tenebimus iudicia diutius: etenim quis poterit Verre absoluto de transferendis iudicijs recusare? erat omnibus molestum: neque eos tam istius perditæ subita lætitia, quàm hominis amplissimi noua gratulatio commouebat. cupiebam dissimulare, me id moleste ferre: cupiebam animi dolorem uultu tegere, & taciturnitate celare: ecce autem illis ipsis diebus, cum Prætores designati sortirentur, & M. Metello obtigisset, ut is de pecunijs repetundis quaereret: nuntiat mihi, tantam isti gratulationem esse factam, ut is quoque domum mitteret, qui uxori suæ nuntiarent. sanè ne hæc quidem res mihi pla-

cebat : neque tamen , quid tantopere in hac sorte metuendum mihi esset , intelligebam : unum illud ex hominibus certis , ex quibus omnia comperi , reperiēbam , fiscos complures cū pecunia Siciliensi à quodam senatore ad equitem Romanū esse translatos : ex his quasi X fiscos ad senatorē illum reliētos esse comitiōrū meorū nomine : diuisores omniū tribuū noctu ad istū uocatos . ex quibus quidā , qui se omnia mea causa debere arbitrabatur , eadem illa nocte ad me uenit , demonstrat qua iste oratione usus esset : commemorasse istū , quā liberaliter eos tractasset iam antea , cum ipse Praturam petisset , et proximis cōsularibus , pratorisq; comitis : deinde esse pollicitum , quantum uellent , pecuniā , si me Aedilitate deiecissent : hoc alios negasse audere ; alios respondisse , non putare perfici posse : inuentū tamen esse fortem amicum , ex eadem familia Q. Verrem Romilia , ex optima diuisorū disciplina , patris istius discipulum , atq; amicū , qui , HS quingentis millibus depositis , id se perfecturum pollicetur : et fuisse tamen nonnullos , qui se unā facturos esse dicerent . quæ cum ita essent : sanè beneuolo animo me , ut magnopere cauērem , pramonebat . sollicitabar rebus maximis uno , atq; eo perexiguo tempore . urgebāt comitia : et his ipsis oppugnabar grandi pecunia . instabat iudiciū ei quoq; negotio fisci Sicilienses minabantur . agere , quæ ad iudiciū pertinebant , libere , comitiōrū metu deterrebar : petitioni toto animo seruire , propter iudiciū nō licebat . minari deniq; diuisoribus , ratio nō erat , propterea qd eos intelligere uidebam , me hoc iudicio districtum , atque obligatum futurum . atq; hoc ipso tempore Siculis denuntiātum esse audio , primum ab Hortensio , domum



ad illum ut uenirēt: Siculos sanè in eo liberos fuisse, qui,  
 quam ob rem accerserentur, cum intelligerent, nō uenif-  
 sent. interea comitia nostra, quorū iste se, ut ceterorum  
 hoc anno comitiorū, dominum esse arbitrabatur, haberi  
 cœpta sunt. cursare iste homo potens cū filio blando &  
 gratioſo circū tribus: paternos amicos, hoc est diuifores,  
 appellare omnes, & cōuenire. quod cum eſſet intellectū,  
 & animaduerſum: fecit animo libentiſſimo populus R.  
 ut cuius diuitiæ me de fide deducere non potuiſſent, ne  
 eiſdem pecunijs de honore deicerer. poſteaquam illa pe-  
 titiōnis magna cura liberatus ſum, animo cœpi multo  
 magis uacuo, ac ſoluto nihil aliud niſi de iudicio agere,  
 & cogitare. reperio iudices hæc ab iſtiſ conſilia inita, &  
 conſtituta, ut, quacūq; opus eſſet ratione, res ita ducere-  
 tur, ut apud M. Metellū Prætorem cauſa diceretur: in eo  
 eſſe hæc commoda, primū M. Metellū amiſſiſſimum, dein  
 de Hortenſiū Conſulem, non ſolū, ſed etiam Q. Metellū:  
 qui quā. iſti ſit amicus, attendite: dedit enim prærogati-  
 uam ſuæ uoluntatis eiſmodi, ut iſti pro prærogatiuis iā  
 reddidiſſe uideatur. an me taciturū tantis de rebus exiſti-  
 mauiſti? & in tanto Reip. exiſtimationiſq; meæ pericu-  
 lo cuiquā conſulturum potius, quā officio & dignita-  
 ti meæ? accerſit alter Conſul designatus Siculos: ueniunt  
 nōnulli, propterea q̃ L. Metellus eſſet Prætor in Sicilia:  
 cum iſ ita loquitur, ſe Conſulem eſſe; fratrem ſuū, alte-  
 rū Siciliam prouinciā obtinere, alterum eſſe quaſiturū  
 de pecunijs repetundis: Verri ne noceri poſſit, multis rā-  
 tionibus eſſe prouiſum. quid eſt quaſo Metelle iudiciū  
 corrumpere, ſi hoc non eſt: teſtes, præſertim Siculos, timi-  
 dos homines, & afflictoſ, non ſolum auctoritate deter-

rere, sed etiam consulari metu, & duorum Prætorum potestate? quid faceres pro homine innocente, & propinquo, cum propter hominem perditissimum, atq; alienissimum de officio, ac dignitate decedis, et cōmittis, ut, quod ille dictitat, alicui, qui te ignorat, uerum esse uideatur? nam hoc Verrem dicere aiebant: te non fateri, ut ceteros ex uestra familia, sed opera sua Consulem factum. duo igitur Consules, & Quæstor erunt ex illius uoluntate: non solum effugiemus, inquit, hominem in querendo nimium diligentem, nimium seruientem populi existimationi, M. Glabrimonem: accedet nobis etiam illud: iudex est M. Cæsonius collega nostri accusatoris, homo in rebus iudicandis spectatus, & cognitus: quem minime expediat esse in eo consilio, quod conemur aliqua ratione corrumpere: propterea quod iam antea, cum iudex in Iuniano consilio fuisset, turpissimum illud facinus non solum grauius tulit, sed etiam in medium protulit. hunc iudicem ex Cal. Iano non habebimus. Q. Manlium, & Q. Cornificium, duos seuerissimos, atq; integerrimos iudices, quod Tribuni pl. tum erunt, iudices non habebimus. P. Sulpitius, iudex tristis & integer, magistratum ineat necesse est. Nonis Dec. M. Crepercius ex acerrima illa equestri familia, & disciplina; L. Cassius ex familia tum ad ceteras res, tum ad iudicandum seuerissima; Cn. Tremellius, homo summa religione, & diligentia; tres hi homines ueteres Tribuni militares sunt designati, ex Cal. Iano non iudicabunt. subfortiemur etiam in M. Metelli locum, quoniam is huic ipsi quæstioni præfuturus est. ita secundum Cal. Iano, & Præto, & propè toto consilio commutato, magnas accusatoris minas, magnamq; iudicij expectatio-

nem ad nostrum arbitrium, libidinemq; eludemus. Non  
 nae sunt hodie. Sextiles : hora nona convenire coepistis .  
 hunc diem iam ne numerant quidem . decem dies sunt  
 ante ludos uotiuos, quos Cn. Pompeius facturus est . hi  
 ludi dies quindecim auferent : deinde continuo Romani  
 consequentur . ita propè XL diebus interpositis , tum  
 denique se ad ea, quæ à nobis dicta erunt , responsuros  
 esse arbitrantur : deinde se ducturos et dicendo, et ex  
 cusando facile ad ludos Victoriæ : cum his plebeios esse  
 coniunctos , secundum quos aut nulli, aut pauci dies ad  
 agendum futuri sunt : ita defessa , ac refrigerata ac-  
 cusatione rem integram ad M. Metellum Prætorem esse  
 uenturam . quem ego hominem, si eius fidei diffusus es-  
 sem , iudicem non retinuisssem . nunc tamen eo animo  
 sum , ut eo iudice , quàm Prætore , hanc rem transigi  
 malim , et iurato suam , quàm iniurato aliorum tabel-  
 las committere . nunc ego iudices iam uos consulo , quid  
 mihi faciendum putetis : id enim consilij mihi profecto  
 taciti dabitis ; quod egomet mihi necessario capiendum  
 intelligo . si utar ad dicendum meo legitimo tempore :  
 mei laboris , industriæ ; diligentiaq; capiam fructum ,  
 et ex accusatione perficiam, ut nemo unquam post ho-  
 minum memoriam paratior, uigilantior, compositior ad  
 iudiciū uenisse uideatur . sed in hac laude industriæ meæ  
 reus ne elabatur, summum periculum est . quid est igitur,  
 quod fieri possit? non obscurum, opinor, neq; abscon-  
 ditum . fructum istum laudis, qui ex perpetua oratione  
 percipi potuit, in alia tēpora reseruemus . nūc hominē ta-  
 bulis, testibus, priuatis, publicisq; literis, auctoritatibusq;  
 accusemus . res omnis mihi tecū erit . Hortēsi . dicā aperte .

si te mecū dicendo, ac diluendis criminibus in hac causa  
 cōtendere putarē, ego quoq; in accusando, atq; in explicā  
 dis criminibus operam consumerem. nunc quoniam pu-  
 gnare contrā me instituisi, non tā ex tua natura, quā  
 ex istius tempore, & causa, malitiose: necesse est istiusmo-  
 di rationi aliquo consilio obsistere. tua ratio est, ut secun-  
 dū binos ludos mihi respondere incipias: mea, ut ante pri-  
 mos ludos cōperendinem. ita fiet, ut tua ista ratio existi-  
 metur astuta, meū hoc consiliū necessariū: uerum illud,  
 quod institueram dicere, mihi rem tecū esse, huiusmodi  
 est. ego cū hanc causam Siculorū rogatu recepissem, idq;  
 mihi amplū, & praeclarū existimassem, eos uelle meae fi-  
 dei diligentiaq; periculum facere, qui innocentiae, abstinē-  
 tiaq; fecissent: tu suscepto negotio maius mihi quiddam  
 proposui, in quo meam in Remp. uoluntatē populus R.  
 perspicere posset. nam illud mihi nequaquam dignū in-  
 dustria, conatuq; meo uidebatur, istū a me in iudiciū iā  
 omnium iudicio condemnatū uocari, nisi ista tua intolera-  
 bilis potentia, & ea cupiditas, qua per hosce annos in qui-  
 busdam iudicys usus es, etiam in istius hominis desperati  
 causa interponeretur. nunc uero, quoniam hac te omnis  
 dominatio, regnumq; iudiciorū tantopere delectat; &  
 sunt homines, quos libidinis, infamiaq; sua neq; pudeat,  
 neq; tædeat, qui quasi de industria in odiū offensionemq;  
 populi R. irruere uideantur: hoc me profiteor suscepisse,  
 magnum fortasse onus, & mihi periculosum, uerunta-  
 men dignū in quo omnes nervos aetatis, industriaq; meae  
 contenderem: quoniam totus ordo paucorum improbi-  
 tate, et audacia premitur, et urgetur infamia iudiciorū:  
 profiteor, huic generi hominum me inimicū, accusatorem,

odiosum, assiduum, acerbum aduersarium. hoc mihi summo : hoc mihi depono : quod agam in magistratu, quod agam ex eo loco, ex quo me populus R. ex Cal. ian. secū agere de Rep. de hominibus improbis uoluit. hoc munus Aedilitatis meae populo R. amplissimum, pulcherrimumq; polliceor. moneo, prae dico, ante denuntio: qui aut deponere, aut accipere, aut recipere, aut polliceri, aut sequestres, aut interpretes corrumpendi iudicij solent esse, quiq; ad hanc rem aut potentiam, aut impudiciam suam professi sunt, abstineant in hoc iudicio manus, animosq; ab hoc scelere nefario. erit tum Consul Hortensius cum summo imperio, & potestate: ego autem Aedilis, hoc est paulo amplius, quam priuatus. tamen hac huiusmodi res est, quam me acturum esse polliceor, ita populo R. grata, atq; iucunda, ut ipse Consul in hac causa praeme minus etiam, si fieri possit, quam priuatus esse uideatur. omnia non modo commemorabuntur, sed etiam expositis certis rebus agetur, quae intra decem annos, posteaquam iudicia ad senatum translata sunt, in rebus iudicandis nefarie, flagitioseq; facta sunt. cognoscet ex me populus R. quid sit, quamobrem, cum equester ordo iudicaret, annos prope quinquaginta cōtinuos nullo iudice equite R. iudicante tenuissima quidem suspicio acceptae pecuniae ob rem iudicandam constituta sit: quid sit, quod iudicij ad senatorium ordinem translatis, sublatq; populi R. in unum quenq; nostrum potestate, Q. Calidius damnatus dixerit, minoris HS XXXM praetorium hominem honeste non posse damnari: quid sit, quod P. Septimio senatore damnato, Q. Hortensio Praetore, de pecuniis repetundis, lis aestimata sit in eo nomine, quod ille ob rem iudi-

candam pecuniam accepisset:  $\phi$  in C. Herennio, quod in C. Popilio senatoribus, qui ambo peculatus dānati sunt;  $\phi$  in M. Attilio, qui de maiestate damnatus est, hoc planum factum est, eos pecuniam ob rem iudicandam accepisse:  $\phi$  inuenti sunt senatores, qui C. Verre Præt. urbano sortiente, exirent in eum reū, quem incognita causa condemnarent:  $\phi$  inuentus est senator, qui cum iudex esset, in eodem iudicio ab reo pecuniam acciperet, quā iudicibus divideret,  $\phi$  ab accusatore, ut reum damnavet. iam uero quomodo illam labem, ignominiam, calamitatemq; totius ordinis conquerar? hoc factum esse in hac ciuitate, cum senatorius ordo iudicaret, ut discoloribus signis, iuratorum hominum sententiæ notarētur. hæc omnia me diligenter, seuerēq; acturū esse polliceor. quomē tandem animo fore putetis, si quid in hoc ipso iudicio intellexero simili aliqua ratione esse uiolatum, atque commissum? cum præsertim planum facere multis testibus possim, C. Verrem in Sicilia multis audientibus sæpē dixisse, se habere hominem potentem, cuius fiducia prouinciam spoliaret: neq; sibi soli pecuniā querere, sed ita trienniu illud Præturæ Siciliensis distributum habere, ut secū præclare agi diceret, si unius anni quæstum in rem suam cōuerteret, alterū patronis, et defensoribus sui traderet, tertiu illud uberrimu quæstuosissimuq; annu totum iudicibus reseruaret. ex quo mihi uenit in mentē illud dicere, quod apud M. Glabrimonem nuper cū in reip. clendis iudicibus cōmemorassē, intellexi uehemēter populum R. cōmoueri: me arbitrari fore, uti nationes exteræ legatos ad populum R. mitterent, ut lex de pecunijs repetundis iudiciuq; tolleretur. si enim iudicia nulla sint:

tantum unumquenq; ablaturum putant, quantum sibi ac  
 liberis suis satis esse arbitretur. nunc quod eiusmodi iudi-  
 cia sint: tantum unumquenq; auferre, quantum sibi, patro-  
 nis, aduocatis, Prætoribus, iudicibus satis futurum sit: hoc  
 profecto infinitum esse: se auarissimi hominis cupiditati  
 satisfacere posse, nocentissima victoriæ non posse. o com-  
 moranda iudicia, præclaramq; existimationem nostri or-  
 dinis, cum socij populi R. iudicia de pecunijs repetundis  
 fieri nolunt, quæ à maioribus nostris sociorum causa com-  
 parata sunt. an iste unq; de se bonam spem habuisset, nisi  
 de vobis malam opinionem animo imbibisset? quo maio-  
 re etiam, si fieri potest, apud vos odio esse debet, quàm est  
 apud populum R. cum in auaritia, scelere, periurio vos  
 sui similes esse arbitretur. cui loco per deos immortales  
 iudices cõsulite, ac provide. moneo; prædicoq; id, quod  
 intelligo, tempus opportunissimum vobis hoc diuinitus da-  
 tum esse, ut odio, inuidia, infamia, turpitudine totum or-  
 dinem liberetis. nulla in iudicijs seueritas, nulla religio,  
 nulla deniq; iam existimatur esse iudicia. itaq; à populo  
 R. contemnimur, despiciimur, graui, diuturna; iam fla-  
 gramus infamia: neq; enim ullam aliam ob causam po-  
 pulus R. tribunitiam potestatem tanto studio requisit:  
 quam cum poscebat, uerbo illam poscere uidebatur; re-  
 uerà iudicia poscebat. neq; hoc Q. Catulum hominem  
 sapientissimum, atq; amplissimum fugit: qui, Cn. Pom-  
 peio uiro fortissimo, & clarissimo de tribunitia potesta-  
 te referente, cum esset sententiam rogatus, hoc initio est  
 summa cum auctoritate usus: patres cõscriptos iudicia  
 male & flagitiose tueri: qd si in rebus iudicandis popu-  
 li R. existimationi satisfacere uoluissent, non tantopere



homines fuisse tribunitiam potestatem desideraturos. ipse denique Cn. Pompeius, cum primum concionem ad Urbem Consul designatus habuit: ubi ( id quod maxime expectari uidebatur ) ostendit se tribunitiam potestatem restitutum, factus est in eo strepitus, & grata concionis admurmuratio. idem in eadem concione cum dixisset, populas, uexasq; esse prouincias, iudicia autem turpia, & flagitiosa fieri, ei rei se prouidere, ac consulere uelle: tum uero non strepitu, sed maximo clamore suam populus R. significauit uoluntatem. nunc autem homines in speculis sunt: obseruant, quemadmodum se unusquisq; uestrum gerat in retinenda religione, conseruandisq; legibus. uident, adhuc post legem tribunitiam unum senatorem uel tenuissimum esse damnatum. quod tametsi non reprehendunt, tamen magnopere, quod laudent, non habent: nulla est enim laus, ibi esse integrum, ubi nemo est, qui aut possit, aut conetur corrumpere. hoc est iudiciu, in quo uos de reo, populus R. de uobis iudicabit. in hoc homine statuetur, possit ne senatoribus iudicantibus homo nocentissimus, pecuniosissimusq; damnari. deinde est huiusmodi reus, in quo homine nihil sit, prater summa peccata, maximamq; pecuniam: ut, si liberatus sit, nulla alia suspicio, nisi ea, quæ turpissima est, residere possit. non gratia, non cognatione, non alijs recte factis, non deniq; aliquo mediocri uitio tot tantaque eius uitia subleuata esse existimabuntur. postremo ego causam sic agam iudices: eiusmodi res, ita notas, ita testatas, ita magnas, ita manifestas proferam, ut nemo à uobis, ut istum absoluat, per gratiam conetur contendere. habeo autem certam uiam, atque rationem, qua omnes illorum conatus inuesti-

gare, & consequi possim. ita res à me agetur, ut in eorum consilijs omnibus non modo aures hominum, sed etiam oculi populi R. interesse uideatur. uos aliquot iam per annos conceptam huic ordini turpitudinem, atq; infamiã delere, ac tollere potestis. constat inter omnes, post hæc cõstituta iudicia, quibus nũc utimur, nullũ hoc splendore, atque hac dignitate consilium fuisse. hic si quid erit offensum; omnes homines nõ iam ex eodem ordine alios magis idoneos, quod fieri non potest; sed alium omnino ordinem ad res iudicandas quærendum arbitrabuntur. quapropter primum ab dijs immortalibus, quod sperare mihi uideor, hoc idem iudices peto, ut in hoc iudicio nemo improbus præter eum, qui iam pridem inuentus est, reperiatur. deinde, si plures improbi fuerint, hoc uobis, hoc populo R. iudices confirmo, uitam mehercule mihi prius, quàm uim perseuerantiamq; ad illorum improbitatem persequendam defuturam. uerum quod ego laboribus, periculis, inimicitijsq; meis tum, cũ admissum erit, dedecus seuerè me persecuturum esse polliceor; id ne accidat, tu tua sapientia, auctoritate, diligentia M. Glabrio potes providere. suscipe causam iudiciorum: suscipe causam seueritatis, integritatis, fidei, religionis: suscipe causam senatus, ut is hoc iudicio probatus, cum populo R. et in laude, & in gratia esse possit. cogita, qui sis, quo loco, quid dare populo R. quid reddere maioribus tuis debeas. fac tibi paternæ legis Aciliæ ueniat in mentem: qua lege populus R. de pecunijs repetundis, optimis iudicijs, seuerissimisq; iudicijs usus est. circumstant te summæ auctoritates, quæ te obliuisci laudis domestica non sinant, quæ te dies noctesq; cõmoneant, fortissimũ tibi patrem,

sapientissimum auum, grauiissimum socerum fuisse. quare si Glabronis patris uim, & acrimoniam ceperis ad resistendum hominibus audacissimis; si aui Scauolæ prudentiam ad prospiciendas insidias, quæ tuæ, atq; horum famæ cōparantur; si socii Scauri constantiam, ut ne quis te de uera, & certa possit sententia dimouere: intelliget populus R. integerrimo, atque honestissimo Prætorē, delectoq; consilio, nocenti reo magnitudinem pecunie plus habuisse momenti ad suspicionem criminis, quàm ad rationem salutis: mihi certum est non cōmittere, ut in hac causa Prætor nobis, consiliūq; mutetur. non patiar rem in id tempus adduci, ut Siculi, quos adhuc serui designatorum Consulū non mouerunt, cum eos nouo exemplo uniuersos arcesserent, eos tum lictores Consulū uocent, ut homines miseri, antea socij, atque amici populi R. nūc serui ac supplices, non modo ius suū fortunæq; omnes eorum imperio amittant, uerū etiam deplorandi iuris sui potestatem non habeant. non sīam profecto, causa à me perorata, XL diebus interpositis, tum nobis denique respondeant, cum accusatio nostra in obliuionem diuturnitate adducta sit. non cōmittam, ut tum res iudicetur, cum hæc frequentia totius Italiæ Roma discesserit, quæ conuenit uno tempore undique, comitiorum, ludorum, censendiq; causa, huius iudicij & laudis fructum, & offensionis periculum, uestrum; laborem, solitudinemq; nostram; scientiam quid agatur, memoriāq; quid à quoq; dictum sit, omnium puto esse oportere. faciam hoc non nouū, sed ab ijs, qui nunc principes nostræ ciuitatis sunt, ante factum, ut testibus utar statim. illud à me nouum iudices cognoscetis, q̃ ita testes

constituam, ut crimen totum explicem : ubi id interrogando, argumentis atq; oratione firmavero, tum testes ad crimen accommodem, ut nihil inter illam usitatam accusationem, atque hanc novam intersit, nisi quod in illa tunc, cum omnia dicta sunt, testes dantur, hic in singulas res dabuntur, ut illis quoque eadem interrogandi facultas, argumentandi, dicendiq; sit. si quis erit, qui perpetuam orationem, accusationemq; desideret: altera actione audiet. nunc id, quod facimus, ea ratione facimus, ut  
\* malitia illorum consilio nostro occurramus, necessario fieri intelligat. hac primæ actionis erit accusatio. Dicimus C. Verrem, cum multa libidinoſe, multa crudeliter in cives R. atque in socios, multa in deos, hominesq; nefarie fecerit, tum præterea quadringentis sestertium ex Sicilia contra leges abstulisse. hoc testibus, hoc tabulis, privatis publicisq; auctoritatibus ita nobis planum faciemus, ut hoc statuatis, etiam si spatium ad dicendum nostro commodo, vacuosq; dies habuiſſemus, tamen oratione longa nihil opus fuisse. Dixi.

ACCUSATIONIS IN C. VER-  
REM LIBER III.  
ORATIO VI.

EMINEM uestrum ignorare arbi-  
tror iudices, hunc per hosce dies sermo-  
nem uulgi, atq; hanc opinionem populi  
R. fuisse, C. Verrem altera actione re-  
sponsurum nō fuisse, neq; ad iudicium  
affuturum. quæ fama non iccirco solum emanarat, q̃  
iste certe statuerat, ac deliberauerat, non adesse: uerum  
etiam, quod nemo quenquam tam audacem, tam amen-  
tem, tam impudentem fore arbitrabatur, qui tam nefas-  
rijs criminibus, tam multis testibus cinctus, ora iudicum  
aspicere, aut os suū populo R. ostēdere auderet. est idem  
Verres, qui fuit semper, ut ad audendum proiectus, sic  
paratus ad audiendū: præsto est, respondet, defenditur:  
ne hoc quidem sibi reliqui fecit, ut in rebus turpissimis,  
cum manifesto teneatur; si reticeat, & absit, tamen im-  
pudentiæ suæ pudētē exitum quæsisse uideatur. patior  
iudices, & non moleste fero, me laboris mei, uos uirtutis  
uestræ fructum esse laturos: nam si iste id fecisset, quod  
primo statuerat, ut non adesset; minus aliquanto, quàm  
mihi opus esset, cognosceretur, quid ego in hac accusatio-  
ne cōparanda, constituendāq; elaborassem: uestra uero  
laus tenuis planè, atq; obscura iudices esset: neq; n. hoc  
à uobis populus R. expectat, neque eo potest esse conten-  
tus, si condemnatus sit is, qui adesse noluerit, & si for-  
tes fueritis in eo, quem nemo sit ausus defendere. immo  
uero adsit, respondeat, summis opibus, summo studio  
potentissimorum

potentissimorum hominum defendatur: certet mea diligencia cum illorum omnium cupiditate, uestra integritas cum istius pecunia, testium constantia cum illius patronorum minis, atq; potentia. tum demum illa uicta uidebuntur, cum in contentionem certamenq; uenerint. absens si isle esset damnatus, non tam ipse sibi consuluisse, q̃ inuidisse uestræ laudi uideretur: neq; enim salus ulla maior Reip. hoc tempore reperiri potest, quàm populum R. intelligere, diligenter reiectis ab accusatore iudicibus, socios, leges, Remp. senatorio consilio maxime posse defendi. neq; tanta fortunis omnium perniciēs potest acciderē, quàm opinione populi R. rationem ueritatis, integritatis, fidei, religionis ab hoc ordine abiudicari. itaq; mihi uideor magnam, & maxime agram, & propē depositam Reip. partem suscepisse, neq; in eo magis mea, quàm uestræ laudi existimationiq; seruisse: accessi enim ad inuidiam iudiciorum leuandam, uituperationemq; tollendā, ut, cum hæc res pro uoluntate populi R. esset iudicata, aliqua ex parte mea diligencia constituta auctoritas iudiciorum uideretur: postremo, ut esset hoc iudicatum, ut finis aliquando iudiciariæ controuersię constitueretur: etenim sine dubio iudices in hac causa ea res in discrimē adducitur: reus est enim nocentissimus: qui si condemnatur, desinent homines dicere, his iudicijs pecuniam plurimum posse: sin absoluitur, desinemus nos de iudicijs transferendis recusare. tametsi de absolutione istius neq; ipse iam sperat, nec populus R. metuit. de impudētia singulari, quod adest, quod respōdet, sunt qui mirentur: mihi pro cætera eius audacia atq; amentia ne hoc quidē mirandū uidetur: multa. n. & in deos, & in homines impie

nefarieq; cōmisit. quorum scelerum pœnis agitur, &  
 à mente consilioq; deducitur. agūt cum præcipitem pœ  
 nâ ciuiū R. quos partim securi percussit, partim in uin  
 culis necauit, partim implorantes iura libertatis & ciui  
 tatis in crucem sustulit. rapiunt eum ad supplicium dy  
 patrij: q̄ iste inuentus est, qui è complexu parentum ab  
 reptos filios ad necem duceret, & parentes pretium pro  
 sepultura liberū posceret. religiones uero, cerimoniaq; o  
 mnium sacrorum, fanorumq; uiolata, simulacraq; deo  
 rum, quæ non modo ex suis templis ablata sunt, sed etiā  
 iacent in tenebris ab isto retrusa, atq; abdita, consistere  
 eius animum sine furore atq; amentia non sinunt. neq;  
 iste mihi uidetur se ad damnationem offerre solum, ne  
 que hoc auaritiæ supplicio communi, qui tot sceleribus se  
 obstrinxerit, contentus esse: singularem quandam pœnā  
 istius immanis, atq; importuna natura desiderat. non id  
 solum queritur, ut isto damnato bona restituantur ijs,  
 quibus erepta sunt: sed & religiones deorum immorta  
 lium expiandæ, & ciuium R. cruciatus, multorumq; in  
 nocentium sanguis istius supplicio luendus est: non enim  
 furem, sed ereptorem; non adulterum, sed expugnatorē  
 pudicitiae; non sacrilegum, sed hostem sacrorum religio  
 numq; non sicarium, sed crudelissimum carnificem ciui  
 um, sociorumq; in uestrum iudicium adduximus: ut ego  
 hunc unum eiusmodi reum post hominum memoriam  
 fuisse arbitrer, cui damnari expediret: nam quis hoc non  
 intelligit? istum absolutum dijs hominibusq; inuitis, tamē  
 ex manibus populi R. eripi nullo modo posse? quis hoc  
 non perspicit, præclare nobiscū actum iri, si populus R.  
 istius unius supplicio contentus erit? ac non sic statuerit,



non istum maius in sese scelus concepisse, cum sana spoliari, cum tot homines innocētes necarit, cum ciues R. morte, cruciату, cruce affecerit, cum prædonū duces accepta pecunia dimiserit; quā eos, si qui istum tot, tantis, tam nefariis sceleribus coopertum iurati sententia sua liberarent? non est, nō est in hoc homine cuiquam peccandi locus iudices: non is est reus, nō id tempus, non id consilium (metuo, ne quid arrogātius apud tales viros uidear dicere) ne actor quidem est is, cui reus tam nocēs, tam perditus, tam uictus aut occulte surripi, aut impune eripi possit. his ego iudicibus non probabo C. Verrem cōtra leges pecunias cepisse: sustinebunt tales uiri, se tot senatoribus, tot equitibus R. tot ciuitatibus, tot hominibus honestissimis ex tam illustri prouincia, tot populorū, priuatorumq; literis non credidisse: tantæ populi R. uoluntati restituisse: sustineant. reperiemus; si istum uinum ad aliud iudicium perducere potuerimus, quibus probemus, istum in Quæstura pecuniā publicam Cn. Carboni Cos. datam auerxisse: quibus persuadeamus, istum alieno nomine à Quæstoribus urbanis, quod priore actione didicistis, pecuniā abstulisse. erunt, qui et in eo quoq; audaciā eius reprehendant, quod aliquot nominibus de capite, quantum commodū fuerit, frumenti decumani detraxerit. erunt etiā fortasse iudices, qui illum eius peculatum uel acerrime uindicandum putent, quod iste M. Marcelli, et P. Africani monimenta, quæ nomine illorū; reuera, populi R. et erant, et habebantur, ex fanis religiosissimis, ex urbibus sanctiorum, atq; amicorum non dubitauerit auferre. emerferit ex peculatus etiam iudicio: meditetur de ducibus hostium, quos accepta pecunia liberauit: uideat, quid

de illis respondeat, quos in eorum locum subditos domi  
sue reservauit. querat, non solum quemadmodum nostro  
crimini, uerum etiam quo pacto sue confessioni possit me  
deri. meminerit, se priore actione clamore populi R. in=  
festo, atque inimico excitatum, confessum esse, duces a se  
praedonum securi non esse percussos: se iam tum esse ueritum;  
ne sibi crimini daretur, eos ab se pecunia liberatos. fatea  
tur id, quod negari non potest, se priuatum hominem praed  
onum duces uiuos, atque incolumes domi suae, posteaquam  
Romam redierit, usque dum per me licuerit, tenuisse. hoc in il  
lo maiestatis iudicio si licuisse sibi ostenderit, ego oportuis  
se concedam. ex hoc quoque euaserit. proficiscar eum, quod me  
iam pridem uocat populus R. de iure. n. libertatis, et ci  
uitatis suum putat esse iudicium, et recte putat. confrin  
gat iste sane ui sua consilia senatoria, quaestiones omnium  
perrumpat, euolet ex uestra seueritate. mihi credite, ar  
ctioribus apud populum R. laqueis tenebitur. credet ijs  
equitibus R. populus R. qui ad uos antea producti testes,  
ipsis inspectantibus ab isto ciuem R. qui cognitores homi  
nes honestos daret, sublatum esse in crucem dixerunt. cre  
dent omnes V et XXX tribus homini grauissimo,  
atque ornatissimo M. Annio, qui se praesente ciuem R. secu  
ri percussum esse dixit. audietur a populo R. uir prima  
rius eques R. L. Flavius, qui suum familiarem Herennium  
negotiatorem ex Africa, cum eum Syracusis amplius ce  
tum ciues R. cognoscerent, lacrymantesque defenderent, pro  
testimonia dixit, securi esse percussum. probabit fidem, et  
auctoritatem, et religionem suam L. Suetius homo omni  
bus ornamentis praeditus, qui iuratus apud uos dixit, mul  
tos ciues R. in Latumys istius imperio crudelissime per

uim morte esse mulctatos. hanc ego causam cum agam beneficio populi R. de loco superiore: non uereor, ne aut istum uis ulla ex populi R. suffragiis eripere, aut à me ullū munus Aedilitatis amplius, aut grātius populo R. esse possit. quapropter omnes in hoc iudicio contentur omni: a: nihil est iā, quod in hac causa peccare iudices quisquam, nisi uestro periculo, possit. mea quidem ratio cū in praeeritis est rebus cognita, tum in reliquis explorata, atq; prouisa est. ego meum studium in Remp. iam illo tempore ostendi, cum longo interuallo ueterem consuetudinem retuli, & rogatu sociorum, atq; amicorum populi R. meorum autem necessariorū, nomē hominis audacissimi detuli. quod meum factum lectissimi uiri, atq; ornatissimi, quo in numero ē uobis complures fuisse, ita probarunt, ut ei, qui istius Quaestor fuisset, & ab isto laesus inimicitias iustas persequeretur, non modo deferendi nominis, sed ne subscribendi quidem, cum id postularet, facerent potestatem. in Siciliam sum inquirendi causa profectus: quo in negotio industriam meam celeritas reditionis, diligentiam multitudo literarum, & testium declarauit: pudorem uero, ac religionem, quod cum uenissem senator ad socios populi R. qui in ea prouincia Quaestor fuissem, ad hospites meos, ac necessarios causae communis defensor diuertere potius, quā ad eos, qui à me auxilium petiuissent. nemini meus aduentus labori aut sumptui neq; publice, neq; priuatim fuit. uim in inquirendo tantam habui, quantam mihi lex dabat, non quantā habere poteram istorum studio, quos iste uexarat. Romā ut ex Sicilia redij, cum iste, atque istius amici homines lautī, & urbani, sermones huiusmodi dissipassent, quo

animos testium retardarent; me magna pecunia à uera accusatione esse deductum: tametsi probabatur nemini, & ex Sicilia testes erant ij, qui Quæstorē me in prouincia cognouerant, & hinc homines maxime illustres, qui ut ipsi noti sunt, sic nostrum unumquenq; optime norunt; tamen usq; eò timui, ne quis de mea fide, atq; integritate dubitaret, donec ad reiciendos iudices uenimus. sciebam, in reiciendis iudicibus nonnullos memoria nostra pactionis suspicionem non uitasse, cum in ipsa accusatione eorum industria, ac diligentia probaretur. ita reieci iudices, ut hoc cōstet, post hunc statum Reip. quo nūc utimur, simili splendore, & dignitate consilium nullum fuisse. quam iste laudem cōmunem ait sibi esse mecum: qui cum P. Galbam iudicem reieciisset, M. Lucretium retinuit: & cum eius patronus ex eo quæreretur, cur suos familiarissimos Sex. Peduceum, Q. Considium, Q. Iunium reijci passus esset, respondit, q̃ eos in iudicando nimium sui iuris, sententiæq; cognosceret. itaq; iudicibus reiectis sperabam iam onus meum uobiscum esse cōmune: putabam, nō solū notis, sed etiam ignotis probatam meā fidem esse, & diligentiam. quod me non fefellit: nam comitijs meis, cum iste infinita largitione contra me uteretur, populus R. iudicauit istius pecuniam, quæ apud me contra fidem meam nihil potuisset, apud se contra honorem meum nihil posse debere. quo quidem die primum iudices citati in hunc reum consedistis, quis tam inimicus huic ordini fuit, quis tam nouarum rerum, iudiciorum, iudicumq; cupidus, qui non conspectu, confessuq; uestro commoueretur? cum in eo uestra mihi dignitas fructū diligentiae referret, id sum affecutus, ut una hora, qua

cœpi dicere, reo audaci, pecunioso, profuso, perditio spem  
iudicij corrumpendi præciderem: ut primo die testium  
tanto numero citato populus R. iudicaret, ipso absoluto  
Remp. stare non posse: ut alter dies amicis istius, et defen-  
soribus non modo spem uictoriæ, sed etiam uoluntatem  
defensionis auferret: ut tertius dies sic hominem proster-  
neret, ut morbo simulato, non quid responderet, sed quæ  
admodum non responderet, deliberaret. deinde reliquis  
diebus, his criminibus, his testibus, & urbanis, & provin-  
cialibus, sic obrutus, atq; oppressus est, ut his ludorū die-  
bus interpositis, nemo istum comperendinatum, sed con-  
demnatum iudicaret. quapropter ego, quod ad me atti-  
net iudices, uici: non enim spolia C. Verris, sed existima-  
tionem populi R. concupiui. meum fuit, cum causa acce-  
dere ad accusandum: quæ causa fuit iustior, quàm a tã  
illustri provincia defensorem constitui & deligi? Reip.  
consulere: quid iam Reip. honestius, quàm in tanta in-  
uidia iudiciorum adducere hominem, cuius damnatio-  
ne totus ordo cum populo R. & in laude, & in gratia  
possit esse? ostendere, ac persuadere hominem nocen-  
tem adductum esse: quis est in populo R. qui hoc non  
ex priore actione abstulerit, omnium ante damnato-  
rum scelera, furta, flagitia, si in unum locum conferan-  
tur, uix cum huius parua parte æquari, cõferriq; possit?  
uos, quod ad uestram famam, existimationem, salutemq;  
communem pertinet iudices, prospicite, atque consulite.  
splendor uester facit, ut peccare sine summo Reip. de-  
trimento, ac periculo non possitis: non enim potest spe-  
rare populus R. esse alios in senatu, qui recte possint iu-  
dicare, uos si non potueritis, necesse est, cum de toto

ordine desperarit, aliud genus hominū, atq; aliam ratio-  
nem iudiciorum requirat. hoc si uobis ideo leuius uide-  
tur, q̄ putatis onus esse graue, & incōmodum, iudicare:  
intelligere debetis, primum interesse, utrum id onus uos=  
met ipsi reieceritis, an, quod probare populo R. fidem ue-  
stram, & religionem non potueritis, eo uobis iudicandi  
potestas erepta sit. deinde etiā illud cogitate, quanto pe-  
riculo uenturi simus ad eos iudices, quos propter odium  
uestri populus R. de uobis uoluerit iudicare. uerum uo-  
bis dicam id, quod intellexi iudices. homines scitote esse  
quosdam, quos tantum odium uestri ordinis teneat, ut  
hoc palām iam dictitent, se istum, quem sciunt esse homi-  
nem improbissimū, hoc uno nomine absolui uelle, ut ab  
senatu iudicia per ignominia, turpitudinemq; auferā-  
tur. hæc me iudices pluribus uerbis uobiscum agere coe-  
git nō timor meus de uestra fide, sed spes illorum noua:  
quæ cum Verrem à porta subito ad iudicium retraxis-  
set, nonnulli suspicati sunt nō sine causa illius consilium  
tam repente esse mutatum. nūc ne nouo querimonia ge-  
nere uti possit Hortensius, et ea dicere, opprimi reum, de  
quo nihil dicat accusator; nihil esse tam periculosum for-  
tunis innocentium, q̄ tacere aduersarios; & ne aliter, q̄  
ego uelim, meum laudet ingenium; cum dicat, me, si mul-  
ta dixissem, subleuaturum fuisse eum, quem contra dice-  
rem; quia nō dixerim, perdidisse: morem illi geram: ut ar-  
oratione perpetua: nō quoniam hoc sit necesse: uerum ut  
experiar, utrum ille ferat molestius, me tunc tactisse, an  
nunc dicere. hic tu fortasse eris diligens, ne quam ego ho-  
ram de meis legitimis horis remittam: nisi omni tēpore,  
quod mihi lege cōcessum est, abusus ero, querere, deū at=

que hominum fidem implorabis: circūueniri C. Verrē, & accusator nolit tādū, q̄dū liceat, dicere. quod mihi lex mea causa det, eo mihi nō uti nō licebit: nā accusandi mihi tēpus mea causa datū est, ut possem oratione mea crimina causamq; explicare. hoc si non utor, non tibi iniuriam facio, sed de meo iure aliquid, & cōmodo detraho. causam enim, inquit, cognosci oportet. ea re quidē, & aliter cōdemnari reus, quāuis sit nocens, non potest. id igitur tu moleste tulisti, à me aliquid factum esse, quo minus iste condemnari posset? nam causa cognita possunt multi absolui: incognita quidem cōdemnari nemo potest. adimo enim cōperendinatum: quod habet lex in se molestissimū: bis ut causa dicatur. quod aut mea causa potius est cōstitutum, quā tua: aut nihilo tua potius, quā mea. nā si, bis dicere, est cōmodum: certe utriusq; cōmune est. si cum, qui posterius dixit, opus est redargui: accusatoris causa, ut bis ageretur, cōstitutum est: uerum, ut opinor, Glaucia primus tulit, ut comperendinaretur reus: antea uel iudicari primo poterat, uel, amplius, pronuntiari. utrā igitur putas legem molliorem? opinor, illam ueterem: qua uel cito absolui, uel tarde cōdemnari licebat. ego tibi illam Aciliam legem restituo: qua lege multi semel accusati, semel dicta causa, semel auditis testibus, cōdemnati sunt, nequaquā tam manifestis, neq; tātis criminibus, quantis tu cōuinceris. puta te nō hac tam atroci, sed illa lege mitissima causam dicere. accusabo: respondebis. testibus editis, ita mittā in consiliū, ut, etiam si lex ampliandi faciat potestātē, tamen isti turpe sibi existiment, nō primo iudicare. uerū si causam cognosci opus est, parum ne cognita est? dissimulamus Hortensi: quod



sæpe in dicendo experti sumus. quis nos magnopere attendit unquam, in hoc quidem genere causarum, ubi aliquid ereptum aut ablatum à quopiam dicitur? non ne aut in tabulis, aut in testibus omnis expectatio iudicum est? dixi prima actione, me planum esse facturum, C. Verrem HS quadringentis contra legem abstulisse. quid? hoc plinius egissem, si ita narraissem. Dio quidam fuit Halesinus: qui, cum eius filio Prætoris Sacerdotis hereditas à propinquo per magna uenisset, nihil habuit neque negotii, neque controversiæ. Verres simul ac tetigit provinciam; statim Messanam literas dedit, Dionem euocavit, calumniatores ex sinu suo apposuit, qui illam hereditatem Veneri Erycinæ commissam esse dicerent. hæc de re ostendit se ipsum cogniturum. possum deinceps totam rem explicare, deinde ad extremum id, quod accidit, dicere: Dionem HS decies centena millia numerasse, ut causam certissimam obtineret: præterea greges equarum eius istum abigendos curasse: argenti uestisque stragula quod fuerit, curasse auferendum, hæc neque cum ego dicerem, neque cum tu negares, magni momenti nostra esset oratio. quo tempore igitur aures iudex erigeret, animumque attenderet? cum Dio ipse prodiret, cum cæteri, qui tum in Sicilia negotijs Dionis interfuisent: cum per eos ipsos dies, per quos causam Dio diceret, reperiretur, pecunias sumpsisse mutuas, nomina sua exegisse, prædia uendidisse: cum tabulæ uirorum bonorum proferrentur: cum, qui pecuniam Dioni dederunt, dicerent se iam tum audisse, eo nummos sumi, ut Verri darentur: cum amici, hospites, patroni Dionis, homines honestissimi, hæc eadem se audisse dicerent. opinor, cum hæc fierent, tum uos audiretis, sicut audistis; tum

*causa agi uideretur. sic à me sunt acta omnia priore  
 actione, ut in criminibus omnibus nullum esset, in quo  
 quisquā uestrū perpetuam accusationem requirat. nego  
 esse quicquā à testibus dictum, quod aut uestrū cuiquam  
 esset obscurū, aut cuiusquā oratoris eloquentiā quareret:  
 etenim sic me ipsum egisse memoria tenetis, ut in testibus  
 interrogandis omnia crimina proponerē, et explicarem;  
 ut, cū rem totā in medio proposuissem, tum deniq; testem  
 interrogarem. itaq; nō modo uos, quibus est iudicādum;  
 nostra crimina tenetis: sed etiā populus R. totā accusa-  
 tionē causamq; cognouit. tāetsi ita de meo facto loquor,  
 quasi ego illud mea uolūtate potius, q̄ uestra iniuria ad-  
 ductus fecerim. interposuistis accusatorē, qui, cū ego mihi  
 C et X dies solos in Siciliā postulasse, C et VII sibi in  
 Achaiā postularer: mēses mihi tres cū eripuissetis ad agē-  
 dum maxime appositos, reliquū omne tēpus huius anni  
 me uobis remissurū putastis: ut, cū horis nostris nos esse-  
 mus usi, tu, binis ludis interpositis, quadragesimo post die  
 respōderes: deinde ita tēpus duceretur, ut à M. Glabrio-  
 ne Præt. et à magna parte horum iudicū ad Pratorem  
 aliū, iudicesq; alios ueniremus. hac si ego nō uidissem; si  
 me nō omnes noti ignotiq; monuissent, id agi, id cogita-  
 ri, in eo laborari, ut res in illud tēpus reuiceretur: credo,  
 si meis horis in accusando uti uoluisset, uererer, ne mihi  
 crimina nō suppeterent, ne oratio deesset, ne uox uiresq;  
 deficerēt, ne, quem nemo prima actione defendere ausus  
 esset, eū ego bis accusare nō possem. ego meū consiliū tum  
 iudicibus, tum populo R. probaui. nemo est, qui alia ra-  
 tione istorum iniuria, atq; impudentia potuisse obsisti ar-  
 bitretur: etenim qua stultitia fuisset, si, quam diem qui*

istum eripiendum redemerunt, in cautione uiderūt, cum ita cauerent, si post Cal. Ian. in consilium iretur; in eam diem ego, cum potuissem uitare, incidissem? nunc mihi temporis eius, quod mihi ad dicendum datur, quoniam in animo est causam omnem exponere, habenda ratio est diligenter. itaque primum illum actum istius uitæ turpissimum, & flagitiosissimum pratermittam: nihil à me de pueritiæ suæ flagitij, peccatisq; audiet: nihil ex illa impura adolescentia sua: quæ qualis fuerit, aut meministis, aut ex eo, quem sui simillimū produxit, recognoscere potestis. omnia prateribo, quæ mihi turpia dictu uidebuntur: neq; solum, quid istum audire, uerum etiam quid me deceat dicere, considerabo. uos quæso date hoc, & concedite pudori meo, ut aliquā partem de istius impudētia reticere possim. omne illud tēpus, quod fuit antequam iste ad magistratus, remq; publicam accessit, habeat per me solutū, ac liberū. sileatur de nocturnis eius bacchationibus, ac uigilijs: lenonum, aleatorū, perductorum nulla mentio fiat: damna, dedecora, quæ res patris eius, ætas ipsius pertulit, prætereatur: lucretur indicia ueteris infamiæ: patiatur eius uita reliqua me hanc tantam iacturam criminū facere. Quæstor Cn. Papirio Cos. fuisti abhinc annos quatuordecim: ex ea die ad hanc diē quæ fecisti, in iudiciū uoco. hora nulla uacua à furto, à scelere, crudelitate, flagitio reperietur. hi sunt anni cōsumpti in Quæstura, & Legatione Asiatica, et Prætura urbana, & Prætura Siciliensi. quare hæc eadē erit quadripartita distributio totius accusationis meæ. Quæstor ex S. C. prouinciā sortitus es: obtigit tibi consularis: ut cum Cos. Cn. Carbone esses, eamq; prouinciā obtineres.

erat tum dissensio civium : de qua nihil sum dicturus, quid sentire debueris : unum hoc dico, in eiusmodi tempore ac sorte statuere te debuisse, utrum mallet sentire, atq; defendere. Carbo graviter ferebat, sibi Quæstorem obtigisse hominem singulari luxuria, atq; inertia: verum tamen ornabat eum beneficijs officijsq; omnibus. ne diutius teneam, pecunia attributa numerata est : profectus est Quæstor in provinciã : venit in Galliam expectatus ad exercitum cõsularem cū pecuniã : simul ac primum ei occasio visa est (cognoscite hominis principium magistratum gerendorū, & Reip. administrandæ) aversa pecunia publica Quæstor Consulem, exercitū, provinciamq; deseruit. uideo, quid egerim: erigit se: sperat sibi auram posse aliquā afflari in hoc crimine voluntatis; assensionisq; eorum, quibus Cn. Carbonis mortui nomen odio sit: quibus illam relictionem, proditionemq; Cõsulis sui gratam sperat fore. quasi uero id cupiditate defendendæ nobilitatis, aut studio partiū fecerit, ac nō apertissime Consulem, exercitū, provinciamq; cõpilarit, & propter impudentissimū furtum aufugerit : est. n. obscurum, & eiusmodi factum eius, ut possit aliquis suspicari, C. Verrem; quod ferre novos homines nō potuerit, ad nobilitatē, hoc est ad suos, transisse, nihil fecisse propter pecuniã. uideamus, rationes quemadmodū retulerit : iam ipse ostendet, quamobrem Cn. Carbonem reliquerit : iam se ipse indicabit. primū breuitatem cognoscite. **ACCEPTI, INQUIT, VICIES DVCENTA TRIGINTA QVINQUE MILLIA QVADRINGENTOS XVII NUMMOS: DEDI STIPENDIO, FRUMENTO, LEGATIS, PROQVAE**

STORIBVS, COHORTI PRAETORIAE  
 HS MILLE SEXCENTA TRIGINTA=  
 QVINQUE MILLIA, QVADRINGEN=  
 TOS XVII NUMMOS: RELIQVI ARI=  
 MINI HS SEXCENTA MILLIA. hoc est  
 rationes referre? hoc modo aut ego, aut tu Hortēsi, aut  
 quisquam hominū retulit? quid hoc est? quæ impuden=  
 tia? quæ audacia? quod exemplū ex tot hominū ratio=  
 nibus relatis huiusmodi est? illa tamen HS sexcenta mil=  
 lia, quæ ne falso quidē potuit, quibus data essent, describe=  
 re, quæ se Arimini scribit reliquisse, quæ ipsa HS sexcēta  
 millia reliqua facta sunt; neq; Carbo attigit, neq; Sylla  
 uidit; neq; in ærariū relata sunt. oppidū sibi elegit Ari=  
 minū, quod tum, cum iste rationes referebat, oppressum  
 direptumq; erat. nō suspicabatur id, quod nūc sentiet, sa=  
 tis multos ex illa calamitate Ariminēsum testes nobis in  
 hanc rem reliquos esse. recita denuo. P. LENTVLO,  
 L. TRIARIO QVAESTORIBVS VRBA=  
 NIS, RATIONVM RES RELATARVM.  
 recita. EX S. C. ut hoc pacto rationē referre liceret, eo  
 Syllanus repente factus est, nō ut honos, & dignitas nobi=  
 litati restitueretur. quod si illinc inanis profugisses; tamē  
 ista tua fuga, nefaria; proditio Cōsulis tui, scelerata in=  
 dicaretur. malus ciuis, improbus Consul, seditiosus homo  
 Cn. Carbo fuit. fuerit alijs: tibi quādo esse cœpit? postea=  
 quā tibi pecuniā, rem frumentariā, rationes omnes suas,  
 exercitumq; cōmisit: nam si tibi antea displicuisset, idem  
 fecisses, quod anno post M. Piso Quæstor, cum L. Scipioni  
 Cōsuli obtigisset: non attigit pecuniā: nō ad exercitum  
 profectus est: quod de Rep. sensit, ita sensit, ut nec fidem

suam, nec morem maiorū, nec necessitudinem sortis læde-  
 ret. etenim si hæc perturbare omnia, & permiscere volu-  
 mus: totā uitā periculosam, infestamq; reddemus, si nul-  
 lam religionē sors habebit, nullam societate coniūctio se-  
 cundæ, dubiaq; fortunæ, nullam auctoritatē mores, atq;  
 instituta maiorum. omniū est cōmunis inimicus, qui fuit  
 hostis suorū. nemo unquā sapiens proditori credendū pu-  
tavit. ipse Sylla, cui aduentus istius gratissimus esse de-  
 buit, ab se hominem, atq; ab exercitu suo remouit. Bene-  
 uenti esse iussit apud eos, quos suis partibus amicissimos  
 esse intelligebat, ubi iste summæ rei, causaq; nocere nihil  
 posset. ei postea præmia tamen liberaliter tribuit: bona  
 quedā proscriptorū in agro Beneuētano diripienda con-  
 cessit: habuit honorē ut proditori, nō ut amico fidē. nūc,  
 quāuis sint homines, qui mortuū Cn. Carbonem oderint:  
 tamen hi debent, nō quid illi accidere uoluerint, sed quid  
 ipsis in tali re metuendū sit, cogitare. cōmune est hoc ma-  
 lum, cōmunis metus, cōmune periculum. nullæ sunt occul-  
tiores insidiæ, quàm eæ, quæ latent in simulatione officij,  
aut in aliquo necessitudinis nomine: nam cum, qui pa-  
 lām est aduersarius, facile cauendo uitare possis: hoc  
 uero occultum, intestinū, ac domesticum malum nō mo-  
 do non existit, uerū etiam opprimit, antequā perspicere;  
 atq; explorare potueris. ita ne uero? tu, cū Quæstor ad  
 exercitū missus sis, custos nō solum pecuniæ, sed etiā Con-  
 sulis, particeps omniū rerum, consiliorumq; fueris, habi-  
 tus sis in liberū loco, sicut mos maiorum ferebat: repen-  
 te relinquis? deseras? ad aduersarios transfeas? o sce-  
 lus: o portentū in ultimas terras exportandū: nō enim  
 potest ea natura, quæ tantum facinus cōmiserit, hoc uno

scelere esse contenta : necesse est, semper aliquid eiusmodi  
 molietur : necesse est, in simili audacia, perfidiaq; uerse-  
 tur. itaq; idē iste, quem Cn. Dolabella postea C. Malleolo  
 occiso pro Quæstore habuit (hæud scio, an maior etiam  
 hæc necessitudo fuerit, q̄ illa Carbonis, ac plus iudiciū uo-  
 luntatis ualere, q̄ sortis debeat) idem in Cn. Dolabellam,  
 qui in Cn. Carbonē, fuit : nā, quæ in istū ualebant crimi-  
 na, contulit in illum, causamq; illius omnem ad inimicos  
 accusatoresq; detulit : ipse in eū, cui Legatus, cui Proquæ-  
 store fuerat, inimicissimū, atq; improbissimū testimoniū  
 dixit. ille miser cum esset ; tum proditione istius nefaria,  
 tum improbo, & falso eiusdē testimonio, tum multo ex  
 maxima parte istius furtorū, ac flagitiorū inuidia con-  
 flagrauit. quid hoc homine faciatis ? aut ad quam spem  
 tam perfidiosum, tam importunū animal reseruētis ? qui  
 in Cn. Carbone sortem, in Cn. Dolabella uoluntatē negle-  
 xerit, ac uiolarit, eosq; ambos non solum deseruerit, sed  
 etiam prodiderit, atq; oppugnarit. nolite, quæso iudices,  
 breuitate orationis meæ potius, q̄ rerū ipsarū magnitudi-  
 ne crimina pōderare : mihi. n. properandū necessario est,  
 ut omnia uobis, quæ mihi cōstituta sunt, possim expone-  
 re. quāobrem Quæstura istius demonstrata, primiq; ma-  
 gistratus & furto, & scelere perspecto, reliqua attendi-  
 te. in quibus illud tempus Syllanarū proscriptionū ac ra-  
 pinarū prætermittam : neq; ego istum sibi ullam ex cō-  
 muni calamitate defensionem sinā sumere : suis eum cer-  
 tis proprijsq; criminibus accusabo. quāobrem hoc omni  
 tempore Syllano ex accusatione circumscripto, legatio-  
 nem eius præclaram cognoscite. Posteaquam Cn. Do-  
 labella prouincia Cilicia constituta est, o dy immortales,  
 quanta



quāta iste cupiditate, quibus allegationibus illam sibi Legationem expugnauit: id quod Cn. Dolabellæ principium maximæ calamitatis fuit: nā ut iste profectus est, quacumq; iter fecit, eiusmodi fuit, non ut Legatus populi R. sed ut quædam calamitas peruadere uideretur. in Achaia (prætermittam minora omnia, quorum simile forsitan aliis quoque aliquid aliquando fecerit: nihil dicam, nisi singulare, nisi quod, si in alium reum diceretur, incredibile uideretur) magistratum Sicyonium nummos poposcit. ne sit hoc crimen in Verrem: fecerunt alij. cum ille non daret, animaduertit. improbum, sed non inauditum. genus animaduersionis uidete: quæretis, ex quo genere hominem istum iudicetis. ignem ex lignis uiridibus, atq; humidis in loco angusto fieri iussit: ibi hominem ingenuum, domi nobilem, populi R. socium, atq; amicum, fumo excruciatum semiuivum reliquit. iam quæ iste signa, quas tabulas pietas ex Achaia sustulerit, non dicam hoc loco, est alius mihi locus ad hanc cupiditatem demonstrandam seruatus. Athenis audistis ex æde Minervæ grande auripondus ablatum. dictum hoc est in Cn. Dolabellæ iudicio: dictum etiam aestimatum. huius consilij non modo participem C. Verrem, sed principem fuisse reperietis. Delum uenit: ibi ex fano Apollinis religiosissimo noctu clam sustulit signa pulcherrima, atq; antiquissima, eaq; in onerariam nauem suam coniicienda curauit. postridie cum spoliatum fanum uiderent ij, qui Delum incolabant, grauiter ferebant: est enim tanta apud eos eius fami religio, atq; antiquitas, ut in eo loco ipsum Apollinem natum esse arbitrentur. uerbum tamen facere non audebant, ne forte ea res ad Dolabellam ipsum pertineret. tū

subito tempestates coortæ sunt maximæ iudices, ut non  
 modo proficisci, cum cuperet, Dolabella non posset, sed  
 uix in oppido consisteret: ita magni fluctus eiecibantur.  
 hic naus illa prædonis istius, onusta signis religiosis, ex-  
 pulsa, atque eiecta fluctu, frangitur: in litore signa illa  
 Apollinis reperiuntur: iussu Dolabella reponuntur: tem-  
 pestas sedatur: Dolabella Delo proficiscitur. non dubito,  
 quin, tamen si nullus in te sensus humanitatis, nulla ratio  
 unquam fuit religionis, nunc tamen in metu periculoq;  
 tuo tuorum tibi scelerum ueniat in mentem. potest ne ti-  
 bi ulla spes salutis commoda ostendi, cum recordaris, in  
 deos immortales q̄ impius, quàm sceleratus, quàm nefa-  
 rius fueris? Apollinem ne tu Delium spoliare ausus es: il-  
 li ne tu templo, tam antiquo, tam sancto, tam religioso  
 manus impias, ac sacrilegas afferre conatus es: si in pue-  
 ritia non us artibus, et disciplinis institutus eras, ut ea;  
 quæ literis mandata sunt, disceres, atq; cognosceres: ne pa-  
 stea quidem, cum in ea ipsa loca uenisti, potuisti accipere  
 id, quod est prodium memoriæ, ac literis? Latonã ex lon-  
 go errore, et fuga gravidam, et iam ad pariendum ui-  
 cinam; temporibus exactis fugisse Delum, atq; ibi Apolli-  
 nem Dianamq; peperisse. qua ex opinione hominum illa  
 insula eorum deorum sacra putatur: tantaq; eius aucto-  
 ritas religionis et est, et semper fuit, ut ne Persæ quidẽ;  
 cum bellum toti Græciæ, dijs, hominibusq; indixissent, et  
 mille numero nauium classem ad Delu appulissent, quic-  
 quam conarentur aut uiolare, aut attingere. hoc tu fa-  
 num depopulari homo improbissime, atque amentissime  
 audebas: fuit illa cupiditas tanta, quæ tantam extingue-  
 ret religionem? et si tũ hac non cogitabas, ne nunc quic-

dem recordaris, nullum esse tantum malum, quod non tibi pro sceleribus tuis iandiu debeat? in Asiam uero postquam uenit, quid ego aduentus istius prædia, cœnas, equos, muneraq; commemorem? nihil cum Verre de quotidianis criminibus acturus sum. Chio per uim signa pulcherrima dico abstulisse: item Erythris, & Halicarnasso. Tenedo (prætereo pecuniam, quam eripuit) Tenē ipsum, qui apud Tenedios sanctissimus deus habetur, qui urbem illam dicitur condidisse, cuius ex nomine Tenedus nominatur: hūc ipsum inquam Tenem, pulcherrime factum, quem quondam in comitio uidistis, abstulit magno cum gemitu ciuitatis. illa uero expugnatio fanī antiquissimi, & nobilissimi Iunonis Samiæ q̄ luctuosa Samiis fuit? q̄ acerba toti Asiæ? quā clara apud omnes? quā nemini uestrum inaudita? de qua expugnatione cum Legati ad C. Neronem in Asia Samō uenissent, responsum tulerūt, etismodi querimonias, quæ ad Legatum populi R. pertinerent; non ad Prætorem, sed Romam deferri oportere. quas iste tabulas illinc, quæ signa sustulit? quæ cognoui egomet apud istum in ædibus nuper, cum obsignandi gratia uenissem. quæ signa nunc Verres ubi sunt? illa quero, quæ apud te nuper ad omnes columnas, omnibus etiam intercolumniis, in sylua denique disposita sub diuo uidimus. cur ea, quandiu alium Prætorem cum iis iudiciis, quos in horum locum subfortitus es, de te in consilium iturum putasti, tandiu domi fuerunt: posteaquam nostris testibus nos, quā horis tuis, uti male uidisti; nullum signum domi reliquisti, præter duo, quæ in medijs ædibus sunt, quæ ipsa Samō sublata sunt? non putasti me tuis familiarissimis in hanc

rem testimonia denuntiaturum? qui tuæ domi sæpe fuisset, ex quibus quærerem, signa scirent ne fuisse quæ non essent. quid tum hos de te iudicaturos arbitratus es, cum uiderent, te iam non contra accusatorem tuum, sed contra Quæstorem, sectoremq; pugnare? qua de re Caridemum Chium testimoniū priore actione dicere audistis: sese, cum esset Trierarchus, & Verrem ex Asia decedentem prosequeretur, iussu Dolabellæ fuisse unā cum isto Sami, seseq; tum scire spoliatum esse fanum Iunonis, & oppidum Samum, posteaq; se causam apud Chios cives suos Samius accusantibus publice dixisse, eoq; se esse absolutum, & planum fecisset, ea, quæ legati Samiorum dicerent, ad Verrem, non ad se pertinere. Aspēdum uetus oppidum, & nobile in Pamphylia scitis esse, plenissimum signorum optimorum. non dicam illinc hoc signum ablatum esse, & illud: hoc dico, nullum te Aspendi signū Verres reliquisse, omnia ex fanis, ex locis publicis, palam, spe & tantibus omnibus, plostis euecta, asportataq; esse. atq; etiam illum Aspēdium citharistam, de quo sæpe audistis id, quod est Græcis hominibus in proverbio, quem omnia intus canere dicebant, sustulit, & in intimis suis adibus posuit, ut etiam illū ipsum artificia suo superasse uideatur. Pergæ fanum antiquissimum, & sanctissimum Diane scimus esse. id quoq; à te nudatum, & spoliatum esse, ex ipsa Diana, quod habebat auri, detractum, atque ablatum esse dico. quæ (malū) est ista tanta audacia, atq; amentia? quas enim sociorum, atq; amicorum urbes adisti Legationis iure, & nomine; si in eas uī cum exercitu, imperioq; inuasisses, tamen opinor quæ signa, atq; ornamenta ex his urbibus sustulisses, hæc non in tuam domū,

neq; in suburbana amicorum, sed Romam in publicum deportasses. quid ego de M. Marcello loquar? qui Syracusas urbem ornatissimā cepit. quid de L. Scipione? qui bellum in Asia gessit, Antiochumq; Regem potentissimum uicit. quid de Flaminio? qui Regem Philippum, & Macedoniā subegit. quid de L. Paulo? qui Regem Persen uī, ac uirtute superauit. quid de L. Mumio? qui urbem pulcherrimā, atq; ornatissimam Corinthum, plenissimam rerū omnium sustulit, urbesq; Achaia, Bæotiaq; multas sub imperium populi R. ditionemq; subiunxit. quorum domus cum honore, & uirtute florent, signis & tabulis pictis erant uacuae. at uero urbem totā, templa decorū, omnesq; Italiae partes illorum donis, ac monumentis exornatas uidemus. uereor, ne hæc forte cuiquam nimis antiqua, & iam obsoleta uideantur: ita enim tum aquabiliter omnes erant huiusmodi, ut hæc laus eximiae uirtutis, & innocentiae non solum hominum, uerum etiam temporum illorū esse uideatur. P. Seruilius uir clarissimus, maximis rebus gestis, adest, de te sententiam laturus est: Olympū uī, copys, consilio, uirtute cepit, urbem antiquam, & omnibus rebus auctam, & ornatam. recens exemplum fortissimi uiri profero: nam postea Seruilius imperator populi R. Olympum urbem hostium cepit, q̄ tu in iisdem illis locis Legatus quaestorius oppida pacata sociorū, atq; amicorum diripienda, ac uexanda curasti. tu quæ ex fanis religiosissimis per scelus, & per latrocinium abstulisti, ea nos uidere, nisi in tuis, amicorumq; tuorum tectis, non possumus. P. Seruilius quæ signa atq; ornamenta ex urbe hostium, & uirtute capta, belli lege, atq; imperatorio iure sustulit, ea populo R. apportauit, per triumphū

uexit, in tabulas publicas ad aerarium perscribenda cur-  
 rauit: cognoscite ex literis publicis hominis amplissimi  
 diligentiam. recta. RATIONES RELATAE  
 P. SERVILII. nō solum numerum signorum, sed  
 etiam uniuscuiusq; magnitudinem, figuram, statum lite-  
 ris definiri uides. certe maior est uirtutis, uictoriaq; incū-  
 ditas, quā ista uoluptas, quae percipitur ex libidine, et  
 cupiditate. multo diligentius habere dico Seruilium prae-  
 dam populi R. quā te tua furtiua notata, atq; descripta.  
 dices, tua quoq; signa, et tabulas pictas ornamento ur-  
 bi, foroq; populi R. fuisse. memini: uidi simul cum popu-  
 lo R. forum, comitiumq; adornatum ad speciem magni  
 fico ornatu, ad sensum, cogitationemq; acerbo, et lugu-  
 bri: uidi collucere omnia furtis tuis, praeda provinciarū,  
 spolijs sociorum, atq; amicorum. quo quidem tempore  
 iudices iste spem maximam reliquorum quoq; peccato-  
 rum naetus est: uidit enim eos, qui iudiciorum dominos  
 se dici uolebant, harum cupiditatum esse seruos. socij ue-  
 ro, nationesq; exteræ, spem omnium tum primum abiece-  
 re rerum, ac fortunarum suarum: propterea qd casus le-  
 gati ex Asia, atq; Achaia plurimi Romae tunc fuerunt,  
 qui deorum simulacra ex suis fanis sublata in foro ue-  
 nerabantur: itemq; cetera signa, et ornamenta cum co-  
 gnoscerent, alia alio in loco lacrymantes intuebantur.  
 quorum omnium hunc sermonem tum esse audiebamus,  
 nihil esse, quod quisquam dubitaret de exitio sociorum,  
 atque amicorum, cum quidem uiderent in foro popu-  
 li R. quo in loco antea qui socijs iniurias fecerant, accu-  
 sari, et cōdemnari solebant, ibi esse palam posita ea, quae  
 ab socijs per scelus ablata, ereptaq; essent. hic ego nō ar-



bitror illum negaturum, signa sese plurima, tabulas pietas innumerabiles habere. sed, ut opinor, solet hæc, quæ rapuit, & furatus est, non nunquā dicere se emissee, quoniam quidem in Achaia, Asiam, Pamphyliam sumptu publico, & legationis nomine, cum imperio, et securibus mercator signorum tabularumque pictarum, missus est. habeo & istius & patris eius accepti tabulas omnes, quas diligentissime legi, atque digessi: patris, quoad nixit: tuas, quoad ais te confecisse. nam in isto iudices hoc novū reperietis. audimus aliquem tabulas nunquam confecisse: quæ est opinio hominum de Antonio, falsa: nam fecit diligentissime. verum sit hoc genus aliquod minime probandum. audimus alium non ab initio fecisse, sed ex tempore aliquo confecisse. est aliqua etiam huiusce rei ratio: hoc vero novum, & ridiculum est, quid hic nobis restodit, cum ab eo tabulas postularem: usque ad M. Terentium, & C. Cassium Cōsules confecisse, postea destitisse: alio loco, hoc cuiusmodi sit, considerabimus. nūc nihil ad me attinet: horum enim temporum, in quibus nunc uersor, habeo tabulas & tuas, & patris. plurima signa pulcherrima, plurimas tabulas deportasse te, negare non potes: atque utinam neges. unum, ostende in tabulis aut tuis, aut patris tui, emptum esse: uicisti. ne hæc quidem duo signa pulcherrima, quæ nunc ad impluvium tuum stant, quæ multos annos ad ualuas Iunonis Samiæ steterunt, habes quomodo emeris: hæc inquam duo, quæ in adibus tuis sola iam sunt: quæ sectorem expectant, relicta, ac destituta à cæteris signis. At credo in hisce solis rebus indomitas cupiditates, atque effrenatas habebat: cæteræ libidines eius ratione aliqua, aut modo continebantur.



quàm multis istum ingenuis, q̄ multis matribus famili-  
as in illa tetra, atq; impura Legatione uim attulisse exi-  
stimatis? ecquo in oppido pedem posuit; ubi nō plura stu-  
porum, flagitiorumq; suorum, q̄ aduentus sui uestigia  
reliquerit? sed ego omnia, quæ negari poterunt, præter-  
mittam. etiā hæc, quæ certissima sunt, & clarissima, re-  
linquam. unum aliquod de nefarijs istius factis eligā,  
quo facilius ad Siciliam possim aliquando, quæ mihi hoc  
oneris, negotijq; imposuit, peruenire. Oppidum est in  
Helleſponto Lampsacum iud. in primis Asia prouinciæ  
clarum, & nobile: homines autem ipsi Lampsaceni tum  
summe in omnes ciues Romanos officiosi, tum præterea  
maxime sedati, & quieti, propè præter ceteros ad sum-  
mum Græcorum otium potius, q̄ ad ullam uim, aut tu-  
multum accommodati. accidit, cum iste a Cn. Dolabella  
efflagitasset, ut se ad Regem Nicomedem, Regemq; Sada-  
lam mitteret, cumq; iter hoc sibi magis ad quæstum su-  
um, q̄ ad Reip. tempus accommodatum depoposcisset; ut  
illo itinere ueniret Lampsacum; cum magna calamitate,  
& propè perniciæ ciuitatis, deducitur iste ad Ianitorem  
quendam hospitem: comitesq; eius item apud ceteros ho-  
spites collocantur. ut mos erat istius, atq; ut cum suæ libi-  
dines flagitiosæ facere admonuerant, statim negotium  
dat illis suis comitibus, nequissimis, turpissimisq; homini-  
bus, ut uideant, & inuestigent, ecquæ uirgo sit, aut mu-  
lier, digna, quam obrem iste Lampsaci diutius commo-  
raretur. erat comes eius Rubrius quidam, homo factus  
ad istius libidines: qui miro artificio, quocunq; uenerat,  
hæc inuestigare omnia solebat. is ad eū rem istam defert:  
Philodamū esse quēdā genere, honore, copijs, existimatio-

ne facile principem Lampfacenorum : eius esse filiam, quæ cum patre habitaret, propterea quod virum non haberet, mulierem eximia pulchritudine, sed tam summa integritate pudicitiaq; existimari. homo ut hæc audiuit, sic exarsit ad id, quod non modo ipse nunquam viderat, sed ne audierat quidem ab eo, qui ipse vidisset; ut statim ad Philodamum migrare se diceret uelle. hospes Lanitor, qui nihil suspicaretur, ueritus ne quid in ipso se offenderit, hominem summa ui retinere cepit. iste, qui hospitum relinquendi causam reperire non posset, alia sibi ratione uiam munire ad stuprum cepit. Rubrium, delicias suas, in omnibus eiusmodi rebus adiutorem suum, et conscium, parum laute diuersari dicit, ad Philodamum deduci iubet. quod ubi est Philodamo nuntiatur : tamen si non erat ignarus, quantum sibi ac liberis suis iam tum mali constitueretur, tamen ad istum uenit, ostendit munus illud suum non esse : se, cum suæ partes essent hospitum recipiendorum, tum ipsos tantum Praetores et Consules, non Legatorum affeclas, recipere solere. iste, qui una cupiditate raperetur, totum illius postulatum causamq; neglexit : per uim ad eum, qui recipere non debebat, Rubrium deduci imperauit. hic Philodamus, posteaquam ius suum obtinere non potuit ; ut humanitatem consuetudinemq; suam retineret, laborabat. homo, qui semper hospitalissimus amicissimusq; nostrorum hominum existimatus esset, noluit uideri ipsum illum Rubrium inuitus in domum suam recepisse : magnifice et ornate, ut erat in primis inter suos copiosus, conuiuium comparat : rogat Rubrium, ut, quos ei commodum sit, inuitet : locum sibi soli, si uideatur, relinquat : ut etiam filium suum, lectissimum adolescentem, foras ad propinquum

suum quendam mitteret ad cœnam. tum Rubrius istius  
 comites inuitat. eos omnes Verres certiores facit, quid opus  
 esset. mature ueniunt : discumbitur : fit sermo inter  
 eos, & inuitatio, ut græco more biberetur : hospeshortatur :  
 poscunt maioribus poculis : celebratur omnium sermone  
 lætitiarumque conuiuium. posteaquam satis calere res Rubrio  
 uisa est : quæso, inquit, Philodame, cur ad nos filia tua non  
 intro uocari iubes ? homo, qui & summa grauitate, &  
 iam id ætatis, & parës esset, obstupuit hominis improbi  
 dicto. instare Rubrius. tum ille, ut aliquid responderet, negauit  
 moris esse Græcorum, ut in conuiuium uirorum accumberent  
 mulieres. hic tum alius ex alia parte: enim uero ferendum  
 hoc non est : uocetur mulier. & simul seruis suis  
 Rubrius, ut ianuam clauderent, & ipsi ad fores assisteret,  
 imperat. quod ubi ille intellexit, id agi, atque id parari, ut  
 filia suæ uis afferretur, seruos suos ad se uocat, his imperat,  
 ut se ipsum negligant, filiam defendant, excurret aliquis,  
 qui hoc tantum domestici mali filio suo nuntiet. clamor  
 interea fit tota domo inter seruos Rubrii, atque hospitum. iam  
 etatur domi suæ uir optimus, et homo honestissimus. pro  
 se quisque manus affert : aqua denique feruenti à Rubrio  
 ipso Philodamus perfunditur. hæc ubi filio nuntiata sunt :  
 statim exanimatus ad ædes contendit, ut & uitæ patris, et  
 pudicitie sororis succurreret. omnes eodem animo Lampsa  
 ceni, simul ut hoc audiuerunt, quod eos tum Philodami dignitas,  
 tum iniuriæ magnitudo mouebat, ad ædes nocturne conueniunt.  
 hic licetor istius Cornelius, qui cum eius seruis erat à Rubrio,  
 quasi in præsidio, ad auferendam mulierem collocatus,  
 occiditur : serui nonnulli uulnerantur. ipse Rubrius  
 in turba sauciatur. iste, qui sua cupiditate tantos

tumulus cōcitatos uideret, cupere aliquā euolare, si posset. postridie mane homines in cōcionem ueniūt: quarūt, quid optimū factū sit: pro se quisq; ut in quoq; erat au-  
 eloritatē plurimū, ad populū loquebatur: inuictus est ne-  
 mo, cuius nō hęc & sentētia esset, & oratio: nō esse me-  
 tuendū, si istius nefariū scelus Lampfaceni ultri ui, ma-  
 nuq; essent, ne senatus populusq; R. in eam ciuitatē an-  
 maduertendū putaret: q; si hoc iure Legati populi R. in  
 socios, nationesq; extēras uterentur, ut pudiciā liberorū  
 seruare ab eorū libidine tutā non liceret; quiduis esse  
 perpeti satius, quā in tanta ui, atq; acerbitate uersari. hęc  
 cū omnes sentiret, & cū in eam rationem pro suo quisq;  
 sensu, ac dolore loqueretur: omnes ad eam domū, in qua  
 iste diuersabatur, profecti sunt. cadere ianuā saxis, in-  
 stare ferro, ligna & sarmēta circundare, ignē subycere  
 cœperūt. tum ciues R. qui Lampfaci negotiabatur, cōcur-  
 rūt, orāt Lampfacenos, ut grauius apud eos nomē Lega-  
 tionis, q̄ iniuria Legati putaretur: sese intelligere, hominē  
 illum esse impurū, ac nefariū: sed quoniā nec perfecisset,  
 quod conatus esset, neq; futurus esset Lampfaci postea,  
 leuius eorum peccatum fore, si homini scelerato peper-  
 cissent, quā si Legato non pepercissent. sic iste multo  
 sceleratior, & nequior, quā ille Adrianus, aliquanto  
 etiam felicior fuit. ille, quod eius auaritiā ciues R. fer-  
 re non potuerant, Vtica domi suæ uiuus exustus est: idq;  
 ita illi merito accidisse existimatum est, ut latarentur o-  
 mnes, neque ulla animaduersio constitueretur. hic so-  
 ciorum ambustus incendio, tamen ex illa flammā, peri-  
 culoq; euolauit: neque adhuc causam ullam extogita-  
 re potuit, quamobrem commiserit, aut quid eueniret.

rle, ut in tantum periculum ueniret: non enim po-  
 test dicere, cum seditionem sedare uellem, cum frumen-  
 tum imperarem, cum stipendiū cogere, cū aliquid deni-  
 que Reip. causa gerere, quod acrius imperaui, quod ani-  
 madueri, quod minatus sum. quæ si diceret: tamē igno-  
 sci non oporteret, si nimis atrociter imperando focus, in  
 tantū adductus periculum uideretur. nūc, cum ipse cau-  
 sam illius tumultus neq; ueram dicere, neq; falsam con-  
 fingere audeat; homo autem ordinis sui frugalissimus,  
 qui tum accensus C. Neroni fuit, P. Tettius hæc eadē se  
 Lampfaci cognosse dixerit; uir omnibus rebus ornatissi-  
 mus C. Varro, qui tum in Asia Tribunus militū fuit, hæc  
 eadem ipsa se ex Philodamo audisse dicat: potestis dubi-  
 tare, quin istum fortuna nō tam ex illo periculo eripere  
 uoluerit, quā ad uestrum iudiciū reseruare? nisi uero  
 illud dicet, quod & in testimonio Tettij priore actione  
 interpellauit Hortensius: quo tempore quidem signi satis  
 dedit, si quid esset, quod posset dicere, se tacere non posset:  
 ut, quā diu in cæteris rebus tacuerit, scire omnes posse-  
 mus, nihil habuisse quod diceret. hoc tum dixit, Philoda-  
 mum & eius filiū à Cn. Nerone esse damnatos. de quo ne  
 multa differam, tantū dico, secutū id esse Nerone, et eius  
 cōsiliū, q̃ Cornelii lictorem occisum esse cōstaret, pu-  
 tasse nō oportere esse, ne in ulciscenda quidē iniuria, cui-  
 quam hominis occidendi potestati. in quo uideo Neronis  
 iudicio nō te absolutum esse improbitatis, sed illos dāna-  
 tos esse cædis. uerū ista damnatio tamen cuiusmodi fuit?  
 audite quæso iudices, & aliquādo miseremini sociorū, et  
 ostendite aliquid his in uestra fide præsidij esse oportere.  
 quod toti Asiæ inre occisus uidebatur istius ille uerbo li-

Et or, re uera minister improbiſſimæ cupiditatis : perti-  
muit iſte, ne Philodamus Neronis iudicio liberaretur. ro-  
gat & orat Dolabellam, ut de ſua provincia decedat, ad  
Neronē proficiſcatur: ſe demōſtrat incolumem eſſe non  
poſſe, ſi Philodamo uiuere, atq; aliquando Romam ueni-  
re liquiſſet. cōmotus eſt Dolabella: fecit id, quod multi  
reprehenderūt, ut exercitum, provinciā, bellum relinque-  
ret, & in Aſiā hominis nequiſſimi cauſa, in alienā pro-  
uinciā proficiſceretur. poſteaquā ad Neronem uenit, con-  
tendit ab eo, ut Philodami cauſam cognosceret. uenerat  
iſpe, qui eſſet in cōſilio, & primus ſententiā diceret: ad-  
duxerat etiam præfectos, & Tribunos militares ſuos,  
quos Nero omnes in cōſiliū uocauit: erat in cōſilio etiā,  
æquiſſimus iudex, iſpe Verres: erant nonnulli rogati cre-  
ditores Græcorū: quibus ad exigendas pecunias impro-  
biſſimi cuiuſq; Legati plurimū prodeſt gratia. ille miſer  
deſenſorem reperire neminem poterat: quis. n. eſſet aut  
rogatus, qui Dolabella gratia, aut Græcū, qui eiſdē ui-  
& imperio nō moueretur? accuſator autem apponitur  
ciuis Romanus de creditoribus Lampſacenorū: qui, ſi di-  
xiſſet quod iſte iuſſiſſet, per eiſdem iſtiſ liētores à popu-  
lo pecuniā poſſet exigere. cū hæc omnia tanta cōtentione  
tantis copiis agerētur, cum illum miſerum multi accuſa-  
rent, nemo deſenderet; cumq; Dolabella cum ſuis præfe-  
ctis pugnaret in cōſilio; Verres fortunas agi ſuas dice-  
ret; idem testimoniū diceret; idem eſſet in cōſilio; idem  
accuſatorem paraffet; hæc cū omnia fierent; & cū ho-  
minem cōſtaret occiſum: tamen tanta uis iſtiſ iniuriæ,  
tanta in iſto improbitas putabatur, ut de Philodamo, am-  
plius, pronūtiaretur. quid ego nūc in altera acſione Cn.

Dolabella spiritus? quid huius lacrymas, & concursio-  
 nes proferam? quid C. Neronis, viri optimi, atq; innocen-  
 tissimi, nonnulli in rebus animū nimis timidum, atq; de-  
 missum? qui, in illa re quid facere potuerit, nō habebat:  
 nisi forte id, quod omnes tum desiderabāt, ut ageret eam  
 rem sine Verre, et Dolabella. quicquid esset sine his actū,  
 omnes probarent. tum uero quod pronuntiatum est, non  
 per Neronem iudicatū, sed per Dolabellam ereptum exi-  
 stimabatur: cōdemnatur enim perpaucis sententijs Phi-  
 lodamus, & eius filius: adest, instat, urget Dolabella, ut  
 quamprimum securi feriatur, quo quāminime multi ex  
 illis de istius nefario scelere audire possent. cōstituitur in  
 foro Laodicea spectaculum acerbum, & miserum, &  
 graue toti Asiae provinciae, grandis natu parens addu-  
 ctus ad supplicium, ex altera parte filius; ille quod pu-  
 dicitiam liberorū, hic quod uitam patris, famamq; foro-  
 ris defenderet. flebat uterq; non de suo supplicio, sed pa-  
 ter de filij morte, de patris filius. quid lacrymarum ip-  
 sum Neronem putatis profudisse? quem fletum totius  
 Asiae fuisse? quem luctum, & gemitū Lampfacenorum?  
 securi esse percussos homines innocētes, nobiles, socios po-  
 puli R. atq; amicos, propter hominis flagitiosissimi singu-  
 larem nequitiam, atq; improbissimā cupiditatem: nemo-  
 iam Dolabella neq; tui, neq; tuorum liberū, quos tū mise-  
 ros in egestate, atq; in solitudine reliquisti, misereri po-  
 test. Verres ne tibi tanti fuit, ut eius libidinem hominum  
 innocentū sanguine lūi uelles? iccirco ne exercitū, atque  
 hostem relinquebas, ut tua uī, & crudelitate istius homi-  
 nis improbissimi pericula subleuares? q. n. eū tibi Quae-  
 storis in locū constitueras, iccirco tibi amicū in perpetuū



fore putasti? nesciebas, ab eo Cn. Carbonem Cos. cuius re vera Quaestor fuit, non modo relictum, sed etiam spoliatum auxilys, nefarie oppugnatum, et proditum? expertus igitur es istius perfidiam tum, cum se ad inimicos tuos contulit, cum in te homo ipse nocēs acerrimū testimonium dixit, cum rationes ad ararium nisi damnato te referre noluit. tanta ne tuæ Verres libidines erunt, ut eas capere, ac sustinere nō provincia populi R. non nationes exterae possint? tu ne quod uideris, quod audieris, quod concupieris, quod cogitaris, nisi id ad nutum tuū praesto fuerit, nisi libidini tuæ cupiditatiq; paruerit, immittentur homines? expugnabuntur domus? ciuitates non modo pacatae, uerum etiam sociorum, atque amicorum ad uim, atque ad arma confugient, ut ab se, atque ab liberis suis Legati populi R. scelus, atque libidinem propulsare possint? nam quæro abs te, circumfessus ne sis Lampsaci? coeperit ne domum, in qua diuersare, illa multitudo incendere? uoluerint ne Legatum populi R. comburere uiuum Lampsaceni? negare non potes: habeo enim testimonium tuum, quod apud Neronem dixisti: habeo quas ad eundem literas misisti. recita hunc ipsum locum de testimonio. TESTIMONIUM C. VERRIS IN ARTEMIDORVM. NON MVLTQ POST IN DOMVM. bellum ne populo R. Lampsaceni ciues facere conabantur? deficere ab imperio ac nomine nostro uolebant? uideo enim, et ex ijs, quæ legi, et audiui, intelligo; in qua ciuitate non modo Legatus populi R. circumfessus, non modo igni, ferro, manu, copijs oppugnatus, sed aliqua ex parte uiolatus sit, nisi publice satisfactum sit, et

ciuitati bellum indici, atq; inferri solere. quæ fuit igitur  
 causa, cur cuncta ciuitas Lampſacenorum de concione,  
 quemadmodum tute scribis, domum tuam cõcurreret? tu. n.  
 neq; in literis, quas Neroni mittis; neq; in testimonio cau-  
 sam tanti tumultus ostendis ullam. obsessum te dicis: ignem  
 allatum, sarmenta circumdata, licetorem tuum occisum esse di-  
 cis: prodeundi tibi in publicum potestatem factam negas:  
 causam huius etiam terroris occultas. nam si quam Rubrius  
 iniuriam suo nomine, ac non impulsu tuo, et tua cupidi-  
 tate fecisset: de tui comitis iniuria questum ad te potius,  
 quam te oppugnatum uenirent. cum igitur, quæ causa il-  
 lius tumultus fuerit, testes à nobis producti dixerint, ipse  
 celarit: non ne causam hanc, quam nos proposuimus, tum  
 illorum testimonia, tum istius taciturnitas perpetua confir-  
 mat? huic homini parcetis igitur iudices? cuius tanta  
 peccata sunt, ut ijs, quibus iniurias fecerit, neq; legitimum  
 tempus expectare ad ulciscendum, neq; uim tantam do-  
 loris in posterum differre potuerint. circumsessus es. à qui-  
 bus? à Lampſacenis: barbaris hominibus credo, aut ijs,  
 qui populi R. nomen contemnerent: immo uero ab homi-  
 nibus et natura, et consuetudine, et disciplina lenissimis:  
 porro autem populi R. conditione socijs, fortuna seruis,  
 uoluntate supplicibus: ut perspicuum sit omnibus, nisi  
 tanta acerbitas iniuriæ, tanta uis sceleris fuisset, ut Lam-  
 psaceni moriendum sibi potius, quam perpetiendum pu-  
 tarent, nunquam illos in eum locum progressuros fuisse, ut  
 uehementius odio libidinis tuæ, quam metu Legationis  
 mouerentur. nolite per deos immortales cogere socios,  
 atque exterarum nationes hoc uti per fugio: quo, nisi uos uin-  
 dicatis, utentur necessario. Lampſacenos in istum nun-  
 quam

quam ulla res mitigasset, nisi eum pœnas Romæ daturū credidissent. & si talem acceperant iniuriam, quam nulla lege satis digne persequi poterant: tamen incommoda sua uestris committere legibus, & iudicijs, quàm dolori suo permittere maluerunt. tu mihi, cum circumsessus a tam illustri ciuitate sis propter tuum scelus, atque flagitium; cum coegeris homines miseros, et calamitosos, quasi desperatis nostris legibus, & iudicijs, ad uim, ad manus, ad arma confugere; cū te in oppidis, & ciuitatibus amicorum non Legatum populi R. sed tyrannum libidinosis, crudelemq; præbueris; cum apud exteras nationes imperij, nominisq; nostri famam tuis probris, flagitijsq; uiolaris; cum te ex ferro amicorum populi R. eriperis, atq; è flamma sociorum euolaris: hic tibi perfugium speras futurū? erras. ut huc incideres, non ut hic conquiesceres, illi te uiuum exire passi sunt. & ais, iudicium esse factum, te iniuria circumsessum esse Lampſacem; quod Philodamus cum filio condemnatus sit. quid, si doceo; si planum facio, teste homine nequam, uerū ad hanc rem tamen idoneo (te ipso inquam teste docebo) te huius circumsessionis tuæ causam, & culpam in alios transtulisse; neq; in eos, quos tu insimularis, esse animaduersum? iam nihil te iudiciū Neronis adiunat. recita quas ad Nerone literas misit. EPISTOLA C. VERRIS AD NERONEM. THEMISTAGORAS ET THESSALVS. Themistagoram, & Thessalū scribit populum concitasse; quem populum? qui te circūsedit, qui te uiuum comburere conatus est: ubi hos persequeris? ubi accusas? ubi defendis ius, nomenq; Legati? in Philodami iudicio dices id actum. cedo mihi ipsius Ver-

ris testimonium. uideamus, quid idem iste iuratus dixerit. recita. AB ACCVSATORE ROGATUS, RESPONDIT: IN HOC IUDICIO NON PERSEQUI: SIBI IN ANIMO ESSE ALIO TEMPORE PERSEQUI. quid igitur te inuat Neronis iudicium? quid Philodami damnatio? Legatus cum esses circūfessus; cumq; quē admodum tute ad Neronem scripsisti, populo R. cōmuniq; causæ Legatorū facta esset iniuria insignis: non es persecutus: dicis tibi in animo esse alio tempore persequi. quod fuit id tempus? quando es persecutus? cur imminuisti ius Legationis? cur causam populi R. deseruisti, ac prodidisti? cur iniurias tuas coniūctas cum publicis reliquisti? nō ne te ad senatū causam deferre, non de tā atrocibus iniurijs conqueri, non eos homines, qui populū concitarant, Consulū literis euocādos curare oportuit? nuper M. Aurelio Scauro postulante, quod is Ephesi se Questorem uel prohibitum esse dicebat, quo minus e' fauo Dianæ seruum suum, qui in illud asylum confugisset, abduceret: Pericles Ephesius homo nobilissimus Romam euocatus est, & auctor iniuriæ illius fuisse argueretur. tu, si te Legatum ita Lampfaci tractatum esse senatum docuisses, ut tui comites uulnerarentur, licetor occideretur, ipse circūfessus penē incenderere, eius autē rei duces, & auctores, & principes fuisse, quos scribis, Themistagoram & Thessalum: quis non comoueretur? quis nō ex iniuria, quæ tibi esset facta, sibi prouideret? quis nō in ea re causam tuam, periculum cōmune agi arbitraretur? etenim nomen Legati eiusmodi esse debet, quod non modo inter sociorum iura, sed etiam inter hostium tela

incolumē uersetur. magnum hoc Lampſacenum crimen est libidinis, atq; improbiſſimæ cupiditatis. accipite nunc auaritiæ propemodū in ſuo genere non leuius. Milesios nauem popoſcit, quæ cum praſidij cauſa Myndū proſequeretur. illi ſtatim myoparonem egregiū de ſua claſſe, ornatum, atq; armatū dederunt. hoc praſidio Myndū proſectus eſt. nam quid Mileſijs lana publicæ abſtulerit, item de ſumptu in aduentum, de cōtumelijs, & iniurijs in magiſtratum Mileſium, tameſi dici tum uere, tū grauius, & uehementer poteſt, tamē dicere prætermittam, eaq; omnia teſtibus integra reſeruabo. illud, quod neq; taceri ullo modo poteſt, neq; dici pro dignitate, cognoſcite. milites remigeſq; Miletū Myndo pedibus reuerſi iubet: ipſe myoparonem pulcherrimum de decem Mileſiorū nauibus electū, L. Magio, et L. Rabio, qui Myndi habitabāt, uendidit. hi ſunt homines, quos nuper ſenatus in hoſtium numero cenſuit habendos. hoc illi nauigio ad omnes populi R. hoſtes uſq; ab Dianio, quod in Hiſpania eſt, ad Sinopem, quæ in Ponto eſt, nauigauerunt. o' di immortalēs, incredibilem auaritiā, ſingularēq; audaciā. nauem tu de claſſe populi R. quā tibi Mileſia ciuitas, ut te proſequeretur, dediſſet, auſus es uendere ſi te magnitudo maleficijs, ſi te hominū exiſtimatio non mouebat, ne illud quidem cogitabas, huius improbiſſimi furci, huius adeo nefariæ prædæ tā illuſtrē, ac tā nobile ciuitatē teſtem futuram? an, quia tū Cn. Dolabella in eū, qui ei myoparoni præfuerat, Mileſijsq; rē geſtā renūtiarat, animaduertere tuo rogatu conatus eſt, renūtiationemq; eiſ, quæ erat in publicas literas relata illorū legibus, tolli iuſſerat: iccirco te ex hoc crimine elapſum eſſe arbitrabare? multū te iſta

fefellit opinio, & quidē multis in locis: semper enim exi-  
stimasti, et maxime in Sicilia, satis cautum tibi ad defen-  
sionem fore, si aut referri aliquid in literas publicas ue-  
tuisses, aut, quod relatum esset, tolli coegisses. hoc quā-  
nihil sit, tamen si ex multis Siciliae ciuitatibus priore actio-  
ne didicisti, tamen etiam in hac ipsa ciuitate cognosce.  
sunt illi quidem dicto audientes, quandiu adsunt, qui  
imperant. simul ac discesserunt, non solum illud perscri-  
bunt, quod tum prohibiti sunt, sed etiam causam adscri-  
bunt, cur non tum in literas relatum sit. manent istae li-  
terae Mileti: manent, & dum erit illa ciuitas, manebunt:  
decem enim naues iussu L. Murenæ populus Milesius ex  
pecunia uectigali populi R. fecerat, sicut pro sua quaeque  
parte Asiae ceterae ciuitates. quam ob rem unam ex decē  
non praedonum repentino aduētū, sed Legati latrocinio,  
non ui tempestatis, sed hac horribili tempestate sociorum  
amissam, in literas publicas retulerunt. sunt Romae Le-  
gati Milesij, homines nobilissimi, ac principes ciuitatis:  
qui tamen si mensem Februarium & Consulum designa-  
torum nomen expectant, tamen hoc tantum facinus nō  
modo negare interrogati, sed ne producti quidem retice-  
re poterunt. dicent inquam & religione adducti, & le-  
gum domesticarum metu, quid illo myoparone factum  
sit. ostendent, C. Verrem in ea classe, quae contra piratas  
aedificata sit, piratā ipsum cōsceleratum fuisse. C. Mal-  
leolo. Quaestore Cn. Dolabella occiso, duas sibi heredita-  
tes uenisse arbitratus est, unam quaestoriae procurationis  
(nam a Dolabella statim Proquaestore iussus est esse) al-  
teram tutela: nam cum pupilli Malleoli tutor esset, in bo-  
na eius impetum fecit: nam Malleolus in provinciam sic

copiose profectus erat, ut domi prorsus nihil relinqueret. præterea pecunias occuparat apud populos, & syngraphas fecerat: argenti optimi calati grande pondus secum tulerat (nam ille quoque sodalis istius erat in hoc morbo, & cupiditate) grande pondus argenti, familiam magnam, multos artifices, multos formosos homines reliquit: iste, quod argenti placuit, inuasit: quæ mancipia uoluit, abduxit: uina, cæteraque, quæ in Asia facillime comparantur, quæ ille reliquerat, asportauit: reliqua uendidit, pecuniam exegit. cum ad HS XX quinquies redegissem constaret: ut Romam rediret, nullam literam pupillo, nullam matri eius, nullam tutoribus reddidit: seruos artifices pupilli cum haberet domi, circum pedes autem homines formosos, & literatos, suos esse dicebat, se emissee. cum sæpius mater, & auia pueri postularent, uti, si non redderet pecuniam, nec rationem daret, diceret saltem, quantum pecuniæ Malleoli deportasset: multis efflagitatus aliquando dixit, HS decies: deinde in codicis extrema cera nomen infimū in flagitiosa litura fecit: expensa Chrysogono seruo HS sexcenta millia, accepta pupillo Malleolo retulit. quomodo ex decies HS sexcenta sint facta, quomodo DC eodem modo quadrarint (ut illa de Cn. Carbonis pecunia reliqua HS sexcenta facta) quomodo Chrysogono expensa lata sint, cur id nomen infimū, in lituraque sit, uos examinabitis. tamen HS sexcenta millia cum accepta retulisset, HS quinq; millia soluta non sunt. homines, posteaque reus factus est, alij redditi, alij etiam nunc retinentur: peculia omnium, uicarijque retinentur. hæc est istius præclara tutela. en cui tuos liberos committas, en memoria morbi tui sodalis, en metus uiuorum existimationis. cum tibi se



tota Asia spol:andam ac uexandam tradidisset; cum tibi  
 exposita esset omnis ad prædandum Pamphylia: contem-  
 tus his tam opimis rebus non fuisti? manus à tutela, ma-  
 nus à pupillo, manus à sodalis filio abstinere non potui-  
 sticiam te non Siculi, non aratores (ut dictitas) circue-  
 niunt, non ii, qui decretis, edictisq; tuis in te concitati,  
 infestiq; sunt: Malleolus à me productus, & mater eius  
 atq; auia: quæ miserae, flentes, euer sum à te puerū patris  
 bonis esse dixerunt. quid expectas? an, dum ab inferis ille  
 Malleolus existat, atq; abs te officia tutelæ, sodalitatæ, fa-  
 miliaritatæq; flagitet? ipsum putato adesse. homo auarif-  
 sime & spurcissime, redde bona sodalis filio, si non, quæ  
 abstulisti; at, quæ confessus es. cur cogis sodalis filiū hanc  
 primam in foro uocem cum dolore et querimonia emit-  
 tere? cur sodalis uxorem, sodalis socrum, domum deniq;  
 totam sodalis mortui contra te testimonium dicere? cur  
 prudentissimas, lectissimasq; fæminas in tantum uirorū  
 conuentum insolitas, inuitasq; prodire cogis? recita omni-  
 um testimonia. **TESTIMONIUM MATRIS  
 ET AVIAE.** Proquestore uero quomodo iste cō-  
 mune Miliadum uexarit, quomodo Lyciam, Pamphylia,  
 Pisidiam, Phrygiamq; totam frumento imperando, æsti-  
 mando hac sua, quā tum primum excogitauit, Siciliensi  
 æstimatione, afflixerit, non est necesse demonstrare uer-  
 bis. hoc scitote, his nominibus, quæ res per eū gestæ sunt,  
 cum iste ciuitatibus frumentum, coria, cilicia, saccos im-  
 peraret, neque ea sumeret, pro his rebus pecuniam exi-  
 geret, his nominibus solis Cn. Dolabella HS ad tricies li-  
 rem esse æstimatam. quæ omnia, etiam si uoluntate Dola-  
 bella fiebant, per istum omnia tamen gerebantur. confis-

itam in uno nomine: multa sunt ex eodem genere. recita.  
 DE DITIBVS AESTIMATIS CN. DO  
 LABELLAE PR. POPVLO R. PECV-  
 NIAE REDACTAE. QVOD A' COM-  
 MVNI MILIADVM. te hac coegisse, te aestimas-  
 se, tibi pecuniã numeratam esse dico: eademq; ui, & in-  
 iuria cum pecunias maximas cogeres, per omnes partes  
 prouinciæ te, tanquam aliquam calamitosam tempesta-  
 tem, pestemq; peruasisse demonstro. itaq; M. Scaurus, qui  
 Cn. Dolabellam accusauit, istum in sua potestate ac ditio-  
 ne tenuit. homo adolescens, cum istius in inquirendo mul-  
 ta furta, ac flagitia cognosceret, fecit perire, & callide,  
 uolumen eius rerum gestarum maximum isti ostendit,  
 ab homine, quæ uoluit, in Dolabellam abstulit, istum tes-  
 tem produxit: dixit iste, quæ uelle accusatorem putauit.  
 quo ex genere mihi testium, qui cum isto furati sunt, si  
 uti uoluisssem, magna copia fuisset, qui, ut se periculo li-  
 tium, coniunctione criminum liberarent, quo ego uelle,  
 descensuros pollicebantur. eorum ego uoluntatem omni-  
 um repudiavi: non modo proditori, sed ne perfugæ qui-  
 dem locus in meis castris cuiquam fuit. forsitan melio-  
 res illi accusatores habēdi sunt, qui hæc omnia fecerunt.  
 sed ego defensorem in mea persona, non accusatorē ma-  
 xime laudari uolo. rationes ad ærariū, antequā Dolabel-  
 la condemnatus est, non audet referre. impetrat a' sena-  
 tu, ut dies sibi prorogaretur, & tabulas suas ab accusato-  
 ribus Dolabellæ obsignatas diceret: perinde quasi exscri-  
 bendi potestatem non haberet. solus est hic, qui nunquam  
 rationes ad ærariū referat. audistis quæstoriã rōnem tri-  
 bus uersiculis relata: Legationis, non nisi condemnato,

Et cieceto eo, qui posset reprehendere: nunc deniq; Prætu-  
 ra: quam ex S. C. statim referre debuit, usq; ad hoc tem-  
 pus nō retulit. Quæstorem se in senatu expectare dixit.  
 perinde quasi non, ut Quæstor sine Prætore posset refer-  
 re, ut tu Hortensi, ut omnes, eodem modo sine Quæstore  
 Prætor. dixit, idem Dolabellam impetrasse. omen magis  
 patribus conscriptis, quàm causa placuit. probauerūt. ue-  
 rū Quæstores quoq; iam pridem uenerunt: cur non retu-  
 listi? illarum rationum ex ea fece legationis, quæstoriæq;  
 tuæ procurationis illa sunt nomina, quæ Dolabella neces-  
 sario sunt æstimata. EX LITIBVS AESTI-  
 MATIS DOLABELLÆ PR. ET PRO-  
 PR. ꝓ minus Dolabella Verri acceptum retulit, quàm  
 Verres illi expensum tulerit, HS quingenta triginta  
 quinq; millia: Et quòd plus fecit Dolabella Verrem acce-  
 pisse, quàm iste in suis tabulis habuit; HS ducenta tri-  
 ginta duo millia: Et ꝓ plus frumenti fecit accepisse istū  
 HS decies Et octingenta millia, quod tu homo castissi-  
 mus aliud in tabulis habebas. hinc illæ extraordinariæ  
 pecuniæ, quas nullo duce, tamen aliqua ex particula inue-  
 stigamus, redundarunt. hinc ratio cū Q. Et Cn. Posthu-  
 mijs, Curtijs, multis nominibus, quorū in tabulis iste ha-  
 bet nullum. hinc HS quater decies P. Tadio numerata  
 Athenis, testibus planum faciam. hinc empta apertissime  
 Prætura: nisi forte id etiam dubiū est, quomodo iste Præ-  
 tor factus sit. homo scilicet aut industria, aut opera pro-  
 bata, aut frugalitatis existimatione præclara, aut deni-  
 que, id quod leuissimū est; assiduitate, qui ante Quæstu-  
 ram cum meretricibus lenonibusq; uixisset, Quæsturam  
 ita gessisset, quemadmodū cognouistis, Romæ post Quæ-

sturam illam nefariam uix triduum constitisset, absens non in obliuione iacisset, sed in assidua cōmemoratione omnibus omnium flagitiorum fuisset: is repente, ut Romam uenit, gratis Prator factus est. alia porrò pecunia, ne accusaretur, data. cui sit data, nihil ad me, nihil ad rem pertinere arbitror: datam quidem esse, tum inter omnes recenti negotio facile constabat. homo stultissime & amentissime, tabulas cum conficeres, & cum extraordinaria pecunia crimē subterfugere uelles: satis te elapsurum omni suspitione arbitrabare, si, quibus pecuniā credebamus, us expensum nō ferres, neq; in tuas tabulas ullum nomen referres, cum tot tibi nominibus acceptum Curtij referrent? quid proderat tibi te expensum, illis non tulisse? an tuis solis tabulis te causam dicturum existimasti? Verum ad illam iam ueniamus præclaram Praturam, criminaq; ea, quæ notiora sunt his, qui adsunt, q̃ nobis, qui meditati ad dicendū paratiq; uenimus. in quibus, non dubito, quin offensionem negligentiae uitare, atq; effugere non possim. multi. n. ita dicent: de illo nihil dixit, in quo ego interfui: illam iniuriam non attigit, quæ mihi, aut quæ amico meo facta est: quibus ego in rebus interfui. his omnibus, qui istius iniurias norunt, hoc est populo R. uniuerso, me uehementer excusatum uolo, non negligentia mea fore, ut multa praterream, sed q̃ alia testibus integra reseruari uelim, multa autē propter rationem breuitatis, ac tēporis pratermittenda existimem. fatebor etiā illud inuitus, me prorsus, cum iste punctum tēporis nullū uacū peccato praterire passus sit, omnia, quæ ab isto cōmissa sunt, nō potuisse cognoscere. quapropter ita me de Praturæ criminibus audite, ut ex utroq;

que genere, & iuris dicendi, & sartorum tectorum exi-  
 gendorum, ea postuletis, quæ maxime digna sunt eo reo,  
 cui parvum ac mediocre obyci nihil oporteat. nam ut Præ-  
 tor factus est, qui auspiciato à Chelidone surrexisset, for-  
 tem nactus est urbanæ provinciæ, magis ex sua & Che-  
 lidonis, quàm ex populi R. uoluntate. qui principio qua-  
 lis in edicto cõstituendo fuerit, cognoscite. P. Annius Asel-  
 lus mortuus est C. Sacerdote Prætore. is cū haberet uni-  
 cam filiam, neq; census esset: quod eum natura hortaba-  
 tur, lex nulla prohibebat, fecit, ut filiam bonis suis hære-  
 dem institueret. hæres erat filia: faciebant omnia cū pu-  
 pilla, legis æquitas, uoluntas patris, edicta Prætorū, con-  
 suetudo iuris eius, quod erat cum, cum Asellus est mor-  
 tuus. iste Prætor designatus (utrum admonitus, an tenta-  
 tus, an, qua est iste sagacitate in his rebus, sine duce ullo,  
 sine iudice peruenierit ad hanc improbitatem, nescio: nos  
 tantū hominis audaciam, amentiamq; cognoscite) appel-  
 lat hæredem L. Annium, qui erat institutus secundum fi-  
 liam: nō enim mihi persuadetur, istum ab illo prius ap-  
 pellatū. dicit, se posse ei cõdonare edicto hæreditatem: do-  
 cet hominem, quid possit fieri. illi bona res, huic uendibi-  
 lis uidebatur. iste tamen si singulari est audacia, tamē ad  
 pupillæ matrem summittebat, malebat pecuniā accipere,  
 ne quid noui ediceret, quàm ut hoc edictum tam impro-  
 bum, & inhumanū interponeret. tutores, pecuniā Præ-  
 tori si pupillæ nomine dedissent, grandem præsertim,  
 quemadmodū in rationem inducerent, quemadmodum  
 sine periculo suo dare possent, non uidebant: simul &  
 istum fore tam improbum non arbitrabantur. sæpe ap-  
 pellati, pernegauerunt. iste ad arbitrium eius, cui condo-

narat hereditatem ereptam liberis, quam equum edic-  
 tum scripserit, quaeso cognoscite. CVM INTELLI-  
 GAM, LEGEM VOCONIAM. quis unquam  
 crederet Verrem mulierum aduersarium futurum? an ideo  
 aliquid contra mulieres fecit, ne totum edictum ad Chelido-  
 nis arbitrium scriptum uideretur? cupiditati hominum ait se  
 obuiam ire. quid potius non modo his temporibus, sed etiam  
 apud maiores nostros? quis tam remotus fuit a cupidita-  
 tate? dic quaeso cetera: delectat. n. me hominis grauitas,  
 scientia iuris, auctoritas. QVI AB APOSTHV-  
 MIO, Q. FVLVIO CENSORIBVS PO-  
 STVE EA, FECIT, FECERIT. fecit, fecerit?  
 quis unquam edixit isto modo? quis unquam eius rei frau-  
 dem, aut periculum proposuit edicto, quae neq; post edi-  
 ctum, neq; ante edictum prouideri potuit? iure, legibus,  
 auctoritate omnium, qui consulabantur, testamentum P. AN-  
 nius fecerat non improbum, non inofficiosum, non iniustum.  
 quod si ita fecisset, tamen post illius mortem nihil  
 de testamento illius noui iuris constitui oporteret. Voconia  
 lex te uidelicet delectabat: imitatus esses illum ipsum C.  
 Voconium, qui lege sua hereditatem ademit nulli neq;  
 uirgini, neq; mulieri: sanxit in posterum: qui post eos Cen-  
 sores census esset, ne quis heredem uirginem, ne ue mulie-  
 rem faceret. in lege Voconia non est, fecit, fecerit: neque  
 in ulla praeteritum tempus reprehenditur, nisi eius rei,  
 quae sua sponte scelerata ac nefaria est, ut, etiam si lex  
 non esset, magnopere uitanda fuerit. atque in his rebus  
 multa uidemus ita sancta esse legibus, ut ante facta in  
 iudicium non uocentur. Cornelia, testamentaria, numma-  
 ria, ceterae complures, in quibus non ius aliquod nouum

populo cōstituitur, sed sancitur, ut quod semper malum facinus fuerit, eius quæstio ad populum pertineat ex certo tempore. de iure uero civili si quis noui quid instituit, omnia, quæ ante acta sunt, rata esse patitur. cedo mihi leges Atinias, Furias, Fuffias, ipsam, ut dixi, Voconiam, omnes præterea de iure civili: hoc reperiēs in omnibus statui ius, quo post eam legem populus utatur. qui plurimū tribuunt edicto, Prætoris edictum legem annuā dicunt esse. tu edicto plus cōplecteris, q̄ lege. si finem edicto Prætoris afferunt Calendæ Ianuarij, cur non initium quoq; edicti nascitur à Calendis Ianuarij? an in eum annum progredi nemo poterit edicto, quo Prætor alius futurus est: in illū, quo alius Prætor fuit, regredietur? ac si hoc iuris nō unius causa hominis edixisses, cautius cōposuisses. scribis, si quis hæredem fecit, fecerit. quid, si plus legarit, q̄ ad hæredem, hæredes uē perueniat, quod per legem Voconiā ei, qui census sit, licet? cur hoc, cū in eodem genere sit, nō caues? quia non generis, sed hominis causam uerbis amplecteris: ut facile appareat, te pretio esse cōmotum. atq; hoc si in posterum edixisses, minus esset nefarium, tamen esset improbum. sed tum uituperari posset, in dubiū uenire non posset: nemo enim cōmitteret. nunc est eiusmodi edictum, ut quiuis intelligat, nō populo esse scriptum, sed P. Annij secundis hæredibus. itaq; cum à te caput illud tam multis uerbis mercenario proæmio esset ornatum: ecquis est inuentus postea Prætor, qui illud idem ediceret? nō modo nemo edixit, sed ne metuit quidem quisquā, ne quis ediceret: nam post te Prætorem multi testamenta eodem modo fecerūt, in his nuper Anania ea de multorum propinquorum sententia, pecuniosa



mulier, q̄ censa non erat, testamento fecit hæredem filiã. itaq; hoc magnum iudiciũ hominum de istius singulari improbitate, quod Verres sua sponte instituisset, id neminem metuisse, ne quis reperiretur, qui istius institutũ se- qui uellet: solus enim tu inuentus es, cui non satis fuerit corrigere uoluntates uiuorũ, nisi etiam rescinderes mor- tuorum. tu ipse ex Siciliensi ediçto hoc sustulisti: uoluisti, ex improviso si quæ res natæ essent, ex urbano ediçto decernere. quã postea tu tibi defensionem relinquebas, in ea maxime offendisti, cum tuam auctoritatem tute ipse ediçto provinciali repudiabas. atq; ego non dubito, quin ut mihi, cui filia maxime cordi est, res hæc acerba uideatur, atq; indigna, sic unicuiq; uestrum, qui simili sensu, atq; indulgentia filiarum comouemini: quid enim natu- ra nobis iucundius, quid charius esse uoluit? quid est di- gnius, in quo omnis nostra diligentia, indulgentiaq; cõsu- matur? homo importunissime cur tantã iniuriam P. An- nio mortuo fecisti? cur hũc dolorem cineri eius, atq; os- sibus inuissisti, ut liberis eius bona patria, uolũtate patris, iure, legibus tradita, eriperes, & cui tibi esset comodum, condonares? quibuscum uiui bona nostra partimur, ijs Prætor adimere nobis mortuis bona, fortunasq; poterit? nec petitionem, inquit, nec possessionẽ dabo. eripies igitur pupillæ togam prætextam? detrahes ornãmẽta non so- lum fortunæ, sed etiã ingenuitatis? miramur ad arma contra istũ hominem Lampsacenos isse? miramur istum de prouincia decedentẽ clam Syracusis profugisse? nos si alienã uicẽ pro nostra iniuria doleremus, uestigiũ istius in foro esset reliçtum? pater dat filiæ: prohibes. leges si- nunt: tamẽ te interponis, de suis bonis ita dat, ut ab iure

non abeat : quid habes, quod reprehendas ? nihil opinor.  
 at ego concedo : prohibe, si potes, si habes qui te audiat,  
 si potest tibi dicto audiens esse quisquam . eripias tu uo-  
 luntatem mortuis ? bona uiuis ? ius omnibus ? hoc popu-  
 lus R. non manu uindicasset, nisi te huic tēpori, atq; huic  
 iudicio reseruasset ? posteaquam ius prætorium constitu-  
 tum est, semper hoc iure usi sumus, si tabula testamenti  
 nō proferrentur, tum uti proximum quēq; potissimum  
 hæredem esse oporteret : si is intestato mortuus esset, ita  
 secūdum eum possessio daretur. quare hoc sit æquissimū;  
 facile est docere : sed in re tam usitata, satis est ostēdere;  
 omnes antea ius ita dixisse, et hoc uetus edictum, transla-  
 titumq; esse. cognoscite aliud hominis in re uetere edictū  
 nouū: et simul, dum est unde ius civile discatur, adolescen-  
 tes ei in disciplinā tradite. mirum est hominis ingenium;  
 mira prudētia. Minutius quidā mortuus est ante istum  
 Prætorem. eius testamētum erat nullum: lege hæreditas  
 ad gentem Minutiam ueniebat. si habuisset iste edictum,  
 quod ante istum, & postea omnes habuerunt : possessio  
 Minutia genti esset data . si quis testamento se hæredem  
 esse arbitraretur, quod tum nō extaret, lege ageret in hæ-  
 reditatem, aut, pro præde litis iudiciarū cum satis acce-  
 pisset, sponsonem faceret. ita de hæreditate certaret. hoc  
 opinor iure et maiores nostri, et nos semper usi sumus ui-  
 dete, ut hoc iste correxerit. cōponit edictum ijs uerbis, ut  
 quicuis intell gere possit, unius hominis causa cōscriptum  
 esse: tantū q̄ hominem nō nominat: causam quidem totā  
 perscribit: ius, consuetudinē, æquitatē, edicta omniū negli-  
 git. EX EDICTO VRBANO. SI DE HÆ-  
 REDITATE AMBIGITVR: SI POSSES-

SORSPONSIONEM NON FACIET. iā  
quid id ad Pratorē, uter possessor sit? nō ne id quari oportet, utrū possessorē esse oporteat? ergo quia possessor est, nō moues possessione: si possessor nō esset, nō dares: nusquā .n. scribis, neq; tu aliud quicquā edicto amplecteris, nisi eā causam, pro qua pecuniā acceperas. iā hoc ridiculum est. SI DE HAEREDITATE AMBIGITVR; ET TABVLAE TESTAMENTI OBSIGNATAE NON MINVS MVLTIS SIGNIS, QVAM E' LEGE OPORTEAT, AD ME PROFERENTVR: SECVNDVM TABVLAS TESTAMENTI POTISSIMVM HAEREDITATEM DABO. hoc translatitium est. sequi illud oportet: si tabulae testamenti non proferentur. quid ait? se ei daturum qui se dicat heredem esse. quid ergo interest, proferatur, nec ne? si protulerit, uno signo ut sit minus, quam ex lege oportet: non des possessionem: si omnino tabulas non proferet, dabis. quid nūc dicam? neminem unquam postea alium edixisse? ualde sit mirum, neminem fuisse, qui istius se similem dici uellet. ipse in Siciliensi edicto hoc non habet: exegerat enim iam mercedē. item, ut illo edicto, de quo ante dixi in Sicilia de hereditatum possessionibus dandis, edixit idem, quod omnes Romae prater istū. EX EDICTO SICILIENSI, SI DE HAEREDITATE AMBIGITVR. at per deos immortales quid est, quod de hoc dici possit? iterum enim iam quæro abs te, sicut modo in illo capite Anniano de mulierum hereditatibus, nunc in hoc de hereditatum possessionibus, cur ea capita in edictum provinciale transferre

nolueris. utrum, digniores homines existimasti eos, qui habitabant in provincia, quā nos, qui a quo iure uteremur: an aliud Romæ æquum est, aliud in Sicilia? nō enim hoc potest hoc loco dici, multa esse in provincijs aliter edicenda, non de hæreditatum quidem possessionibus, nō de mulierum hæreditatibus: nam utroque genere uideo non modo ceteros, sed te ipsum totidem uerbis edixisse, quot uerbis edici Romæ solet. quæ Romæ magna cū infamia, pretio accepto edixeras, ea sola te, ne gratis in provincia male audires, ex edicto Siciliensi sustulisse uideo. & cum edictum totum eorum arbitratu, quandiu fuit designatus, componeret, qui ab isto ius ad utilitatem suam nundinarentur: tum uero in magistratu contra illud edictum suum sine ulla religione decernebat. itaque L. Piso multos codices impleuit earum rerum, in quibus ita intercessit, quod iste aliter, atque ut edixerat, decreuisset. quod uos oblitos esse non arbitror, quæ multitudo, qui ordo ad Pisonis sellam isto Prætoris solitus sit conuenire. quem iste collegam nisi habuisset, lapidibus coopertus esset in foro. sed eo leuiiores istius iniuriæ uidebantur, quod erat in æquitate, prudentiâque Pisonis paratissimum perfugium, quo sine labore, sine molestia, sine impensa, etiam sine patrono homines uterentur. nam quæso redite in memoriam iudices, quæ libido istius in iure dicendo fuerit, quæ uarietas decretorum, quæ nundinatio, quàm inanes domus eorum omnium, qui de iure ciuili consuli solent, quàm plena, atque referta Chelidonis: à qua muliere, cum erat ad eum uentum, et in aurem eius insusurratum, aliàs reuocabat eos, inter quos iam decreuerat, decretumque mutabat, aliàs inter alios contrarium sine ulla religione

religione decernebat, ac proximis paulo ante decreuerat. hinc illi homines erant, qui etiam ridiculi inueniebantur ex dolore. quorum alij, ut audistis, negabant mirandum esse, ius tam nequam esse Verrinū: alij etiam frigidiores erant: sed quia stomachabantur, ridiculi uidebātur esse, cum Sacerdotem execrabantur, qui Verrem tam nequā reliquisset. quæ ego non cōmemorarem (neq; n. perface=te dicta, neq; porro hac scueritate digna sunt) nisi uos il lud uellem recordari, istius nequitiam, & iniquitatem tum in ore uulgi, atq; in cōmunibus prouerbijs esse uer= satam. In plebem uero Romanam utrum superbiam prius memorem, an crudelitatem? sine dubio crudelitas grauior est, atque atrocior. oblitos ne igitur hos putatis esse, quemadmodum sit iste solitus uirgis plebem Roma= nam concidere? quam rem etiam Tribunus pl. in concio= ne egit, cū eum, quem uirgis iste ceciderat, in prospectū populi R. produxit. cuius rei cognoscendæ faciam uobis suo tempore potestatem. superbia uero qua fuerit, quis ignorat? quemadmodum is tenuissimū quenq; contempse rit, despexerit, liberum esse nunquam duxerit. P. Trebo= nius uiros bonos, & honestos complures fecit heredes: in his fecit suum libertum. is A. Treboniū fratrem habue= rat proscriptum. ei cum cautū uellet, scripsit, ut heredes iurarent, se curaturos, ut ex sua cuiusq; parte ne minus dimidium ad A. Trebonium fratrem illum proscriptū perueniret. libertus iurat: ceteri heredes aduēt ad Ver= rem: docent, nō oportere se iurare facturos esse quod cō tra legē Corneliā esset, quæ proscriptū iuari uetat: im= petrant, ut ne iurent. dat his possessionē. id ego nō repre= hendo: etenim erat iniquum, homini proscripto, egenti,

Cic. Orat.

O

de fraternis bonis quicquam dari: & ille libertus, nisi ex testamento patroni iurasset, scelus se facturum arbitrabatur. itaq; ei Verres possessionē hereditatis negat se daturum, ne posset patronum suum proscriptum iuuare: si mul ut esset pœna, q̃ alterius patroni testamento obtemperasset. das possessionē ei, qui non iurauit. concedo: prætoriu est. adimis tu ei, qui iurauit? quo exemplo? proscriptum iuuat: lex est: pœna est. quid ad eum, qui ius dicit? utrum reprehendis, quòd patronum iuuabat eum, qui tū in miseris erat: an, q̃ alterius patroni mortui uoluntatem conseruabat, à quo summum beneficium acceperat? utrum horum reprehendis? & hoc tum de sella uir optimus dixit, equiti R. tam locupleti libertinus sit homo hæres? modestum ordinem, q̃ illinc uiuus surrexit. possum sexcenta decreta proferre, in quibus, ut ego pecuniam nō dicam intercessisse, ipsa decretorum nouitas iniquitasq; declarat. uerū ut ex uno de cæteris coniecturam facere possitis, id quod priore aetione cognostis, audite. C. Sulpitius Olympius fuit. is mortuus est C. Sacerdote Prætorē, nescio an ante, q̃ Verres Præturam petere cœperit. fecit heredem M. Octauium Ligurem. Ligur hereditatē adiit, possedit Sacerdote Prætorē sine ulla controuersia. posteaquam Verres magistratum inijt: ex edictō istius, quod edictum Sacerdos non habuerat, Sulpitij patroni filia sextam partem hereditatis ab Ligure petere cœpit. Ligur non aderat. L. frater eius causam agebat: aderant amici, propinqui. dicebat iste, nisi cum muliere decideretur, in possessionem se ire iussurū. L. Gellius causam Liguris defendebat: docebat, edictum eius non oportere ad eas hereditates ualere, quæ ante eum Prætorē ue-

nissent: si hoc tum fuisset edictum, fortasse Ligurem hæreditatem aditurum non fuisse. aqua postulatio, summa hominum auctoritas pretio superabatur. uenit Romam Ligur: non dubitabat, quin, si ipse Verrem conuenisset, aequitate causæ, & auctoritate sua commouere hominem posset: domum ad eum uenit: rem demonstrat: quàm pridè sibi hæreditas uenisset, docet: quod facile in causâ æquissima homini ingenioso fuit: multa, quæ quemuīs mouere possent, dixit: ad extremum petere cœpit, ne usq; eò suam auctoritatem despiceret, gratiamq; contemneret, ut se tanta iniuria afficeret. homo Ligurè accusare cœpit, qui in re aduentitia, atq; hæreditaria tam diligens, tam attentus esset: deberè cum aiebat suam quoq; rationè ducere: multa sibi opus esse, multa canibus suis, quos circa se haberet. non possum illa planius commemorare, quàm ipsum Ligurè pro testimonio dicere audistis. quid enim Verres? utrum ne his quidem testibus credetur, an hæc ad rem non pertinent? non M. Octauio? non L. Liguri? quis nobis credet? cui nos? quid est Verres, quod planè fieri testibus possit, si hoc non sit? an id, quod dicunt, leue est? nihil leuius, quàm Prætorem urbis hoc iuris in suo magistratu constituere, omnibus ijs, quibus hæreditas uenerit, cohæredem Prætorem esse oportere. an uero dubitamus, quo ore iste cæteros homines inferiore loco, auctoritate, ordine, quo ore homines rusticanos ex municipijs, quo denique ore, quos nunquam liberos putauit, libertinos homines solitus sit appellare, qui ob ius dicendum M. Octauium Ligurem, hominem ornatissimum loco, ordine, nomine, uirtute, ingenio, copijs, poscere pecuniam non dubitauit? In sartis tectis uero



quemadmodū sese gesserit, quid ego dicam? dixerūt, qui  
 senserūt. sunt alij, qui dicant. notæ res, ac manifestæ pro-  
 latae sunt, & proferuntur. dixit C. Fannius eques R. fra-  
 ter germanus Q. Titinij iudicis tui, tibi se pecuniam de-  
 disse. recita testimonium C. Fannij. nolite C. Fannio dicē-  
 ti credere: noli inquam tu Q. Titini C. Fannio fratri tuo  
 credere: dicit enim rem incredibilem, C. Verrem insimu-  
 lat auaritiæ, & audaciæ: quæ vitia uidentur in quēuis  
 potius, q̄ in istum convenire. dixit Q. Tadius, homo fa-  
 miliarissimus patris istius, non alienus à matris eius ge-  
 nere, & nomine: tabulas protulit, quibus pecuniam se de-  
 disse ostendit. recita nomina Q. Tadij. recita testimoniū  
 Q. Tadij. ne tabulis quidem Q. Tadij, nec testimonio  
 credetur. quid igitur in iudicijs sequemur? quid ē aliud,  
 omnibus omnia peccata, & maleficia cōcedere, nisi hoc,  
 hominum honestissimorum testimonys, & uirorum bo-  
 norum tabulis non credere? nam quid ego de quotidiana  
 sermone, querimoniāq; populi R. loquar? de istius im-  
 pudentissimo furto, seu potius nouo, ac singulari latroci-  
 nio? ausum esse in aede Castoris, celeberrimo, clarissimoq;  
 monumento, quod templum in oculis, quotidianoq; aspe-  
 ctu populi R. est positum, quod sæpenumero senatus con-  
 uocatur, quod maximarum rerum frequentissimæ quo-  
 tidie aduocationes fiunt, in eo loco, in sermone hominum  
 audaciæ suæ monumentum æternum relinquere. Ae-  
 dem Castoris iudices P. Iunius habuit tuendam, L. Sylla,  
 Q. Metello Consulibus. is mortuus est: reliquit pupillū  
 paruum filium. cum L. Octavius, C. Aurelius Coss. aedes  
 sacras locauissent, neq; potuissent omnia sarta tecta exi-  
 gere, neq; ij Praetores, quibus erat negotium datum, C.

Sacerdos, & M. Celsus: factum est S. C. quibus de sartis  
tectis cognitum & iudicatum non esset, uti C. Verres, P.  
Celsius Praetores cognoscerent, & iudicaret. qua potesta  
te iste permissa, ut ex C. Fannio, & ex Q. Tadio cogno  
uistis, ueruntamen, cum esset omnibus in rebus apertissi  
me impudentissimeq; praedatus, hoc uoluit clarissimum  
relinquere indicium latrociniorum suorum, de quo non  
audire aliquando, sed uidere quotidie possemus. quasuit,  
quis eadem Castoris sartam tectam deberet tradere. Iuni  
um ipsum mortuum esse sciebat: scire uolebat, ad quem il  
la res pertineret. audit pupillum esse filium. homo, qui sem  
per ita palam dictitasset, pupillos, & pupillas certissima  
praedam esse Praetoribus, optatum negotium sibi in sinu  
delatum esse dicebat. monumentum illa amplitudine, illo  
opere quamuis sartum tectum, integrumq; esset, tamen  
aliquid se inuenturum in quo moliri, praedariq; posset, ar  
bitratur. L. Rabonio eadem Castoris tradi oportebat.  
is casu pupilli Iunii tutor erat testamento patris. cum eo  
sine ullo intertrimento conuenerat iam, quemadmodum  
traderetur. iste ad se Rabonium uocat, quaerit, ecquid sit,  
quod a pupillo traditum non sit, quod exigere debeat. cum  
ille id, quod erat, diceret, facilem pupillo traditionem es  
se, signa, & dona comparere omnia, ipsum templum o  
mni opere esse integrum: indignum isti uideri caput, ex  
tanta aede, tantoq; opere se non opimum praeda, praeser  
tim a pupillo, discedere. uenit ipse in eadem Castoris: con  
siderat templum: uidet undique tectum, pulcherrime la  
queatum: praeterea cetera noua, atque integra: uersat se:  
quaerit, quid agat. dicit ei quidam ex illis canibus, quos  
iste Liguri dixerat esse circa se multos: tu Verres, hic

quod moliare, nihil habes: nisi forte uis ad perpendiculū columnas exigere. homo omnium rerum imperitus quærit, quid sit, ad perpendiculum. dicunt ei, ferē nullam esse columnam, quæ ad perpendiculum esse possit. iam mehercule, inquit, sic agamus: columnæ ad perpendiculum exigantur. Rabonius, qui legem nosset, quæ in lege numerus tantum columnarum traditur, perpendiculi mentio fit nulla; & qui non putaret sibi expedire, ita accipere, ne eodem modo reddendum esset: negat, id sibi deberi: negat, oportere exigi. iste Rabonium quiescere iubet: & simul ei nonnullam spem societatis ostendit. hominem modestum, & minime pertinacem facile coercet: columnas ita se exacturum esse cōfirmat. noua res, atq; improvisa, pupilli calamitas nuntiatur statim C. Mustio uirrico pupilli, qui nuper est mortuus; M. Iunio patruo, P. Potitio tutori, homini frugalissimo. hi rem ad uirum primariū summo officio, ac uirtute præditum M. Marcellum, qui erat pupilli tutor, deferunt. uenit ad Verrem M. Marcellus: petit ab eo pro sua fide, ac diligētia pluribus uerbis, ne per summam iniuriam pupillū Iunium fortunis patris conetur euertere. iste, qui iam spe, & opinione prædam illam deuorasset, neq; ulla æquitate orationis, neq; auctoritate M. Marcelli commotus est: itaq; quemadmodum ostendisset, se id exacturum esse respondit. cum sibi omnes ad istum allegationes difficiles, omnes aditus arduos, ac potius interclusos uiderent, apud quem non ius, non æquitas, non misericordia, non propinqui oratio, nō amici uoluntas, non cuiusquam auctoritas pro pretio, non gratia ualeret: statuunt id sibi optimum esse factū, quod cuius uenisset in mentem; petere auxilium à Che-

lidone: quæ isto Prætoræ non modo in iure civili, privato  
 rumq; omnium controuersus populo R. præfuit, uerum  
 etiam in his sartis rectis dominata est. uenit ad Chelido-  
 nem C. Mustius eques R. publicanus, homo cum primis  
 honestus: uenit M. Iunius patruus pueri, frugalissimus  
 homo, & castissimus: uenit homo summo honore, pудо-  
 re, & summo officio, spectatissimus ordinis sui P. Poti-  
 tius tutor. o multis acerbam, o miseram, atq; indignam  
 Præturam tuam. ut mittam cætera, quo tandem pудо-  
 re tales uiros, quo dolore meretricis domum uenisse arbi-  
 tramini? qui nulla conditione istam turpitudinem subis-  
 sent, nisi officij, necessitudinisq; ratio coegisset. ueniunt, ut  
 dico, ad Chelidonem. domus erat plena: noua iura, noua  
 decreta, noua iudicia petebantur: mihi det possessionem,  
 mihi ne adimat: in me iudicium ne det: mihi bona addi-  
 cat. alij nummos numerabant: alij tabulas obsignabant.  
 domus erat non meretricio conuentu, sed pratoria tur-  
 ba referta. simul ac potestas primum data est, adcũ hi,  
 quos dixi: loquitur Mustius: rem demonstrat: petit auxi-  
 lium: pecuniam pollicetur. respondit illa, ut meretrix, nõ  
 inhumane: libenter ait se esse facturam, & se cũ isto di-  
 ligenter sermocinaturã: reuerti iubet. tum discedunt. po-  
 stridie reuertuntur. negat illa posse hominẽ exorari. per-  
 magnã eũ dicere ex illa re pecuniã confici posse. uerior,  
 ne quis forte de populo, qui priori actione nõ affuit, hæc,  
 quia propter insignẽ turpitudinẽ sunt incredibilia, fingi  
 a me arbitretur. ea uos antea iudices cognouistis. dixit  
 iuratus P. Potitius tutor pupilli Iunij, dixit M. Iunius tu-  
 tor, & patruus. Mustius dixisset, si uiueret: sed pro Mu-  
 stio, recepti re de Mustio auditũ dixit L. Domitius: qui cũ

sciret me ex Mustio rāto audisse, q̄ eo sum usus pluri-  
mū (etenim id iudiciū, quod prop̄ omnium fortunarū  
suarum C. Mustius habuit, me uno defendente uicit) cū  
hoc, ut dico, sciret L. Domitius me scire, ad eū res omnes  
Mustium solitum esse deferre; tamen de Chelidone reti-  
cuit, quoad potuit; alio responsionem suam deriuauit. tā-  
tus in adolescente clarissimo, ac principe iuuentutis pu-  
dor fuit, ut aliquandiu, cum à me premeretur, omnia  
potius responderet, quàm Chelidone nominaret. primo  
necessarios istius ad eum allegatos esse dicebat: deinde ali-  
quando coactus Chelidone nominauit. non te pudet Ver-  
res, eius mulieris arbitrato gessisse Praturam, quam L.  
Domitius ab se nominari uix sibi honestum esse arbitra-  
batur? reiecti à Chelidone, capiunt consiliū necessariū,  
ut suscipiant ipsi negotium. cum Rabonio tutore, quod  
erat uix HS quadraginta millium, transigunt HS du-  
centis millibus. refert ad istum rem Rabonius; ut sibi ui-  
debatur, satis grandem pecuniam, & satis impudentem  
esse. iste, qui aliquanto plus cogitasset, male accipit uerbis  
Rabonium, negat eum sibi illa decisione satisfacere pos-  
se. ne multa, locaturū se esse confirmat. tutores hæc nesci-  
unt: quod actum erat cum Rabonio, putant id esse certis-  
simum: nullam maiorem pupillo metuunt calamitatem.  
iste uero non procrastinat: locare incipit nō proscripta,  
neq; edicta die, alienissimo tēpore, ludis ipsis Romanis, fo-  
ro ornato. itaq; renuntiat Rabonius illā decisione tutori-  
bus: accurrūt tamen ad tēpus tutores: digitū tollit Iunius  
patruus. isti color immutatus est: uultus, oratio, mens de-  
niq; excidit: quid ageret, cœpit cogitare. si opus pupillo  
redimeretur, si res abiret ab eo mācipe, quem ipse appo-

fuisset, sibi nullam prædam esse. itaq; excogitat: quid? ni-  
 hil ingeniose, nihil quod quisquam possit dicere improbe,  
 uel callide: nihil ab isto tectum, nihil ueteratorum expe-  
 ctaueritis: omnia aperta, omnia perspicua reperientur;  
 impudentia, amentia, audacia. si pupillo opus redimitur,  
 mihi præda de manibus eripitur. quod est igitur reme-  
 dium? quod? ne liceat pupillo redimere. ubi illa consue-  
 tudo in bonis, prædibus, prædijsq; uendendis omnium Con-  
 sulum, Censorum, Prætorum, Quæstorum denique? ut  
 optima conditione sit is, cuius res sit, cuius periculum? ex-  
 cludit eum solum, cui propè dicam soli potestatem fa-  
 ctam esse oportebat: quid enim quisquam ad meam pe-  
 cuniam me inuito aspirat? quid accedit? locatur opus  
 id, quod ex mea pecunia reficiatur. ego me refecturum  
 esse dico. probatio futura est tua, qui locas: prædibus &  
 prædijs populo cautum est. & si non putas cautum: sci-  
 licet tu Prætor in mea bona, quos uoles, immitteres? me ad  
 meas fortunas defendendas accedere non sinas? operæ-  
 pretium est ipsam legem cognoscere. dicetis eundem con-  
 scripsisse, qui illud edictum de hæreditate. EX OPE-  
 RE FACIENDO. QVÆ PUPILLI IV-  
 NII. dic, dic quæso clarius. C. VERRES PRAET.  
 VRBIS ADDIDIT. corriguntur leges censoriæ:  
 quod enim uideo in multis ueteribus legibus, Cn. Domi-  
 tius, L. Metellus, L. Cassius, Cn. Seruilius Censores addide-  
 runt, uult aliquid eiusmodi C. Verres. dic quid addidit.  
 QVI DE L. MARTIO, M. PERPENNA  
 CENSORIBVS REDEMERIT, SOCIVM  
 NE ADMITTITO, NEVE EI PARTEM  
 DATO, NEVE EI REDIMITO. quid ita? ne

uitiosum opus fieret? at erat probatio tua. ne parum lo-  
cuples esset? at erat, & esset amplius, si uelles, populo  
cautum prædibus, et prædijs. hic te si res ipsa, si indigni-  
tas iniuriæ tuæ non comouebat, si pupilli calamitas, pro-  
pinquorum lacrymæ, D. Bruti, cuius prædia subierant pe-  
riculum, M. Marcelli tutoris auctoritas apud te ponde-  
ris nihil habebat: ne illud quidem animaduvertebas, eius-  
modi fore hoc peccatum tuum, quod tu neq; negare pos-  
ses (in tabulas enim retulisti) nec cum defensione ali-  
qua confiteri. addicitur id opus HS DLX millibus,  
cum tutores HS LXXX millibus id opus ad illius ho-  
minis iniquissimi arbitrium se effecturos esse clamarent.  
etenim quid erat operis? id, quod uos uidistis. omnes illæ  
columnæ, quas dealbatas uidetis, machina apposita, nulla  
impensa deiectæ, eisdemq; lapidibus repositæ sunt. hoc tu  
HS DLX millibus locauisti. atqui in illis columnis di-  
co esse quæ à tuo redemptore comotæ non sint, dico esse  
ex qua tantum tectorium uetus delitum sit, & nouum  
inductum. quod si tanta pecunia columnas dealbari pu-  
tassetem, certe nunquam Aedilitatem petiuissem. at ut ui-  
deatur tamen res agi, & non eripi pupillo: **SI QUID**  
**OPERIS CAUSA RESCIDERIS, REFI**  
**CITO.** quid erat, quod rescinderet, cum suo quenq; lo-  
co lapidem reponeret? **QVI REDEMERIT, SA**  
**TIS DET DAMNI INFECTI EI, QVI A**  
**VETERE REDEMPTORE ACCEPERIT.**  
deridet, cum sibi ipsum iubet satisfacere Rabonium. **PE-**  
**CVNIA PRAESENS SOLVATVR.** qui-  
bus de bonis? eius, qui, quod tu HS DLX millibus lo-  
casti, HS LXXX millibus effecturum esse clamauit.



quibus de bonis ? pupilli. cuius ætatem, & solitudinem, etiam si tutores non essent, defendere Prætor debuit: tutoribus defendentibus, nō modo patrias eius fortunas, sed etiam bona tutorum ademisti. HOC OPVS BONO SVO QVOQVE FACITO. lapis aliquis cædendus, & apportandus fuit machina sua ? an illo non saxum, nō materies aduecta est : tātum operis in ista locatione fuit, quātum pauca opera fabrorum mercedis tulerunt, & manupretij machina ? utrū existimatis, minus operis esse, unā columnā efficere ab integro nouam, nullo lapide rediuiuo; an quatuor illas reponere ? nemo dubitat, quin multo maius sit nouam facere. ostendam, in ædibus priuatis, longa difficilijq; uictura, columnas singulas ad impluuium 145 X L millibus non minus magnas locatas. sed ineptum est de tam perspicua istius impudentia pluribus uerbis disputare, præsertim cum iste aperte tota lege omnium sermonem, atque existimationem contempserit, qui etiam ad extremum conscripserit, REDIUIVA SIBI HABETO. quasi quicquam rediuiui ex opere illo tolleretur, ac nō totum opus ex rediuiuis constitueretur. at enim pupillo redimi non licebat, non necesse erat rem ad ipsum peruenire, poterat aliquis ad id negotium de populo accedere. omnes exclusi sunt non minus aperte, quam pupillus. diem præstituit operi faciundo Cal. Dec. locat circiter Idus Sept. angustijs temporis excluduntur omnes. quid ergo ? Rabonius istā diē quomodo assequitur ? nemo Rabonio molestus est, neq; Cal. Dec. neq; Nonis, neq; Idibus. deniq; aliquanto in prouinciam iste proficiscitur prius, quā opus effectum est. posteaquam reus factus est, primo negabat opus in

acceptum referre posse. cū instaret Rabonius, in me causam conferebat, q̄ tum codicem obsignassem. petit à me Rabonius, & amicos allegat: facile impetrat. iste, quid ageret, nesciebat. si in acceptum non retulisset, putabat se aliquid defensionum habiturum: Rabonium porro intelligebat rem totam esse patefacturū: tamen si quid poterat esse apertius, quàm nunc est, ut uno minus teste haberet Rabonio? opus in acceptum retulit quadriennio post, q̄ diem operi dixerat. hac conditione, si quis de populo redemptor accessisset, cum die ceteros redēptores exclusisset, tum in eius arbitrium ac potestatem uenire non lebat, qui sibi ereptam prædam arbitraretur. nā quid argumentamur, quò ista pecunia peruenerit? fecit iste iudicium. primū cum uehementius cum eo D. Brutus contenderet, qui de sua pecunia HS D XL millia numerauit: quod iam iste ferre nō poterat: opere addicō, prædibus acceptis, de HS D LX millibus remisit D. Bruto HS CX millia. hoc, si aliena res esset, certe facere nō potuisset. deinde nūmi numerati sunt Cornificio: quem scribam suum fuisse, negare non potest. postremo ipsius Rabonij tabulæ prædam illam istius fuisse clamant. recita nomina Rabonij. hic etiā priore actione Q. Hortensius pupillum Iunium uenisse prætextatum in uestrum conspectum, & testes secum, patruo testimoniū dicente, questus est: & me populariter agere, atq; inuidiam cōmouere, q̄ puerum producerem, clamitauit. quid erat Hortensi tandem in illo puero popolare? quid inuidiosum? Gracchi credo, aut Saturnini, aut alicuius hominis eiusmodi produxeram filiū, ut nomine ipso, & memoria patris animos imperitæ multitudinis concitarem. P. Iunij

erat, hominis de plebe Romana, filius : quem pater moriens cum tutoribus, et propinquis, cum legibus, tū aequitati magistratū, tum iudicijs uestris commendandū putauit. hic istius scelerata locatione, nefarioq; latrocinio, bonis patris fortunisq; omnibus spoliatus, uenit in iudicium ; si nihil aliud, saltem ut eū, cuius opera ipse multos annos est in sordibus, paulo tamē obsoletius uestitum, uideret. itaq; tibi Hortensi non illius aetas, sed causa ; non uestitus, sed fortuna popularis uidebatur. neque te tam comouebat, quod ille cum toga prætexta, quā quod sine bulla uenerat : uestitus enim neminem comouebat is, quē illi mos, et ius ingenuitatis dabat : quod ornamentum pueritiæ pater dederat, indicium, atq; insigne fortune, hoc ab isto prædone ereptum esse, grauius et acerbe homines ferebant. neq; erant hæ lacrymæ populares magis, q̄ nostræ, q̄ tuæ Q. Hortensi, quā horum, qui sententiam laturi sunt : ideo q̄ cōmunis est causa, cōmune periculum : cōmuni præsidio talis improbitas, tanquam aliquod incendiū, restinguenda est : habemus enim liberos paruos : incertum est, quā longa nostrum cuiusq; uita futura sit : cōsulere uiui ac prospicere debemus, ut illorū solitudo, et pueritia quā firmissimo præsidio munita sit : quis est enim, qui tueri possit liberum nostrorū pueritiam contra improbitatem magistratū ? mater credo. scilicet magno præsidio fuit Annæ pupillæ mater fœmina primaria : minus, illa deos hominesq; implorante, iste infanti pupillæ fortunas patrias ademir. tutores ne defenderent ? perfacile uero apud istiusmodi Prætorē, a quo M. Marcelli tutoris in causa pupilli Iunij et oratio, et uoluntas, et auctoritas repudiata est. quæremus etiam,

quid iste in ultima Phrygia, quid in extremis Pamphyliae partibus fecerit? qualis in bello prædonum prædo ipse fuerit? qui in foro populi R. pirata nefarius reperitur? dubitamus, quid iste in hostium præda molitus sit, qui manubias sibi tantas ex L. Metelli manubys fecerit, qui maiore pecunia quatuor columnas dealbadas, quam ille omnes ædificandas locauerit? expectemus, quid dicant ex Sicilia testes? quis unquam templum illud aspexit, quin auaritiæ tuæ, quin iniuriæ, quin audaciæ testis esset? quis à signo Vertumni in circum maximum uenit, quin is in unoquoque gradu de auaritia tua cōmoneatur? quam tu uiam thensarum, atque pompæ eiusmodi exegisti, ut tu ipse illà ire nō audeas. te putet quisquā, cum ab Italia freto disiunctus esses, socijs temperasse, qui ædem Castoris testem furtorum tuorum esse uolueris, quam populus R. quotidie, iudices etiam tum, cum de te sententiam ferrent, uiderent? atque etiam iudicium in Prætura publicum exercuit: non enim prætereundum est ne id quidē. petita mulcta est apud istum Prætorem à Q. Opimio, qui adductus est in iudicium uerbo, quod cum esset Tribunus pl. intercessisset contra legem Corneliā, quod in Tribunatu dixisset contra alicuius hominis nobilis uoluntatem. de quo iudicio si uelim dicere omnia, multi appellandi ledendique sunt: quod mihi non est necesse. tantum dicam, paucos homines arrogantes hoc adiutore Q. Opimium per ludum, et iocum fortunis omnibus eueruisse. is mihi etiam queritur, quod à nobis I X solis diebus prima actio sui iudicii transacta sit, cum apud ipsum tribus horis Q. Opimius senator populi R. bona, fortunas, ornamenta omnia amiserit. cuius propter

indignitatem iudicij, sæpissime est actum in senatu, ut genus hoc totum mulctarum, ac iudiciorum eiusmodi tolleretur. iam uero in bonis Q. Opimij uendendis quas iste prædas, quàm aperte, quàm improbe fecerit, longum est dicere. hoc dico: nisi uobis id hominum honestissimorum tabulis planum fecero, fingi à me hoc totum temporis causa putatote. iam qui ex calamitate senatoris populi R. cum Prætor iudicio eius præfuisset, spolia domum suam referre, & manubias detrudere conatus sit: is ullam ab sese calamitatem poterit deprecari? nam de subfortitione illa Iuniana iudicium nihil dico. quid enim? contra tabulas, quas tu protulisti, audeam dicere? difficile est: non enim me tua solum & iudicum auctoritas, sed etiam annulus aureus scriba tui deterret. non dicam id, quod probare difficile est. hoc dicam, quod ostendam: multos ex te uiros primarios audisse, cum diceres, ignosci tibi oportere, quòd falsum codicem protuleris: nam qua inuidia C. Iunius conflagrarat, ea, nisi prouidisses, tibi ipsi tum pereundum fuisse. hoc modo iste sibi, & saluti suæ prospicere didicit, referendo in tabulas & priuatas & publicas quod gestum non esset, tollendo quod esset, & semper aliquid demendo, mutando, curando ne litura appareat, interpolando: eò enim usque progreditur, ut ne defensionem quidem maleficiorum suorum sine alijs maleficijs reperire posset. eiusdem modi sortitionem homo amentissimus suorum quoque iudicum fore putauit per sodalem suum Q. Curtium iudicem quaestionis: cui nisi ego ui populi, & hominum clamore, atque conuitio restituissem, ex hac decuria nostra,

## LIBER III.

cuius mihi copiam quam largissime factam oportebat,  
erepta esset facultas bonorum, cum is annuerat: in suum  
consilium sine causa sub sortiebatur. \*

Desideratur quippiam.

ACCUSATIONIS IN C. VER-  
REM LIBER IIII.  
ORATIO VII.

M VLT A mihi necessario iudices præ-  
 termittenda sunt, ut possim aliquo mo-  
 do de ijs rebus, quæ meæ fidei cõmissæ  
 sunt, dicere: recepi. n. causam Siciliæ: ea  
 me ad hoc negotium provincia attra-  
 xit. ego tamen hoc onere suscepto, & recepta causa Sici-  
 liensi, amplexus animo sum aliquanto amplius: suscepi  
 enim causam totius ordinis: suscepi causam populi R. q̃  
 putabam tum denique recte iudicari posse, si non modo  
 reus improbus adduceretur, sed etiã diligens, & firmus  
 accusator ad iudicium ueniret. quo mihi maturius ad Si-  
 cilie causam ueniendum est, relictis cæteris eius furtis,  
 ac flagitijs, ut & uiribus quamintegerrimis agere, et ad  
 dicendum temporis satis habere possim. atq; adeo ante-  
 quam de incommodis Siciliæ dico, pauca mihi uidentur  
 esse de prouinciæ dignitate, uetustate, uilitate dicenda:  
 nam cum omnium sociorum prouinciarumq; rationem  
 diligenter habere debetis, tum præcipue Siciliæ iudices,  
 plurimis iustissimisq; de causis: primum q̃ omnium na-  
 tionum exterarum princeps Sicilia se ad amicitiam fi-  
 demq; populi R. applicuit: prima omnium, id quod orna-  
 mentum imperij est, prouincia est appellata: prima do-  
 cuit maiores nostros, quàm præclarum esset exteris gen-  
 tibus imperare: sola fuit ea fide beneuolentiãq; erga po-  
 pulum R. ut ciuitates eius insulæ, quæ semel in amicitia  
 nostram uenissent, nunquam postea deficerent, pleraque



autem, & maxime illustres in amicitia perpetuo manerent. itaq; maioribus in Africam ex hac prouincia gradus imperij factus est: neq; enim tam facile opes Carthagini tanta concidissent, nisi illud et rei frumētaria subsidium, & receptaculum classibus nostris pateret. quare P. Africanus Carthagine deleta, Siculorum urbes signis, monumentisq; pulcherrimis exornauit, ut, quos uictoria populi R. maxime letari arbitrabatur, apud eos monumenta uictoriae plurima collocaret. denique ille ipse M. Marcellus, cuius in Sicilia uirtutem hostes, misericordiā uicti, fidem ceteri Siculi perspexerunt, non solum socijs in eo bello consuluit, uerum etiam superatis hostibus tēperauit, urbem pulcherrimam Syracusas, quæ cum manu munitissima esset, tū loci natura terra, ac mari claudebatur, cum ui, consilioq; cepisset, non solum incolumē passus est esse, sed ita reliquit ornatam, ut esset idem monumentum uictoriae, mansuetudinis, continentiae, cum homines uiderent, & quid expugnasset, & quibus pepercisset, & quæ reliquisset. tantum ille honorem Siciliae habendum putauit, ut ne hostium quidem urbem ex sociorum insula tollendam arbitraretur. itaq; ad omnes res Sicilia prouincia semper usi sumus: ut, quicquid ex sese posset efferre, id non apud eos nasci, sed domi nostræ conditum putaremus. quando illa frumētum, quod deberet, non ad diem dedit? quando id, quod opus esse putaret, nō ultro pollicita est? quando id, quod imperaretur, recusa uit? itaq; ille M. Cato sapiens cellam penariam Reip. nostræ, nutricem plebis Romanæ Siciliam nominauit. nos uero experti sumus Italico maximo difficillimoq; bello, Siciliam nobis non pro penaria cella, sed pro arario illo

maiorum uetere ac referto fuisse: nam sine ullo sumptu nostro corijs, tunicis, frumentoq; suppeditato, maximos exercitus nostros uestiuit, aluit, armauit. quid, illa, quæ forsitan ne sentimus quidem iudices, quanta sunt? quòd multis locupletioribus ciuibus utimur: quòd habent pro pinquam, fidelem, fructuosamq; provinciam, quòd facile excurrant, ubi libenter negotium gerant: quos illa partim mercibus suppeditandis cum quaestu, compendioq; dimittit, partim retinet, ut arare, ut pascere, ut negotiari libeat, ut denique sedes, ac domicilium collocare. quod còmodum non mediocre populi R. est: tantum ciuium R. numerum, tam propè ab domo, tam bonis fructuosisq; rebus detineri. Et quoniam quasi quædam prædia populi R. sunt uectigalia nostra, atque provinciae: quemadmodum propinquis uos uestris prædijs maxime delectamini, sic populo R. iucunda suburbanitas est huiusce provinciae. iam uero hominum ipsorum iudices ea patientia, uirtus, frugalitasq; est, ut proxime ad nostram disciplinam illam ueterem, non hanc, quæ nunc increbuit, uideantur accedere. nihil cæterorum simile Græcorum, nulla desidia, nulla luxuria: contra summus labor in publicis, priuatisq; rebus, summa parsimonia, summa diligentia. sic porro nostros homines diligunt, ut his solis neque publicanus, neque negotiator odio sit. magistratum autem nostrorum iniurias ita multorum tulerunt, ut nunquam ante hoc tempus ad aram legum præsidiumq; uestrum publico consilio confugerent. tamen si illum annum pertulerant, qui sic eos affligerat, ut salui esse non possent, nisi C. Marcellus quasi aliquo fato uenisset, ut bis ex eadem familia salus

Siciliæ constitueretur, postquam M. Antonij infinitum il-  
 lud imperium senserant. sic à maioribus suis acceperāt,  
 tāta populi R. in Siculos esse beneficia, ut etiam iniurias  
 nostrorum hominum perferendas putarēt. in neminem  
 ciuitates ante hunc testimonium publice dixerunt. hunc  
 deniq; ipsum pertulissent, si humano modo, si usitato mo-  
 re, si deniq; uno aliquo in genere peccasset. sed cum per-  
 ferre non possent luxuriam, crudelitatem, auaritiam, su-  
 perbiā; cum omnia sua cōmoda, iura, beneficia senatus,  
 populiq; R. unius scelere, ac libidine perdidissent: hoc sta-  
 tuerunt, aut istius iniurias per uos ulcisci, & persequi;  
 aut, si uobis indigni essent uisi, quibus opem auxiliumq;  
 ferretis, urbes, ac sedes suas relinquere, quandoquidem  
 iam ante istius iniurijs exagitati reliquissent. hoc consilio  
 à L. Metello legationes uniuersæ petiuerunt, ut quampri-  
 mum isti succederet: hoc animo toties apud patronos de  
 suis miserijs deplorarunt: hoc commoti dolore postulata  
 Consulibus, quæ non postulata, sed in istum crimina ui-  
 derentur esse, ediderunt: fecerunt etiam, ut me, cuius fi-  
 dem, continentiamq; cognouerāt, propè de uitæ meæ sta-  
 tu dolore, ac lacrymis suis deducerēt, ut ego istum accu-  
 sare, à quo mea longissime ratio uoluntasq; abhorre-  
 bat. quanq̃ in hac causa multo plures partes mihi de-  
 fensionis, quam accusationis suscepisse uideor. postremo  
 homines ex tota prouincia nobilissimi, primi; publice  
 priuatimq; uenerūt. grauissima, atq; honestissima quæq;  
 ciuitas uehementissime suas iniurias persecuta ē. at quæ-  
 admodum iudices uenerunt? uideor enim mihi liberius  
 apud uos iam pro Siculis loqui debere, quam forsità ip-  
 si uelint: saluti enim eorum potius consulam, quam uo-

luntati. ecquem existimatis unquam ulla in provincia  
reum absentem, contra inquisitionem accusatoris, tantis  
opibus, tanta cupiditate esse defensum? Quæstores utri-  
usq; provinciae, qui isto Pratore fuerant, cum fascibus  
mihi præsto fuerunt. hi porro, qui successerunt, uel emē-  
ter istius cupidi, liberaliter ex istius cibarijs prælati, nō  
minus acres contra me fuerūt. uidete, quid potuerit, qui  
quatuor in provincia Quæstores studiosissimos defen-  
sores, propugnatoresq; habuerit, Pratorē uero cohortemq;  
totam sic studiosam, ut facile appareret, non tam illis Si-  
ciliam, quam inanem offenderant, q̄ Verrem ipsum, qui  
plenus decesserat, provinciam fuisse. minari Siculis, si  
crescent Legationem, quæ cōtra istum diceret: minari, si  
qui essent profecti: alijs, si laudaret, benignissime promit-  
tere: grauissimos priuatarum rerū testes, quibus nos præ-  
sentibus denuntiauimus, eos ui custodysq; retinere. quæ  
cum omnia facta sint, tamen unam solam scitote esse ci-  
uitatem Mamertinam, quæ publice Legatos, qui istū lau-  
darēt, miserit. eius autem Legationis principem ciuitatis  
nobilissimum C. Heium iuratum dicere audistis, isti na-  
uem onerariam maximam Messanæ esse publice roactis  
operis ædificatam. idemq; Mamertinorū Legatus, istius  
laudator, non solum istum bona sua, uerum etiā sacra,  
deosq; penates à maioribus traditos ex ædibus suis eri-  
puisse dixit. præclara laudatio, cum duabus in rebus Le-  
gatorum una opera consumitur, in laudando, atq; repe-  
tendo. atq; ea ipsa ciuitas qua ratione illi amica sit, dice-  
tur certo loco: reperietis. n. quæ causæ beneuolentiæ sint  
Mamertinis erga istum, eas ipsas causas satis iustas esse  
dānationis. alia ciuitas nulla indices publico consilio lau-

dat. uis illa summi imperij tantum potuit apud per pau-  
 cos homines, non ciuitates, ut aut leuissimi quidā ex mi-  
 serrimis, desertissimisque; oppidis inuenirentur, qui iniussu  
 populi, ac senatus profiscerentur, aut ij, qui contra istū  
 Legatos decreuerant, et testimonium publicum, manda-  
 taque; acceperant, uel ac metu retinerentur. quod ego in pau-  
 cis tamen usu uenisse non moleste fero, quo reliquæ tot,  
 et tãtæ, et tam graues ciuitates, tota denique; Sicilia plus  
 auctoritatis apud uos haberet, cum uideretis nulla uel re-  
 tineri, nullo periculo prohiberi posse, quo minus experi-  
 rentur, ecquid apud uos querimonie ualerent antiquissi-  
 morum, fidelissimorumque; sociorum. nam quod fortasse  
 non nemo uestrum audierit, istum à Syracusanis publi-  
 ce laudari id tamen si priore actione ex Heracly Syracu-  
 sani testimonio, cuiusmodi esset, cognouistis; tamen uobis  
 alio loco, ut se tota res habeat, quod ad eā ciuitatem atti-  
 net, demonstrabitur: intelligetis. n. nullis hominibus quæ-  
 quam tanto odio, quanto istum Syracusanis, esse, et fuis-  
 se. at enim istum soli Siculi persequuntur, ciues R. qui in  
 Sicilia negotiantur, defendunt, diligunt, saluum esse cu-  
 piunt. primū, si ita esset, tamen uos in quæstione de pecu-  
 nijs repetundis, quæ sociorum causa cōstituta est, lege in-  
 dicioque; sociali, sociorum querimonias audire oporteret.  
 sed intelligere potuistis priore actione ciues R. ex Sicilia  
 plurimos, honestissimos, maximis de rebus, et quas ipsi  
 acceperant iniurias, et quas scirent alijs esse factas, pro  
 testimonio dicere. ego hoc, quod intelligo iudices, sic con-  
 firmo. uideor mihi gratum fecisse Siculis, quod eorum iniu-  
 rias meo labore, inimicitias periculo sum persecutus. non  
 minus hoc gratū me nostris ciuibus intelligo fecisse: qui

hoc existimât, iuris, libertatis, rerum, fortunarumq; sua-  
rum salutem in istius damnatione consistere. quapropter  
de istius Prætura Siciliensi, nō recuso, quin ita me audia-  
tis, ut, si cuiquam generi hominum, siue Siculorum, siue  
nostrorum ciuium, siue cuiquam ordini, siue aratorum,  
siue pecuariorum, siue mercatorum probatus sit, si non  
horum omnium communis hostis, prædoq; fuerit, si  
cuiquam deniq; ulla in re unquam temperauerit, ut uos  
quoq; temperetis. Qui, simul atq; ei sorte provincia Si-  
cilia obuenit, statim Romæ, & ad Urbem, antequā pro-  
ficisceretur, quærere ipse secum, et cogitare cum suis cœ-  
pit, quibusnam rebus in ea provincia maximam uno an-  
no pecuniam facere posset. nolebat in agēdo discere (tā-  
etsi nō provincie rudis erat, & tyro) sed in Siciliam pa-  
ratus ad prædam, meditatusq; uenire cupiebat. ò præcla-  
re coniectum à uulgo in illam provinciam omen cōmu-  
nis famæ, atq; sermonis, cū ex nomine istius, quid in pro-  
uincia facturus esset, perridiculi homines augurabātur.  
etenim quis dubitare posset, cum istius in Quæstura su-  
gam, & furtum recognosceret, cum in Legatione, oppi-  
dorum, fanorumq; spoliationes cogitaret, cum uideret in  
foro latrocinia Præturæ, qualis iste in quarto actū im-  
probitatis futurus esset? atq; ut intelligatis cum Romæ  
quæsisse non modo genera furādī, sed etiam nomina: cer-  
tissimum accipite argumentum, quo facilius de singu-  
lari eius impudentia existimare possitis. quo die Siciliā  
tetigit (uidete, satis ne paratus ex illo omine urbano ad  
euerrendam provinciam uenerit) statim Messana liti-  
ras Halesam mittit, quas ego istum in Italia scripsisse  
arbitror: nam simul atque ē navi egressus est, dedit

operam, ut Halesinus ad se Dio cōtinuo ueniret, se de hæ-  
reditate uelle cognoscere, quæ eius filio à propinquo ho-  
mine Apollodoro Laphirone uenisset. ea erat iudices per  
grādis pecunia. hic est Dio iudices nūc beneficio Q. Me-  
telli ciuis R. factus: de quo multis uiris primarijs testi-  
bus, multorumq; tabulis uobis priore aētiōe satisfactū  
est. HS undecies numeratū esse, ut eam causam, in qua  
ne tenuissima quidem dubitatio posset esse, isto cognoscē-  
te obtineret: præterea greges nobilissimarum equarum  
abactos, argenti, uestisq; stragula, domi quod fuerit, esse  
direptum: ita HS undecies Q. Dionem, q̄ hereditas ei  
obuenisset, nullam aliam ob causam, perdidisse. quid: hæc  
hereditas quo Prætore Dionis filio uenerat? eodem, quo  
P. Annij senatoris filia; eodem, quo M. Liguri senatori  
C. Sacerdote Prætore. quid: tū nemo molestus Dioni fue-  
rat? non plus, quàm Liguri Sacerdote Prætore. quid? ad  
Verrem quis detulit? nemo: nisi forte existimatis ei qua-  
druplatores ad fretum præsto fuisse. ad urbem cum es-  
set, audiuit, Dioni cuidā Siculo permagnam uenisse hæ-  
reditatem, heredem statuas iussu esse in foro ponere,  
nisi posuisset, Veneri Erycinæ esse mulctatum. tametsi po-  
sita essent ex testamento: putabat tamen, quoniam Vene-  
ris nomen esset, causam pecuniæ se reperturū. itaq; appo-  
nit qui petat Veneri Erycinæ illam hereditatem: non. n.  
Quæstor petit (ut est consuetudo) is, qui Erycum mōtem  
obtinebat. petit Nenijs Turpio, quidam istius excursor  
& emissarius, homo omnium ex illo cōuentu quadrupla-  
torum deterrimus, C. Sacerdote Prætore condēnatus in-  
iuriarum. etenim erat eiusmodi causa, ut ipse Prætor cū  
quereret calumniatorem, paulo tamen consideratiorem



reperire non posset. hunc hominem Veneri absoluit, sibi  
 cōdemnat. maluit uidelicet homines peccare, quàm deos :  
 se potius à Dione, quod nō licebat, quàm Venerem, quod  
 non debebatur, auferre. quid ego nunc hic Sex. Pompeij  
 Clori testimonium recitem ? qui causam egit Dionis : qui  
 omnibus rebus interfuit : hominis honestissimi ; tametsi  
 ciuis R. uirtutis causa iandiu est, tamen omnium Siculo-  
 rum primi, ac nobilissimi. quid ipsius Q. Cæcilij Dionis,  
 hominis probatissimi, ac prudentissimi ? quid L. Vetecilij  
 Liguris, T. Manly, L. Caleni ? quorum omnium testimonys  
 de hac Dionis pecunia cōfirmatum est. dixit hoc idem M.  
 Lucullus, se de his Dionis incommodis pro hospitio, quod  
 sibi cū eo esset, iam ante cognosse. quid ? Lucullus, qui tum  
 in Macedonia fuit, melius hæc cognouit, q̃ tu Hortensi,  
 qui Romæ fuisti ? ad quem Dio confugit : qui de Dionis  
 iniurijs grauissime per literas cum Verre questus es. no-  
 ua tibi hæc sunt, & inopinata ? nunc primum hoc aures  
 tuæ crimen accipiūt ? nihil de Dione, nihil de socru tua,  
 fœmina primaria, Seruilia, uetere Dionis hospita audi-  
 sti ? nō ne multa mei testes, quæ tu scis, nesciūt ? nō ne te  
 mihi testem in hoc crimine eripuit nō istius innocētia, sed  
 legis exceptio ? TESTIMONIA M. L. V. C. V. L. L. ;  
 CHLORIDIONIS. satis ne uobis magnam pecu-  
 niam Venerius homo, qui ē Chelidonis sinu in provinciā  
 profectus esset, Veneris nomine quasisse uidetur ? accipi-  
 te aliam in minore pecunia nō minus impudētem calū-  
 niam. Sosippus & Epicrates fratres sunt Agyrinen-  
 ses. horū pater ab hinc duos & XX annos est mortuus.  
 in cuius testamento quodam loco, si cōmissum quid esset,  
 mulcta erat Veneri. ipsos XX annos, cum tot interea

Prætores, tot Questores, tot calumniatores in provincia fuissent, hereditas ab his Veneris nomine petita non est: causam Verres cognoscit: per Volcatium pecuniam accepit, ferè ad HS CCCC millia ab duobus fratribus. multorū testimonium audistis antea: uicerūt Agyrinenses fratres, ita, ut egentes inanesq; discederēt. at enim ad Verrem pecunia ista non peruenit. quæ est ista defensio? utrum, asseueratur in hoc, an tentatur? mihi enim noua res est. Verres calumniatores apponebat: Verres adesse iubebat: Verres cognoscebat: Verres iudicabat: pecuniæ maximæ dabātur: qui dabant, causas obtinebant: tu mihi ita defendas? nō est ista Verri numerata pecunia. adiuuo te: mei quoq; testes idem dicunt: Volcatio dicunt sese dedisse. quæ uis erat Volcatio tanta, ut HS CCCC millia duobus hominibus auferret? equis Volcatio, si sua sponte uenisset, unam libellam dedisset? ueniat nūc, experiatur: tecto recipiet nemo. at ego amplius dico. HS quadringenties accepisse te arguo contra leges: nego, tibi ipsi ullum nūmum esse numeratū: sed cum ob tua decreta, ob imperata, ob iudicata pecuniæ dabātur, non erat quærendum, cuius manu numeraretur, sed cuius iniuria cogerētur. comites illi tui delecti, manus erāt tuæ: præfecti, scribæ, medici, accensi, aruspices, præcones, manus erant tuæ: quo quisq; te maxime cognatione, affinitate, necessitudine aliqua attingebat, ita maxime manus tua putabatur: cohors tota illa tua, quæ plus mali Siciliæ dedit, quàm si centum cohortes fugitiuorū fuissent, tua manus sine controuersia fuit. quicquid ab horū quopiam captum est, id nō modo tibi datum, sed tua manu numeratum iudicari necesse est. nam si hanc defen-

sionem probabitur : non accepit ipse : licet omnia de pecunijs repetundis iudicia tollatis : nemo unquā tam reus, tam nocens adducetur, qui ista defensione non possit uti. etenim cum Verres utatur : quis erit unquam posthac reus tam perditus, qui nō ad Q. Mutij innocentiam referatur, si cum isto conferatur ? neq; nunc tam mihi isti Verrem defendere videntur, quā in Verre defensionis tentare rationē. qua de re iudices vobis magnopere providendum est. pertinet hoc ad summam Reip. & ad existimationem ordinis, salutemq; sociorum. si enim innocentem existimari volumus, nō solum nos abstinentes, sed etiam nostros comites prestare debemus. primū omnium opera tanta danda est, ut eos nobiscum ducamus, qui nostrā famā, capitūq; consulant. deinde si in hominibus eligendis nos spes amicitiae fefellerit, ut vindicemus, missos faciamus, semper ita vivamus, ut rationem reddendam nobis arbitremur. Africani est hoc, hominis liberalissimi. veruntamen ea liberalitas est probanda, quæ sine periculo existimationis est, ut in illo fuit. cum ab eo quidam verus affectator ex numero amicorū non impetraret, ut se præfectum in Africā duceret, & id ferret moleste : nolī, inquit, mirari ; si tu à me hoc nō impetras : ego iam pridem ab eo, cui meam existimationem caram fore arbitror, peto, ut mecum præfectus profisciscatur, et adhuc impetrare nō possum. etenim re vera multo magis est petendum ab hominibus, si salui esse volumus, ut eant nobiscū in provinciam, q̃ hoc illis in beneficij loco deferendum. sed tu, cū et tuos amicos in provinciam quasi in prædam invitabas, ac cum illis, ac per eos prædabare, & eos in cōcione annulis aureis donabas ; nō statuebas, tibi non

solum de te, sed etiā de illorum factis rationem esse red-  
dendam? cum hos sibi quæstus constituisset magnos, atq;  
uberes ex ijs causis, quas ipse instituerat in cōsilio, hoc est  
cum sua cohorte, cognoscere: tum infinitum genus inue-  
nerat ad innumerabilem pecuniā corripendam. dubium  
nemini est, quin omnes omniū pecuniæ posite sint in eo-  
rum potestate, qui iudicia dant, & eorum, qui iudicant:  
quin nemo nostrum possit ades suas, nemo fundum, ne-  
mo bona patria obtinere, si, cum hac à quopiam uestrum  
petita sunt, Prætor improbus, cui nemo interdicare pos-  
sit, det quem uelit iudicem, iudex nequam & leuis, quod  
Prætor iusserit, iudicet. si uero illud quoque accedet, ut  
Prætor in ea uerba iudicium det, ut uel Octavius Bal-  
bus iudex, homo & iuris & officij peritissimus, nō possit  
aliter iudicare: sit eiusmodi L. Octavius iudex. esto. si  
apparet fundū Capenatem, quo de agitur, ex iure eum  
P. Seruili esse, neq; is fundus Q. Catulo restituetur: nō  
necesse erit L. Octauio iudici cogere P. Seruilium Q.  
Catulo fundū restituere, aut cōdemnare eum, quem non  
oporteat? eiusdemmodi totum ius prætorium, eiusdem-  
modi omnis res iudiciaria fuit in Sicilia per triennium  
Verre Prætoris. decreta eiusmodi. SI NON ACCI-  
PIT QVOD TE DEBERE DICIS, AC-  
CVSES. SI PETIT, DVCAS. C. Fuscium du-  
ci iussit petitorum, L. Suetium, L. Racilium. iudicia hu-  
iusmodi. QVI CIVES R. ERANT, SICVLI  
ESSENT, TVM SI EORVM LEGIBVS  
DARI OPORTERET. QVI SICVLI, SI  
CIVES R. ESSENT. uerum ut totum genus am-  
plectamini iudiciorū, prius iura Siculorum, deinde isti ius

instituta cognoscite. Siculi hoc iure sunt, ut, quod ciuis  
 cum ciue agat, domi certet suis legibus: quod Siculus  
 cum Siculo, non eiusdem ciuitatis, ut de eo Prator iudi-  
 ces ex P. Rupilij decreto, quod is de decem Legatorũ sen-  
 tentia statuit, quam legem Siculi Rupiliam uocant; for-  
 tiatur. quod priuatus à populo petit, aut populus à pri-  
 uato, senatus ex aliqua ciuitate, qui iudicet, datur, cum  
 alternæ ciuitates reiectæ sunt. quod ciuis Romanus à Si-  
 culo petit, Siculus iudex datur. quod Siculus à ciue R.  
 ciuis R. datur. cæterarum rerum selecti iudices ex ci-  
 uium R. conuentu proponi solent. inter aratores & de-  
 cumanos lege frumentaria, quam Hieronicam appel-  
 lant, iudicia fiunt. hæc omnia isto Pratōre nō modo per-  
 turbata, sed planè & Siculis, & ciuibz R. crepta sunt.  
 primum suæ leges, quod ciuis cum ciue ageret, aut cum  
 iudicem, quem cōmodum erat, præconem, aruspice, medi-  
 cum suum dabat, aut, si legibus erat iudicium constitu-  
 tum, et ad ciuem suum iudicem uenerant, libere ciui iu-  
 dicare nō licebat: ediētum. n. hominis cognoscite: quo edi-  
 ēto omnia iudicia redegerat in suam potestatem: Si quis  
 perperā iudicasset, se cogniturū: cum cognosset, animad-  
 uersurum. idq; cum faciebat, nemo dubitat, quin cum iu-  
 dex aliū de suo iudicio putet iudicaturū, seq; in eo capi-  
 tis periculum aditurū, uoluntatem spectet eius, quem sta-  
 tim de capite suo putet iudicaturū. selecti è conuētū, aut  
 propositi ex negotiatoribus iudices, nulli. hæc copia, quā  
 dico, iudicum, cohors non Q. Scauola, qui tamen de co-  
 horte sua dare nō solebat, sed C. Verris. cuiusmodi cohor-  
 tem putatis hoc principe fuisse? sicuti uidetis ediētū. S I  
 QUID PERPERAM IUDICARIT SE-

NATVS. eum quoq; ostendam, siquando sit datus, co-  
 actū istius, quod nō senserit, iudicasse. ex lege Rupilia for-  
 titio nulla, nisi cū nihil intererat istius. lege Hieronica iu-  
 dicia plurimarum cōtrouersiarum sublata uno nomine  
 omnia. de cōuentu, ac negotiatoribus nulli iudices. quan-  
 tam potestatem habuerit, uidetis: quas res gesserit, cogno-  
 scite. — Heraclius est Hieronis filius Syracusanus, homo  
 in primis domi suæ nobilis, & ante hūc Prætozem uel pe-  
 cuniosissimus Syracusanorū, nunc nulla alia calamitate,  
 nisi istius auaritia, atq; iniuria pauperrimus. huic heredi-  
 tas facile ad HS tricies uenit testamento propinqui sui  
 Heraclij: plena domus calati argēti optimi, multaq; stra-  
 gula uestis, pretiosissimorumq; mācipiorū. quibus in re-  
 bus istius cupiditates, et insaniā quis ignorat? erat in ser-  
 mone res, magnā Heraclio pecuniam uenisse, non solum  
 Heracliū diuitem, sed etiam ornatū suppellectili, argēto,  
 ueste, mancipijs futurū. audit hæc etiam Verres: & pri-  
 mo, illo suo leuiore artificio Heracliū aggredi conatur,  
 ut eum roget inspicienda, quæ nō reddat: deinde à qui-  
 busdam Syracusanis admonetur. hi autem quidam crāt  
 affines istius, quorū uxores iste nunquā alienas existima-  
 uit, Cleomenes, & Aescario: qui quantū apud istum, & q̃  
 turpi de causa potuerint, ex reliquis criminibus intellige-  
 tis. hi, ut dico, hominem admonēt, rem esse præclarā, re-  
 fertam omnibus rebus: ipsum autē Heracliū hominem  
 esse maiorem natu, nō promptissimū: & cū, præter Mar-  
 cellos, patronū, quem iure suo adire, aut appellare posset,  
 habere neminem: esse in eo testamēto, quo ille hæres esset,  
 scriptū, ut statuas in palæstra deberet ponere. faciemus,  
 ut palæstrita negent ex testamēto esse positas: petāt hæ-

reditatem, q̄ eam palastra commississe dicant. placuit ratio Verri: nā hoc animo prouidebat; cū tanta hereditas in cōtrouersiam uenisset, iudicioq; peteretur, fieri nō posse, ut sine praeda ipse discederet. approbat cōsiliū: auctor est, ut quamprimū agere incipiant, hominemq; id ætatis minime litigiosum quātumultuosissime adoriātur. scribitur Heraclio dica. primo miratur omnes improbitatem calumnia. deinde, qui istum nossent, partim suspicabantur, partim planē uidebāt adiectum esse oculum hereditati. interea dies aduenit, quo die sese ex instituto, ac lege Rupilia dicas sortiturū Syracusis iste edixerat: paratus ad hanc dicam sortiendā uenerat. tum cum docet Heraclius nō posse eo die sortiri, q̄ lex Rupilia uetaret diebus XXX sortiri dicā, quibus scripta esset. dies XXX non dūm fuerant. sperabat Heraclius, si illum diem effugisset, ante alteram sortitiōē Q. Arriū, quem prouincia tum maxime expectabat, successurū. iste omnibus iudicys diem distulit, et eam diem cōstituit, ut hanc Heraclij dicam sortiri post dies XXX ex lege posset. posteaquam ea dies uenit, iste incipit simulare se uelle sortiri, Heraclius cum aduocatis adit, et postulat, ut sibi cū palastritis, hoc est cū populo Syracusano, æquo iure disceptare liceat. aduersarij postulant, ut in eam rem iudicentur ex ijs ciuitatibus, quæ in id forum cōuenirent, electi qui Verri uiderentur. Heraclius cōtra, ut iudices è lege Rupilia dentur, ut ab institutis superiorum, ab auctoritate senatus, ab iure omnium Siculorum ne recedatur. quid ego istius in iure dicendo libidinem demonstrēm? quis uestrum non ex urbana iurisdictione cognouit? quis unquam isto Prætorē Chelidone inuita lege agere



potuit? non istum, ut non neminem, provincia corrumpit: idem fuit, qui Romæ. cum id, quod omnes intelligebāt, diceret Heraclius, ius esse certum Siculis, inter se quo iure certarent; legem esse Rupiliam, quā Prætor Rupilius ex S. C. de decem Legatorum sententia dedisset; hoc omnes semper in Sicilia Consules Prætoresq; seruasse: negauit se iudices è lege Rupilia sortituros: quinque iudices, quos cōmodum ipsi fuit, dedit. quid huic homini facias? quod supplicium dignum libidini eius inuenies? præscripsisti tibi cum esset homo deterrime, & impudētissime, quæ admodum inter Siculos iudices dares; cum imperatoris populi R. auctoritas, Legatorū decem summorum hominum dignitas, S. C. intercederet, cuius cōsulto P. Rupilius Prætor ex Legatorū sententia leges in Sicilia cōstituerat; cum omnes ante te Prætores Rupilias leges in cæteris rebus, & in iudicijs maxime obseruassent: tu ausus es pro nihilo præ tua præda tot res sãctissimas ducere? tibi nulla lex fuit? nulla religio? nullus existimationis pudor? nullus iudicij metus? nullius apud te grauis auctoritas? nullum exemplum, quod sequi uelles? uerū, ut institui dicere, quinque iudicibus nulla lege, nullo instituto, nulla religione, nulla sorte, ex libidine istius datis, non qui causam cognoscerent, sed qui, quod imperatū esset, iudicarent: eo die nihil actum est: adesse iubentur postridie. Heraclius interea cum omnes insidias à Præatore fortunis suis fieri uideret, capit consilium de amicorum, et propinquorum sententia, non adesse ad iudiciū: itaq; Syracusis illa nocte profugit. iste postero die mane, cum multo maturius, quàm unquam antea, surrexisset, iudices citari iubet: ubi cōperit Heracliū non adesse, cogere incipit eos, ut absentem

Heraclium

Heracium condemnarent. illi eum cōmonefaciunt, ut, si ei videatur, utatur instituto suo, nec cogat ante horam decimam de absente secundum præsentem iudicare. impetrant. interea sane perturbatus & ipse, & eius amici, & consiliarij, moleste ferre cœperunt, Heracium profugisse: putabant absentis damnationem, præsertim tantæ pecuniæ, multo inuidiosiorē fore, q̃ si præsens damnatus esset. eò accedebat, q̃ iudices è lege Rupilia dati non erant, multo etiā rem turpiorem, & iniquiorem uisum iri intelligebant. itaq; hoc dum corrigere uult, atque pertior eius cupiditas, improbitasq; facta est: nam illis quinq; iudicibus uti sese negat: iubet id, quod initio è lege Rupilia fieri oportuerat, citari Heracium, & eos, qui dicam scripserant: aitq; iudices è lege Rupilia uelle sortiri, quod ab eo pridie, cum multis lacrymis eum oraret, atq; obsecraret Heracius, impetrare non potuerat: id ei postera die uenit in mentem, è lege Rupilia sortiri dicam oportere. educit ex urna tres, ut, ut absentem Heracium condemnent, imperat: itaq; condēnant. quæ (malum) ista fuit amētia? ecquando te rationem factorū tuorum redditurū putasti? ecquando his de rebus tales uiros audituros existimasti? petatur hæreditas ea, quæ nulla debetur, in prædā Prætoris? interponatur nomen ciuitatis? imponatur honestæ ciuitati turpissima persona calūniæ? neq; hoc solum, sed ita res agatur, ut ne simulatio quidem æquitatis ulla adhibeatur? nam per deos immortales, quid interest, utrū Prætor impretet, uiq; cogat aliquem de suis bonis omnibus decedere; an huiusmodi iudicium det, quo iudicio indicta causa fortunis omnibus eueri necesse sit? profecto enim negare non potes, te ex lege Rupilia sor-

tiri iudicium debuisse, cum præsertim Heraclius id postulare. sin illud dices, te Heraclij uoluntate ab lege recessisse: ipse te impedies, ipse tu tua defensione implicaberet: quare enim primum ille ipse adesse noluit, cum ex eo numero iudices haberet, quos postularat? deinde tu cur post illius fugam iudices alios sortitus es, si eos, qui erant antea dati, utriusq; dederas uoluntate? deinde ceteras dicas omnes illo foro M. Posthumius Quæstor sortitus est; hanc solam tu illo conuentu reperiere sortitus. ergo, si quiet aliquis, donauit populo Syracusano illam hæreditatem. primum, si id confiteri uelim, tamen istum condēnetis necesse est: neq; enim permissum est, ut impune nobis liceat, quod alicui eripuerimus, id alteri tradere. uerum ex ista reperietis hæreditate ita istum prædatum, ut perpauca occulte fecerit; populum quidem Syracusanum in maximam inuidiā sua infamia, alieno præmio peruenisse; paucos Syracusanos, eos qui se nunc publice laudationis causa uenisse dicunt, & tunc participes prædæ fuisse, & nunc non ad istius laudationem, sed ad cōmunem litium æstimationem uenisse. posteaquam damnatus est absens: non solum illius hæreditatis, de qua ambigebatur, quæ erat HS tricies, sed omnium bonorū paternorum ipsius Heraclij, quæ non minor erat pecunia, palæstræ Syracusanorum, hoc est Syracusanis, possessio traditur. quæ est ista Prætura? eripis hæreditatem, quæ uenerat à propinquo, uenerat testamento, uenerat legibus: quæ bona is, qui testamētum fecit, huic Heraclio ante aliquāto, q̄ est mortuus, omnia utenda ac possidenda tradiderat: cuius hæreditatis, cum ille aliquāto ante te Prætorem esset mortuus, cōtrouersia fuerat nulla, men-

tionem fecerat nemo. uerū esto, eripe hereditatē propin-  
 quis, da palæstritis prædare in bonis alienis nomine ciuī-  
 tatis: euertere leges, testamēta, uoluntates mortuorum, iu-  
 ra uiuorum: num etiam patrijs Heraclium bonis extur-  
 bare oportuit? qui simul ac profugit: quā impudenter,  
 quā palām, quā acerbe, dy immortales, illa bona di-  
 repta sunt: quā illa res calamitosa Heraclio, quæstiosa  
 Verri, turpis Syracusanis, miserāda omnibus uidebatur:  
 nam illud quidem statim curatur, ut, quicquid calati ar-  
 genti fuit in illis bonis, ad istum deferatur; quicquid Co-  
 rinthiorum uasorum, stragulæ uestis. hæc, nemo dubi-  
 tabat, quin non modo ex illa domo capta & oppressa,  
 uerum ex tota prouincia ad istum cōportari necesse es-  
 set. mancipia, quæ uoluit, abduxit: alia diuisit: auctio  
 facta est: in qua cohors istius inuicta dominata est. uerū  
 illud est præclarum. Syracusani, qui præfuerant his He-  
 racleij bonis uerbo redigendis, re dissipandi, reddebant  
 eorum negotiorum rationem in senatu: dicebant, scypho-  
 rum paria complura, hydrias argenteas, pretiosam uestē  
 stragulam, multa mancipia pretiosa Verri data esse: di-  
 cebant, quantum cuique eius iussu nummorum esset da-  
 tum. gemebant Syracusani, sed tamen patiebantur. res  
 pente recitatur, uno nomine HS CCL millia iussu Præ-  
 toris data. fit maximus clamor omnium, nō modo opti-  
 mi cuiusque, neque eorum, quibus indignum semper ui-  
 sum erat, bona priuati, populi nomine, per sum-  
 mam iniuriam erepta: uerum etiam ipsi illi auctores  
 iniuriæ, & ex aliqua particula socij prædæ, ac rapinæ  
 clamare cœperunt, sibi ut haberet hereditatem.  
 tātus in curia clamor factus est, ut populus cōcurreret.

res ab omni conuentu cognita celeriter domum nuntia-  
tur. homo inimicus ijs, qui recitassent; hostis omnibus, qui  
acclamassent; exarsit iracūdia; ac stomacho; uerū tamen  
fuit tum sui dissimilis. nostis os hominis: nostis audaciā:  
tamen tum rumore populi, & clamore, & furto mani-  
festo grādis pecuniæ perturbatus est. ubi se collegit: uo-  
cat ad se Syracusanos: quia non posset negare, ab illis pe-  
cuniam datam; non quæsiuit procul alicunde (neq; enim  
probaret) sed proximum penè alterum filium, quem il-  
lam pecuniam diceret abstulisse, ostendit se reddere co-  
acturum. qui posteaquam id audiuit: habuit dignitatis, et  
ætatis, & nobilitatis suæ rationem: uerba apud senatum  
fecit: docuit, ad se nihil pertinere: de isto id, quod omnes  
uidebāt: neq; ille quidem obscure locutus est. itaq; illi Sy-  
racusani statuam postea statuerunt: & is ubi primū po-  
tuit, istum reliquit, de prouinciāq; decessit. et tamen aiūt  
eum queri solere nonnunquam, se miserum, q̃ non suis;  
sed suorum comitum peccatis, & criminibus prematur.  
triennium prouinciā obtinuisti: gener electus adolescēs  
unum annum tecum fuit: sodales uiri fortes Legati tui  
primo anno te reliquerunt: unus Legatus P. Tadius, qui  
erat reliquus, non ita multum tecum fuit: qui si semper  
undē fuisset, tamen summa cura tū tuā, tum multo etiā  
magis suæ famæ pepercisset. quid est, quod tu alios accu-  
ses? quid est, quamobrem putes te tuam culpam non mo-  
do deriuare in aliquem, sed cōmunicare cum aliquo pos-  
se? numerantur illa HS ducenta quinquaginta Syracu-  
sanis. ea quemadmodum ad istum postea per pseudory-  
ron reuertatur, tabulis uobis & testibus iudices planum  
faciam. ex hac iniquitate istius; & improbitate iudices,

q̄ præda ex illis bonis ad multos Syracusanos inuito po-  
 pulo senatūq; Syracusano uenerat, & illa scelera quoq;  
 per Theomnastum, & Aeschionem, & Dionysodorum,  
 & Cleomenem inuitissima ciuitate facta sunt: primum  
 ut urbs tota spoliaretur: qua de re alius mihi locus ad di-  
 cendum est constitutus: ut omnia signa iste per eos homi-  
 nes, quos nominavi, omne ebur ex ædibus sacris, omnes  
 undiq; tabulas pietas, deorum deniq; simulacra, qua uel-  
 let, auferret: deinde ut in curia Syracusis, quem locū illi  
 Buleuterium uocant, honestissimo loco, & apud illos cla-  
 rissimo, sub illius ipsius M. Marcelli, qui cum Syracusa-  
 nis locum cum eripere belli ac uictoria lege posset, con-  
 seruauit et reddidit, statua ex ære facta, ibi inauratam  
 isti, & alteram filio statuam posuerint: ut, dum istius ho-  
 minis memoria maneret, senatus Syracusanus sine lacry-  
 mis & gemitu in curia esse non posset. per eosdem istius  
 iniuriarum, furtorum, uxorūq; socios istius imperio  
 Syracusis Marcellæ tolluntur maximo gemitu, luctūq;  
 ciuitatis: quem illi diem festum cum recentibus beneficijs  
 M. Marcelli debitum reddebant, tum generi, nomini, fa-  
 milie Marcellorum maxima uoluntate tribuebant. Mi-  
 thridates in Asia, cum eam prouinciā totam occupas-  
 set, Mutia non sustulit. hostis, et hostis in cæteris rebus ni-  
 mis ferus & immanis, tamen honorem hominis deorum  
 religione consecratū uiolare noluit. tu Syracusanis unū  
 diem festum Marcellis impertiri uetuiisti, per quos illi a-  
 depti sunt, ut cæteros dies festos agere possent. at uero  
 præclarum diem reposuisti, Verrea ut agerent, & ut ad  
 eum diem, quæ sacris epulisq; opus essent, in complures  
 annos locarentur, iam in tanta istius impudentia remita-

tendū aliquid uidetur, ne omnia contendamus, ne omnia cum dolore agere uideamur: nā me dies, uox, latera deficiant, si hoc nunc uociferare uelim, q̄ miserum indignumq; sit, istius nomine apud eos diem festum esse, qui sese istius opera funditus extinctos esse arbitrentur. o Verrea praeclara, quoquam si accessisti, quō non attuleris tecum istum diem: etenim quam tu domum, quā urbem adisti, quod sanum deniq; quod non euersum, atq; extersum reliqueris? quare appellētur sanē ista Verrea, quae non ex nomine, sed ex manibus, naturaq; tua constituta esse uideantur. q̄ facile serpat iniuria, & peccandi consuetudo, q̄ non facile reprimatur, uidete iudices.

**B**idis oppidum est tenue sanē, non longe à Syracusis. huius longe primus ciuitatis est Epicrates quidam. huic haereditas HS quingentorum millium uenerat à muliere quadam propinqua, atq; ita propinqua, ut, ea etiam si intestata esset mortua, Epicratem Bidinorum legibus haeredem esse oporteret. recens Syracusana erat illa res, quā ante demonstraui, de Heraclio Syracusano, qui bona nō perdidisset, nisi ei uenisset haereditas. huic quoq; Epicrati uenerat, ut dixi, haereditas. cogitare cœperunt eius inimici, nihilo minus eodem Pratore hunc euertere bonis posse, quo Heraclius esset euersus. rē occulte instituunt, ad Verrem per eius interpretes deferūt: ita causa componitur, ut item palaestrita Bidenses peterent ab Epicrate haereditatem, quemadmodum palaestrita Syracusani ab Heraclio petissent. nunquam uos Pratorem tam palaesticum uidistis. uerum ita palaestritas defendebat, ut ab illis ipse unctior discederet. qui statim cum praesensisset, iubet cuiusdam suorum amicorum numerari HS LXXX. res



occultari satis non posse. per quendam eorum, qui inter-  
 fuerat, fit Epicrates. ceterior. primo negligere & contēne-  
 re cœpit, q̄ causa prorsus, quod dubitari posset, nihil ha-  
 bebat. deinde cū de Heraclio cogitaret, & istius libidinē  
 nosset: cōmodissimum putauit esse, de prouincia clā abi-  
 re: itaq; fecit: profectus est Rhegium. quod ubi auditum  
 est: astuare illi, qui dederant pecuniam: putare nihil agi  
 posse absente Epicrate: nam Heraclius tamē affuerat, cū  
 primum dati sunt iudices. de hoc, qui, anteq̄ in ius aditū  
 esset, anteq̄ deniq; mentio controuersie facta esset, disces-  
 sisset, putabant nihil agi posse. homines Rhegium profici-  
 scuntur: Epicratem conueniunt: demonstrant id, quod il-  
 le sciebat, se HS LXXX dedisse: rogāt eū, ut id, quod  
 ab ipsis abisset pecuniæ, curet: ab sese caueat, quemadmo-  
 dum uelit: de illa hæreditate cum Epicrate neminem esse  
 acturum. Epicrates homines multis uerbis male a se ac-  
 ceptos dimisit. redeunt illi Rhegio Syracusas: queri cum  
 multis, ita ut fit, incipiunt: sese HS LXXX nummū  
 frustra dedisse. res percrebuit: in ore, atque sermone o-  
 mnium cœpit esse. Verres refert illam suam Syracusa-  
 nā: ait sese uelle de illis HS LXXX cognoscere: aduo-  
 cat multos: dicunt Bidini Volcatio se dedisse: illud nō ad-  
 dunt, iussu istius. Volcatium uocat: pecuniam referri im-  
 perat. Volcatius animo æquissimo nummos affert, qui ni-  
 hil amitteret. reddit inspectantibus multis: Bidini num-  
 mos auferunt. dicet aliquis: quid ergo in hoc Verrem  
 reprehendis? qui non modo ipse fur non est, sed ne a-  
 lium quidem passus est esse. attendite: iam intelligetis  
 hanc pecuniam, qua uia modo uisa est exire ab isto,  
 eadem semita reuertisse: quid enim debuit Prator? cum

consilio re cognita, cum comperisset suum comitem, iuris, decreti, iudicii corrumpendi causa, qua in re ipsius Prætoris caput, existimatioq; ageretur, pecuniam accepisset: Bidinos autem contra Prætoris famam, ac fortunas dedisse: non & in eum, qui accepisset, animaduertisse, & in eos, qui dedissent? tu, qui institeras in eos animaduertere, qui perperam iudicassent: quod sæpe per imprudentiā fit: hos pateris impune discedere, qui ob tuum decretum, ob tuum iudiciū pecuniam aut dandam, aut accipiendā putarāt? Volcatius idē apud te postea fuit, eques R. tāta accepta ignominia: nā quid est turpius ingenuo, quid minus libero dignum, q̄ in cōuentu maximo cogi a magistratu furtum reddere? qui si eo animo esset, quo non modo eques R. sed quiuis liber debet esse: afficere te postea non potuisset: inimicus, hostis esset tanta contumelia accepta, nisi tecum colluisset, & tuā potius existimationi seruisset, q̄ suæ. qui q̄ tibi amicus non modo tum fuerit, quandiu tecum in prouincia fuit; uerum etiam nūc sit, cum iam a cæteris amicis sis relictus: & tu intelligis, & nos existimare possumus. an hoc solum argumentum est, nihil isto imprudente factum, quod Volcatius ei non succensuit? quod iste nec in Volcatiū, nec in Bidinos animaduertit? est magnum argumentum, uerum illud maximum, quod illis ipsis Bidinis, quibus iratus esse debuit, ut a quibus comperit, quod iure agere cum Epicrate nihil possent, etiā si adesset, iccirco suum decretum pecunia esse tentatum: his inquam ipsis non modo illam hereditatem, quæ Epicrati uenerat, sed, ut in Heraclio Syracusano, item in hoc, paulo etiam atrocius, quod Epicrates appellatus omnino non erat, bona patria, fortunæq;

eius Bidini tradidit: ostēdit enim nouo modo, si quis quid ab absente peteret, se auditurum. adeunt Bidini: petunt hereditatem: procuratores postulant, ut se ad leges suas reijciat, aut ex lege Rupilia dicā scribi iubeat. aduersarij non audebant contradicere; exitus nullus reperiebatur. insimulant hominem fraudādi causa discessisse: postulant, ut bona possidere liceat. debebat Epicrates ullum nūmum nemini. amici, si quis quid peteret, iudicio secum agi passuros, iudicatum solui satisfacturos esse dicebant. cum omnia consilia frigerent, admonitu istius insimulante cōperūt, Epicratem literas publicas corrupisse: à qua suspitione ille aberat plurimum. actionem eius rei postulant. amici recusare, ne quod nouū iudiciū, ne qua ipsius cognitio illo absente de existimatione eius constitueretur: & simul idem illud postulare nō desistebant, ut se ad leges suas reijceret. iste amplam occasionem calumniae natus, ubi uidet esse aliquid, q̃ amici absentem Epicratem nollent defendere: asseuerat se eius rei in primis actionem esse daturum. cum omnes persisterent ad istum nō modo illos nummos, qui per simulationem ab isto exierant, reuertisse, sed multo etiam plures eum postea nūmos abstulisse: amici Epicratem defendere destiterunt. iste Epicratis bona Bidinos omnia possidere, & sibi habere iussit. ad illa HS D millia hereditaria accessit ipsius antiqua HS quindecies pecunia. utrum res ab initio ita ducta est, an ad extremum ita perducta est? an ita parua est pecunia? an is homo Verres, ut hæc, quæ dixi grati facta esse uideantur? hic nūc de miseria Siculorū iudices audite. & Heraclius ille Syracusanus, & hic Bidinus Epicrates expulsi bonis omnibus Romā uenerūt: for-

didati maxima barba, & capillo Romæ biennium propè fuerūt. cū L. Metellus in prouinciā profectus est, tum isti bene cōmēdati cū Metello unā proficiscūtur. Metellus simul ac uenit Syracusas, utrūq; rescindit, et de Epicrate, & de Heraclio in utriusq; bonis nihil erat, quod restitui posset, nisi quod moueri loco nō poterat. fecerat hæc egrēgie primo aduētū Metellus, ut omnes istius iniurias, quas modo posset, rescinderet, & irritas faceret. Heracliū restitui iusserat: nō restituebatur: quisquis erat ductus, senator Syracusanus ab Heraclio, duci iubebat: itaq; per multi ducti sunt. Epicrates quidē cōtinuo restitutus est. alia iudicia Lilybæi, alia Agrigenti, alia Panormi restituta sunt. cēsus, qui isto Prætore sunt habiti, nō seruaturū se Metellus ostēderat: decumas, quas iste cōtra legem Hieronicam uēdiderat, sese uenditurū Hieronica lege dixerat. omnia erant Metelli eiusmodi, ut nō tam suā Præturam gerere, q̃ istius Præturam retexere uideretur. simul atq; ego in Sicilia ueni, mutatus est. uenerat ad eum illo biduo Letilius quidā, homo non alienus à literis: itaq; eum iste tabellario semper usus est. is epistolas cōplures attulerat, in his unā domo, quæ totū immutabat hominem. repente cœpit dicere, se omnia Verris causa uelle, sibi cum eo amicitiam, cognationemq; esse. mirabātur omnes, hoc ei tum deniq; in mētem uenisse, posteaq; tam multis eum factis, decretisq; iugulasset. erāt, qui putarent Letiliū legatum à Verre uenisse, qui gratiā, amicitiam, cognationemq; cōmemoraret. ex illo tempore à ciuitatibus laudationē petere, testes nō solum detertere uerbis, sed etiā ueritatem retinere cœpit. quod ego nisi meo aduētū illius conatus aliquātulum repressissem, & apud Siculos non Metelli,

sed Glabrionis literis, ac lege pugnassem: tã multos huc  
euocare nō potuissem. uerū, quod institui dicere, miseras  
cognoscite Sicularū. Heraclius ille, & Epicrates longe mi  
hi obuiā cum suis omnibus processerūt: uenienti Syracu  
sas egerunt gratias flentes: Romā decedere mecum cu  
pierunt. quod erant mihi oppida cōplura etiam reliqua;  
quæ adire uellem: cōstitui cum hominibus, quo die mihi  
Messanæ præsto essent. eò mihi nuntium miserunt, se à  
Pratore retineri. quibus ego testimonium denuntiaui,  
quorum nomina edidi Metello, cupidissimi ueniendi, ma  
ximis iniurijs affecti, adhuc non uenerunt. hoc iure sunt  
socij, ut ijs ne deplorare quidem de suis incōmodis liceat:  
iam Heracly Centuripini, optimi, nobilissimiq; adolescē  
tis, testimonium audistis: à quo HS C millia per ca  
lumniam malitiamq; petita sunt. iste pœnis, cōpromis  
sisq; interpositis, HS CCC extorquēda curauit: quodq;  
iudicium secundum Heraclium de cōpromissis factum  
erat, quod ciuis Centuripinus inter duos ciues iudicasset,  
id irritum iussit esse, eumq; iudicem falsum iudicasse iu  
dicauit: in senatu ne esset: locis, cōmodisq; publicis uti ue  
ruit: si quis eum pulsasset, edixit sese iudicium iniuria  
rum non daturum: quicquid ab eo pēteretur, iudicem  
de sua cohorte daturum, ipsi autē nullius aētionem rei  
sese daturum. quæ istius auctoritas tātum ualuit, ut ne  
que illum pulsaret quisquam, cum Prator in provincia  
sua uerbo permitteret, rehortaretur: neq; quisquā ab eo  
quicquā peteret, cū iste calūniæ licentiā sua auctoritate  
præbuisset. ignominia autem illa grauis tādū in illo ho  
mine fuit, quādiu iste in provincia mansit. hoc iniecto  
metu iudicibus, nouo more, nullo exemplo, ecquam rem

putatis esse in Sicilia nisi ad nutum istius iudicatū? utrū id solum uidetur esse actum, quod est tamen actum, ut Heraclio pecunia eriperetur: an etiā illud, in quo praeda erat maxima, ut nomine iudiciorum, omnium bona, atq; fortunæ in istius unius essent potestate? iam uero in rerum capitaliū questionibus quid ego unāquamq; rē colligam, & causam? ex multis similibus ea sumam, quæ maximè improbitate excellere uidebuntur. Sopater quidam fuit Haliciensis, homo domi suæ cum primis locuples, atq; honestus. is ab inimicis suis apud C. Sacerdotem Prætorem rei capitalis cum accusatus esset, facile eo iudicio est liberatus. huic eidem Sopatro idem inimici ad C. Verrem, cum is Sacerdoti successisset, eiusdē rei nomen detulerunt. res Sopatro facilis uidebatur, et q̃ erat innocens, & q̃ Sacerdotis iudicium improbare istum ausurum nō arbitrabatur. citatur reus: causa agitur Syracusis: crimina tractantur ab accusatore, ea, quæ erāt antea nō solum defensione, uerū etiam iudicio dissoluta. causā Sopatri defendebat Q. Minutius eques R. in primis splendidus, atq; honestus, uobisq; iudices nō ignotus. nihil erat in causa, quod metuendum, aut omnino quod dubitandū uideretur. interea istius libertus, & accensus idem Timarchides, qui est, id quod ex plurimis testibus priore actione didicistis, rerum huiusmodi omnium transactionis, & administer, ad Sopatrum uenit: monet hominem, ne nimis iudicio Sacerdotis, & causæ confidat: accusatores, inimicosq; eius habere in animo pecuniam Prætori dare: Prætorem tamen ob salutem malle accipere: & simul malle, si fieri posset, rē iudicatam nō rescindere. Sopater, cū hoc illi improuisum, atq; inopinatū accidisset

set, cōmotus est sanè, neq; in præsentia, Timarchidi quid responderet, habuit, nisi, se cōsideraturum, quid sibi de ea re esset faciendū: & simul ostendit, se in summa difficultate esse nūmaria. post ad amicos retulit. qui cū ei fuissent auētores redimendæ salutis, ad Timarchidem venit: expositis suis difficultatibus, hominem ad HS LXXX perducit, eamq; ei pecuniā numerat. posteaquam ad causam dicendam uentū est: tum uero sine metu, sine cura omnes erant, qui Sopatrū defendebant: crimen nullum erat: res iudicata: Verres nūmos acceperat. quis posset dubitare, quidnam esset futurū? res illo die non peroratur: dimittitur iudiciū. iterum ad Sopatrum Timarchides uenit: ait accusatores eius multo maiorem pecuniam Prætori polliceri, q̄ quantam hic dedisset: proinde, si sciret, uideret quid sibi esset faciendum. homo, quāquam erat & Siculus, & reus, hoc est & iure iniquo, & tempore aduerso: ferre tamen, atq; audire diutius Timarchidem nō potuit. facite, inquit, quod uobis libet: daturus nō sum amplius. idemq; hoc amicis eius, & defensoribus uidebatur, atq; eo etiam magis, q̄ iste quoquo modo se in ea quæstione præbebat, tamen in cōsilio habebat homines honestos è cōuentu Syracusano, qui sacerdotis quoq; in cōsilio fuerant, tum, cum esset idem hic Sopater absolutus. hoc rationis habebant, facere eos nullo modo posse, ut eodem crimine, ysdem testibus Sopatrum condemnarēt ydem homines, qui antea absoluisissent. itaq; hac una spe ad iudiciū uenitur. quò posteaq̄ uentum est; cum in cōsiliū frequentes cōuenissent ydem, qui solebant, & hac una spe tota defensio Sopatri niteretur, cōsiliū frequentia, et dignitate, & q̄ erant, ut dixi, ydem, qui antea So-



patrum eodem illo crimine liberarant : cognoscite hominis apertam, ac non modo non ratione, sed ne dissimulatione quidem tectam improbitatem, & audaciam. M. Petilium equitem R. quem habet in consilio, iubet operam dare, quod rei privatae iudex esset. Petilius recusabat, quod suos amicos, quos sibi in consilio esse uellet, ipse Verres retineret. iste, homo liberalis, negat se quenquam retinere eorum, qui Petilio uellent adesse : itaq; discedunt omnes : nam ceteri quoq; impetrant, ne retineantur : qui se uelle dicebant alterutri eorum, qui tum illud iudicium habebant, adesse. itaq; iste solus cum sua cohorte nequissima relinquitur. non dubitabat Minutius, qui Sopatrum defendebat, quin iste, quoniam consilium dimisisset, illo die rem illam quaesiturus non esset, cum repente iubetur dicere. respondet, ad quos ? ad me, inquit, si tibi idoneus uideor, qui de homine Siculo, ac Graeculo iudicem. idoneus es, inquit : sed peruellem adessent ij, qui affuerant antea, causamq; cognorant. dic, inquit, illi adesse non possunt. nam hercule, inquit Q. Minutius, me quoq; Petilius, ut sibi in consilio adessem, rogauit : & simul a subsellis abire cepit. iste iratus hominem uerbis uehementioribus prosequitur, atq; ei grauius etiam minari cepit, quod in se tantum crimen inuidiamq; conflaret. Minutius, qui Syracusus sic negotiaretur, ut sui iuris dignitatisq; meminisset ; & qui sciret, se ita in prouincia rem augere oportere, ut ne quid de libertate perderet : homini, quae uisa sunt, & quae tempus illud tulit, & causa, respondit : causam sese dimisso, atq; ablegato consilio defensurum negauit : itaq; a subsellis discessit. idemq; hoc praeter Siculos ceteri Sopatri amici, aduocatiq; fecerunt. iste quaquam

est incredibili importunitate, et audacia, tamen subito solus destitutus pertimuit, & cōturbatus est. quid ageret, quò se uerteret, nesciebat. si dimisisset eo tempore quæstionem: post illis adhibitis, quos ablegarat, absolutū iri Sopatrū uidebat. sin autem hominem miserū, atq; innocentem cōdemnasset, cum ipse Prætor sine consilio, reus autē sine patrono, atq; aduocatis fuisset; iudiciūq; C. Sacerdotis rescidisset: inuidiam se sustinere non posse tantam arbitrabatur. itaq; æstuabat dubitatione: uersabat se in utraq; partem nō solum mente, uerum etiam corpore: ut omnes, qui aderant, intelligere possent, in animo eius metum, cupiditatemq; pugnare. erat hominum conuentus maximus, summū silentium, summa expectatio, quoniam esset eius cupiditas eruptura. crebro dimittebat se accensus ad aurē Timarchides. tum iste aliquando, agedic, inquit. Sopatrus implorare hominū, atq; deū fidem, ut cum consilio cognosceret. tum repente iste testes citari iubet. dicit unus, & alter breuiter: nihil interrogatur. præco, dixisse, pronuntiat. iste, quasi metueret, ne Petilius priuato illo iudicio transacto, aut dilato, cum cæteris in consiliū reuenteretur, ita properans de sella exiit, hominem innocentem, à Sacerdote absolutū, indicta causa, de sententiā scribæ, medici, aruspiciq; cōdemnauit. retinete, retinete hominem in ciuitate iudices: parcite, & conseruate, ut sit qui uobiscum res iudicet, qui in senatu sine ulla cupiditate de bello, & pace sententiā ferat. tamen si minus id quidem nobis, minus populo R. laborandū est, qualis istius in senatu sententiā futura sit: quæ enim eius auctoritas erit? quando iste sententiā dicere audebit, aut poterit? quādo autem homo tanta luxuria, atq; desidia,

nisi Februario mense, aspirabit in curiam? uerum ueniat  
 sanè, decernat bellum Cretensibus: liberet Byzantios:  
 Regem appellet Ptolemæum: quæ uult Hortensius, omnia  
 dicat, et sentiat. minus hæc ad nos, minus ad uitæ nostræ  
 discriminè, minus ad fortunarum nostrarum periculum perti-  
 nent. illud, illud est capitale, illud est formidolosum, illud  
 optimo cuique metuendum, quod iste, ex hoc iudicio si aliqua ui-  
 se eripuerit, in iudiciis sit necesse est, sententiâ de capite  
 cuius R. ferat, sit in eius exercitu signifer, qui imperium iu-  
 diciarum tenere uult. hoc populus R. recusat, hoc ferre non  
 potest, clamat, permittitque uobis, ut, si istis hominibus de-  
 lectemini, si ex hoc genere splendorem ordini, atque orna-  
 mentum curiæ constituere uelitis, habeatis sanè uobiscum  
 istum senatorem, istum de uobis iudicem, si uultis, habea-  
 tis. de se homines, si qui extra istum ordinem sunt, quibus  
 ne reuocandi quidem amplius quam trium iudicum præ-  
 clara leges Corneliæ faciunt potestatem, hunc hominem  
 tam crudelem, tam sceleratum, tam nefarium nolunt iudi-  
 care, etenim si illud est tam flagitiosum (quod mihi omnium  
 rerum turpissimum, maximeque nefarium uidetur) ob rem  
 iudicandam pecuniâ accipere, pretio habere addictam fi-  
 dem, et religionem: quanto illud flagitiosius, improbius,  
 indignius, eum, a quo pecuniam ob absolucendum accepe-  
 ris, cõdemnare, ut ne prædonum quidem Prætor in fide  
 retinenda consuetudinem conseruaret? scelus est, accipe-  
 re ab reo; quanto magis, ab accusatore? quanto etiam  
 sceleratius, ab utroque? fidem cum proposuisses uenalem  
 in prouincia, ualuit apud te plus is, qui pecuniam ma-  
 iorem dedit. concedo, forsitan aliquis aliquando eius-  
 modi quippiam fecerit. cum uero fidem, ac religionem

tuam

tuam alteri addictā pecunia accepta habueris, post eandem aduersarijs tradideris maiore pecunia: utrunq; fallis? & trades, cui uoles? & ei, quem fefelleris, ne pecuniā quidem reddes? quem mihi tu Bulbum? quem Stalenum? quod unquam huiusmodi monstrum, aut prodigium audivimus, aut uidimus, qui cum reo transigat, post cū accusatore decidat; honestos homines, qui causam norint, ableget, consilioq; dimittat, ipse solus reum absolutum, a quo pecuniam acceperit, condēnet, pecuniamq; non reddat. hunc hominem iudicum numero habebimus? hic alteram decuriam senatoriam iudex obtinebit? hic de capite libero iudicabit? huic iudicialis tabella cōmittetur? quam iste nō modo cera, uerum etiam sanguine, si uisum erit, notabit: quid enim horum se negat fecisse? illud uidelicet unum, quod necesse est, pecuniam accepisse. quid nī iste neget? at eques R. qui Sopatrum defendit, qui omnibus eius consilijs, rebusq; interfuit, Q. Minutius iuratus dicit pecuniam datam, iuratus dicit Timarchidem dixisse, maiorem ab accusatoribus pecuniam dari. dicent hoc Siculi omnes, dicent omnes Halicienses, dicet etiam prætextatus Sopatri filius: qui ab isto homine crudelissimo, patre innocentissimo, pecuniāq; patria priuatus est. uerū si de pecunia testibus planum facere non possem, illud negare posses, aut nunc negabis, te consilio tuo dimisso, uiris primarijs, qui in consilio C. Sacerdotis fuerant, tibiq; esse solebant, remotis, de re iudicata iudicasse? teq; eum, quem C. Sacerdos adhibito consilio, causa cognita absoluisse, eundem remoto consilio, causa incognita condemnasse? cum hæc cōfessus eris, quæ in foro palā Syracusis, in ore, atq; oculis provincie gesta sunt: negato sanē si uoles, pe-

cunā accepisset: reperies, credo, aliquem, qui, cū hęc, quę palam gesta sunt, uideat, quęrat quid tu occulte egeris, aut qui dubitet, utrum malit meis testibus, an tuis defensoribus credere. dixi iam antea, me non omnia istius, quę in hoc genere essent, enumeraturum, sed electurum ea, quę maxime excellerent. accipite nūc aliud eius facinus nobile, & multis locis sępe comemoratum, & eiusmodi, ut in uno omnia maleficia inesse uideantur: attendite. n. diligenter: inuenietis id facinus natum à cupiditate, aut etum per stuprum, crudelitate perfectum, atq; conclusum. Sthenius est, is qui nobis assidet, Thermitanus, antea multis propter summam uirtutem, summamq; nobilitatem, nunc propter summam calamitatem, atq; istius insignem iniuriam omnibus notus. huius hospitio Verres cum esset usus, & cum apud eum nō modo Therms sępenumero fuisset, sed etiā habitasset: domo eius omnia abstulit, quę paulo magis animū cuiuspiā, aut oculos posset comouere: etenim Sthenius ab adolescētia paulo studiōsius hęc cōparabat, suppellectilem ex ære elegantiorē, & Deliacā, & Corinthiā, tabulas pictas, etiā argenti bene facti, prout Thermitani hominis facultates ferebāt, satis, quę, cum esset in Asia adolescēs, studiose, ut dixi, cōparabat, non tam suę delectationis causa, quā ad inuitationes aduentusq; nostrorum hominum, suorum amicorum, atq; hospitū. quę posteaquā iste omnia abstulit, alia rogando, alia poscendo, alia sumendo, ferebat Sthenius ut poterat, tangebatur tamen animi dolore necessario, qđ domum eius exornatam, atq; instructam ferē iā iste reddiderat nudam, atq; inanem. ueruntamen dolorē suum nemini impartiebatur: Prætoris iniurias tacite, hosti

tis placide ferendas arbitrabatur. interea cupiditate iste  
 illa sua nota, atq; apud omnes peruulgata, cū signa quæ  
 dam pulcherrima, atq; antiquissima Thermis in publico  
 posita uidisset, adamauit: à Sthenio petere cœpit, ut ad  
 ea tollenda operam suam profiteretur, seq; adiuuaret.  
 Sthenius uero non solum negauit, sed etiam ostendit id  
 fieri nullo modo posse, ut signa antiquissima, monimen-  
 ta P. Africani, ex oppido Thermitanorum incolumi illa  
 ciuitate, imperioq; populi R. tollerentur. etenim, ut simul  
 P. Africani quoq; humanitatem cognoscatis, oppidū Hi-  
 meram Carthaginenses quondam ceperāt, quod fuerat  
 in primis Siciliae clarum & ornatum. Scipio, qui hoc di-  
 gnum populo R. arbitraretur, bello confecto socios sua  
 per nostrā uictoriam recuperare: Siculis omnibus Car-  
 thagine capta, quæ potuit, restituenda curauit. Himera  
 deleta, quos ciues belli calamitas reliquos fecerat, i se se  
 Thermis collocarant in eiusdem agri finibus, neq; longe  
 ab oppido antiquo. hi se patrum fortunā ac dignitatem  
 recuperare arbitrabatur, cum illa maiorum ornamenta  
 in eorum oppido collocabantur. erāt signa ex ære com-  
 plura, in his mira pulchritudine ipsa Himera in mulie-  
 brem figurā, habitumq; formata, ex oppidi nomine, &  
 fluminis. erat etiam Stesichori poeta statua, senilis, incur-  
 ua, cum libro, summo, ut putant, artificio facta ab eo,  
 qui fuit Himera, sed est, & fuit tota in Græcia summo  
 propter ingenium honore & nomine: hæc iste ad insa-  
 niā concupierat. etiā, quod penè præterij, capella quædā,  
 eā quidē mire, ut etiā nos, qui rudes harū rerū sumus, in-  
 telligere possumus, scite facta & uenuste. hæc & alia  
 Scipio non negligenter abiecerat, ut homo intelligens

Verres auferre posset: sed Thermitanis restituerat: non quo ipse hortos, aut suburbanum, aut locū omnino, ubi ea poneret, nullum haberet: sed si domum abstulisset, non diu Scipionis appellarentur, sed eorum, ad quoscunq; ipsius morte uenissent: nūc is locis posita sunt, ut mihi semper Scipionis fore uideantur, itaq; dicatur. hæc cum iste posceret, agereturq; ea res in senatu, Sthenius uehementissime restitit, multaq; ut in primis Sicularum in dicendo copiosus est, cōmemorauit: urbem relinquere Thermitanos esse honestius, q̄ pati tolli ex urbe monimenta maiorum, spolia hostium, beneficia clarissimi uiri, indicia societatis populi R. atq; amicitie. cōmoti animi sunt omnium. repertus est nemo, quin mori diceret satius esse. itaq; hoc adhuc oppidum Verres inuenit propè solum in orbeterrarum, unde nihil eiusmodi rerum de publico peruium, nihil occulte, nihil imperio, nihil gratia, nihil pretio posset auferre. ueruntamen hæc eius cupiditates exponam alio loco: nunc ad Sthenium reuertar. itaq; iste uehementer Sthenio infensus, hospitium ei renuntiat, domo eius emigrat, atq; adeo exit: nam iam ante migrarat. eū autem inimicissimi Sthenij domum suā statim inuitant, ut animum eius in Sthenium inflammarent, ementiendo aliquid, & criminando. hi autem erant inimici, Agathinus homo nobilis, et Dorotheus, qui habebat in matrimonio Callidamam Agathini eius filiam, de qua iste audierat: itaq; ad generū Agathini migrare maluit. una nox intercesserat, cum iste Dorotheum sic diligebat, ut diceret omnia inter eos esse communia: Agathinum ita obseruabat, ut aliquem affinem ac propinquum. contemnere etiam signum illud Himeræ iam uidebatur, quod cum



multo magis figura & liniamenta hospite delectabant. itaq; hortari homines cepit, ut aliquid Sthenio periculi crearent, criminisq; confingeret. dicebat se illi nihil habere, quod dicerent. tum iste his aperte ostendit, & confirmavit, eos, in Sthenium quicquid uellent dicerent, simul atq; ad se detulissent, probaturos. ita illi non procrastinae: Sthenium statim educunt: aiunt ab eo literas publicas esse corruptas. Sthenius postulat, ut secum sui ciues agant de literis publicis corruptis, eiusq; rei legibus Thermitanorum actio sit: cum senatus populusq; R. Thermitanis, & semper in amicitia, fideq; mansissent, urbes, agros, legesq; suas reddidisset: Publiusq; Rupilius postea leges ita Siculis ex S. C. de decem Legatorum sententia dedisset, ut ciues inter se legibus suis agerent: idemq; hoc habuerit Verres ipse in edicto, ut de his omnibus causis se ad leges rei ceret. iste, homo omnium aequissimus, atq; a cupiditate omnium remotissimus, se cogniturum esse confirmat: paratum ad causam dicendam uenire hora octaua iubet, non erat obscurum, quid homo improbus, ac nefarius cogitaret: neq; enim ipse satis occultarat, nec mulier tacere poterat. intellectum est id ipsum agere, ut, cum Sthenium sine ullo argumento, ac sine teste damnasset, tum homo nefarius de homine nobili, atq; id aetatis, suoq; hospite uirgis supplicium crudelissime sumeret. quod cum esset perspicuum: de amicorum hospitumq; suorum sententia Theremis Sthenius Romam profugit: hiemi fluctibusq; sese committere maluit, quam non istam communem Sicularum tempestatem, calamitatemq; uitare. iste homo certus, & diligens ad horam octauam praesto est: Sthenium citari iubet: quem posteaqua uidet non adesse, dolore ardere, atq;

iracundia furere cœpit: Venerios in domū Sthenij mitte  
 re: equites circū agros eius, nullasq; dimittere. itaq; cū ex  
 pectat quidnā sibi certi afferatur, ante horā tertiam no  
 ctis de foro non discessit. postridie mane descendit: Aga  
 thiniū ad sese uocat: iubet eū de literis publicis in absen  
 tem Stheniū dicere. erat eiusmodi causa, ut ille ne sine ad  
 uersario quidē apud inimicū iudicē reperire posset, quid  
 diceret. itaq; tantū uerbo posuit: Sacerdote Pratore Sthe  
 niū literas publicas corrupisse. uix ille hoc dixerat, cum  
 iste pronuntiat, Stheniū literas publicas corrupisse uide  
 ri: & hæc præterea addidit homo Venerius nouo modo,  
 nullo exēplo, ob eā rem HS quingenties Veneri Erycinæ  
 de Sthenij bonis exacturū. bonaq; eius statim cœpit uen  
 dere: & uendidisset, si tantulū moræ fuisset, quo minus ei  
 pecunia illa numeraretur. ea posteaquā numerata est: cō  
 tentus hac iniquitate non fuit: palām de sella, ac tribuna  
 li pronuntiat: si quis absentem Stheniū rei capitalis reū  
 facere uellet, sese eius nomen recepturū: & simul, ut ad  
 causam accederet, nomenq; deferret, Agathinum nouū  
 affinem, atq; hospitē cœpit hortari. tū ille clare, omnibus  
 audientibus, sese id non esse facturū, neq; se usq; eodē Sthe  
 nio esse inimicū, ut cum rei capitalis affinem esse diceret.  
 hic tū repente Pacilius quidā, homo egens, & leuis, acce  
 dit: ait, si liceret, nomē absentis deferre se uelle. iste uero,  
 & licere, & fieri solere, & se recepturū. itaq; defertur.  
 edicit statim, ut Cal. Dec. adsit Sthenius Syracusis: hic, qui  
 Romā uenisset, satisq; feliciter anni iā aduerso tempore  
 nauigasset, omniaq; habuisset æquiora, & placabiliora,  
 quā animū Prætoris, atque hospitis: rem ad amicos  
 suos detulit. quæ ut erant acerba, atque indigna, sic ui

debantur omnibus. itaque in senatu continuo Cn. Lentulus, & Lucullus Coss. faciunt mentionem placere statui, si patribus conscriptis uideretur, ne absentes homines in prouincijs rei fierent rerum capitalium: causam Sthenij totam, & istius crudelitatem, & iniquitatem senatum docent. aderat in senatu Verres pater istius, & flēs unūquēq; senatorem rogabat, ut filio suo parceret: neq; tamen multum proficiebat: erat enim summa uoluntas senatus. itaq; sententiā dicebantur: cū Sthenius absens reus factus esset, de absente iudicium nullum fieri placere; & si quod esset factum, id ratum esse non placere. eo die trāsigi nihil potuit, quod & id temporis erat, & ille pater istius inuenerat homines, qui dicēdo tēpus consumerent. postea senex Verres defensores, atq; hospites omnes Sthenij conuenit: rogat eos, atque orat, ne oppugnent filium suum, de Sthenio ne laborent: confirmat his, curaturum se esse, ne quid ei per filium suum noceretur, se homines certos eius rei causa in Siciliam & terra, & mari missurum. & erat spatium dierum fere triginta ante Cal. Dec. quo iste, ut Syracusis Sthenius adesset, edixerat: commouentur amici Sthenij: sperant fore, ut patris literis, nuntijsq; filius ab incepto furore reuocetur, in senatu postea causa non agitur. ueniunt ad istum domestici nuntij, literasq; à patre afferunt ante Cal. Dec. cum isti etiam tūc de Sthenio integra tota res esset: eodemq; ei tempore de eadem re literae complures à multis eius amicis, ac necessarijs afferuntur. hic iste, qui prae cupiditate neque officij sui, neque periculi, neque pietatis, neque humanitatis rationem habuisset unquam, neque in eo, quod monebatur,

auctoritatem patris, nec in eo, quod rogabatur, uoluntatem anteponendam putauit libidini suae: ma-  
 ne Cal. Dec. ut edixerat, Sthenium citari iubet. si abs te  
 istam rem parens tuus alicuius amici rogatu, benignita-  
 te, aut ambitione inductus petisset: grauissima tamen a-  
 pud te uoluntas patris esse debuisset. cum uero abs te tui  
 capitis causa peteret, hominesq; certos domo misisset, hiq;  
 eo tempore ad te uenissent, cum tibi in integro tota res  
 esset: ne tū quidem te potuit si non pietatis, at salutis tuae  
 ratio ad officium, sanitatemq; reducere: citat reum: non  
 respondet. citat accusatorem (attēdite quaso: uidete, quā-  
 topere istius amētiæ fortuna ipsa aduersata sit: & simul  
 uidete, quis Sthenij causam casus adiuerit) citatus accu-  
 sator M. Pacilius nescio quo casu non respondit, non af-  
 fuit. si praesens Sthenius reus esset factus, si manifesto in  
 maleficio teneretur: tamen, cum accusator non adesset,  
 Sthenium condēnari non oporteret: etenim, si posset reus  
 absente accusatore damnari, non ego à Vibone Veliam  
 paruulo nauigio inter fugitiuorum, ac praedonum, ac  
 tua tela uenissem: quo tempore omnis illa mea festinatio  
 fuit, cum periculo capitis, ob eam causam, ne tu ex reis  
 eximerere, si ego nō affuissem ad diem: quod igitur erat  
 in tuo iudicio optatissimum, me, cum citatus essem, non  
 adesse: cur Sthenio non putasti prodesse oportere, cū eius  
 accusator non affuisset? itaq; fecit ut exitus principio si  
 millimus reperiretur. quem absentem reum fecerat, eum  
 absente accusatore condēnat. nūtiabatur illi primis illis  
 tēporibus id, quod pater quoq; ad eū pluribus uerbis scri-  
 pserat, agitātā rē esse in senatu, etiā in cōcione Tribunū  
 pl. de causa Sthenij M. Palicanū esse questū, postremo me

ipsum apud collegium hoc Tribunorum pl. cum eorum omnium edicto non liceret quenquam Romae esse, qui rei capitalis cōdemnatus esset, egisse causam Stheny, cū rem ita exposuisssem, quemadmodum nunc apud uos, docuisssemq; hāc damnationem duci nō oportere: Tribunos pl. hoc statuisse, idq; omniū sententia pronūtiatum esse, non uideri Sthenium impediri edicto, quo minus ei liceret Romae esse. cum hāc ad istum afferrentur: timuit aliquando, & cōmotus est: uertit stilum in tabulis suis: quo factō causam omnem euertit suam: nihil enim sibi reliquit qui fecit, quod defendi aliqua ratione posset. nam si ita defenderet, recipi nomē absentis licet, hoc fieri in prouincia nulla lex uetat: mala, & improba defensione, uerum aliqua tamen uti uideretur. postremo illo desperatissimo perfugio uti posset, se imprudētem fecisse, existimasse id licere. quāquam hāc perditissima defensio est: tamen aliquid dici uideretur. tollit ex tabulis id quod erat, & facit coram delatū esse. hic uidete, in quot laqueos se induerit, quorū ex nullo se unquam expediret. primū ipse in Sicilia saepe, & palām de loco superiore dixerat, & in sermone multis demonstrarat, licere nomen recipere absentis, se exemplo fecisse id, quod fecisset. hāc cum dictitasse priore aētionē, & Sex. Pompeius Chlorus dixit, de cuius uirtute antea cōmemorauī; & Cn. Pōpeius Theodorus, homo Cn. Pompeij clarissimi uiri iudicio plurimis maximisq; in rebus probatissimus, & omniū existimatione ornatus; & Possides Matro Solentinus, homo summa nobilitate, existimatione, uirtute; & hac aētionē q̄ uoletis multi dicēt; et qui ex isto ipso audierint, uiri primarij nostri ordinis; & alij qui interfuerint, cum absentis

nomen reciperetur. deinde Romæ cum res esset acta in senatu, omnes istius amici, in his etiam pater eius, hoc defendebat licere fieri: sæpe esse factum: istum, quod fecisset, aliorum exemplo, institutoque fecisse. dicit præterea testimonium tota Sicilia: quæ in communibus postulatis civitatum omnium Consulibus edidit, rogare, atque orare patres conscriptos, ut statuerent, ne absentium nomina reciperentur. quæ de re Cn. Lentulum patronum Siciliae, clarissimum adolescentem, dicere audistis: Siculos, cum se causam, quæ pro his sibi in senatu agenda esset, docerent, de Sthenii calamitate questos esse, propterque hanc iniuriam, quæ Sthenio facta esset, eos statuisse, ut, quod dico, postularetur. quæ cum ita essent: tanta ne amentia præditus, atque audacia fuisti, ut in re tam clara, tam testata, tam abs te ipso peruulgata tabulas publicas corrumpere auderes? at quemadmodum corrupisti? non ne ita, ut omnibus nobis tacentibus ipsæ te tuæ tabulæ cōdemnare possent? quæso, codicem circumsere, ostēde. uidetis ne totum hoc nomen, coram ubi facit delatum, esse in litura? quid fuit istuc antea scriptum? quod mēdum ista litura correxit? quid à nobis indices expectatis argumenta huius criminis? nihil dicimus: tabulæ sunt in medio: quæ se corruptas, atque inter litas esse clamant. ex istis etiam tu rebus effugere te posse cōfidis? cum te nos nō opinione dubia, sed tuis uestigijs persequamur, quæ tu in tabulis publicis expressa, ac recentia reliquisti, is mihi etiā Stheniū literas publicas corrupisse causa incognita indicauit, qui defendere nō potuerit se non ex ipsius Sthenii nomine literas publicas corrupisse, uidete porro aliā dementia: uidete, ut, dum expedire sese uult, induat cognitorem ascribit

Sthenio : quem ? cognatum aliquem, aut propinquum ? non Thermitanū aliquem honestū hominem, ac nobilem ? ne id quidē : at Siculum, in quo aliquis splendor dignitasq; esset ? minime: quid igitur ? ciuem Romanum. cui hoc probari potest ? cum esset Sthenius ciuitatis suae nobilissimus, amplissima cognatione, plurimis amicis, cū praeerea tota Sicilia multū auctoritate, et gratia posset: inuenire neminē Siculum potuit, qui pro se cognitor fieret ? hoc probabitis ? an ipse ciuem Romanū maluit ? cedo, cui Siculo, cū is reus fieret, ciuis Romanus cognitor factus unquā sit. omnium Praetorium literis, qui ante fuerunt, profer, explica: si unū inuenieris, ego hoc tibi, quem admodum in tabulis scriptū habes, ita gestum esse concedam, at credo Sthenius hoc sibi amplius esse putauit, eligere ē ciuē R. numero, ex amicorū, atq; hostiū suorum copia quem cognitorem daret. quē delegit ? quis in tabulis scriptus est ? C. Claudius C. filius Palatina: non quero, quis hic sit Claudius, q̄ splendidus, q̄ honestus, quā idoneus, propter cuius auctoritatē et dignitatē Sthenius ab omnium Siculorum consuetudine discederet, et ciuem Romanū cognitorem daret. nihil horū quero: fortasse. n. Sthenius nō splendorem hominis, sed familiaritatem secutus est. quid, si omnium mortalium Sthenio nemo inimicior, quā hic C. Claudius tum semper, tum in his ipsius rebus, et temporibus fuit ? si de literis corruptis contraherit ? si contra omnem rationē pugnauit ? utrum potius, pro Sthenio inimicū cognitorem esse factū, an te in Sthenii periculū inimici eius nominis abusum esse credemus ? ac ne quis forte dubitet, cuiusmodi totū sit negotiū: tametsi iāquidam omnibus istius improbitatē perspicuam esse



confido, tamen paululum etiam attendite. uidetis illum  
 subscripo capillo, nigrum? qui eo uultu nos intuetur, ut  
 sibi ipse peracutus esse uideatur? qui tabulas tenet? qui  
 scribit? qui monet? qui proximus est? is est C. Clodius,  
 qui in Sicilia sequester istius, interpres, confector nego-  
 tiorum, prope collega Timarchidi numerabatur: nunc  
 obtinebat eum locum, ut uix Apronio illi de familiaritate  
 cedere uideatur, & qui se non Timarchidis, sed ipsius  
 Verris collegam, & socium esse dicebat. dubitare etiam  
 potestis, quin eum iste potissimum ex omni numero dele-  
 gerit, cui improbam personam imponeret, quem et huic ini-  
 micissimum, & sibi amicum esse arbitraretur? hic uos du-  
 bitatis iudices tantam istius audaciam, tantam crudelita-  
 tem, tantam iniuriam uindicare? dubitatis exemplum iu-  
 dicum illorum sequi, qui damnato Cn. Dolabella damnatio-  
 nem Philodami Opuntij resciderunt, quod is non absens reus  
 factus esset, quae res iniquissima & acerbissima est; sed  
 cum ei legatio Romae à suis ciuibus esset data? quod illi  
 iudices multo in leuiore causa statuerunt, equitatem secu-  
 ti: uos id statuere in grauissima causa, praesertim alio-  
 rum auctoritate iam confirmatum, dubitabitis? at quem  
 hominem C. Verres tanta, tam insigni iniuria affecisti?  
 cuius absentis nomen recepisti? quem absentem non mo-  
 do sine crimine, & sine teste, uerum etiam sine accusato-  
 re damnasti? quem hominem dum immortales: non dicam  
 amicum tuum, quod apud homines charissimum est: non  
 hospitem, quod sanctissimum est: nihil enim minus liben-  
 ter de Sthenio comemoro: nihil aliud in eo, quod repre-  
 hendi possit, inuenio, nisi quod homo frugalissimus, atque  
 integerrimus te hominem plenum stupri, flagitij, scele-

ris domum suam inuitauit : nisi q̄ qui C. Marij, & Cn. Pompeij, C. Marcelli, L. Sifennæ, tui defensoris, caterorumq; fortissimorum hospes fuisset, atque esset, ad eum numerum clarissimorum hominum tuum quoque nomen ascripserit. quare de hospitio uiolato, & de isto tuo nefario scelere nihil queror. hoc dico, non his, qui Stethenium norunt, hoc est nemini eorum qui in Sicilia fuerunt : nemo enim ignorat, quo hic in ciuitate sua splendore, qua apud omnes Siculos dignitate, atque existimatione sit. sed ut illi quoq; qui in ea prouincia nō fuerūt, intelligere possint, in quo homine tu statueris exemplum eiusmodi, quod tum propter iniquitatem rei, tum etiam propter hominis dignitatem acerbum omnibus, atq; intolerandum uideretur : est ne Stethenius is, qui omnes honores domi suæ facillime cum adeptus esset, amplissime ac magnificentissime gessit ? qui oppidum non maximum maximis ex pecunia sua locis cōmunibus, monimentisq; decorauit ? cuius de meritis in Remp. Thermitanorum, Siculosq; uniuersos fuit ænea tabula fixa Thermis in curia ? in qua publice erat de huius beneficijs scriptum, & incisum. quæ tabula tum imperio tuo reuulsa, nūc à me tamen reportata est, ut omnes huius honores inter suos, et amplitudinem possent cognoscere. est ne hic, qui, apud Cn. Pompeiū clarissimum uirum cum accusatus esset, & propter C. Marij familiaritatem, & hospitium contra Remp. sensisse eum inimici & accusatores eius dicerent, quod tum magis inuidioso crimine, q̄ uero accerseretur : ita à Cn. Pompeio absolutus est, ut in eo ipso iudicio Pompeius hūc hospitio suo dignissimū statuerit : ita porro laudatus defensusq; ab omnibus Siculis, ut idem Pompeius

non ab homine solum, sed etiam à provincia tota se huius absolutione inire gratiā arbitraretur? postremo est ne hic, qui & animū in Kemp. habuit eiusmodi, & tantum auctoritate apud suos ciues potuit, ut perficeret in Sicilia solus te Pratore, quod nō modo Siculus nemo, sed ne Sicilia quidē tota potuisset, ut ex oppido Thermis nullum signū, nullum ornamentū, nihil ex sacro, nihil de publico attingeres? cū præsertim essent multa præclara, & tu omnia cōcupisses. deniq; nunc uide, quid inter te, cuius nomine apud Siculos dies festi agitur, & præclara illa Verrea celebratur, cui statuae Romæ stant indurate, à cōmuni Sicilia, quemadmodum inscriptū uidemus, data: uide inquam, quid inter te, & hunc Siculum, qui abs te est patrono Siciliae cōdemnatus, intersit. hunc ciuitates ex Sicilia permultæ testimonio suo, legationibusq; ad eam rem missis publice laudant: te omnium Siculorum patronum una Mamertina ciuitas socia furtorum, ac flagitiorum tuorum publice laudat, ita tamen nouo more, ut Legati laudent, Legatio laudet. ceteræ quidem ciuitates publice literis, legationibus, testimonijs accusant, queruntur, arguunt: si tu absolutus sis, funditus euersas se esse arbitrantur. hoc de homine, ac de huius bonis etiā in Eryco monte monimentum tuorum flagitiorum, crudelitatisq; posuisti: in quo Stheny Thermitani nomen ascriptum est. uidi argentum Cupidinē cum lapide. quid tādē habuit argumenti, aut rationis res, quamobrem in eo potissimum Sthenianum præmiū poneretur? utrum hoc signū cupiditatis tuæ, an tropheum necessitudinis, atq; hospitij, an amoris indicium esse uoluisti? faciunt hoc homines, quos in summa nequitia nō solum libido, & uoluptas, uerum etiam ipsius ne-

quitia fama delectat, ut multis in locis notas, ac uestigia  
scelerum suorum relinqui uelint. ardebat amore illius hos-  
pitiæ, propter quā hospitij iura uiolabat. hoc nō solū sci-  
ri cum, uerū etiam cōmemorari semper uolebat. itaq; ex  
illa ipsa re, quā accusante Agathino gesserat, Veneri po-  
tissimū deberi præmium statuit, quæ illam totam accusa-  
tionem, iudiciūq; conflagrat. putarem te gratū in deos,  
si hoc donum Veneri non de Sthenij bonis dedisses, sed de  
tuis : quod facere debuisti, præsertim cum tibi illo ipso  
anno à Chelidone uenisset hæreditas. hic ego si hanc cau-  
sam nō omnium Sicularū rogatu recepissem, si hoc à me  
muneris nō uniuersa prouincia poposcisset, si me animus,  
atq; amor in Remp. existimatioq; offensa nostri ordinis,  
ac iudiciorū non hoc facere coegisset, atq; hæc una causa  
fuisset, q̃ amicum, atq; hospitem meū Sthenium, quē ego  
in Quæstura mea singulariter dilexissem, de quo optime  
existimasset, quē in prouincia existimationis meæ studio-  
sissimū, cupidissimūq; cognossem, tam crudeliter, sceles-  
rate, nefarieq; tractasses: tamē digna causa esset, cur in-  
imicitias hominis improbissimi susciperem, ut hospitij sa-  
lutem, fortunāq; defenderē. fecerūt hoc multi apud ma-  
iores nostros : fecit etiā nuper homo clarissimus Cn. Do-  
mitius, quī M. Syllanū consularem uirum accusauit pro-  
pter Egritōmari transalpini hospitij iniurias. putarē me  
idoneū, qui exemplum sequerer humanitatis, atq; officij,  
proponeremq; spem meis hospitibus, ac necessarijs, quo  
tutiorē uitam sese meo præsidio uicturos esse arbitra-  
rētur. cum uero in cōmunibus iniurijs totius prouinciæ  
Sthenij quoq; causa contineatur, multiq; uno tempore à  
me hospites, atq; amici publice, priuatimq; defendantur:

profecto uereri non debeo, ne quis hoc, quod facio, non existimet summi officij ratione impulsus, coactumq; suscepisse. Atq; ut aliquādo de rebus ab isto cognitis, indicatisq;, & de iudicijs datis dicere desistamus, & quoniam facta istius in his generibus infinita sunt: nos modum aliquem, et finē orationi nostrae, criminibusq; faciamus: pauca ex alijs generibus sumemus. Audistis, ob ius dicendū, Q. Variū dicere, procuratores suos isti centum & triginta millia nummū dedisse: meministis Q. Varij testimoniū, remq; hāc totam C. Sacerdotis hominis ornatissimi testimonio cōprobari: scitis Cn. Sertii, M. Modium equites R. sexcētos prāterea ciues R. multosq; Siculos dixisse, isti pecuniā ob ius dicendū dedisse, de quo crimine quid ego disputem, cum totū positiū sit in testibus? quid porro argumēter, qua de re dubitare nemo possit? an hoc dubitabit quisquam omniū, quin is uenalem in Sicilia iurisdictionem habuerit, qui Roma totum edictū, atq; omnia decreta uendiderit? et quin ab Siculis ob decreta interponenda pecuniā acceperit, qui M. Octauium Ligurem ob ius dicendū poposcere? quod enim est prāterea genus pecuniae cogenda, quod prāterierit? quod non, ab omnibus alijs prāteritū, excogitauit? ecquae res apud ciuitates Siculas expetitur, in qua aut honos aliquis sit, aut potestas, aut procuratio, quin eam rē tu ad tuū questum, nudinationemq; hominum traduxeris? dicta sunt priore aēlione & priuatim, & publice testimonia: Legati Centuripini, Halesini, Catinenses, Panormitaniq; dixerunt, multarū prāterea ciuitatū, iam uero priuatim plurimi: quorū ex testimonijs cognoscere potuistis, tota Sicilia per triennium neminem ulla in ciuitate senatorem factum

factum esse gratis; neminem, ut leges eorum sunt, suffragiis; neminem nisi istius imperio, aut literis: atque in his omnibus. senatoribus cooptandis non modo suffragia nulla fuisse, sed ne genera quidem spectata esse, ex quibus in eum ordinem cooptari liceret; neque census, neque aetatis, neque cetera Siculo iura ualuisse: quicumque senator uoluerit fieri, quamuis puer, quamuis indignus, quamuis ex eo loco, ex quo non liceret; si is pretio apud istum fieret idoneus ut uinceret, factum esse semper: non modo Siculorum nihil in hac re ualuisse leges, sed ne ab senatu quidem populoque R. datas: quas enim leges foris amicisque: dat is, qui habet imperium a populo R. auctoritatem legum dandarum a senatu, haec debent et populi R. et senatus existimari. Halesini pro multis et magnis suis maiorumque suorum in Rempublicam nostram meritis, atque beneficiis suo iure nuper L. Licinio Q. Mutio Coss. cum haberent inter se controuersias de senatu cooptando, leges ab senatu nostro petiuerunt. decreuit senatus honorifico S. C. ut his C. Claudius Appianus filius Pulcher Praetor de senatu cooptando leges conscriberet. C. Claudius adhibitis omnibus Marcellis, qui tunc erant, de eorum sententia leges Halesinis dedit: in quibus multa sanxit; de aetate hominum, ne quis minor triginta annis natus; de quaestu, quem qui fecisset, ne legeretur; de censu, de ceteris rebus. quae omnia ante istum Praetorem, et nostrorum magistratum auctoritate, et Halesinorum summa uoluntate ualuerunt. ab isto et praeco, qui uoluit, istum ordinem pretio mercatus est: et pueri annorum senum, septenumque; denum senatorium nomen nundinati sunt: et quod Halesini antiquissimi et fidelissimi socij, atque amici Romae impetrarant, ut apud

se ne suffragijs quidem fieri liceret, id pretio ut fieri posset, effecit. Agrigentini de senatu cooptando Scipionis leges antiquas habent: in quibus & eadem illa sancta sunt, & hoc amplius, cum Agrigentinorum duo genera sint, unum ueterum, alterum colonorum, quos T. Manlius Praetor ex S. C. de oppidis Siculorum deduxit Agrigentum: cautum est in Scipionis legibus, ne plures essent ex colonorum numero, quam ex uetere Agrigenbiorum. iste, qui omnia iura pretio exaequasset, omniumque rerum delectum, atque discrimen pecunia sustulisset: non modo illa, quae erant aetatis, ordinis, quastusque, permiscuit, sed etiam in his duobus generibus, ciuium nouorum, ueterumque, delectum ordinemque turbauit. nam cum esset ex ueterum numero quidam senator demortuus, & cum ex utroque genere par numerus reliquus esset: uocerem cooptari necesse erat legibus, ut his amplius numerus esset. quae cum ita se res haberet, tamen ad istum uenerunt emptum locum illum senatorium non solum ueteres, sed etiam noui. sic, ut pretio nouus uincat, literasque a Praetore auferrat. Agrigentini ad istum Legatos mittunt, qui eum leges doceant, consuetudinemque omnium annorum demonstrant, ut iste intelligeret, ei se illum locum uendidisse, cui ne commercium quidem esse oporteret, quorum oratione iste, cum pretium iam accepisset, ne tantulum quidem commotus est. idem fecit Heraclea: nam eo quoque colonos P. Rupilius deduxit, legesque similes de cooptando senatu, ac de numero ueterum, ac nouorum dedit. ibi non solum iste, ut apud ceteros, pecuniam accepit, sed etiam genera ueterum, ac nouorum, numerumque permiscuit. nolite expectare, dam omnes obeam oratione mea ciuium



res hoc uno complector crimine omnia, nemine isto Praetore senatorem fieri potuisse, nisi qui isti pecuniam dedisset, hoc idem transfero in magistratus, curationes, sacerdotia: quibus in rebus non solum hominum iura, sed etiam deorum religiones immortalium omnes repudiavit. Syracusis lex est de religione, quae in annos singulos Iovis sacerdotem sortito capi iubeat: quod apud illos amplissimum sacerdotium putatur. cum suffragiis tres ex tribus generibus creati sunt, res revocatur ad sortem. perfecerat iste imperio, ut pro suffragio Theomnastus familiaris suus in tribus illis renuntiaretur. in sorte, cui imperare non poterat, expectabant homines, quidnam acturus esset. homo, id quod erat facillimum, primo sicut sortiri iubet extra sortem Theomnastum renuntiari. negant id Syracusani per religionem sacrarum ullo modo fieri posse, fas denique negant esse. iubet ille sibi legem legi. recitatur: in qua scriptum erat: ut, quot essent renuntiati, tot in hydriam sortes conijcerentur: cuius nomen exisset, ut iis haberet sacerdotium. homo ingeniosus, et peracutus, optime, inquit, nempe scriptum ita est, quot renuntiati erunt, quot ergo sunt renuntiati, responsum, tres. nunquid igitur oportet nisi tres sortes conijci, unam educi? nihil. conijci iubet tres, in quibus omnibus scriptum esset nomen Theomnasti: sic clamat maximus, cum id uniuersum indignum, atque nefarium uideretur, ita Iovis illud sacerdotium amplissimum per hanc rationem Theomnasti datur. Cephale di mensis est certus, quo mense sacerdos maximus creari oporteat. erat eius honoris cupidus Arthenio quidam, Climachias cognomine, homo sane locuples, et domi nobilis: sed is fieri nullo modo poterat,

si Herodotus quidam adesset. ei locus ille, atq; honos in il-  
 lum annum ita deberi putabatur, ut ne Climachias qui-  
 dem contradiceret, res ad istum deferretur, & istius mo-  
 re deciditur. torcumata sane nota ac pretiosa auferun-  
 tur. Herodotus Romæ erat: satis putabat se ad comitia tē-  
 pore uenturum, si pridie uenisset, iste; ne aut alio mense,  
 ac fas erat, comitia haberentur; aut Herodoto præsen-  
 ti honos adimeretur, id quod iste nō laborabat, Climachias  
 minime uolebat, excogitat (dixi iā dudum: non est homo  
 acutior quisquam, nec fuit) excogitat inquam, quemad-  
 modum mense illo legitimo comitia haberentur, nec ta-  
 men Herodotus adesse posset. est consuetudo Siculorum,  
 cæterorumq; Græcorum, q̄ suos dies mensesq; congrue-  
 re uolunt cum solis lunæq; ratione, ut nonnunquam, si  
 quid discrepet, eximant unum aliquem diem, aut, sum-  
 mum; biduum ex mense: quos illi *ἑξαήμερος* dies nomi-  
 nant. item nonnunquam uno die longiorem mensem fa-  
 ciunt, aut biduo. quæ iste cum cognouisset, nouus astrolo-  
 gus, qui non tam cæli rationem, q̄ cælati argenti duce-  
 ret, eximī iubet nō diem ex mense, sed ex anno unum di-  
 midiatumq; mensem, hoc modo, ut, quo die, uerbi causa,  
 esse oporteret Idus Ianuarias, eo die Calendas Martias  
 proscriberet: itaq; fit omnibus recusantibus, & implorā-  
 tibus, dies is erat legitimus comitijs habendis. eo modo sa-  
 cerdos Climachias renūtiatus est. Herodotus cum Roma  
 reuertitur, dies, ut ipse putabat, quindecim ante comitia,  
 offendit eum mensem comitiale, comitijs iam ab hinc  
 triginta diebus habitis. tunc Cephaleditani decreuerunt  
 intercalarium XLV dies longum, ut reliqui menses in  
 suā rationem reuerteretur. hoc si Romæ fieri posset, cer-

te aliqua ratione expugnasset iste, ut dies XLV inter  
 binos ludos tollerentur, per quos solos iudicium fieri pos-  
 set. Iam uero Censores quæ admodum in Sicilia isto Præ-  
 tore creati sunt, operæ pretiū est cognoscere: ille enim est  
 magistratus apud Siculos, qui diligentissime mandatur  
 à populo propter hanc causam, quod omnes Siculi ex cen-  
 su quotannis tributa conferunt, in censu habendo pote-  
 stas omnis æstimationis habende, summæque faciundæ Cé-  
 fori permittitur. itaque cum populus, cui maximam fidem  
 suarum rerum habeat, maxima cura deligit, et propter  
 magnitudinem potestatis hic magistratus à populo sum-  
 ma ambitione contenditur, in ea re nihil obscure facere  
 uoluit, non in sortitione fallere, neque dies de fastis exime-  
 re: nihil sanè uasre, nec malitiose facere conatus est: sed,  
 ut studia cupiditatesque honorum, atque ambitiones ex omni-  
 bus ciuitatibus tolleret, quæ res euertendæ Reip. causa so-  
 lent esse, ostendit sese in omnibus ciuitatibus Censores esse  
 facturum, tanto mercatu Prætoris indicto, cōcurritur un-  
 dique ad istum Syracusas: flagrabat domus tota prætoria  
 studio hominum, et cupiditate: nec mirum, omnibus co-  
 mitibus tot ciuitatum unam in domum reuocatis, tantaque  
 ambitione prouincia totius in uno cubiculo inclusa. ex-  
 quisitis palam pretiis, et licitationibus factis, describebat  
 Censores binos in singulas ciuitates Timarchides, is suo la-  
 bore, suisque accessionibus, huius negotij, atque operis mole-  
 stia consequabatur, ut ad istum sine ulla sollicitudine sum-  
 ma pecunia referretur. iam hic Timarchides quantam  
 pecunia fecerit, planè adhuc cognoscere nō potuisti: ue-  
 runtamen priore actione, quæ uarie, quæ improbe prædatus  
 esset, multorum ex testimoniis cognouisti. sed, ne miremini

qua ratione hic tantum apud istum libertus potuerit: exponā uobis breuiter, quid hominis sit: ut & istius nequitia, qui illum secum habuerit, eo praesertim numero, ac loco, & calamitatem provinciae cognoscatis. in mulierū corruptelis, & in omni eiusmodi luxuria, atq; nequitia mirandum in modū reperiebā hunc Timarchidem ad istius flagitiosas libidines, singularemq; nequitia natum, atq; aptum fuisse: inuestigare, adire, appellare, corrūpere, quiduis facere in eiusmodi rebus, quāuis callide, quāuis audacter, quāuis impudenter: eundem mira quādā excogitare genera furādi: nā ipsum Verrem tantū semper auaritia hiantē, atq; imminenti fuisse, ingenio, & cogitatione nulla, ut, quicquid suā sponte faciebat, item ut uos Romae cognouistis, eripere potius, q̄ fallere uideretur. hac uero eius erat ars, & malitia miranda, q̄ acutissime tota provincia, quid cuiq; esset necesse, indagare, & odorari solebat, omnium inimicos diligenter cognoscere, colloqui, attentare, ex utraq; parte causas, uoluntates perspicere, facultates, & copias; quibus opus esset, metum asferre; quibus expediret, spem ostendere: accusatorum, & quadruplatorum quicquid erat, habebat in potestate: quod cuiq; negotij consilari uolebat, nullo labore faciebat: istius omnia decreta, imperia, literas, peritissime & callidissime uendebat: ac non solū erat administer istius cupiditatū, uerum etiam ipse sui meminerat aequae: non solū nummos, si qui isti exciderāt, tollere solebat, ex quibus pecuniā maximā fecit, sed etiā uoluptatum, flagitiorumq; istius ipse reliquias colligebat. itaque in Sicilia non Athenionem, qui nullum oppidum cepit, sed Timarchidem fugitiuū omnibus oppidis per triennium scitote

regnasse, in Timarchidis potestate sociorum populi R. antiquissimorum, atq; amicissimorum liberos, matres familias, bona, fortunâq; omnes fuisse. is igitur, ut dico, Timarchides in omnes ciuitates accepto pretio Censores dimisit. comitia isto Pratore Censorum ne simulandi quidē causa fuerunt. iam hoc impudentissime. palam (licebat enim uidelicet legibus) singulis Censoribus denarij trecenti ad statuâ Pratoris imperati sunt. Cēsores CXXX facti sunt. pecuniâ illam ob Censurâ contra leges clam dederunt, ac denariū XXXIXM. palam saluis legibus contulerunt in statuâ. primum quô tantam pecuniâ? deinde quâobrem Censores ad statuam tibi conferebāt? ordo aliquis Censorum est collegiū? genus aliquod hominum? nā aut publice ciuitates istos honores habent, aut generatim homines, ut aratores, ut mercatores, ut nauicularij. Censores quidem qui magis, q̄ Aediles? ob beneficium? ergo hoc fatebere, abs te hæc petita esse: nā erepta non audebis dicere. te eos magistratus hominibus beneficij, nō Reip. causa permisisse? hoc autem cum tute fatebere, quisquam dubitabit, quin tu istam apud populos provincie istius inuidiam, atque offensionem non ambitionis, neq; beneficiorum collocandorum, sed pecunie conciliandæ causa suscepis? itaq; Censores fecerunt idem, quod in nostra Rep. solent ij, qui per largitionem magistratus adepti sunt: dederunt operam, ut ita potestatem gererent, ut illam lacunam rei familiaris explerent. sic census habitus est te Pratore, ut eo censu nullius ciuitatis Resp. posset administrari: nam locupletissimi cuiusq; census extenuarant, tenuissimi auxerant: itaque in tributis imperandis tantum oneris plebi imponebatur, ut, etiam

si homines tacerent, res ipsa illum censum repudiaret. id  
 quod intelligi facillime re ipsa potest: nam L. Metellus, qui,  
 posteaquē ego inquirendi causa in Siciliā ueni, repente Le-  
 tily aduentu istius non modo amicus, uerū etiam cognatus  
 factus est, is, quod uidebat istius censum stare nullo mo-  
 do posse, eū censum obseruari iussit, qui uiro fortissimo,  
 atque innocentissimo Sex. Peduceo Prætorē habitus esset.  
 erant enim tū Censores legibus facti, delecti à suis ciui-  
 tatibus: quibus, si quid commisissent, pœnæ legibus erant  
 constitutæ. te autem Prætorē qui Censor aut legem metue-  
 rit, quæ non tenebatur, quoniā creatus lege non erat: aut  
 animaduersionem tuā, cum id, quod abs te emerat, uen-  
 didisset? teneat iam sanè meos testes Metellus: cogat alios  
 laudare, sicut in multis conatus ē: modo hæc faciat, quæ  
 fecit: quis enim unquā tanta à quoquā contumelia, quis  
 tanta ignominia affectus est? quinto quoque anno Sicilia  
 tota cēsetur, erat censa Prætorē Peduceo. quintus annus  
 cum te Prætorē incidisset, censa denūo est: postero anno  
 L. Metellus mentionē tui census fieri uetat: Censores dicit  
 de integro sibi creari placere: interea Peduceanū censum  
 obseruari iubet. hoc si tuus inimicus tibi fecisset, tamen, si  
 animo æquo prouincia tulisset, inimici iudiciū graue ui-  
 deretur. fecit amicus recens, et cognatus uoluntarius:  
 aliter enim, si prouinciā retinere, si saluus ipse in pro-  
 uincia uellet esse, facere non potuit. expectas etiam, quid  
 hi iudicent? si tibi magistratū abrogasset, minore ignomi-  
 niā te affectisset quā cum ea, quæ in magistratū gessisti, su-  
 stulit, atque irrita iussit esse. neque in hac re sola fuit eiusmo-  
 di, sed, antequā ego in Siciliā ueni, in maximis rebus, ac  
 plurimis: nam et Heraclio Syracusano tuos illos palæ-

stritas bona restituere iussit, & Epicrati Bidinos, & pu-  
 pillo Drepanitano A. Claudium; & nisi mature Leti-  
 lius in Siciliam uenisset cum literis, minus XXX die-  
 bus Metellus totam triennij Praturam rescidisset. Et  
 quoniam de ea pecunia, quam tibi ad statuum Censores  
 contulerunt, dixi: non mihi pratermittendum uidetur ne  
 illud quidem genus pecunie conciliata, quā tu à ciuita-  
 tibus statuarum nomine coegisti: uideo enim eius pecu-  
 nie summā esse pergrandem, ad HS. CXX millia, tan-  
 tum conficitur ex testimonijs, ac literis ciuitatum: et iste  
 hoc concedit, nec potest aliter dicere, quare cuiusmodi pu-  
 tamus esse illa, quae negat, cū hac tam improba sunt, quae  
 fatetur? quid enim uis cōstitui? consumptā esse omnem  
 istam pecuniam in statuis? fac ita esse: tamen hoc feren-  
 dum nullo modo est, tantam ab focys pecuniam auferri,  
 ut omnibus in angiporis praedonis improbissimi statuae  
 ponantur, quā uix tuto transire posse uideamur, uerum  
 ubi tandem, aut in quibus statuis ista tanta pecunia con-  
 sumpta est? consumetur, inquires: scilicet expectemus le-  
 gitimum illud quinquenniū: si hoc intervallo non con-  
 sumperit, tum denique nomen eius de repetundis pecu-  
 nis statuarum nomine deferemus, reus est, maximis plu-  
 rimisq; criminibus in iudicium uocatus: HS. CXX mil-  
 lia ex hoc uno genere capta uidemus, si condēnatus eris,  
 non opinor id ages, ut ista pecunia in quinquennio consu-  
 matur in statuis, sin absolutus eris, quis erit tam amens,  
 qui te ex tot tantisq; criminibus elapsum post quinquen-  
 nium statuarum nomine accersat? ita si neq; adhuc con-  
 sumpta ista pecunia est, & est perspicuum non consum-  
 ptum iri: licet iam intelligamus inuentam esse rationem,



quare & iste HS. CXX millia uno genere conciliarit,  
 & ceperit, & ceteri, si à uobis hoc erit cōprobatum, quā  
 uolent magnas hoc nomine pecunias capere possint, ut  
 iam uideamur non à pecunijs capiendis homines abster-  
 rere, sed, cum genera quādam pecuniarum capiendarum  
 comprobaremus, honesta nomina turpissimis rebus impo-  
 nere. etenim si C. Verres HS. CXX millia populum, uer-  
 bi gratia, Ceturipinū poposcisset, eamq; ab his pecuniam  
 abstulisset: nō, opinor, esset dubium, quin eum, si eum id  
 planum fieret, codemnari necesse esset. quid, si eundem po-  
 pulum HS. CCC millia poposcit, eaq; coegit, atq; abstu-  
 lit, num ideo absoluetur, quod ascriptum est, eam pecu-  
 niam datam statuarum nomine? non, opinor: nisi forte  
 id agimus, non ut magistratibus nostris morā accipien-  
 di, sed ut socijs causam dandi auferre uideamur. quod  
 si quem statuæ magnopere delectant, & si quis earū ho-  
 nore & gloria ducitur: is hæc tamen constituat, necesse  
 est: primum auerei pecuniam domū non placere: dein-  
 de ipsarum statuarum modum quendam esse oportere:  
 deinde illud certe, ab inuitis exigi nō oportere. ac de auer-  
 tenda pecunia, quero abs te, uerum ipsæ ciuitates solitæ  
 sine statuas tibi faciundas locare ei, cui possent optima  
 conditione locare, an aliquem curatorem præficere, qui  
 statujs faciundis præset, an tibi, an cui tu imperasses,  
 adnumerare pecuniam? nam si per eos statuæ fiebant,  
 à quibus tibi iste honos habebatur: audio, sin Timarchi-  
 di pecunia numerabatur: desine, quaeso, simulare, te, cum  
 in manifesto furto teneare, gloriæ studiosum, ac moni-  
 mentorum fuisse. quid uero modum statuarum haberi  
 nullum placet? atqui habeatur necesse est: etenim sic

considerate. Syracusana ciuitas ( ut eam potissimum nominem ) dedit ipsi statuam : est honos. & patri : bella hæc pietatis, & quaestiosa simulatio : & filio : ferri hoc potest : hunc enim puerum non oderant. uerum quoties, & quot nominibus à Syracusanis statuas auferes ? ut in foro statuerent, abstulisti : ut in curia, coegisti : ut pecuniâ conferrent in eas statuas, quæ Romæ ponerentur, imperastli : ut ydem daret homines aratorum nomine, dediderunt : ut ydem pro parte in eò mune Siciliæ cõferreret, etiam id cõtulerunt. una ciuitas cum tot nominibus pecuniam cõtulerit, idemq; hoc ciuitates ceteræ fecerint : nõ res ipsa uos admonet, ut putetis, modum aliquem huic cupiditati cõstitui oportere ? & si hoc uoluntate sua nulla ciuitas fecit ; si omnes imperio, metu, ui, malo adductæ tibi pecuniam statuarum nomine contulerunt : per deos immortales, num cui dubium esse poterit, quin, etiã si quis statuerit accipere ad statuas licere, idẽ tamen statuam eripere certe nõ licere ? primũ igitur in hanc rem testem totam Siciliam citabo : quæ mihi una uoce statuarum nomine magnam pecuniam coactam esse demonstrat : nam Legationes omnium ciuitatum in postulatis communibus, quæ ferre omnia ex tuis iniurijs nata sunt, etiam hoc ediderunt, ut statuas ne cui, nisi cum is de provincia decessisset, pollicerentur. tot Prætores in Sicilia fuerunt : toties apud maiores nostros Siculi senatum adierunt, toties hac memoria : tamen huiuscẽ noui postulati genus, atq; principium tua Prætura attulit : quid enim tam nouum nõ solum re, sed genere ipso postulandi ? nam cetera, quæ sunt in ysdem postulatis, de iniurijs tuis, sunt noua, sed tamen nõ nouo modoulantur, rogant. & orat Sicili

patres conscriptos, ut nostri magistratus posthac decus-  
mas lege Hieronica uendant. tu primus contra uendide-  
ras: audio. ne, in cellam quod imperatur, aestiment: hoc  
quoque propter tuos ternos denarios nunc primum postula-  
tur: sed genus istud postulandi non est nouum. ne absen-  
tis nomen recipiatur: ex Sthenij calamitate, & tua na-  
tum est iniuria. cetera non colligam. sunt omnia Siculo-  
rum postulata eiusmodi, ut crimina collecta in unum te  
reum esse uideatur. quae tamen omnia nouas iniurias ha-  
bent, sed postulationum formulas usitatas. hoc postulatum  
de statuis ridiculum esse uideatur ei, qui rem, senectiamque  
non perspiciat: postulant, n. non, ut ne cogantur statue-  
re: quid igitur? ut ipsis ne liceat. quid est hoc? petis à  
me, quod in tua potestate est, ut id tibi facere ne liceat?  
pote potius, ne quis te inuitu polliceri, aut facere cogat. ni-  
hil ergo, inquit: negabunt enim omnes se coegisse. si me sal-  
uum esse uis, mihi impone istam uim, ut omnino mihi ne  
liceat polliceri. ex tua Prætura primum nata est hæc postu-  
latio. qua cum utuntur, hoc significant, atque adeo aperite  
ostendunt, sese pecuniâ metu, ac malo coactos, inuitissimos  
cogulisse. quid, si hoc non dicant? tibi non necesse sit ipsi id  
confiteri? uide, & perspice, qua defensione sis usurus:  
iam intelliges, hoc tibi de statuis confitendum esse: mihi  
enim renuntiatur, ita constitui à tuis patronis hominibus  
ingeniosis causam tuam, & ita eos abs te institui, & doce-  
ri, ut quisque ex provincia Sicilia grauior homo, atque hone-  
stior testimonium uehementius dixerit, sicuti Siculi multi  
primarij multa dixerunt, te statim hoc istis tuis defenso-  
ribus dicere: inimicus est propterea, quod arator est. itaque  
uno genere opinor circumscribere habetis in animo genus

hoc aratorum, quod eos infenso animo, atque inimico uenisse dicatis, quia fuerit in decumis iste uehementior. ergo aratores inimici, omnes aduersarij: nemo eorum est, quin perrisse te cupiat. omnino praeclare te habes, cum is ordo, atque id genus hominum, quod optimum, atque honestissimum est, a quo uno et summa Reip. et illa provincia maxime continetur, tibi est inimicissimum. uerum esto, alio loco de aratorum animo, et iniurijs uidero: nunc, quod mihi abs te datur, id accipio, eos tibi esse inimicissimos. nempe ita dicis: propter decumas. concedo: non quaero, iure, an iniuria sint inimici. quid ergo ille sibi statuæ equestres inaurata uolunt, quæ populi Romani oculos, animosque maxime offendunt, propter adem Vulcani? nam scriptum esse uideo, quandam ex his statuam aratores dedisse. si honoris causa statuam dederunt, inimici non sunt. credamus testibus: tum enim honori tuo, nunc iam religioni suæ consulunt. sin autem metu coacti dederunt, conficere necesse est, te in provincia pecuniam statuarum nomine per uim, ac metum coegisse. utrum tibi commodum est, elige. equidem libenter hoc iam crimen de statujs relinquam, ut mihi tu illud concedas, quod tibi honestissimum est, aratores tibi ad statuam honoris tui causa uoluntate sua contulisse. da mihi hoc: iam tibi maximam partem defensionis præciteris: non enim poteris aratores tibi iratos esse, atque inimicos dicere. o causam singularem: o defensionem miseram, ac perditam: nolle hoc accipere rem ab accusatore, et eum reum, qui Prætor in Sicilia fuerit: aratores et statuam sua uoluntate statuisse, aratores de eo bene existimare, amicos esse, saluum esse cupere. metuit, ne hoc uos existimetis: obtruncatur enim aratorum testimonijs, utar eo, quod da-

tur. certe ita uobis hoc iudicandum est: eos, qui isti inimicissimi sunt, ut ipse existimari uult, ad istius honores, atque monimenta pecuniam non uoluntate sua contulisse, atque ut hoc tamen facillime intelligi possit: quæ uolens eorum testium, quos produxero, qui in Sicilia testes sunt, siue ciuem R. uelis, siue Siculum, rogato, et eum, qui tibi inimicissimus esse uidebitur, qui se spoliatum à te dicet, ecquid suo nomine in tuâ statuâ contulerit? neminem reperies, qui neget: etenim omnes dederunt. quenquam igitur putas dubitaturum, quin is, quem inimicissimum tibi esse oporteat, qui abs te grauissimas iniurias acceperit, pecuniâ statuæ nomine dederit ui, atque imperio adductus, non officio, ac uoluntate? et huius ego pecuniâ iudices, quæ per magna est, impudentissimeque coacta ab inuitis, non habui rationem, neque habere potui, quantum ab aratoribus, quantum ab negotiatoribus, qui Syracusis, qui Agrigenti, qui Panormi, qui Lilybæi negotiatur, esset coactum, quoniam intelligitis ipsius quoque confessione ab inuitissimis coacta esse. Venio nunc ad ciuitates Siciliæ: de quibus facillime iudicium fieri uolentis potest. an etiâ Siculi inuiti contulerunt? non est probabile: etenim sic C. Verrem Praturâ in Sicilia gessisse constat, ut, cum utrisque satisfacere non posset, et Siculis, et togatis, officij potius in socios, quam ambitionis in cines rationem duxerit. itaque eum non solum patronum istius insule, sed etiâ sothera inscriptum uidi Syracusis. hoc quantum est? ita magnū, ut latino uno uerbo exprimi non possit. is est nimirum sother, qui salutem dedit, huius nomine etiâ dies festi agitur, pulchra illa Verrea, non quasi Marcellea, sed pro Marcelleis, quæ illi istius iussu sustulerunt. huius fornix in foro Syracusis est, in quo nudus filius stat: ipse autem ex

equo nudatam ab se provinciam prospicit. huius statuæ omnibus locis erectæ sunt, quæ hoc demonstrare videntur, propemodum non minus multas statuas istum posuisse Syracusis, quam abstulisse. huic etiam Romæ videmus in basi statuarum maximis literis incisum, à cômuni Sicilia datas. quamobrem quid te probari potest cuiusquam, tantos honores habitos esse ab inuitis? hic tibi etiâ multo magis, quam ante in aratoribus, videndum, & considerandum est, quid uelis. magna res est, utrum tibi Siculos publice priuatimq; amicos, an inimicos existimaveris? si inimicos, quid te futurum est? quò confugies? ubi necere? modo aratorum honestissimorum hominum, & locupletissimorum maximum numerum abs te abalienasti. nunc de Siculis civitatibus quid ages? dicet, tibi Siculos esse amicos? qui poteris? qui, quod nulla in homine antea fecerunt, ut in eû publice testimonium dicerent, cum præsertim ex ea provincia condemnati sine complures, qui ibi Prætores fuerunt, duo soli absoluti; huc conveniunt cum literis, veniunt cum mandatis, veniunt cum testimoniis publicis: qui si te publice laudarent, tamen id more potius suo, quam merito tuo facere viderentur: hi cum de tuis factis publice conqueruntur, non ne hoc indicant, tantas esse iniurias, ut multo maluerint de suo more decedere, quam de tuis moribus non dicere? conficiendum est igitur tibi necessario; Siculos inimicos esse; qui quidem & in te gravissima postulat Consulibus ediderunt, & me, ut hanc causam, salutisq; sue defensionem susciperem, obsecrarunt. qui cuncta Prætor prohiberentur; à quatuor Quæstoribus impediuntur: omnium minas, atq; omnia pericula præ-

salute sua leuia duxerūt: qui priore actione ita testimo-  
nia grauiter, uehementerq; dixerūt, ut Artemonem Cen-  
turipinum Legatum, & publice testem Q. Hortensius  
accusatorem, nō testem esse diceret: etenim cum propter  
uirtutem, & fidem cum Androne homine honestissimo,  
& certissimo, tum etiam propter eloquentiam Legatus  
a suis ciuibus electus est, ut posset multas istius, & ua-  
rias iniurias quam aperteissime uobis, planissimeq; expli-  
care. dixerunt Haleſini, Catinenses, Tyndaritani, Ennen-  
ses, Herbitenses, Agyrinenses, Netinenses, Segestani. nume-  
rare omnes non est necesse. scitis, quā multi, & quā  
multa priore actione dixerunt. nunc & illi, & reliqui  
dicunt. omnes denique hoc in hac causa intelligent, hoc  
animo esse Siculos, ut, si in istum animaduersum non sit,  
sibi relinquendas domos, ac sedes. suas, & ex Sicilia de-  
cendum, atq; adeo fugiendum esse arbitrentur. hos homi-  
nes, tu persuadebis, ad honores, atq; amplitudinem tuam  
pecunias maximas uoluntate sua contulisse? credo, qui  
te in tua ciuitate incolumē esse nollent, & monumenta tua  
formæ, ac nominis in suis ciuitatibus esse cupiebant. res  
declarauit, ut cupierint. iamdudū enim mihi nimium te-  
nuer Siculorum erga te uoluntatis argumenta collige-  
re uideor, utrū statuas uoluerint tibi statuere, an coacti  
sint. de quo homine auditum est unquam, quod tibi ac-  
cidit, ut eius in provincia statua in locis publicis posi-  
ta, partim etiam in ædibus sacris, per uim, per uiuer-  
sam multitudinem deicerentur? tot homines in Asia nō  
centes, tot in Africa, tot in Hispania, Gallia, Sardinia, tot  
in ipsa Sicilia fuerunt: ecquo de homine hoc unquam  
audiuimus? nouum est indices: in Siculis quidem, & in  
omnibus



omnibus Græcis monstri simile. non crediderem hoc de statu-  
tuis, nisi iacentes, reuulsasq; uidissem: propterea q̄ apud  
omnes Græcos hic mos est, ut honorem hominibus habitū  
in monumentis huiusmodi, nonnulla religione deorū, con-  
secrari arbitrentur. itaq; cum Rhody bellum illud pro-  
p̄ soli superius cum Michridate rege gesserint, omnesq;  
eius copias, acerrimumq; eius impetum à manibus, lico-  
ribus, classibusq; suis exceperint, cum & regis inimici  
præter ceteros essent: statuam eius, quæ erat apud ipsos  
in celeberrimo urbis loco, ne tum quidē in ipsis urbis pe-  
riculis attigerint. forsitan uix conuenire uideretur, quē  
ipsum hominem cuperent euertere, eius effigiem, simula-  
crumq; seruare. sed tamē uidebam, apud eos cum essem,  
& religionem esse quandā in his rebus à maioribus tra-  
ditam, & hoc disputare; cum statua se eius habuisse tem-  
poris rationem, quo posita esset; cū homine uero, quo ge-  
reret bellum, atq; hostis esset. uidetis igitur consuetudinē,  
religionemq; Græcorum, quæ monumenta hostium in bel-  
lo ipso soleat defendere, eam summa in pace Prætoris po-  
puli R. statuis præsidio non fuisse. Taurominitani, quorū  
est ciuitas fœderata, homines quietissimi, qui maxime ab  
iniurijs nostrorum magistratuum remotissimū consue-  
uerant esse præsidio fœderis, hi tamen istius euertere sta-  
tuam non dubitarunt. qua ablata, basin tamen in foro  
manere uoluerunt, quod grauius in istum fore putabāt,  
si scirent homines statuam eius à Taurominitanis esse  
deiectam, quàm si nullam unquam positam arbitraren-  
tur. Tyndaritani deiecerunt in foro, & eadem de causa  
equum inanem reliquerunt. Leontini misera in ciuitate,  
atque inani, tamen istius in gymnasio statua deiecta est.

nam quid ego de Syracusanis loquar, quod non est proprium Syracusanorum, sed & illorum commune, & cōuentus illius, ac propè totius prouinciæ? quāta illuc multitudo, quanta uis hominum conuenisse dicebatur, tum, cum statuae sunt illius deiectæ, atq; euerse: at quo loco? celeberrimo, ac religiosissimo, ante ipsum Iouem, in primo aditu, uēstibuloq; templi. quòd nisi Metellus hoc tam grauius egisset, atq; illam imperio, edictoq; prohibuisset: uēstigium statuarum istius in tota Sicilia nullum esset relictum. atq; ego hoc non uereor, ne quid horum non modo impulsu, uerum omnino aduentu meo factum esse uideatur. omnia ista ante facta sunt, non modo q̄ ego Siciliam, uerum etiam q̄ iste Italiam attigit. dum ego in Sicilia sum, nulla statua deiecta est. posteaquam illinc discessi, quæ sunt gesta, cognoscite. Centuripinorum senatus decreuit, populusq; iussit, ut quæ statuae C. Verris ipsius & patris, & filij essent, eas Quæstores demolendas locarent; dumq; ea demolitio fieret, senatores triginta nō minus adessent. uidete grauitatem ciuitatis, & dignitatem. neq; eas in urbe sua statuas esse uoluerunt, quas iniuri per uim, atq; imperium dedissent: neq; eius hominis, in quem ipsi cum grauissimo testimonio, quod nunquā antea, Romam mandata legatosq; misissent. & id grauius esse putauerunt, si publico consilio, q̄ si per uim multitudinis factum uideretur. cum hoc consilio statuas Centuripini publice sustulisset, audit Metellus, grauius fert, euocat ad se Centuripinum magistratum, & decem priores: nisi restituisent statuas, uehementer ijs minatur. illi ad senatum renūtiāt: statuae, quæ istius causæ nihil prodesse, reponuntur. hic ego aliud alij concedo: Metello

homini sapienti prorsus nō possum ignoscere, si quid stulte facit. quid? ille hoc putabat Verri criminosum fore, si eius statuæ essent deiectæ? quod saepe uento, aut aliquo casu fieri solet. non erat in hoc neque crimē ullum, neque reprehensio. ex quo igitur crimen, atque accusatio nascitur? ex hominum iudicio, & uoluntate. ego, si Metellus statuas reponere Centuripinos nō coegisset, hæc dicerem. uidete iudices, quantum, & quā acerbum dolorem sociorum, atque amicorum animis inusserint istius iniuriæ, cum Centuripinorum amicissima, & fidelissima ciuitas, quæ tantis officijs cum populo R. coniuncta est, ut non solum Remp. nostram, sed etiam in quouis homine priuato nomen ipsum Romanorum semper dilexerit, ea publico consilio, atque auctoritate iudicarit, C. Verris statuas esse in urbe sua non oportere. recitarem decreta Centuripinorum: laudarem illam ciuitatem: id quod uerissime possem: commemorarem decem millia ciuium Centuripinorum fortissimorum, fidelissimorumq; sociorum, eos omnes statuisse monimentū istius in sua ciuitate nullum esse oportere. hæc tum dicerem, si statuas Metellus non reposuisset. uelim querere nunc ex ipso Metello, quidnam sua ui, & auctoritate mihi ex hac oratione præciderit. eadem opinor omnia conuenire: neque enim, si maxime statuæ deiectæ essent, eas ego uobis possem iacentes ostendere: hoc uno uerer, ciuitatem tam grauem statuas iudicasse C. Verris demolientas. hoc mihi Metellus non eripuit: hoc etiam addidit, ut quererem, si mihi uideretur, tam iniquo iure socijs, atque amicis imperari, ut ijs ne in suis quidem beneficijs libero iudicio uti liceret: ut uos rogarem, ut coniecturam

faceretis, qualem in ijs rebus in me L. Metellū fuisse pu-  
 taretis, in quibus rebus obesse mihi posset, cum in hac re  
 tam aperta cupiditate fuerit, in qua nihil obfuit. sed ego  
 Metello non irascor: neq; ei suā purgationem eripio, qua  
 ille apud omnes utitur, ut nihil malitiose, neq; cōsulto fe-  
 cisse uideatur. iam igitur est ita perspicuum, ut negare  
 non possis, nullam tibi statuam uoluntate cuiusquā da-  
 tam, nullam pecuniam statuarum nomine nisi uī expres-  
 sam, & coactam. quo quidem in crimine non illud solū  
 intelligi uolo, te ad statuas HS CXX millia coegisse;  
 sed multo etiam illud magis, quod simul demonstrandū  
 est, quantum odium in te aratorum, quantum omnium  
 Siculorū sit, & fuerit. in quō quæ uestra defensio futu-  
 ra sit, coniectura assequi non queo. Oderunt Siculi:  
 rogatorū enim causa multa feci. at hī quidem acerrimi,  
 inimicissimiq; sunt. inimicos habeo ciues R. q̄ sociorum  
 cōmoda, ac iura defendi. at socij in hostiū numero se  
 abs te habitos queruntur. aratores inimici sunt propter  
 decumas. quid? qui agros immunes liberosq; arant, cur  
 oderunt? cur Halesini? cur Cēturipini? cur Segestani? cur  
 Halicyenses? quod genus hominū, quem numerum, quem  
 ordinē proferre possis, qui te non oderit, siue ciuī R. si-  
 ue Siculorū? ut etiam si causam, cur te oderint, non pos-  
 sim dicere, tamen illud dicendū putem, quē omnes mor-  
 tales oderint, eum quoq; uobis odio esse oportere. an hoc  
 dicere audebis: utrum de te aratores, utrū deniq; Siculi  
 uniuersi bene existiment, ad rem id non pertinere? neque  
 tu hoc dicere audebis, neq; si cupies, licebit. eripiunt tibi  
 istam orationem contemnendorū Siculorum, atq; arato-  
 rum statuæ illæ equestres, quas tu paulo ante, quā ad

Urbem uenires, poni inscribiq; iussisti, ut omnium inimi-  
 corum animas, accusatorumq; tardares: quis enim tibi  
 molestus esset, aut quis appellare auderet, cū uideret sta-  
 tuas ab negotiatoribus, ab aratoribus, a communi Sici-  
 lia? quod est aliud in illa prouincia genus humanū? nul-  
 lum. ergo ab uniuerſa prouincia generatimq; a singulis  
 eius partibus non solum diligitur, sed etiam ornatur.  
 quis hunc attingere audeat? potes igitur dicere, nihil tibi  
 obesse oportere aratorum, negotiatorum, Siculorumq;  
 omnium testimonia; cum eorum nominibus in statua-  
 rum inscriptione positis omnem te sperabas inuidiā, at-  
 que infamiam tuam extinguere posse? an quorum au-  
 thoritate tu statuas cohonestare tuas conatus es; eorum  
 ego dignitate accusationem meam comprobare non po-  
 tero? nisi forte, quod apud publicanos gratiosus fuisti, in  
 ea re spes te aliqua consolatur. quæ gratiā ne quid tibi  
 prodesse posset, ego mea diligentia perfecī: ut etiam ob-  
 esse deberet, tu tua sapientia curasti: etenim rem totam  
 iudices breuiter cognoscite. in scriptura Sicilia pro ma-  
 gistro est quidam L. Carpinatius: qui & sui quæstus cau-  
 sa, & fortasse ꝑ sociorum interesse arbitrabatur, bene  
 penitus in istius familiaritatem sese dedit. is cum Præto  
 rem circum omnia foras sectaretur, neq; ab eo unquam  
 discederet: in eam iam uenerat familiaritatem, consuetu-  
 dinemq; in uendendis istius decretis, & iudicijs, trasigen-  
 disq; negotijs, ut propè alter Timarchides numeraretur.  
 hoc erat etiam capitalior, quod idem pecuniam ijs, qui  
 ab isto aliquid mercabatur, fœnori dabat. ea autem fœ-  
 neratio erat huiusmodi iudices, ut etiā hic quæstus huius  
 cederet: nam quas pecunias ijs ferebat expensas, quibus-

eū cōtrahebat, aut scribæ istius, aut Timarchidi, aut etiā  
 isti ipsi referebat acceptas. idem præterea pecunias istius  
 extraordinarias grandes suo nomine fœnerabatur. hic  
 primo Carpinatius, ante quam in istius tantam familia  
 ritatē peruenisset, aliquoties ad socios literas de istius in=  
 iurijs miserat. Canuleius uero, qui in portu Syracusis o=  
 peras dabat, furta quoq; istius permulta nominatim ad  
 socios perscripserat ea, quæ sine portorio Syracusis erant  
 exportata: portum autem, & scripturas eadem societas  
 habebat. ita factum est, ut essent permulta, quæ ex socie=  
 tatis literis dicere in istū, ac proferre possemus. uerū acci=  
 dit, ut Carpinatius, qui iam cū isto summa cōsuetudine,  
 præterea ratione coniunctus esset, crebras postea literas  
 ad socios de istius summis officijs in rem cōmunem, bene=  
 ficijq; mitteret: etenim tum iste omnia, quacūq; Carpi=  
 natius postulabat, facere, ac decernere solebat: tū ille etiā  
 plura scribebat ad socios, ut, si posset, quæ antea scripse=  
 rat, ea planē extingueret. ad extremum uero, cū iste iam  
 decedebat, eiusmodi literas ad eos misit, ut huic frequen=  
 tes obuiam prodirent, gratiasq; agerent; facturos esse, si  
 quid imperasset, studiose polliceretur: itaq; socij fecerunt:  
 uetere instituto publicanorum, nō quo istum ullo hono=  
 re dignum arbitrantur, sed q̃ sua interesse putabant,  
 se memores, gratosq; existimari, gratias isti egerunt: Car=  
 pinatiū sepe ad se de eius officijs literas misisse dixerunt.  
 iste cum respondisset, ea se libenter fecisse, operasq; Car=  
 pinati magnopere laudasset: dat amico suo cuidam ne=  
 gotium, qui tum magister erat eius societatis, ut diligen=  
 ter cauere, atque prospiceret, ne quid esset in literis socio=  
 rum, quod contra suum caput, atq; existimationem ua=

lere posset. itaq; ille multitudine sociorum remota, Decu-  
manos conuocat: rem deferre. statuunt illi, atq; decernūt,  
ut ea literæ, quibus existimatio C. Verris laderetur, re-  
mouerentur, operaq; daretur, ne ea res C. Verris fraudi  
esse posset. si ostendo, hoc decreuisse Decumanos; si planū  
facio, hoc decreto remotas esse literas: quid expectatis am-  
plius? possum ne rem magis indicatā afferre? magis reū  
cōdemnatum in iudicium adducere? at quorum iudicio  
condemnatum? nempe eorū, quos ū, qui seueriora iudicia  
desiderant, arbitrentur reos iudicare oportere: publicano-  
rum iudicio: quos uidelicet nunc populus iudices poscit:  
de quibus, ut eos iudices habeamus, legem ab homine non  
nostri generis, non ex equestri loco profecto, sed nobilissi-  
mo promulgatā uidemus. Decumani, hoc est principes,  
& quasi senatores publicanorum, remouendas de me-  
dio literas censuerunt. habeo ex ūs, qui affuerunt, quos  
producam, homines honestissimos, ac locupletissimos, istos  
principes equestris ordinis, quorum splendore uel maxi-  
me istius, qui legem promulgauit, oratio, & causa nita-  
tur. uenient in medium: dicent, quid statuerint: profe-  
cto si recte homines noui, non mentientur: literas enim  
communes de medio remouere potuerunt, fidem suam et  
religionem remouere non possunt. ergo equites R. te suo  
iudicio condemnari noluerunt. uos nunc, utrum illorum  
iudicium, an uoluntatem sequi malitis, considerate. at ui-  
de, quid te amicorum tuorum studium, quid tuum consi-  
lium, quid sociorū uolūtas adiunet. dicā paulo amplius:  
neq; n. iam uereor, ne quis hoc me magis accusatorie, q̃  
libere dixisse arbitretur. si istas literas nō decreto Decu-  
manorū magistri remouissent, tantū possem in te dicere,



quantum in literis inuenissem. nunc decreto isto facto, literisq; remotis, tantum mihi licet dicere, quantum possum, tantum iudici suspicari, quantum uelit. dico te maximum pondus auri, argenti, eboris, purpure, plurimam uestem Melitensem, plurimam stragulam, multam Delicam suppellectilem, plurima uasa Corinthia, magnū numerum frumenti, uim mellis maximam Syracusis exportasse: his pro rebus, q̄ portorium non esset datum, literas ad socios misisse L. Canuleiū, qui in portu operas daret. satis ne magnum hoc crimen uidetur? nullum, opinor, maius. quid defendet Hortensius? postulabit, ut literas Canuley proferam? crimen huiusmodi, nisi literis confirmetur, inane esse dicet? clamabo, literas remotas esse de medio, decreto sociorum erepta mihi esse istius indicia, ac monimenta furtorum. aut hoc contendat nunquam esse factum: aut omnia tela excipiat, necesse est. negas esse factum? placet mihi ista defensio: descendo: aqua enim conditio, equumq; certamen proponitur. producam testes, et producam plures eodem tempore. quoniam tum, cum actum est, una fuerūt, nunc quoq; una sunt. cum interrogabuntur, obligentur non solū iurisiurandi, atq; estimationis periculo, sed etiam cōmuni inter se conscientia. si planum sit, hoc ita, quē admodum dico, esse factū: non poteris dicere Hortēsi, nihil in istis fuisse literis, quod Verrem lederet. non modo id non dices, sed ne illud quidem tibi dicere licebit, tantum, quantum ego dicam, non fuisse. ergo hoc uestro consilio, et gratia perfecistis, ut, quemadmodū paulo ante dixi, et mihi summa facultas ad accusandū daretur, et iudicibus libera potestas ad credēdū. quod cū ita sit, nihil fingā tamē, meminero me nō

sumpſiſſe, quem accuſarem; ſed recepiſſe, quos defende-  
rem; nos ex me cauſam non à me prolata, ſed ad me  
delatam audire oportere; me Siculis ſatis eſſe facturū,  
ſi, quæ cognoui in Sicilia, quæ accepi ab iſiſ, diligenter  
expoſuero; populo R. ſi nullius uim, nullius potentia per-  
timuero; uobis, ſi facultatem uere, atq; honeſte iudican-  
di fide & diligentia mea fecero; mihi in eo, ſi ne mini-  
mum quidē de eo curriculo uitæ, quod mihi ſemper pro-  
poſitū fuit, deceſſero. quapropter nihil eſt, quod metuas,  
ne quid mecum fingam: etiam, quod latere, habes: mul-  
ta enim, quæ ſcio abſ te eſſe cōmiſſa, quod aut nimium tur-  
pia, aut parum credibilia ſunt, prætermittam: tantum  
agam de hoc toto nomine ſocietatis, ut uerū ſcire poſſitis.  
queram, decretum ne ſit. cum id inuenero, queram re-  
motæ ne ſint literæ. cum id quoq; cōſtabit, uos iam me ta-  
cito intelligetis, ſi illi, qui hoc iſtius cauſa decreuerūt, equi-  
tes R. nunc ydem in eum iudices eſſent, iſtum ſine dubio  
cōdemnarent, de quo literas eas, quæ iſtius furta indica-  
rent, & ad ſe miſſas, & ſuo decreto remotas ſcirent eſſe.  
quem igitur ab iſis equitibus R. qui iſtius cauſa cupiunt  
omnia, qui ab eo benigniſſime tractati ſunt, condemnari  
neceſſe eſſet: iſ à uobis iudices nulla ui, aut ratione abſol-  
ui poteſt. ac ne forte ea, quæ remota de medio, atq; ere-  
pta uobis ſunt, omnia ita cōdita fuiſſe, atq; ita abdite la-  
tuiſſe uideantur, ut hac diligentia, quam ego à me expe-  
ctari maxime puto, nihil horum inueſtigari, nihil aſſequi  
potuerit: quæ cōſilio aliquo, aut ratione inueniri potue-  
runt, inuēta ſunt iudices: manifeſti in rebus hominem  
iam teneri uidebitis. nam q̃ in publicanorum cauſis uel  
plurimū atatis meæ uerſor, uehementerq; illum ordinem

obseruo : satis cōmode mihi uideor eorum cōsuetudinem  
 usu, tractandoq; cognouisse. itaq; ut hoc cōperi, remotas  
 esse literas societatis: habui rationem annorum, per quos  
 iste in Sicilia fuisset : deinde quæsiui, quod erat inuentu  
 facillimum, qui per eosdem annos magistri istius societa-  
 tis fuissent : sciebam enim hanc magistrorum, qui tabu-  
 las haberent, cōsuetudinem esse, ut, cum tabulas nouo ma-  
 gistro traderent, exempla literarum ipsi habere non nol-  
 lent . itaq; ad L. Vibium equitem R. uirum primarium,  
 quem reperiēbam magistrum fuisse eo ipso anno, qui mi-  
 hi maxime querendus erat, primum ueni. sanē homini  
 præter opinionem improviso incidi. scrutatus sum quæ  
 potui, et quæsiui omnia : inueni duos solos libellos ab L.  
 Canuleio missos socijs ex portu Syracusis, in quibus erat  
 ratio scripta mensium cōplurium, rerum exportatarum  
 istius nomine sine portorio : itaq; obsignaui statim. erāt  
 hæc ex genere, quod ego maxime genus ex sociorū literis  
 reperire cupiebam . uerum tantum inueni iudices, quod  
 apud uos quasi exempli causa proferre possem. sed tamē  
 quicquid erit in his libellis, quantulūcunq; uidebitur esse,  
 hoc quidem certe manifestum erit. de cæteris ex hoc con-  
 iecturam facere debebitis. recita mihi quæso hunc primū  
 libellum, deinde illum alterū libellum Canuleij. iam non  
 quero, unde C C C C amphoras mellis habueris, unde tā-  
 tam Melitēsem uestem, unde quinquaginta tricliniorum  
 lectos, unde tot candelabra, non inquam iam quero un-  
 de hæc habueris, sed quod tibi tantū opus fuerit, id quæ-  
 ro . mitto de melle : sed tantum ne Melitensium, quasi  
 etiam amicorū uxores : tantum lectorum, quasi etiam  
 omnium istorum uillas ornaturus esses? cum hæc pauco-

rum mensium ratio in his libellis sit, facite ut uobis trien-  
nii totius ueniat in mentem. sic contendo, ex his paruis li-  
bellis apud unum magistrum societatis repertis uos iam  
cōiectura assequi posse, cuiusmodi prædo iste in illa pro-  
uincia fuerit, quam multas cupiditates, quam uarias,  
quam infinitas habuerit, quantā pecuniam nō solum nu-  
meratam, uerū etiam huiusmodi in rebus positam con-  
fecerit. quæ nobis alio loco planius explicabuntur. nunc  
hoc attendite. his exportationibus, quæ recitatae sunt, scri-  
bit HS LX socios perdidisse ex uicesima portorū Syra-  
cusis. pauculis igitur mēsis, ut hi pusilli & contempti  
libelli indicant, furta Prætoris, quæ essent HS duodecies,  
ex uno oppido solo exportata sunt. cogitate nunc, cum il-  
la sit hæc insula, quæ undique exitus maritimos habeat,  
quid ex cæteris locis exportatum putes, quid Agrigēto,  
quid Lilybæo, quid Panormo, quid Thermis, quid Halea-  
sa, quid Catina, quid ex cæteris oppidis, quid uero Messa-  
na, quem iste sibi locum maxime tutū arbitrabatur, ubi  
animo semper soluto, liberoq; erat, q̄ sibi iste Mamerti-  
nos delegerat, ad quos omnia, quæ aut diligentius seruan-  
da, aut occultius exportanda erant, deportaret. his inuen-  
tis libellis, cæteri remoti, & diligentius sunt recoditi. nos  
tamen, ut omnes intelligāt hoc nos sine cupiditate agere,  
his ipsis libellis contenti sumus. nunc ad sociorum tabu-  
las accepti & expensi, quas remouere honeste nullo mo-  
do potuerunt, & ad amicum tuum Carpinatium re-  
uertemur. inspiciebamus Syracusis à Carpinatio con-  
fectas tabulas societatis, quæ significabant, multis no-  
minibus eos homines uersuram à Carpinatio fecisse,  
qui pecuniam Verri dedissent. erit uobis luce clarius

iudices, cum eos ipsos produxero, qui dederunt: intelligetis enim, illa tempora, per quæ, cum essent in periculo, pretio sese redemerunt, cum societatis tabulis non solum Consulibus, uerum etiam mensibus conuenire. cum hæc maxime cognosceremus, & iam in manibus tabulas haberemus: repente aspiciamus lituras eiusmodi, quasi quædam uulnera tabularum recentia. statim suspitione offensi, ad ea ipsa nomina oculos, animumq; transulimus. erant acceptæ pecuniæ à C. Verrutio, sic tamen, ut usq; alterum, & literæ constarent integræ, reliquæ omnes essent in litura. alterum, tertium, quartum, permulta erant eiusmodi nomina. cum manifesta res, tum flagitiosa tabularum, atq; insignis turpitudine teneretur, quætere incœpimus de Carpinatio, quisnam esset is Verrutius, qui cum tantæ pecuniæ rationem haberet. hæere homo, auersari, rubere. quòd lege excipiuntur tabula publicanorū, quo minus Romam deportentur, ut res quam maxime clara, ac testata esse posset: in ius ad Metellum Carpinatiū uoco, tabulasq; societatis in forum defero. fit maximus concursus hominum, & quòd erat Carpinatiū nota cum isto Prætoris societas, ac fœneratio, summe expectabant omnes, quid in tabulis cōtineretur. rem ad Metellum defero: me tabulas perspexisse sociorum: in his tabulis magnam rationem C. Verruti permultis nominibus esse: meq; hoc perspicere ex Consulū mensiumq; ratione, hunc Verrutium neq; ante aduentum C. Verris, neq; post decessionem quicquam cum Carpinatio rationis habuisse. postulo, mihi respōdeat, qui sit iste Verrutius, mercator, an arator, an pecuarius? in Sicilia sit, an decesserit? clama-  
mare omnes ex conuentu, neminem unquam ex Sicilia

fuisse Verrutium . ego instare, ut mihi responderet, ubi  
esset ? quis esset ? unde esset ? cur seruus societatis, qui ta-  
bulas confecerit, semper in Verrutij nomine certo ex lo-  
co mendosus esset ? atq; hæc postulabam: non quo illum  
cogi putarem oportere, ut ea mihi responderet inuitus :  
sed ut omnibus istius furta, illius flagitium, utriusq; au-  
dacia perspicua esse posset. itaq; illum iniuriæ metu, con-  
scientiæq; peccati mutum, atq; exanimatum, ac uix uiuū  
relinquo : tabulas in foro summa hominum frequentia  
exscribo : adhibentur in exscribendo de conuentu uiri  
primarij : literæ, lituræq; omnes assimilatae, expressæ, de  
tabulis in libros transferuntur. hæc omnia summa cura,  
& diligentia recognita, & collata, & ab hominibus ho-  
nestissimis obsignata sunt. si Carpinatius tum mihi respō-  
dere noluit: responde mihi nunc tu Verres, quæ esse hunc  
tuum penè gentilem Verrutium putes. fieri non potest,  
ut, quem uideo te Prætor in Sicilia fuisse, & quem ex  
ipsa ratione intelligo locupletem fuisse, cū tu in tua pro-  
uincia non cognoris. atq; adeo, hoc ne longius, aut obscu-  
rius esse possit, procedite in medium, explicare descriptio-  
nem, imaginemq; tabularum, ut omnes mortales istius  
auaritiæ non iam uestigia, sed ipsa cubilia uidere pos-  
sint. Videtis Verrutium ? uidetis primas literas inte-  
gras ? uidetis extremam partem nominis, caudam illam  
Verris, tanquam in luto, demersam esse in litura? sic ha-  
bent se tabulæ iudices, ut uidetis . quid expectatis ? quid  
queritis amplius ? tu ipse Verres quid sedes ? quid mo-  
raris ? nam aut exhibeas nobis Verrutium necesse est, aut  
te esse Verrutium fateare . laudantur oratores ueteres  
Crassi illi, & Antoni, quòd crimina diluere dilucide, &

copiose reorum causas defendere solebant. nimirum illi non ingenio solum his patronis, sed fortuna etiam præstiterunt: nemo enim tunc ita peccabat, ut defensionis locum non relinqueret: nemo ita uiuebat, ut nulla eius uitæ pars summæ turpitudinis esset expers: nemo ita in manifesto peccato tenebatur, ut, cum impudens fuisset in factis, tum impudentior uideretur, si negaret. nunc uero quid faciat Hortensius? auaritiæ ne crimina frugalitatis laudibus deprecetur? at hominem flagitiosissimum, libidinosissimum, nequissimumque defendit. an ab hac eius infamia nequitia uestros animos in aliam partem fortitudinis cōmemoratione traducat? at homo inertior, ignauior, magis uir, inter mulieres nequam, impura inter uiros muliercula, proferrî non potest. at mores commodi. quis contumacior? quis inhumanior? quis superbior? at hæc sine cuiusquam malo. quis acerbior? quis insidiosior? quis crudelior unquam fuit in hoc homine, atque in eiusmodi causa quid facerent omnes Crassi, et Antonij? tantum, opinor, Hortensi ad hanc causam non accederent, ne in alterius impudentia sui pudoris existimationem amitterent: liberi enim ad causas, soluti que ueniebant: neque cōmittebant, ut, si impudentes in defendendo esse noluisent, ingrati in deserendo existimarentur.



ACCUSATIONIS IN C. VER-  
REM LIBER V.  
ORATIO VIII.

MNES, qui alterū iudices, nullis im-  
pulsī inimicitijs, nulla priuatim lasi in-  
iuria, nullo pramio adducti, in iudiciū  
Reip. causa uocant, providere debent,  
non solum quid oneris in præsentia tol-  
lant, sed etiam quantum in omnem uitam negotij susci-  
pere conentur: legem enim sibi ipsi indicunt innocētiæ,  
continentiæ, uirtutumq; omnium, qui ab altero rationem  
uitæ reposcunt, atq; eo magis, si id, ut ante dixi, faciunt  
nulla re cōmoti alia, nisi utilitate communi. nam qui sibi  
hoc sumpsit, ut corrigat mores aliorum, ac peccata re-  
prehēdat: quis huic ignoscat, si qua in re ipse ab religio-  
ne officij declinari? quapropter hoc etiam magis ab om-  
nibus eiusmodi ciuis laudandus, ac diligendus est, qui  
non solum Reip. ciuem improbum remouet, uerū etiam  
se ipsum eiusmodi fore profitetur, ac præstat, ut sibi non  
modo cōmuni uoluntate uirtutis, atq; officij: sed etiam ut  
quadam magis necessaria ratione recte sit, honesteq; ui-  
uendum. ita hoc iudices ex homine clarissimo, atque elo-  
quētissimo L. Crasso sæpe auditum est, cum se nullius rei  
tam pœnitere diceret, quàm quòd C. Carbonem unquā  
in iudicium uocauisset: minus enim liber as omnium uo-  
luntates rerum habebat, & uitam suam pluribus, quàm  
uellet, obseruari oculis arbitrabatur. atq; ille ijs præsidijs  
ingenij, fortunæq; munitus, tamen hac cura cōtinebatur,  
quam sibi nō dum confirmato consilio, sed incunte atate

susceperat. quo minus etiam perspicitur eorum uirtus  
 & integritas, qui ad hanc rem adolescentuli, quam qui  
 iam firmata etate descendunt: illi enim, antequam po-  
 tuerunt existimare, quanto liberior uita sit eorū, qui ne-  
 minem accusarint, glorie causa, atque ostentationis accu-  
 sant: nos, qui iam, & quid facere, & quantulum iudi-  
 care possemus, ostēdimus; nisi facile cupiditates nostras  
 teneremus, nunquam ipsimet nobis praevideremus istam  
 licentiam, libertatemq; uiuendi. atq; hoc ego plus oneris  
 habeo, q̄ qui ceteros accusarunt (si onus est id appellan-  
 dum, quod cum latitia feras, ac uoluptate) ueruntamen  
 hoc ego amplius suscepi, q̄ ceteri, quod ita postulatur ab  
 omnibus, ut ab ijs se abstineant maxime uitijs, in quibus  
 alterum reprehenderunt. furem aliquem, aut rapacem  
 accusaris: uitanda tibi semper erit omnis auaritia suspi-  
 cio. maleficum quempiam adduxeris, aut crudelem: ca-  
 uendum erit semper, nequa in re asperior, aut inhumana-  
 nior fuisse uideare. corruptorem, adulterū: providendū  
 diligenter, ne quod in uita uestigium libidinis appareat.  
 omnia postremo, quæ uindicaris in altero, tibi ipsi uehe-  
 menter fugienda sunt: etenim nō modo accusator, sed ne  
 obiurgator qui tē ferēdus est is, qui, quod in altero uī-  
 tium reprehendit, in eo ipse deprehēditur. ego in uno ho-  
 mine omnia uitia, quæ possunt in homine perditio, nefa-  
 rioq; esse, reprehēdo: nullum esse indicium libidinis, sceleris,  
 audaciæ, quod nō in unius istius uita perspicere possitis.  
 ego in isto reo legem hāc iudices mihi statuo, uiuendū ita  
 esse, ut isti non modo factis, dictisq; omnibus, sed etiam  
 oris, oculorumq; illa contumacia, ac superbia, quā uide-  
 ris, dissimillimus esse, ac semper fuisse uidear. patior non  
 moleste

moleste iudices, eam uitam, quæ mihi sua sponte antea incunda fuerit, nunc iam mea lege, & conditione necessariam quoque futuram. & in hoc homine sæpe à me queris Hortēsi, quibus inimicijs, aut qua iniuria adductus, ad accusandum descenderim? mitto iam rationem officij mei, necessitudinisque Siculorum: de ipsi tibi inimicijs respondēo. an tu maiores ullas inimicitias putas esse, quæ contrarias hominum sententias, ac dissimilitudines studiorum, & uoluntatum? fidem sanctissimam in uita qui putat, potest ei non inimicus esse, qui Quæstor Consulem suum, consilijs commissis, pecunia tradita, rebus omnibus creditis, spoliare, relinquere, prodere, oppugnare ausus sit? pudorem & pudicitiam qui colit, potest animo æquo istius quotidiana adulteria, meretriciam disciplinam, domesticum lenocinium uidere? qui religiones deorum immortalium retinere uult, ei, qui fana spoliarit omnia, qui ex thesaurum orbitis prædari sit ausus, inimicus non esse qui potest? qui iure æquo omnes putat esse oportere, is tibi non infestissimus sit, cum cogitet uarietatem, libidinemque decretorum tuorum? qui sociorum iniurijs, prouinciarumque incommodis doleat, is in te non expilatione Asiæ, uexatione Pamphyliae, squalore & lacrymis Siciliae concitetur? qui ciuium R. iura, ac libertatem sanctam apud omnes haberi uult, is non tibi plus etiam, quæ inimicus, esse debeat, cum tua uerba, cum secures, cum cruces ad ciuium R. supplicia fixas recordetur? an, si qua in re contra rem meam decreffet aliquid iniuria, iure me ei inimicum esse arbitrer: cum omnia contra omnium bonorum rem, causam, rationem, utilitatem, uoluntatemque fecerit, quæris cur ei sim inimicus, cui populus R. infestus sit? qui præsertim

plus etiam, q̄ pars uirilis postulat, pro uoluntate populi R. oneris, ac muneris suscipere debeam. quid illa, quæ leuiora uidentur esse, non cuiusuis animum possunt mouere? q̄ ad tuam ipsius amicitiam, cæterorumq̄; omniū maiorum, atq; nobilium faciliorem aditum istius habet nequitia, & audacia, q̄ cuiusquam nostrum uirtus, & integritas. odisti hominum nouorum industrias: despicitis eorum frugalitatem: pudorem contemnitis: ingenium uero, & uirtutem depressam, extingamq̄; cupitis: Verrem amatis. ita credo, si non uirtute, non industria, non innocentia, non pudore, nō pudicitia, at sermone, at literis, at humanitate eius delectamini. nihil horū est: contrāq; sunt omnia, cum summo dedecore, ac turpitudine, tum singulari stultitia, atq; inhumanitate oblita. huic homini si cuius domus patet, utrū ea patere, an hiare, ac poscere aliquid uidetur? hunc uestri ianitores, hunc cubicularij diligunt: hunc liberti uestri, hunc serui, ancillæq; amant: hic cum uenit, extra ordinē uocatur, hic solus introducitur, cæteri saepe frugalissimi homines excluduntur. ex quo intelligi potest, eos uobis esse carissimos, qui ita uixerūt, ut sine uestro præsidio salui esse non possint. quid? hoc cuiusquam ferendum putas esse, nos ita uiuere in pecunia tenui, ut prorsus nihil acquirere uelimus, ut dignitatē nostram, populiq; R. beneficia non copys, sed uirtute tueamur. istum rebus omnibus undiq; ereptis impune eludentem circumfluere, atq; abūdare? huius argento domos uestras, huius signis, & tabulis forum, comitiūq; ornari? præsertim cum uos uestro Marte his rebus omnibus abūdetis. Verrem esse, qui uestras uillas suis manubijs ornet? Verrem esse, qui cum L. Mummio certet? ut plures hic

sociorum urbes, quæ ille hostium spoliasset uideatur, plures hic solus uillas ornamentis sanorum, quam ille sana spoliis hostium ornasse? Et is erit ob eam rem uobis charior, ut ceteri libentius suo periculo uestris cupiditatibus seruiant? uerum hæc dicentur alio loco, et dicta sunt. nunc proficiscemur ad reliqua, si pauca ante erimus à uobis iudices deprecari. superiore omni oratione per attētos uestros animos habuimus. id fuit nobis gratum admodum, sed multo erit gratius, si reliqua uoletis attendere: propterea quod in his omnibus, quæ antea dicta sunt, erat quædam ex ipsa uarietate, ac nouitate rerum, ac criminum delectatio: nunc tractare causam instituiamus frumentariam, quæ magnitudine iniuriæ ferè criminibus ceteris antecellit, iucunditatis in agendo, et uarietatis minus habebit. uestra autem auctoritate, et prudentia dignissimum est iudices, in audiendo diligentiam non minus religioni tribuere, quam uoluptati. In hac causa frumentaria cognoscenda, hæc uobis proponite iudices, nos de rebus fortunisq; Siculorum omnium, de ciuium R. qui arant in Sicilia, bonis, de uectigalibus à maioribus traditis, de uita uictuq; populi R. cognituros. quæ si magna, atque adeo maxima uobis uidentur, quam uarie, et quam copiose dicantur, expectare nolite. nemi nem uestrum praterit iudices, omnem utilitatem, opportunitatemq; prouinciæ Siciliæ, quæ ad commoda populi R. adiuncta sit, consistere in re frumentaria maxime: in ceteris rebus adiuuamur ex illa prouincia, hac uero alimur, ac sustinemur. ea causa tripartita iudices erit in accusatione: primum enim de decumano, deinde de empto dicemus frumento, postremo de asistato. inter

Siciliam, ceterasq; prouincias iudices in agrorum uecti-  
 galium rationibus hoc interest, q̃ ceteris aut impositum  
 uectigal est certum, quod stipendiarium dicitur, ut Hi-  
 spanis, & plerisq; Pœnorum, quasi uictoriæ præmium,  
 ac pœna belli; aut censoria locatio cōstituta est, ut Asia  
 lege Sempronia. Sicilia ciuitates sic in amicitia, fidemq;  
 recepimus, ut eodem iure essent, quo fuissent: eadem con-  
 ditione populo R. parerent, qua suis antea paruissent. per  
 pauca Sicilia ciuitates sunt bello à maioribus nostris  
 subactæ: quarū ager cū esset publicus populi R. factus,  
 tamen illis est redditus. is ager à Censoribus locari solet.  
 fœderatæ ciuitates duæ sunt, quarum decumæ uenire  
 non soleāt: Mamertina, & Taurominitana. quinq; præ-  
 terea sine fœdere immunes ciuitates, ac liberæ: Centuri-  
 pina, Halesina, Segestana, Halicyensis, Panormitana. præ-  
 terea, omnis ager Sicilia ciuitatū decumanus est, itemq;  
 ante imperium populi R. ipsorum Siculorum uolūate,  
 & institutis fuit. uidete nunc maiorum sapientiam: qui,  
 cum Siciliā tam opportunum subsidium belli, atq; pacis  
 ad Remp. adiunxissent, tanta cura Siculos tueri, & reti-  
 nere uoluerunt, ut non modo eorum agris uectigal no-  
 uum nullum imponerent, sed ne legem quidem uenditio-  
 nis decumarum, ne ue uendundis aut tempus aut locum  
 cōmutarent, ut certo tempore anni, ut ibidem in Sicilia,  
 deniq; ut lege Hieronica uenderent. uoluerunt eos in suis  
 rebus ipsos interesse, eorum animos nō modo lege noua,  
 sed ne nomine quidem legis nouo cōmoueri. ita decumas  
 lege Hieronica semper uendendas censuerunt, ut ipsi incū-  
 dior esset muneris illius functio, si eius regis, qui Siculis  
 carissimus fuit, non solum instituta cōmutato imperio,

uerum etiam nomē maneret. hoc iure ante Verrem Præ-  
torem Siculi semper usi sunt. hic primus instituta omni-  
um, consuetudinem à maioribus traditam, conditionem  
amicitiæ, ius societatis cōuellere, & cōmutare ausus est.  
qua in re primum illud reprehendo, & accuso, cur in re  
tam ueteri, tam usitata quicquam noui feceris? ingenio  
aliquid affectus esset homines sapientissimos, qui illam  
provinciam ante te tenuerunt, prudentia, consilioq; uici-  
si? est tuum, est ingenij prudentiæq; tuæ. do hoc tibi, &  
concedo: scio te Romæ, cum Prætor esses, edicto tuo posses-  
siones hereditatum ad alienos, à primis heredibus ad se-  
cundos, à legibus ad libidinem tuam transulisse: scio te  
edicta superiorum omnium correxisse, et possessiones hæ-  
reditatum non secundum eos, qui proferrent, sed secun-  
dum eos, qui dicerent testamentum factum, dedisse: easq;  
res nouas abs te prolatas, & inuentas magno tibi qua-  
stui fuisse scio: eundemq; te memini censorias quoq; le-  
ges in sartis tectis exigendis tollere, & commutare, ne is  
redimeret, cuius res esset; ne pupillo tutores, propinqui-  
q; consulerent, quo minus fortunis omnibus euerteretur;  
exiguam diem præfiniri operi, qua ceteros ab negotio ex-  
cluderes, ipse in tuo redemptore nullam certam diem ob-  
seruares. quamobrem nouam legē te in decumis statu-  
isse non miror, hominem in edictis prætoris, in censoris  
legibus tam prudentem, tam exercitatum, nō inquam mi-  
ror, te aliquid excogitasse: sed quod tua spōte, iniussu po-  
puli, sine senatus auctoritate iura provincie Sicilia mu-  
taris, id reprehendo, id accuso. L. Octauio & C. Cotta  
Coss. senatus permisit, ut uini, et olei decumas, & fru-  
gum minutarum, quas ante te Quæstoris in Sicilia uen-



dere consueſſent, Romæ uenderet, legemq; his rebus, quæ  
 ipsis uideretur, edicerent. cum locatio fieret, publicani po-  
 ſtularunt, quasdam res ut ad legem adderent, neq; ta-  
 men à cenſoris cæteris legibus recederent. contradixit  
 is, qui caſu tunc Romæ fuit, tuus hoſpes Verres, hoſpes in-  
 quam, & familiaris tuus Sthenius hic Thermitanus. Cõ-  
 ſules cauſam cognouerunt: cum uiros primarios, atque  
 ampliffimos ciuitatis multos in conſilium aduocaſſent,  
 de conſilij ſententia pronuntiarunt, ſe lege Hieronica uẽ-  
 dituros. ita ne uero? prudentiffimi uiri, ſumma auctori-  
 tate præditi, quibus ſenatus legum dicendarum in locan-  
 dis ueſtigalibus omnem poteſtatẽ permiſerat, populusq;  
 R. idem iuſſerat; ſiculo uno recuſante, cum amplificatio-  
 ne ueſtigalium nomẽ Hieronicæ legis mutare noluerũt.  
 tu homo minimi conſilij, nullius auctoritatis, iniuſſu po-  
 puli, ac ſenatus, tota Sicilia recuſante, cũ maximo detri-  
 mẽto, atq; adeo exitio ueſtigalium totam Hieronicam le-  
 gem ſuſtulifti. at quam legem corrigit iudices, atq; adeo  
 totam tollit? acutiſſime, ac diligentiffime ſcriptam: quæ  
 omnibus cuſtodijs ſubiectum aratorem Decumano tra-  
 dit, ut neque in ſegetibus, neque in areis, neq; in horreis,  
 neque in amouendo, neque in aſportando frumento gra-  
 no uno poſſet arator ſine maxima pœna fraudare De-  
 cumanum. ſcripta lex ita diligenter eſt, ut cum ſcripſiſſe  
 appareat, qui alia ueſtigalia non haberet: ita acute, ut ſi  
 culum: ita ſeuere, ut tyrannum. qua lege Siculis tamen  
 arare expediret: nam ita diligenter conſtituta ſunt iura  
 Decumani, ut tamen ab inuito aratore plus decuma nõ  
 poſſit auferri. cum hæc eſſent ita conſtituta: Verres tot  
 annis, atque adeo ſeculis inuentus eſt, qui hæc non com-

mutarit, sed euerterit, eaque, quae iam diu ad salu-  
tem sociorum, utilitatemq; Reip. composita, compara-  
taq; essent, ad suos improbissimos quastus conuerteret:  
qui primum certos instituerit, nomine Decumanos, ve-  
ra ministros, ac satellites cupiditatum suarum: per quos  
ostendam sic prouinciam per triennium uexatam, atque  
uastatam iudices, ut eam multis annis multorum inno-  
centia, sapientiaq; recreare nequeamus. eorum omnium,  
qui Decumani uocabantur, princeps erat Q. ille Apro-  
nius, quem uidetis: de cuius improbitate singulari grauis  
simarum Legationum querimonias audistis. aspiciete iu-  
dices uultum hominis, & aspectum, & ex ea contum-  
cia, quam hic in perditis rebus retinet, illos eius spiritus  
Sicilienses quos fuisse putetis, cogitate, ac recordamini. hic  
est Apronius, quem in prouincia tota Verres, cum undi-  
que nequissimos homines conquisisset, & cum ipse secum  
fui similes duxisset non parum multos, nequitia, luxuria,  
audacia sui simillimum iudicauit. itaq; istos inter se per-  
breui tempore non res, non ratio, non commendatio ali-  
qua, sed studiorum turpitudine, similitudoq; cōiunxit. Ver-  
ris mores improbos, impurosq; nostis: fingite uobis, si po-  
testis, aliquē, qui in omnibus isti rebus par ad omnium  
flagitiorum nefarias libidines esse possit: is erat Aproni-  
us ille: qui, ut ipse non solum uita, sed etiam corpore, at-  
que ore significat, immensa aliqua uorago est, aut gurgēs  
uitorū, turpitudinumq; omniū. hūc in omnibus stupris,  
hunc in fanorū expilationibus, hunc in impuris cōiuijs  
principē adhibebat: tātāq; habebat morū similitudo cō-  
iūctionē, atq; cōcordiā, ut Apronius, qui alijs inhumanus  
ac barbarus, isti uni cōmodus, ac disertus uideretur; ut,

quē omnes odissent, neq; uidere uellet, sine eo iste esse non posset; ut, cū alij ne conuiuij quidem ijsdem, quibus Apronij hic ijsdem etiā poculis ueretur; postremo ut odor Apronij teterrimus aris, & corporis, quem (ut aiunt) ne bestia quidem ferre possent, uni isti suauis, & iucundus uideretur. ille erat in tribunali proximus, in cubiculo solus, in conuiuijs dominus, ac tum maxime, cum, accubante prætextato Prætoris filio, in conuiuijs saltare nudus cæperat. hunc, uti dicere institui, principem Verres ad euerendas fortunas aratorum, uexandas, diripiendasq; esse uoluit: huius audaciæ, nequitie, crudelitati fidelissimos socios, optimosq; ciues scitote hoc Prætoris traditos iudices, atq; addictos fuisse, nouis institutis, & edictis, tota Hieronica lege (quemadmodum antea dixi) reiecta et repudiata. primum edictum iudices audite præclarum: quātum Decumanus edidisset aratorem sibi decumæ dare oportere, ut tātum arator decumano dare cogeretur. quomodo? quantum poposcerit Apronius, dato. quid est hoc? utrum, Prætoris institutum in socios, an in hostes nictos insani edictum, atq; imperium tyranni? ego tantumdem, quantum ille poposcerit? poscet omne, quantum exarauero. quid omne? immo plus etiam, inquit, si uolet. quid tum? quid cēses? aut dabis, aut cōtra edictū fecisse dānabere. per deos immortales, quid est hoc? uerisimile. n. non est. sic mihi persuadeo iudices: tametsi omnia in istū hominem cōuenire putetis, tamē hoc uobis falsum uideri: ego enim, cū hoc tota Sicilia diceret, tamē affirmare nō aude rem, si hæc edicta nō ex ipsius tabulis totidem uerbis recitare possē, sicuti faciā. da, quaeso, scribæ. recitet ex codice. Recita edictū de professione. negat me recitare totū:

nam id nutu significare uidetur. quid prætereo? an il-  
 lud, ubi caues tamen Siculis, et miseros respicis aratores?  
 dicis enim te in Decumanum, si plura sustulerit quàm  
 debitum sit, in octuplum iudicium daturum esse. nihil  
 mihi placet prætermitti. recita hoc quoque, quod postu-  
 lat, totum. Recita edictum de iudicio in octuplum. iu-  
 dicio ut arator Decumanum persequatur? miserum, at-  
 que iniquum ex agro homines traduci in forum, ab ara-  
 tro ad subsellia, ab usu rerum rusticarum ad insolitam  
 litem, atque iudicium. cum omnibus in alijs uectigalibus,  
 Asiæ, Macedoniæ, Hispaniæ, Galliæ, Africæ, Sardinie, ip-  
 sius Italiae, quæ uectigalia sunt; cum in his inquam re-  
 bus omnibus publicanus petitor, ac pignerator, non cre-  
 pitor, neque possessor soleat esse: tu de optimo, de iustissimo,  
 de honestissimo genere hominum, hoc est de aratoribus,  
 ea iura constituebas, quæ omnibus alijs essent contraria.  
 utrum est æquius, Decumanum petere, an aratorem re-  
 petere? iudicium integra re, an perditâ fieri? cum, qui  
 manu quaesierit, an eum, qui digito licitus sit, possidere?  
 quid, qui in singulis iugis arant, qui ab opere ipsi nō rece-  
 dunt, quo in numero magnus ante te Prætorum nume-  
 rus, magna multitudo Siculorū fuit: quid facient? cum  
 dederint Apronio, quod poposceris, relinquent arationes?  
 relinquent larem familiarem suum? ueniens Syracusam  
 ut te Prætor uidelicet æquo iure Apronium, delicias, ac  
 uitam tuam, iudicio recuperatorio persequantur. uerum  
 esto: reperietur aliquis fortis, experies arator: qui cum  
 tantum dederit Decumano, quantum ille deberi dixerit,  
 iudicio repetat, et pœnam octupli persequatur. expecto  
 uim edicti, seueritatem Prætoris: faveo aratori, cupio

octupli damnari Apronium. quid tandem postulat arator? nihil, nisi ex edicto iudicii in octuplum. quid Apronius? non recusat. quid Prator? iubet Recuperatorum recere decurias. scribamus, quas decurias. de cohorte mea reijcies, inquit. quid? ista cohors quorum hominum est? Volusy aruspices, et Cornelij medici, et horum canum, quos tribunal meum uides lambere. nam de conventu nullum unquam iudicem, nec Recuperatorem dedit: iniquos Decumanis omnes dicebat esse, qui unam agri glebam possiderent. ueniendum erat ad eos contra Apronium, qui nondum etiam Apronianum conuiuij crapulam exhalassent. o praeclarum, et commemorandum iudicium: o seuerum edictum: o tutum periculum aratorum. atque ut intelligatis, cuiusmodi ista iudicia in octuplum, cuiusmodi istius de cohorte Recuperatores existimati sint: sic attendite. eequem putatis Decumanum hac licentia permissa, ut tantum ab aratore, quantum poposcisset, auferret, plus, quam deberetur, poposcisset? considerate cum uestris animis uosmet ipsi, eequem putetis: praesertim cum id non solum sine auaritia, sed etiam impudentia accipere potuerit. multos, necesse est. at ego omnes dico, plus, quam decumas, abstulisse. cedo mihi unum ex triennio Praturae tuae, qui octupli damnatus sit. damnatus? immo uero in quem iudicium ex edicto tuo postulatum sit. nemo erat uidelicet aratorum, qui iniuriam sibi factam queri posset: nemo Decumanorum, qui grano amplius, sibi quam deberetur, deberi professus esset. immo uero contra, rapiebat, et asportabat quantum a quoque uolebat, Apronius: omnibus autem locis aratores spoliati, ac uexati querebantur: neque tamen ullum iudicium reperietur. quid est hoc? uiri for-

tes, honesti, gratiosi, tot Siculi, tot equites R. ab homine nequissimo, ac turpissimo lasi, p. & nam oētupli sine ulla dubitatione cōmissam non persequébātur? quæ causa? quæ ratio est? una illa iudices, quam uidetis: q̄ ultro etiā il-  
 lusus se, & irritos ab iudicio discessuros uidebāt: etenim quod esset iudiciū, cum ē Verris turpissimo, flagitiosissi-  
 moq; comitatu tres Recuperatorum nomine assedissent, affecle istius, nō à patre ei traditi, sed à meretricula cō-  
 mendati? ageret uidelicet causam arator: nihil sibi fru-  
 menti ab Apronio relictum, bona sua etiā direpta, se pul-  
 satum, uerberatumq; diceret. cōferrent uiri boni capita: de cōmessatione loquerētur inter se, ac de mulierculis, si  
 quas à Pratore abeuntes possent deprehendere: res agi  
 uideretur. surrexisset Apronius, noua dignitas publica-  
 ni, non, ut Decumanus, squaloris plenus, ac pulueris, sed  
 unguētis oblitus, uino uigilijsq; languidus: omnia primo  
 motū, ac spiritu suo, uini, unguētis, corporis odore cōples-  
 set: dixisset hac, quæ uulgo dicere solebat, nō se decumas  
 emisse, sed bona fortunatq; aratorū; nō se Decumanum  
 esse Aproniū, sed Verrem alterum, dominū illorū, ac ty-  
 rannū. quæ cum dixisset: illi uiri optimi de cohorte istius  
 Recuperatores nō de absoluendo Apronio deliberarent,  
 sed quærerent, quomodo petitorum ipsum Apronio per-  
 misissent, ut, quātum uellet, posceret; quātum poposcis-  
 set, auferret. hoc tibi defensionis ad iudiciū tuum com-  
 parabas? habuisse te edictum, Recuperatores daturum  
 in oētuplum? si mehercule ex omni copia conuentus Sy-  
 racusani splendidissimorum hominum, honestissimo-  
 rumq; faceres potestatem aratori, non modo reuocandi,  
 sed etiam sumendi Recuperatores: tamen hoc nouum

genus iniuriæ ferre nemo posset: te, cum tuos omnes fructus publicano tradidisses, & rem de manibus amisisses, tum bona tua repetere, ac persequi lite, atq; iudicio? cum uero uerbo iudiciū sit in ediçto, re quidem uera tuorum comitum, hominum nequissimorū, collusio cum Decumanis socys tuis, atq; adeo procuratoribus: tamen audes illius iudicij mentionem facere? præsertim cum id nõ modo oratione mea, sed etiā re ipsa refellatur: cum in tantis incõmodis aratorum, iniurysq; Decumanorum nullum ex isto præclaro ediçto nõ modo factum, sed ne postulatum quidem iudiciū inueniatur. erit tamen in aratores lenior, q̃ uidetur. nā qui in Decumanos octupli iudiciū se daturum edixit, idem habuit in ediçto, se in aratorem in quadruplum daturum, quis hunc audet dicere aratoribus infesum, aut inimicū fuisse? quanto lenior est, q̃ in publicanum. edixit, ut, quod Decumanus edidisset sibi dari oportere, id ab aratore magistratus Siculo exigeret. quid dereliquit iudiciū, quod in aratorem dari posset? nõ malum est, inquit, esse istam formidinem, ut cum exactum sit ab aratore, tamen ne se cõmoueat, reliquus metus iudicij sit? si iudicio à me uis exigere, remoue Siculum magistratum. si hāc uim adhibes, quid opus est iudicio? quis porrò erit, qui non malit Decumanis tuis dare quod poscerent, q̃ ab affeculis tuis quadrupli condemnari? illa uero præclara est clausula ediçti, q̃ omniū controuersiarū, quæ essent inter aratorem, & Decumanum, si uter uelit, edicit se Recuperatores daturū, primū quæ potest esse controuersia, cum is, qui petere debet, auferat? & cum is, nõ quantum debetur, sed quantum cõmodum est, auferat? ille autem, unde ablatum est, iudi-



cio suum recuperare nullo modo potest? deinde in hoc homo lynceus, etiam callidus, ac ueterator esse uult, quod ita scribit: si uter uolet, Recuperatores dabo. quod lepidè se furari putat? utriusque facit potestatem. sed utrum ita scripserit: si uter uolet, an, si Decumanus uolet: nihil interest: arator enim tuos istos Recuperatores nunquid uolet? quid? illa cuiusmodi sunt, quæ ex tempore ab Apronio admonitus edixit? Q. Septitio honestissimo homine, equiteque R. resistente Apronio, et affirmante se plus decuma non daturum: exoritur peculiare edictum repentinum: ne quis frumentum de area tolleret, antequam cum Decumano pactus esset. ferebat hæc quoque iniquitatem Septitius, et imbrui frumentum corrumpi in area patiebatur: cum illud edictum repente uberrimum, et quaestuosissimum nascitur: ut ante Cal. Sext. omnes decumas ad aquam deportatas haberent. hoc edicto non Siculi (nam eos quidem iam superioribus edictis satis perdiderat, atque affixerat) sed illi ipsi equites R. qui suum ius retinere se contra Apronium posse erant arbitrati, splendidi homines, et alijs Prætoribus gratiosi, uincti Apronio traditi sunt: attendite enim, cuiusmodi edicta sunt. ne tollat, inquit, ex area, nisi erit pactus. satis hæc magna uis est ad inique paciscendum: malo enim plus dare, quam non mature ex area tollere. at ista uis Septitium, et nonnullos Septitij similes non coarctet: qui ita dicunt: ne tollam potius, quam paciscar. his hoc apponitur. deportatum habeas ante Cal. Sext. deportabo igitur. nisi pactus eris, non commouebis. sic deportandi dies præstituta tollere cogebat ex area: cohibitio tollendi, nisi pactus esset, uim adhibebat pacitioni non uoluntatem. iam uero illud non solum contra legem Hieronicam, nec solum con-

tra consuetudinem superiorum, sed etiam contra omnia iura Sicularum, quæ habent à senatu, populoq; R. ne extra suum forum uadimonium promittere cogantur. statuit iste, ut arator Decumano, quod uellet Decumanus, uadimonium promitteret: ut hic quoq; Apronio, cum ex Leon-  
tino usq; Lilybæum aliquem uadaretur, ex miseris aratoribus calumniandi quæstus accederet. quâquam illa fuit ad calumniam singulari consilio reperta ratio, quæ edixerat, ut aratores iugera sationum suarum profiterentur. quæ res cum ad pactiones iniquissimas magnam uim habuit, sicut ostēdemus, nec ad ullam utilitatem Reip. pertinuit: tum uero ad calumnias, in quas omnes incideret, quos uellet Apronius: ut enim quisq; contra uoluntatem eius dixerat, ita in eum iudiciū de professione iugerum postulabatur. cuius iudicii metu magnus à multis frumenti numerus ablatus, magnæq; pecuniæ coactæ sunt: nō quo iugerum numerum uere profiteri esset difficile, aut amplius etiā profiteri (quid enim in eo periculi esse posset?) sed causa erat iudicii postulandi, quæ ex edicto professus nō esset. iudicium autem quod fuerit isto Prætorē, si, quæ cohors, et qui comitatus fuerit, meministis, scire debetis. quid igitur est, quod ex hac iniquitate nouorum edictorum intelligi uelim iudices? iniuriam ne factam sociis? at uidetis. auctoritatem superiorum repudiata? non audebit negare. tantum Apronium isto Prætorē potuisse? cōfiteatur, necesse est. sed uos fortasse, quod uos lex cōmonet, id in hoc loco quæretis, num quas ex hisce rebus pecunias ceperit. docebo, cepisse maximas, omnesq; eas iniquitates, de quibus antea dixi; sui quæstus causa irrupisse conuincam, si prius illud propugnaculum, quo contra

omnes meos impetus usurum se putat, ex defensione eius deiecero. magno, inquit, decumas uēdidi. quid ais? an tu decumas homo audacissime, atq; amētissime uēdidisti? tu partes eas, quas te senatus populusq; R. uoluit, an fructus integros, atq; adeo bona, fortunasq; aratorū omnes uēdidisti? si palam praeo iussu tuo praedicasset, nō decumas frumētī, sed dimidias uenire partes; & ita emptores accessissent, ut ad dimidias partes emendas; si pluris uēdidisses tu dimidias, q̄ ceteri decumas: cuiā mirū uideretur? quid uero? si praeo decumas pronūtiavit: reuera, hoc est lege, edicto, cōditione plus etiā quā dimidia uenerūt? tamē hoc tibi praeclarū putabis, te pluris, quod nō licebat, quā ceteros, quod oportebat, uēdidisse? pluris uēdidi decumas, quā ceteri. quibus rebus id affectus es? innocentia? aspice ad eam Castoris: deinde, si audes, fac mētionē innocentiae, diligentiaeq; todicis lituras tui cōtemplare in Stheni Thermitani nomine: deinde aude te dicere diligētem ingenio? qui testes interrogari priore actione nolueris, & ijs tacitum os tuū praeberē malueris: quāuis, et te & patronos tuos ingeniosos esse dicito: qua re igitur id, quod ais, affectus es? magna est enim laus, si superiores cōsilio uicisti, posterioribus exēplū atq; auctoritatē reliquisti. tibi fortasse idoneus fuit nemo, quē imitare. at te uidelicet inuētorē rerū optimarū, ac principem imitabūtur omnes. quis aratorū te Praetore decumam dedit? quis duas? quis nō maximo se affectū beneficio putauit, cū tribus decumis pro una defungeretur? praeter paucos, qui propter societatem furtorū tuorum nihil omnino dederūt. uide, inter importunitatem tuam, senatusq; bonitatem quid intersit. senatus, cum tempore

bus Reip. cogitur, ut decernat, ut altera decuma exigatur: ita decernit, ut pecunia pro his decumis solvatur aratoribus, ut, quod plus sumitur quā debetur, id nō auferri putetur. tu, cum tot decumas nō S. C. sed novis edictis tuis, nefarijsq; institutis exigeres, & eriperes, magnū te fecisse arbitrare, si pluris uēdideris, quā L. Hortensius pater istius Q. Hortensij, quā Cn. Pōpeius, quā M. Marcellus: qui ab æquitate, ab lege, ab institutis non recesserunt. an tibi unius anni, aut biēnij ratio habenda fuit, salus provincia, commoda rei frumentaria, ratio Reip. in posterū fuit negligenda? cum ita rem cōstitutā accepisses, ut & populo R. satis frumētī ex Sicilia suppeditaretur, & aratoribus tamen arare, atq; agros colere expediret. quid effecisti? quid assecutus es? ut Pratore te nescio quid ad decumas accederet, deserendas arationes, relinquēdasq; curasti. successit tibi L. Metellus. tu innocētor, q̄ Metellus? tu laudis, et honoris cupidior? tibi enim Cōsulatus quærebatur, Metello paternus honor, & autus negligebatur. multo minoris uēdidit, nō modo q̄ tu, sed etiā q̄ qui ante te uēdiderūt. quæro, si ipse excogitare non poterat, quemadmodū quā plurimo uēderet: ne tuā quidē recētia proximi Pratoris uestigia persequi poterat, ut tuis præclaris, abs te principe inuentis, & excogitatis edictis, atq; institutis uteretur? ille uero tum se Metellū minime fore putasset, si te ulla in re imitatus esset. qui ab urbe Roma, quod nemo unquā post hominū memoriā fecit, cū sibi in provinciā proficiendū putaret, literas ad Sicilia civitates misit, per quas hortatur, & rogat, ut arēt, ut serāt in beneficio populi R. hoc petit aliquāto ante aduentū suū: et simul ostēdit se lege Hieronica uēdi-

turum,

turum, hoc est in omni ratione decumarum nihil isti si-  
 mile facturū. atq; hæc non cupiditate aliqua scribit ad-  
 ductus, ut in alienam prouinciam mittat litteras ante tē-  
 pus: sed consilio, ne, si tempus sationis præterisset, grānū  
 in prouincia Sicilia nullum haberemus. cognoscite Metel-  
 li litteras. Recita epistolā L. Metelli. hæc litteræ iudices  
 L. Metelli, quas audistis, hoc, quantum est, ex Sicilia fru-  
 menti hornotini exarauerunt. glebam cōmossset in agro  
 decumano Sicilia nemo, si Metellus hanc epistolam non-  
 misisset. quid, Metello diuinitus hoc uenit in mentem, an  
 ab Siculis, qui Romam frequentissimi cōuenerant, nego-  
 tiatoribusq; Sicilia doctus est? quorum quanti cōuentus  
 ad Marcellos antiquissimos Siciliae patronos, quanti ad  
 Cn. Pompeium Cos. designatum, ceterosq; illius prouin-  
 ciae necessarios fieri soliti sunt, quis ignorat? quod quidem  
 iudicium nullo unquam de homine factū est, ut absens  
 accusaretur ab ijs palam, quorū in bona, liberosq; sum-  
 mum imperium, potestatemq; haberet. tanta uis erat in-  
 iuriarum, ut homines quiduis perpeti, q̄ nō de istius pra-  
 uitate, & iniurijs deplorare, & conqueri mallent. quas  
 litteras cum ad omnes ciuitates propē suppliciter misisset  
 Metellus, tamen antiquum modum sationis nulla ex par-  
 te exequi potuit: diffugerāt enim permulti, id quod ostē-  
 dam: nō solum arationes, sed etiā sedes suas patrias isti-  
 us iniurijs exagitati reliquerant. non mehercule criminis  
 augēdi causa dicam iudices: sed quem accepi ipse oculis,  
 animoq; sensum, hunc uere apud nos, & ut potero pla-  
 nissime exponam. nam cum quadriēnio post in Siciliam  
 uenissem: sic mihi affecta uisa est, ut ea terræ solent, in  
 quibus bellum acerbum, diuturnumq; uersatū est. quos

ego campos antea, collesq; nitidissimos, uiridissimosq; uidi-  
dissem, hos ita uastatos nunc, ac desertos uidebā, ut ager ip-  
se cultorem desiderare, ac lugere dominū uideretur. Her-  
bitensis ager, Ennensis, Murgentinus, Assorinus, Ma-  
charensis, Agyrinensis ita relictus erat ex maxima par-  
te, ut non solum iugerum, sed etiam dominorum multi-  
tudinem quæreremus. Actnensis uero ager, qui solebat  
esse cultissimus, et quod caput est rei frumentariæ, cam-  
pus Leontinus, cuius antea species hæc erat, ut, cum obsi-  
tum uidißes, annonæ caritatem nō uererere: sic erat de-  
formis, atq; horridus, ut in uberrima Sicilia parte Sici-  
liam quæreremus: labefactarat enim uehementer arato-  
res iam superior annus, proximus uero funditus euer-  
erat. tu mihi etiam audes mentionem facere decumarum?  
tu in tanta acerbitate, in tot, et tantis iniurijs, cū in ara-  
tionibus, et in earum rerum iure prouincia Sicilia con-  
sistat; euersis funditus aratoribus, relictis agris, cum in  
prouincia tam locuplete, ac referta non modo rem, sed  
ne spem quidem ullam reliquam cuiquā feceris, aliquid  
te populare putabis habere, cum dices te pluris, q̄ cate-  
ros, decumas uēdidisse? quasi uero aut populus R. hoc uo-  
luerit, aut senatus hoc tibi mandauerit, ut, cum omnes a-  
ratorum fortunas decumarum nomine eriperes, in po-  
sterum fructu illo, commodoq; rei frumentariæ populū  
R. priuares: deinde si quam partem tuæ prædæ ad sum-  
mam decumarum addidisses, bene de populo R. meritis  
uiderere. atq; hæc perinde loquor, quasi in eo sit iniqui-  
tas eius reprehendenda, q̄ propter gloriæ cupiditatem,  
ut aliquos summa decumarum uinceret, acerbiolem le-  
gem, duriora edicta interposuerit, omnium superiorum

auctoritatem repudiarit. magno tu decumas uendidisti.  
 quid, si doceo te non minus domum tuam auertisse, q̄ Ro-  
 mam misisse decumarum nomine? quid habet populare  
 ratio tua, cum ex prouincia populi R. æquam partem tu  
 tibi sumpseris, atq; populo R. miseris? quid, si, duabus par-  
 tibus, doceo, te amplius frumenti abstulisse, quàm popu-  
 lo R. misisse? tamen ne putamus patronum tuum in hoc  
 crimine ceruiculam iactaturum, & populo se ad coro-  
 nam daturum? hæc uos antea iudices audistis: uerū for-  
 tasse ita audistis, ut auctorem rumorem haberetis, sermo  
 nemq; omnium. cognoscite nunc innumerabilem pecu-  
 niam frumentario nomine creptam, ut simul illam quo-  
 que eius uocem improbam agnoscatis: qui se uno quæstus  
 decumarum omnia sua pericula redempturum esse dice-  
 bat. Audiuius hoc iandiu iudices: nego quenquam  
 esse uestrum, quin saepe audierit, socios istius fuisse Decu-  
 manos. nihil aliud arbitror in istum falsò esse dictū ab  
 ijs, qui male de isto existimarint, nisi hoc. nam socij putā-  
 di sunt, quos inter res communicata est. ego rem totam,  
 fortunasq; aratorum omnes istius fuisse dico: Aproniū,  
 Veneriosq; seruos, quod isto Prætore fuit nouum genus  
 publicanorum, ceterosq; Decumanos, procuratores istius  
 quæstus, & ministros rapinarum dico fuisse. quomodo  
 hoc doces? quomodo ex locatione illa columnarum docui  
 istum esse prædatum? opinor ex eo maxime, quòd iniquā  
 legem, nouamq; dixisset: quis enim unquam conatus est  
 iura omnia, & consuetudinem omnium commutare cū  
 uituperatione, sine quæstu? pergam, atque insequar.  
 longius. iniqua lege uendebas, quo pluris uenderes.  
 cur, iam addictis, & uenditis decumis, cum iam ad



summam decumarum nihil, ad tuum questum multum posset accedere, subito atq; ex tempore noua nascebantur edicta? nam ut uadimonium Decumano, quocumque is uellet, promitteretur; ut ex area, nisi pactus esset, arator ne tolleretur; Cal. Sext. decumas deportatas haberent: hac omnia, uenditis decumis, anno tertio te edixisse dico. quæ si Reip. causa faceres: in uendendo essent pronuntiata: quia tua causa faciebas, quod erat imprudentia prætermisum, id questu, ac tempore admonitus reprehendisti. illud uero cui probari potest, te sine tuo questu, ac maximo questu, tantam tuam infamiam, tantum capitis tui, fortunarumq; periculum neglexisse? ut, cum totius Siciliae quotidie gemitus, querimoniasq; audires; cum, ut ipse dixisti, reum te fore putares; cum huiusce iudicii discrimen ab opinione tua non abhorreret: paterere tamen aratores indignissimis iniurijs uexari, ac diripi. profecto, quanquam es singulari crudelitate, & audacia: tamē ab te tota alienari prouincia, tot honestissimos tibi inimicissimos fieri nolle, nisi hac rationē, & cogitationē salutis tuæ, pecuniæ cupiditas, ac præsens illa præda superaret. etenim quonia summā, & numerū iniuriarum iudices uobis non possum exponere, sigillatim autem de uniuscuiusq; incommodo dicere infinitum est: genera ipsa iniuriarū, queso, cognoscite. Nympho est. Ceturipinus, homo nauus, & industrius, experientissimus, ac diligentissimus arator. is cum arationes magnas conductas haberet, quod homines etiam locupletes, sicut ille est, in Sicilia facere consueuerunt; easq; magna impēsa, magno in strumento tueretur: tanta ab isto iniquitate oppressus est, ut non modo arationes relinqueret, sed etiam ex Sicilia

profugeret, Romanique cum multis una ab isto eiectis ueniret. fecit, ut Decumanus Nymphonem uocaret ex edicto illo præclaro: quod nullam ad aliam rem, nisi ad huiusmodi quaestus, pertinebat: numerum iugerum professum non esse. Nympho cum se uellet aequo iudicio defendere: iste uiros optimos Recuperatores dat, eundem illum medicum Cornelium (is est Artemidorus Pergamenus), qui in sua patria dux isti quondam, et magister ad despoliandum Dianæ templum fuit) et aruspicem Volusianum, et Valerium præconem. Nympho, antequam placere constitit, condemnatur. quanti, fortasse quaeritis, nulla erat edicti poena certa. frumenti eius omnis, quod in areis esset, sic Apronius Decumanus non decumam debitam, non frumentum remotum, atque celatum, sed tritici septem millia medimnū ex Nymphonis arationibus edicta poena, non redemptionis aliquo iure tollit. Xenonis Meneni, nobilissimi hominis, uxoris fundus erat colono locatus: colonus, quod Decumanorum iniurias ferre non poterat, ex agro profugerat. Verres in Xenonem iudicium dabat illud suum damnatorium de iugerum professione. Xenon ad se pertinere negabat, fundum eum locatum esse dicebat. dabat iste iudiciū, si pateret iugera eiusmodi fundi esse plura, quam colonus esset professus, tum Xenon damnaretur. dicebat ille, non modo non arasse se id, quod in satis erat, sed nec dominum eius esse fundi, nec locatorem; uxorem esse, eam ipsam suum negotium gerere, ipsam locauisse. defendebat Xenonem homo summo splendore, et summa auctoritate præditus M. Cossutius. iste nihilo minus iudiciū HS LXXX dabat. ille tametsi Recuperatores de cohorte latronū sibi parari uide-

bat: tamen iudicium accepturum se esse dicebat. tum iste  
 magna uoce Venerijs imperat, ut Xenonem adirent; dū  
 res iudicaretur, hominem ut asseruarent; cum iudicātū  
 sit, ad se adducant. & illud simul dixit, se non putare il-  
 lum, si propter diuitias pœnas damnationis cōtemneret,  
 etiā uirgas contemnere. hac ille ui, & hoc metu addu-  
 ctus tantum Decumanis, quantū iste imperauit, exoluit.  
 Polemarchus est Murgentinus, uir bonus, atque ho-  
 nestus. is, cum pro iugeribus quinquaginta, medimna  
 D. C. C. decumæ imperarentur, quod recusabat, domūq;  
 ad istum, in ius deductus est: & cum iste etiā cubaret,  
 in cubiculum introductus est: quod, nisi mulieri, & Dē-  
 cumano, patebat aliū nemini. ibi cum pugnis & calcibus  
 concisus esset, qui D. C. C. medimnis decidere noluisset,  
 mille promisit. Eubulides est Grosphus Centuripinus,  
 homo, cum uirtute, et nobilitate domi suæ, tum etiā pe-  
 cunia princeps. huic homini iudices, honestissimæ ciuita-  
 tis honestissimo, non modo frumenti scitote, sed uitæ, &  
 sanguinis tantum relictum esse, quantum Aproniū libi-  
 do tulit: nam ui, malo, plagis adductus est, ut frumenti  
 daret, non quantum haberet, sed quantum cogeretur. So-  
 stratus, & Numenius, & Nymphodorus eiusdem ciuita-  
 tis, cum ex agris tres fratres cōsortes profugissent, q̄ ijs  
 plus frumenti imperabatur, quā quantum exararat:  
 hominibus coactis, in eorum arationes Apronius uenit,  
 omne instrumentum diripuit, familiam abduxit, pecus  
 abegit. postea, cum ad eum Nymphodorus uenisset Aet-  
 nam, & oraret, ut sibi sua restituerentur: hominem cor-  
 ripi, ac suspēdi iussit in oleastro quadam, quæ est arbor  
 iudices in foro. tandiu pepēdit in arbore socius, amicusq;

populi R. in sociorum urbe, ac foro colonus, aratorq; uer-  
 ster, quandiu uoluntas Apronii tulit. Genera iandu-  
 dum innumerabilium iniuriarum iudices singulis nomi-  
 nibus profero: infinitam multitudinem iniuriarum præ-  
 termitto. uos ante oculos, animosq; uestros tota Sicilia  
 Decumanorum hos impetus, aratorum direptiones, hu-  
 ius importunitatem, Apronii regnū proponite. contēpsit  
 Siculos: nō duxit homines: nec ipsos ad persequēdum ue-  
 hementes fore, & uos eorum iniurias leuiter laturos exi-  
 stimauit. esto: falsam de illis habuit opinionē, malam de  
 uobis. uerūtamen cum de Siculis male mereretur, ciues  
 R. coluit, his indulsit, eorū uoluntati & gratia deditus  
 fuit. iste ciues R. at nullus inimicior, aut infestior fuit.  
 mitto uincla, mitto carcerem, mitto uerbera, mitto secu-  
 res, crucem denique illam prætermitto, quam iste ciuibus  
 R. testem humanitatis in eos, ac beneuolentiæ suæ uoluit  
 esse: mitto inquam hæc omnia, atque in aliud dicendi tē-  
 pus reuocio: de decumis, de ciuium R. conditione in aratio-  
 nibus disputo. qui quemadmodum essent accepti iudices,  
 audistis ex ipsis: bona sibi erepta esse dixere. uerum hæc  
 huiusmodi casus affuit. ferenda sunt: nihil ualuisse æ-  
 quitatem, nihil consuetudinem: damna denique iudices  
 nulla tanta sunt, quæ non uiri fortes magno, & libero  
 animo affecti ferenda arbitremur. quid, si equitibus R.  
 non obscuris, neque ignotis, sed honestis, & illustribus  
 manus ab Apronio, isto Prætorē, sine ulla dubitatio-  
 ne afferebantur? quid expectatis? quid à me amplius  
 dicendum putatis? an id agendum, ut eo celerius de  
 isto transigamus, quo maturius ad Apronium possi-  
 mus, id quod ego illi iam in Sicilia pollicitus sum,

uenire? qui C. Matrinium iudices, summa uirtute hominem, summa industria, summa gratia, Leontinis in publico biduum tenuit, atq; ab Apronio iudices, homine in dedecore nato, ad turpitudinem educato, ad verris flagitia, libidinesq; accommodato, equitem R. scitote biduum cibo, teetōq; prohibitum, biduum Leontinis in foro custodis Apronij retentum, atq; seruatum, neq; ante dimissum, quam ad conditiones eius depaētus est. Nam quid ego de Q. Lollio iudices dicam, equite R. spectato, atq; honesto? clara res est, quam dicturus sum, tota Sicilia celeberrima, atq; notissima: qui cum araret in Aetnensi, cum is ager in Apronio cum ceteris agris esset traditus, equestri uetere illa & auctoritate, & gratia fretus affirmavit, se Decumanis plus, quam deberet, non daturū. refertur eius sermo Apronio. enimuero iste ridere, ac mirari Lollium nihil de Matrinio, nihil de ceteris rebus audisse. mittit ad hominem Venerios (hoc quoq; attendite, apparitores à Pratore assignatos habuisse Decumanū: si medio cre argumentū uideri potest, istum Decumanorū nomine ad suos quaestus esse abusum) adducitur à Venerijs, atq; adeo attrahitur Lollius cōmode, cū Apronius è palaestra redisset, & in triclinio, quod in foro Aetna strauerat, decubisset. statuitur Lollius in illo tempestiuo gladiatorū conuiuio. nō mehercule, quā loquor, credere iudices, tametsi uulgo audieram; nisi mecū ipse senex, cum mihi, atq; huic uolūtati accusationis meae lacrymans gratias ageret, summa cū auctoritate esset locutus. statuitur, ut dico, eques R. propè annos LXXXX natus in Apronij cōuiuio, cū interea Apronius caput, atq; os suū unguento perfricaret. quid est Lolli, inquit? tu, nisi malo

coactus, recte facere nescis? homo, quid ageret; taceret, responderet; quid faceret denique; illa auctoritate, et a te prae dictus nesciebat. Apronius interea caenam, ac pocula poscebat. serui autem eius, qui et moribus usdem essent, quibus dominus, et eodem genere, ac loco nati, praeter oculos Lollii haec omnia ferebant. ridere conuiuia, cachinnari ipse Apronius: nisi forte existimatis, cum in uino, ac luxu non risisse, qui nunc in periculo, ac exitio suo risum tenere non possit. ne multa iudices: his concumulus scitote Q. Lollium coactum ad Apronium leges, conditionesque uenisse. Lollius etate, et morbo impediens, ad testimonium dicendum uenire non potuit. quid opus est Lollio? nemo hoc nescit: nemo tuorum amicorum, nemo abs te interrogatus, nunc se primum hoc dicere audire. M. Lollius filius eius, adolescens lectissimus, praesto est: huius uerba auditis. nam Q. Lollius eius filius, qui Calpurnium accusauit, adolescens et bonus, et fortis, et in primis discretus, cum his iniurijs contumeliisque commotus in Siciliam esset profectus, in itinere occisus est. cuius mortis causam fugitiui sustinent: re quidem uera nemo in Sicilia dubitat, quin eo sit occisus, quod habere clausa non potuerit sua consilia de Verre. iste porro non dubitabat, quin is, qui antea alium studio adductus accusasset, sibi aduenienti praesto esset futurus, cum esset patetis iniurijs, et domestico dolore commotus. iam ne intelligitis iudices, quae pestis, quae immanitas in uestra antiquissima, fidelissima, proximaque prouincia uersata sit? iam uidetis, quam ob causam Sicilia tot hominum antea furta, rapinas, iniquitates, ignominiasque perpeffa, non potuerit nouum, ac singulare, atque incredibile genus iniuriarum, contumeliae

rumq; ferre? iam omnes intelligunt, cur uniuersa pro-  
 uincia defensorem suæ salutis eum quæsiuit, cuius iste fi-  
 dei, diligentia, perseneratiæ nulla ratione eripi possit. tot  
 iudicys interfuistis: tot homines nocetes et improbos ac-  
 cusatos & uestra & superiorum memoria scitis esse: ec-  
 quem uidistis, ecquæ audistis in tantis furtis, in tam aper-  
 tis, in tanta audacia, tanta impudentia esse uersatum?  
 Apronius stipatorios Venerios secum habebat: ducebat  
 eos circum ciuitates: publice sibi conuiuia parari, sterni  
 triclinia etiam in foro iubebat, eò uocari homines hone-  
 stissimos, nò solum Siculos, sed etiã equites R. ut, quocum  
 inire cõuiuium nemo unquam, nisi turpis, impurusq; uo-  
 luisset, ad eius cõuiuium spectatissimi, atque honestissimi  
 uiri tenerentur. hæc tu omnium mortalium profligatissi-  
 me, ac perditissime cū scires, cum audires quotidie, cum  
 uideres; si sine tuo maximo quæstu fierent, cum tanto pe-  
 riculo tuo fieri paterere, atq; concederes? & tantū apud  
 te quæstus Apronij, tantum eius sermo inquinatissimus,  
 & blanditiæ flagitiosæ ualuerunt, ut nūquam animum  
 tuum cura tuarum fortunarum, cogitatioq; tangeret?  
 cernitis iudices, quod, & quantum incendium Decuma-  
 norum impetu non solum per agros, sed etiam per reli-  
 quas fortunas aratorum, non solum per bona, sed etiam  
 per iura libertatis, & ciuitatis isto Pratore peruasferit.  
 uidetis pendere alios ex arbore, pulsari autem alios, &  
 uerberari, porro alios in publico custodiri, destitui alios  
 in conuiuio, cõdemnari alios à medico, & præcone Præ-  
 toris, bona tamen interea nihilo minus eorum omnium  
 ex agris auferri, ac diripi. quid est hoc populi R. impe-  
 rium? populi R. leges? iudicia? socij fideles? prouin-



cia suburbana? non ne omnia potius eiusmodi sunt, quæ,  
si Athenio vicisset, in Sicilia non fecisset? non inquam iu-  
dices esset ullam partem istius nequitia fugitiuorum in-  
solentia consecuta. priuatim hoc modo. quid publice? ci-  
uitates quemadmodum tractatæ sunt? audistis. permul-  
ta indicia, & testimonia ciuitatum, & reliquarum au-  
dictis. ac primum de Agyrinensi populo fidei, & illustri  
breuiter cognoscite. Agyrinensis est in primis honesta  
ciuitas Siciliæ, hominū ante hūc Prætozem locupletium,  
summorūq; aratorum. eius agri decumas cum emisset  
idem Apronius, Agyriū uenit. qui cum eò cum apparito  
ribus, idest cum minis, ac uī uenisset, poscere pecuniam  
grādem cœpit, ut accepto lucro discederet. nolle se nego-  
tiū quicquam habere dicebat, sed accepta pecunia quam-  
primum aliam ciuitatem occurrere. sunt homines Siculi  
nō contemnēdi, si per nostros magistratus liceat; sed ho-  
mines & satis fortes, & satis plane frugī, ac sobrii; &  
in primis hæc ciuitas, de qua loquor iudices. itaq; homini  
in primis improbissimo respōdent Agyrinenses, sese decu-  
mas ei, quemadmodū deberent, daturōs, lucrum, cum ille  
magno præsertim emisset, nō addituros. Apronius certio-  
rem facit istum, cuiā res erat, quid rei esset. statim, tanq̃  
cōiuratio aliqua Agyrii contra Remp. facta, aut Lega-  
tus Prætoris pulsatus esset, ita Agyriō magistratus, &  
quinque primi accitū istius euocantur. ueniunt Syracusas:  
præsto est Apronius: ait eos ipsos, qui uenissent, cōtra edi-  
ctum Prætoris fecisse. quærebant, quid? respondebat, se  
ad Recuperatores esse dicturum. iste, æquissimus homo,  
formidinem illam suam miseris Agyrinensibus iniicie-  
bat, Recuperatores se de cohorte sua daturū minabatur.

Agyrinēses uiri fortissimi iudicium se passuros esse dice-  
 bant. ingererat iste Artemidorū medicum Cornelium,  
 pictorem Tlepolemū, et eiusmodi Recuperatores: quo-  
 rum ciuis R. nemo erat, sed Græci sacrilegi, iam pridem  
 improbi, repēte Corneliū. uidebāt Agyrinenses, quicquid  
 ad eos Recuperatores Apronius attulisset, illum per facile  
 probaturum: condemnari cum istius inuidia, infamiaq;  
 malebant, quā ad eius condiciones, pactionesq; accede-  
 re. querebāt, quæ in uerba Recuperatores daret: respon-  
 debat, si pateret aduersus edictum fecisse, quæ in iudicio  
 dicturum esse dicebat. iniquissimis uerbis, improbissimis  
 Recuperatoribus, consiliari malebant, quā quicquam  
 cum isto sua uoluntate decidere. summittebat iste Timar-  
 chidem, qui moneret eos, si scirent, ut transigerent. per-  
 negabant. quid ergo? in singulos HS quinquagenis mil-  
 libus damnari mauultis? malle dicebant. cum iste clare  
 omnibus audiētib; qui damnatus erit, inquit, uirgis ad  
 necem cadetur. hic illi flentes rogare, atque orare cœpe-  
 runt, ut sibi suas segetes, fructusq; omnes, arationesq; uia-  
 cuas Apronio tradere liceret, ut ipsi sine ignominia, mo-  
 lestiaq; discederēt. hac lege iudices decumas uēdidit Ver-  
 res. dicat licet Hortensius, si audet, magno Verrem uen-  
 didisse. hæc conditio fuit isto Prætorē aratorū, ut secum  
 præclare agi arbitrarētur, si uacuos agros Apronio tra-  
 dere liceret: multas enim cruces propositas effugere cu-  
 piebant. quantum Apronius edidisset deberi, tantum ex  
 edicto dandum erat. etiā ne si plus edidisset, quā quan-  
 tum natum esset? etiam. quomodo? magistratus ex ip-  
 sius edicto exigere debebant. at arator repetere poterat.  
 uerum Artemidoro Recuperatore. quid, si minus arator

dedisset, quàm poposcisset Apronius? iudicium in arator-  
rem in quadruplum. ex quo iudicum numero? ex cohorte  
Prætoris, præclara, honestissimorum. quid amplius? mi-  
nus te iugerum professum esse dico: Recuperatores rei-  
ce, quod aduersum edictum feceris. ex quo numero? ex ea-  
dem cohorte. quid erit extremum? si dānatus eris (nam  
dubitatio damnationis illis Recuperatoribus quæ poterat  
esse?) uirgis te ad necem cædi necesse erit. his legibus, his  
conditionibus, erit quisquā tam stultus, qui decumas ue-  
nisse arbitretur? qui aratori nouem partes reliquas fa-  
ctas esse existimet? qui non intelligat istum sibi quæstui,  
prædæquæ habuisse bona, possessiones, fortunas aratorum?  
uirgarum metu Agyrinenses, quod imperatum esset, fa-  
cturos se esse dixerunt. accipite nunc, quid imperarit: et  
dissimulate nos, si potestis, nos intelligere, ipsum Præto-  
rem, quod tota Sicilia perspexerit, redemptorē decumæ-  
rum, atque adeo aratorum dominum, ac regem fuisse. im-  
perat Agyrinensibus, ut decumas ipsi publice accipiant,  
Apronio lucrum dent. si magno emerant: quoniā tu es,  
qui diligentissime pretium exquisisti, qui, ut ais, magno  
uendidisti, quare putabas emptori lucrum addi oportere?  
esto: putabas. quamobrem imperabas, ut adderēt?  
quid est aliud capere, et cōciliare pecunias, in quo te lex  
tenet; si hoc non est, uir, atque imperio cogere inuitos lu-  
crum dare alteri, hoc est pecuniā dare? age, quid tum?  
si Apronio, delicijs Prætoris, lucelli aliquid iussi sunt da-  
re, putate Apronio datum, si Apronianum lucellum, ac  
non Prætoria præda uobis uidebitur. imperas, ut decu-  
mas accipiant, Apronio dene lucrum, tritici medimna  
XXXIII. quid est hoc? una ciuitas ex uno agro ple-

bi Romanæ propè mēstrua cibaria Prætoris imperio donare Apronio cogitur. tu magno decumas uendidisti? cū tantum lucri Decumano sit datum: profecto si pretium exquisisses diligenter, tum, cum uendebas, X medimna potius addidissent, quàm HS D C. postea, magna præda uidetur. audite reliqua, & diligenter attendite, quo minus miremini Siculos re necessaria coactos auxiliū à patronis, à Cōsulibus, ab senatu, ab legibus, à iudicijs petiuisse. ut probaret Apronius hoc triticum, imperat Agyrinēsi-  
bus Verres, uti in medimna singula dentur Apronio HS III. quid est hoc? tanto numero frumētī in lucri nomen imperato, expresso, nummi præterea exiguntur, ut probe-  
tur frumētum? an poterat nō modo Apronius, sed quī-  
uis, exercitui si metiūdum esset, improbare Siculum fru-  
mentum, quod illi ex area, si uellet, admetiri licebat? fru-  
menti tantus numerus imperio tuo datur, & cogitur. nō  
est satis. nūmi præterea imperantur. dantur. parū est. pro  
decumis hordei, alia pecunia cogitur. iubes HS XXX  
lucri dari, ita ab una ciuitate ui, minis, imperio, iniu-  
ridq; Prætoris eripiūtur tritici medimna XXXIII, et  
præterea HS LX. an hæc obscura sunt? aut, si omnes ho-  
mines uelint, obscura esse possunt? quæ tu palam egisti:  
in cōuentu imperasti: omnibus inspectantibus coegisti:  
qua de re Agyrinenses magistratus, & quinqueprimi,  
quos tui quæstus causa euocasti, acta, & imperia tua do-  
mum ad senatum suū renuntiauerunt: quorū renuntia-  
tio legibus illorū, literis publicis mandata est: quorū Le-  
gati homines nobilissimi Romæ sunt, qui hoc idē pro testi-  
monio dixerūt. cognoscite Agyrinēsiū publicas literas,  
deinde testimoniū publicum ciuitatis. Recita literas pu-

blicas. TESTIMONIVM PVBLICVM. ani=  
 maduertistis in hoc testimonio iudices, Apollodorum, cui  
 Pyragri cognomen est, principem suæ ciuitatis lacryman=  
 tem testari, ac dicere, nuquã, post populi R. nomẽ ab Si=  
 culis auditũ, et cognitum, Agyrinenses cõtra quenquam  
 infimum ciuem R. dixisse, aut fecisse quippiã: qui nunc  
 cõtra Pratorem populi R. magnis iniurijs, et magno do=  
 lore publice testimoniũ dicere cogherentur? uni mehercu=  
 le huic ciuitati Verres obsistere tua defensione non potes.  
 tanta auctõritas est in eorum hominũ fidelitate, tantus  
 dolor iniuriæ, tanta religio in testimonio. uerũ non una  
 te, sed uniuersæ similibus afflicta incõmodis, legationi=  
 bus, ac testimonijs publicis persequentur. etenim deinceps  
 uideamus, Herbitensis ciuitas honesta, & antea copiosa,  
 quemadmodũ spoliata ab isto, ac uexata sit. at quorum  
 hominũ? summorũ aratorũ, remotissimorũ à foro, iudi=  
 cys, & cõtrouersijs: quibus parcere, & consulere homo  
 impurissime, & quod genus hominũ studiosissime cõser=  
 uare debuisti. primo anno uenierũt eius agri decumæ tri=  
 tici medimna X VIIII. accensus istius, itẽ minister in de=  
 cumis, cum emisset, & præfecti nomine cũ uenisset Her=  
 bitam cum Venerijs, locusq; ei publice, quò diuerteretur,  
 datus esset: cogũtur Herbitenses ei lucri dare tritici mo=  
 diũ XXXVII millia, cũ decumæ uenissent tritici mo=  
 diũ XV III. atq; hoc triticum lucri cogũtur dare pu=  
 blice, cũ iam priuatim aratores ex agris spoliati, atq; exa=  
 gitati Decumanorũ iniurijs profugissent. anno secũdo cũ  
 emisset Apronius decumas tritici modiũ XXV millibus,  
 & ipse Herbitam cum illa prædonis copia, manuq; ue=  
 nisset: populus publice coactus est ei cõferre lucri tritici

modium XXVI, & accessionem HS MM. de accessio-  
 ne dubito an Apronio ipsi data sit merces operæ, pre-  
 tiumq; impudentiæ. de tritici quidem numero tãto, quis  
 potest dubitare, quin ad istum pradonem frumentariũ,  
 sicut Agyrinẽ se frumentũ, peruenerit? anno uero tertio  
 in hoc agro cõsuetudine usus est regia. solere aiunt bar-  
 baros reges Persarũ, ac Syrorũ plures uxores habere, his  
 autẽ uxoribus ciuitates attribuere, hoc modo: hæc ciui-  
 tas mulieri redimiculum præbeat, hæc in collum, hæc in  
 crines. ita populos habet uniuersos nõ solum cõscios libi-  
 dinis suæ, uerũ etiã administratos. eandẽ istius, qui se Regẽ  
 Siculorũ esse dicebat, licetiã, libidinemq; fuisse cognoscia-  
 te. Aeschionis Syracusani uxor est Pippa, cuius nomen  
 istius nequitia tota Sicilia peruulgatũ est. de qua mulie-  
 re uersus plurimi supra tribunal, & supra Prætoris ca-  
 put scribebãtur. hic Aeschrio Pippæ uir adumbratus, in  
 Herbitensibus decumis nouus instituitur publicanus. Her-  
 bitenses cũ uiderent, si ad Aeschrionem pretium redisset,  
 se ad arbitrium libidinosissimæ mulieris spoliatum iri: li-  
 citi sunt usque eò, quoad se efficere posse arbitrabãtur. su-  
 pra adiecit Aeschrio: neque enim metuebat, ne Pratore  
 Verre decumana mulier dãno affici posset. addicitur me-  
 dimnis MM, dimidio ferè pluris, quàm superiore anno.  
 aratores funditus euertebãtur, & eo magis, q̃ iam supe-  
 rioribus annis exhausti erant, ac penè perdit. intellexit  
 iste ita magno uenisse, ut amplius ab Herbitensibus ex-  
 primi nõ posset. demit de capite medimna DC: iubet in  
 tabulas pro medimnis MMMVIII, referri DMM D  
 & IIII. hordei decumas eiusdem agri Docimus eme-  
 rat, hic est Docimus, qui ad istum deduxerat Tertiam  
 Isidori

Isidori mimi filiam, nū abductam ab Rhodio tibicine. huius Tertia plus etiam, quā Pippa, plus quā cateratū, ac propē dicam tantum apud istum in Siciliensi Pratura auctoritas ualuit, quantum in urbana Chelidonis. ueniūt Herbitam duo Pratoris amuli nō molesti, muliercularum deterrimarum improbissimi cognitores: incipiunt postulare, poscere, minari: non poterant tamen, cum cuperent, Apronium imitari: Siculi Siculos nō tam per timebant. cum omni ratione tamen illi calumniarentur: promittunt Herbitenses uadimonium Syracusas. eoque posteaquam uentum est: coguntur Aescrioni, id est Pippa, dare tantum, quantum erat de capite demptum, tritici modios MMMDC. muliercula publicanae noluit ex decumis nimium lucri dare, ne forte ab nocturno suo quaestu animum ad uectigalia redimenda transferret. transactum putabant Herbitenses, cum iste, quid de hordaeo, inquit, & Docimo amiculo meo? quid cogitatis? at hoc agebat in cubiculo iudices, atque in lectulo suo. negabat illi sibi quicquam esse mandatu. non audio: numerate. HS XV. quid facerent miseri? aut quid recusarent? praesertim cum in lectulo decumanae mulieris uestigia uideret recentia, quibus illum inflā mari ad persequendū intellegebant. ita ciuitas una sociorum, atque amicorū, duabus deterrimis mulierculis Verre Pratore uectigalis fuit. atque ego nunc, eum frumenti numerū, et eas publice pecunias Decumanis ab Herbitensibus datas esse dico. quo illi frumento, & quibus pecuniis tamen a Decumanorū iniurijs ciues suos non redemerunt: perditis enim, & direptis aratorū bonis, haec Decumanis merces dabatur, ut aliquando ex eorū agris, atque ex urbibus abirent. itaque cū



Philinus Herbitensis, homo disertus, & prudens, & domi nobilis, de calamitate aratorum, et de fuga, & de reliquorum paucitate publice diceret: animaduertistis iudices gemitum populi R. cuius frequentia huic causae nunquam defuit. qua de paucitate aratorum alio loco dicā. nunc illud, quod pene praeterij, non omnino relinquendū uidetur. nam per deos immortales, quod de capite ipsi dempsit, quo tandem modo ferendum, uerum etiam animaduertendum uidetur? unus adhuc fuit post Romam conditam (dij immortales faxint, ne sit alter) cui Respublica totam se tradidit, temporibus coacta, & malis domesticis, L. Sylla. hic tantum potuit, ut nemo illo inuito nec bona, nec patriam, nec uitam retinere posset: tantum animi habuit ad audaciam, ut dicere in concione nō dubitaret, bona ciuium R. cum uideret, se praedam suam uendere. eius omnes res gestas nō solum obtinemus, uerum etiam propter malorum, incommodorum, & calamitatum metum publica auctoritate defendimus: unum hoc illius S. C. reprehensum, decretumq; est, ut quibus ille de capite dempsisset, pecunias in ararium referrent. statuit senatus hoc, ne illi quidem esse licitum, cui concesserat omnia, a populo factarum, quaesitarumq; rerum summas imminuere. illum uiris fortissimis iudicauerunt patres conscripti dimittere de summa non potuisse. te mulieri deterri-  
ma recte remisisse senatores iudicabunt: ille, de quo lege populus R. iusserat, ut ipsius uoluntas populo R. esset pro lege, tamen in hoc uno genere ueterum religione legum reprehenditur. tu, qui omnibus legibus implicatus tenebare, libidinem tibi tuam pro lege esse uoluisti? in illo reprehenditur, quod ex ea pecunia remisit, quam ipse quasie-

rat. tibi concedetur, qui de capite uectigalium populi R. remisisti? atq; in hoc genere audaciæ multo etiam impudentius in decumis Segestensium uersatus est. quas cum addixisset eidem illi Docimo, hoc est tritici modium quinq; millia, & accessionem ascripsisset HS MD: coegit Segestenses à Docimo tantidem publice accipere. id quod ex Segestensium publico testimonio cognoscite. Recia testimonium publicum. audistis, quanti decumas acceperit à Docimo ciuitas, tritici modium quinq; millia, & accessionem. cognoscite nunc, quanti se uendidisse retulerit. **LEX DECUMIS VENDUNDIS C. VERRE PR.** hoc nomine uidistis tritici modium, MMM. de capite esse dempta. quæ cū de populi R. uictu, de uectigalium neruis, de sanguine detraxisset ararum: Tertiæ mimæ condonauit. utrum, impudentius à socijs abstulit, an turpius meretrici dedit? an improbius populo R. ademit? an audacius tabulas publicas commutauit? ex horum seueritate te ulla uis; aut ulla largitio eripiet? sed si eripuerit, non intelligit hæc, quæ iandudum loquor, ad aliam quæstionem, atq; ad peculatus iudicium pertinere. itaque hoc mihi reseruabo genus intergrum totum: ad illam, quam institui, causam frumenti, ac decumarum reuertar. qui cum agros maximos, ac feracissimos per se ipsum, hoc est per Apronium Verrem alterum, depopularetur, ad minores ciuitates habebat alios, quos, tanquā canes, immitteret, neq; homines, et improbos, quibus aut frumentum, aut pecuniā publice cogebat dari.

A. Valentinus ē in Sicilia interpres, quo iste interprete nō ad linguā græcā, sed ad furta, et flagitia uiri solebat. fit interpres hic, homo lenis, atq; egēs, repēte Decumanus:

emit agri Liparensis miserī, atque ieiuni decumas tritici medimnis D C. Liparenſes uocantur: ipſi accipere decumas, & numerare Valētio coguntur lucri HS XXX millia. per deos immortales, utrum tibi ſumes ad deſenſionem? tanto ne minoris tibi decumas uendidiffe, ut ad medimna D C, HS XXX millia lucri ſtatim ſua uoluntate ciuitas adderet, hoc eſt tritici medimna II millia: an, cum magno decumas uendidiffe, te expreſſiſſe ab inuitis Liparenſibus hāc pecuniā? ſed quid ego ex te quaero, quid deſenſurus ſis potius, quam cognoscam ex ipſa ciuitate quid geſtum ſit? Recita teſtimonium publicū Liparenſiū: deinde, quē admodum Valētio nūmi ſint dati.

TESTIMONIUM PVBLICVM, QVOMODO SOLVTVM SIT LITERIS PVBLICIS. etiam ne hāc tam parua ciuitas, tā procul à manibus tuis, atq; à conſpectu remota, ſeiuncta à Sicilia, in inſula inculta tenuiq; poſita, cum ſulata alijs tuis maioribus iniurus, in hoc quoq; frumētario genere praeda tibi, & quaſtui fuit? quam tu totam inſulam cuidā tuorum ſodalium, ſicut aliquod munuſculum, condonaras, ab hac etiam hāc frumentaria lucra tāquam à mediterraneis exigebantur? itaq; qui tot annis agellos ſuos ante te Praetorem redimere à piratis ſolebant, ijdē ſe ipſos à te pretio impoſito redemerunt. quid ergo? à Tiſſenſibus, per parua & tenui ciuitate, & aratoribus laborioſiſſimis, frugaliffimiſq; hominibus, non ne plus lucri nomine eripitur, quam quantum frumenti omnino exararāt? ad quos tu Decumanum Diognetum Veneriū miſiſti, nouum genus publicani. cur hoc auctore non Romae ſerui publici ad neceſſigalia accedant? anno ſecundo Tiſſenſis

senses HS XXI lucri dare coguntur inuiti: tertio anno HS MM modium tritici lucri Diogneto Venerio dare coacti sunt. hic Diognetus, qui ex publicis uectigalibus tanta lucra facit, uicarium nullum habet, nihil omnino peculij. uos etiam nunc dubitate, si potestis, utrum tantum numerum tritici Venerius apparitor istius sibi acciperit, an huic exegerit. atque haec ex publico Tiffensium testimonio cognoscite. TESTIMONIUM PUBLI CUM TISSENSIVM. obscure iudices Praetor ipse Decumanus est? cum eius apparitores frumentum à ciuitatibus exigant, pecunias imperent, aliquanto plus ipsi auferant, quam quantum populo R. decumarum nomine daturi sunt. haec aquitas in tuo imperio fuit, haec Praetoris dignitas, ut seruos Venerios Siculorum dominos esse uelles. hic delectus, hoc discrimen te Praetore fuit, ut aratores in seruorum numero essent, serui in publicanorum.

Quid Amestratini miseri, impositis ita magnis decumis, ut ipsis reliqui nihil fieret: non ne tamen numerare pecunias coacti sunt? addicuntur decumae M. Casio, cum adessent legati Amestratini. statim cogitur Heraclius Legatus numerare HS XXII. quid hoc est? quae est ista praeda? quae uis? quae direptio sociorum? si erat Heraclio ab senatu mandatum, ut emeret: emisset, si non erat: qui poterat sua sponte pecuniam numerare? Casio renuntiat se dedisse. cognoscite renuntiationem ex literis. Recita ex literis publicis. quo. S. C. erat hoc Legato permisum? nullo. cur fecit? coactus est. quis hoc dicit? tota ciuitas. Recita testimonium publicum. ab hac eadem ciuitate anno secundo simili ratione extortam esse pecuniam, & Sex. Vennonio datam, ex eodem testimonio co-

gnouistis. at Amestratinos homines tenues, cū eorum decumas med. D C C C uendidisses: Banobali Venerio (cognoscite nomina publicanorum) cogis eos plus lucri addere, q̄ quanti uenierant, cum magno uenissent. dant Banobali med. D C C C, HS, M D. profecto nunquā iste tam amens fuisset, ut ex agro populi R. plus frumenti seruo Venerio, quā Pratori tribui pateretur, nisi omnis ea praeda serui nomine ad istū ipsum perueniret. Petri ni, cum eorum decumæ magno addictæ essent, tamē inuitissimi P. Neuio Turpioni improbissimo homini, qui iniuriarum Sacerdote Pratore damnatus est, HS VII dare coacti sunt. ita ne dissolute decumas uendidisti, ut, cum medimnū XV millibus uenissent, hoc est HS XXXXV, ut lucri Decumano HS MMM darētur, at permagno decumas eius agri uēdidi. uidelicet gloria tur nō Turpioni lucrū datum, sed Petrinis pecuniæ erepta. Quid Halicyenses, quorū incolæ decumas dāt, ipsi agros immunes habent: non ne huic eidem Turpioni, cū decumæ C. med. uenissent, HS XV dare coacti sunt? si id, quod maxime uis, posses probare, hæc ad Decumanos lucra uenisse, nihil te attigisse: tamē hæc pecunia per uim atq; iniuriam tuam capta, & conciliata, tibi fraudi, & damnationi esse deberent. cum uero hoc nemini persuadere possis, te tam amentem fuisse, ut Apronium, ac Turpionem seruos homines, tuo, liberorūmq; tuorum periculo diuites fieri uelles: dubitaturum quēq; existimas, quin illis emissarijs hæc tibi omnis pecunia quæ sita sit? Segestā item ad immunem ciuitatem Venerius Symmachus Decumanus immititur: is ab isto literas affert, ut sibi cōtra iura omnia, contrāq; legem Rupiliam, extra forum na-

dimonium promittant aratores. audite literas, quas ad Segestanos miserit. LITERAE C. VERRIS. hic Venerius quemadmodum aratores eluserit, ex una parte hominis honesti, gratiosiq; cognoscite: in eodem enim genere sunt cetera. Diocles est Panormitanus, Rhimes cognomine, homo illustris, ac nobilis arator. is agrum in Segestano (nam commercium in eo agro Panormitanis est) conductum habebat HS sex millibus. pro decuma cum pulsatus à Venerio esset, dedit HS sexdecim millia, & DCLIII. id ex tabulis ipsius cognoscite. NOMEN DIOCLIS PANORMITANI. huic eidem Symmacho Annetus Brochus senator, homo eo splendore, ea uirtute, qua omnes existimatis, nummos prater frumentum coactus est dare. Venerio ne seruo te Praetore talis uir, senator populi R. quæstui fuit? hunc ordinem, si dignitate antecellere non existimabas, ne hoc quidem sciebas, iudicare? antea, cum equester ordo iudicaret, improbi & rapaces magistratus in prouincijs inserviebant publicanis, ornabant eos, quicunque in operis erant: quemcunque equitem R. in prouincia uiderant, beneficijs, ac liberalitate prosequerantur: neque tantum illa res nocentibus proderat, quantum obfuit multis, cum aliquid contra utilitatem eius ordinis, uoluntatemq; fecissent. retinebatur hoc tum nescio quo modo quasi communi consilio ab illis diligenter, ut, qui unum equitem R. contumelia dignum putasset, ab uniuerso ordine male dignus iudicaretur. tu sic ordinem senatorium despectisti, sic ad iniurias libidinesq; tuas omnia coæquasti, sic habuisti statutum cum animo, ac deliberatū;

omnes, qui habitarent in Sicilia, aut qui Siciliam te Præ-  
tore attigissent, iudices reuocare? ut illud non cogitares, ta-  
men ad elusum ordinis homines te iudices esse uenturum?  
in quibus, si ex ipsorum domestico incommodo nullus do-  
lor insideret, tamen esset illa cogitatio, in alterius iniuria  
se se despectos, dignitatemque ordinis contemptam, & abie-  
ctam, quod mehercule iudices mihi non mediocriter fe-  
rendum uidetur: habet enim quendam aculeum contu-  
melia, quem pati prudentes, ac uiri boni difficillime pos-  
sunt. spoliasti Siculos: solent. n. inulti esse in iniurijs suis  
provinciales. uexasti negotiatores: inuiti enim Romam ra-  
roque decedunt: equitem R. ad Apronij iniurias dedisti:  
quid enim iam nocere possunt, quibus non licet iudicare?  
quid, cum senatores summis iniurijs afficis? quid aliud di-  
cis, nisi hoc? cedo mihi etiam istum senatorem: ut hoc am-  
plissimum nomen senatorum non modo ad inuidiam im-  
peritorum, sed etiam ad contumeliam improborum natum  
esse uideatur. neque hoc in uno fecit Anneio, sed in omni-  
bus senatoribus, ut ordinis nomen non tantum ad hono-  
rem, quantum ad ignominiam ualeret. in C. Cassio, uiro  
clarissimo, & fortissimo, cum is eo ipso tempore, primo  
istius anno Cos. esset, tanta improbitate usus est, ut, cum  
eius uxor femina primaria paternas haberet arationes  
in Leontino, frumentum omne in decumas auferre iusse-  
rit. hunc tu in hac causa testem Verres habebis, quoniam,  
iudicem ne haberes, prouidisti. uos autem iudices putare  
debetis, esse quiddam nobis inter nos commune, atque con-  
iunctum. multa sunt imposita huic ordini munera, mul-  
ti labores, multa pericula, non solum legum, ac iudicio-  
rum, sed etiam rumorum, ac temporum. sic est hic ordo



quasi propositus, atque editus in altum, ut ab omnibus  
uentis inuidia circumflari posse uideatur. in hac misera,  
& indigna conditione uitæ ne hoc quidem retinebimus  
iudices, ut magistratibus nostris, in obtinendo iure nostro,  
ne contemptissimi, ac despectissimi esse uideamur? Ther-  
mitani miserunt, qui decumas emerent agri sui. magni  
sua putabant interesse, publice potius quamuis magno  
emi, quàm in aliquem istius emissarium incidere. apposi-  
tus erat Venuleius quidam, qui emeret. is liceri non desti-  
tit. illi, quoad uidebatur ferri aliquo modo posse, conten-  
derunt: postremo liceri destiterunt. addicitur Venuleio  
tritici mod. VII C. Legatus Possidorus renuntiat. cum  
omnibus hoc intolerandum uideretur, tamen Venuleio  
datur, ne accedat, tritici mod. VI. præterea HS MM mil-  
lia. ex quo facile apparet, quæ merces Decumani, quæ  
Prætoris præda esse uideatur. cedo Thermitanorum mi-  
hi literas, et testimonium. TABVLAE THERMI-  
TANQRVM, ET TESTIMONIUM. Im-  
charense iam omni frumento ablato, iam omnibus in-  
iurijs tuis exinanitos, tributum ferre miseros, ac perdi-  
tos coegisti, ut Apronio darét HS XX millia. recita de-  
cretum de tributis, & publicum testimonium. S. C. DE  
TRIBUTO CONFERENDO. TESTI-  
MONIUM IMACHARENSIVM. En-  
nenses, cum decumæ uenissent agri Ennensis medimnū  
MMM CC, Apronio coacti sunt dare tritici mod.  
LXX MMM, & HS III millia: quæso attendite  
quantus numerus frumenti cogatur ex omni agro de-  
cumano. nam per omnes ciuitates, quæ decumas debent,  
percurrit oratio mea: & in hoc genere nunc iudices uer-

sor, in quo non sigillatim aratores euerſi bonis omnibus  
 ſunt, ſed quæ publice Decumaniſ lucra data ſunt, ut ali-  
 quando ex eorum agris, atque urbibus expleti, atq; ſatu-  
 rati cum hoc cumulo quaſtus decederent. Calatinis  
 quomobrem imperaſti anno tertio, ut decumas agri ſui,  
 quas Calate dare conſueuerant, Ameſtrati M. Cæſio De-  
 cumano darent? quod neq; ante te Pratorē illi fecerunt,  
 neq; tu ipſe hoc ita ſtatueras antea per biennium. Theo-  
 mnæſtus Syracuſanus in agrum Muticenſem cur abſ te  
 immiſſus eſt? qui aratores ita uexauit, ut illi in alteras  
 decumas, id quod in alijs quoq; ciuitatibus oſtendam, tri-  
 ticum emere neceſſario propter inopiam cogerentur.  
 Iam uero ex Hyblenſium pactionibus intelligetis, quæ pa-  
 ctæ ſint cum Decumano Cn. Sergio, ſexies tantum, quam  
 quantum ſatum ſit, ablatum eſſe ab aratoribus. Reci-  
 ta ſationes & pactiones ex literis publicis. recita ex lite-  
 ris publicis. Cognoscite pactiones Menenoriū cum Ve-  
 nerio ſeruo. Recita ex literis publicis, cognoscite itē pro-  
 feſſiones ſationum, & pactiones Menenorum. Recita ex  
 literis publicis. Patiemiſi iudices, à ſocys, ab aratori-  
 bus populi R. ab ijs, qui uobis laborāt, uobis ſeruiunt, qui  
 ita plebem Romanam ab ſeſe ali uolunt, ut ſibi, ac liberis  
 ſuis tantum ſuperſit, quo ipſi ali poſſint; ab his per ſum-  
 mam iniuriam, per ſummas contumelias plus aliquanto  
 ablatum eſſe, quam natum ſit? ſentio iudices moderan-  
 dum mihi eſſe iam orationi meæ, fugiendamq; ueſtram  
 ſatietatem: non uerſabor in uno genere diutius, & ita  
 cetera de oratione mea tollam, ut in cauſa relinquam.  
 audietis Agrigentiniſ fortiffimorum uiſorum, dili-  
 gentiffimorumq; querimonias: cognoscetis iudices En-

tellinorum summi laboris, summaq; industria, dolorem  
 & iniurias: Heraclensium, Iciliensium, Aethensium, So-  
 lentinorum incommoda proferentur: Catinensium locu-  
 pletissimorum hominum, amicissimorumq; agros uexa-  
 tos ab Apronio cognoscetis. Tyndaritanam nobilissimam  
 ciuitatem, Cephaleditanam, Halentinam, Apolloniens-  
 sem, Eggynam, Capitinā perditas esse hac iniquitate De-  
 cumanorum intelligetis: Murgentinis, Assorinis, Elorin-  
 nis, Ennensibus, Lerinis nihil omnino relictum: Ciratari-  
 nos, Acherinos, paruorum ciuitatum homines omnino  
 abiectos esse, ac perditos: omnes denique agros decuma-  
 nos per triennium populo R. ex parte decumae, C. Verri  
 ex omni reliquo uectigales fuisse: & plerisq; aratori-  
 bus nihil omnino super fuisse: quibus quod tum aut re-  
 missum, aut relictum sit, id fuisse tantum, quantum ex eo,  
 quo istius auaritia cōtenta fuit, redundare. duarum mi-  
 hi ciuitatum reliquos feci agros iudices ferē optimos, ac  
 nobilissimos, Aetnensiu, & Leontinoru. horum agrorum  
 ego missos faciam quastus triennij: unam annum eli-  
 gam, quo facilius id, quod institui, explicare possim. sua-  
 mam annum tertium, q̄ & recentissimus est, & ab isto  
 ita administratus, ut, cum se certe decessurū uideret, non  
 laboraret, si aratorē nullum in Sicilia omnino esset reli-  
 ctus.agri Aetnensis, & Leontini decumae agemus. at-  
 tendite iudices diligēter. agri sunt feraces, annus tertius,  
 Decumanus Apronius. de Aetnensibus per pauca dicam:  
 dixerunt enim ipsi priore actione publice: memoria  
 tenetis, Artemidorum Aetnensem, Legationis eius prin-  
 cipem, publice dicere, Apronium uenisse Aetnam cum  
 Veneris, uocasse ad se magistratum, imperasse, ut

in foro sibi medio lecti sternerentur : quotidie solitū esse non modo in publico, sed etiā de publico conuiuari: cum in eis cōuiuijs symphonia caneret, maximiq; poculis ministraretur, retinere solitum esse aratores, atq; ab ijs non modo per iniuriam, sed etiam per cōtumeliam tantum exprimi frumenti, quantum Apronius imperasset. audistis hæc iudices : quæ nunc ego omnia prætereo, ac relinquo. nihil de luxuria Aproni loquor, nihil de insolentia, nihil de singulari nequitia, ac turpitudine : tantum de quæstu, ac lucro dicam unius agri, et unius anni, quo facilius uos coniecturam de triennio, et de tota Sicilia facere possitis. sed mihi Aetnensium breuis est oratio : ipsi enim uenerūt : ipsi publicas literas deportarunt: docuerunt uos, quid lucelli fecerit homo nō malus, familiaris Prætoris, Apronius. id quæso ex ipsorū testimonio cognoscite. Recita testimoniū Aetnensium. quid ais ? dic, dic quæso clarius, ut populus R. de suis uectigalibus, de suis aratoribus, de suis socijs, atque amicis audiat. L. M E D I M N A. per deos immortales. unus ager uno anno CCC millia mod. tritici, et præterea L. millia lucri dat Apronio? tanto ne minoris decumæ uenierunt, q̄ fuerunt: an, cum satis magno uenissent, hic tantus tamen frumētī, pecuniæq; numerus ab aratoribus per uim ablati est ? utrum enim horum dixeris, in eo culpa, et crimen hæret. nam illud quidem nō dices : quod utinam dicas : ad Aproniū non peruenisse tantum. ita te nō modo publicis tenebo, sed etiā priuatis aratorū pactionibus, ac literis : ut intelligas nō te diligentiores in faciēdis furtis fuisse, quàm me in deprehendendis. hoc tu feres ? hoc quisquam defender ? hoc hi, si aliter de te statuere uoluerint, sustine-

nebunt? uno aduentu, ex uno agro Q. Apronium, præter eam, quam dixi, pecuniam numeratam, CCC millia mod. tritici lucri nomine sustulisse? quid? hoc Actnenses soli dicunt? immo etiam Centuripini, qui agri Actnensis multo maximam partem possident. quorum Legatis, hominibus nobilissimis, Androni, et Arthemoni senatus ea mandata dedit, quæ publice ad civitatem ipsorum pertinebant. de iis iniurijs, quas ciues Centuripini non in suis, sed in aliorum finibus acceperunt, senatus & populus Ceturipinus Legatos noluit mittere: ipsi aratores Ceturipini, qui numerus est in Sicilia maximus, honestissimorum, & locupletissimorum, tres Legatos ciues suos delegerunt, ut eorum testimonio non unius agri, sed prope totius Siciliae calamitates cognoscere: arant enim tota Sicilia fere Ceturipini: et hoc in te grauiore, certioreque testes sunt, quod ceteræ civitates suis solum incommodis commouetur, Centuripini, quod in omnibus fere finibus habent possessiones, etiam ceterarum civitatum damna, ac detrimenta senserunt. verum, ut dixi, ratio certa est Actnensium, & publicis, & privatis literis consignata mea diligentia. pensum magis in Leontino agro est exigendum, propter hanc causam, quod ipsi Leontini publice non sane me multum adiuvērunt: neque enim eos isto Pratore hæc Decumanorum iniuriæ læserunt, potius etiam adiuvērunt. mirum fortasse hoc vobis, aut incredibile videatur, in tantis aratorum incommodis Leontinos, qui principes rei frumentariæ fuerunt, expertes incommodorum, atque iniuriarum fuisse. hoc causæ est iudices, quod in agro Leontino, præter unam Mnasisstrati familiam, glebam Leontinorum possidet nemo, itaque Mnasisstrati hominis honestissimi, atque opti-

mi viri testimonium iudices audietis: ceteros Leontinos, quibus non modo Apronius in agris, sed ne tēpestas quīdem ulla nocere potuit, expectare nolite: etenim nō modo incōmodi nihil ceperunt, sed etiam in Apronianis illis rapinis, in quāstu sunt, compendioq; uersati. quapropter, quoniā me Leontina ciuitas, atq; Legatio propter eā, quā dixi, causam defecit: mihi met ineunda ratio, et uia reperienda est, qua ad Apronii quāstum, siue adeo qua ad istius ingētem immanemq; praeda possim peruenire. agri Leontini decumae anno tertio uenerunt tritici medimnis XXXVI, hoc est tritici mod. CCXVI, magno iudices, magno: neq; enim hoc possum negare: itaq; necesse est, aut damnum, aut certe non magnum lucrū fecisse Decumanū: hoc enim solet, usu uenire is, qui magno redemerūt, quid, si ostēdo in hac una emptione lucrī fieri tritici modios C? quid, si CC? quid, si CCCC? dubitabitis etiam, cui ista tanta praeda quāsitā sit? iniquū me esse quispiam dicet, qui ex lucrī magnitudine cōiecturam faciā furti, atq; praeda. quid, si doceo iudices, eos, qui CCCC millia mod. lucrī faciūt, damnum facturos fuisse, si, ut tua iniquitas fuit, ex cohorte Recuperatores non intercederent: num quis poterit in tanto lucro, tantaq; iniquitate dubitare, quā propter iniquitatē tam magnos quāstus feceris, propter magnitudinē quāstus improbus esse uolueris? quomodo igitur hoc assequar iudices, ut sciā, lucrī quantum factum sit? nō ex Apronii tabulis, quas ego cum cōquirērem, nō inueni: et cū in ius ipsum eduxi, expressi ut, cōficere tabulas se, negaret. si mētiebatur: quamobrem remouebat, si hae tabulae nihil tibi erāt ob futurae? si omnino nullas confecerat literas: ne id quī-

dem satis significabat, illum nō suum negotium gessisse? ea est enim ratio decumarū, ut sine plurimis literis confici non possit: singula enim nomina aratorum, & cum singulis pactiones decumarū, literis persequi, & cōficere necesse est. iugera professi sunt aratores omnes imperio, atq; inscripto tuo. nō opinor quenquam minus esse professum, q̄ quātum arasset, cum tot cruces, tot iudicia, tot ex cohorte Recuperatores proponerētur. in iugere Leontini agri medimnum ferē tritici seritur, perpetua, atque æquabili satione: ager efficit, cum oētauo bene ut agatur: uerū, ut omnes dii adiuuēt, cū decimo. quod siquādo accidit, tum fit, ut tantum decumæ sit, quātum seueris, hoc est, ut, quot iugera sunt sata, totidē medimna decumæ debeantur, hoc cum ita esset: primū illud dico, pluribus millibus medimnū uenisse decumas agri Leontini, quā, quot millia iugerum sata erant in agro Leontino. quod si fieri nō poterat, ut plus quā decem medimna ex iugere ararent; medimnū autem ex iugere Decumano dari poterat, cum ager, id quod perraro euenit, cum decimo extulisset; quæ erat ratio Decumani, siquidem decumæ, ac non bona ueniebant aratorū, ut pluribus aliquanto medimnis decumas emeret, quā iugera erant sata? in Leontino iugerum subscriptio, ac professio non est plus XXX, decumæ XXXXV I medimnum uenerunt. errauit, an potius insaniuit Apronius? immo tum insaniisset, si aratoribus, quod deberēt, licitum esset, & non, quod Apronius imperasset, necesse fuisset dare. si ostendo minus tribus medimnis in iugerū neminē dedisse decumæ: concedes opinor, ut cum decimo fructus arationis perceptus sit, neminem minus tribus decumis



dedisse. atque hoc in beneficij loco petitum est ab Apronio, ut iugera singula ternis medimnis decidere liceret. nā cum à multis quaterna, etiam quina exigerentur; multis autem nō solum granum ullum, sed ne palea quidem ex omni fructu, atq; ex annuo labore relinquerentur: tum aratores Centuripini, qui numerus in agro Leontie no maximus est, unum in locum conuenerunt, hominem suæ ciuitatis in primis honestum, ac nobilem Andronem Centuripinum legarunt ad Apronium, eundem, quē hoc tempore ad hoc iudiciū Legatū et testem Centuripina ciuitas misit; ut is apud eum causam aratorum ageret, ab eoq; peteret, ut ab aratoribus Centuripinis ne amplius in iugera singula, quā terna medimna exigeret. hoc uix ab Apronio in summo beneficio, pro ijs qui etiam tum incolumes erāt, impetratum est. id cum impetrabatur, hoc uidelicet impetrabatur, ut pro singulis decumis ternas decumas dare liceret. quod si tua res non ageretur, à te potius postularēt, ne amplius quā singulas, quā ab Apronio, ut ne plus, quā ternas decumas darent. nunc, ut hoc tempore ea, quæ regie, seu potius tyrannice statuit in aratores Apronius, prætermittam, neq; eos appellem, à quibus omne frumentum eripuit, & quibus nihil nō modo de fructu, sed ne de bonis quidem suis reliqui fecit: ex his ternis medimnis (quod beneficij gratiæq; causa cōcessit) quid lucri fiat, cognoscite. professio est agri Leontini ad iugera XXX mil. hæc sunt ad tritici medimna XC idest tritici mod. D XL millia. deductis tritici mod. CCXVI quanti decumæ uenierunt, reliqua tritici CCCXXIIII. adde totius summæ D XL millia mod. tres quinquagesimas, idest tritici mod. XXXII  
CCCC.

CCCC. ab omnibus enim ternæ, præterea quinquagesimæ exigebantur. sunt hæc iam ad HS CCCXL mod. tritici. at ego CCCC lucri facta esse dixeram: non enim duco in hac ratione eos, quibus ternis medimnis non est licitum decidere. uerum ut hac ipsa ratione summā mei promissi cōpleam, ad singula medimna multi HS duo, multi HS quinq; accessionis cogeantur dare: qui mini mū, singulos nummos. hoc minimū ut sequamur, quoniā XC medimnas duximus: accedant eō nouo, pessimoq; exemplo ad HS XC mil. hic mihi etiam dicere audebit, magno se decumas uendidisse, cum ex eodem agro, dimidio plus abstulerit, q̄ populo R. miserit. CCXVI decumas agri Leontini uendidisti: si ex lege, magno: si, ut lex esset libido tua, paruo: si, ut, quæ dimidia essent, decumæ uocaretur, paruo uendidisti: multo enim pluris fructus annui Siciliæ uenire potuerunt, si id te senatus, aut populus R. facere uoluisset: etenim sæpe decumæ tanti ueniunt, cum lege Hieronica uenirent, quanti nunc lege Verrea ueniunt. cedo mihi C. Norbani decumas uenditas C. NORBANI DECUMAE VENDITAE AGRI LEONTINI. atq; tum neq; iudicium de modo iugerum dabatur: neq; enim erat Artemidorus Cornelius Recuperator: neq; ab aratore magistratus Siculus tantum exigebat, quātum Decumanus ediderat: nec beneficium petebatur à Decumano, ut in iugera singula ternis medimnis decidere liceret: nec nummorum accessionem cgebatur arator dare, nec ternas quinquagesimas frumenti addere: et tamen populo R. magnus frumenti numerus mittebatur. quid uero istæ sibi quinquagesimæ? quid porro nummorum accessio-

nes uolunt? quo id iure, atq; adeo quo id potius ore feci-  
 sti? nummos dabat arator. quomodo? aut unde? qui, si lar-  
 gissimus esse uellet, cumulatione mensura ueretur, ut an-  
 tea solebant facere in decumis, cum æqua lege, & condi-  
 tione ueniebant. is nummum dabat. unde? de frumento?  
 quasi habuisset te Prætor quod uederet. de uiuo igitur  
 erat aliquid refecandum, ut esset, unde Apronio ad illos  
 fructus arationum hoc corollarium nummorum adde-  
 retur. iam id porro utrum libentes, an inuiti dabant? li-  
 bentes? amabant credo Apronium. inuiti? qua re, nisi ui,  
 & malo cogebatur? iam iste homo amentissimus in uen-  
 dundis decumis nummorum faciebat accessiones ad sin-  
 gulas decumas: neq; multum, bina aut terna millia adde-  
 bat. fiunt per triennium HS fortasse D millia. hoc neq;  
 exemplo cuiusquam, neq; ullo iure fecit: neq; eam pecu-  
 niam retulit: neq; hoc paruum crimen quemadmodum  
 defensurus sit, homo quisquam unquam excogitauit. quod  
 cum ita sit: audes dicere te magno decumas uendidisse?  
 cum sit perspicuum, te bona, fortunâq; aratorum, non  
 populi R. sed tui quæstus causa uendidisse. ut, si quis uil-  
 licus ex fundo, cui HS dena merces esset, excisis arbori-  
 bus, ac uenditis, demptis tegulis, instrumento, pecore ab-  
 alienato, domino. XX millia nummū pro X miserit,  
 sibi alia præterea centū confecerit: primo dominus igna-  
 rus incommodi sui gaudeat, uillicoq; delectetur, quod tã-  
 to sibi plus mercedis ex fundo refectum sit; deinde cum  
 audierit, eas res, quibus fundi fructus, & cultura conti-  
 nentur, amotas, & uenditas, summo supplicio, uillicum  
 afficiat, & secum male actum putet: item populus R. cū  
 audiat pluris decumas uendidisse C. Verrem, quàm inno-

centissimum hominē, cui iste successit, C. Sacerdotem, putat se bonum in arationibus, fructibusq; suis habuisse cūstodem, ac uillicum: cum senserit istum omne instrumentum aratorum, omnia subsidia uectigalium uendidisse, omnem spem posteritatis auaritia sua sustulisse, arationes, & agros uectigales uastasse, atq; exinanisse, ipsum maximos quæstus, prædasq; fecisse, intelliget secum actū esse pessime, istum autem summo supplicio dignum existimabit. unde ergo hoc intelligi potest? ex hoc maxime, q̃ ager decumanus prouinciæ Siciliae propter istius auaritiā desertus est. neq; id solum actum est, uti hi minus multis iugis arent, si qui in agris remāserunt; sed etiam, ut permulti locupletes homines, magni, et naui aratores agros latos, ac fertiles desererent, totasq; arationes derelinquerent. id adeo sciri facillime potest ex literis publicis ciuitatum: propterea q̃ lege Hieronica numerus aratorū quotannis apud magistratus publice subscribitur.

Recita tandem, quot acceperit aratores agri Leontini Verres. OCTVAGINTA TRES. quot anno tertio profiteantur. TRIGINTA DVO. unum & quinquaginta aratores ita uideo deiectos, ut his ne uicarij quidem successerint. quot aratores adueniente te fuerunt agri Muticēsis, uideamus ex literis publicis. CENTVM OCTVAGINTA OCTO. quid? anno tertio? CENTVM ET VNVS. octuaginta septē aratores unus ager istius iniuria desiderat, atq; adeo nostra Resp. quoniam illa populi R. uectigalia sunt, hūc tot patrū familias numerū desiderat, et reposcit. ager Herbitēsis primo anno habuit aratores ducētos quinquaginta septē, tertio centū uiginti. hinc cētū triginta septē patres fa-

milias extorres profugerūt. Agyrinensis, ager quorū ho=  
 minum? q̄ honestorum? quā locupletū? ducentos quin=  
 quaginta aratores habuit primo anno Praturæ tuæ. qd  
 tertio anno? octuaginta, quemadmodū Legatos Agyri=  
 nenses recitare ex publicis literis audistis pro dij immor=  
 tales, si ex provincia tota centum septuaginta eiecisses,  
 posses ne seueris iudiciis saluus esses? unus ager Agyri=  
 nensis centum septuaginta aratoribus inanior cum sit,  
 uos coniecturam totius provinciae non facietis? atq; hoc  
 peræque in omni agro decumano reperietis: quibus ali=  
 quid tamen reliqui fuerit ex magno patrimonio, eos in  
 agris minore instrumēto, minus multis iugis, minores re=  
 mansisse, quod metuebant, si recessissent, ne reliquas for=  
 tunas omnes amitterent: quibus autem iste nihil reliquū,  
 quod perderent, fecerat, eos planē non solum ex agris,  
 uerum ex ciuitatibus suis profugisse. illi ipsi, qui reman=  
 serant, uix decuma pars aratorū, relicturi agros omnes  
 erant, nisi ad eos Metellus Roma literas misisset, decumas  
 lege Hieronica uenditurum; & nisi ab ijs hoc petuisset,  
 ut sererent quamplurimum: quod illi semper sua causa  
 fecerant, cum eos nemo rogaret, quandiu intelligebant  
 sese sibi, & populo R. non Verri, & Apronio serere, im=  
 pendere, laborare. iam uero si Sicularum fortunas negli=  
 gitis, si, quemadmodum socij populi R. a magistratibus  
 nostris tractentur, non laboratis: at uos communem po=  
 puli R. causam suscipite, atq; defendite. eiec̄tos aratores  
 esse dico: agros uectigales uexatos, atq; exinanitos a Ver=  
 re: populatam, uexatamq; provinciam: hæc omnia doceo  
 ciuitatum, & priuatis primariorum uirorū testimonijs.  
 quid uultis amplius? num expectatis, dum L. Metellus, is,

qui multos in istū testes imperio, & potestate deterruit, idē absens de istius scelere, improbitate, audacia testimonium dicat? non, opinor. at is optime, qui successit isti, potuit cognoscere. ita est, uerum amicitia impeditur. at debet nos certiores facere, quo pacto se habeat prouincia. debet, uerū tamen non cogitur. num quis in Verrem L. Metelli testimonium requirit? nemo. num quis postulat? non, opinor. quid, si testimonio L. Metelli, ac literis hæc omnia uera esse docebo? quid dicetis? utrum, Metellum falsum scribere, an amicum ledendi esse cupidum? an Praetorem, quemadmodum prouincia affecta sit, nescire? Recita literas L. Metelli, quas ad Cn. Pompeiū, et M. Crassum Coss. quas ad M. Mūnium Præt. quas ad Quæstores Urbis misit. EPISTOLA L. METELLI. DE CVMAS FRUMENTI LEGE HIERONICA VENDIDI. cum scribit se lege Hieronica uendidisse, quid scribit? ita se uendidisse, ut omnes præter Verre. cū scribit lege Hieronica uendidisse, qd scribit? se, per istum erepta, Siculis maiorū nostrorum beneficia, ius ipsorū, conditionē societatis, amicitia, fœderū reddidisse. dicit, quāti cuiusq; agri decumas uendiderit. deinde quid scribit? Recita de epistola reliqua. SUMMA DATA EST OPERA A ME, UT QUAM PLVRIMO DECUMAS VENDEREM. cur igitur Metelle non ita magno uendidisti? quia desertas arationes, inanes agros, prouinciā miserā, perditamq; offendi. quid? id ipsum, quod satū est, qua ratione quisq; qui sereret, inuētus est? Recita literas. ait se misisse, & cōfirmasse, suā interposuisse auctoritatē. tantū quod aratoribus Metellus obſides nō dedit, se in nulla re Verri simi

lem futurū. at quid est tandē, in quo se laborasse dicat?  
 Recita. VT ARATORES, QVI RELIQVI  
 ERANT, QUAMPLVRIMVM SERE=  
 RENT. qui reliqui? quid hoc est? reliqui, quo ex bello?  
 qua ex uasitate? quā in Sicilia tanta clades, aut quod  
 bellū tam diuturnum, tam calamitosum te Pratore uer=  
 satum est, ut is, qui tibi successerit, reliquos aratores colle=  
 gisse, & recreasse uideatur? cum bellis Carthaginensibus  
 Sicilia uexata est, & post nostram, patrumq; memoriā  
 cum bis in ea prouincia magnæ fugitiuorum copię uer=  
 sata sint: tamen aratorum internicio facta nulla est. tū  
 semente prohibita, aut messe amissa, fructus annuus in=  
 teribat: tamē incolumis numerus manebat dominorum,  
 atq; aratorum. tum qui M. Leuino, aut P. Rupilio, aut  
 M. Aquilio Pratoribus in eam prouinciam successerant,  
 aratores reliquos non colligebant. tanto ne plus Verres  
 cum Apronio prouinciæ Siciliæ calamitatis importauit,  
 quā aut Hasdrubal cum Pœnorū exercitu, aut Athe=  
 nio cum fugitiuorum maximis copijs, ut temporibus il=  
 lis, simul atq; hostis superatus eēt, ager araretur omnis,  
 neq; aratori Prator per literas supplicaret, neq; eū præ=  
 sens oraret, ut quamplurimum sereret: nunc autem ne  
 post abitum quidem huius importunissimæ pestis quis=  
 quam reperiretur, qui sua uoluntate araret? pauci essent  
 reliqui, qui L. Metelli auctoritate in agros, atq; ad suum  
 larem familiarem redirent? his te literis homo audacissi=  
 me atq; amentissime iugulatum sentis? nō uides, cum is,  
 qui tibi successit, aratores reliquos appeller, hoc eū diser=  
 te scribere, reliquos hos esse, nō ex bello, neq; ex aliqua hu=  
 iusmodi calamitate, sed ex tuo scelere, importunitate, a=



uauitia, crudelitate? Recita cetera. TAMEN PRO  
 EO, VT ET TEMPORIS DIFFICVL-  
 TAS, ARATORVM QVE PENVRIA TV-  
 LIT. aratorum, inquit, penuria. si ego accusator toties  
 de re eadem dicerem, uererer ne animos uestros offende-  
 rem iudices. clamat Metellus: Nisi literas misissem: nō est  
 satis: Nisi presens confirmassem: ne id quidem satis est. Re-  
 liquos, inquit, aratores. reliquos? propē lugubri uerbo ca-  
 lamitatem prouinciæ Siciliæ significat. addit: Aratorum  
 penuria. expectate etiam iudices, si potestis, auēloritatem  
 accusationis meæ. dico aratores istius auaritia eiectos: scri-  
 bit Metellus reliquos ab se esse cōfirmatos. dico agros re-  
 liēctos, arationesq; desertas esse: scribit Metellus aratorum  
 esse penuriam. hoc cum scribit, illud ostēdit, deiectos, eie-  
 ctos, fortunis omnibus expulsos esse populi R. socios, atq;  
 amicos. quibus siqua calamitas propter istum saluis ue-  
 tīgālibus nostris accidisset: animaduertere in eum uos  
 oportebat, præsertim cum ea lege iudicaretis, quæ so-  
 ciorum causa esset constituta. cum uero perditis, pro-  
 figatisq; socijs ueētīgālia populi R. sint diminuta, res  
 frumentaria, commeatus, copiae, salus urbis, atque  
 exercituum nostrorum in posteritatem istius auaritia  
 interijt: saltem commoda uestra respicite, si socijs fide-  
 lissimis prospicere non laboratis. Atque ut intelligatis  
 ab isto præ lucro, prædāq; præsentī nec ueētīgālium, nec  
 posteritatis habitam esse rationem: cognoscite, quid ad  
 extremum scribat Metellus. in reliquum tempus ait se  
 ueētīgālibus prospexisse. non scriberet se ueētīgāli-  
 bus prospexisse, nisi hoc uellet ostendere, te ueētī-  
 galia perdidisse: quid enim erat, quod ueētīgālibus

prospiceret Metellus in decumis, & in tota re frumenta-  
 ria, si iste non uectigalia populi R. suo quaestu peruertis-  
 set: atq; ipse Metellus, qui uectigalibus prospicit, qui reli-  
 quos aratores colligit, quid assequitur, nisi hoc? ut arent;  
 si qui possunt, quibus aratru saltem aliquod satelles istius  
 Apronius reliquum fecit: qui tamē in agris spe, atq; ex-  
 pectatione Metelli remanserunt. quid ceteri Siculi? quid  
 ille maximus numerus aratorum, qui nō modo ex agris  
 eiekti sunt, sed etiam ex ciuitatibus suis, ex prouincia, de-  
 niq; bonis, fortunisq; omnibus ereptis profugerunt: qua  
 ratione ij reuocabuntur? quot Pratorum innocentia, sa-  
 pientiaq; opus est, ut illa aratorum multitudo aliquan-  
 do in suis agris, ac sedibus collocetur? ac ne miremini tan-  
 tam multitudinem profugisse, quantam ex literis publi-  
 cis, aratorumq; professionibus cognouistis: scitote tātā  
 acerbicatem istius, tantum scelus in aratores fuisse (incre-  
 dibile dictu est iudices: sed & factu, & tota Sicilia per-  
 uulgatum) ut homines propter iniurias, licentiamq; De-  
 cumanorum mortem sibi ipsi consciuerint. Centuripinu  
 Dioclem, hominem locupletem, suspendisse se constat, quo  
 die sit ei nuntiatum Apronium decumas redemisse. Dyr-  
 rachinum primum ciuitatis eadem ratione mortem op-  
 petisse, dixit apud uos homo nobilissimus Archonidas E-  
 lorinus, cum audisset tantum Decumanu professum esse  
 ex edicto istius sibi deberi, quantum ille bonis suis omni-  
 bus efficere nō posset. hęc tu, tametsi omnium hominum  
 dissolutissimus, crudelissimusq; semper fuisti, tamen nun-  
 quam perpeterere, quod illi gemitus, luctusq; prouinciae  
 ad tui capitis periculum pertinebant, non inquam perpe-  
 terere, ut homines iniuriæ tuæ remedium morte, ac su-

spendio quaererent, nisi ea res ad quaestum, & ad praedam tuam pertineret. quid? illud perpeterere? attendite iudices; omnibus enim nervis mihi cōtendēdum est, atq; in hoc laborandum, ut omnes intelligant, quā improbam, quā manifestam, quā confessam rē pecunia redimere contentur. graue crimen est hoc, & uehemens, & post hominum memoriam, iudiciaq; de pecunijs repetundis cōstituta grauiissimum, Praetorem populi R. socios habuisse Decumanos. nō hoc nunc primum audit priuatus de inimico, reus ab accusatore: iam antea in sella sedens, Prator, cum prouinciā Siciliam obtineret, cū ab omnibus nō solum id, quod cōmune est, propter imperium, sed etiam id, quod istius prācipuū est, propter crudelitatem metueretur; milles audiuit, cum eius animū ad persequendū non negligentia tardaret, sed cōscientia sceleris, auaritiāq; suā frenaret: loquebātur enim Decumani palam, & prāter ceteros is, qui apud istum plurimū poterat, maximosq; agros populabatur, Apronius: per paruū ex illis magnis lucris ad sese peruenire, Praetorem esse socium. hoc cū palam Decumani tota prouincia loquerentur, tuumq; nomē in re tam turpi, nefariaq; interponerent: nihil ne tibi uenit in mētem existimationi tuae consulere? nihil deniq; capiti, ac fortunis tuis providere? cū tui nominis terror in auribus, animisq; aratorum uersaretur; cum Decumani aratoribus ad pāctiones faciendas non suam uim, sed tuū scelus, ac nomen opponerent: ecquod iudiciū Romae tam dissolutum, tam perditū, tam nummarium fore putasti, quo ex iudicio te ulla salus seruare posset? cum planū fieret, decumis contra instituta, legis, cōsuetudinemq; omniū uenditis, in aratorum bonis

fortunisq; diripiēdis Decumanos dictitasse tuas esse par-  
 tes, tuam rem, tuā prædam, idq; te tacuisse, & cum dissi-  
 mulare non posses, potuisse tamen perpeti, & perferre,  
 quod magnitudo lucri obscuraret periculi magnitudi-  
 nem, plusq; aliquanto apud te pecunie cupiditas, quam  
 iudicij metus posset. esto: cetera negare non potes. ne  
 illud quidem tibi reliquum fecisti, ut hoc posses dicere,  
 nihil eorum te audisse, nihil ad tuas aures de infamia  
 tua peruenisse. querebantur cum luctu, & gemitu ara-  
 tores. tu id nesciebas? fremebat tota provincia. nemo  
 id tibi renuntiabat? Romæ querimonia de tuis iniurijs,  
 conuentusq; habebantur. ignorabas hæc? ignorabas hæc  
 omnia? quid? cum palam Syracusis te audiente, maxi-  
 mo conuentu, P. Rubrius Q. Apronium sponsione la-  
 cessiuit, ni Apronius dictitaret, te sibi in decumis esse so-  
 cium, hæc te uox non perculit? non perturbauit? non,  
 ut capiti, et fortunis tuis prospiceres, excitauit? tacuisti,  
 sedasti etiā lites illorū: & sponsio illa ne fieret, laborasti.  
 prò dij immortales, hoc aut innocēs homo perpeti potuis-  
 set, aut, quis nocēs, qui modo iudicia Romæ fore putaret,  
 nō aliqua se simulatione existimationi hominū uindicas-  
 set? quid est hoc? spōsio fit de capite, ac fortunis tuis: tu  
 sedes? & quiescis? nō persequeris? nō perseueras? nō  
 perquiris, cui dixerit Apronius? quis audierit? unde hoc  
 natum? quemadmodū prolatū sit? si quis tibi ad aurem  
 accessisset, & dixisset Aproniū dictitare, te sibi esse sociū:  
 cōmoueri te oportuit, uocare Aproniū, nec illum ante ti-  
 bi satisfacere, q̄ tu omniū existimationi satisfacisses. cum  
 uero in foro celeberrimo, tanta frequētia, hoc uerbo, &  
 simulatione Apronio, re uera tibi obiectum esset: tu un-

quam tantam plagam tacitus accipere potuisses, nisi hoc ita statuisses, in re tã manifesta, quicquid dixisses, te detestari esse facturum? Quæstores, Legatos, Præfectos suos, Tribunos multi missos fecerunt, et de prouincia decedere iusserunt, quòd eorum culpa se minus cõmode audire arbitrarentur, aut q̃ peccare illos aliqua in re iudicarent. tu Apronium, hominem uix liberum, cõtaminatum, perditum, flagitiosum, qui nõ modo animum integrum, sed ne animam quidem puram conseruare potuisset, cum in tanto tuo dedecore profecto ne uerbo quidẽ grauiore appellasses, neq; apud te tã sancta religio societatis fuisset, ut tui capitis periculum negligeres, nisi rem tam notam esse omnibus, et tam manifestam uideres. cum eodem Apronio postea P. Scandilius eques R. quem uos omnes nostis, eandem sponsonem de societate fecit, quam Rubrius facere uoluerat. institit, oppressit, nõ remisit: facta est sponso HS V mil. cepit Scandilius Recuperatores, aut iudicem postulare. satis ne uobis Prætori improbo circumdati cæcelli uidetur in sua prouincia, immo uero in sella, ac tribunali, ut aut de suo capite iudiciũ fieri patiatur præsens, ac sedens, aut cõfiteatur se omnibus iudicijs cõuinci necesse esse? spõsio est, ni te Apronius in decumis sociũ esse dicat: prouincia tua est: ades: abs te iudiciũ postulatur. quid facis? quid decernis? Recuperatores dicis te daturũ. bene agis. tametsi qui erunt tãtis ceruicibus Recuperatores, qui audeant in prouincia, cũ Prætor adsit, nõ solum cõtra uoluntatem eius, sed etiã cõtra fortunas iudicare? uerũ esto, manifesta res est: cũ nemo esset, quin hoc se audisse liquido diceret; locupletissimus quisq; certissimus testis esset: nemo erat Sicilia tota, qui

nesciret decumas esse Prætoris nemo, qui non audisset, ita Apronium dictitasse. præterea conuentus honestus Syracusus, multi equites R. uiri primarij, ex qua copia Recuperatores reijci oporteret, qui aliter iudicare nullo modo possent. instat Scandilius poscere Recuperatores. tum iste homo innocens, qui illam suspicionē leuare, atq; ab se remouere cuperet, Recuperatores dicit se de cohorte sua daturum. pro deū hominumq; fidem, quem ego accuso? in quo meam industriā, ac diligentiam spectari uolo? quid est, quod ego dicendo, aut cogitando efficere, aut assequi debeam? teneo in medijs uectigalibus populi R. in ipsis fructibus provinciae Sicilia furem manifesto auertentem rem frumentariam omnem, pecuniam maximam: teneo inquam ita, ut negare non possit: nam quid hic dicet? sponsio facta est cum cognitore tuo Apronio de fortunis tuis omnibus, ni sociū tibi in decumis esse dictitaret. expectant omnes, quāta tibi ea res curae sit, quemadmodum hominū existimationi te, atq; innocentiam tuam probari uelis. hic tu medicū, & aruspicem, et præconem tuum Recuperatores dabis? aut etiam illum ipsum, quē tu in cohorte tua Cassianum iudicem habebas, si qua res maior esset, Papiriū Potamonem, hominem seuerum, ex uetere illa equestri disciplina. Scandilius postulare de cōuentu Recuperatores. tum iste negat se de existimatione sua cuiquā, nisi suis cōmissurum. negotiatores putāt esse turpe, id forum sibi iniquum eiurare, ubi negotientur. Prætor provinciam suam totam sibi iniquā eiurat. ò impudentiam singularem. hic postulat se Romæ absolui, qui in sua provincia iudicauit se absolui nullo modo posse, qui plus existimet apud lectissimos senatores pecuniam, q̄

apud tres negotiatores metū ualere. Scandilius uero negat sese apud Artemidorum Recuperatorem uerbū esse facturum, & tamen auget, atq; onerat te bonis cōditionibus, si tu uti uelis. si ex provincia Sicilia tota statuas idoneū iudicem, aut Recuperatorem nullum posse reperiri, postulat à te, ut Romā reiciās. hic enim uero tu exclamas, hominem improbū, qui postulet ibi de tua existimatione iudiciū fieri, ubi te inuidiosum esse intelligebat: negas te Romam reiecturum: negas de cōuentu Recuperatores daturū, cohortem tuā proponis, Scandilius rem se totam relicturū dicit, & suo tempore esse rediturum. quid tu ibi tum? quid facis? Scādiliū cogis: quid? sponsonem acceptam facere? impudenter tollis expectatum existimationis tuæ iudiciū. non facis. quid ergo? Apronio permittis, ut, quos uelit, de cohorte sumat Recuperatores? indignū, uni potius ex iniquis sumendi, quàm utrisq; ex æquis reijciendi fieri potestatem. neutrum facis eorum. quid ergo? est aliquid, quod improbius fieri potest: cogit enim Scandiliū quinq; illa millia nummū dare, atq; adnumerare Apronio. quid potuit elegātius facere Prætor cupidus existimationis bonæ, qui ab sese omnē sufficionē propulsaret, qui se eripere ex infamia cuperet? adductus erat in sermonem, inuidiam, uituperationem: dictitabat homo improbus, atq; impurus Apronius, socium esse Prætores: uenerat res in iudicium, atq; discrimen: potestas erat isti homini integro, atq; innocenti data, ut, in Apronium cum animaduertisset, sese grauissima leuaret infamia. quid excogitat pœnæ? quid animaduersionis in Apronium? cogit Scandilium Apronio ob singularem improbitatem, atq; audaciam, prædicationemq; nefaria



societatis, <sup>HS</sup> V millia mercedis nomine, ac præmij dare.  
 quid interfuit homo audacissime, utrum hoc decerneres,  
 an id, quod Apronius dictitabat, tu de te proferres, ac di-  
 ctitares? quem hominem, si quis pudor in te, atq; adeo  
 si quis metus fuisset, sine supplicio dimittere nõ debuisti,  
 hunc abs te sine præmio discedere noluisti. omnia simul  
 intelligere potuistis iudices ex hoc uno crimine Scandi-  
 liano: primum, hoc non esse Romæ natum de societate  
 decumarum, non ab accusatore fictum, non, ut solemus  
 interdum in defensionibus dicere, crimen domesticum, ac  
 uernaculum, non ex tempore periculi tui cõstitutum, sed  
 uetus, excogitatũ iam, & te Prætore iactatum, & nõ ab  
 inimicis Romæ cõpositum, sed Romam de prouincia ex-  
 portatum. simul intelligi potest illud istius in Apronium  
 studium, Apronij de isto nõ modo cõfessio, uerum etiam  
 cõmemoratio. eodem accedit, quòd hoc quoq; intelligere  
 potestis, istum statuisse in prouincia sua, existimationis  
 suæ iudicium extra cohortem suam cõmittendum fuisse  
 nemini. ecquis est iudex, cui non ab initio decumani cri-  
 minis persuasum sit, istum in aratorũ bona, fortunãq;  
 impetũ fecisse? quis hoc non ex eo statim iudicauit, quod  
 ostendi, istum decumas noua lege, atque adeo nulla lege,  
 contra omnium cõsuetudinem, atq; instituta uendidisse?  
 uerum, ut istos ego iudices tam seueros, tam diligentes,  
 tam religiosos nõ haberem, ecquis est, ex iniuriarum ma-  
 gnitudine, improbitate decretorũ, iudiciorum iniquitate  
 qui hoc non iandudũ statuerit, & iudicarit? etiam sanẽ,  
 sit aliquis dissolutior in iudicando, legum, officij, Reip. so-  
 ciorum, atq; amicorum negligentior. quid is? possit ne de  
 istius improbitate dubitare, cum tanta lucra facta, tam

iniquas pactiones ui, & metu expressas cognouerit? cum tanta præmia, ciuitates ui, atq; imperio, uirgarū, ac mortis metu nō modo Apronio, atq; eius similibus, uerū etiā Venerijs seruis dare coactas? q̄ si quis sociorū incōmodis minus mouetur; si quem aratorū fugæ, calamitates, exilia, suspēdia deniq; nō permouent: nō possum dubitare, quin is tamē, cum uastatā Siciliā, relictos agros ex ciuitatū literis, & epistola L. Metelli cognouerit, statuatur fieri nō posse, ut de isto nō seuerissime iudicetur. erit etiā aliquis, qui hæc omnia dissimulare, ac negligere possit. attuli spōsiones ipso præsente factas de decumarum societate, ab ipso prohibitas iudicari. quid est, quod posset quisq̄ manifestius hoc desiderare? nō dubito, quin uobis satisfecerim iud. uerūtamen progrediar longius: nō me hercule quo magis hoc uobis persuadeatur, q̄ iam persuasum esse cōfido: sed ut ille aliquādo impudentiæ suæ finem faciat, aliquādo desinat, ea se putare posse emere, quæ ipse semper habuit uenalia, fidē, iusiurandū, ueritatem, officiū, religionem; desinant amici eius ea dictitare, quæ detrimento, maculæ, inuidiæ, infamiæ nobis omnibus esse possint. at qui amici? ò miserum, atque inuidiosum, offensumq; paucorum culpa, atque indignitate ordinem senatorium. Albam Aemilium sedentem in faucibus macelli loqui palam, uicisse Verrem, emptos habere iudices, alium HS CCCC millibus, alium HS D; quem minimo, CCC? atq; ei cum responsum esset, fieri non posse, multos testes esse dicturos, me præterea cauere non defuturum: licet hercules, inquit, omnes omnia dicant: in illo nisi ita res manifesta erit allata, ut responderi nihil possit, uicimus. bene agis Alba: ad tuam

ueniam conditionem, nihil putas ualere in iudicijs coniecturam, nihil suspicionem, nihil anteaclae uitae existimationem, nihil bonorum uirorum testimonia, nihil ciuitatum auctoritates, ac testimonia, literas manifestas quaeris. non quero iudices Cassianos, ueterem iudiciorum seueritatem non requiro: uestram in hoc fidem, dignitatem, religionem in iudicando non imploro: Albam habeo iudicem, eum hominem, qui se ipse scurram improbissimum existimari uult, qui a scurris potius semper gladiator, quam scurra appellatus sit. afferam rem eiusmodi in decumis, ut Alba fateatur, istum in re frumentaria, & in bonis aratorum aperte, palamque esse praedatum.

Decumas agri Leontini magno dicit se uendidisse. ostendi iam illud initio, non existimandum magno uendidisse eum, qui uerbo decumas uendiderit, re, & conditione, & lege, & edicto, et licentia Decumanorum decumas aratoribus nullas reliquas fecerit. etiam illud ostendi, uendidisse alios magno decumas agri Leontini, caterorumque agrorum, & lege Hieronica uendidisse, & pluris etiam, quam te, uendidisse, nec aratorem quenquam esse questum: nec enim fuit quod quisquam queri posset, cum lege aequissime scripta uenirent. neque illud unquam aratoris inter fuit, quanti decumae uenirent: non enim ita est, ut, si magno uenierint, plus arator debeat, si paruo, minus. ut frumenta nata sunt, ita decumae ueneunt. aratoris autem interest, ita se frumenta habere, ut decumae quamplurimo uenire possint. dum arator ne plus decuma det, expedit ei decumam esse quam maximam. uerum hoc, ut opinor, esse uis caput defensionis tuae, magno te decumas uendidisse, agri uero Leontini, qui plurimum efficit, tritici mod. CCVI millibus

millibus. si doceo, pluris aliquanto potuisse te uedere, neque his uoluisse addicere, qui contra Apronium liceret, et Apronio multo minoris, quam alijs potueris, tradidisse: si hoc doceo, poterit ne te Alba, tuus antiquissimus non solum amicus, uerum etiam amator, absolueret? dico equitem R. hominem in primis honestum, Q. Minutium cum sui similibus, ad decumas agri Leontini tritici mod. non M, non MM, non MMM, sed ad unas unius agri decumas tritici mod. XXX uoluisse addere, et ei potestatem emendi non esse factam, ne res abiret ab Apronio. negare hoc, nisi forte negare omnia constituisti; nullo modo potes. palam res gesta est, maximo conuentu, Syracusis: testis est tota prouincia, propterea quod undique ad emendas decumas solent eo conuenire. quod siue fateris, siue conuinceris: quot et quam maximis in rebus tenere, non uides? primum tuam rem illam, et praedam fuisse: nam nisi ita esset, cur tu Apronium malebas, quem omnes tuum procurare in decumis negotium loquebantur, quam Minutium decumas agri Leontini sumere? deinde immensum, atque infinitum lucrum esse factum: nam si DXXX mod. tritici tu commotus non esses, certe hoc idem lucri Minutius Apronio libenter dedisset. si ille accipere uoluisset. quantam igitur illi spem praedae propositae arbitramur fuisse, qui tantum praesens lucrum nulla opera insumpta contempserit, atque despexerit? deinde ipse Minutius nunquam tanti habere uoluisset, si decumas tu lege Hieronica uenderes: sed quod tuis nouis edictis, et iniquissimis institutis plus aliquanto se, quam decumas ablatum uidebat, ideo longius progressus est. at Apronio semper plus etiam multo abs te permissum est, quam quod

edixeras. quātum igitur quāstū putāmus factū esse per eum, cui quidvis licitū sit; cum tantum lucri uoluerit addere is, cui, si decumas emisset, idem non liceret? postremo illa quidem certe tibi prācisa defensio est, in qua tu semper omnia tua fūrta, atq; flagitia latere posse arbitratus es: magno te decumas uendidisse, plebi R. consuluisse, annonae prospexisse. non potest hoc dicere is, qui negare non potest, se unius agri decumas XXX mod. minoris q̄ potuerit, uendidisse. ut etiam, si tibi hoc concedam, Minutio ideo te nō tradidisse, q̄ iam addixisses Apronio (aiunt enim te ita dictitare: quod ego expecto, tu pioq; te illud defendere) uerum ut ita sit: tamen non potes hoc quasi prāclarum aliquid prādicare, magno te decumas uēdidisse, cum fuisse fateare, qui multo pluris uoluerint emere. tenetur igitur iam iudices, & manifesto tenetur auaritia, cupiditas hominis, scelus, improbitas, audacia. quid, si haec, quae dico, ipsius amici, defensoresq; iudicarunt? quid uultis amplius? aduentu L. Metelli Praetoris, cum omnes eius comites iste sibi suo illo panchresto medicamēto amicos redemisset, aditum est ad Metellum: eductus est Apronius: eduxit uir primarius C. Gallius senator: à L. Metello, ut ex edicto suo iudiciū daret in Apronium, quod per uim, aut metum abstulisset; quā formulam Octauianam & Romae Metellus habuerat, & habebat in prouinciā; non impetrat, cum hoc diceret Metellus, praēiudiciū se de capite C. Verris per hoc iudiciū nolle fieri. tota Metelli cohors, hominum non ingratorū, aderat Apronio. C. Gallius, homo nostri ordinis, à suo familiarissimo L. Metello iudiciū ex edicto non potest impetrare. non reprehēdo Metellum. pepercit homini amī-

co, & quemadmodum ipsam dicere audiui, necessario non reprehendo inquam Metellum: sed hoc miror, quomodo, de quo homine præiudicium noluerit fieri per Recuperatores, de hoc ipso non modo præiudicari, uerum grauissime, ac uehementissime iudicari: primum enim, si Apronium absolutum iri putaret, nihil erat, quod ul- lum præiudicium uereretur: deinde, si, condemnato Apronio, coniunctam cum eo Verris causam omnes erant existimaturi, Metellus quidem certe iam hoc iudicabat, eorum rem, causamq; esse coniunctam, qui statuerit, Apronio condemnato, de isto præiudicium futurum. & si mul una res utrique rei est argumento: & aratores ui, & metu coactos Apronio multo plus, quam debuerint, dedisse: & Apronium istius rem suo nomine egisse, cum L. Metellus statuerit, non posse Apronium condemnari, quin simul de istius scelere, atque improbitate iudicaretur. Venio nunc ad epistolam Timarchidis, liberti istius, & accensi, de qua cum dixero, totum hoc crimē de- cumanum perorabo. hæc epistola est iudices, quam nos Syracusis in ædibus Apronii, cum literas cōquireremus, inuenimus. missa est, ut ipsa significat, ex itinere, cum Verres iam de prouincia decessisset, Timarchidis manu scripta. Recita epistolam Timarchidis. TIMARCHI DES VERRIS ACCENSUS APRONIO SALVTEM DICIT. iam hoc quidem nō reprehendo, quod ascripsit, accensus: cur enim sibi hoc scribæ soli sumant? L. Papius scriba. uolo ego hoc esse commune accensorum, liētorum, uiatorum. FAC DILIGENTIAM ADHIBEAS, QVOD AD EXISTIMATIONEM

AA ij

PRAETORIS ATTINET. cōmendat Apronio Verrem, & hortatur ut inimicis eius resistat. bono praesidio munitur existimatio tua, siquidem in Apronii constituitur diligentia, atque auctoritate. HABES VIRTUTEM, ATQVE ELOQVENTIAM. q̄ copiose laudatur Apronius à Timarchide? q̄ magnifice? cui ego nō putem illum placere oportere, qui tantopere Timarchidi probatus sit? HABES, SVM PTVM VNDE FACIAS. necesse est, quod redundaret de uestro frumentario quaestu, ad illum potissimum, per quē agebatis, defluxisse. SCRIBAS, APPARITORES RECENTES ARRIPE: CVM L. VVLTEIO, QVI PLVRIMVM POTEST, CAEDE, CONCIDE. uidete, q̄ ualde malitiae suae cōfidat Timarchides, qui etiam Apronio improbitatis praecepta det. iam hoc, caede, concide, non uerba domo patroni depromere uidetur ad omne genus nequitiae accommodata? VOLO MIHI FRATERCVLO TVO CREDAS. consortei quidē in lucris, atq; furtis, gemino, et simillimo nequitia, improbitate, audacia, IN COHORTE CHARVS HABEARE. quid est hoc, in cohorte? quod pertinet? Apronium doces? quid in uestram cohortem te monitorē, an sua sponte peruenerat? QVOD CUIQVE OPVS SIT, OPPONE. qua impudentia putatis eum in dominatione fuisse, qui in fuga tā improbus sit? ait, omnia pecunia effici posse: dare, profundere, opponere, si uelis uincere. non hoc mihi tam molestum est Apronio suadere Timarchidem, quàm quod hoc idē patrono suo praecipit. TE POSTVLANTE



OMNES VINCERE SOLENT. Verre quidem Pratore, non Sacerdote, non Peduceo, non ipso Metello. SCIS METELLVM SAPIENTEM ESSE. hoc uero ferri iam nō potest, irrideri uiri optimi L. Metelli ingenium, & contemni, ac despicī a fugitiuo Timarchide. SI VVLTEIUM HABEBIS, OMNIA LVDIBVNDVS PERFICIES. hic uehementer errat Timarchides, qui aut Vulteium pecunia corrumpi putet posse, aut Metellum unius arbitratu gerere Praturam. sed errauit coniectura domestica; quia multos per se, & per alios multa ludibundos libidine apud Verrem effecisse uidit. ad omnes, eosdem patre aditus arbitrabatur. facilius uos efficiebatis ludibundi quae uolebatis a Verre, quod multa eius ludorum genera noratis. INCVLCA TVM EST METELLO ET VVLTEIO, TE ARATORES EVERTISSE. quis istuc Apronio attribuebat, cum aratorem aliquem euerterat? aut Timarchidi, cum ob iudicandum, aut decernendum, aut imperandum aliquid, aut remittendum pecuniam acceperat? aut Sestio licetori, cum aliquem innocentem securi percusserat? nemo. omne ei Verri tunc attribuebant, quem nunc condemnari uolunt. OBTVDERVNT EIVS. AVRES, TE SOCIVM PRAETORIS FVISSE. uides ne hoc quā clarum sit, & fuerit? cum etiam Timarchides hoc metuat: concedes, non hoc crimen nos in te confingere, sed iam pridem ad crimen aliquam defensionem libertum quaerere? libertus, & accensus tuus, & tibi, ac liberis tuis omnibus in rebus coniunctus, ac proximus, ad Apronium scribit, uulgo esse ab omnibus ita

demonstratum Metello, tibi Apronium in decumis sociū  
fuisse. FAC SCIAT IMPROBITATEM  
ARATORVM. IPSI SVDABVNT, SI  
DII VOLENT. quod istuc per deos immortales,  
aut qua de causa excitatum esse dicamus in aratores tā  
infectum odium, atq; tantum? quantam iniuriam fece=  
runt Verri aratores, ut eos etiam libertus, & accensus  
eius tam irato animo, his literis insequatur? neq; ego hu=  
ius fugitiui iudices epistolam vobis recitassem, nisi ut ex  
ea totius familiæ præcepta, & instituta, & disciplinam  
cognosceretis. videtis, ut moneat Aproniū, quibus rebus,  
ac muneribus insinuet in familiaritatem Metelli, Vulte=  
ium corrumpat? scribas, accensumq; pretio deliniat? ea  
præcipit, quæ vidit: ea monet alienū hominem, quæ do=  
mi didicit ipse. verum in hoc errat uno, q̄ easdem existi=  
mat vias ad omnium familiaritates esse munitas. quan=  
quam merito sum iratus Metello: tamen hæc, quæ vera  
sunt, dicam. Apronius ipsum Metellū non pretio, ut Ver=  
rem, non conuiuio, non muliere, nō sermone incauto, at=  
que improbo posset corrumpere. quibus rebus nō sensim,  
atq; moderate ad istius amicitiam arripserat, sed breui  
tempore totum hominem, totamq; eius Præturā posse=  
derat. cohortē autem Metelli quā uocat, quid erat quod  
corrumpere? ex qua Recuperatores nulli dabantur. nā  
quod scribit Metelli filium puerum esse, uehementer er=  
rat: nō enim ad omnes Prætorū filios idem aditus sunt.  
o. Timarchide, Metelli est filius in prouincia, non puer;  
sed adolescens bonus, ac pudens, dignus illo loco, ac nomi=  
ne. noster ille puer prætextatus in prouincia quemadmo=  
dum fuisset, non dicerem, si pueri esse illa culpam, ac non

patris existimarem. tu ne, cum te, ac tuam vitam nosses, in Siciliam tecum grandem prae-textatum filium ducebas? ut etiam si natura puerum à paternis vitis, atq; à generis similitudine abduceret, consuetudo tamen eū, & disciplina degenerare non sineret: fac enim fuisse in isto C. Læly, M. Catonis materiem, atq; indolem: quid ex eo boni sperari, atque effici potest, qui in patris luxurie sic uixerit, ut nullum unquam pudicum, neq; sobrium conuiuium uiderit? qui in epulis quotidianis adulta etate per triennium inter impudicas mulieres, & intemperantes uiros uersatus sit? nihil unquam à patre audiuit, quo pudentior, aut melior esset? nihil unquam patrem agere uidit, quod cum imitatus esset, non, id quod turpissimū est, similis patri putaretur? quibus in rebus non solum filio, uerū etiam Reip. fecisti iniuriam: susceperas enim liberos nō solum tibi, sed etiam patriæ, qui non modo tibi uoluptati, sed etiam qui aliquādo usui Reip. esse possent. eos instituere, atq; erudire ad maiorum instituta, atque ciuitatis disciplinam, non ad tuas turpitudines debuisti. esset inertis, atq; impuro, & improbo parente nauius, & pudens, & probus filius: haberet aliquid abs te Resp. muneris. nunc pro te Verrem substituiisti alterū ciuitati: nisi hoc forte deterior est, si fieri potest, q̃ tu eiusmodi euasisti non in hominis luxuriosi, sed tantum in furis, ac diuisoris disciplina educatus. quid isto festinius fore arbitramur, qui est tuus natura filius, consuetudine discipulus, uoluntate similis? quem ego iudices quamuis bonum, fortemq; facile paterer euadere: nō enim me inimicitiae commouent, si quæ mihi cum isto futura sint: nā si in omnibus rebus innoceās fuero, meiq; similis, quid

mihi istius inimicitia nocebunt: si aliqua in re Verri si-  
 milis fuero, non magis mihi deerit inimicus, quàm Ver-  
 ri defuit: etenim iudices eiusmodi Resp. debet esse, et erit,  
 severitate iudiciorum constituta, ut inimicus neq; deesse  
 nocenti possit, neq; obesse innocenti. quapropter nulla res  
 est, quamobrem ego istum nolim ex paternis probris, ac  
 vitis emergere: id quod tametsi isti difficile est, tamen  
 haud scio an fieri possit, praesertim si (ut nunc fit) custo-  
 des amicorum cum sectabuntur, quoniam pater tam ne-  
 gligens, ac dissolutus est. uerum huc longius, quàm uolu-  
 tas fuit, ab epistola Timarchidis digressa est oratio mea,  
 qua recitata, conclusurum me esse crimen decumarum  
 dixerā: ex quo intellexistis, innumerabilem frumenti nu-  
 merum per triēnium auersum à Rep. esse, abreptumq;  
 aratoribus. sequitur, ut de frumento empto uos iudices  
 doceam, maximo, atq; impudentissimo furto: de quo dū  
 certa, & pauca, & magna dicam breuiter, attendite.  
 Frumentum emere in Sicilia debuit Verres ex S. C. et ex  
 lege Terentia, & Cassia frumentaria. emundi duo gene-  
 ra fuerūt, unum certarum decumanum, alterum, quod  
 praeterea ciuitatibus aequaliter esset distributum. illius  
 decumani tantum, quantum ex primis decumis fuisset  
 tritici mod. DCCC millia: pretium autem constitutum  
 decumano in modios singulos HS ternos, imperato HS  
 IIII. ita in frumentum imperatum HS duodetrices  
 in annos singulos Verri decernebatur, quod aratoribus  
 solueret, in alteras decimas fermē ad nonagies. sic per  
 triennium ad hanc frumenti emptionem Siciliēsem pro-  
 pē centies & tricies erogatum est. hanc pecuniam tan-  
 tam, datā tibi ex arario inopi, atq; exhausto, datam ad

frumentum, hoc est ad necessitatem salutis, & uitæ, data  
tam ut sicut aratoribus, quibus tanta onera Resp. im=  
poneret, solueretur, abs te sic laceratam esse dico, ut pos=  
sim illud probare, si uelim, omnem te hanc pecuniam do=  
mum tuam auertisse: etenim sic hanc rem totam admi=  
nistrasti, ut hoc, quod dico, probari æquissimo iudici pos=  
sit. sed ego habeo rationē auctoritatis meæ: meminero,  
quo animo, quo cōsilio ad causam publicā accesserim: nō  
agam tecum accusatorie: nihil fingam: nihil probari  
uelim me dicente, quod nō ante mihimet ipsi probatum  
sit. in hac pecunia publicæ indices hæc insunt tria genera  
furtorū. primum eam, cum posita esset apud eas societa=  
tes, unde erat attributa, binis centesimis fœneratus est:  
deinde permultis ciuitatibus pro frumento nihil soluit  
omnino: postremo si cui ciuitati soluit, tantum detraxit,  
quātum cōmodum fuit, nulli, quod debitū est, reddidit.  
ac primū hoc ex te quaero, tu, cui publicani & Carpinatij  
literis gratias egerūt, pecunia publica ex ærario eroga=  
ta, ex uectigalibus populi R. ad emendū frumentū attri=  
buita fuerit ne tibi quaestui? pensitarit ne tibi binas cen=  
tesimas? credo te negaturū: turpis enim est, & pericu=  
losa cōfessio. mihi autem hoc perarduū est demonstrare:  
quibus enim testibus? publicani tractati honorifice sunt:  
tacebunt. literæ eorū decreto Decumanorū remotæ sunt.  
quo me igitur uertā? rem eam improbā, crimen tantæ  
audaciæ, tantæq; impudentiæ propter inopiā testium, ac  
literarū prætermittam? nō faciam indices: utar teste:  
quo? P. Vectio Chilone, homine equestris ordinis honestissi=  
mo, atq; ornatissimo: qui isti ita amicus & necessarius  
est, ut etiā si uir bonus nō esset, tamen, quod cōtra istum

diceret, graue uideretur: ita uir bonus est, ut, etiam si  
 inimicissimus isti esset, tamen eius testimonio credi oportet.  
 admiratur & expectat, quidnam Vectius dicturus sit. nihil  
 dicet ex tempore, nihil ex sua uoluntate, nihil, ut ei utrumuis  
 licuisse uideatur. misit in Sicilia literas ad Carpinatium, cum  
 esset magister scripturae, et sex publicanorum: quas ego  
 Syracusis apud Carpinatium in literarum allatarum libris,  
 Romae in literarum missarum apud magistrum Tullium  
 familiarem tuum inueni: quibus ex literis impudentiam  
 foenerationis quaeso cognoscite. **LITERAE MISSAE L. VECTII, L. SERVILII, C. ANTISTITIS**  
**MAGISTRO RVM.** praesto se tibi ait futurum Vectius, & obseruaturum quemadmodum  
 rationes ad aerarium referas: ut, si haec ex foenore populo  
 pecuniam non retuleris, reddas societati. possumus hoc teste,  
 possumus P. Seruili, & C. Antistitis magistrorum, primorum  
 hominum, atque honestissimorum, possumus auctoritate  
 societatis, cuius literis utimur, quod dicimus obtinere,  
 an aliqua firmiora, aut grauiora querenda sunt? Vectius  
 tuus familiarissimus, Vectius tuus affinis, cuius sororem  
 habes in matrimonio, tuae frater uxoris Vectius, frater  
 tui Quaestoris, impudentissimum tuum furtum, certissimumque  
 peculatum: nam quo alio nomine pecuniae publicae foeneratio  
 est appellanda? \* Recita reliqua. scribam tuum dicit Verres  
 huius perscriptoris foenerationis fuisse, ei quoque magistri  
 minatur in literis. & casu scribae tum duo magistri  
 fuerunt cum Vectio. binas centesimas ab se ablatas  
 ferundum non putant: et recte non putant: quis enim  
 hoc fecit unquam, quis denique conatus est facere,  
 aut posse fieri cogitauit, ut, cum

senatus publicanos usura sæpe iuisset, magistratus à publicanis pecuniam pro usuris auderet auferre? certe huic homini spes nulla salutis esset, si publicani, hoc est si equites R. iudicarent. minor esse cura nunc iudices nobis disceptantibus debet, & tanto minor, quanto est honestius alienis iniurijs, quàm re sua commoueri. quid ad hæc respondere cogitas? utrum, factum negabis, an tibi hoc licitum esse defendes? negare qui potes? an ut tanta auctoritate literarum, tot testibus publicanis conuincere? licuisse uero qui? si mehercule te tuam pecuniam, non populi R. in provincia fœneratum docerem, tamen effugere non posses. sed publicam, sed ob frumentum decretam, sed à publicanis fœnore accepto, hoc licuisse cuiquam probabis? quo non modo ceteri, sed ipse nihil audacius, improbiusq; fecisti. non mehercule hoc, quod omnibus singulare uidetur, de quo mihi deinceps dicendum est, possum iudices dicere audacius esse, aut impudentius, quod permultis ciuitatibus pro frumento nihil soluit omnino: maior hæc præda fortasse est: sed illa impudentia certe non minor. & quoniam de illa fœneratione satis dictum est: nunc de hac tota pecunia auersa quaeso cognoscite. Sicilia ciuitates multæ sunt iudices ornatae, atq; honestæ. ex quibus in primis numeranda est ciuitas Halesina: nullam enim reperietis aut officijs fideliores, aut copijs locupletiores, aut auctoritate grauiorem. huic iste annos singulos cum sexaginta tritici millia modium imperauisset, pro tritico nummos abstulit, quanti erat in Sicilia triticum: quos de publico nummos accepit, retinuit omnes. obstupui iudices, cum hoc mihi primum Halesæ demonstrauit in senatu Halesinorum homo



summo ingenio, summa prudentia, summa auctoritate  
 præditus Halesinus Aenias : cui senatus dederat publice  
 causam, ut mihi, fratriq; meo gratias ageret, & simul  
 qui nos ea, quæ ad iudicium pertinerent, doceret. demon-  
 strat hanc istius cōsuetudinem, ac rationem fuisse; cum  
 omnis frumenti copia decumarum nomine penes istum  
 esset redacta, solitum esse istum pecuniam cogere à ciui-  
 tatibus, frumentum improbare; quantum frumētī Ro-  
 mam esset mittendum, tātum de suo quæstu, ac de sua co-  
 pia frumenti mittere. posco rationes : inspicio literas : uī-  
 deo frumenti granum Halesinos, quibus LX millia mo-  
 diū imperata erant, nullum dedisse, pecuniam Volca-  
 tio, Timarchidi, scribæ dedisse. reperio genus huiuscemo-  
 di iudices prædæ, ut Prætor, qui frumentum emere debe-  
 bat, nō emat, sed uendat: pecunias, quas ciuitatibus distri-  
 buere debebat, eas omnes auertat, atq; auferat. non mihi  
 iam furtum, sed monstrum, ac prodigium uidebatur, ci-  
 uitatum frumentum improbare, pretium ei frumento  
 constituere; quod constituisset, id ciuitatibus auferre;  
 quod à populo R. accepisset, tenere. quot uultis esse in  
 uno furto peccatorum gradus? ut, si singulis insistere ue-  
 lim, progredi iste nō posset. improbas frumētum Siculū.  
 quid? ipse quod mittis? peculiarem habes aliquam Sici-  
 liam, quæ tibi ex alio genere frumentū suppeditare pos-  
 sit? cum senatus decernit, ut ematur in Sicilia frumen-  
 tum, aut populus iubet: hoc, ut opinor, intelligit, ex Sici-  
 lia Siculū frumentū apportari oportere. tu, cum ciui-  
 tatum Siciliae uulgo omne frumentū improbas, num ex  
 Aegypto, aut ex Syria frumentū Romā mittis? impro-  
 bas Halesinū, Cephaleditanū, Thermitanū, Amestratinū,

Tindaritanum, Herbitense, multarum præterea ciuitatum. quid accidit eadem, ut horum populorum agri frumentum eiusmodi te Prætorē ferrent, quod nunquā antea? ut neq; tibi, neq; populo R. posset probari: præsertim cū ex iisdem agris, eiusdemq; anni frumentū ex decumis Romanam mancipēs aduexissent. quid acciderat, ut ex eodem horreo decumanū probaretur, emptum nō probaretur? dubiū ne est, quin ista omnis improbatio cogendæ pecuniæ causa nata sit? esto: improbas Halesimum: habes ab alio populo, quod probes: eme illud, quod placet: missos fac eos, quorum frumentum improbasti. sed ab ijs, quos repudias, exigis tantum pecuniæ, quantum ad eum numerum frumenti satis sit, quem ciuitati imperas. dubiū est; quid egeris? in medimna singula uideo ex literis publicis tibi Halesinos HS quinos denos dedisse. ostēdam ex tabulis locupletissimorum aratorum, eodem tempore neminem in Sicilia pluris frumentum uendidisse. quæ ergo ista ratio, aut quæ potius amentia, frumentum improbare id, quod ex eo loco sit, ex quo senatus, et populus R. emi uoluerit? ex eo aceruo, ex quo partem tu idem decumarum nomine probaris? deinde à ciuitatibus pecunias ad emendum frumentum cogere, cum ex arario acciperis? utrum te lex Terentia Siculorum pecunia frumentum emere à Siculis, an populi R. pecunia frumentum ab Siculis emere iussit? iam uero ab isto omnem illam ex arario pecuniam, quā his oportuit ciuitatibus pro frumento dari, lucrifactam uidetis: accipis enim HS XV pro medimno: tanti enim est illo tempore medimnum. retines HS XII: tanti enim est frumentum Siciliense ex lege aestimatum. quid interest, utrū hoc feceris, an frumē

tum non improbaris, sed frumento probato, & accepto, pecuniam publicam tenueris omnem, neq; quicquam ulli dissolueris ciuitati? cum aestimatio legis cuiusmodi sit, ut ceteris temporibus tolerabilis Siculis, te Prætorē etiā grata esse debuerit: est enim modius lege HS III aestimatus: fuit autem te Prætorē, ut tu in multis epistolis ad amicos tuos gloriaris, HS II, sed fuerit HS II: quoniam tu tantum à ciuitatibus in modios singulos exegisti. cum, si solueres Siculis tantum, quantum te populus R. iusserat, aratoribus fieri gratissimum posset: tu nō modo eos accipere, quod oportebat, noluisti, sed etiā dare, quod non debebant, coegisti. atq; hæc ita gesta esse iudices cognoscite ex literis publicis ciuitatum, & ex testimonijs publicis: in quibus nihil fictū, nihil ad tempus accommodatum intelligatis. omnia, quæ dicimus, rationibus populorū non interpositis, neq; perturbatis, neq; repentinis, sed certis, insituitis, ordine relata, atq; confecta sunt. Recita rationes Halesinorum. cui pecuniam datam dicit? dic, dic etiā clarius. VOLCATIO, TIMARCHIDE, MEVIO. quid est Verres? ne illam quidem tibi defensionem reliquam fecisti, mācipes in istis rebus esse uersatos, mācipes frumentū improbasse, mācipes pretio cum ciuitatibus decidisse, & eosdem abs te illarū ciuitatū nomine pecunias abstulisse, deinde ipsos sibi frumentū commisse, nihil hac ad te pertinere. mala mehercule, ac misera defensio, Prætorē hoc dicere: ego frumentum neq; attigi, neq; aspexi; mācipibus potestate probandi, improbandiq; permisi: mācipes à ciuitatibus pecunias extorserunt; ego autem, quā pecuniā populis dare debui, mācipibus dedi: mala est hac quidem, ut dixi, defensio cri-

minis : sed tamen, hac ipsa tibi, si uti cupias, nō licet. ueniat te Volcatius, tuæ, tuorumq; delicia, mētionem mancipis facere. Timarchides autem, columen familiæ uestræ, premit fauces defensionis tuæ: cui simul, & Volcatio pecunia à ciuitate numerata est. iā uero scriba tuus annulo aureo suo, quē ex his rebus inuenit, ista te ratione uti non sinet. quid igitur est reliquū? nisi uti fateare, te Romam frumentū emptum Siculorū pecunia misisse, publicam pecuniam domū tuam conuertisse. ò cōsuetudo peccandi quantam habes iucunditatem in improbis, & audacibus, cum pœna absuit, et licentia cōsecuta est. iste in hoc genere peculatus non nunc primum inuenitur, sed nunc demū tenetur. uidimus, huic ab arario pecuniā numerari Quæstori ad sumptum exercitus consularis: uidimus, paucis post mēsis et exercitū, & Consulē stoliatum. illa omnis pecunia latuit in illa caligine, ac tenebris: quæ totam Remp. tum occupauerat. iterū gessit hæreditariam Quæsturam cum Dolabella: magnā pecuniam auertit: sed eius rationem cū damnatione Dolabella permiscuit. cōmissa est pecunia tanta Prætori: nō reperiētis hominem timide, nec leuiter hac improbißima lura ligurientem: deuorare omnem pecuniam publicam nō dubitauit. ita serpit illud insitum in natura malū cōsuetudine peccadi libera, finem ut audaciæ statuere ipse sibi nō possit. tenetur igitur aliquando, & in rebus tum maximis, tum manifestis tenetur. atq; in eam fraudem mihi uidetur diuinitus incidisse, nō solum ut eas pœnas, quas proxime meruisset, solueret, sed ut illa etiam scelera eius in Carbonē, & in Dolabellā uindicarētur. etenim nonna quoq; alia res extitit iudices in hoc crimine, quæ tollat

omnem dubitationem superioris illius decumani criminis. nam, ut illud missum faciam, per multos aratores in alteras decumas, & in hac DCCC millia modiorum, quod emptum populo R. darent, non habuisse, sed à tuo procuratore, hoc est ab Apronio, emisse; ex quo intelligi potest, nihil te aratoribus reliqui fecisse: ut hoc præterea, quod in multis est testimoniis expositum: potest illo quicquam esse certius, in tua potestate, atque in tuis horreis omne frumentum Siciliae per triennium, atque omnes fructus agri decumani fuisse? cum enim à ciuitatibus pro frumento pecuniam exigebas, unde erat frumentum, quod Romam mitteres, si tu id non omne clausum, & compressum possidebas? itaque in eo frumento primus tibi ille quaestus fuit ipsius frumenti, quod erat ereptum ab aratoribus: alter, & id frumentum improbissime partum, non semel, sed bis, neque uno, sed duobus pretiis unum & idem frumentum uen didisti, semel ciuitatibus HS XV in medimnum, iterum populo R. à quo HS XII in medimna pro eodem illo frumento abstulisti. at enim frumentum Centuripinorum, & Agrigentinorum, et nonnullorum fortasse præterea probasti, & his populis pecuniam dissoluisti. sint aliquæ ciuitates in eo numero, quarum frumentum improbare nolueris. quid tandem? his ciuitatibus omnis ne pecunia, quæ pro frumento debita est, dissoluta est? unum mihi reperi non populum, sed aratorem: uide, quare, circûspice, si quis forte est ex ea prouincia, in qua tu triennium præfuisi, qui te noluit perire: unum inquam da mihi ex illis aratoribus, qui uel ad statutam pecuniam contulerunt, qui sibi dicat pro frumento omne esse, quod oportuerit, solutum. confirmo iudices, neminem esse dicturum. ex omni pecunia, quam  
aratoribus

aratoribus soluere debuisti, certis nominibus deductiones fieri solebant, primum pro spectatione, & collybo, dein de pro nescio quo cerario. hac omnia iudices non rerum certarum, sed furtorum improbissimorum sunt uocabula. nam collybus esse qui potest, cum utantur omnes uno genere nummorum? cerarium uero quid uocas? quomodo hoc nomen ad rationes magistratus, quomodo ad pecuniam publicam allatum est? nam illud genus tertium deductionis erat eiusmodi, quasi non modo liceret, sed etiam oporteret; nec solum oporteret, sed plane necesse esset. scriba nomine de tota pecunia binæ quingagesimæ detrahebantur. quis tibi hoc concessit, quæ lex, quæ senatus auctoritas, quæ porro æquitas, ut tantam pecuniam scriba tuus auferret siue de aratorum bonis, siue de populi R. uectigalibus? nam si potest ista pecunia sine aratorum iniuria detrahi: populus R. habeat, præsertim in tantis ararum angustiis. sin autem & populus id uoluit, & æquum ita est, solui aratoribus: tuus apparitor parua mercede populi conductus, de aratorum bonis prædabitur? & in hac causa scribarum ordinem in me concitabit Hortensius? & eorum commoda à me labefactari, atque oppugnari iniuria dicet? quasi uero hoc scribis ullo exemplo sit, aut ullo iure concessum. quid ego uetera repetam? aut quid eorum scribarum mentionem faciam, quos constat sanctissimos homines, atque innocentissimos fuisse? non me fugit iudices, uetera exempla pro fictis fabulis iam audiri, atque haberi. in his temporibus uersabor miseris, ac perditis. nuper Hortensi Quæstor fuisti. quid tui scriba fecerint, tu potes dicere. ego de meis hoc dico: cum in eadē ista Sicilia pro frumēto ciuitatibus pecuniam solucrem,

mecum duos frugalissimos homines scribas haberem, L. Mamilium, & L. Sergium; nō modo istas duas quinquagesimas, sed omnino nummū nullum cuiquam esse deductum. dicerem, hoc mihi totum esse attribuendum iudices, si illi unquam à me hoc postulassent, si unquam omnino cogitassent. quamobrem enim scriba deducat, ac non potius mulio, qui adduxerit? tabellarius, cuius aduentu certiores facti petiuerunt? præco, qui adesse iussit? uia tor, ac Venerius, qui fiscum sustulit? quæ pars operæ, aut opportunitatis in scriba est, cur ei nō modo merces tanta detur, sed cur cum eo tantæ pecuniæ partitio fiat? ordo est honestus. quis negat? aut quid ea res ad hanc rem pertinet? est uero honestus, quod eorū hominum fidei tabulæ publicæ, periculaq; magistratuum committuntur. itaq; ex ijs scribis, qui digni sunt illo ordine, patribusfamilias, uiris bonis, atq; honestis, percontamini, quid sibi istæ quinquagesimæ uelint: iam omnes intelligetis nouam rem totam, atq; indignam uideri. ad eos me scribas reuoca, si placet: noli hoc colligere, qui nummulis corrogatis de nepotum donis, ac de scenicorum corollarijs, cum decuriam emerunt, ex primo ordine explosorum in secundum ordinem ciuitatis se uenisse dicunt. eos scribas tecū disceptatores huius criminis habebō, qui istos scribas esse moleste ferunt. tametsi, cum in eo ordine uideamus esse multos non idoneos, qui ordo industriæ propositus est, et dignitati: mirabimur turpes aliquot in eo esse, quod cui uis licet pretio peruenire? tu ex pecunia publica HS terdecies scribam tuum permissu tuo cum abstulisse fateare, reliquam tibi ullam defensionem putas esse: hoc ferrequenquam posse, hoc quenquam deniq; nūc tuorum ad=



uocatorum animo æquo audire arbitrare? qua in ciuita  
 te C. Catoni clarissimo uiro, consulari homini HS XV=  
 III millibus lis æstimata sit: in eadem ciuitate apparito  
 ri tuo esse cōcessum, ut HS uno nomine terdecies aufer=  
 ret: hinc ille est annulus aureus, quo tu istum in concio=  
 ne donasti. quæ tua donatio singulari impudentia præ=  
 dita, noua Siculis omnibus, mihi uero incredibilis uide=  
 batur: sæpe enim nostri imperatores superatis hostibus,  
 optime Rep. gesta scribas suos annulis aureis in concione  
 donarunt: tu uero quibus rebus gestis, quo hoste supera=  
 to, concionem donandi causa aduocare ausus es? neque  
 enim solum scribam tuum annulo, sed etiam uirum for=  
 tissimum, ac tui dissimillimum, Q. Rubrium, excellenti  
 uirtute, auctoritate, copijs, corona, & phaleris, et torque  
 donasti; M. Cossutium sanctissimum uirum, atque hones=  
 tissimum; M. Castritium summo splendore, ingenio, glo=  
 ria præditum. quid hæc sibi horum trium ciuium R. do=  
 na uoluerunt? Siculos præterea potentissimos, nobilissi=  
 mosq; donasti. qui non, quemadmodum sperasti, tardio=  
 res fuerunt, sed ornatiores tuo iudicio ad testimonia di=  
 cunda uenerunt. quibus ex hostium spolijs, de qua uictō=  
 ria, qua ex præda, aut manubijs hæc abs te donatio  
 constituta est? an quod te Prætor, paucorum aduen=  
 tu myoparonum classis pulcherrima, Sicilia propugna=  
 culum, præsidiumq; provincia, piratarum manibus in=  
 censa est? an quod ager Syracusanus prædonum incen=  
 dijs te Prætor uastatus est? an quod forum Syracusa=  
 num nauarchorum sanguine redundauit? an quod  
 in portu Syracusano piraticus myoparo nauigauit?  
 nihil possum reperire, quamobrem te in istam amen=

amentiam incidisse arbirer: nisi forte id egisti, ut hominibus ne obliuisci quidem rerum tuarum male gestarū liceret. annulo est aureo scriba donatus: & ad eam donationem concio est aduocata. quod erat os tuum, cum uidebas in concione eos homines, quorum ex bonis iste annulus aureus donabatur, qui ipsi annulos aureos posuerant, liberisq; suis detraxerant, ut esset unde scriba tuus hoc tuum munus, ac beneficiū tueretur? quæ porro præfatio tuæ donationis fuit? illa scilicet uetus, atq; imperatoria? quando tu quidem in prælio, in bello, in re militari: cuius ne mentio quidem te Prætoris ulla facta est. an illa? quandoquidem tu nulla unquam mihi in cupiditate, ac turpitudine defuisti, omnibusq; in iisdem flagitijs mecum & in Legatione, & in Prætura, & hic in Sicilia uersatus es: ob hæc res, quoniam te locupletauit, hoc annulo aureo dono. uera hæc fuisset oratio: non enim iste annulus aureus abs te datus, istum uirum fortem, sed hominem locupletem esse declarat. ita eundem annulum ab alio datum testem uirtutis duceremus, abs te donatū comitem pecuniæ iudicamus. Dictū iudices est de decumano frumento: dictum de empto: extremum & reliquum est de æstimato. quod tum magnitudine pecuniæ, tum iniuriæ genere quemuis debet commouere, te uero eo magis, q̃ ad hoc crimen non ingeniosa aliqua defensio, sed improbissima confessio comparatur. nam cum ex S. C. & ex legibus frumentum ei in cellam sumere liceret, idq; frumentum senatus ita æstimasset, quaternis HS tritici modium, binis ordeï: iste numero ad summam tritici adiecto, tritici modios singulos cum aratoribus denarijs ternis æstimauit. non est in hoc crimen Hortensi, ne for=

ad hoc meditare, multos saepe viros bonos, & fortes, & innocentes cum aratoribus, & cum ciuitatibus frumentum, in cellam quod sumi oporteret, aestimasse, & pecuniam pro frumento abstulisse. scio, quid soleat fieri: scio, quid liceat. nihil, quod antea fuerat in consuetudine bonorum, nunc in istius facto reprehenditur: hoc reprehendo, quod, cum in Sicilia HS II modius esset, ut istius epistola ad te missa declarat, summum HS ternis, id quod & testimonijs omnibus, et tabulis aratorum planum factum antea est; tum iste pro tritici modys singulis ternos ab aratoribus denarios exegit. hoc crimen est: ut intelligas non ex aestimatione, neque ex ternis denarijs pendere crimen, sed ex coactione annonae, atque aestimationis. etenim haec aestimatio nata est iudices initio non ex Praetorum, aut Consulum, sed ex aratorum, atque ciuitatum commodo: nemo enim fuit initio tam impudens, qui, cum frumentum deberetur, pecuniam posceret. certe hoc ab aratore primum est profectum, aut ab ea ciuitate, cui imperabatur. cum aut frumentum uendidisset, aut seruare uellet, aut in eum locum, quod imperabatur, frumentum portare nollet: petiuit in beneficij loco, & gratiae, ut sibi pro frumento, quanti frumentum esset, dare liceret. ex huiusmodi principio, atque ex liberalitate, atque accommodatione magistratuum, consuetudo aestimationis introducta est. secuti sunt auariores magistratus: qui tamen in auaritia sua non solum uiam quaestus inueniunt, uerum etiam exitum, ac rationem defensionis instituerunt. semper ad ultima, ac difficillima loca apportandum frumentum imperare, ut uecluræ difficultate ad quam uellent aestimationem perueniret. in hoc genere fa-

cilior est existimatio, q̄ reprehensio: ideo q̄ eum, qui hoc facit, auarum possumus existimare, crimen in eo constituere non tam facile possumus: q̄ uidetur concedendum magistratibus nostris esse, ut is, quo loco uelint, frumentum accipere liceat. itaq; hoc est, quod multi fortasse fecerunt, & ita multi, ut is, quos innocentissimos meminimus, aut audiuiamus, non fecerint. quæro nunc à te Hortensi, cum utris tandem istius factum collaturus es? cum is credo, qui beniguitate adducti per beneficium, et gratiam ciuitatibus concesserunt, ut nummos pro frumento darent. ita credo, petuisse ab isto aratores, ut, cum ternis tritici modium uendere non possent, pro singulis modys. ternos denarios dare liceret. an, quoniā hoc non audes dicere, illuc confugies? uecturæ difficultate adductos, ternos denarios dare maluisse. cuius uecturæ? quo ex loco? in quem locum ne portarent? Philomelo ne Ephesum? uideo, quid inter annonam interesse soleat: uideo, quot dierum uia sit: uideo Philomelensibus expedire: quāti Ephesi sit frumentum, tātum dare potius in Phrygia, q̄ Ephesum portare, aut ad emendum frumentum Ephesum pecuniam, & Legatos mittere: in Sicilia uero quid eiusmodi? Enna mediterranea est maxime. coge, ut ad aequam tibi, id quod summi iuris est, frumentum Ennenses metiantur, uel Plutiam, uel Halesam, uel Catinam, loca inter se maxime diuersa: eodem die, quo iusseris, deportabunt. tametsi ne uectura quidem opus est: nam totus questus hic indices aestimationis ex annonæ natu est uarietate: hoc enim magistratus in provincia assequi potest, ut ibi accipiat, ubi est carissimum. ideo ualet ista ratio aestimationis in Asia: ualet in Hispania: ualet in is

provincijs, in quibus unum pretium frumento esse nō so-  
 let. in Sicilia uero quid cuiusquā intererat, quo loco da-  
 ret? neq; enim portandum erat: & quò quisq; uhere ius-  
 sus esset, ibi tantidem frumentum emeret, quanti domi  
 uendidisset. quamobrem si quid Hortensi docere uis, ali-  
 quid ab isto simile æstimatione, atq; à cæteris esse factū:  
 doceas oportet, aliquo in loco Sicilia Prætoris Verre ter-  
 nis denarijs tritici modium fuisse. uide, quam tibi defen-  
 sionem patefecerim, q̄ iniquam in socios, q̄ remotam ab  
 utilitate Reip. q̄ seiunctam à uoluntate, atq; sententia  
 legis. tu, cum tibi ego frumentum in meis agris, atq; in  
 mea ciuitate, deniq; cum in ijs locis, in quibus es, uersaris,  
 rem geris, provinciam administras, paratus sim dare: an-  
 gulum mihi aliquem eligas provincia recòditum, ac de-  
 relictum? iubeas ibi me metiri, quò portare nō expediat?  
 ubi emere non possum? improbum facinus iudices, non  
 ferendum, nemini lege concessum, sed fortasse adhuc in  
 nullo etiam uindicatum. tamen ego hoc, quod ferri nego  
 posse, Verri iudices cōcedo, & largior. si ullo in loco eius  
 provincie frumentum tanti fuit, quanti iste æstimauit:  
 hoc crimen in istum reum ualere oportere nō arbitror.  
 uerum enim uero, cum esset HS binis, aut etiam ternis  
 quibusuis in locis provincie, duodenos sestertios exegisti.  
 si mihi tecum neque de annona, neque de æstimatione  
 tua potest esse controuersia: quid sedes? quid expectas?  
 quid defendes? utrum tibi pecunie conciliate uidentur  
 aduersum leges, aduersum Remp. cum maxima socio-  
 rū iniuria, an uero id recte, ordine, è Rep. sine cuiusquā  
 iniuria factū esse defendes? cū tibi senatus ex ærario pe-  
 cuniā pròpisset, & singulos tibi denarios adnumerasset,

quos tu pro singulis modijs aratoribus solueres: quid facere debuisti? si, quod L. Piso ille Frugi, qui legem de pecunijs repetundis primus tulit: cū emissēs, quanti esset; quod superaret pecuniæ, retulisses. si, ut ambitiosi homines, aut benigni: cum pluris senatus aestimasset, q̄ quāti esset annonæ; ex senatus aestimatione, non ex annonæ ratione solisses. sin, ut pleriq; faciūt, in quo etiam erat aliquis questus, sed is honestus, atq; concessus: frumentum, quoniam uilius erat, ne emissēs: sumpsisēs id nummorum, quod tibi senatus cellæ nomine cōcesserat. hoc uero quid est? quā habet rationem, non quero æquitatis, sed ipsius improbitatis, atq; impudētiæneq; enim est fere quicquam, quod homines palam facere audeant in magistratu, quamuis improbi, quin eius facti si non bonam, at aliquam rationem afferre soleant. hoc quid est? uenit Prætor: frumentum, inquit, me abs te emere oportet. optume. modiū denario. benigne, ac liberaliter: nā ego tribus HS. non possum uendere. mihi frumento nō opus est: nummos uolo. non speraueram, inquit arator, me ad denarios peruenturum: sed, si ita necesse est, quāti frumentum sit, considera. uideo esse binis HS. quid ergo à me tibi nummorum dari potest, cum senatus tibi quaternos nūmos dederit? quid poscit, attendite. & uos queso simul iudices æquitatem Prætoris attendite. quaternos HS, quos mihi senatus decreuit, & ex ærario dedit, ego habebō, et in cistā trāsferā ex fisco. quid postea? quid? pro singulis modijs, quos tibi impero, tu mihi octonos HS. dato: qua ratione? quid queris rationem? non tantam rationem res habet, quam utilitatem, atq; prædam. dic, inquit ille, planius. senatus te uoluit mihi nūmos dare, me tibi frumentū metiri:

tu eos nūmos, quos mihi senatus dare uoluit, ipse habebis?  
à me, cui singulos denarios dari oportuit, binos auferis?  
Et hūic praeda, ac direptioni cellae nomen imponis? haec  
deerat iniuria, Et haec calamitas aratoribus te Praetore,  
qua reliquis fortunis omnibus euerterentur: nam quid  
esse reliqui poterat ei, qui per hanc iniuriam non modo  
frumentum omne amittere, sed etiam omne instrumen-  
tum uendere cogeretur? quod enim se uerteret, non habe-  
bat: ex quo fructu nūmos, quos tibi daret, inueniret?  
decumdarum nomine tantum erat ablatum, quantum uo-  
luntas tulerat Apronij: pro alteris decumis, emptorq; fru-  
mento aut nihil datum, aut tantum datum, quātum re-  
liqui scriba fecerat, aut ultero etiam, id quod didicisti,  
ablatū, cogantur etiam nūmi ab aratore. quomodo? quo  
iure? quo exemplo? nam cum fructus diripiebatur ara-  
torum, atq; omni lacerabatur iniuria: uidebatur id per-  
dere arator, quod aratro ipse quasisset, in quo elaboras-  
set, quod agri, segetesq; extulissent. quibus iniurijs gra-  
uissimis tamen illud erat miserum solatiū, qd id perdere  
uidebatur, quod alio Praetore, eodem ex agro reparare  
posset. nūmos uero ut daret arator, quos non aratro, ac  
manu quaerit: boues, Et aratrū ipsum, Et omne instru-  
mentū uendat, necesse est. non enim debetis hoc cogitare:  
habet idem in nūmis: habet idē in urbanis praedijs. nam  
cum aratori onus aliquod imponitur: nō hominis, si quae  
sunt praeterea, facultates, sed arationis ipsius uis, ac ra-  
tio considerata est, quid ea sustinere, quid pati, quid ef-  
ficere possit, ac debeat. quanquam illi quoq; sunt homines  
ab isto omni ratione exinaniti, ac perditī: tamen hoc uo-  
bis est statuendum, quid aratorem ipsum arationis no-



mine muneris in Remp. fungi, ac sustinere uelitis. imponitis decumas, patiuntur: alteras, temporibus uestris seruendum putant. dent emptum præterea: dabunt, si uoletis. hæc quàm sint grauiæ, & quid his rebus detractis possit ad dominos puri, ac reliqui peruenire, credo uos ex uestris rebus rusticis coniectura assequi posse. addite nunc eodem istius edicta, instituta, iniurias: addite Aproni, Veneriorumq; seruorum in agro decumano regna, ac rapinas: quiquam hæc omitto: de cella loquor. placet ne uobis in cella magistratibus nostris frumentum Siculos gratis dare? quid hoc indignius? quid iniquius? atqui hoc scitote aratoribus hoc Prætor optandum, ac petendum fuisse. Sosicenus est Enellinus, homo cum primis ciuitatis prudens, & domi nobilis: cuius uerba audistis: qui ad hoc iudiciū Legatus publice cum Arthemone, et Menisco primarijs uiris missus est. is cum in senatu Enellino multa mecum de istius iniurijs ageret, hoc dixit, si hoc de cella, atq; hac æstimatione concederetur, uelle Siculos senatui polliceri frumentum in cellam gratis, ne posthac tantas pecunias magistratibus nostris decerneremus. perspicere uos certo scio, Siculis quantopere hoc expediat, non ad æquitatis conditionem, sed ad minima malorum eligenda. nam qui mille modium Verri sue partis in cellam gratis dedisset, duo millia nummum, aut summum tria dedisset: idem nunc pro eodem numero frumenti HS V. III millia dare coactus est. hoc arator assequi per triennium certo fructu suo non potuit: uendiderit instrumentum, necesse est. quod si hoc munus, & uetigal aratio tolerare, hoc est Sicilia ferre, ac pati potest: populo R. ferat potius, quàm nostris magistratibus. magna est pecunia,

magnum præclarumq; uectigal. si modo id salua provincia, si sine iniuria sociorū percipere possitis, nihil detrabo. magistratibus tantundem detur in cellam, quantum semper datum est. quod præterea Verres imperat: id, si facere nō possunt, recusent: si possunt, populi R. potius hoc sit uectigal, q̄ præda Prætoris. deinde cur in uno genere solo frumenti ista æstimatio constituitur? si est æqua, & ferenda: populo R. Sicilia decumas det, pro singulis tritici modys ternos denarios, sibi habeat frumentum. data tibi pecunia est Verres: una, qua frumentum tibi emeris in cellam: altera, qua frumentum emeris à ciuitatibus, quod Romā mitteres. tibi datam pecuniam domi retines: & præterea pecuniā permagnam tuo nomine aufers. fac idem in eo frumento, quod ad populum R. pertinet: exige eadem æstimatione pecuniā à ciuitatibus, & refer quam accepisti. tum refertius erit ararium populi R. q̄ unquam fuit. at enim istā rem in publico frumento Sicilia nō ferret: hanc rem in meo frumento tulit: proinde quasi aut æquior sit ista æstimatio in tuo, q̄ in populi R. cōmodo: aut ea res, quam ego dico, & ea, quā tu fecisti, inter se genere iniuria, nō magnitudine pecunie differat. uerū istam ipsam cellam ferre nullo modo possunt. ut omnia remittātur, ut omnibus iniurijs, & calamitatibus, quas te Prætor tulerunt, in posterum liberentur; istam se cellam, atq; istam æstimationem negant ullō modo ferre posse. multa Sophocles Agrigentinus apud Cn. Pompeium Cos. nuper homo disertissimus, & omni doctrina, & uirtute ornatissimus pro tota Sicilia de aratorum miserijs grauiter, ac copiose dixisse, ac deplorasse dicitur. ex quibus hoc is, qui aderant (nam

magno conuentu aëta res est ) indignissimum uideba-  
 tur: qua in re senatus optime, ac benignissime cum ara-  
 toribus egisset, large, liberaliterq; aestimasset, in ea re præ-  
 dari Prætozem, bonis eueri aratores, & id nō modo fie-  
 ri, quasi liceat, concessumq; sit. quid ad hæc Hortensius?  
 falsum esse crimen? hoc nuquam dicet. nō magnam hac  
 ratione pecuniam captam? ne id quidem dicet. non iniu-  
 riam factam Siculis, atq; aratoribus? qui poterit dicere?  
 quid igitur dicet? fecisse alios? quid est hoc? utrum cri-  
 mini defensio, an comitatus exilio queritur? tu in hac  
 Rep. atque in hac hominum libidine, & ut adhuc habuit  
 se status iudiciorum, etiam licentia; non ex iure, non ex  
 æquitate, non ex lege, non ex eo, quod licuerit; sed ex eo,  
 quod aliquis fecerit, id quod reprehenditur, recte fa-  
 ctum esse defendes? fecerunt aliqui alia quàm multa.  
 cur in hoc uno crimine isto genere defensionis uteris?  
 sunt quedam omnino in te singularia, quæ in nullum  
 alium hominem dici, neq; conuenire possint: quedam ti-  
 bi cum multis cōmunia. ergo ut omittā tuos peculatus,  
 ut ob ius dicundum pecunias acceptas, ut eiusmodi cate-  
 ra, quæ forsitan aly quoq; etiam fecerint: illud, in quo  
 te grauissime accusaui, q̃ ob iudicandam rem pecuniam  
 accepisses, eadem ista ratione defendes, fecisse alios? ut  
 ego assentiar orationi, defensionem tamen non probabo:  
 potius enim te damnato, cæteris angustior locus impro-  
 bitatis defendendæ relinquetur, quàm te absoluto; aly,  
 quod audacissime fecerunt, recte fecisse existimentur. lu-  
 gent omnes prouinciæ: queruntur omnes liberi populi:  
 regna deniq; iam omnia de nostris cupiditatibus, & in-  
 iurijs expostulant: locus intra Oceanum iam nullus est

neque tam longinquus, neq; tam reconditus, quò non per hæc tempora nostrorum hominū libido, iniquitasq; peruaferit: sustinere iam populus R. omnium nationum nō iam, non arma, nō bellum, sed luctum, lacrymas, querimonias nō potest. in eiusmodi re, ac moribus, si is, qui erit adductus in iudicium, cum manifestis in flagitijs tenebitur, alios eadem fecisse dicet: illi exempla non deerunt, Reip. salus deerit, si improborum exemplis improbi iudicio, ac periculo liberabuntur. placent uobis hominum mores? placet ita geri magistratus, ut geruntur? placet socios sic tractari, quod restat, ut per hæc tempora tractatos uideatis? cur hæc à me opera consumitur? quid sedetis? cur nō in media oratione mea consurgitis, atq; disceditis? uultis autem istorum audacias, ac libidines aliqua ex parte refecare? desinite dubitare, utrū sit utilius, propter multos improbos uni parcere, an unius improbi supplicio multorū improbitatem coercere: tamen si quæ ista sunt exempla multorum? nam cum in causa tanta, cum in crimine maximo dici à defensore cœptum est, fatitātū esse aliquid: expectant ij, qui audiūt, exempla ex uetere memoria, & monumentis, ac literis, plena dignitatis, plena antiquitatis: hæc plurimū solent & auctoritatis habere ad probandū, & iucunditatis ad audiendum. Africanos mihi, & Catones, & Lælios cōmemorabis? et eos fecisse idem dices? quāuis res nō placeat, tamen cōtra hominū auctoritatem pugnare nō potero. an cum eos nō poteris proferre, hos recentes, Q. Catulum patrem, C. Marium, Q. Scæuolam, M. Scaurum, Q. Metellum? qui omnes provincias habuerunt, & frumentum cellæ nomine imperauerunt. magna est hominum auctoritas,

Et tanta, ut etiam delicti suspicionem tegere possit. non  
 habes ne ex his quidem hominibus, qui nuper fuerunt, ul-  
 lum auctorem istius aestimationis. quò me igitur, aut ad  
 quæ exempla reuocas? ab illis hominibus, qui cum uersa-  
 ti sunt in Rep. cum et optimi mores erant, et hominum  
 existimatio gravis habebatur, et iudicia seuera fiebant;  
 ad hæc hominū licentiā, et libidinem me abducis? et in  
 quos aliquid exēpli populus R. statui putat oportere, ab  
 ijs tu defensionis exēpla quæris? nō fugio ne hos quidem  
 mores, dūmodo ex his ea, quæ probat populus R. exēpla,  
 nō ea quæ cōdemnat, sequamur. nō circūspiciā, nō quæ-  
 ram foris, cum habeas iudices principes ciuitatis, P. Serui-  
 lium, Q. Catulum: qui tāta auctoritate sunt, tātis re-  
 bus gestis, ut in illo antiquorū, et clarissimorū hominū,  
 de quibus antea dixi, numero reponātur. exempla quæri-  
 mus, et ea nō antiqua. modo uterq; horum exercitū ha-  
 buit. quære Hortensi, quoniam te recentia exempla dele-  
 Etant, quid fecerint. ita ne uero? Q. Catulus frumēto  
 est usus, pecuniam non coegit: P. Seruilus quinquēniū  
 exercitū cū præffet, et ista ratione innumerabilem pe-  
 cuniā facere posset, nō statuit sibi quicquā licere, quod  
 non patrem suū, non auū Q. Metellum facere uidisset:  
 C. Verres reperietur, qui, quod expediat, id licere dicat?  
 quod nemo nisi improbus fecerit, id aliorū exēplo se fe-  
 cisse defendat? at in Sicilia factitatū est. quæ est ista con-  
 ditio Sicilia? cur, quæ optimo iure propter uetustatem,  
 fidelitatem, propinquitatem esse debet, huic præcipua lex  
 iniuriæ definitur? sed in ista ipsa Sicilia nō quæram exem-  
 plum foris, hoc ipso ex cōsilio utar exemplis. C. Marcel-  
 le te appello, Sicilia provincia, cum esses pro Cōsule, præ-

fuiſti: num quæ in tuo imperio pecunia cellæ nomine co-  
actæ ſunt? neq; ego hoc in tua laude pono. alia ſunt tua  
facta, atq; conſilia ſumma laude digna, quibus illam tu  
prouinciã afflictam, & perditam erexiſti, atq; recreaſti.  
nam hoc de cella ante Lepidus quidẽ fecerat, cui tu ſuce-  
ceſſiſti. quæ ſunt tibi igitur exẽpla in Sicilia cellæ, ſi hoc  
crimen non modo Marcelli factõ, ſed ne Lepidi quidem  
potes defendere? an ne ad M. Antoniũ æſtimationẽ fru-  
menti, exactionẽq; pecuniæ reuocaturus es? ita, inquit:  
ad M. Antoniũ: hoc enim mihi ſignificaffe, & annuiſſe  
uiſus eſt. ex omnibus ne igitur populi R. Pratoribus, Con-  
ſulibus, imperatoribus M. Antonium delegiſti, & eius  
unum improbiſſimum factum, quod imitarere? & hic  
utrũ mihi difficile eſt dicere, an his exiſtimare? ita ſe in  
illo infinito imperio M. Antonium geſſiſſe, ut multo iſti  
perniciõſius ſit dicere, ſe in re improbiſſima uoluiſſe An-  
tonium imitari, q̃ ſe poſſit defendere, nihil in uita ſe M.  
Antonio ſimile feciſſe. homines in iudicijs ad crimen de-  
fendendum, non quid fecerit quiſpiam, proferre ſolent,  
ſed quid probarint: Antoniũ, cum multa contra ſocio-  
rum ſalutem, multa contra uoluntatem prouinciarum  
& faceret, & cogitaret, in medijs eius iniurijs, & cupi-  
ditatibus mors oppreſſit. tu mihi, quaſi eius omnia facta,  
atq; conſilia ſenatus populusq; R. iudices comprobarint,  
ita Antoniũ exemplo iſtius audaciam defendis. at idem fe-  
cit Sacerdos. hominem innocentem, & ſumma pruden-  
tia præditum nominas: ſed tum idem feciſſe erit exiſti-  
mandus, ſi eodem cõſilio fecerit. nam genus æſtimationis  
ipſum à me nunquam eſt reprehẽſum: ſed eius æquitas  
aratorum cõmodo, & uoluntate perpenditur. nõ poteſt

reprehendi illa aestimatio, quæ aratori non modo incommoda non est, sed etiam grata est. Sacerdos ut in provinciam uenit, frumentum in cellam imperauit. cum esset ante nouū tritici mod. HS XV, petiuerunt ab eo ciuitates ut aestimaret. remissior aliquanto eius fuit aestimatio, quàm annona: nam aestimauit denarijs III. uides eandem aestimationem propter temporis dissimilitudinem in illo laudis causam habere, in te criminis? in illo beneficij, in te iniuriæ? eodem tempore Antonius III denarijs aestimauit post messem, summa in uilitate, cū aratores frumentum dare gratis malebant, & aiebat, se tantidem aestimasse, quāti Sacerdotem: neq; metuebatur: sed eadem ista aestimatione alter subleuaret aratores, alter euerteret. quod nisi omnis frumenti ratio ex temporibus esset, & annona, nō ex numero, neq; ex summa considerata: nunq̃ tam grati hī sesquimodij Q. Hortensi fuissent: quos tu cum ad mensuræ tam exiguam rationem populi R. in capita descripsisses, gratissimū omnibus fecisti: caritas enim annonæ faciebat, ut istuc, quod re paruum uidebatur, tempore magnum uideretur. idem istuc si in uilitate populo R. largiri uoluisses, derisum tuū beneficium esset, atq; contemptum. noli igitur dicere istum idem fecisse, quod Sacerdotem: quoniam non eo tempore, neq; simili fecit anno. dicito potius, quoniā habes auctorem idoneum; quod Antonius uno aduentu, & uix mensuris cibarijs fecerit, id istum per triennium fecisse: & istius innocentiam M. Antonij factō, atque auctoritate defendito. nam de Sex. quidem Peduceo fortissimo, atq; innocentissimo uiro quid dicitis? de quo quis unquam arator questus est? aut quis non ad hoc tempus innocentissimam omnium, diligentissimamq;



diligentissimamq; Præturam illius hominis existimauit? biennio provinciam obtinuit, cum alter annus in uilitate, alter in summa caritate fuerit: nū aut in uilitate nū-  
mū arator quisquam dedit, aut in caritate de æstimatione frumenti questus est? at uberiora cibaria facta sunt caritate. credo: neq; id est nouum, neq; reprehendendum. modo C. Sétium uidimus, hominem uetere illa, ac singulari innocentia præditum, propter caritatem frumenti, quæ fuerat in Macedonia, permagnam ex cibarij pecuniam reportare. quamobrem non ego inuideo tuis cōmodis, si qua ad te lege uenerunt: iniuriam queror: improbitatem arguo: auaritiam in crimē, & in iudicium uoco. q̃ si suspensiones iniicere uoletis, ad plures homines, & ad plures provincias crimen hoc pertinere: nō ego istam defensionem uestram pertimescam, sed me omnium prouinciarum defensorem esse profitebor: etenim hoc dico, & magna uoce dico: ubicunq; hoc factum est, improbe factum est: quicunq; hoc fecit, supplicio dignus est. nā per deos immortales uidete iudices, et prospicite animis, quid futurum sit. multi magnas pecunias ab inuitis ciuitatibus, atq; ab inuitis aratoribus ista ratione cellæ nomine coegerunt (omnino ego neminem uideo, præter istum: sed do hoc uobis, & cōcedo, esse multos). in hoc homine rem adductam in iudiciū uidetis. quid facere potestis? utrū, cum iudices sitis de pecunia capta, conciliata, tantam pecuniam captam negligere, an, cum lex sociorum causa rogata sit, sociorum querimonias nō audire? uerum hoc quoq; uobis remitto: negligite præterita, si uultis: sed, ne reliquas spes turbetis, atq; omnes provincias euertatis, id prouidete; ne auaritiæ, quæ antehac occultis itineribus,

atq; angustius ui solebat, auctoritate uestra uiam pate-  
 faciatis illustrem, atq; latam. nam si hoc probatis, & si  
 hoc licere, pecunias isto nomine capi, iudicatis: certe hoc,  
 quod adhuc nemo nisi improbissimus fecit, posthac ne-  
 mo nisi stultissimus nō faciet. improbi sunt, qui pecunias  
 cōtra leges cogunt: stulti, qui, quod licere iudicatum est,  
 prætermittunt. deinde iudices uidete, q̄ infinitam sitis ho-  
 minibus licentiam pecuniarum eripiendarum daturi. si,  
 ternos denarios qui coegit, erit absolutus: quaternos, de-  
 nos deniq; aut uicenos coget alius: quæ erit reprehensio?  
 in quo primum iniuriæ gradu resistere incipiet seueritas  
 iudicis? quotus erit iste denarius, qui non sit ferendus? &  
 in quo primum æstimationis iniquitas, atq; improbitas  
 reprehendatur? non enim à uobis summa, sed genus æsti-  
 mationis est comprobatum: neq; hoc potestis iudicare, ter-  
 nis denarijs æstimare licere: ubi enim semel ab annonæ  
 ratione, & ab aratorum uoluntate res ad Prætoris libi-  
 dinem translata est, non est iam in lege, atq; in officio, sed  
 in uoluntate hominum, atq; audacia positus modus æsti-  
 mandi. quapropter si uos semel in iudicando finem æqui-  
 tatis, & legis transieritis: scitote uos nullum cæteris in æ-  
 stimādo finem improbitati, & auaritiæ reliquisse. uide-  
 te igitur, q̄ multa simul à uobis postulentur. absoluite  
 eum, qui se fateatur maximas pecunias cum summa so-  
 ciorum iniuria cepisse. non satis. sunt alij quoq; complu-  
 res, qui idem fecerint. absoluite etiam illos, si qui sunt: ut  
 uno iudicio quamplurimos improbos liberetis. ne id qui-  
 dem satis est. facite, ut cæteris posthac idem liceat. licebit.  
 at hoc parum est. permittite, ut liceat: quāti quisq; uelit,  
 tanti æstimet, æstimabit, uidetis iam profecto iudices, hac

*æstimatione à vobis comprobata, neq; modum posthac auaritia cuiusquam, neq; pœnam improbitatis futurâ. quas ob res, quid agis Hortensî? Consul es designatus: provinciâ sortitus es: de æstimatione cum dices frumenti, sic te audiemus, quasi id, quod ab isto recte factum esse defendes, te facturum proficere, & quasi, quod isti licitum esse dices, uehementer cupias tibi licere. atqui si id licebit, nihil est, quod putetis quenquâ posthac commissurum, ut de pecunijs repetundis condemnari possit: quantam enim quisq; concupierit pecuniam, tantam licebit per cellæ nomen æstimationis magnitudine consequatur. at enim est quiddâ, quod etiâ si palàm in defendendo non dicit Hortensius, tamen ita dicit, ut uos id suspicari, & cogitare possitis: pertinere hoc ad commodum senatorium, pertinere ad utilitatem eorum, qui iudicent, qui in provincijs cum potestate, aut cum legatione se futuros aliquando arbitrentur. præclaros viros existimas iudices nos habere, quos alienis peccatis concessuros putes, quo facilius ipsos peccare liceat. ergo id uolumus populum R. id provincias, id socios, nationesq; exterâs existimare, si senatores iudicent, hoc certe unum genus infinitæ pecuniæ per summam iniuriam cogendæ nullo modo posse reprehendi? quod si ita est: quid possumus contra illum Prætorem dicere, qui quotidie templum tenet, qui Remp. sistere negat posse, ni ad equestrem ordinem iudicia referantur? q. si ille hoc unum agitare cœperit, esse aliquod genus cogendæ pecuniæ, senatorum commune, & iâ propè cōcessum ordini, quo genere ab socijs maxima pecunia per summam iniuriâ auferatur, neq; ullo modo senatorijs iudicijs reprehendi posse, idq; dū equester ordo iudicaret, nunq̃ esse commissum:*

quis obftet, quis erit tam cupidus uestri, tam fautor ordi-  
 nis, qui de transferendis iudicijs possit recusare? atq; uti-  
 nam posset aliqua ratione hoc crimē, quamuis falsa, mo-  
 do humana, atq; usitata defendere. minore periculo ue-  
 stro, minore periculo prouinciarum. omnium iudicare-  
 tis. negaret hic æstimatione se usum. uos id credidisse ho-  
 mini, non factum comprobasse uideremini. nullo modo  
 negare potest: urgetur à tota Sicilia: nemo est ex tãto nu-  
 mero aratorum, à quo pecunia cellæ nomine non sit ex-  
 acta. uellem etiam hoc posset dicere, nihil ad se istam ra-  
 tionem pertinere, per Quæstores rem frumentariam esse  
 administratā. ne id quidem ei licebit dicere: propterea q̃  
 ipsius literæ recitātur ad ciuitates de ternis denarijs mis-  
 se. quæ est igitur defensio? feci, quod arguis: coegi pecu-  
 nias maximas cellæ nomine: sed hoc mihi licuit: uobis, si  
 prospicitis, licebit. periculosum prouincijs, genus iniuriæ  
 confirmari iudicio. perniciosum nostro ordini, populum  
 R. existimare, nō posse eos homines, qui ipsi legibus teneā-  
 tur, leges in iudicando religiose defendere. Atq; isto  
 Prætor iudices non solum æstimandi frumenti modus  
 non fuit, sed ne imperandi quidem: neq; enim id, quod de-  
 bebatur, sed quātum commodum fuit, imperauit. sum-  
 mam faciam uobis ex publicis literis, & testimonijs ciui-  
 tatum frumenti in cellam imperati. reperietis quinquies  
 tanto iudices amplius istum, q̃ quantum ei in cellam su-  
 mere licitum sit, ciuitatibus imperasse. quid ad hanc im-  
 pudentiam addi potest, si & æstimauit tanti, ut homines  
 ferre non possent, & tanto plus, quàm erat ei concessum  
 legibus, imperauit? quapropter cognita tota re frumen-  
 taria iudices, iam facillime perspicere potestis, amissam

esse populo R. Siciliam fructuosissimam, atq; opportunissimam prouinciam, nisi eam uos istius damnatione recuperatis: quid est enim Sicilia, si ei agri cultionem sustuleris, & si aratorum numerum, ac nomē extinxeris? quid enim potest esse in calamitate residui, quod non ad miseros aratores isto Pratore per summam iniuriam, ignominiamq; peruenierit? quibus, cū decumas dare deberent, uix ipsis decumæ relictæ sunt: cum pecunia deberetur, soluta non est: cum optima aestimatione senatus frumentū eos in cellam dare uoluisset, etiam instrumēta agrorum uendere coacti sunt. dixi iam antea iudices, ut has omnes iniurias tollatis, tamē ipsam rationem arandi spe magis, & iucunditate quadam, q̄ fructu, atq; emolumento teneri: etenim ad incertum casum, & euētum certus quot annis labor, & certus sumptus impenditur. annona porro pretium, nisi in calamitate fructuum, nō habet. si autem ubertas in percipiendis fructibus fuit, consequitur uilitas in uendendis, ut aut male uendendum intelligas, si processit; aut male perceptos fructus, si recte licet uendere. totæ autem res rusticæ eiusmodi sunt, ut eas non ratio, neq; labor, sed, res incertissimæ, uenti, tēpestatesq; moderentur. hinc cum unæ decumæ lege, & conditione trahantur, alteræ nouis institutis propter annonæ rationem imperentur, ematur præterea frumētum quotannis publice, postremo etiam in cellam magistratibus, et Legatis imperetur: quid, aut quantum præterea est, quod aut liberum possit habere ille arator, ac dominus in potestate, suorum fructuum, aut in ipsis fructibus solutum? quòd si hæc ferūtur omnia; si uobis potius, ac populo R. quàm sibi, & suis commodis, opera, sumptu, labore deseruiunt:

etiam ne hæc noua debent edicta, et imperia Prætorum,  
 & Apronij dominationem, & Veneriorum seruorum  
 furta, rapinasq; perferre? etiam ne frumentum pro em-  
 pto gratis dare? etiam ne, in cellam cum cupiant gratis  
 dare ultro, pecuniam grâdem dare? etiam ne hæc tot de-  
 trimenta, atque damna cum maximis iniurijs, contume-  
 lysq; perferre? itaq; hæc iudices, quæ pati nullo modo po-  
 tuerunt, non pertulerunt. arationes tota Sicilia deser-  
 tas, atque à dominis relictas esse cognoscitis: neque quic-  
 quam aliud agitur hoc iudicio, nisi ut antiquissimi socij,  
 fidelissimiq; Siculi, coloni populi R. atque aratores, ue-  
 stra seueritate, & diligentia, me duce, atque auctore in  
 agros, atque in sedes suas reuertantur.

## ACCUSATIONIS IN C. VER

## REM LIBER VI.

## ORATIO IX.

ENIO nūc ad istius, quemadmodum  
 ipse appellat, studiū; ut amici eius, mor-  
 bum, et insaniam; ut Siculi, latrocinii.  
 V ego, quo nomine appellem, nescio. rem  
 uobis proponam: uos eam suo nominis  
 pondere penditote. genus ipsum prius cognoscite iudices:  
 deinde fortasse nō magnopere quaeritis, quo nomine ap-  
 pellandum putetis. nego in Sicilia tota, tam locuplete, tā  
 uetere prouincia, tot oppidis, tot familijs; tam copiosis,  
 ullum argenteum uas, ullum Corinthium, aut Deliacum  
 fuisse: nego ullam gemmam, aut margaritam fuisse, aut  
 quicquam ex auro, aut ebore factum, signum ullum æ-  
 neum, marmoreum, eburneum: nego ullā picturam ne-  
 que in tabulis, neq; textilem fuisse, quin quaeserit, inspe-  
 xerit; quod placitum sit, abstulerit. magnum uideor dice-  
 re. attendite, etiam quemadmodum dicam: non enim uer-  
 bi, neq; criminis causa augendi complector omnia. cum  
 dico nihil istum eiusmodi rerum in tota prouincia reli-  
 quisse: latine me scitote, nō accusatorie loqui. etiā planius:  
 nihil in ædibus cuiusquam, ne in oppidis quidem, nihil in  
 locis communibus, ne in fanis quidem, nihil apud Si-  
 culum, nihil apud ciuem R. nihil denique istum, quod  
 oculos, animumq; accenderit, neque priuati, neque  
 publici, neque profani, neque sacri tota in Sicilia  
 reliquisse. unde igitur potius incipiam, quā ab ea  
 ciuitate, quæ tibi una in amore, atque in delicijs



fuit? aut ex quo potius numero, quàm ex ipsis laudatoribus tuis? facilius enim perspicietur, qualis apud eos fueris, qui te oderunt, qui accusant, qui persequuntur; cū apud tuos Mamertinos inueniāre improbiſſima ratione eſſe prædatus. C. Heius eſt Mamertinus (omnes hoc mihi facile concedent, qui Meſſanā acceſſerunt) omnibus rebus in illa ciuitate ornaſſiſſimus: huius domus eſt uel optima Meſſanæ, notiſſima quidem certe, & noſtris hominibus apertiſſima, maximeq; perhoſpitalis. ea domus ante aduentum iſtius ſic ornata fuit, ut urbi quoq; eſſet ornamento: nam ipſa Meſſana, quæ ſitu, mœnibus, portuq; ornata ſit, ab his rebus, quibus iſte delectatur, ſanè uacua, atq; nuda eſt. erat apud Heium ſacrarium cum magna dignitate in ædibus à maioribus traditum, perantiquū: in quo ſigna pulcherrima quatuor ſummo artificio, ſumma nobilitate, quæ non modo iſtum hominem ingenioſum, atq; intelligentem, uerum etiam quemuis noſtrum, quos iſte idiotas appellat, delectare poſſent: unum Cupidinis marmoreum, Praxitelis (nimirum didici etiā, dum in iſtum inquiero, artificum nomina). idem opinor artifex eiſdem modi Cupidinem fecit illū, qui eſt Theſpys: propter quem Theſpiæ uiſuntur: nam alia uiſendi cauſa nulla eſt. itaq; ille L. Mummius, cum Theſpys ea, quæ ad ædem Felicitatis ſunt, cæteraq; profana ex illo opido ſigna tolleret, hunc marmoreum Cupidinem, quod erat conſecratum, non attigit. uerum ut ad illud ſacrariū redeam: ſignum erat hoc, quod dico, Cupidinis e marmore. ex altera parte Hercules egregie factus ex ære. is dicebatur eſſe Myronis, ut opinor, & certe. item ante hoſce deos erant tabulæ, quæ cuius ſacrarij religionem

significare possent : erant aenea præterea duo signa non maxima, uerum eximia uenustate, uirginali habitu, atq; uestitu, quæ manibus sublatis sacra quadam more Atheniensium uirginum reposita in capitibus sustinebāt. Canephoræ ipsæ uocabātur. sed earum artificem quēnam ? recte admones : Polycletum esse dicebant . Messanam ut quisq; nostrū uenerat, hæc uisere solebat : omnibus hæc ad uisendum patebant quotidie : domus erat nō domino magis ornamento, quā ciuitati. C. Claudius, cuius Aedilitatem magnificentissimā scimus fuisse, usus est hoc Cupidine tandiū, dum forum dīs immortalibus, populoq; Re. habuit ornatum : & cum esset hospes Heiorū, Mamerтини autem populi patronus, ut illis benignis usus est ad cōmodandum, sic ipse diligens fuit ad reportādum. nuper homines nobiles eiusmodi iudices : ecquid dico, nuper ? immo uero modo, ac planè paulo ante uidimus, qui forum, ac basilicas nō spolys provinciarū, sed ornamentis amicorum, cōmodis hospitum, nō furtis nocentium ornerent : qui tamen signa, atq; ornamenta sua cuiq; reddebant, non, ablata ex urbibus sociorū quatrīdūi causa per simulationem Aedilitatis, domū deinde, atq; ad suas uilas auferebāt. hæc omnia, quæ dixi, signa iudices ab Heio de sacrario Verres abstulit : nullum in quā horum reliquit, neq; aliud ullum tamen, præter unum peruetus ligneum, Bonam fortunam, ut opinor, eam iste domi suæ habere noluit. prò deū hominūq; fidem, quid hoc est ? quæ hæc causa ? quæ hæc impudentia est ? quæ, dico, signa, antequam abs te sublata sunt, nemo Messanā cum imperio uenit, quin uiderit. tot Prætores, tot Consules in Sicilia tum in pace, tum etiam in bello fuerunt : tot ho-

mines cuiusq; modi : non loquor de integris, innocētibus,  
 religiosis : tot cupidi, tot improbi, tot audaces : quorum  
 nemo sibi tam uehemens, tam potēs, tam nobilis uisus est,  
 qui ex illo sacrario quicquam poscere, aut tollere, aut at-  
 tingere auderet. Verres, quod ubiq; erit pulcherrimum,  
 auferet ? nihil habere præterea cuiquam licebit ? tot do-  
 mus locupletissimas domus istius una capiet ? iccirco ne-  
 mo superiorum attigit, ut iste tolleret ? ideo C. Claudius  
 Pulcher retulit, ut C. Verres posset auferre ? at nō requi-  
 rebat ille Cupido lenonis domum, ac meretriciam discipli-  
 nam : facile illo sacrario patrio continebatur. Hecio se à  
 maioribus relictum esse sciebat : ad hereditatem sacro-  
 rum nō querebat meretricis heredem, sed quid ego tam  
 uehemēter inuehor ? uerbo iam uno repellar. emi, inquit.  
 ò di immortales, præclaram defensionem. mercatorem  
 cum imperio, ac securibus in prouinciam misimus, qui o-  
 mnia signa, tabulas piētas, omne argentū, aurum, ebur,  
 gemmas coemeret, nihil cuiquā relinqueret. hac enim mī  
 hi ad omnia defensio patefieri uidetur, emisse. primum, si  
 id, quod uis, tibi ego concedā, ut emeris, quoniam in to-  
 to hoc genere hac una defensione usus es : quero cuius-  
 modi tu iudicia Romæ putaris esse, si tibi hoc quenquam  
 concessurū putasti, te in Prætura, ac imperio tot res, tam  
 pretiosas, omnes deniq; res, quæ alicuius pretij fuerint, to-  
 ta ex prouincia coemisse ? uidete maiorum diligentiam,  
 qui nihil dum etiā istiusmodi suspicabātur, ueruntamen  
 ea, quæ paruis in rebus accidere poterāt, providebāt. ne-  
 minem, qui cum potestate, aut legatione in prouinciā es-  
 set profectus, tam amentem fore putarūt, ut emeret ar-  
 gentum ; dabatur enim de publico : ut uestem ; præbe-

batur enim legibus: mancipium putauerunt: quo & omnes utimur, & non præbetur a populo. sanxerunt, ne quis emeret mancipiū, nisi in demortui locum. si quis Romæ esset demortuus: immo si quis ibidem: nō enim te intruere domum tuam uoluerunt in prouincia, sed illum usum prouinciæ supplere. quæ fuit causa, cur tam diligenter nos in prouincijs ab emptionibus remouerēt? hæc iudices, & putabant ereptionem esse, nō emptionem, cum uenditori suo arbitrari uedere non liceret. in prouincijs, intelligebāt, si is, qui esset cum imperio, ac potestate, quod apud quenq; esset, emere uellet, idq; ei liceret; fore, uti, quod quisq; uellet, siue esset uenale, siue non esset, quanti uellet, auferret. dicit aliquis: noli isto modo agere cum Verre: noli eius facta ad antiquæ religionis rationem exquirere: concede, ut impune emerit, modo ut bona ratione emerit, nihil ab inuito, nihil per iniuriam. sic agam. si quid uenale habuit Heius, si id, quanti aestimabat, tanti uendidit: desino quærere, cur emeris. quid igitur nobis faciendum est? num argumentis utendum in re eiusmodi? quærendum est credo, Heius iste num as alienum habuerit, num auctionem fecerit: si fecit, num tanta difficultas cum rei nummarie tenuerit, tanta egestas, tanta uis oppresserit, ut sacrarium suum spoliaret, ut deos patrios uenderet. at hominem uideo auctionem fecisse nullo modo, uendidisse præter fructus suos nihil unquam: non modo in ære alieno nullo, sed in suis nummis multis esse, ac semper fuisse: si hæc contra, ac dico, essent omnia; tamen illum hæc, quæ tot annos in familia, sacrarioq; maiorum fuissent, uenditurum non fuisse. quid, si magnitudine pecuniæ persuasum est ei? uerisimile non

est, ut ille homo tam locuples, tamen honestus religioni suae, monumentisq; maiorum pecuniā anteponeret. sunt ista : ueruntamen abducuntur homines nonnunquam etiam ab institutis suis magnitudine pecuniae. uideamus, quāta ista pecunia fuit, quā potuerit Heium, hominem maxime locupletem, minime auarum, ab humanitate, et pietate, ab religione deducere. ita iussisti, opinor, ipsum in tabulas referre : haec omnia signa Praxitelis, Myronis, Polycleti HS VI mil. Verri uendita sunt. Recita ex tabulis. iuuat me, haec praeclara nomina artificū, quae isti ad caelum ferunt, Verris aestimatione sic concidisse, Cupidinem Praxitelis HS MDC. profecto hinc natum est : malo emere, quā rogare. dicet aliquis : quid ? tu ista permagno aestimas ? ego uero ad meā rationem, usumq; non aestimo. ueruntamen à uobis ita arbitror spectari oportere, quāti haec eorum iudicio, qui studiosi sunt harum rerum, aestimentur, quāti uenire soleant, quāti haec ipsa, si palam libereq; uenirent, uenire possent, deniq; ipse Verres quāti aestimet : nunquā enim, si denarius quadringentis Cupidinem illum putasset, commisisset, ut propter eum in sermonem hominum, atque in tantam uituperationem ueniret. quis uestrum igitur nescit, quāti haec aestimentur ? in auctione signum aeneum non magnum HS CXX millibus uenire non uidimus ? quid, si uelim nominare homines, qui aut nō minoris, aut etiam pluris emerent : non ne possum ? etenim quī modus est in his rebus cupiditatis, idem est aestimationis : difficile est enim finem facere pretio, nisi libidini feceris. uideo igitur Heium neque uoluntate, neq; difficultate aliqua temporis, neq; magnitudine pecuniae adductum esse, ut haec signa uideret,

teq; ista simulatione emptionis, vi, metu, imperio, fascibus ab homine eo, quem unà cum ceteris socijs nō solum potestati tuæ, sed etiam fidei populus R. commiserat, eripuisse atq; abstulisse. quid mihi tam oprādum iudices potest esse in hoc crimine, quàm ut hæc eadē dicat ipse Heius? nihil profecto. sed ne difficilia optemus. Heius est Mamertinus. Mamertina ciuitas istum publice communi cōsilio sola laudat: omnibus iste ceteris Siculis odio est: ab his solis amatur. eius autem legationis, quæ ad istum laudandum missa est, princeps est Heius: etenim est prius ciuitatis. ne forte, dum publicis mandatis seruiat, de priuatis iniurijs reticeat. hæc cum scirem, et cogitarem, comisi tamen me iudices Heio: produxi eū prima actio: ne; neq; id tamen ullo periculo feci: quid enim poterat Heius respondere, si esset improbus? si sui dissimilis? si: gna illa domi suæ esse, non apud Verrem? qui poterat quicquam eiusmodi dicere? ut homo turpissimus esset, impudentissimq; mentiretur: hoc diceret, illa se habuisse uenalia, eaq; sese, quanti uoluerit, uendidisse. homo domi suæ nobilissimus, qui uos de religione sua, ac dignitate uere existimare maxime uellet, primo dixit se istum publice laudare, q̃ sibi ita mandatum esset; deinde neq; se habuisse illa uenalia, neq; ulla cōditione, si, utrum uellet, liceret, adduci unquā potuisse, ut uenderet illa, quæ in sacratio fuissent à maioribus suis relictæ, et tradita. quid sedes Verres? quid expectas? quid te à Centuripina ciuitate, à Catinesi, ab Halesina, Tyndaritana, Ennensi, Agyrinensi, ceterisq; Sicilia ciuitatibus circūueniri, atq; opprimi dicis? tua te altera patria, quemadmodum dicere solebas, Messana circūuenit, tua inquam Messana



tuorum adiutrix scelerum, libidinum testis, prædarum, ac furtorum receptrix: adest enim uir amplissimus eius ciuitatis, Legatus huiusce iudicii causa domo missus, princeps laudationis tuæ, qui te publice laudat: id enim mandatum, atq; imperatum est: tamen si rogatus de Cybea, tenetis memoria, quid responderit: ædificatâ publicis operis publice coactis, eiq; ædificandâ publice Mamertinum senatorem præfuisse. idem ad uos priuatim iudices cōfugit: utitur hac lege, qua iudicium est cōmunis, et priuatæ rei sociorum. tamen si lex est de pecunijs repetundis, ille se negat pecuniam repetere, quam ereptam nō tantopere desiderat: sacra se maiorum suorum repetere abs te dicit: deos penates à te patrios reposcit. ecqui pudor est? ecquæ religio? Verres? ecqui metus? habitasti apud Heium Messanæ: res illū diuinas apud deos in suo sacrario propè quotidie facere uidisti. nō mouetur pecunia: deniq; quæ ornamenti causa fuerunt, non requirit: habet Caneaphoras: deorum simulacra restitue. quæ quia dixit, quia tēpore dato modeste apud uos socius, amicusq; populi R. questus est; quia religioni suæ non modo in dys patrijs repetundis, sed etiam in ipso iureiurando, ac testimonio proximus fuit: hominem missum ab isto scitote esse Messanam de Legatis unum, illum ipsum, qui naui istius ædificandæ publice præfuit, qui à senatu peteret, ut Heius ignominia afficeretur. homo amētissime quid putasti? te impetraturum? q̄ti is à ciuibus suis fieret, q̄ti auctoritas eius haberetur, ignorabas? uerū fac te impetrauisse: fac aliquid grauius in Heium statuisse Mamertinos: quantum putas auctoritatem laudationis eorū futuram, si in eum, quem cōstet uerum pro testimonio dixisse, pænam



constituerent? tametsi quæ est ista laudatio, cum laudator interrogatus lædat necesse est? quid? isti laudatores tui nõ ne testes mei sunt? Heius est laudator: læsit gravissime. producã cæteros: reticebunt, quæ poterunt, libenter: dicent, quæ necesse erit, ingratiss. negent isti onerariã navem maximã adificatam esse Messanã? negët, si possint. negët ei navi faciendã senatorem Mamertinũ publice præfuisse? utinã negent. sunt etiã cætera: quæ malo integra reservare, ut q̃ minimum sit illis tẽporis ad meditando, confirmandumq; periuriũ. hæc tibi laudatio procedat in numerũ. hi te homines auctoritate sua sublevent: qui te neq; debēt adiuuare, si possint; neq; possunt, si uelint: quibus tu priuatim iniurias plurimas, cõtumeliasq; imposuisti: quo in oppido multas familias totas in perpetuũ infames tuis stupris, flagitijsq; fecisti. at publice commodaſti. nõ sine magno quidem Reip. provinciãq; Siciliæ detrimento. tritici modiũ L X millia emptã populo R. dare debebant, & solebant. abs te solo remissum est. Resp. detrimentũ fecit, q̃ per te imperij ius una in ciuitate imminutũ est: Siculi, q̃ hoc nõ de summa frumenti detractum est, sed translatũ in Cẽturipinos, & Halesinos imunes populos; & hoc plus impositum, q̃ ferre possent. navem imperare ex fœdere debuisti: remisisti in triennium. militẽ nullum unquã poposcisti per tot annos: fecisti itẽm uti prædones solent: qui cum cõmunes hostes sint omnium, tamen aliquos sibi instituunt amicos, quibus non modo parcant, uerum etiam præda quos augeant, & eos maxime, qui habent oppidum opportuno loco, quò sæpe aduendum sit nauibus, nõnunquam etiã necessario. Phaselis illa, quã cepit P. Sgruilius, nõ fuerat urbs

ante Cilicum, atq; prædonum: Lycij illam Græci homines incolebant. sed q̄ erat eiusmodi loco, atq; ita proiecta in altum, ut et exeuntes è Cilicia prædones sæpe ad eam necessario deuenirent, & cum ex hisce se locis reciperēt, eodem deferrentur: ascuerunt illud sibi oppidum piratæ primo cōmercio, deinde etiam societate. Mamertina ciuitas improba antea nō erat, etiā erat inimica improborum: quæ C. Catonis illius, qui Consul fuit, impedimenta retinuit: at cuius hominis? clarissimi, potentissimiq; qui tamen, cum Consul fuisset, condemnatus est. ita? C. Cato duorum hominum clarissimorum nepos, L. Pauli, & M.

- \* Catonis, & P. Africanī sororis filius: quo damnato, tum cum seuera iudicia fiebant, 145 X V I I I millibus lis æstimata est. huic Mamertini irati nō fuerunt, qui maiorem sumptum, quàm quanti Catonis lis æstimata est, in Timarchidis prandium sæpe fecerūt. uerum hæc ciuitas isti prædoni, ac piratæ Siciliensi Phaselis fuit. huc omnia undiq; deportabantur, apud istos relinquebantur: quod celari opus erat, habebant sepositum, ac reconditum: per istos, quæ uolebat, in nauem clam imponenda, occulte exportanda curabat: nauem deniq; maximam, quam onustam furtis in Italiam mitteret, apud istos faciendam, ædificandamq; curauit. pro hisce rebus uacatio data est ab isto sumptus, laboris, militiae, rerum deniq; omnium. per triennium soli nō modo in Sicilia, uerum, ut opinio mea fert, his quidem in temporibus in omni orbe terrarum uacui, expertes, soluti, ac liberi fuerunt ab omni sumptu, molestia, munere. hinc illa Verrea nata sunt. hinc in conuiuium Sex. Cominiū protrahi iussit, in quem scyphum de manu iacere conatus est, quem obtorta gula de conuiuiō

uincio in uincula, atque in tenebras abripi iussit. hinc illa  
 crux, in quam ciuem R. iste multis inspectantibus sus-  
 lit: quam nō ausus est usquā defigere, nisi apud eos, qui=  
 buscum omnia scelera sua, ac latrocinia communicasset.  
 laudatum etiam uos quenquam uenire audetis? qua au=  
 cloritate? utrum, quam apud senatorium ordinem, an  
 quā apud populum R. habere debetis? ecquæ ciuitas est,  
 nō modo in prouincijs nostris, uerum in ultimis nationi=  
 bus aut tam potēs, aut tam libera, aut etiam tam imma=  
 nis, ac barbarā; Rex deniq; ecquis est, qui senatorem po=  
 puli R. tecto, ac domo non inuitet? qui honos non homini  
 solum habetur, sed primū populo R. cuius beneficio nos  
 in hunc ordinē uenimus: deinde ordinis auctoritati: quæ  
 nisi grauis erit apud socios atq; exteras nationes, ubi erit  
 imperij nomen, & dignitas? Mamertini me publice non  
 inuitauerunt. me cum dico, leue est. senatorem populi R.  
 si non inuitauerunt, honorem debitum detraxerunt non  
 homini, sed ordini: nam ipsi Tullio patebat domus locu=  
 pletissima, & amplissima C. Pompei Basilici: quod, etiam  
 si esset inuitatus a uobis, tamē diuertisset: erat etiam Per=  
 cenniorum, qui nunc item Pompeij sunt, domus honestis=  
 sima: qua L. frater meus, summa illorum uoluntate di=  
 uertit. senator populi R. quod in uobis fuit, in uestro op=  
 pido iacuit, & pernoctauit in publico. nulla hoc alia ci=  
 uitas unquam comisit. amicum enim nostrum in iudiciū  
 uocabas. tu, quid ego priuatim negotij geram, interpreta=  
 bere in minuendo honore senatorio? uerum hæc tum que=  
 remur, si quid de uobis per eum ordinem agatur, qui or=  
 do a uobis adhuc solis contemptus est. in populi R. quidē  
 conspectum quo ore uos commisistis? nec prius illam cru

cem, quæ etiam nunc ciuis R. sanguine redundat, quæ fixa est ad portum, urbemq; uestram, reuellistis, neq; in profundum abiiecistis, locumq; illum omnem expiastis, q̄ Romam, atq; in horum cõuentum adiretis? in Mamertinorum solo fœderato, atq; pacato monumentum istius crudelitatis constitutum est. uestra ne urbs electa est, ad quã cum adirẽt ex Italia, crucem ciuis R. prius, quã quamquam amicum uiderent populi R? quam uos Rheginis, quorum ciuitati inuidetis, item incolis uestris, ciuibus R. ostendere soletis, quominus sibi arrogant, minusq; uos despiciant, cum uideant ius ciuitatis illo supplicio esse mutatum. Verum hæc emisse te dicis. quid illa Attalica, tota Sicilia nominata, ab eodẽ Heio peripetasmata emere oblitus es? licuit eodem modo, ut signa: quid. n. actum est? an literis pepercisti? uerum hominem amẽtem hoc fugit. minus clarum putauit fore quod de armario, quã quod de sacrario esset ablatum. at quomodo abstulit? nõ possum dicere planius, quã ipse apud uos dixit Heius. cum quæsisset, nunquid aliud de bonis eius peruenisset ad Verrem: respondit, istum ad se misisse, ut sibi mitteret Agrigentum peripetasmata. quæsiui, an misisset: respondit id, quod necesse erat, scilicet dicto audientem fuisse Pratori, misisse. rogauit, peruenissent ne Agrigentum: dixit, peruenisse. quæsiui, an domum reuertissent? negauit adhuc reuertisse. risus populi, atq; admurmuratio omniũ facta est. hic tibi in mentẽ nõ uenit, iubere, ut hæc quoq; referret HS D se tibi uendidisse: metuisti ne æs alienum tibi cresceret, si HS VI millibus D tibi constarent ea, quæ tu facile posses uendere HS CC millibus. fuit tanti, mihi crede: haberes, quod defenderes: nemo quæreret,

quanti illa res esset: si modo te posses docere emisse, facile cui uelles tuam causam, & factum probares. nunc de peripetasmatis quemadmodum te expedias, non habes. quid? à Philarcho Cêturipino, homine locuplete, ac nobili, phaleras pulcherrime factas, quæ Regis Hieronis fuisse dicuntur, utrū tandem abstulisti, an emisti? in Sicilia quidem cum essem, sic à Centuripinis, sic à cæteris audiebam: non enim parum res erat clara. tam te has phaleras à Philarcho Centuripino abstulisse dicebant, quàm alias item nobiles ab Aristo Panormitano, quàm tertias à Cratippo Tyndaritano. etenim si Philarchus uendidisset, non ei, postea quàm reus factus es, redditurū te promississes. quod quia uidisti plures scire: cogitasti, si ei reddidisses, te minus habiturum, rem nihilo minus testatam futuram: nō reddidisti. dixit Philarchus pro testimonio, se, quòd nosset tuum istum morbum, ut amici tui appellarent, cupisse te celare de phaleris: cum abs te appellatus esset, negasse habere sese: apud alium quoque eas habuisse depositas, ne quā inuenirètur: tuam tantam fuisse sagacitatem, ut eas per illum ipsum inspiceres, ubi erant depositæ: tum se deprehensum negare non potuisse: ita ab se inuito ablatas phaleras gratis. iam, ut hæc omnia reperire, ac perscrutari solitus sit iudices, est operæ pretium cognoscere. Cybirata sunt fratres quidam Tlepolemus, & Hiero: quorum alterum fingere opinor è cera solitum esse, alterum esse pictorem. hosce, opinor, Cybiræ, cum in suspicionē uenissent suis ciuibus, fanum expilasse Apollinis, ueritos pœnam iudicij, ac legis, domo profugisse. q̃ Verrem artificij sui cupidum cognouerāt; tum, cum iste, id quod ex testibus didicistis, Cybiram cū

inanihus syngraphis uenerat: domo profugientes ad eum  
 se exules, cum iste esset in Asia, contulerunt. habuit secū  
 eos ab illo tempore: & in Legationis pradis, atq; furtis  
 multum illorum opera, cōsilioq; usus est. hi sunt illi, qui=  
 bus in tabulis retulit sese Q. Tadius dedisse iussu istius  
 Græcis pictoribus. eos iam bene cognitos, & re probatos  
 secum in Siciliam duxit. quò posteaquam uenerunt, mi=  
 randum in modum canes uenaticos diceret: ita odorabā=  
 tur omnia, & peruestigabant, ut, ubi quicquid esset, ali=  
 qua ratione inuenirent. aliud minitando, aliud pollicen=  
 do, aliud per seruos, aliud per liberos, per amicū aliud,  
 aliud per inimicum inueniebāt. quicquid illis placuerat,  
 perdendum erat. nihil aliud optabant, quorum posceba=  
 tur argentum, nisi ut Hieroni & Tlepolemo displiceret.  
 uero mehercules hoc iudices ditam, memini Pamphilum  
 Lilybetanum hospitem meum, & amicū, nobilem ho=  
 minem, mihi narrare: cū iste ab sese Hydriam Boeti ma=  
 nu factam, præclaro opere, et grandi pondere, per pote=  
 statem abstulisset, se sanè tristem, & conturbatum do=  
 mum reuertisse, q̃ uas eiusmodi, quod sibi à patre, & à  
 maioribus esset relictū, quo solitus esset uti ad festos dies,  
 ad hospitum aduētum, à se esset ablatum. cum sederem,  
 inquit, domi tristis: accurrit Venerius: iubet me scyphos  
 sigillatos ad Prætorem statim afferre. permotus sum, in=  
 quit: binos habebā: iubeo promi utrosq; ne quid plus ma=  
 li nasceretur, & mecum ad Prætoris domum ferri. cō=  
 cum uenio: Prætor quiescebat: fratres illi Cybirate inam=  
 bulabant. qui simul ut me uiderunt, ubi sunt Pamphile,  
 inquit, scyphi? ostendo tristis. laudant. incipio queri, me  
 nihil habiturum, quod alicuius esset pretij, si etiā scyphi



essent ablati. tum illi, ubi me conturbatum uident: quid  
 uis nobis dare, isti ne auferatur abs te? ne multa, HS CC  
 me, inquit, poposcerunt: dixi me C daturū. uocat interea  
 Prætor: scyphos poscit. tum illos cœpisse Prætori dicere,  
 putasse se, id quod audissent, alicuius pretij scyphos esse  
 Pamphili: luteum negotium esse, non dignū, quod in suo  
 argento Verres haberet. ait ille idem sibi uideri. ita Pam  
 philus scyphos optimos aufert. & mehercules ego antea,  
 tametsi hoc nescio quid nugatoriū sciebam esse, ista intel  
 ligere, tamen mirari solebam, istum in his ipsis rebus ali  
 quem sensum habere, quem scire nulla in re quicquam  
 simile hominis habere. tum primum intellexi ad eam rē  
 istos fratres Cybiratas fuisse, ut iste in furando manibus  
 suis, oculis illi rē ueretur. ac ita studiosus est L. uii præ  
 claræ existimationis, ut putetur in hisce rebus intelligēs  
 esse: ut nuper (uidete hominis amentiam) posteaquam est  
 comperēdinatus, cum iam pro damnato, mortuoq; esset,  
 ludis Circensibus mane apud L. Sisennam uirum prima  
 rium, cum essent triclinia strata, argentumq; expositum  
 in ædibus, cum pro dignitate L. Sisennæ domus esset ple  
 na hominum honestorum, accesserit ad argentum, con  
 templari unumquodq; otiose, & considerare cœperit. mi  
 rari stulticiam aliq; in ipso iudicio eius ipsius cupidita  
 tis, cuius insimularetur suspitionem augetet. aliq; amen  
 tiam, cui comperēdinato, cum tam multi testes dixissent,  
 quicquam illorum ueniret in mentem. pueri autem, Sisen  
 næ, credo qui audiuissent quæ in istum testimonia essent  
 dicta, oculos de isto nusquam deicere, neq; ab argento  
 digritū discedere, est boni iudicis, paruis ex rebus cōiectu  
 ra facere uniuscuiusq; & cupiditatis, & incontinentiæ.



qui reus lege, & reus comperendinatus, re, & opinione hominum penè damnatus, temperare non potuerit maximo conuentu, quin L. Sisennæ argentum tractaret, et consideraret; hunc in prouincia Prætorem quisquam putabit à Sicularum argento cupiditatem, aut manus abstinere potuisse? Verum uti Lilybæum, unde digressa est, oratio reuertatur: Diocles est Pamphili gener illius, à quo Hydria ablata est, Popillius cognomine. ab hoc abaci uasa omnia, ut exposita fuerant, abstulit: dicat se emisse: etenim hic propter magnitudinem furti sunt, ut opinor, literæ factæ. iussit Timarchidem aestimare argentum, quo modo? quo, qui unquā tenuissime in donatione histrionum aestimauit. tamen si iandudum erro, qui tam multa de tuis emptionibus uerba faciam, & quæram, utrum emeris, & quomodo, & quanti emeris, quod uerbo transigere possum. ede mihi scriptum: quid argenti in prouincia Sicilia pararis, unde quidq; aut quāti emeris. quid sit? quanquam non debebam ego abs te has literas poscere: me enim tabulas tuas habere, & proferre oportebat. uerum negas te horum annorum aliquot cōfecisse. cōpone hoc, quod postulo, de argento: de reliquo uidero. nec scriptum habeo: nec possum edere. quid futurum igitur est? quid exislimas hosce iudices facere posse? domus plena signorū pulcherrimorū iam etiam ante Præturam, multa ad uillas tuas posita, apud amicos multa deposita, multa alijs data, atq; donata: tabula nullum in dicant emptum: omne argentum ablatum ex Sicilia est: nihil cuiquam, quod suum dici uellet, relictum. fingitur improba defensio, Prætorem omne id argentum cōmisisse: tamen id ipsum tabulis demonstrari nō potest: si quas

tabulas proferas, in his, quid habeas, quomodo habeas, scriptū non est. horū autem temporū cū te plurimas res emis-  
se dicas, tabulas omnino nullas proferas: nō ne te et pro-  
latis, et nō prolatis tabulis condēnari necesse est? tu à M.  
Celio, equite R. lectissimo adolescente, quæ uoluisti uasa  
argentea Lilybæi abstulisti: tu P. Cacurij, promptissimi  
hominis, et experientis, et in primis gratiosi, supellectilē  
omnē auferre non dubitasti: tu maximā, et pulcherrimā  
mensam citreā à Q. Lutadio Diodoro, qui Q. Catuli  
beneficio à L. Sylla ciuis R. factus est, omnibus scientibus  
Lilybæi abstulisti. nō tibi obijcio, quod hominē dignissi-  
mū tuis moribus, Apolloniū Niconis filiū Drepanitanū,  
qui nūc A. Clodius uocatur, omni argento optime facto  
spoliasti, ac depeculatus es. taceo: non. n. putat ille sibi in-  
iuriā factā, propterea q̄ homini iam perdito, et collū in  
laqueū inferenti subuenisti, quū pupillis Drepanitanis bo-  
na patria erepta cū illo partitus es. gaudeo etiam, si quid  
ab illo abstulisti, et abs te nihil rectius factū esse dico. à  
Lisone uero Lilybatano, primo homine, apud quē diuer-  
satus es, Apollinis signū ablatū certe eē nō oportuit. at di-  
ces te emisse. scio: HS M. ita opinor. scio inquā. proferā  
literas: et tamen id factū non oportuit. à pupillo Heio,  
cui Marcellus tutor est, à quo pecuniam gradem eripue-  
ras, scaphia cum emblematis Lilybæi utrum emptā esse  
dicis, an confiteris erepta? sed quid ego istius in eiusmodi  
rebus mediocres iniurias colligo, quæ tantūmodo in fur-  
tis istius, et damnis eorum, à quibus auferebat, uersata  
esse uideantur? accipite, si uultis, iudices rem eiusmodi, ut  
amentia singularem, ut furorē iam, nō cupiditatem eius  
perspicere possitis. Melitēsis Diodorus est: qui apud uos

antea testimonium dixit. is Lilybæi multos iam annos ha-  
 bitat, homo & domo nobilis, & apud eos, quò se còtulit,  
 propter uirtutem splendidus, & graciosus. de hoc Verri  
 dicitur, habere cū perbona toreumata, in his pocula duo  
 quedā, quæ Heractia nominātur, Mentoris manu sum-  
 mo artificio facta. quod ubi iste audiuit, sic cupiditate in-  
 flāmatuſ est non solum inspicundi, uerū etiā auſeren-  
 di, ut Diodorū ad se uocaret, ac posceret. ille, qui illa non  
 inuitus haberet, respondit se Lilybæi non habere, Melitæ  
 apud quendam propinquū suū reliquiſſe. tūm iste con-  
 tinuo mittit homines certos Melitam: scribit ad quosdā  
 Melitenses, ut ea uasa perquirāt: rogat Diodorū, ut ad  
 illum suū propinquū det literas. nihil ei longius uide-  
 batur, quā dum illud uideret argentū. Diodorus, homo  
 frugi, ac diligens, qui sua seruare uellet, propinquo suo  
 scribit, ut is, qui à Verre uenissent, responderet, illud ar-  
 gentū se paucis illis diebus miſiſſe Lilybæum. ipse interea  
 recedit. abesse ab domo paulisper maluit, quā præsens  
 illud optime factū argentum amittere. quod ubi audiuit  
 iste, usq; eo est cōmotus, ut sine ulla dubitatione insanire  
 omnibus, ac furere uideretur: quia non potuerat argē-  
 tum eripere, ipse à Diodoro crepta sibi uasa optime fa-  
 cta dicebat, minitari absenti Diodoro, uociferare palam,  
 lacrymas interdum uix tenere. Eriphylam accepimus in  
 fabulis ea cupiditate, ut, cum uidisset monile, ut opinor,  
 ex auro, & gemmis, pulchritudine eius incensa salu-  
 tem uiri proderet. similis istius cupiditas, hoc etiā acri-  
 or, atque insanior, quòd illa cupiebat id, quod uide-  
 rat, huius libidines non solum oculis, sed etiā auri-  
 bus excitabantur. conquiri Diodorū tota prouincia

iubet. ille ex Sicilia castra iam mouerat, et uasa collegerat. homo, ut aliquo modo illum in provinciam reuocaret, hanc excogitauit rationem: si hac ratio. potius, quam amentia nominanda est. apponit de suis canibus quendam, qui dicat se Diodorum Melitensem rei capitalis reum uelle facere. primo mirum omnibus uideri, Diodorū reum, hominem quietissimum, ab omni non modo facinore, uerum etiam minimi erroris suspitione remotissimū: deinde esse perspicuum, fieri omnia illa propter argentum. iste non dubitat inbere, nomen deferri. Et tum primum opinor istum absentis nomen recepisse. reclamant Sicilia tota, propter calati argenti cupiditatem reos fieri rerum capitalium; neque solum praesentes reos fieri, sed etiam absentes. Diodorus Romae sordidatus circum patronos, atque hospites cursare, rem omnibus narrare. literae mittuntur isti à patre uehementes, ab amicis item, uideret quid ageret de Diodoro quò progredereetur, rem claram esse, et inuidiosam, insanire hominem, periculum hoc uno crimine, nisi cauisset. iste etiam tum patrem si non in praesentis, at in hominum numero putabat: ad iudiciū nondum se satis instruxerat: primus annus erat provinciae, non, ut in Sthenio, iam refertus pecunia. itaque furor eius paululum non pudore, sed metu, ac timore repressus est. cōdemnare Diodorū non audeat, absentem de reis eximit. Diodorus interea Praetore isto prope tricorniū provincia, domoque caruit. ceteri non solum Siculi, sed etiam ciues Romae hoc statuerant: quoniam iste tantum cupiditate progredereetur, nihil esse, quod quisquam putaret se, quod isti paulo magis placeret, conseruare, aut domi retinere posse. postea uero quā intellexerunt, isti uirum fortem,

quem summe provincia expectabat, Q. Arrium nō succedere : statuerunt se nihil tam clausum, neq; tam reconditum posse habere, quod non istius cupiditati apertissimum, promptissimumq; esset. tum iste ab equite R. splendido, & gratioſo Cn. Calidio, cuius filium sciebat senatorem populi R. & iudicem esse, equuleos argenteos nobiles, qui Q. Maximi fuerant, aufert. imprudens huc incidi iudices : emit enim, non abstulit. nollem dixisse. iactabit se, & in his equitabit equuleis. emi : pecuniam solui. credo, etiam tabulæ proferentur. est tanti. cedo tabulas. dilue sanè crimen hoc Calidianū, dum ego tabulas aspiciere possim. uerūtamen quid erat, quod Calidius Romæ quereretur, se, cum tot annos in Sicilia negotiaretur, abs te solo ita esse contemptum, ita despectum, ut etiam cum cæteris Siculis dispoliaretur ; si emerat ? quid erat, quod confirmabat, se abs te argentum esse repetiturum, si tibi sua uoluntate uediderat ? tu porro posses facere, ut Cn. Calidio non redderes ? præsertim cum is L. Sisenna defensor tuo tam familiariter uteretur, cum & cæteris familiaribus Sisennæ reddidisses. deniq; non opinor negaturum esse te homini honesto, sed nō gratiosiori quàm Cn. Calidius est, L. Cordio argentum per Potamonem amicū tuum reddidisse. qui quidem cæterorū causam apud te difficiliorem fecit. nam cum te cōpluribus confirmasset redditurum : posteaq; Cordius pro testimonio dixit te sibi reddidisse, finem reddendi fecisti, quod intellexisti te, præda de manibus amissa, testimonium tamen effugere non posse. Cn. Calidio equiti R. per omnes Prætores licuit argentum habere bene factum : licuit posse domesticis copiis, cum magistratum, aut aliquem sup̄iorem inui-

tasset, ornare, & apparare conuiuium. multi domi Cn. Calidij cum imperio, ac potestate fuerunt: nemo inuen-  
tus est tam amens, qui illud argentum tam præclarum,  
ac tam nobile eriperet: nemo tam audax, qui posceret:  
nemo tam impudens, qui postularci, ut uenderet: super-  
bum est enim iudices, & nō ferendum, dicere Pratorem  
in provincia homini honesto, locupleti, splendido, uende  
mihī uasa calata: hoc est enim dicere, non es dignus tu,  
qui habeas, quæ tam bene facta sint: mea dignitatis ista  
sunt. tu dignior Verres, q̄ Calidius? quī, ut non cōferam  
uitam, atq; existimationem tuam cum illius (neq; enim  
est conferenda) hoc ipsum cōferam, quo tu te superio-  
rem fingis: quòd HS LXXX millia diuisoribus, ut  
Prator renuntiare, dedisti: trecenta accusatori, ne tibi  
odiosus esset. ea re cōtemnis equestrem ordinem, ac despi-  
cis? ea re indignū tibi uisum est, quicquam, quod tibi pla-  
ceret, Calidiū potius habere, q̄ te? iactat se iandudum  
de Calidio: narrat omnibus, se emissee. num etiam de L.  
Papirio, uiro primario, locuplete, honestoq; equite R.thu-  
ribulum emisisti? qui. pro testimonio dixit, te, cum inspi-  
ciendum poposcisses, auulso emblemate remisisse: ut intel-  
ligatis, in homine intelligentiam esse, non auaritiam; ar-  
tificij cupidum, non argenti fuisse. nec solum in Papirio  
fuit hac abstinentia: tenuit hoc institutum in thuribus  
tis omnibus, quæcunq; in Sicilia fuerunt. incredibile est  
autem, quàm multa, & quàm præclara fuerint. credo  
tum, cum Sicilia florebat opibus, & copijs, magna artifi-  
cia fuisse in ea insula: nā domus erat ante istum Prato-  
rem nulla paulo locupletior, qua in domo hac nō essent,  
etiā si præterea nihil esset argenti: patella grandis, cum



figillis ac simulacris deorum, patera, qua mulieres ad res diuinas uterentur: thuribulum. hæc autem omnia antiquo opere, & summo artificio facta: ut hoc liceret suspicari, fuisse aliquando apud Siculos per æqua proportionem cætera: sed quibus multa fortuna ademisset, tamē apud eos remansisse ea, quæ religio retinuisset: dixi iudices, multa fuisse ferē apud Siculos omnes: ego idem confirmo, nūc ne unum quidem esse. quid hoc est? quod monstrum? quod prodigiū in prouinciam misimus? non ne uobis id egisse uidetur, ut nō unius libidinē, non suos oculos, sed omnium auarissimorum insanias, cum Romā reuertisset, expleret? qui simul atq; in oppidum quo piam uenerat: immittebatur illi cōtinuo Cybiratici canes, qui inuestigabāt, et perscrutabatur omnia. si quod erat grāde uas, & maius opus inuentum, leti auferebāt. si minus eiusmodi quippiā uenari poterāt, illa quidē certe pro lepusculis capiebatur, patellæ, patera, thuribula. hic quos putatis fletus mulierū, quas lamentationes fieri solitas esse in hisce rebus? quæ forsitan uobis paruæ esse uideatur: sed magnū & acerbum dolorem cōmouent, mulierculis præsertim, cum eripiuntur ē manibus ea, quibus ad res diuinas uti cōsueuerunt, quæ a suis acceperūt, quæ in familia semper fuerūt. Hic nolite expectare, dum ego hoc crimen agam hostiatim: ab Aeschilo Tindaritano istum paterā abstulisse, à Thrasone itē Tindaritano patellam, à Nymphodoro Agrigentino thuribulum. cū testes ex Sicilia dabo: quem uolet, eligat, quem ego interrogem de patellis, pateris, thuribulis: non modo oppidum nullum, sed ne domus quidem ulla paulo locupletior expers huius iniuriæ reperietur. qui cum in cōuiuium uenisset, si



quicquam calati aspexerat, manum abstinere iudices nō poterat. Cn. Pompeius est Philo : qui fuit Tindaritanus : is cœnā isti dabat apud uillā in Tindaritano. fecit, quod Siculi non audebāt. ille, cuius R. q̄ erat, impuniū id se facturum putauit. apposuit patellam, in qua sigilla erant egregia. iste cōtinuo ut uidit, non dubitauit illud in signe penatium, hospitiumq̄; deorum ex hospitāli mēsa tollere. sed tamen, quod antea de istius abstinentia dixeram, sigillis auulsis reliquū argentum sine ulla auaritia reddidit. quid? Eupolemo Calactinō, homini nobili, Lucullorum hosti, ac perfamiliari, qui nunc apud exercitum cum L. Lucullo est, non idem fecit? cœnabat apud eum. argentum illi cāterum purum apposuerat, ne purus ipse relinqueretur, duo pocula non magna, ueruntamen cum emblematis. hic quasi festiuū acroama ne sine corollario de cōuiuio discederet, ibidem cōuiui inspectantibus emblemata auellenda curauit. neq; ego nunc istius facta omnia enumerare conor : neq; opus est : nec fieri ullo modo potest. tantūmodo uniuscuiusq; de uaria improbitate generis indicia apud uos, et exēpla profero : neq; enim ita se gessit in his rebus, tanquā rationem aliquando esset redditurus : sed prorsus ita, quasi aut reus nunquā esset futurus, aut, quo plura abstulisset, eo minore periculo in iudiciū esset uenturus, qui hæc, quæ dico, iam nō occulte, nō per amicos, atq; interpretes, sed palām de loco superiore ageret pro imperio, et potestate. Catinam cum uenisset, oppidum locuples, honestum, copiosum : Dionysiarchum ad se Pardiorum, hoc est summum magistratum uocari iubet. ei palām imperat, ut omne argentum, quod apud quenque esset Catina, cōquirendum curaret,

Et ad se transferendum. Philarchum Centuripinum, pri-  
 marium hominem genere, uirtute, pecunia, nō hoc idem  
 iuratum dicere audistis? sibi istum negotium dedisse, atq;  
 imperauisse, ut Centuripis, in ciuitate totius Siciliae mul-  
 to maxima, et locupletissima, omne argentum cōquire-  
 ret, et ad se cōportari iuberet. Agyrio similiter istius im-  
 perio uasa Corinthia per Apollodorum, quem testem au-  
 distis, Syracusas deportata sunt. illa uero optima, q̄ cum  
 Haluntium uenisset Prator laboriosus, et diligens, ipse  
 in oppidum accedere noluit, q̄ erat difficili ascensu, atq;  
 arduo: Artagathum Haluntinum, hominem non solum  
 domi suae, sed tota Sicilia in primis nobilem, uocari ius-  
 sit. ei negotium dedit, ut quicquid Halunti esset argenti  
 calati, aut si quid etiam Corinthiorum, ut omne statim  
 ad mare ex oppido deportaretur. ascendit in oppidum  
 Artagathus, homo nobilis: qui à suis et amari, et dili-  
 gi uellet, ferebat grauitè, illam sibi ab isto prouinciam  
 datam: nec, quid faceret, habebat: pronuntiat, quid sibi  
 imperatum esset: iubet omnes proferre, quae haberent.  
 metus erat summus: ipse enim tyrannus non discedebat  
 longius: Artagathum, et argentū in lectica cubans ad  
 mare infra oppidū expectabat. quem cōcursum factum  
 in oppido putatis? quē clamorem? quē porro fletū mu-  
 lierum? qui uiderent: equū Troianū introductū, urbem  
 captā esse dicerēt. efferri sine thecis uasa, extorqueri alia  
 de manibus mulierū, effringi multorū fores, reuelli clau-  
 stra: quid enim putatis? scuta siquādo conquiruntur à  
 priuatis in bello, ac tumultu, tamen homines inuicti dant,  
 etsi ad salutem cōmunem dari sentiunt, ne quem putetis  
 sine maximo dolore argentum calatum domo, quod al-

ter eriperet, protulisse. omnia deferuntur. Cybira fratres uocatur, pauca improbat. quae probaret, iis crustae, aut emblemata detrahuntur. sic Haluntini excussis delin-  
cijs, cum argento puro domum reuerterunt. quod unquam iudices huiusmodi euerriculū ulla in provincia fuit? auer-  
tere aliquid de publico quam obscurissime per magistratū  
solebant. etiā aliquid de priuato nonnunquam occulte auferere  
bant. & illi tamen condemnabatur. & si queritis, ut ego  
met mihi detrahā: illos ego accusatores puto fuisse, qui  
huiusmodi hominum furta odore, aut aliquod leuiter pres-  
so uestigio persequerentur. nam nos quidem quid facimus in  
Verre, quē in luto uolutatū totius corporis uestigij in-  
uenimus? permagnū est in eum dicere aliquid, qui prae-  
teries, lectica paulisper deposita, non per praestigia, sed pa-  
lām per potestatem, uno imperio, hostiatim, totum oppi-  
dum cōpilarit? attamen ut possit se dicere emisse, Arta-  
gatho imperat, ut aliquid illis, quorum argentum fuerat,  
nummorum dicis causa daret. inuenit Artagathus pau-  
cos, qui uellent accipere: his dedit. eos numeros tamen iste  
Artagatho non reddidit. uoluit Romae petere Artaga-  
thus: Cn. Lentulus Marcellinus dissuasit, sicut ipsum di-  
cere audistis. atque hac tota de re audistis Artagathi,  
& Lentuli testimonium. & ne forte hominem existime-  
tis hanc tantam uim emblematum sine causa coacerua-  
re uoluisse, uidete quanti uos, quanti existimationem po-  
puli R. quanti leges, & iudicia, quanti testes Siculos, ne-  
gotiatoresque fecerit. posteaquam tantam multitudinem  
collegerat emblematum, ut ne unū quidem cuiquam re-  
liquisset: instituit officinam Syracusis. in regiam maxi-  
mam palam artifices omnes, calatores, ac uasculares

conuocari iubet, & ipse suos complures habebat. eò con-  
 ducit magnam hominum multitudinem. menses octo con-  
 tinuos opus his non defuit, cum uas nullum fieret nisi au-  
 reum. tum illa, ex patellis, & thuribulis quæ uellerat, ita  
 scite in auris poculis illigabat, ita apte in scyphis aureis  
 includebat, ut ea ad illam rem nata esse diceret. ipse ta-  
 men Prætor, qui sua uigilantia pacē in Sicilia dicit fuis-  
 se, in hac officina maiorem partem diei cum tunica pul-  
 la sedere solebat, & pallio. hæc ego iudices non auderem  
 proferre, ni uererer ne forte plura de isto ab alijs in ser-  
 mone, quàm à me in iudicio audisse uos diceretis: quis  
 enim est, qui de hac officina, qui de uasis aureis, qui de  
 istius pallio, tunica pulla nō audierit? quem uoles de cō-  
 uentu Syracusanorū uirum bonum nominato. producā.  
 nemo erit, quin hoc se aut uidisse, aut audisse dicat. ò tem-  
 pora: ò mores. nihil nimiū uetus profectū sunt uestrum  
 iudices quā multi, qui L. Pisonem cognouerūt, huius L. Pi-  
 sonis, qui Prætor fuit, patrem. is cū esset in Hispania Præ-  
 tor, qua in prouincia occisus est: nescio quo pacto dum  
 armis exercetur, annulus aureus, quem habebat, fractus  
 est, & cōminutus. cum uellet sibi annulum facere, aurifi-  
 cem iussit uocari in foro, ad sellam, Cordubæ: & ei pa-  
 lām appendit aurū. hominem in foro sellam iubet pone-  
 re, et facere annulum omnibus præsentibus. nimium for-  
 tasse dicet aliquis hūc diligentem. hætenus reprehēdat, si  
 quis uolet: nihil amplius. uerū fuit ei cōcedēdum: filius  
 enim L. Pisonis erat eius, qui primus de pecunijs repetun-  
 dis legem tulit. ridiculum est nūc de Verre me dicere, cū  
 de Pione Frugi dixerim. ueruntamen, quantū interst, ui-  
 dete. iste cum aliquot abacorum faceret uasa aurea, non  
 laborauit,

laboravit, quin nō modo in Sicilia, verum etiam Romæ in iudicio audiret. ille in auri semuncia totam Hispaniā scire voluit, unde Prætori annulus fieret. nimirū ut hic nomen suum comprobavit, sic ille cognomē. nullo modo possum omnia istius facta aut memoria consequi, aut oratione completi. genera ipsa cupio breviter attingere, ut hic modo me commovuit Pisonis annulus, quod totum effluxerat. Quā multis istum. putatis hominibus honestis de digitis annulos aureos abstulisse? nunquā dubitavit, quotiescūq; alicuius aut gemma, aut annulo delectatus est. incredibilem rem dicam, sed tam claram, ut ipsum negaturum nō arbitrer. cum Valentio eius interpreti epistola Agrigenti allata esset, casu signum iste animadvertit in cretula: placuit ei: exquisivit, unde esset epistola: respondit, Agrigēto. iste literas, ad quos solebat, misit, ut is annulus ad se primo quoq; tempore afferretur. ita literis istius patrifamilias L. Titio cuidam civi Romanus de digito detractus est. illa vero eius cupiditas incredibilis est: nam ut in singula conclavia, quæ iste non modo Romæ, sed omnibus in villis habet, tricenos lectos optime stratos cum cæteris ornamentis conviviū quæret, nimium multa comparare videretur. nulla domus in Sicilia locuples fuit, ubi iste non textrinam instituerit. mulier est Segestana perdiues, et nobilis, Lamia nomine. per tricinium isti plena domo telarum stragulam vestem confecit, nihil non conchylio tinctum. Attalus homo pecuniosus nec vulgo Lilybai, Chritolæus Ennæ, Syracusus Aeschrio, Cleomenes, Theomnastus, Pelori Archonides, Megistus. nox me citius defecerit, q̄ nomina, ipse dabat purpuram tantum: amici operas: credo: iam enim

non libet omnia criminari: quasi hoc mihi nō satis sit ad crimē, habuisse tam multum, quod daret: uoluisse depor-  
tare tam multa: hoc deniq; quod concepit, amicorū ope-  
ris esse in huiusmodi rebus usum. iam uero lectos æra-  
tos, & candelabra ænea num cui præter istum Syracu-  
sis per triēnium facta esse existimatis? emebat, credo. sed  
tantum uos certiores iudices facio, quid iste in provincia  
Prætor egerit, ne cui forte nimium negligens fuisse ui-  
deatur, neq; se satis, cum potestatem habuerit, instruxisse  
& ornasse. Venio nunc non ad furtum, non ad aua-  
ritiam, non ad cupiditatem, sed ad eiusmodi facinus, in  
quo omnia nefaria contineri mihi, atq; inesse uideantur:  
in quo dī immortales uiolati, existimatio, atq; auctori-  
tas nominis populi R. imminuta, hospitium spoliatum ac  
proditum, abalienati scelere istius à nobis omnes Reges  
amicissimi, nationesq; quæ in eorum regno, ac ditione  
sunt: nā reges Syriæ regis Antiochi filios pueros scitis Ro-  
mæ nuper fuisse, qui uenerant nō propter Syriæ regnū:  
nam id sine controuersia obtinebant; ut à patre, & à  
maioribus acceperant: sed regnum Aegypti ad se, & ad  
Selinem matrem suam pertinere arbitrabantur. hi post-  
quam temporibus populi R. exclusi, per senatum agere,  
quæ uoluerant, non potuerunt: in Syriam in regnum pa-  
trium profecti sunt. eorū alter, qui Antiochus uocatur,  
iter per Siciliam facere uoluit. itaq; isto Prætorē uenit  
Syracusas. hic Verres hereditatem sibi uenisse arbitra-  
tus est, q̃ in eius regnum, ac manus uenerat is, quem iste  
& audierat multa secum præclara habere, et sufficaba-  
tur. mittit homini munera satis large; hæc ad usum do-  
mesticum, uini, olei, quod uisum erat; etiam tritici, quod

satis esset, de his decumis. deinde ipsum Regem ad cœnā uocauit. exornat ample, magnificēq; triclinium: exponit ea, quibus abundabat, plurima, ac pulcherrima uasa argentea: nāq; hæc aurea nondum fecerat. omnibus curat rebus instructum, & paratū, ut sit cōuiuium. quid multa? Rex ita discessit, ut & istum copiose ornatum, & se honorifice acceptum arbitraretur. uocat ad cœnam deinde ipse Prætorem, exponit suas copias omnes, multum argentum, non pauca etiam pocula ex auro: quæ, ut mox est regius, & maxime in Syria, gemmis erant distincta clarissimis. erat etiam uas uinariū ex una gēma pergrandi, trulla excauata cum manubrio aureo: de qua, credo, satis idoneum, satis grauem testem Q. Minutium dicere audistis. iste unumquodq; uas in manus sumere, laudare, mirari. Rex gaudere Prætori populi R. satis iucundum, & gratum illud esse conuiuium. posteaq; inde discessum est, cogitare isle nihil aliud, q̄, id quod ipsa res declarauit, nisi quemadmodum Regem ex prouincia spoliatum, expilatumq; dimitteret. mittit rogatum uasa ea, quæ pulcherrima apud illum uiderat: ait se suis calatoribus uelle ostendere. Rex, qui istum non nosset, sine ulla suspitione libentissime dedit. mittit etiam trullam gemmeā rogatū, uelle eā se diligentius cōsiderare. ea quoq; ei mittitur. nūc reliquū iudices attēdite, de quo & uos audistis, & populus R. nō nūc primū audiet, & in exteris nationibus usq; ad ultimas terras peruagatū est. cādela-brū ē gēmis clarissimis, opere mirabili perfectū, Reges hi, quos dico, Romā cū attulissent, ut in Capitolio ponerent, q̄ nondum etiā perfectū templū offenderant, neq; ponere, neque uulgo ostendere, ac proferre uoluerunt;



ut & magnificentius uideretur, cum suo tempore in cel-  
 la Iouis Optimi Maximi poneretur; & clarius, cum pul-  
 chritudo eius recens ad oculos hominū, atq; integra per-  
 ueniret. statuerunt id secum in Syriam reportare, ut, cū  
 audissent simulacrum Iouis Optimi Maximi dedicatum,  
 Legatos mitterent, qui cum ceteris rebus illud quoq; exi-  
 mium, atq; pulcherrimum donum in Capitolium affer-  
 rent. peruenit res ad istius aures nescio quo modo: nam  
 Rex id calatum uoluerat: non quo quicquam metueret,  
 aut suspicaretur, sed ut ne multi illud ante perciperent  
 oculis, q̄ populus R. iste petit a Rege, & cum pluribus  
 uerbis rogat, uti ad se mittat: cupere se dicit inspicere,  
 neq; se alyis uidendi potestatem esse facturū. Antiochus,  
 qui animo et puerili esset, & regio, nihil de istius impro-  
 bitate suspicatus est: imperat suis, ut id in Prætorium inuo-  
 lutum quam occultissime deferrent. quò posteaquam at-  
 tulerunt, inuolucrisq; reiectis constituerunt: iste clamare  
 cœpit, dignam rem esse regno Syriæ, dignam regio mu-  
 nere, dignam Capitolio: etenim erat eo splendore, qui ex  
 clarissimis, & plurimis gemmis esse debebat; ea uarieta-  
 te operum, ut ars certare uideretur cū copia; ea magni-  
 tudine, ut intelligi posset, non ad hominum apparatus,  
 sed ad amplissimi templi ornatum esse factum. quod  
 cum satis iam perspexisse uideretur, tollere incipiunt, ut  
 referrent. iste ait, se uelle illud etiam, atq; etiam conside-  
 rare, nequaquam se esse satiatum. iubet illos discedere, et  
 candelabrum relinquere. sic illi tum inanes ad Antiochū  
 reuertuntur. Rex primo nihil metuere, nihil suspicari.  
 dies unus, alter, plures: non referri. tū mittit Rex ad istū:  
 si sibi uideatur, ut reddat. iubet iste posterus ad se reuer-

ti. mirum illi uideri. mittit iterum. nō redditur. ipse ho-  
minem appellat: rogat, ut reddat. os hominis, insignemq;  
impudentiam cognoscite. quod sciret, quodq; ex ipso Rege  
audisset in Capitolio esse ponēdū, quod Ioui Optimo Ma-  
ximo, quod populo R. seruari uideret, id sibi ut donaret,  
rogare, & uehementer petere cœpit. cum ille se & reli-  
gione Iouis Capitolini, & hominum existimatione impe-  
diri diceret, q̃ multæ nationes testes essent illius operis, ac  
muneris: iste homini minari acerrime cœpit. ubi uidet eū  
nihil magis minis, q̃ precibus permoueri: repente homi-  
nem de prouincia iubet ante noctem discedere: ait se cō-  
perisse ex eius regno piratas in Siciliā esse uenturos. Rex  
maximo conuētū Syracusis, in foro, ne quis forte me in  
crimine obscuro uersari, atq; affingere aliquid suspitione  
hominum arbitretur, in foro inquā Syracusis fletis deos;  
hominesq; contestans clamare cœpit, cādelabrum factū  
ē gemmis, quod in Capitolium missurus esset, quod in tē-  
plo clarissimo, populo R. monumentum suæ societatis, a-  
micitiæq; esse uoluisset, id sibi C. Verrem abstulisse. de cæ-  
teris operibus ex auro, & gemmis, quæ sua penes illum  
essent, se non laborare: hoc sibi eripi, miserum esse, & in-  
dignū. id etsi antea iā mente, et cogitatione sua, fratrisq;  
sui consecratum esset: tamen cum se in illo conuentu ciui-  
um R. dare, donare, dicare, consecrare Ioui Optimo Ma-  
ximo, testemq; ipsum Iouem suæ uoluntatis, ac religionis  
adhibere. quæ uox? quæ latera? quæ uires huius unius cri-  
minis querimoniam possint sustinere? Rex Antiochus, qui  
Romæ ante oculos omnium nostrū biennium ferè comi-  
tatu regio, atq; ornatu fuisset, is cum amicus, & socius  
populi R. esset, amicissimo patre, auo, maioribus, antiquis

simis, & clarissimis Regibus, opulentissimo, & maximo regno, præceptus est prouincia populi R. exturbatus est. quemadmodum hoc accepturas nationes externas, quemadmodum huius tui facti famam in regna aliorum, atque in ultimas terras peruenturam putasti, cum audierint à Prætorè populi R. in prouincia uiolatum Regem, spoliatum hospitem, eiectum socium populi R. atq; amicum? nomen uestrum populiq; R. odio, atq; acerbitati scitote nationibus exteris iudices futurum, si istius hæc tanta iniuria impunita discesserit. sic omnes arbitrabuntur, præsertim cum hæc omnino fama de nostrorum hominum auaritia, & cupiditate percrebuerit: non istius soli hoc esse facinus, sed eorum etiam, qui approbarint. multi Reges, multæ liberæ ciuitates, multi priuati opulenti, ac potentes habent profecto in animo Capitolium sic ornare, ut templi dignitas, imperiūq; nostri nomen desiderat. qui si intellexerint, interuerso regali hoc dono, graui ter uos tulisse: grata fore uobis, populoq; R. sua studia, ac dona arbitrabitur. sin hoc uos in Rege tam nobili, in re tam eximia, in iniuria tam acerba neglexisse audierint: non erunt tam amentes, ut operam, curā, pecuniam impendant in eas res, quas uobis gratas fore non arbitrentur. hoc loco Q. Catule te appello: loquor enim de tuo clarissimo, pulcherrimoq; monumento. non iudicis solum seueritatem in hoc crimine, sed propè inimici, atq; accusatoris uim suscipere debes: tuus est. n. honos in illo tēplo senatus populiq; R. beneficio: tui nominis æterna memoria simul cum templo illo consecratur. tibi hæc cura suscipienda, tibi hæc opera sumenda est, ut Capitoliū, quomodo magnificentius est restitutum, sic copiosius orna-

tum sit, quod fuit, ut illa flamma diuinitus extitisse uideatur, non quae deleret Iouis Optimi Maximi templum, sed quae praeclearius magnificentiusque deposceret. audisti Quintus Minutium Rufum dicere, domi suae diuersatum esse Antiochum Regem Syracusis, se illud scire ad istum esse delatum, se scire non redditum. audisti, et audies omni e conuentu Syracusano qui ita dicant, sese audientibus illud Ioui Optimo Maximo dicatum esse ab Rege Antiocho, et consecratum. si iudex non esses, et haec ad te delata res esset: te potissimum hoc persequi, te petere, et agere oporteret. quare non dubito, quo animo iudex huius criminis esse debeas, qui apud alium iudicem. multo acrior, quam ego sum, actor, accusatorque esse deberes. uobis autem iudices quid hoc indignius, aut quid minus ferendum uideri potest? Verres ne habebit domi suae candelabrum Iouis Optimi Maximi e gemmis auroque perfectum? cuius fulgore collucere, atque illustrari Iouis Optimi Maximi templum oportebat, id apud istum in eiusmodi conuiuiis constitueretur, quae domesticis stupris, flagitiisque flagrabunt? in istius lenonis turpissimi domo simul cum ceteris Chelidonis hereditariis ornamentis Capitolii ornamenta ponentur? quid huic sacri unquam fore, aut quid fuisse religiosi putatis, qui nunc tanto scelere se obstrictum esse non sentiat? qui in iudicium ueniat, ubi ne precari quidem Iouem Optimum Maximum, atque ab eo auxilium petere more omnium possit? a quo etiam dii immortales sua repetunt in eo iudicio, quod hominibus ad suas res repetendas est constitutum. miramur Athenis Mineruam, Deli Apollinem, Iunonem Sami, Pergae Dianam, multos praeterea ab isto deos tota Asia, Graciaque uiolatos, qui a

Capitolio manus abstinere nō potuerit: quod privati homines de suis pecunijs ornāt, ornaturiq; sunt, id C. Verres ab Regibus ornari nō est passus. itaq; hoc nefario scelere concepto, nihil postea tota in Sicilia neq; sacri, neq; religiosi esse duxit. ita sese in ea provincia per trienniu gessit, ut ab isto non solum hominibus, uerum etiam dijs immortalibus bellum indictum putaretur. (Segesta est oppidum perueius in Sicilia iudices, quod ab Aenea fugiente a Troia, atq; in hac loca ueniente conditum esse demonstrant. itaq; Segestani non solum perpetua societate, atq; amicitia, uerum etiam cognatione se cum populo R. coniunctos esse arbitrantur. hoc quondam oppidum, cum illa ciuitas cum Pœnis suo nomine, ac sua spore bellaret, à Carthagenensibus uī captum, atq; deletum est, omniaq; quæ ornamento urbi esse possent, Carthaginem sunt ex illo loco deportata. fuit apud Segestanos ex ære simulacrum Dianæ, tum summa, atq; antiquissima prædictum religione, tū singulari opere, artificioq; perfectū. hoc translatum Carthagine locū tantum, hominesq; mutat, religionem quidem pristinam cōseruabat: nā propter eximiam pulchritudinem etiam hostibus digna, quā sanctissime colerent, uidebatur. aliquot seculis post P. Scipio bello Punico tertio Carthaginem cepit. qua in uictoria (uidete hominis uirtutem, et diligentiam, ut et domesticis præclarissimæ uirtutis exemplis gaudeatis, et eo maiore odio dignam istius incredibilem audaciam iudicetis) cōuocatis Siculis omnibus, q̄ diutissime, sepiissimeq; Siciliam uexatam à Carthagenensibus esse cognorat, iubet omnia conqueri, sibi pollicetur magnæ curæ fore, ut omnia ciuitatibus, quæ cuiusq; fuissent, restituerentur.

tum illa, quæ quondam fuerant Himeræ sublata, de quibus antea dixi, Thermitanis sunt reddita. tum alia Gelensibus, alia Agrigentinis. in quibus etiâ ille nobilis Taurus, quem crudelissimus omnium tyrannorum Phalaris habuisse dicitur, quò uiuos supplicij causa demittere homines, & subycere flammam solebat. quem Taurum Scipio cum redderet Agrigentinis, dixisse dicitur, equum esse illos cogitare, utrum esset Siculis utilius, suis ne seruire, an populo R. obtemperare, cum idem monimentum & domesticæ crudelitatis, & nostræ mansuetudinis haberent. illo tempore Segestanis maxima cum cura hæc ipsa Diana, de qua dicimus, redditur. reportatur Segestâ: in suis antiquis sedibus summa cum gratulatione ciuium. & lætitia reponitur: hæc erat posita Segestæ, sanè excelsa in basi, in qua grandibus literis P. Africani nomen erat incisum, cumq; Carthagine capta restituisse perscriptum. colebatur à ciuibz: ab omnibus aduenis uiscebatur, cum Quæstor essem, nihil mihi ab illis est demonstratū prius. erat admodum amplum, & excelsum signum cum stola: ueruntamen inerat in illa magnitudine ætas, atq; habitus uirginalis: sagitta pendebant ab humero: sinistra manu retinebat arcum: dextra ardentem facem præferebat. hanc cum iste sacrorum omnium hostis, religionumq; prædo uidisset; quasi ipsa illa face percussus esset, ita flagrare cupiditate, atq; amentia cœpit. imperat magistratibus iste, ut eam demoliantur, & sibi dent: nihil sibi gratius ostendit futurum. illi uero dicere, id sibi nefas esse, seq; cum summa religione, cum summo metu legum, & iudiciorum teneri. iste tum petere ab illis, tum minari, tum spem, tum metum ostendere. opponebant illi

Interdum nomen Africani: donum populi R. illud esse dicebant: nihil se in eo potestatis habere, quod imperator clarissimus, urbe hostium capta, monimentum uictoriæ populi R. esse uoluisset. cum iste nihilo remissius, atq; etiã multo uehemētius instaret quotidie: res agitur in senatu: uehementer ab omnibus reclamatur. itaq; illo tēpore, ac primo istius aduētū pernegatur. postea quicquid erat oneris in nautis remigibusq; exigendis, in frumento imperando, Segestanis præter ceteros imponebat aliquanto amplius, q̃ ferre possent. præterea magistratus eorū euocabat: optimum, & nobilissimum quenq; ad se accersibat: circum omnia prouinciæ fora rapiebat: sigillatim unicuiq; calamitati fore se denuntiabat: uniuersam se funditus illam euersurū esse ciuitatem minabatur. itaq; aliquando multis malis, magnoq; metu uicti Segestani Prætoris imperio parendū esse decreuerunt. magno cum luctu, & gemitu totius ciuitatis, multis cum lacrymis, et lamentatione uirorum, mulierumq; omniū, simulacrum Dianæ tollendum locatur. uidete, quanta religione fuerit. apud Segestanos repertum esse iudices scitote neminem neq; liberum, neq; seruum, neq; ciuem, neq; peregrinum, qui illud signū auderet attingere. barbaros quosdā Lilybæo scitote aduocatos esse operarios. hi denique illud, ignari totius negotij, ac religionis, mercede accepta sustulerunt. quod cum ex oppido exportaretur, quem conuentum mulierum factum esse arbitrāmini? quem fletum maiorum natu? quorum nōnulli etiam illum diem memoria tenebant, cum illa eadem Diana Segestam Carthagine reuēcta, uictoriam populi R. reditu suo nuntiasset. quā dissimilis hic dies illi tempori uidebatur. cum ima



perator populi R. uir clarissimus deos patrios reportabat  
Segestanis, ex urbe hostium recuperatos. nunc ex urbe so-  
ciorum Prator eiusdem populi turpissimus, atq; impurissi-  
mus eosdem illos deos nefario scelere auferebat. quid hoc  
tota Sicilia est clarius, quam omnes Segestanas matro-  
nas, & uirgines conuenisse, cum Diana exportaretur ex  
oppido? unxisse unguentis? cōplesse coronis, & floribus?  
thure odoribusq; incensis usq; ad agri fines prosecutas  
esse? hanc tu tantam religionem si tum in imperio pro-  
pter cupiditatem, atq; audaciam non pertimescebas, ne  
nunc quidem in tanto tuo, liberorumq; tuorum periculo  
perhorrescis? quem tibi aut hominem, inuitis dijs immor-  
talibus, aut uero deum tantis eorum religionibus uiola-  
tis auxilio futurum putas? tibi illa Diana in pace, atque  
in otio religionem nullam attulit? quæ cum duas urbes,  
in quibus locata fuerat, captas incensasq; uidisset, bis ex  
duorum bellorum flamma, ferroq; seruata est: quæ Car-  
thaginensium uictoria loco mutato, religionem tamen  
non amisit: P. Africani uirtute, religionem simul cum  
loco recuperauit. quo quidem scelere suscepto, cum ina-  
nis esset basis, et in ea P. Africani nomen incisum, res in-  
digna, atq; intoleranda uidebatur omnibus, non solum  
religiones esse uiolatas, uerum etiam P. Africani, uiri for-  
tissimi, rerum gestarum gloriam, memoriam uirtutis,  
monimenta uictoriæ C. Verrem sustulisse. quod cum isti  
renuntiaretur de basi, ac literis, exstimauit homines in  
obliuionem totius negotij esse uenturos, si etiam basim  
tandem indicem sui sceleris sustulisset: itaq; tollendam  
istius imperio locauerunt. quæ uobis locatio ex publicis  
Segestanorum literis priore actione recitata est. te nunc

P. Scipio, te inquam lectissimum, ornatissimumq; adole-  
 scentem appello, abs te officium tuum debitum generi, &  
 nomini requiro, et flagito. cur pro isto, qui laudem, hono-  
 remq; familiae uestrae depeculatus est, pugnas? cur eum  
 defensum esse vis? cur ego tuas partes suscipio? cur tuū  
 onus sustineo? M. Tullius P. Africani monumenta requi-  
 rit: P. Scipio eum, qui illa sustulit, defendit. cum mos à  
 maioribus traditus sit, ut monumenta maiorum ita suo-  
 rum quisq; defendat, ut ea ne ornari quidē nomine alie-  
 no sinat: tu isti aderis, qui non obtrusit aliqua ex parte  
 monumenta P. Scipionis, sed funditus sustulit, ac deleuit?  
 quisnam igitur per deos immortales tuebitur P. Scipio-  
 nis memoriam mortui? quis monumenta, atq; indicia uir-  
 tutis, si tu ea relinquis, ac deseris? neq; solum spoliata il-  
 la pati, sed etiā eorum spoliatorem, uexatoremq; de-  
 fendes? adsunt Segestani clientes tui, socij populi R. atq;  
 amici: certiores te faciunt, P. Africanum Carthagine  
 deleta simulacrum Dianae maioribus suis restituisse, idq;  
 apud Segestanos eius imperatoris nomine positū, ac dedi-  
 catum fuisse, hoc Verrem demoliendum, & asportan-  
 dum, nomenq; omnino P. Scipionis delendū, tollendumq;  
 curasse. orant te, atq; obsecrant, ut sibi religionem, generi  
 tuo laudē, gloriamq; restituas: ut, quod ex urbe hostium  
 per P. Africanum recuperarint, id per te ex praedonis do-  
 mo conseruare possint. quid aut his respondere honeste po-  
 tes, aut illi facere, nisi ut te, ac fidem tuam implorent?  
 adsunt, & implorant. potes domesticae laudis amplitudi-  
 nem Scipio tueri: potes: omnia in te sunt, quae aut for-  
 tuna hominibus, aut natura largitur. non praefero fru-  
 ctum officij tui: non alienam mihi laudem appeto: non

est pudoris mei, P. Scipione florentissimo adolescente ui-  
 uo, et incolumi, me propugnatorem monumentorum P.  
 Scipionis, defensorēq; profiteri. quamobrem si suscipis  
 domestica laudis patrocinium, me non solum silere de ue-  
 stris monumentis oportebit, sed etiam letari, P. Africani  
 eiusmodi esse fortunas mortui, ut eius honos ab ijs, qui ex  
 eadem familia sunt, defendatur, neq; ullum aduentitium  
 requiratur auxilium. si istius amicitia te impedit; si hoc,  
 quod abs te postulo, minus ad officium tuum pertinere  
 arbitrare: succedam ego uicarius tuo munere: susci-  
 piam partes, quas alienas esse arbitrabar, ne ista præcla-  
 ra nobilitas desinat queri populum R. hominibus nouis,  
 atq; industrijs libenter honores mandare, semperq; man-  
 dasse. non est querendum in ea ciuitate, quæ propter uir-  
 tutem omnibus nationibus imperat, uirtutem plurimum  
 posse. sit apud alios imago P. Africani: ornentur alij mor-  
 tui uirtute, ac nomine. talis ille uir fuit, ita de populo R.  
 meritus est, ut non uni familie, sed uniuerse ciuitati cõ-  
 mendatus esse debeat. est aliqua mea pars uirilis, quæ eius  
 ciuitatis sum, quam ille amplam, illustrem, claramq; red-  
 didit: præcipue quæ in his artibus pro mea parte uersor,  
 quarum ille princeps fuit, æquitate, industria, temperan-  
 tia, defensione miserorum, odio improborum: quæ cognat-  
 io studiorum, et artium propemodum non minus est  
 coniuncta, quam ista, qua uos delectamini, generis, et no-  
 minis. repeto abs te Verres monimentum P. Africani: cau-  
 sam Sicularum, quam suscepi, relinquo: iudicium de pe-  
 cunijs repetundis ne sit hoc tempore: Segestanorum inu-  
 ria negligantur: basis P. Africani restituatur: nomen  
 inuictissimi imperatoris incidatur: signum pulcherri-

mum Carthagine captum reponatur. hæc abs te non Si-  
 culorum defensor, non tuus accusator, non Segestani po-  
 stulant, sed is, qui laudem, gloriamq; P. Africani tuen-  
 dam, conseruandamq; suscepit. nō uereor, ne hoc officium  
 meum P. Seruilio iudici non probem: qui cum res ma-  
 ximas gesserit, monumentaq; suarum rerum maxime con-  
 stituat, atq; in his elaboret; profecto uolet hæc non so-  
 lum suis posteris, uerum etiam omnibus uiris fortibus,  
 et bonis ciuibus defendenda, nō spolianda improbis tra-  
 dere. non uereor, ne tibi Q. Catule displiceat, cuius am-  
 plissimum in orbe terrarum; clarissimumq; monimen-  
 tum est, quamplurimos esse custodes monumentorum, et  
 putare omnes bonos alienæ gloriæ defensionem ad offi-  
 cium suum pertinere. et quidem cæteris istius furtis, at-  
 que flagitijs ita moueor, ut ea reprehēdenda tantum pu-  
 tem. hic uero tantum dolore afficior, ut nihil mihi indi-  
 gnius ferendum uideatur. Verres Africani monumentis  
 domum suam plenam stupri, plenam flagitiij, plenā de-  
 decoris ornabit? Verres tēperatissimi, sanctissimiq; ui-  
 ri monumentum, Dianæ simulacrum uirginis in ea do-  
 mo collocabit, in qua semper meretricum lenonumq; fla-  
 gitia uersantur? At hoc solum Africani monimentum  
 uiolasti? quid? à Tindaritanis non eiusdem Scipionis be-  
 neficio positum simulacrum Mercurij pulcherrime fæ-  
 ctum sustulisti? at quemadmodum; dy immortales,  
 quàm audaciter, quàm libidinoſe, quàm impudenter? au-  
 distis nuper dicere Legatos Tindaritanos, homines hone-  
 stissimos, ac principes ciuitatis: Mercurium, qui sacris  
 anniuersarijs apud eos, ac summa religione coleretur,  
 quem P. Africanus Carthagine capta Tindaritanis non

solum suæ victoriæ, sed etiam illorum fidei, societatisq;  
monimentum, atq; indicium dedisset, huius vi, scelere, im-  
perioq; esse sublatum. qui, ut primum in illud oppidum  
uenit, statim, tanquam ita fieri non solum oporteret,  
sed etiam necesse esset, tanquam hoc senatus mandasset,  
populusq; R. iussisset, ita, continuo signum ut demoliren-  
tur, & Messanam deportarent, imperauit. quod cum il-  
lis, qui aderant, indignum; qui audiebant, incredibile ui-  
deretur: non est ab isto primo illo aduentu perseuera-  
tum. discedens mandat Proagoro Sopatro, cuius uerba  
audistis, ut demoliat. cum recusaret, uehementer mina-  
tur. ita tum ex illo oppido proficiscitur. Proagorus re-  
fert rem ad senatum: uehementer undiq; reclamatur. ne  
multa: iterum iste aliquanto post ad illos uenit, quarit  
continuo de signo. respondetur ei, senatum non permit-  
tere: pœnam capitis constitutam, si iniussu senatus quis-  
quam attigisset: simul religio commemoratur. tum iste,  
quam mihi religionem narras? quam pœnam? quem  
senatum? uiuum te non relinquam: mori uirgis, nisi  
signum traditur. Sopater iterum flēs ad senatum deferre  
istius cupiditatem, minasq; demonstrat. senatus Sopatro  
responsum nullum dat, sed cōmotus, perturbatusq; di-  
scedit. ille Prætoris accersitus nūtio, rem demonstrat: ne-  
gat ullo modo fieri posse. atq; hæc (nihil enim prætermi-  
tendum de istius impudentia uidetur) agebantur in con-  
uētū palā, de sella, ac de loco superiore. erat hiems sum-  
ma, tempestas, ut ipsum Sopatrum dicere audistis, perfrigi-  
da, imber maximus, cum iste imperat licētoribus, ut Sop-  
atrum de porticu, in qua ipse sedebat, præcipitem in forū  
deiciant, nudumq; constituent. nix erat hoc planè etiam

imperatum, cum illum spoliatum, stipatumq; liëtoribus  
 uideres. omnes ideo putabant, ut miser, atq; innocens uir=  
 gis caderetur. fefellit hæc homines opinio. uirgis iste cæ=  
 deret sine causa socium populi R. atq; amicū? non usq;  
 eò improbus: non omnia sunt in eo uno uitia: nūquam  
 fuit crudelis. leniter hominem clementerq; accepit. eque=  
 stres sunt medio in foro Marcellorum statuæ, sicuti ferè  
 cæteris in oppidis Siciliæ, ex quibus iste C. Marcelli statuā  
 delegit: cuius officia in illa ciuitate, totaq; prouincia re=  
 centissima erant, & maxima. in ea Sopatrum, hominem  
 tum domi nobilem, tum summo magistratu præditum,  
 diuaticari, ac deligari iubet. quo cruciatu sit affectus, ue=  
 nire in mentem necesse est omnibus, cum esset uinctus nu=  
 dus in aere, in imbri, in frigore. neq; tamen finis huic in=  
 iuriæ, crudelitatiq; fiebat, donec populus, atq; uniuersa  
 multitudo atrocitate rei, misericordiæq; cōmota, senatum  
 clamore coegit, ut ei simulacrum illud Mercurij pollice=  
 retur. clamabant fore, ut ipsi sese dij immortales ulcisce=  
 rentur, hominem interea perire innocentem non oportere.  
 tum frequens senatus ad istum uenit, pollicetur signum.  
 ita Sopater de statuâ C. Marcelli, cū iam penè obriguisset,  
 uix uiuus aufertur. nō possum dispoſite istum accusa=  
 re, si cupiam. opus est nō solum ingenio, uerum etiā arti=  
 ficio quodam singulari. unum hoc crimen uidetur esse, et  
 à me pro uno ponitur: de Mercurio Tindaritano plura  
 sunt: sed ea quo pacto distinguere, ac separare possim,  
 nescio. est pecuniarū captarum, quòd signum à socijs pe=  
 cuniæ magnæ sustulit. est peculatus, quòd publice populi  
 R. signū, de præda hostium captum, positum imperatoris  
 nostri nomine, nō dubitauit auferre. est maiestatis, quòd  
 imperij

imperij nostri gloriæ, rerumq; gestarum monimenta e= uertere, atq; asportare ausus est. est sceleris, q̄ religiones maximas uiolauit. est crudelitatis, q̄ in hominem innocētem, in socium nostrum, atq; amicum, nouum, ac singulare supplicij genus excogitauit. illud uero quid sit, iam non queo dicere: quo nomine appellem, nescio: quod in C. Marcelli statua. quid est hoc? patronus ne q̄ erat? quid tum? quod id spectat? utrum ea res ad opem, an ad calamitatem clientium, atq; hospitem ualere debebat? an ut hoc ostenderes, contra uim tuam in patronis præsidij nihil esse? quis hoc non intelligeret, in improbi præsentis imperio maiorem esse uim, q̄ in bonorum absentium patrocinio? an uero ex hoc illa tua singularis significatur insolentia, superbia, contumacia? detrahere uidelicet aliquid te de magnitudine Marcellorum putasti? itaq; nunc Siculorum Marcelli non sunt patroni: Verres in eorum locū substitutus est. quam in te tantam uirtutem esse, aut dignitatem arbitratus es, ut conarere clientelam tam illustrem, tam splendide provincie traducere ad te, auferre à certissimis, antiquissimisque patronis? tu ista stultitia, nequitia, inertia, nō modo totius Siciliæ, sed unius tenuissimi Siculi clientelā tueri potes? tibi Marcelli statua propatibulo in clientes Marcellorum fuit? tu ex illius honore in eos ipsos, qui honorem illi habuerant, supplicia quæ rebas? quid postea? quid tandem tuis statuis fore arbitrare? an uero id, quod accidit? nam Tindaritani statuam istius, quam sibi propter Marcellos, altiore etiam basi poni iusserat, deturbarunt, simul ac successum isti audierunt. dedit igitur tibi fortuna Siculorum C. Marcellum indicem, ut, cuius ad statuam Siculi te Pratore alligabatur,



eius religioni te eūdem uinctum, astrictumq; dedamus. ac primo iudices hoc signum Mercurij dicebat iste Tindaritanos C. Marcello huic Aesernino uendidisse: atq; hoc sua causa etiam Marcellum ipsum sperabat esse dicturum. quod mihi nunquam uerisimile uisum est, adolescentem illo loco natum, patronum Siciliae, nomen suum isti ad translationem criminis comodaturum. ueruntamen ita res mihi tota praeuisa, atq; praecauta est, uti, si maxime esset inuētus, qui in se suscipere istius culpā, crimenq; cuperet, tamē is proficere nihil posset: eos enim testes deduxi, & eas literas deportaui, ut de istius facto dubium nemini esse posset. publicae literae sunt, deportatū esse Mercurium Messanam sumptu publico: dicunt, quanti: praefuisse huic negotio publice Legatum Poleā. quid is? ubi est? praesto est: testis est. Proagori Sopatri iussu: quis est hic? qui ad statua astrictus est. quid is? ubi est? testis est. uidistis hominem, & uerba eius audistis: demoliendū curauit Demetrius Gymnasiarchus, q̄ is ei loco praerat. quid hoc nos dicimus? immo uero ipse praesens: Roma, nuper istum esse pollicitum, sese id signum Legatis esse redditurum, si eius rei testificatio tolleretur, cautumq; esset eos testimonium nō esse dicturos. dixit hoc apud uos Zosippus, et Hismenias, homines nobilissimi, et principes Tindaritanae ciuitatis. Quid Agrigento? non ne eiusdem P. Scipionis monumentum, signum Apollinis pulcherrimū, cuius in femine literulis minutis argenteis nomen Myronis erat inscriptum, ex Aesculapij religiosissimo fano sustulisti? quod iste iudices cū clam fecisset, cum ad suum scelus illud, furtumq; nefarios quosdam homines improbos duces, atque adiutores adhibuisset: uehementer com-

mota ciuitas est. uno eodem tempore Agrigentini beneficium Africani, religionem domesticam, ornamentum urbis, indicium uictoriae, testimonium societatis requirebant. itaque ab illis, qui principes in ea ciuitate erant, precipitur, & negotium datur Quaestoribus, & Aedilibus, ut noctu uigilias agerent ad aedes sacras: etenim iste Agrigenti (credo propter multitudinem illorum hominum; atque uirtutem, & quòd ciues R. uiri fortes, ac strenui, & honesti permulti in illo oppido, coniunctissimo animo cum ipsis Agrigentinis uiuunt, ac negotiantur) non audebat palam tollere, aut poscere, quae placebant. Herculis templum est apud Agrigentinos, non longe à foro, sanè sanctum apud illos, & religiosum: ibi est ex aere simulacrum ipsius Herculis: quo non facile quicquam dixerim me uidisse pulchrius (tamen si nò tam multum in istis rebus intelligo, quàm multa uidi). usque eò iudices, ut rictus eius, ac mentum paulo sit attritus, quòd in precibus, & gratulationibus non solum id uenerari, uerum etiam osculari solent. ad hoc templum, cum esset iste Agrigenti, duce Timarchide repente nocte intempesta seruorum armatorum fit còcursus, atque impetus: clamor à uigilibus, faniq; custodibus tollitur: qui primo cum obsistere, ac defendere conarentur, male mulctati clauis, ac fustibus repelluntur. postea conuulsis repagulis, effractisq; ualuibus, demoliri signum, ac uectibus labefactare conantur. interea ex clamore fama tota urbe percrebruit, expugnari deos patrios, non hostium aduentu, neque repentino praedonum impetu, sed ex domo, atq; cohorte Praetoria manū fugitiuorum instructā, armatamq; uenisse.

nemo Agrigenti neq; ætate tam affecta, neq; uiribus tã infirmis fuit, qui non illa nocte eo nuntio excitatus sur-  
 rexit, telũq; quod cuiq; fors offerebat, arripuerit. itaq;  
 breui tempore ad fanum ex urbe tota concurritur. ho-  
 ra amplius iam in demoliendo signo permulti homines  
 moliebantur: illud interea nulla lababat ex parte, cũ alij  
 uetibus subiectis conarentur commouere, alij deligatũ  
 omnibus membris rapere ad se funibus. repente Agrigẽ-  
 tini concurrunt: fit magna lapidatio: dant sese in fugam  
 istius præclari imperatoris nocturni milites. duo tamen  
 sigilla perparuula tollunt, ne omnino inanes ad istũ præ-  
 donem religionum reuerterentur: nunquã tam male est  
 Siculis, quin aliquid facete, & commodè dicant, uelut in  
 hac re. aiebant in labores Herculis non minus hunc im-  
 manissimum Verrem, q̃ illum aprum Erymanthium re-  
 ferri oportere. hanc uirtutem Agrigentinarum imitati  
 sunt Assorini postea uiri fortes, & fideles, sed nequaquã  
 ex tam ampla, neq; tam ex nobili ciuitate. Chrysa est  
 amnis, qui per Assorinorum agros fluit. is apud illos ha-  
 betur deus, & religione maxima colitur. fanum eius est  
 in agro, propter ipsam uiam, qua Assoro itur Ennam. in  
 eo Chryse est simulacrum præclare factum e' marmo-  
 re. id iste poscere Assorinos propter singularem eius fa-  
 ni religionem nõ ausus est. Tlepolemo dat, Hieroniq; ne-  
 gotium. illi noctu facta manu, armatiq; ueniunt: fores  
 ædis effringũt: aditui, custodesq; mature sentiunt: signũ,  
 quod erat notum uicinitati, buccina datur: homines ex  
 agris concurrunt: eijcitur, fugaturq; Tlepolemus: neque  
 quicquam ex fano Chryse, præter unum perparuulum  
 signum ex are, desideratum est. Matris magnæ fanũ

apud Enguinus est: iam enim mihi non modo breuiter de unoquoque dicendum est, sed etiam prætereunda uidetur esse permulta, ut ad maiora istius, & illustriora in hoc genere furta, & scelera ueniamus. in hoc fano loricas, galeasq; aeneas, calatas opere Corinthio, hydriasq; gran- des simili in genere, atq; eadem arte perfectas idem ille P. Scipio, uir omnibus rebus præcellentissimus, posuerat, & suum nomen inscripserat. quid iam de isto plura dicam, aut querar? omnia illa iudices abstulit: nihil in reli- giosissimo fano, præter uestigia uiolata religionis; no- menq; P. Scipionis, reliquit. hostiũ stolia, monumenta im- peratorum, decora, atq; ornamenta fanorum, post hæc his præclaris nominibus amissis, in instrumẽto, ac suppellecti- li C. Verris numerabuntur. tu uidelicet solus uasis Corin- thijs delectaris? tu illius aris temperationem, tu operum liniamenta solertissime perspicis: hæc Scipio ille non intel- ligebat, homo doctissimus, atq; humanissimus? tu sine ul- la bona arte, sine humanitate, sine ingenio, sine literis in- telligis, & iudicas? uide, ne ille nõ solum temperantia, sed etiam intelligentia te, atq; istos, qui se elegantes dici uo- lunt, uicerit: nam quia, q̃ pulchra essent, intelligebat, ideo existimabat ea nõ ad hominum luxuriam, sed ad or- natum fanorum, atq; oppidorum esse facta, ut posteris nostris monumenta religiosa esse uideantur. audite etiam singularem eius iudices cupiditatem, audaciã, amẽtiã, in ijs præsertim sacris pollucendis, quæ non modo mani- bus attingi, sed ne cogitatione quidem uiolari fas fuit. Sacrarium Cereris est apud Catinenses, eadem religione qua Roma, qua in cæteris locis, qua propè in toto orbe terrarũ. in eo sacrario intimo fuit signum Cereris per-

antiquum: quod uiri, non modo cuiusmodi esset, sed ne esse quidem sciebant: aditus enim in id sacrarium non est uiris: sacra per mulieres, ac uirgines confici solent. hoc signum noctu clam istius serui ex illo religiosissimo, atque antiquissimo fano sustulerunt. postridie sacerdotes Cereis, atque illius fani antistites, maiores natu, probata, ac nobiles mulieres, rem ad magistratus suos deferunt. omnibus acerbum, indignum, luētuosum denique uidebatur. tum iste permotus illa atrocitate negotij, ut ab se sceleris istius suspicio remoueretur, dat hospiti suo cuidam negotium, ut aliquem reperiret, quem ea fecisse insimularet, daretque operam ut is eo crimine damneretur, ne ipse esset in crimine. res non procrastinatur: nam cum iste Catinā profectus esset, serui cuiusdam nomen defertur: is accusatur: fidei testes in eum dantur: rem cunctis senatus Catinensium legibus iudicat: sacerdotes uocantur: ex his queritur secreto in curia, quid esset factum, quemadmodum arbitrarentur signum esse ablatum. respondente ille, Pratoris in illo loco seruos esse uisos. res, quæ esset antea non obscura, sacerdotum testimonio perspicua esse cepit. itur in consilium: seruus ille innocens omnibus sententijs absoluitur, quo facilius uos hunc omnibus sententijs condemnare possitis: quid enim postulas Verres? quid speras? quid spectas? quem tibi aut deorum, aut hominum auxilio putas futurum? eò ne tu seruos ad spoliandum fanum immittere ausus es, quod liberos adire ne orandi quidem causa fas erat? his ne rebus manus afferre non dubitasti, à quibus etiam oculos cohibere te religionum iura cogeant? tamen si ne oculis quidem captus in hanc fraudem tam sceleratam, ac tam nefariam decidisti: nam id con-

cupisti, quod nunq̄ uideras: id inquam adamasti, quod antea non aspexeras. auribus tu tantam cupiditatem cōcepisti, ut eam non metus, non religio, nō deorum uis, nō hominum existimatio contineret. at ex uiro bono credo audieras, & bono auctore. qui id potest? qui ne ex uiro quidē audire potueris. audisti igitur ex muliere, quoniā id uiri neq; uidisse, neq; nosse poterant. qualem porro illam sac̄minam fuisse putatis iudices, quā pudicā, quā cum Verre loqueretur? quā religiosam, quā sacrariū spoliandi ostenderet rationem? at minime mirum; quā sacra per summā castimoniam uirorum, ac mulierū fiāt, eadem per istius stuprum, ac flagitium esse uiolata. quid ergo hoc solum auditione expetere cōpit, cum id ipse nō uidisset? immo uero alia complura. ex quibus eligam spoliationem nobilissimi, atq; antiquissimi fani: de qua priore actione testes dicere audistis. nūc eadem illa quæso audite, & diligenter, sicut adhuc fecistis, attendite. Insula est Melita iudices, satis lato ab Sicilia mari, periculo-  
 soq; disiūcta: in qua est eodem nomine oppidum, quō iste nunquam accessit. quod tamen isti textrinum per trientium ad muliebrem uestem conficiendam fuit. ab eo oppido non longe, in promontorio fanum est Iunonis antiquum: quod tanta religione semper fuit, ut non modo illis Punicis bellis, quæ in his ferē locis nauali prælio gesta, atque uersata sunt, sed etiam in hac prædonum multitudinem semper inuiolatum, sanctumq; fuerit. quin etiā hoc memoriæ proditum est, classe quodam Masinissæ Regis ad eum locum appulsa, præfectum regium dentes eburneos incredibili magnitudine è fano sustulisse, & eos in Africā portasse, Masinissæq; donasse: Regē q̄ dē primo

delectatū esse munere: post, ubi audisset unde essent, statim certos homines in quinqueremi misisse, qui eos den-  
 tes reportaret. itaq; in his inscriptum literis punicis fuit,  
 Regem Masinissam imprudentem accepisse, re cognita re-  
 ponendos, restituendosq; curasse. erat prater ea magna vis  
 eboris: multa ornamenta, in quibus eburnea uictoriae an-  
 tiquo opere, ac summa arte perfectæ. hæc iste omnia, ne  
 multis morer, uno impetu, atq; uno nūtio per seruos Ve-  
 nerios, quos eius rei causa miserat, tollenda, atq; asportan-  
 da curauit. pro' dū immortales, quem ego hominem ac-  
 cuso? quē legibus, ac iudiciali iure persequor? de quo uos  
 sententiam per tabellam feretis? dicūt Legati Melitenses  
 publice, spoliatum templum esse Iunonis, nihil istum in  
 religiosissimo fano reliquisse, quem in locum classes ho-  
 stium sæpe accesserint, ubi piratae ferē quotānis hiema-  
 re solebit: quod neq; prædo uiolarit antea, neq; hostis at-  
 rigerit, id ab uno isto sic spoliatum esse, ut nihil omnino  
 sic relictum. hic nūc aut iste reus, aut ego accusator, aut  
 hoc iudiciū appellabitur? criminibus enim coarguitur,  
 aut suspicionibus in iudicium uocatur? dū ablati; fana  
 uexata, nudatae urbes reperiuntur. earum autem rerum  
 nullam sibi iste neq; inficiandi rationem, neq; defendendi  
 facultatem reliquit: omnibus in rebus coarguitur à me,  
 cōuincitur à testibus, urgetur cōfessione sua, manifestis  
 in maleficijs tenetur, et manet etiā, ac tacitus facta mecū  
 sua recognoscit. nimiū mihi diu uideor in uno genere uer-  
 sari criminū: sentio iudices occurrēdū esse satietati aurī, et  
 animorūq; uestrorū. quāobrē multa pratermittā. ad ea  
 autem, quæ dicturus sum, reficite uos quæso iudices per  
 deos immortales, per eos ipsos, de quorū religione iandiu



dicimus, dum id eius facinus cōmemoro, & profero, quo  
provincia tota cōmota est. de quo si paulo altius ordiri,  
ac repetere memoriā religionis uidebor, ignoscite. rei ma-  
gnitudo me breuiter perstringere atrocitatem criminis  
non sinit. Vetus est hæc opinio iudices, quæ constat ex  
antiquissimis Græcorum literis, atq; monumentis: insu-  
lam Siciliam totam esse Cereri, & Liberæ consecratam.  
hoc cum ceteræ gentes sic arbitrantur, tum ipsis Siculis  
tam persuasum est, ut animis eorum insitum, atq; innat-  
um esse uideatur: nā & natas esse has in his locis deas,  
& fruges in ea terra primum repertas arbitrantur, &  
raptam esse Liberam, quā eandem Proserpinam uocant,  
ex Ennēsiū nemory, qui locus, q̄ in media est insula si-  
tus, umbilicus Siciliæ nominatur. quā cum inuestigare, et  
conquirere Ceres uellet, dicitur inflāmasse tadas ys igni-  
bus, qui ex Aetnæ uertice erumpunt: quas sibi cum ipsa  
præferret, orbem omnium peragrassæ terrarum. Enna  
autem, ubi ea, quæ dico, gesta esse memorantur, est loco  
præcelso, atq; edito: quo in summo est æquata agri pla-  
nities, & aqua perennes: tota uero omni aditu circunci-  
sa, atq; dirempta est. quam circa lacus, luciq; sunt pluri-  
mi, & lectissimi flores omni tempore anni: locus ut ipse  
raptum illum uirginis, quē iam à pueris accepimus, de-  
clarare uideatur: etenim propter est spelunca quædam,  
cōuersa ad aquilonem, infinita altitudine, qua Ditem pa-  
trem ferūte repēte cum curru extitisse, abreptamq; ex eo  
loco uirginem secum asportasse, & subito nō longe à Sy-  
racusis penetrasse sub terras, lacumq; in eo loco repente  
extitisse: ubi usq; ad hoc tempus Syracusani festos dies  
anniuersarios agunt, celeberrimo uirorum, mulierumq;

conuentu . propter huius opinionis uetustatem, q̄ eorum  
in his locis uestigia , ac propè incunabula reperiuntur  
deorum, mira quædam tota Sicilia priuatim, ac publice  
religio est Cereris Ennensis: etenim multa sæpe prodigia  
nim. eius, numenq; declarant, multis sæpe in difficillimis  
rebus præsens auxilium eius oblatum est : ut hæc insula  
ab ea non solum diligi, sed etiã incolæ, custodiriq; uideat̃  
tur. nec solum Siculi, uerum etiam ceteræ gentes, natio=  
nesq; Ennensem Cererem maxime colunt. etenim si Athe=  
niensium sacra summa cupiditate expetuntur , ad quos  
Ceres in illo errore uenisse dicitur , frugesq; attulisse ;  
quãtam esse religionem conuenit eorum, apud quos eam  
natam esse, & fruges inuenisse constat ? itaq; apud pa=  
tres nostros atroci, ac difficili Reip. tempore , cum Tib.  
Graccho occiso magnorum periculorum metus ex osten=  
tis portenderetur, P. Mutio, L. Calphurnio Coss. aditum  
est ad libros Sibyllinos : in quibus inuentum est, Cererem  
antiquissimam placari oportere. tum ex amplissimo col=  
legio Decemuirali sacerdotes populi R. cum esset in urbe  
nôstra Cereris pulcherrimum , & magnificentissimum  
templum, tamen usq; Ennam profecti sunt : tanta enim  
erat auctoritas, & uetustas illius religionis, ut, cum illuc  
irent, non ad ædem Cereris, sed ad ipsam Cererem profi=  
cisci uiderentur . non obtundam diutius aures uestras :  
iandudum uereor , ne oratio mea aliena ab iudiciorum  
ratione, & quotidiana dicendi consuetudine esse uideat̃  
tur. hoc dico, hanc ipsam Cererem, antiquissimam, reli=  
giosissimam , principem omnium sacrorum, quæ apud  
omnes gentes, nationesq; fiunt, à C. Verre ex suis tem=  
plis, ac sedibus esse sublatam. qui accessistis Ennam, uidi=

stis simulacrum Cereris è marmore, & in altero templo Liberæ. sunt ea perampla, atque præclara, sed nõ ita antiqua. ex ære fuit quoddam modica amplitudine, ac singulari opere, cum facibus, per antiquum, omniũ illorum, quæ sunt in eo fano, multo antiquissimum. id sustulit. ac tamen eo contentus non fuit. ante adem Cere-  
ris in aperto, ac propatulo loco signa duo sunt, Cereris unum, alterum Triptolemi, & pulcherrima, & perampla. his pulchritudo periculo, amplitudo saluti fuit, quod eorum demolitio, atque asportatio perdifficilis uidebatur. insistebat in manu Cereris dextra simulacrum pulcherrime factum Victoria. hoc iste è signo Cereris auellendum, asportandumq; curauit. quĩ tandem istius animus est nunc in recognitione scelerum suorum, cum ego ipse in cõmemoratione eorum non solum animo cõmouear, uerum etiam corpore perhorrescam? uenit enim mihi fani, loci, religionis illius in mētem: uersantur ante oculos omnia: dies ille, quo ego Ennam cum uenissem, præsto mihi sacerdotes Cereris cum insulis, ac uerbis fuerunt: concio, conuentusq; ciuium, in quo ego cum loquerer, tanti fletus, gemitusq; fiebant, ut acerbissimus tota urbe luctus uersari uideretur. nõ illi decumarum imperia, non bonorum direptiones, non iniqua iudicia, non importunissimas istius libidines, non uim, non contumelias, quibus operiti, oppressiq; erant, conquerebantur: Cere-  
ris numen, sacrorum uetustatem, fani religionem, istius sceleratissimi, atque audacissimi supplicio expiari uolebant: omnia se cætera pati, ac negligere dicebant: hic dolor erat tantus, ut Verres alter Orcus uenisse Ennam, & non Proserpinam asportasse, sed ipsam

abripuisse Cererem uideretur: etenim urbs illa, non urbs uidetur, sed fanum Cereris esse: habitare apud sese Cererem Ennenses arbitrantur: ut mihi non ciues illius ciuitatis, sed omnes sacerdotes, omnes accolæ, atq; antistites Cereris esse uideantur. Ennæ tu simulacrum Cereris tollere audebas? Ennæ tu de manu Cereris Victoriâ diripere, & deam dea detrahere conatus es? quorum nihil uiolare, nihil attingere ausi sunt, in quibus erant omnia, quæ sceleri propiora sunt, q̃ religioni: tenuerunt enim P. Popilio, P. Rupilio Coss. illum locum serui, fugitiui, barbari, hostes. sed neq; tam serui illi dominorum, quàm tu à libidinum: neq; tam fugitiui illi à dominis, quàm tu à iure, & à legibus: neq; tam barbari lingua, & natione illi, quàm tu natura & moribus: neq; illi tam hostes hominibus, quàm tu dys immortalibus. quæ deprecatio est igitur ei reliqua, qui indignitate seruos, temeritate fugitiuos, scelere barbaros, crudelitate hostes uicerit? audistis Theodorum, & Numiniû, et Nicasionem Legatos Ennenses publice dicere, sese à suis ciuibus hæc habere mandata, ut ad Verrem adirent, & cum simulacrum Cereris, & Victoriæ reposcerent: id si impetrassent, tum ut morem ueterem Ennensium cōseruarent, publice in eum, tamen si uexasset Sicilia, tamen, quoniâ hæc à maioribus constituta accepissent, testimonium ne quod dicerent. sin autem ea nō reddidisset, tum ut iudicio adessent, tum uti de eius iniurijs iudices docerent, sed multo maxime de religione quererentur. quas illorum querimonias nolite per deos immortales aspernari, nolite contemnere, ac negligere iudices. aguntur iniuriæ sociorum: agitur uis legum: agitur existimatio, ueritasq; iudiciorum. quæ

sunt omnia permagna, uerum illud maximum : tanta religione obstricta tota prouincia est, tanta superstitio ex istius facto mētes omnium Siculorum occupauit, ut, quæcunque accidat publice, uel priuatim incomoda, propter eam causam scelere istius euenire uideantur. audistis Centuripinos, Agyrinenses, Catinenses, Herbitenses, Ennenses; cōplures alios publice dicere, quæ solitudo esset in agris, quæ uastitas, quæ fuga aratorum, quàm deserta, quàm inculta, quæ relicta omnia. ea tamen si istius multis, et uarijs iniurijs acciderūt, tamen hæc una causa in opinione Siculorum plurimum ualeat, quod Cerere uiolata, omnes cultus, fructusque Cereris in his locis inieruisse arbitrantur. medemini religioni sociorum iudices : conseruate uestram auctoritatem : neque enim hæc externa nobis est religio, neque aliena. quod si esset ; si suscipere eam nolletis, tamen in eo, qui uiolasset, sancire uos uelle oporteret. nunc uero in communi omnium gentium religione, in qua his sacris, quæ maiores nostri ab exteris nationibus adscita, atque accersita coluerunt ; quæ sacra, ut erant re uera, sic appellari Græca uoluerunt : negligentes, ac dissoluti, si cupiamus esse qui possumus ? Vnius etiam urbis omnium pulcherrimæ, atque ornatissimæ Syracusarum direptionem cōmemorabo, et in medium proferam iudices, ut aliquando totam huius generis orationem cōcludam, ac definiam. nemo ferè uestrum est, quin, quemadmodum captæ sint à M. Marcello Syracusæ, sæpe audierit, nonnunquam etiam in annalibus legerit. conferte hanc pacem cum illo bello, huius Prætoris aduentum cum illius imperatoris uictoria, huius cohortem impuram cum illius exercitu inuictam, huius libidines cum illius continentia : ab illo, qui cepit,

conditas, ab hoc, qui constitutas accepit, captas dicetis Syracusas. ac iam illa omitto, quæ disperse à me multis locis dicentur, ac dicta sunt: forum Syracusanorum, quod introitu Marcelli à plurima cade seruatum est, id aduentu Verris Siculorum innocentium sanguine redundasse: portum Syracusanorum, qui cum et nostris classibus, et Carthaginiensium clausus fuisset, cum isto Prætorè Cili- cum myoparoni, prædonibusq; patuisse. mitto adhibitam uim ingenuis, matres familias uiolatas, quæ tum urbe capta commissæ non sunt neq; odio hostili, neq; licentia militari, neq; more belli, neq; iure uictoriæ: mitto inquam hæc omnia, quæ ab isto per triennium perfecta sunt. ea, quæ cōiuncta cum illis rebus sunt, de quibus antea dixi, cognoscite. urbem Syracusas maximam esse Græcarum urbium, pulcherrimamq; omnium, sæpe audistis. est iudices ita, ut dicitur: nam et situ est cum munito, tum ex omni aditu uel terra uel mari præclaro ad aspectum: et portus habet propè in edificatione, aspectuq; urbis inclusos: qui cum diuersos inter se aditus habeant, in exitu cōiunguntur, et cōfluunt. eorū coniunctione pars oppidi, quæ appellatur insula, mari disiuncta angusto; ponte rursus adiungitur, et cōtinetur. ea tanta est urbs, ut ex quatuor urbibus maximis cōstare dicatur. quarum una est ea, quam dixi, insula: quæ duobus portibus cincta, in utriusque portus ostium, aditumq; proiecta est: in qua domus est quæ Regis Hieronis fuit, quæ Prætores uti solent. in ea sunt ædes sacræ cōplures, sed duæ, quæ longe ceteris antecellunt: Diana una, et altera, quæ fuit ante istius aduentum ornatissima, Mineruæ. in hac insula extrema est fons aquæ dulcis, cui nomen Arethusa est, incredibili ma-



gnitudine, plenissimus piscium: qui fluctu totus operire-  
 tur, nisi munitione, ac mole lapidum à mari disjunctus  
 esset. altera autem est urbs Syracusis: cui nomen Aera-  
 dina est: in qua forum maximū, pulcherrimæ porticus,  
 ornatissimum Prytanæū, amplissima est curia, templumq;  
 egregium Iouis Olympi: ceteraq; urbis partes una lata  
 uia perpetua, multisq; trāsuersis diuise, priuatis edificijs  
 continentur. tertia est urbs, quæ, q̃ in ea parte Fortune  
 fanum antiquū fuit, Tyche nominata est: in qua & gy-  
 mnasium amplissimum est, & cōplures ades sacre: co-  
 liturq; ea pars, & habitatur frequentissime. quarta au-  
 tem est urbs: quæ, quia postrema edificata est, Neapolis  
 nominatur: quam ad summam theatrum est maximū:  
 præterea duo templa sunt egregia, Cereris unū, alterum  
 Liberæ, signumq; Apollinis, qui Thesmotes uocatur, pul-  
 cherrimum, & maximū: quod iste si portare potuisset,  
 non dubitasset auferre. nunc ad Marcellum reuertar, ne  
 hæc à me sine causa cōmemorata esse uideātur. qui cum  
 tam præclaram urbem uī, copijsq; cepisset, non putauit  
 ad laudem populi R. hoc pertinere, hanc pulchritudinē,  
 ex qua præsertim nihil periculi ostenderetur, delere, &  
 extinguere. itaq; edificijs omnibus, publicis & priuatis,  
 sacris, & profanis sic pepercit, quasi ad ea defendenda  
 cum exercitu, non expugnanda uenisset. in ornatu urbis  
 habuit uictoria rationem, habuit humanitatis. uictoriæ  
 putabat esse, multa Romam deportare, quæ ornamento  
 urbi esse possent: humanitatis, non plane. spoliare ur-  
 bem, præsertim quam conseruare uoluisset. in hac par-  
 titione ornatus non plus uictoria Marcelli populo R.  
 appetiuit, quàm humanitas Syracusanis reseruauit.



## LIBER VI.

Romam quæ asportata sunt, ad eadem Honoris, atq; Virtutis, itemq; alijs in locis uidemus. nihil in ædibus, nihil in hortis posuit, nihil in suburbano. putauit, si urbis ornamenta domum suam non contulisset, domum suam urbi ornamento futurâ. Syracusis autem permulta, atq; egregia reliquit, deum uero nullum uiolauit, nullum attigit. cōferte Verrem: non ut hominem cum homine cōparetis, nequa tali uiro mortuo fiat iniuria; sed ut pacem cū bello, leges cum ui, forum, et iurisdictionem cum ferro, & armis, aduētum, & comitatum cum exercitu, & uictoria cōferatis. Aedes Minervæ est in insula, de qua ante dixi: quâ Marcellus non attigit, quâ plenam, atq; ornata[m] reliquit. quæ ab isto sic spoliata, atq; direpta est, nō ut ab hoste aliquo, qui tamen in bello religionum, & consuetudinis iura retineret, sed ut à barbaris prædonibus uexata esse uideatur. pugna erat equestris Agathoclis Regis in tabulis picta præclare. his autem tabulis interiores templi parietes uestiebatur: nihil erat ea pictura nobilius: nihil Syracusis, quod magis uisendum putaretur. has tabulas M. Marcellus, cum omnia illa uictoria sua profana fecisset, tamen religione impeditus non attigit. iste, cum illa iam propter diuturnā pacem, fidelitatemq; populi Syracusani sacra, religiosaq; accepisset: omnes eas tabulas abstulit: parietes, quorum ornatus tot secula māsarat, tot bella effugerat, nudos ac deformatos reliquit. & Marcellus, qui, si Syracusas cepisset, duo templa se Romæ dedicaturū uouerat, id, quod erat edificaturus, ijs rebus ornare, quas ceperat, noluit: Verres, qui non Honori, neq; Virtuti, ut ille, sed Veneri, & Cupidini uota deberet, ijs Minervæ tēplum spoliare conatus est. ille deos, deorum

deorum spolijs ornare noluit : hic ornamenta Minervæ uirginis in meretriciâ domum trāstulit. uiginti & septē præterea tabulas pulcherrime piētas ex eadē aede sustulit: in quibus erāt imagines Siciliæ Regum, ac tyrannorum: quæ non solum pictorum artificio delectabant, sed etiam cōmemoratione hominum, & cognitione formarum. ac uidete, quanto tetrrior hic tyrānus Syracusanis fuerit, quā quisquam superiorum, cum illi tamē ornarent templa deorum immortalium, hic etiā deorum monimenta, atq; ornāmēta sustulerit. iam uero quid ego de ualuis illius templi cōmemorem? uereor, ne, hæc qui non uiderunt, omnia me nimis augere, atq; ornare arbitrentur. quod tamen nemo suspicari debet, tam esse me cupīdum, ut tot uiros primarios uelim, præsertim ex iudicū numero, qui Syracusis fuerint, qui hæc uiderint, cē temeritati, & mendacio meo conscios. confirmare hoc liquido iudices possum, ualuas magnificentiores ex auro, atq; ebo-  
re, perfectiores nullas unquam ullo tempore fuisse. incredibile dictū est, quā multi Græci de ualuarum harum pulchritudine scriptum reliquerint. nimium forsitiā hæc illi mirentur, atq; efferant. esto. ueruntamen honestius est Reip. nostræ iudices ea, quæ illis pulchra esse uideantur, imperatorem nostrum in bello reliquisse, quā Prætore in pace abstulisse. ex ebo-  
re diligentissime perfecta argumenta erant in ualuis: ea detrahēda curauit omnia. Gorgonis os pulcherrimum, crinitum anguib; reuellit, atq; abstulit: & tamen indicauit, se non solū artificio, sed etiā pretio, quæstūq; duci: nā bullas omnes aureas ex his ualuis, quæ erant & multæ, & graues, non dubitauit auferre: quarum iste non opere delectabatur, sed pondere.

itaq; eiusmodi ualuas reliquit, ut, quæ olim ad ornandū templū erant maxime, nunc tātum ad claudendū facta esse uideantur. etiam ne gramineas hastas? uidi. n. uos in hoc non minime, cum testes dicerent, comoueri: q̄ erant huiusmodi, ut semel uidisse satis esset: in quibus neq; manu factum quicq̄, neq; pulchritudo erat ulla, sed tātum magnitudo incredibilis: de qua uel audire satis esset: nimium, uidere plus q̄ semel. etiam ne id cōcupisti? nā Sappho, quæ sublata de Prytaneo est, dat tibi iustam excusationem, propè ut concedendum, atq; ignoscendum esse uideatur. M. Syllanionis opus tam perfectum, tam elegans, tam elaboratum quisquam nō modo priuatus, sed populus potius haberet, q̄ homo elegantissimus, atq; eruditissimus Verres? nimirum contra dicti nihil potest: nostrū. n. unusquisq; qui tam beati, quàm iste est, nō sumus, tā delicati esse non possumus: si quando aliquid istiusmodi uidere uolet, eat ad eadem Felicitatis, ad monumentum Cætuli, in porticum Metelli: det operam, ut admittatur in alicuius istorum Tusculanum: spectet eorum ornatum, si quid iste suorum Aedilibus accommodauit: Verres hæc habeat domi: Verres ornamentis fanorum, atq; oppidorum habeat plenam domum, uillas refertas. etiam ne huius operarij studia, ac delicias indices perferetis? qui ita natus est, ita educatus, ita factus & animo, & corpore, ut multo appositior ad deferenda, quàm ad auferenda signa esse uideatur. atq; hæc Sappho sublata quantum desiderium sui reliquerit, dici uix potest: nā tum ipsa fuit egregie facta, tum epigrāma græcum pernobile incisum habuit in basi: quod iste eruditus homo, et Græculus, qui hæc subtiliter indicat, qui solus intelligit, si unam literā

græcam scisset, certe non sustulisset: nunc. n. quod inseri-  
ptum est inani in basi, declarat quid fuerit, & id ablatū  
indicat. quid? signum Pæanis ex æde Aesculapij præcla-  
re factum, sacrum, & religiosum nō sustulisti? quod o-  
mnes propter pulchritudinem uisere, propter religionem  
colere solebant. quid? ex æde Liberi simulacrum Aristei  
non tuo imperio palam ablatum est? quid? ex æde Iouis  
religiosissimum simulacrū Iouis imperatoris, quem Græ-  
ci Vriōn nominant, pulcherrime factum non ne abstuli-  
sti? quid? ex æde Liberi parū illud caput pulcherrimū,  
quod uisere solebamus, num dubitasti tollere? atque ille  
Pæan sacrificijs anniuersarijs simul cum Aesculapio æ-  
pud illos colebatur. Aristeus, qui, ut Græci ferunt, Liberi  
filius, inuentor olei esse dicitur, unā cum Libero patre æ-  
pud illos eodem erat in templo consecratus. Ionem autē  
imperatorem quāto honori in suo templo fuisse arbitra-  
mini? hinc colligere potestis, si recordari uolueritis quan-  
ta religione fuerit eadem specie, atq; forma signū illud,  
quod ex Macedonia captū, in Capitolio posuerat Flami-  
nius: etenim tria ferebantur in orbe terrarum signa Iou-  
is imperatoris uno in genere pulcherrime facta: unū, il-  
lud Macedonicum, quod in Capitolio uidemus: alterum  
in Ponti ore, & angustijs: tertium, quod Syracusis ante  
Verrem Prætorē fuit. illud Flaminius ita ex æde sua  
sustulit, ut in Capitolio, hoc est in terrestri domicilio Iou-  
is poneret. quod autem est ad introitum Ponti, id cum  
tam multa ex illo mari bella emergerint, tam multa por-  
rò in Pontum inuecta sint; usque ad hanc diem inte-  
grum, inuiolatumq; seruatum est. hoc tertium, quod erat  
Syracusis, quod M. Marcellus armatus, et uictor uiderat,

quod religioni concesserat, quod ciues, atq; incolæ Syracusanî colere, aduenæ non solum uisere, uerum etiam uenari solebât, id Verres ex templo Iouis sustulit. ut sæpius ad M. Marcellû reuertar iudices, sic habetote: plures esse à Syracusanis istius aduentu deos, quàm uictoria Marcelli homines desideratos. etenim ille requisisse dicitur etiâ Archimedem illum, summo ingenio hominē, ac disciplina: eumq; cum audisset interfectum, permolestè tulisse. iste omnia, quæ requisituit, non ut seruaret, uerum ut asportaret, requisituit. iam illa, quia leuiora uidebuntur, si hoc loco dicerentur, ideo præteribo, q̃ iste mensas Delphicas è marmore, crateras ex ære pulcherrimas, uim maximam uasorum Corinthiorum ex omnibus ædibus sacris Syracusis abstulit. itaq; iudices hi, qui hospites ad ea, quæ uisenda sunt, ducere solent, & unuquicq; ostendere, quos illi Mystagogos uocant: conuersam iam habent demonstrationem suam: nam ut ante demonstrabât, quid ubiq; esset, ita nunc, quid undiq; ablatû sit, ostendunt. quid tu? mediocri ne tandem dolore eos affectos esse arbitramini? non ita est iudices: primû, q̃ omnes religione mouentur, & deos patrios, quos à maioribus acceperunt, colendos sibi diligenter, & retinendos esse arbitrantur: deinde hic ornatus, hæc opera, atq; artificia, signa, tabulæ pictæ Græcos homines nimio opere delectant. itaq; ex illorum querimonijs intelligere possumus, hæc illis acerbissima uideri, quæ forsitan nobis leuia, & contemnenda esse uideantur. mihi credite iudices (tametsi uosmet ipsos hæc eadem audire certo scio) cum multas acceperint per hosce annos socij, atq; exteræ nationes calamitates, & iniurias: nullas Græci homines grauius tulerunt, nec ferunt, quàm hu-

iuscemodi spoliationes sanorum, atq; oppidorū. licet iste dicat, emisse se, sicuti solet dicere: credite mihi iudices, nulla unquam ciuitas tota Asia, & Gracia signum ullum, tabulam pictam, nullum deniq; ornamentum urbis sua uoluntate cuiquam uēdidit: nisi forte existimatis, posteaquam iudicia seuera Romae fieri desierint, Gracos homines hac uendere cōpisse: quae tum non modo: non uendebant, cum iudicia fiebant, uerum etiam coemebāt: nisi arbitramini L. Crasso, Q. Scauola, C. Claudio potētissimis hominibus, quorum Aedilicates ornatissimas uidimus, cōmercium istarum rerū cum Gracis hominibus nō fuisse: his, qui post iudiciorū dissolutiones Aediles facti sunt, fuisse. acerbiores etiā scitote esse ciuitatibus falsam istā, & simulatam emptionem, quam si quis clam surripiat, aut eripiat palām, atq; auferat: nā turpitudinem summam esse arbitrantur, referri in literas publicas, pretio adductam ciuitatem, et pretio paruo ea, quae accepisset a maioribus, uēdidisse, atq; alienasse: ctenim mirandum in modum Graci rebus istis, quas nos contemnimus, delectantur. itaq; maiores nostri facile patiebātur, hac esse quamplurima apud socios, ut imperio nostro quamornatissimi, florentissimiq; essent. apud eos autem, quos uēctigales, aut stipendiarios fecerant, tamen hac relinquebāt, ut illi, quibus ea incunda sunt, quae nobis leuia uidebantur, haberēt hac oblectamēta, & solatia seruitutis. quid arbitramini Rheginos, qui iā ciues R. sunt, mereri uelle, ut ab ijs marmorea Venus illa ne auferatur? quid Tarētinios, ut ne Europam in Tauro sedētem amittant? ut Satyrū, qui apud illos in aede Vestae est: ut cetera? quid Thespenses, ut Cupidinis signū, propter quod unū uisuntur

Thespie? quid Gnidios, ut Venerem marmoream? quid, ut pictam, Coos? quid Ephesios, ut Alexandrum? quid Cyzicenos, ut Aiace, aut Medeam? quid Rhodios, ut Ialysium? quid Athenienses, ut ex marmore Iacchum, aut Parthalam pictum, aut ex ære Myronis buculam? longum est, et non necessarium commemorare, quæ apud quosque uisenda sunt tota Asia, et Græcia. uerum illud est, quamobrem hæc commemorarim; quod existimare uos hoc uolo, mirum quendam dolorem accidere ijs, ex quorum urbibus hæc auferantur, atque ut ceteros omittamus, de ipsis Syracusanis cognoscite: ad quos ego cum uenissem, sic primo existimabam, ut Romæ ex istius amicis acceperam, ciuitatem Syracusanam propter Heracly hereditatem non minus esse isti amicam, quam Mamertinam propter prædarium, ac furtorum omnium societatem: simul et uerebar, ne mulierum nobilium, et formosarum gratia, quarum iste arbitrio Præturam per triennium gesserat, uiro-  
rumque, quibuscum illæ nuptæ erant, nimia in istum non lenitudine, sed etiam liberalitate oppugnaret, si quid ex literis Syracusanorum conquirerem. itaque Syracusis cum ciuibus R. eram: eorum tabulas exscribebam: iniurias cognoscebam. cum diutius in negotio, curaque fueram: ut requiescerem, curamque animi remitterem, ad Carpinatij præclaras tabulas reuertebam. ubi cum equitibus R. ex illo conuentu honestissimis illos Verrucios, de quibus ante dixi, explicabam: à Syracusanis prorsus nihil adiumenti neque publice, neque priuatim expectabam, neque erat in animo postulare. cum hæc agerem, repente ad me uenit Heraclius is, qui tum magistratum Syracusis habebat, homo nobilis, qui sacerdos Iouis fuisset: quod honos apud Syracusanos



est amplissimus. agit mecum, & cum fratre meo, ut, si nobis uideretur, ad eorum senatum: frequentes esse in curia: se iussu senatus à nobis petere, ut ueniremus. primo nobis fuit dubium, quid ageremus. deinde cito uenit in mentem, non esse uitandum nobis illum conuentum, & locum. itaq; in curiam uenimus. honorifice sane consurgitur. nos rogatu magistratus assedimus. incipit is loqui, qui et auctoritate, & aetate, & ut mihi uisum est, usu rerum antecedebat, Diodorus Timarchides: cuius omnis oratio hanc habuit primo sententiam: senatum populumq; Syracusanum moleste, grauiterq; ferre, quod ego, cum in ceteris Siciliae ciuitatibus senatum populumq; docuisssem, quid eis utilitatis, quod salutis afferrem, et cum ab omnibus mandata, Legatos, litteras, testimoniaq; sumpsissem, in illa ciuitate nihil eiusmodi facere. respondi, neq; Romae in conuentu Siculorum, cum à me auxilium communi omnium Legationum consilio petebatur, causaq; totius ad me Siciliae defereretur, Legatos Syracusanorum affuisse; neq; me postulare, ut quicquam contra C. Verrem decerneretur in ea curia, in qua inaurata C. Verri statuam uiderem. quod posteaquam dixi: tantus est gemitus factus aspectu statuæ, & commemoratione, ut illud in curia positum monumentum scelerum, non beneficiorum uideretur. tum pro se quisq;, quantum dicendo assequi poterat, docere me coepit ea, quæ paulo ante commemorauimus: spoliata urbem, sana direpta, ex Heraclii hereditate, quam palæstritis concepsisset, multo maximam partem ipsum abstulisse: neq; postulandum fuisse, ut ille palæstritas diligeret, qui etiam inuentore olei deum sustulisset: neq; illam statuam esse ex pecunia publica, neq; publice datam, sed eos, qui hereditatis diripiendæ participes fuissent, faciendam, statuendamq; curasse:

eosdē Romæ fuisse legatos, illius adiutores improbitatis,  
 socios furtorū, cōscios flagitiorū: eo minus mirari me o-  
 portere, si illi cōmuni Legatorū uolūtati, et salutī Siciliae  
 defuissent. ubi eorū dolorē ex illius iniurijs nō modo mi-  
 norē, sed propē maiore, q̄ ceterorū stulorū, esse cogno-  
 ui, cū meū animū in illos, cū mei cōsiliū, negotiūq; totius su-  
 scepi causā, rationemq; proposui: tū eos hortatus sum, ut  
 causae cōmuni, salutiq; ne deessent, ut ei illā laudationē,  
 quā se ui, ac metu coactos paucis illis diebus decreesse di-  
 cebant, tollerent: itaq; iudices Syracusani hac faciunt  
 istius clientes, atq; amici: primum mihi literas publicas,  
 quas in arario sanctiore conditas habebant, proferunt:  
 in quibus ostendunt omnia, quae dixi ablata, esse perscri-  
 pta, et plura etiā, quā ego potui dicere: perscripta au-  
 tem hoc modo, q̄ ex aede Minervae hoc, et illud abesset:  
 q̄ ex aede Iouis, q̄ ex aede Liberi. ut quisq; cis rebus tuen-  
 dis, conservandisq; praefuerat, ita perscriptum erat, cum  
 rationem ex lege redderet, et, quae acceperat, deberet tra-  
 dere: petisse, ut sibi, quod hae res abesset, ignosceretur: ita-  
 que omnes liberatos discessisse: et esse ignotum omnibus.  
 quas ego literas obsignādas publico signo, deportandasq;  
 curavi. de laudatione autem ratio sic reddita est: primū  
 cum à Verre literae aliquanto ante aduētum meum de  
 laudatione uenissent, nihil esse decretum: deinde, cū qui-  
 dam ex illius amicis cōmonerent, oportere decerni, maxi-  
 mo esse clamore, et cōuitio repudiatos; et postea quā  
 meus aduētus appropinquauit, imperasse eum, qui sum-  
 mam potestatem haberet, ut decernerent: decretū ita esse,  
 ut multo plus illi laudatio mali, quā boni possit affer-  
 re, id adeo iudices, ut mihi ab illis demonstratum est, sic

uos ex me cognoscite. mos est Syracusis, ut, si qua de re ad senatum referatur, dicat sententiā, qui uelit. nominatim nemo rogatur. & tamen, ut quisq; honore, & etate antecedit, ita primus solet sua sponte dicere, idq; à ceteris ei cōceditur. si quando taceant omnes, tūc sortito coguntur dicere. cum hic mos esset, refertur ad senatū de laudatione Verri: in quo primum, ut aliquid esset moræ, multi interpellant: de Sex. Peduceo, qui de illa ciuitate, totaq; provincia optime meritus esset, sese antea, cum audissent ei negotiū facessitum, cumq; eum publice pro plurimis eius, & maximis meritis laudare cuperent, à C. Verre prohibitos esse: iniquum esse, tametsi Peduceus eorū laudatione iam non uteretur, tamen nō id prius decernere, quod aliquando nolissent, q̃ quod tum cogerentur. clamant omnes, & approbat ita fieri oportere. refertur de Peduceo. ut quisq; etate, et honore antecederet, ita sententiam dixit ex ordine. id adeo ex ipso S. C. cognoscite: nā principiū sententiæ perscribi solet. Recita. QVOD VERBA FACTA SVNT DE SEX. PEDUCEO. dicit, qui primi suaserint. decernitur. refertur deinde de Verre. dic, quæso, quomodo? QVOD VERBA FACTA SVNT DE C. VERRE. quid postea scriptū est? CVM SVRGERET NEMO, NEQVE SENTENTIAM DICERET. quid hoc est? SORS DVCITVR. quāobrem? nemo erat uoluntarius laudator Praturæ tuæ? defensor periculorum tuorum? præsertim cum inire à Pratore gratiam posset? nemo. ipsi illi tui conuiuæ consiliarij, & conscij uerbum facere non audebant. in qua curia statua tua stabat, & nuda filij, in ea nemo fuit, quem ne

nudus quidem filius in nuda prouincia commoueret. atq;  
etiam hoc me docent, eiusmodi S. C. sese fecisse laudatio=  
nem, ut omnes intelligere possent, nō laudationem, sed po=  
tius irrisionem esse illam, quæ commonefaceret istius tur=  
pem, calamitosamq; Præturā. etenim scriptum esse ita;  
QVOD iste uirgis neminem cecidisset; à quo cogno=  
scitis nobilissimos homines, atq; innocentissimos securi esse  
percuttos: QVOD uigilanter prouinciā administras=  
set; cuius omnes uigilias in stupris constat, adulterysq;  
esse cōsumptas. hoc autem scriptum etiam, quod profer=  
re nō auderet reus, accusator recitare non desineret,  
QVOD prædones procul ab insula Sicilia prohibuis=  
set Verres, quos etiam intra Syracusanam insulam rece=  
pisset. quæ posteaquā ex illis cognoui, discessi cum fratre  
ē curia, ut nobis absentibus, si quid uellent, decernerent.  
decernunt statim: primum, ut L. fratri hospitium publi=  
ce fieret, quod is eandem uoluntatem erga Syracusanos  
suscepisset, quam ego semper habuissem. id nō modo tum  
scripserunt, uerū etiam in ære incisum nobis tradide=  
runt. ualde hercle te Syracusani tui, quos crebro cōme=  
morare soles, diligunt: qui cum accusatore tuo satis in=  
stam causam coniungendæ necessitudinis putant, quod te  
accusaturus sit, et quod ad inquirendum in te uenerit.  
postea decernitur, ac non uarie, sed propē coniunctis sen=  
tentys, ut laudatio, quæ C. Verri decreta esset, tollere=  
tur. at uero, cum iam nō solum discessio facta esset, sed  
etiam per scriptum, atq; in tabulas relatum, Prætor ap=  
pellatur. at quis appellat? magistratus aliquis? nemo. se=  
nator? ne id quidem. Syracusanorum aliquis? minime.  
quis igitur Prætozem appellat? qui Quæstor istius fue=

rat, Cæcilius. ò rem ridiculam : ò desertum hominem : ò desperatū, ac relictum . à magistratu Siculo, ne S. C. Siculi homines facere possent, ne suū ius, suis moribus, suis legibus obtinere possent, non amicus istius, nō hospes, non deniq; aliquis Siculus ; sed Quæstor Prætozem appellat. quis hoc uidie ? aut quis audiuit ? Prætor æquus, & sapiens dimitti iubet senatū. concurrit ad me maxima multitudo. primum senatores clamare, eripi sibi ius, eripi libertatem, populus senatum laudare, gratias agere, ciues R. à me nusquam discedere. quò quidem die nihil agrius factum est multo labore meo, q̃ ut manus ab illo appellatore abstinerentur. cum ad Prætozem in ius adissemus, excogitat sane diligenter, & caute, quid decernat : nam anteq̃ uerbum facerem, de sella surrexit, atq; abiit. itaq; tum de foro, cū iam ad uesperasceret, discessimus. post tridie mane ab eo postulo, ut Syracusanis liceret S. C. quod pridie fecissent, mihi reddere. ille enim uero negat : & ait indignum facinus esse, q̃ ego in senatu Græco uerba fecissem, q̃ quidem apud Græcos græce locutus essem, id ferri nullo modo posse. respondi homini, ut potui, ut uolui, ut debui : cum multa, tum etiam hoc me memini dicere : facile esse perspicuum, quantum inter hunc & illum Numidicum uerum & germanū Metellum inter esset : illum noluisse sua laudatione inuare L. Lucillum sororis uirum, quicum optime conuenisset ; hunc homini alienissimo à ciuitatibus laudationes per uim, & metum cōparare. quod ubi intellexi, multum apud illum recētes nuntios, multum tabulas non cōmendatitias, sed tributarias ualuisse, admonitu ipsorum Syracusanorum impetum in eas tabulas facio, in quibus singula perscripta

erant. ecce autem noua turba, atq; rixa: ne tamen istum  
 omnino Syracusus sine amicis, sine hospitibus planè nudū  
 esse, ac desertū putetis. retinere cœpit tabulas Theomna=  
 stus quidam, homo ridicule insanus: quem Syracusani  
 Theoraetum uocant: qui illic eiusmodi est, ut cum pue=  
 ri seētentur, ut omnes, cum loqui cœperit, irrideāt. huius  
 tamē insania, quæ ridicula est alijs, mihi tum molesta sa=  
 nè fuit. nam cum spumas ageret in ore, arderent oculi,  
 uoce maxima, uim me sibi afferre, clamaret: copulati in  
 ius peruenimus. hic ego postulare cœpi, ut mihi tabulas  
 obsignare, ac deportare liceret, ille contra. instare ego, o=  
 mnium mihi tabularū, & literarū fieri potestatem opor=  
 tere: contra, ille furiosus urgere, nihil ad se nostras leges  
 pertinere. Prætor intelligens, negare sibi placere, quod S.  
 C. ratum esse non deberet, id me Romam deportare. quid  
 multa? nisi uehementius homini minatus essem, nisi legum  
 sanctionē, pœnamq; recitassem: tabularū mihi potestas  
 facta nō esset. ille autem insanus, qui pro isto contra me  
 uehementissime declamasset, postq̃ non impetrauit, credo  
 ut in gratiā mecum rediret, libellū mihi dat, in quo istius  
 furta Syracusana perscripta erant: quæ ego antea iam  
 ab illis cognoram, & acceperā. laudent te sanè iam Ma=  
 mertini, qui ex tanta prouincia soli sunt, qui te saluū ue=  
 line: ita tamen laudēt, ut Heius, qui eius princeps Lega=  
 tionis est, adsit: ita laudent, ut ea, quæ rogati erūt, mihi  
 parati sint respondere. ne subito à me opprimantur, hæc  
 sum rogaturus, nauem debeāt ne? fatebūtur: præbue=  
 rint ne Prætor C. Verre? negabūt: edificauerint ne na=  
 uem onerariā maximā publice, quā Verri dederūt? ne=  
 gare nō poterūt: frumentū ne ab his sumpserit. Verres,

quod populo R. mitteret, sicuti superiores? negabunt: quid militum, aut nautarum per triennium dederunt? nullum datum dicent: fuisse Messanam omnium istius furtorum, ac prædarum receptricem? negare non poterunt: permulta multis nauibus illinc exportata? hanc denique nauem maximam à Mamertinis datam, onustam cum isto Pratore profectam? fatebuntur. quamobrem tibi habere sanè istam laudationem Mamertinam: Syracusanam quidem ciuitatem, ut abs te affecta est, ita in te esse animatam uidemus: apud quos etiam Verrea illa flagitiosa sublata sunt: etenim minime còueniebat, ei deorum honores haberi, qui simulacra deorum sustulisset. etiam mehercule illud in Syracusanis merito reprehenderetur, si, cum diem festum ludorum de fastis suis sustulissent celeberrimum, et sanctissimum, quòd eo ipso die Syracusæ à Marcello captæ esse dicuntur, idem diem festum Verris nomine agerent, cum iste Syracusanis, quæ ille calamitosus dies reliquerit, ademisset. at uidete hominis impudentiam, atque arrogantiam iudices, qui nò solum Verrea hac turpia, hac ridicula ex Heracly pœcunia constituerit, uerum etiam Marcellea tolli imperarit, ut ei sacra facerent quotannis, cuius opera omnium annorum sacra, deosq; patrios amiserant; eius autem familiæ dies festos tollerent, per quam ceteros quoque festos dies recuperant.



ACCUSATIONIS IN C. VERRES  
LIBER VII.  
ORATIO X.

EMINI uideo dubium esse iudices,  
quin apertissime C. Verres in Sicilia sa-  
cra, profanaq; omnia & priuatim, &  
publice spoliarit, uersatusq; sit sine ulla  
non modo religione, uerum etiam dissi-  
mulatione in omni genere furandi, atq; prædandi. sed  
quædam mihi magnifica, et præclara eius defensio osten-  
ditur: cui quemadmodum resistam, multo mihi ante est  
iudices providendum: ita enim causa constituitur, pro-  
uinciam Siciliam uirtute eius, et uigilantia singulari du-  
bys, formidolosusq; temporibus à fugitiuis, atq; à belli pe-  
riculis tutam esse seruata. quid agam iudices? quò ac-  
cusationis meæ rationem conferam? quò me uertam? ad  
omnes enim meos impetus, quasi murus quidam, boni no-  
men imperatoris opponitur. noui locum: uideo, ubi se ia-  
ctaturus sit Hortensius. belli pericula, tempora Reip. im-  
peratorum penuriam cōmemorabit. tum deprecabitur à  
uobis, tum etiam pro suo iure contendet, ne patiamini  
talem imperatorem populo R. Sicularum testimonijs eri-  
pi, ne uel obteri laudem imperatoriam criminibus auari-  
tiæ uelitis. non possum dissimulare iudices. timeo, ne C.  
Verres propter hanc uirtutem eximiam in re militari  
omnia, quæ fecit, impune fecerit: uenit enim mihi in men-  
tem, in iudicio M. Aquilij q̄tum auctoritatis, quantum  
momenti oratio M. Antonij habuisse existimata sit: qui,  
ut erat in dicendo non solum sapiens, sed etiam fortis,

causa propè perorata, ipse arripuit M. Aquilium, consti-  
tuitq; in cōspectu omnium, tunicamq; eius à pectore ab-  
scidit, ut cicatrices populi R. iudicesq; afficerent aduer-  
so corpore exceptas. simul & de illo uulnere, quod ille in  
capite ab hostium duce acceperat, multa dixit, eoq; addu-  
xit eos, qui erant iudicaturi, uehementer ut uererentur,  
ne, quem uirum fortuna ex hostium telis eripuisset, cum  
sibi ipse non pepercisset, hic non ad populi R. laudem, sed  
ad iudiciū crudelitatem uideretur esse seruatus. hæc ea-  
dem nunc ab illis defensionis ratio, uiaq; tentatur : idem  
queritur. sit fur, sit sacrilegus, sit flagitiorum omnium, ui-  
tiorumq; princeps : at est bonus imperator, & felix, &  
ad dubia Reip. tempora reseruandus. nō agam summo iu-  
re tecum : nō dicam id, quod debeam forsitan obtinere ;  
cum iudicium certa lege sit cōstitutum, nō quid in re mi-  
litari fortiter feceris, sed quemadmodū manus ab alie-  
nis pecunijs abstinueris, abs te doceri oportere. nō inquā  
sic agam : sed ita quæram, quemadmodum te uelle intel-  
ligo, quæ tua opera, & quāta fuerit in bello. quid dicess?  
an bello fugitiuorū Siciliam uirtute tua liberatam? ma-  
gna laus, & honesta oratio : sed tamen quo bello? nos  
enim post id bellum, quod M. Aquilius confecit, sic acce-  
pimus, nullum in Sicilia fugitiuorū bellum fuisse. at in  
Italia fuit. fateor : & magnum quidem, ac uehemens.  
num igitur ex eo bello partem aliquam laudis appetere  
conaris? num tibi illius uictoriæ gloriā cum M. Crasso,  
aut Cn. Pompeio cōmunicandā putas? non arbitror hoc  
etiam deesse tuæ impudentiæ, ut quicquam eiusmodi dice-  
re audeas. obstitisti uidelicet, ne ex Italia transire in Si-  
ciliam fugitiuorum copiæ possent. ubi? quando? qua

ex parte? cum aut nauibus, aut ratibus conarentur accedere? nos enim nihil unquam prorsus audiuius: & illud audiuius, M. Crassi fortissimi uiri uirtute, consilioq; factum, ne ratibus coniunctis freto fugitiui ad Messanam transire possent. à quo illi conatu nō tanto opere prohibendi fuissent, si ulla in Sicilia praesidia ad illorum aduentum opposita putarētur. at cum in Italia bellum tam propè à Sicilia, tamen in Sicilia non fuit? quid mirum? ne cum in Sicilia quidem fuit, eodem interuallo pars eius belli in Italiā ulla peruasit. etenim propinquitas ad utram partem hoc loco profertur? utrū, aditum facilem hostibus, an contagionem imitandi eius belli periculosam fuisse? aditus omnis hominibus sine ulla facultate nauium nō modo disiunctus, sed etiam clausus fuit: ut illis, quibus Siciliam propinquam fuisse dicis, facilius fuerit ad Oceanum peruenire, q̃ ad Peloridem accedere. cōtagio autem ista seruilis belli cur abs te potius, q̃ ab ijs omnibus, qui ceteras provincias obtinuerūt, predicatur? an quòd in Sicilia iam ante bella fugitiuorum fuerunt? at ea ipsa causa est, cur ipsa provincia minimo in periculo sit, & fuerit: nam posteaquā illinc M. Aquilius decessit, omnium instituta, atque edicta Praetorum fuerunt eiusmodi, ut ne quis cum telo seruus esset. uetus est quod dicam, & propter seueritatem exempli nemini fortasse uestrum inauditum: L. Domitium Praetorem in Sicilia, cum aper ingēs ad eum allatus esset, admiratum requisisse, quis eum percussisset: cum audisset, pastorem cuiusdam fuisse, eum ad se uocari iussisse, illum cupide ad Praetorem, quasi ad laudem, atq; ad praeuiū accurrisse: quæsisse Domitiū, qui tantam bestiam percussisset? illum respondisse,

respondisse, uenabulo: statim deinde iussu Pratoris in crucem esse sublatum. durum hoc fortasse uideatur: neque ego ullam in partem disputo: tantum intelligo, maluisse Domitium crudelem in animaduertendo, quam in pratermittendo dissolutum uideri. ergo his institutis provinciae, iam tum, cum bello fugitiuorum tota Italia arderet, homo non acerrimus, nec fortissimus, Cn. Norbanus in summo otio fuit: per facile enim sese Sicilia tuebatur, ne quod in ipsa bellum posset existere. etenim cum nihil tam coniunctum sit, quam negotiatores nostri cum Siculis usu, re, ratione, concordia; et cum ipsi Siculi res suas ita constitutas habeant, ut his pacem expediat esse; imperium autem populi R. sic diligant, ut id imminui, aut commutari minime uelint; cumque haec ab seruorum bello pericula et Pratorum institutis, et dominorum disciplina prouisa sint: nullum est malum domesticum, quod ex ipsa provincia nasci possit. quid igitur? nulli ne motus in Sicilia seruorum Verre Praetore? nullae ne consensiones factae esse dicuntur? nihil sane, quod ad senatum populumque R. peruenierit: nihil, quod iste Romam publice conscripserit. et tamen ceptum esse in Sicilia moueri aliquot locis seruitium suspicor. id adeo non tam ex re, quam ex istius factis, decretisque cognosco. ac uidete, quam non inimico animo sim acturus. ego ipse haec, quae ille quaerit, quae adhuc nunquam audistis, commemorabo, et proferam. in Tricalno, quem locum fugitiui iam ante tenuerunt, Leonidae cuiusdam Siculi familia in suspicionem uocata est coniurationis. res delata ad istum. statim (ut par fuit) iussu eius homines, qui nominati erant, comprehensi sunt, adductique Lilybaeum: domino denuntiatum est, ut adesset: causa dicta damnati

sunt. quid deinde? quid censetis? furtum fortasse, aut prædam expectatis aliquam? nolite usquequaq; eadem querere. in metu belli, furandi qui locus potest esse? etiam si qua hic fuit in hac re occasio, prætermissa est. tū potuit à Leonida nummorum aliquid auferre, cum denuntiavit, ut adesset. fuit nundinatio aliqua, & isti non noua, ne causam diceret. etiam alter locus, ut absoluerentur. damnatis quidem seruis, quæ prædandi potest esse ratio? produci ad supplicium necesse est: testes enim sunt, qui in consilio fuerunt: testes publica tabulæ: testis splendidissima ciuitas Lilybæana: testis honestissimus, maximusq; conuentus ciuium R. nihil potest. producendi sunt itaq; producuntur, & ad palum alligantur. etiamnum mihi expectare uidemini iudices, quid deinde factū sit, q̃ iste nihil unquam fecit sine aliquo questu, atq; præda. quid in eiusmodi re fieri potuit? quod cōmodum est? expectate facinus quàm uultis improbum: uincam tamen expectationem omniū. nomine sceleris, coniurationisq; dānati, ad supplicium traditi, ad palum alligati, repente multis millibus hominū inspectantibus soluti sunt, & Leonidæ illi domino redditi. quid hoc loco potes dicere homo amentissime? nisi id, quod ego non quæro, quod deniq; in re tam nefaria, tametsi dubitari non potest, tamen, ne si dubitetur quidem, quæri oporteat: quid, aut quantū, aut quomodo acceperis. remitto tibi hoc totum, atq; ista te cura libero: neq; enim metuo, ne hoc cuiquā persuadeatur, ut, ad quod facinus nemo, præter te, ulla pecunia adduci potuerit, id tu gratis suscipere conatus sis. uerū de ista furadi, prædadiq; rōne nihil dico: de hac imperatoria iā tua laude disputo. quid ais bone custos, defensorq; pro-

uinciae? tu quos seruos arma capere, ac bellū facere in Sicilia uoluissē cognoras, et de cōsiliū sentētia iudicaras, hos ad suppliciū iam more maiorū traditos, & ad palū alligatos, ex media morte eripere, ac liberare ausus es, ut quā damnatis seruis crucem fixeras, hanc indemnatis ciuibus R. reseruares? perditæ ciuitates, desperatis omnibus rebus, hos solēt exitus exitiales habere, ut damnati in integru restituantur, uinēli soluantur, exules reducantur, res iudicatæ rescindantur. quæ cum accidunt, nemo est, quin intelligat ruere illam Remp. hæc ubi ueniūt, nemo est, qui ullam spem salutis reliquam esse arbitretur. atq; hæc sicubi facta sunt, facta sunt, ut homines populares, aut nobiles supplicio, aut exilio leuantur, ut non ab ijs ipsis, qui iudicassent, ut non statim, ut non eorum facinorum damnati, quæ ad uitam, & fortunas omnium pertinerent. hoc uero nouum, et eiusmodi est, ut magis propter reum, q̄ propter rem ipsam credibile esse uideatur, ut homines seruos, ut ipse qui iudicaret, ut statim e medio supplicio dimiserit; ut eius facinoris dānatos seruos, quod ad omnium liberorum caput, & sanguinem pertineret. o præclarum imperatorem, nec iam cum M. Aquilio fortissimo uiro, sed uero cū Paulis, Scipionibus, Mariis conferendum. tantum ne uidisse in metu, periculoq; prouinciae? cum seruitiorum animos in Sicilia suspensos propter bellum Italiæ fugitivorum uideret; ne quis se commouere auderet, quantum terroris iniecit? comprehendī iussit: quis non pertimescat? causam dicere dominos: quid seruis tam formidolosum? fecisse uideri, pronūtiavit. exortam uidetur flāmam paucorum dolore, ac morte restinxisse. quid deinde sequitur? uerbera, atq; ignes, & illa

extrema ad supplicium damnatorum, metum ceterorū,  
 cruciatus, & crux. hisce omnibus supplicijs sunt libera-  
 ti. quis dubitet, quin seruorum animos summa formidi-  
 ne oppreſſerit, cum uiderent ea facilitate Prætorem, ut  
 ab eo seruorum ſcleris, coniurationisq; damnatorū ui-  
 ta uel ipſo carnifice internuntio redimeretur. quid? hoc  
 in Apolloniensī Ariſtodamo? quid? in Leonte Magarensi  
 non idem feciſti? quid? iſte motus ſeruorum, belliq; ſubita  
 ſuſpicio utrum tibi tandem diligentia cuſtodienda pro-  
 uincia, an nouam rationem improbiſſimi quaſtus attu-  
 lit? Halycienſis Eumenida, nobilis hominis, & honeſti, ma-  
 gna pecunia uillicus cum impulſu tuo inſimulatus eſſet,  
 HS LX à domino accepisti. quod nuper ipſe iuratus do-  
 cuit, quemadmodum geſtum eſſet. ab equite R. C. Matrini-  
 o abſente, cum is eſſet Romæ, q̄ eius uillicos, paſtoresq;  
 tibi in ſuſpicionem ueniſſe dixeras, HS centum abſtuli-  
 ſti. dixit hoc L. Flauius, qui tibi eam pecuniam numerauit,  
 procurator C. Matrinij: dixit ipſe C. Matrinus: dicet  
 clariſſimus uir Cn. Lentulus Cenſor, qui Matrinij hono-  
 ris cauſa, recenti negotio ad te literas miſit, mittendasq;  
 curauit. quid? de Apollonio Diocli filio Panormitano, cui  
 Gemino cognomen eſt, præteriri poteſt? ecquid hoc tota  
 Sicilia clariuſ? ecquid indigniuſ? ecquid maniſteſtius pro-  
 ferri poteſt? quem is, uti Panormum uenit, ad ſe uocari,  
 & de tribunali citari iuſſit, concuſſu magno, frequen-  
 tiaq; conuentus. homines ſtatim loqui, mirari, q̄ Apol-  
 lonius homo pecunioſus t= diu ab iſto maneret integer: ex-  
 cogitauit: neſcio quid attulit: proſecto homo diues, repen-  
 te à Verre non ſine cauſa citatur: expectatio ſumma o-  
 mnium, quidnam id eſſet: cū exanimatus ſubito ipſe acci-



currit cum adolescente filio: nā pater grandis natu iamdū lecto tenebatur. nominat iste seruū, quem magistrū pecoris esse diceret: eum dicit coniurasse, & alias familias concitasse. is omnino seruus in familia nō erat. eum statim exhiberi iubet. Apollonius affirmat seruū se omnino illo nomine habere neminem. iste hominem arripi à tribunali, & in carcerem conijci iubet. ille clamare, cū raperetur, nihil se miserum fecisse, nihil commississe, pecuniam sibi esse in nominibus, numeratam in præsentia nō habere. hæc cum maxime summa hominum frequentia testificaretur, ut quivis intelligere posset, eum, q̃ pecuniā non dedisset, iccirco illa tam acerba iniuria affici; cū maxime, ut dico, hoc de pecunia clamaret, in uincla coniectus est. uidete constantiam Prætoris, & eius Prætoris, qui nunc reus non ita defendatur, ut mediocris Prætor; sed ita laudetur, ut optimus imperator. cum seruorum bellum metueretur; quo supplicio dominos indemnatos afficiebat, hoc seruos damnatos liberabat. Apollonium, locupletissimum hominem, qui, si fugitiui bellum in Sicilia facerent, amplissimas fortunas amitteret; belli fugitiuorum nomine, indicta causa, in uincla coniecit: seruos, quos ipse cum consilio belli faciendi causa consensisse iudicauit, eos sine consilij sententia, sua sponte, omni supplicio liberauit. quid, si ab Apollonio aliquid commissum est, quamobrem iure in eum animaduertetur: tamen ne hanc rem sic agemus, ut crimini, aut inuidiæ reo putemus esse oportere, si quo de homine seuerius iudicauit? nō agam tam acerbè: non utar ista accusatoria consuetudine; si quod est factum clementer, ut dissolute factum criminer; si quid uindicatum seuerè est, ut ex eo crudelitas

tis inuidiam colligam. non agam ista ratione: tua sequar  
 iudicia: tuam defendam auctoritatem, quoad tu uoles. si  
 mul ac tute cœperis tua iudicia rescindere, mihi succen-  
 sere desinito: meo enim iure contendam, eum, qui suo iu-  
 dicio condemnatus sit, iuratorum iudicum sententijs dā-  
 nari oportere. non defendam Apollonij causam, amici,  
 atq; hospitjs mei, ne tuum iudicium uidear rescindere: ni-  
 hil de hominis frugalitate, uirtute, diligentia dicam: præ-  
 termittam illud etiam, de quo antea dixi, fortunas eius  
 ita constitutas fuisse familia, pecore, uillis, pecunijs credi-  
 tis, ut nemini minus expediret, ullum in Sicilia tumultū,  
 aut bellum commoueri: nō dicam ne illud quidem, si ma-  
 xime in culpa fuerit Apollonius, tamen in hominem ho-  
 nestissimum, ciuitatis honestissimæ, tā grauius animad-  
 uerti causa indicta non oportuisse: nullam inuidiam in  
 te ne ex illis quidem rebus concitabo; cum esset talis uir  
 in carcere, in tenebris, in squalore, in sordibus, tyrannicis  
 interdictis tuis patri exacta ætate, & adolescēti filio ad-  
 eundi ad illum miserum potestatem nunquam esse fa-  
 ctam: etiam illud præteribo; quotiescunq; Panormum  
 ueneris illo anno, & sex mensibus (nam tādū fuit in car-  
 cere Apollonius) toties ad te senatum Panormitanum a-  
 disse supplicem cum magistratibus, sacerdotibusq; publi-  
 cis, orantem, atq; obsecrantem, ut aliquando ille miser,  
 atq; innocens calamitate illa liberaretur. relinquam hæc  
 omnia: quæ si uelim persequi, facile ostendam, tua crude-  
 litate in alios, omnes tibi aditus misericordiae iudiciū iam  
 pridem esse præclusos. omnia igitur ista concedam, & re-  
 mittam: prauideo enim, quid sit defensurus Hortensius.  
 fatebitur, apud istum neq; senectutem patris, neq; ado-

lescentiâ filij, neq; lactymas utriusq; plus ualuisse, quàm utilitatem, salutemq; provincia. dicet, Remp. administrari sine metu, ac seueritate non posse. quæret, quamobrem fasces Prætoribus præferantur, cur secures datæ, cur carcer ædificatus, cur tot supplicia sint in improbos more maiorum constituta. quæ cum omnia grauitèr, seuerèq; dixerit: quæram, cur hunc eundem Apollonium Verres idem, repente, nulla noua re allata, nulla defensione, sine causa de carcere emitti iusserit: tantumq; in hoc crimine suspicionis esse affirmabo, ut iam ipsis iudicibus sine mea argumentatione coniecturam facere permittam, quod hoc genus prædandi, quàm improbum, quàm indignum, quàmq; ad magnitudinè quæstus immensum, infinitumq; esse, uideatur: nam quæ iste in Apollonio fecit, ea primò breuiter cognoscite quot, & quanta sint: deinde hæc expendite, atq; æstimate pecunia: reperietis, iccirco hæc in uno homine pecunioso tot constituta, ut cæteris formidines similium incommodorum, atq; exempla periculorū proponerentur. primum insimulatio est repentina, capitalis, atq; inuidiosi criminis. statuite, quanti hoc putetis, et quàm multos redemisse. deinde crimè sine accusatore, sententia sine consilio, damnatio sine defensione. æstimate harum rerum omnium pretia: & cogitate, in his iniquitatibus unum hæsisse Apollonium, cæteros profecto multos ex his incommodis pecunia se liberasse. postremo tenebræ, uincla, carcer, inclusum supplicium, atque à conspectu parentum, ac liberum, denique à libero spiritu, & communi luce seclusum. hæc uero, quæ uel uita redimi rectè possunt, æstimare pecunia non queo. hæc omnia sero redemit Apollonius, iam mærore, ac miseris

perditus: sed tamē ceteros docuit, ante istius auaritiæ, ac sceleri occurrere: nisi uero existimatis hominem pecuniosissimum sine aliqua causa quæstus iniectum ad tam incredibile crimen; aut sine eadem causa repente ē carcere emissum, aut hoc prædandi genus ab isto in illo uno adhibitum, ac tentatum, & nō per illum omnibus pecuniosis sicutis metum propositum, & iniectum. cupio mihi iudices ab illo subijci, quoniam de militari eius gloria dico, si quid forte prætereo: nam mihi uideor de omnibus iam rebus eius gestis dixisse, quæ quidem ad belli fugitiuorum pertinerent suspicionem: certe nihil sciens prætermisi. habetis hominis consilia, diligentiam, uigilantiā, custodiam, defensionemq; prouinciæ. summa illuc pertinet, ut sciatis, quoniam plura genera sunt imperatorum, ex quo genere iste sit. ne diutius in tanta penuria uirorum forum talem imperatorem ignorare possitis: non ad Q. Maximi sapientiam, neq; ad illius superioris Africani in re gerenda celeritatem, neq; ad huius, qui postea fuit, singulare cōsiliū, neq; ad Pauli rationem, ac disciplinam, neque ad C. Marij uim, atque uirtutem, sed ad aliud genus imperatorum satē diligenter retinendum, & conseruandum, quæso, cognoscite. itinerum primum laborem, qui uel maximus est in re militari iudices, et in Sicilia maxime necessarius, accipite quā facile sibi iste, et iucundum ratione, consilioq; reddiderit. primum temporibus hibernis ad magnitudinē frigorū, et ad tēpestatū uim, ac fluminū præclarū sibi hoc remediū cōparat. urbē Syracusas elegerat: cuius hic situs, atq; hæc natura esse loci, cæliq; dicitur, ut nullus unq̄ dies tā magna, turbulentaq; tēpestate fuerit, quin aliquo tēpore solem eius

diei homines uiderent. hic ita uiuebat iste bonus imperator hibernis mensibus, ut eum non facile nō modo extra lectum, sed ne extra lectum quidem quisquam uideret. ita diei breuitas cōuiuijs, nō estis longitudo stupris, et flagitijs conterebatur. cum autem uer esse cōperat, cuius initium iste non à fauonio, neq; ab aliquo astro notabat; sed, cum rosam uiderat, tunc incipere uer arbitrabatur: dabat se labori, atq; itineribus. in quibus usq; eò se praebebat patientem, atq; impigrum, ut cum nemo unquam in equo sedentem uideret. nam, ut mos fuit Bithyniae Regibus, lectica octophoro ferebatur: in qua puluinus erat, perlucidus Melitensi rosa farctus. ipse autem coronam habebat unam in capite alterā in collo: reticulumq; ad nares sibi apponebat tenuissimo lino, minutis maculis, plenum rosae. sic confecto itinere, cum ad aliquod oppidum uenerat, eadem lectica usq; ad cubiculum deferrebat. eò ueniebant Siculorum magistratus, ueniebant equites R. id quod ex multis iuratis audistis: cōtrouersiae secreto deferrebantur: paulopost palam decreta auferrebantur. deinde ubi paulisper in cubiculo pretio, nō aequitate iura descripserat: Veneri iam, & Libero reliquum tempus deberi arbitrabatur. quo loco mihi nō praetermittenda uidetur praecleari imperatoris egregia, ac singularis diligentia: nam scitote esse oppidum in Sicilia nullum, ex his oppidis, in quibus Praetores consistere, & cōuentum agere solent, quo in oppido nō isti ex aliqua familia non ignobili delecta ad libidinem mulier esset. itaq; nonnullae ex eo numero in cōuiuium adhibebantur palam. si quae castiores erant, ad tempus ueniebant, lucem, cōuentumq; nitabant. erant autem conuiuia non illo silentio Praeto-

rum, atq; imperatorū; neq; eo pudore, qui in magistratuum cōuiuijs uersari solet; sed cum maximo clamore, atq; cōiitio. nōnunquam etiam res ad manus, atq; ad pugnam ueniebat: iste enim, Prætor scuerus, ac diligēs, qui populi R. legibus nunq̃ paruisset, illis diligenter legibus, quæ in poculis ponebantur, obtemperabat. itaq; erant exitus eiusmodi, ut alius inter manus è cōuiuiō, tanq̃ è prælio, auferretur, alius tanquā occisus relinqueretur, pleriq; fusi sine mente, ac sine ullo sensu iacerent; quibus ut, cum aspexisset, non se Prætoris cōuiuium, sed ut Cannensem pugnam nequitie uidere arbitraretur. cū uero æstas summa esse iam cœperat, quod tēpus omnes Siciliæ semper Prætores in itineribus consumere consueuerunt, propterea q̃ tum putant obeundam esse maxime prouinciā, cum in arceis frumenta sunt, q̃ & familie congregantur, & magnitudo seruitū perspicitur, & labor operis maxime offenditur, & frumenti copia cōmonet, tempus anni non impedit: tum inquam, cum concursant cæteri Prætores, iste nouo quodā ex genere imperator, pulcherrimo Syracusarum loco statiuā sibi castra faciebat: nam in ipso aditu, atq; ore portus, ubi primum ex alto sinus ad urbem ab litore inflectitur, tabernacula carbaeis intentā uelis collocabat. huc ex illa domo prætoria, quæ Regis Hieronis fuit, sic emigrabat, ut per eos dies nemo istum extra illum locum uidere posset. in eum autem ipsum locum aditus erat nemini, nisi qui aut socius, aut minister libidinis esse posset. huc omnes mulieres, quibuscum iste consueuerat, conueniebant. quarum incredibile est quanta multitudo fuerit Syracusis. huc homines digni istius amicitia, digni uita illa, conuiuijsq; ue-

niebant inter eiusmodi viros, ac mulieres adulta etate filius uersabatur : ut cum, etiam si natura à parentis similitudine abriperet, consuetudo tamen, ac disciplina patri similem esse cogeret. huc Tertia illa perducta per dolum, atq; insidias ab Rhodio tibicine, maximas in istius castris effecisse turbas dicitur, cum indigne pateretur uxor Cleomenis Syracusani, nobilis mulier, itemq; Aeschionis honesto loco nata, in conuentum suum mimi Isidori filiam uenisse. iste autem Annibal, qui in suis castris uirtute putaret oportere, non genere certari, sic hanc Tertiam dilexit, ut eam secum ex prouincia exportaret. ac per eos dies cum iste cū pallio purpureo, talariq; tunica uersaretur in cōuiuijs muliebribus, non offendebatur homines in eo, neq; moleste ferebāt, abesse à foro magistratum, non ius dici, nō iudicia fieri : lucum illum litoris percrepare totum mulierum uocibus, cantuq; symphonia, in foro silentium esse summum causarum, atq; iuris, non ferebāt homines moleste : nō enim ius abesse uidebatur à foro, neq; iudicia, sed uis, & crudelitas, & bonorū acerba, atq; indigna direptio. hunc tu igitur imperatorem esse defendis Hortensi ? huius furta, rapinas, cupiditatem, crudelitatem, superbiam, scelus, audaciam rerum gestarum magnitudine, atq; imperatorij laudibus regere conaris ? hic scilicet est metuendū, ne ad exitū defensionis tuæ uetus illa Antoniana dicendi ratio, atq; auctoritas proferatur : ne excitetur Verres, ne denudetur à pectore, ne cicatrices populus R. aspiciat, ex mulierū mor su uestigia libidinis, atq; nequitiae. dū faciant, ut rei militaris, ut belli mentionem facere audeas : cognoscetur enim omnia istius ara illa uetera : ut, nō solū in imperio, uerū etiā in stipendijs



qualis fuerit, intelligatis. renouabitur prima illa militia, cum iste è foro abduci, non ut ipse prædicat, perduci solebat. aleatoris Placentini castra cōmemorabuntur: in quibus cum frequens fuisset, tamen arc dirutus est. multa eius in stipendys damna proferentur: quæ ab isto ætatis fructu dissoluta, & cōpensata sunt. iam uero, cum in eiusmodi patientia turpitudinis, aliena, non sua satietate obduruisset, qui uir fuerit, quot præsidia, q̃ munita pudoris, & pudicitia, uir, & audacia ceperit, quid me attinet dicere, aut coniungere cum istius flagitio cuiusquam præterea dedecus? non faciã iudices, omnia uetera prætermittam. duo sola recentia sine cuiusquã infamia ponam, ex quibus coniecturam facere de omnibus possitis: unum illud, quod ita fuit illustre, notumq; omnibus, ut nemo tam rusticanus homo L. Lucullo, et M. Cotta Coss. Romã ex ullo municipio uadimonij causa uenerit, quin sciret iura omnia populi R. nutu, atq; arbitrio Chelidonis meretriculæ gubernari: alterum, q̃, cum paludatus exisset, uotaq; pro imperio suo, cōmuniq; populi R. nuncupasset, noctu stupri causa leætica in Urbem introferri solitus est ad mulierem, nuptam uni, propositam omnibus, contra fas, contra auspicia, cōtra omnes diuinas, atq; humanas religiones. ò dý immortales, quid interest inter mentes hominum, & cogitationes. ita mihi meam uoluntatem, spemq; reliquæ uitæ uestra, populiq; R. existimatio cōprobet, ut ego quos adhuc mihi magistratus populus R. mandauit, sic eos accepi, ut me omniũ officiorum obstringi religione arbitrarer. ita Quæstor sum factus, ut mihi honorem illum tum nō solum datum, sed etiam creditum, ac cōmissum putarem. sic obtinui Quæsturam

in provincia Sicilia, ut omnium oculos in me unum con-  
iectos arbitrarer, ut me, Quæsturamq; meam quasi in  
aliquo orbis terræ theatro uersari exillimarẽt, ut omnia  
semper, quæ iucunda uidentur esse, nõ modo his extraor-  
dinarijs cupiditatibus, sed etiã ipsi naturæ, ac necessitati  
denegarem. nunc sum designatus Aedilis: habeo ratio-  
nem, quid à populo R. acceperim: mihi ludos sanctissim-  
os maxima cum cerimonia Cereri, Libero, Liberæq; fa-  
ciendos, mihi Floram matrem populo, plebiq; R. ludorum  
celebritate placandam, mihi ludos antiquissimos, qui pri-  
mi Romani sunt nominati, maxima cū dignitate, ac reli-  
gione Ioui, Iunoni, Minervæq; esse faciendos, mihi sacra-  
rum adiūm procurationem, mihi totam urbem tuendam  
esse cõmissam: ob earum rerum laborem, et sollicitudi-  
nem fructus illos datos, antiquiorem in senatu sententia  
dicendæ locum, togam prætextam, sellam curulem, ius,  
imagines ad memoriã, posteritatemq; prodendam. ex his  
ego rebus omnibus iudices, ita mihi deos omnes propitios  
esse uelim, ut, tametsi mihi iucundissimus est honos popu-  
li, tamen nequaquã tantum capio uoluptatis, quantum so-  
licitudinis, et laboris: ut hæc ipsa Aedilitas, nõ quia ne-  
cesse fuerit, alicui candidato data, sed, quia sic oportue-  
rit, recte collocata, et iudicio populi digno in loco posita  
esse uideatur. tu cum esses Prætor renunciatus quoquo  
modo (mitto enim, et prætereo, quid tum sit actum) sed  
cum esses renunciatus, ut dixi, nõ ipsa præconis uoce exci-  
tatus es, qui te totiens seniorum, iuniorumq; centurijs illo  
honore affici pronũciauit, ut hoc putares, aliquam Reip.  
partem tibi creditam? annũ tibi illum unũ domo caren-  
dum esse meretricis? cum tibi sorte obtigisset, ut ius dica-

res; quantum negotij, quid oneris haberes, nunquam cogitasti; neq; illud rationis habuisti, si forte expergeface-  
re te posses, eam provinciam, quam tueri singulari sapien-  
tia, atq; integritate difficile esset, ad summam stultitiam,  
nequitiamq; uenisse. itaq; non modo domo tua Chelido-  
nem in Prætura extrudere noluisti, sed in Chelidonis do-  
mum Præturam tuam totam detulisti. secuta provincia  
est: in qua tibi nunquā uenit in mentem, non tibi iccirco  
fascēs, & securēs, & tantam imperij uim, tantamq; orna-  
mentorum omnium dignitatem datam, ut earum rerū uir,  
& auctoritate omnia repagula iuris, pudoris, & officij  
perfringeres, ut omnium bona prædam tuam duceres, nul-  
lius res tuta, nullius domus clausa, nullius uita septa, nul-  
lius pudicitia munita contra tuam cupiditatem, & auda-  
ciam posset esse: in qua tu te ita gessisti, ut, cum omnibus  
teneare rebus, ad bellum fugitiuorum confugias: ex quo  
iam intelliges, non modo tibi nullam defensionem, sed ma-  
ximam uim criminū exortam: nisi forte Italici belli fu-  
gitiuorum reliquias, atq; illud Thempsanū incōmodum  
proferes. ad quod recēs cū te peropportune fortuna ob-  
tulisset, si quid in te uirtutis, atq; industriæ fuisset; idem,  
qui semper fueras, inuentus es. cū ad te Valentini uenisse-  
sent, et pro his homo disertus, et nobilis M. Marius loque-  
retur, ut negotium susciperes, ut, cum penes te prætorij  
imperij, ac nomen esset, ad illam paruam manum extin-  
guendam ducem te, principemq; præberes: non modo id  
refugisti, sed eo ipso tempore, cū esses in litore, Tertia illa  
tua, quā tecum deportabas, erat in omnium conspectu. ipsis  
autem Valentinis ex tam illustri, nobiliq; municipio, tan-  
tis de rebus responsū nullum dedisti, cum esses cum tue

nica pulla, & pallio. quid hunc proficiscentem, quid in ipsa provincia fecisse existimatis, qui cum iam ex provincia nō ad triumphum, sed ad iudiciū decederet, ne illam quidē infamīā fugerit, quā sine ulla uoluptate capiebat? o diuina senatus frequentis in aede Bellonae admurmuratio. memoria tenetis iudices; cum aduersperasceret, et paulo ante esset de hoc Thempsano incōmodo nūtiatum, cū inueniretur nemo, qui in illa loca cum imperio mitteretur, dixisse quendam, Verrem esse non longe à Thempsa, quā ualde uniuerſi admurmurarint, quā palām principes contradixerint. & is tot criminibus, testimonijsq; cōuictus, in eorum tabellis spem sibi aliquam ponit, quorum omniū palām, causa incognita, uoce damnatus est. esto: nihil ex fugitiuorum bello, aut suspitione belli laudis adeptus est, & neq; bellum eiusmodi, neq; belli periculum fuit in Sicilia, neq; ab isto prouisum est, ne quod esset. at uero contra bellum prædonum classē habuit ornatam, diligentiamq; in eo singularem: itaq; isto Prætoris præclare defensa provincia est. sic de bello prædonū, sic de classe Siciliensi iudices dicam, ut hoc iam ante confirmem, in hoc uno genere omnes inesse culpas istius maximas auaritiæ, maiestatis, dementiæ, libidinis, crudelitatis. hæc dum breuiter expono, quaeso, ut fecistis adhuc, diligenter attendite. Rem naualem primū ita dico esse administratam, non uti provincia defenderetur, sed ut classis nomine pecunia quæreretur. superiorum Prætorum consuetudo cum hæc fuisset, ut naues ciuitatibus, certisq; numerus nautarū, militumq; imperaretur, maxima, et locupletissima ciuitati Mamertina nihil horum imperauisti, ob quā rē quid tibi Mamertini clā dederint

pecunia, post uidebitur, ex ipsorū literis, & testibus quæremus. nauē uero Cybeam maximā, triremis instar, pulcherrimam, atq; ornatissimā, palam ædificatam sumptu publico; sciente Sicilia, per magistratum, senatumq; Mameratinum, tibi datā, donatamq; esse dico. hæc nauis onusta præda Siciliensi, cum ipsa quoq; esset ex præda, simul cum iste decederet, appulsa Veliam est cum plurimis rebus, & ijs, quas ante Romam mittere cum ceteris furtis noluit, quod erant charissimæ; maximeq; eum delectabant. eam nauem nuper egomet uidi Velix, multiq; alij uiderunt, pulcherrimam, atq; ornatissimam iudices. quæ quidem omnibus, qui eam aspexerant, prospicere iam exilium, atq; explorare fugam domini uidebatur. quid mihi hoc loco respondebis? nisi forte id, quod tamen si probari nullo modo potest, tamen dici quidem in iudicio de pecunijs repetundis necesse est, de tua pecuniā constare ædificatam esse eam nauem. aude hoc saltem dicere, quod necesse est. noli metuere Hortensi, ne quæram, qui liceat ædificare nauem senatori. antiquæ sunt istæ leges, & mortuæ, quemadmodum tu soles dicere, quæ uetant. fuit ista reprehensio quondam, fuit ista seueritas in iudicijs, ut istam rem accusator in magnis criminibus obijciendam putaret. quid enim tibi naue opus fuit? qui si quod publice proficisceris, et præsidij, et ueturæ causæ sumptu publico nauigia præberentur. priuatim autem nec proficisci quoquam potes, nec accersere res transmarinas ex ijs locis, in quibus tibi habere, mercari nihil licet. dein de cur quicquam contra leges parasti? ualeret hoc crimen in illa ueteri seueritate, ac dignitate Reip. nunc non modo te hoc crimine non arguo, sed ne illa quidem com-

muni

muni vituperatione reprehendo. postremo tu tibi hoc nūquam criminofum, nunquam inuidiofum fore putafli, celeberrimo loco palam tibi edificari onerariam nauem in ea prouincia, quā tu cum imperio obtinebas? quid eos loqui, qui uidebant; quid exiftimare eos, qui audiebāt, arbitrabare? inane te nauem efle in Italiam deducturū? nauiculariam te, cum Romam ueniffes, efle facturum? ne illud quidem quifquam poterat fufpicari, te habere in Italia maritimum fundum, & ad fructus deportandos onerariam nauem cōparare. cuiusmodi de te uoluiffi fermonem efle omnium, palam ut loquerentur, te illam nauem parare, quæ prædam ex Sicilia deportaret, & quæ ad ea furta, quæ reliquiffes, cōmearet? uerū hæc omnia, fi doces nauem de tua pecunia edificatam, remitto; atque concedo. fed hoc homo amentiffime non intelligis priore a Elione ab iftis ipsis tuis Mamertinis laudatoribus efle fublaturum: nam dixit Heius princeps ciuitatis, princeps iftius Legationis, quæ ad tuam laudationem miffa eft, nauem tibi operis publicis Mamertinorum efle edificatam, eiq; faciendæ fenatorem Mamertinum publice præfuiiffe. reliqua eft materies: hanc Rheginis, ut ipfi dicunt, (tā etfi tu negare non potes) publice, & Mamertini materiæ non habent, imperauiſti. ſi, & ex quo fit nauis, & qui faciunt, imperio tibi tuo, non pretio præſto fuerunt: ubi eādem iftuc latet, quod tu de tua pecunia dicis impenſum? at Mamertini in tabulis nihil habent. primum uideo potuiſſe fieri, ut ex arario nihil darent: (etenim uel Capitolium, ſicut apud maiores noſtros factū eſt, publice gratiſ coactis fabris, operūq; imperatis exadificari, atq; effici potuit) deinde id, quod perſpicio, & quod oſtendā, cū

istos produxero, ipsorum ex literis, multas pecunias isti  
 erogatas in operum locationes falsas, atq; inanes, esse per  
 scriptas: nam illud minime mirū est, Mamertinos, à quo  
 summum beneficium acceperant, quem sibi amiciorē,  
 q̃ populo R. esse cognouerāt, eius capiti literis suis peper  
 cisse. sed si argumento est Mamertinos pecunias tibi non  
 dedisse, quia scriptum non habent: sit argumēto, tibi gra  
 tis cōstare nauem, quia, quid emeris, aut quid locaueris,  
 scriptum proferre nō potes: at. n. iccirco nauem Mamer  
 tinis non imperasti, q̃ sunt fœderati. dii approbent. ha  
 bemus hominē in Fœcialiū manibus educatum, unum,  
 prater ceteros, in publicis religionibus fœderū sanctū,  
 & diligentem. omnes, qui ante te Pratores fuerunt, dedā  
 tur Mamertinis, q̃ ipsi nauem contra pactionem fœde  
 ris imperarint. sed tamē tu sancte homo, ac religiose cur  
 Taurominitanis item fœderatis nauē imperasti? an hoc  
 probabis, in aqua causa populorum, sine pretio uarium  
 ius, & disparem cōditionem fuisse? quid, si eiusmodi esse  
 hæc duo fœdera duorum populorum iudices doceo, ut  
 Taurominitanis nominatim cautum, & exceptū sit fœ  
 dere, ne nauem dare debeant; Mamertinis in ipso fœdere  
 sanctum, atq; perscriptum sit, uti nauē dare necesse sit?  
 istum autem contra fœdus & Taurominitanis imperas  
 se, & Mamertinis remisisse? num cui dubiū poterit esse,  
 quin Verre Pratore plus Mamertinis Cybea, q̃ Tauro  
 minitanis fœdus opitulatum sit? recitentur fœdera. isto  
 igitur tuo, quemadmodū ipse prædicas, beneficio, ut res  
 indicat, pretio, atq; mercede, minuiſti maiestatem Reip.  
 minuiſti auxilia populi R. minuiſti copias maiorum uir  
 tute, ac sapiētia cōparatas: susulisti ius imperij, cōditio=



nem sociorum, memoriâ fœderis. qui ex fœdere ipso na-  
uem uel usq; ad Oceanum, si imperassemus, sumptu, peri-  
culoq; suo armatam, atq; ornatam mittere debuerunt:  
hi, ne in freto ante sua tecta, & domos nauigarent, ne  
sua mœnia, portusq; defenderent, pretio abs te ius fœde-  
ris, & imperij conditionem emerunt. quid censeatis in hoc  
fœdere faciundo uoluisse Mamertinos impendere labo-  
ris, operæ, pecuniæ, ne hæc biremis ascriberetur, si id ullo  
modo possent à nostris maioribus impetrare? nam cum  
hoc munus imperaretur tã graue ciuitati, inerat nescio  
quo modo in illo fœdere societatis quasi quædam nota  
seruitutis. quod tū recentibus suis officiis, integrare, nul-  
lis populi R. difficultatibus à maioribus nostris fœdere  
assequi nō potuerunt, id nunc nullo nouo officio suo, tot  
annis post, iure imperij nostri quotānis usurpato, ac sem-  
per retento, summa in difficultate nauium, à C. Verre pre-  
tio affecti sunt. at non hoc solum affecti, ne nauem da-  
rent. ecquem nautam, ecquem militem, qui aut in classe,  
aut in præsidio esset, te Prætor per triēnium Mamerti-  
ni dederunt? deniq; cum ex S. C. itemq; ex lege Terentia,  
& Cassia frumentum æquabiliter emi ab omnibus Sicī-  
liæ ciuitatibus oporteret, id quoq; munus leue, atq; cōmu-  
ne Mamertinis remisisti. dicis frumentum Mamertinos  
non debere. quomodo nō debere? an, ut ne uenderent? non  
.n. erat hoc genus frumenti ex eo genere, quod exigere-  
tur; sed ex eo, quod emeretur. te igitur auctore, & inter-  
prete, ne foro quidem, & cōmeatu Mamertini populum  
R. iuuare debuerūt. quæ tandē ciuitas fuit, quæ deberet?  
qui publicos agros arāt, certū est qd ex lege cēсорia dare  
debeat. cur ijs q cū præterea ex alio genere imperauisti?

quid Decumani? nunquid præter singulas decumas ex lege Hieronica debent? cur is quoque statuisti, quantum ex hoc genere frumenti empti darent? qui sunt immunes, ij certe nihil debent. at is non modo imperasti, uerum etiam, quo plus darent, quam poterant, hæc sexagena millia modiorum, quæ Mamertinis remiseras, addidisti. neque hoc dico, ceteris non recte imperatum esse. Mamertinis, qui erant in eadem causa, et quibus superiores omnes Prætores, item ut ceteris, imperarant pecuniam, qui ex S. C. et ex lege dissoluerant, his dico non recte remissum. et ut hoc beneficium, quemadmodum dicitur, trabali clauo figeret, cum consilio causam Mamertinorum cognoscit, et de consilij sententia Mamertinis se frumentum non imperare pronuntiat. audite decretum mercenarij Prætoris ex ipsius commentario, et cognoscite quanta in scribendo grauitas, quanta in constituendo iure sit auctoritas. Recita commentarium. libenter ait se facere: itaque perscribit. quod, si hoc uerbo non esses usus, libenter? nos uidelicet inuitum te questum facere putaremus? ac de consilij sententia: præclarum recitari consilium iudices audistis. utrum uobis consilium recitari tandem Prætoris uidebatur, cum audiebatis nomina, an prædonis improbissimi societas, atque comitatus? eni foederum interpretes, societatis pactores, religionis auctores. nunquam in sicilia frumentum publice est emptum, quin Mamertinis pro portione imperaretur, antequam hoc delectum; præclarumque consilium iste dedit, ut ab his nummos acciperet, ac sui similis esset. itaque tantum ualuit istius decreti auctoritas, quantum debuit eius hominis, qui, à quibus frumentum emere debuisset, is decretum uendidisset: nam statim L. Metellus,

ut isti successit, ex C. Sacerdotis, & Sex. Peducei instituto, ac literis frumentum Mamertinis imperauit. tum illi intellexerūt, se id, quod à malo auctore emissent, diutius obtinere nō posse. age porro tu, qui te tā religiosum existimari uoluisti interpretem fœderum, cur Taurominitanis frumentum, cur Netinis imperastis? quarū ciuitatū utraq; fœderata est. ac Netini quidē sibi non defuerunt: nam simul ac pronuntiasti, libenter te Mamertinis quidem remittere, te adierunt, et eandem suam causam fœderis esse docuerunt. tu aliter decernere in eadem causa non potuisti: pronuntias, Netinos frumentum dare non oportere: & ab his tamen exigis. cedo mihi eiusdem Prætoris literas & rerū decretarum & frumenti imperati, & rerū decretarū tritici empti. quid potius in hac tāta, ac tā turpi inconstātia suspicari possumus iudices, quā id, quod necesse est, aut isti à Netinis pecuniam, cū posceret, non datā; aut id esse actum, ut intelligerent Mamertini, bene se apud istū tam multa pretia, ac munera collocasse, cum idem alij iuris ex eadem causa non obtinerēt? hic mihi etiam audebit mentionē facere Mamertinæ laudationis. in qua quā multa sint uulnera, quis est uestrū iudices quin intelligat? primū, ut in iudicijs, qui decē laudatores dare non potest, honestius est ei nullū dare, quā illū quasi legitimū numerū consuetudinis non exple re. tot in Sicilia ciuitates sunt; quibus tu per triennium præfuisi. arguunt cetera: pauca, & parua metu represæ silent: una laudat. hoc quid est, nisi intelligere, quid habeat utilitatis uera laudatio? sed tamē ita Verres prouincia præfuisi, ut hac utilitate necessario tibi sit carendū. deinde, id quod alio loco ante dixi; quæ est ista tandem

laudatio, cuius laudationis Legati principes & publice tibi nauem edificatam, et priuatim se ipsos abs te spolia tos, expilatosq; esse dixerunt? postremo quid aliud isti faciunt, cum te soli ex Sicilia laudant, nisi testimonio nobis sunt, te omnia sibi esse largitum, quæ tu de Rep. nostra detraxeris? quæ colonia est in Italia tam bono iure, quod tam immune municipium, quod per hos annos tam comoda uacatione sit usum omnium rerum, quæ Mamertina ciuitas per triennium? soli, ex fœdere quod debuerunt, non derunt: soli isto Prætor omnium rerum immunes fuerunt: soli in istius imperio ea condicione uitæ fuerunt, ut populo R. nihil darent, Verri nihil denegarent. uerum ut ad classem, quo ex loco sum digressus, reuertar: accepisti à Mamertinis nauem contra legem, remisisti contra fœdera. ita in una ciuitate bis improbus fuisti; cum & remisisti, quod non oportebat; & accepisti, quod non licebat. extingere te oportuit nauem, quæ contra prædones, non quæ cum præda nauigaret; quæ defenderet, ne prouincia spolia retur, non quæ noua prouinciæ spolia portaret. Mamertini tibi & urbem, quod furti undiq; portares; & nauem, qua exportares, præbuerunt. illud tibi oppidum receptaculum prædæ fuit: illi homines testes, custodesq; furtorum: illi tibi, & locum furtis, & furtorum uehiculum cõparauerunt. itaq; ne tum quidem, cum classem auaritia, ac nequitia tua perdidisti, nauem Mamertinis imperare ausus es. quo tempore in tanta inopia nauium, tantaq; calamitate prouinciæ, etiam si precario essent rogandi, tamē ab his impetraretur: reprimebat. n. tibi et imperadi uim, & rogandi conatum præclara illa non populo R. redditā biremis, sed Prætori donata Cybea, ea fuit merces im-

perij, auxilium iuris, cōsuetudinis, fœderis. habetis uni-  
 us ciuitatis firmum auxilium amissum, ac uenditum pre-  
 tio. cognoscite nunc nouam prædandi rationē ab hoc pri-  
 mum excogitatam. Sumptum omnem in classē fru-  
 mento, stipendio, cæterisq; rebus Nauarcho suo quæq; ci-  
 uitas semper dare solebat. is neq; ut accusaretur à nau-  
 tis, cōmittere audebat, & ciuibus suis rationem referre  
 debebat: in illo omni negotio non modo labore, sed etiam  
 periculo suo uersabatur. erat hoc, ut dico, factitatū sem-  
 per, nec solum in Sicilia, sed in omnibus prouincijs, etiā  
 in sociorū, & Latinorum stipendio, ac sumptu, tum cum  
 illorum auxilijs ui solebamus. Verres post imperium cō-  
 stitutum primus imperauit, ut ea pecunia omnis à ciui-  
 tatibus sibi adnumeraretur, ut is eam pecuniā tracta-  
 ret, quem ipse præfecisset. cui potest esse dubium, quam-  
 obrem & omnium consuetudinem ueterem primus im-  
 mutaris, & tantā utilitatem per alios tractanda pecu-  
 nia neglexeris, & tantā difficultatem cum crimine, mo-  
 lestiam cum suspitione susceperis? deinde alij quæstus in-  
 stituuntur: ex uno genere nauali uidete q̄ multi: accipe-  
 re à ciuitatibus pecunias, ne nautas darent: pretio certo  
 missos facere nautas: missorum omne stipendium lucra-  
 ri: reliquis, quod deberet, non dare. hæc omnia ex ciuita-  
 tum testimonijs cognoscite. Recita testimonia ciuitatū.  
 hunc cene hominem? hanc cene impudentiā iudices? hanc ce-  
 ne audaciā? ciuitatibus pro numero militum pecuniariū  
 summas describere: certo pretio sexcentenos numos nau-  
 tarum missione constituere. quos qui dederat, commea-  
 tum totius aestatis abstulerat. isse, quod & nautæ nomi-  
 ne pro stipendio, frumentoq; acceperat, lucrabatur. itaq;

quæstus duplex unius missione fiebat . atq; hæc homo a-  
 mentissimus in tanto prædonū impetu, tantoq; periculo  
 provinciæ sic palam faciebat, ut & ipsi prædones scirēt,  
 & tota provincia testis esset. cū, propter istius hanc tā-  
 tam auaritiā, nomine classis, essent in Sicilia re quidem  
 uera naves inanes, quæ prædam Prætori, nō quæ prædo-  
 nibus metum afferrent: tamen, cum P. Cæcilius, & P. Ta-  
 dius decē nauibus his semiplenis nauigarēt, nauem quā-  
 dam piratarum præda referiam nō ceperunt, sed abdu-  
 xerunt onere suo planē captam, atq; depressam. erat ea  
 nauis plena iuuentutis formosissimæ, plena argenti fa-  
 cili, atq; signati, multa cum stragula ueste. hæc una nauis  
 ex classe nostra non capta est, sed inuenta ad Megaridē:  
 qui locus est non longe à Syracusis. quod ubi isti nuntia-  
 tum est; tametsi noctu cum mulierculis iacebat ebrius,  
 erexit se tamen, & statim Quæstori, Legatōq; suo custo-  
 des misit complures, ut omnia sibi integra quamprimū  
 exhiberentur. appellitur nauis Syracusas: expectatur ab  
 omnibus: supplicium sumi de captiuis putatur. iste quasi  
 præda sibi aduecta, non prædonibus captis, si qui senes;  
 aut deformes erāt, eos in hostiū numero ducit: qui aliqd  
 formæ, etatis, artificiq; habebant, abducit omnes: non-  
 nullos scribis suis, filio, cohortiq; distribuit: symphonia-  
 cos sex cuiusdā amico suo Romā muneri misit. nox illa to-  
 ta exinanienda nauī consumitur: archipiratam ipsum  
 uidet nemo: de quo supplicium sumi oportuit: hodiēq; o-  
 mnes sic habent persuasum (quid eius sit, uos coniectura  
 quoq; assequi debetis) istum clā a piratis ob hunc archi-  
 piratam pecuniam accepisse. coniectura bona est. iudex  
 esse bonus nemo potest, qui suspitione certa nō mouetur.

hominem nostis, consuetudinemq; omnium tenetis; qui ducem prædonū aut hostium ceperit, quā libenter eum palam ante oculos omnium esse patiatur. hominem in tanto conuentu Syracusis uidi neminem iudices, qui archipiratam captum uidisse se diceret, cum omnes, ut mos est, ut solet fieri, concurrerent, quæterent, uidere cuperent. quid accidit, cur tantopere iste homo occultaretur, ut cū ne casu quidem quisquam aspicere posset? homines maritimi Syracusis, qui sæpe istius ducis nomē audissent, sæpe timuissent, cū eius cruciatu, atq; supplicio pascere oculos, animumq; exaturare uellent: potestas aspicendi nemi facta est. unus plures prædonum duces uiuos cepit P. Seruilius, quā omnes antea. ecquando igitur isto fructu quisquam caruit, ut uidere piratam captum non liceret? at contra, quacunq; iter fecit, hoc iucundissimum spectaculum omnibus uictorū, captorumq; hostiū præbebat. itaq; ei cōcursus undiq; fiebant, ut nō modo ex his oppidis, quā ducebātur, sed etiā ex finitimis uisendi causa conuenirent. ipse autem triūphus quāobrem omnium triumphorum gratissimus populo R. fuit, atq; iucundissimus? quia nihil est uictoria dulcius. nullum est autem testimonium uictoriæ certius, q̄, quos sæpe metueris, eos te uiuētes ad supplicium duci uidere. hoc tu quāobrem non fecisti? quāobrem ita iste pirata celatus est, quasi eum aspicere nefas esset? quāobrem supplicium non sumpisti? quā ob causam hominem reseruasti? ecquem audisti in Sicilia antea captum archipiratam, qui non securi percussus sit? unum cedo auctorem tui facti: unius profer exemplum. uiuum tu archipiratam seruabas, quem per triumphum credo, quem ante currum tuū duceres: neq;



enim quicquam erat iam reliquum, nisi ut classe populi R. pulcherrima amissa, prouinciâq; lacerata, triumphus naualis tibi decerneretur. age porro, custodiri ducē prædonum nouo more, quàm securi feriri omnium exemplo magis placuit. quæ sunt istæ custodiæ? apud quos homines? quemadmodum est asseruatus? Lautumias Syracusanas omnes audistis, pleriq; nostis. opus est ingēs, magnificum, Regum, ac tyrānorum: totum est ex saxo in mirandam altitudinem depresso, & multorum operis penitus exciso. nihil tam clausum ad exitus, nihil tam septum undiq; nihil tam tutum ad custodias nec fieri, nec cogitari potest. in has Lautumias, si qui publice custodiendi sunt, etiam ex cæteris oppidis Siciliæ deduci imperantur. ad q̃ multos captiuos ciues R. coniecerat, & q̃ eodem cæteros piratas contrudi imperarat: intellexit, si hunc subdititium archipiratam in eandem custodiā dedisset, fore, ut à multis illis in Lautumys uerus ille dux quæreretur. itaq; hominem huic optimæ, tutissimæq; custodiæ non audet cōmittere. deniq; Syracusas totas timet. amandat hominem: quo? Lilybæum fortasse? uideo: tamen homines maritimos non planè reformidat. minime iudices. Panormum igitur? audio: quāquam Syracusis, quoniā in Syracusano captus erat, maxime si minus supplicio affici, ac custodiri oportebat. ne Panormū quidem. quid igitur? quò pueatis? ad homines à Piratarum metu, & suspicione alienissimos, à nauigando, rebusq; maritimis remotissimos, ad Centuripinos, homines maxime mediterraneos, summos aratores, qui nomen nunquam timuissent maritimi prædonis, unum te Prætorē horruissent Apronium terrestrem archipiratam, & ut quiuīs facile per-

spiceret, id ab isto actum esse ut ille suppositus facile, & libenter se illum, qui nō erat, esse simularet: imperat Centuripinis, ut is uictu, ceterisq; rebus quamlibet alissimē; cōmodissimēq; habeatur. interea Syracusani, homines pēriti, & humani, qui nō modo ea, quæ perspicua essent, uidere, uerū etiam occulta suspicari possent: habebant rationem omnes quotidie piratarū, qui securi ferirentur: quā multos esse oporteret, ex ipso nauigio, quod erat factum sex remorum numero, coniiciebant. iste q̄ omnes, qui artificij aliquid habuerant, aut formæ, remouerat, atq; abduxerat: reliquos si, ut consuetudo est, uniuersos ad palum alligasset, clamorem populi fore suspicabatur, cum tanto plures abducti essent, quā relictī. propter hanc causam cum instituisset alios alio tempore producere: tamen in tanto conuentu nemo erat, quin rationē, numerumq; haberet, & reliquos non desideraret solum, sed etiam posceret, et flagitaret. cum maximus numerus deesset, tum iste homo nefarius in eorū locū, quos domū suam de piratis abduxerat, substituere, & supponere cōpit ciues R. quos in carcerem antea cōiecerat. quorū alios Sertorianos milites fuisse insimulabat, & ex Hispania fugientes ad Siciliā appulso esse dicebat: alios, qui à prædonibus erant capti, cum mercaturas facerent, aut aliā quam ob causam nauigarent, sua uoluntate cum piratis fuisse arguebat. itaq; alij ciues R. ne cognoscerētur, capitibus obuolutis ē carcere ad palū, atq; ad necē rapiebantur. alij, cum à multis ciuibus R. recognoscerentur, ab omnibus defenderētur, securi feriebātur. quorum ego de acerbissima morte, crudelissimoq; cruciatu dicā, cū cum locū tractare cōpero: et ita dicā, ut, si me in ea queri-

monia, quā sum habiturus de istius crudelitate, & de ci-  
 uis R. indignissima morte, nō modo uires, uerū etiā uita  
 deficiat, id mihi praeclarum, & iucūdum putem. haec igi-  
 tur est gesta res, haec uictoria praeclara: myoparone pi-  
 ratico capto, dux liberatus: symphoniaci Romam missi:  
 formosi homines, & adolescentes, & artifices domū ab-  
 ducti: in eorum locum, & ad eorum numerū ciues R.  
 hostilem in modū cruciati, & necati: omnis uestis abla-  
 ta: omne aurum, & argentum & ablatum, & auer-  
 sum. at quemadmodum ipse sese induit priore actione?  
 qui tot dies tacuisset, repente in M. Anny hominis splen-  
 didissimi testimonio, cum is ciues R. dixisset, & archipira-  
 tam negasset securi esse percussū, exiuit, conscientia sce-  
 leris, & furore ex maleficis cōcepto excitatus: dixit se,  
 q̄ sciret sibi crimini datum iri, pecuniam accepisse, neq;  
 de uero archipirata sumpsisse supplicium, ideo securi nō  
 percussisse: domi esse apud sese archipiratas dixit duos.  
 o clementiam populi R. seu potius patientiam miram, ac  
 singularem. ciuem R. securi esse percussū Annius eques  
 R. dicit: taces. archipirata negat: fateris. fit in eo gēmi-  
 tus omnium, & clamor, cum tamen à praesenti supplicio  
 tuo se cōtinuit populus R. & repressit, & salutis tuae ra-  
 tionem iudicum seueritati reseruauit. qui sciebas tibi cri-  
 mini datum iri? quāobrem sciebas? quāobrem etiam  
 suspicabare? irimicum habebas neminem. si haberes, ta-  
 men non ita uixeras, ut metum iudicii propositum habe-  
 re deberes. an te, id quod fieri solet, conscientia timidum,  
 suspiciosūq; faciebat? qui igitur, cum esses in imperio  
 iam tum iudicium, & crimē horrebas: reus cum tot te-  
 stibus coarguare, potes de damnatione dubitare? uerum

si crimen hoc metuebas, ne quis abs te suppositum esse diceret, qui pro archipirata securi feriretur: utrum tandem tibi ad defensionem firmitus fore putasti, in iudicio coactus, atque efflagitatu meo producere ad ignotos tanto post eum, quem archipiratam esse diceres, an recenti re; Syracusis apud notos, inspectante Sicilia penè tota, securi ferire? uide, quid intersit, utrum faciendum fuerit. in illo reprehensio nulla esse potuit: hic defensio nulla est. itaque illud semper omnes fecerunt: hoc quis ante te, quis prater te fecerit, quæro. piratam uiuū tenuisti, quem ad finem? dum cum imperio fuisti? quamobrem? quā ob causam? quo exemplo? cur tandiu? cur inq̃ ciuibus R. quos pirata ceperant, securi statim percussis, ipsis piratis lucis usuram tam diuturnā dedisti? uerū esto: sit tibi illud liberū omne tempus, quod cum imperio fuisti. etiam ne priuatus? etiā ne reus? etiā ne penè dānatus hostium duces priuata in domo retinuisi? unum, alterum mens sem, propè annū deniq; domi tuæ pirata, à quo tempore capti sunt, quoad per me licitum est, fuerūt, hoc est quoad per M. Acilium Glabrimonem licitum est: qui postulante me, produci, atque in carcerē condi imperauit. quod est huiusce rei ius? quæ consuetudo? quod exemplum? hostem acerrimum, atque infestissimum populi R. seu potius cōmunem hostem gentium, nationumq; omniū quisquam omnium mortalium priuatus intra mœnia domi suæ retinere poterit? quid, si pridie, quàm à me tu coactus es confiteri, ciuibus R. securi percussis prædonum ducem uiuere, apud te habitare: si inquam pridie domo tua profugisset, si aliquam manum contra populum R. facere potuisset, quid diceres? apud me habitauit: mea

cum fuit: ego illum ad iudicium meum, quo facilius crimen inimicorum diluere possem, uiuum, atq; incolumem reseruauī. ita ne uero? tu tua pericula cōmuni periculo defendes? tu supplicia, quæ debentur hostibus uictis, ad tuum, non ad populi R. tempus conferes? populi R. hostis priuatis custodys asseruabitur? at etiam qui triumphant, eoq; diutius uiuos hostium duces seruant, ut his per triumphum ductis pulcherrimū spectaculum, fructumq; uictoriæ populus R. percipere possit: tamen, cum de foro in Capitolium currum flectere incipiūt, illos duci in carcerem iubent, idemq; dies et uictoribus imperij, et uictis uitæ finem facit. est nunc, credo, cuiquam dubium, quin tu id cōmissurus non fueris: præsertim cum statuijsses, ut ais, tibi causam esse dicendam, ut ille archipirata non potius securi feriretur, quā, quod erat ante oculos positum, tuo periculo uiueret. si enim esset mortuus: tu, qui crimen ais te metuisse, quæro cui probares? cum constaret istum Syracusis ab nullo uisum esse archipiratam, ab omnibus desideratū; cum dubitaret nemo, quin abs te pecunia liberatus esset; cum uulgo loquerentur, suppositū in eius locū, quem pro illo probare uelles; cum tute fassus esses, te id crimen tanto ante metuisse: si eum diceres esse mortuū, quis te audiret? nunc cū uiuū istum nescio quem produces, tamen ne id credi uoles? quid, si aufugisset? si uincla rupisset, ita ut Nico ille nobilissimus pirata fugit, quem P. Scruilius, qua felicitate ceperat, eadem recuperauit. quid diceres? uerum hoc erat: si ille semel uerus archipirata securi percussus esset, pecuniam illam non haberes: si hic falsus esset mortuus, aut profugisset, nō esset difficile aliū in suppositi locum suppo-

nere. plura dixi, quàm uolui, de illo archipirata: & tamen ea, quæ certissima sunt huius criminis argumenta, prætermisi: uolo enim mihi totum esse crimen hoc integrum. est certus locus, certa lex, certum tribunal, quò hoc reseruetur. hac tanta præda auctus, mancipijs, argento, ueste locupletatus, nihilo diligentior ad classem ornandam, milites reuocandos, alendosq; esse cœpit, cum ea res nò solum prouinciæ saluti, uerùm etiā ipsi prædæ esse posset: nam æstate summa, quo tempore ceteri Prætores obire prouinciā, & concursare consueuerunt, aut etiam in tanto prædonum metu, & periculo ipsi nauigare, eo tempore ad luxuriam, libidinesq; suas domo sua regia, quæ Regis Hieronis fuit, qua Prætores uti solent, còtentus non fuit: tabernacula, quemadmodum còsueuerat temporibus æstiujs, quod antea iam demonstrauit, cæbasceis intenta uelis collocari iussit in litore: quod est litus in insula Syracusis post Arethusæ fontem, propter ipsum introitum, atq; ostium portus, amæno sanè, & ab arbitris remotò loco. hic dies æstiuos sexaginta Prætor populi Rustos, defensorq; prouinciæ sic uixit, ut muliebria quotidie conuiuia essent, uir accumberet nemo præter ipsum, & prætextatum filium. tametsi recte sine exceptione dixeram, uirum, cum isti essent, neminem fuisse. nònunquam etiam libertus Timarchides adhibebatur: mulieres autem nuptæ nobiles, præter unā mimi Isidori filiā, quā iste propter amorem ab Rhodio tibicine abduxerat, Pippa quædam, uxor Aeschionis Syracusani: de qua muliere plurimi uersus, qui in istius cupiditatē facti sunt, tota Sicilia percelebrantur. erat Nice facie eximia, ut prædicatur, uxor Cleomenis Syracusani. hæc Cleomenes uir ama-

bat, uerūtamen huius libidini aduersari nec poterat, nec  
 audebat: & simul ab isto donis, beneficijsq; plurimis de-  
 uinciebatur. illo autem tempore iste, tametsi ea est homi-  
 nis impudentia, quā nōstis, ipse tamen, cum uir esset Sy-  
 racusus, uxorem eius parum poterat animo soluto, ac li-  
 bero tot in aēta dies secum habere. itaq; excogitat rem  
 singularem. naues, quibus Legatus praefuerat, Cleomeni  
 tradit: classi populi R. Cleomenem Syracusanū praesse  
 iubet, atq; imperat. hoc eo facit, ut ille nō solum abesset à  
 domo, tum cum nauigaret; sed etiam libenter cum ma-  
 gno honore, beneficioq; abesset; ipse autem remoto, atq;  
 ablegato uiro, non liberius, quā ante (quis enim un-  
 quam istius libidini obstitit?) sed paulo solutiore tamen  
 animo secum illam haberet, si non tanquam uirum, at  
 tanq̃ amulum remouisset. accipit nauem sociorum, atq;  
 amicorum Cleomenes Syracusanus. quid primum aut  
 accussem, aut querar iudices? Siculo ne homini Legati,  
 Quaestoris, Praetoris deniq; potestatem, honorem, aucto-  
 ritatem dari? si te impediēbat ista conuiuiorum, mulie-  
 rumq; occupatio: ubi Quaestores? ubi Legati? ubi ter-  
 nis denarijs aestimatū frumentū? ubi muli? ubi taberna-  
 cula? ubi tot, tantaq; ornāmēta magistratibus, et Lega-  
 tis à senatu, populoq; R. permissa, et data? deniq; ubi prae-  
 fecti, & Tribuni tui? si ciuis R. dignus isto negotio ne-  
 mo fuit, quid ciuitates, quae in amicitia, fideq; populi R.  
 perpetuo māserāt? ubi Segestana? ubi Cēturipina ciui-  
 tas? quae tum officijs, fide, uetustate, tum etiā cognatione  
 populi R. nomē attingūt. ò dy immortales. quid, si harū  
 ipsarū ciuitatū militibus, nauibus, Nauarchis Syracusa-  
 nus Cleomenes iussus est imperare? non omnis honos ab  
 isto



isto dignitatis, æquitatis, officijq; sublatus est? ecquod in Sicilia bellum gessimus, quin Centuripinis socijs, Syracusanis hostibus uteremur? atq; hæc omnia ad memoriam uictustatis, non ad contumeliã ciuitatis referri uolo. itaq; ille uir clarissimus, summusq; imperator M. Marcellus, cuius uirtute captæ, misericordia conseruata sunt Syracusæ, habitare in ea parte urbis, quæ insula est, Syracusanum neminem uoluit. hodie inquam Syracusanum in ea parte habitare non licet: est. n. locus, quem uel pauci possunt defendere. cõmittere igitur cum non fidelissimis hominibus noluit: simul q̃ ab illa parte urbis nauibus aditus ex alto est. quamobrem qui nostros exercitus saepe excluderant, ijs claustra loci cõmittenda non existimauit. uide, quid intersit inter tuã libidinẽ, maiorumq; auctõritatem; inter amorẽ, furoremq; tuũ, & illorum consiliũ, atq; prudentiam. illi aditum litoris Syracusanis ademerunt: tu maritimum imperium concessisti. illi habitari in eo loco Syracusanum, quod naues accedere possent, noluerunt: tu classi, et nauibus Syracusanum præesse uoluisti. quibus illi urbis suæ partem ademerunt, ijs tu nostri imperij partem dedisti: & quorum sociorum opera Syracusani nobis dicto audientes sunt, eos Syracusanis dicto audientes esse iussisti. egreditur Centuripina quadriremit Cleomenes è portu: sequitur Segestana nauis, Tyndaritana, Herbitensis, Heracliensis, Apolloniensis, Halutina, præclara classis in speciem, sed inops, & infirma propter dimissionem propugnatorum, atq; remigum. tandiu in imperio suo classẽ iste Prætor diligens uidit, quãdiu conuiuium eius flagitiosissimum prateruecta est. ipse autẽ, qui uisus multis diebus non esset, tum se tamen in cõspe-

Etum nautis paulisper dedit. stetit soleatus Prætor populi  
 R. cū pallio purpureo, tunicaq; talari, muliercula nixus  
 in litore. iam hoc ipso istum uestitu Siculi, ciuesq; R. per-  
 multi sæpe uiderūt. posteaquā paulum prouecta classis  
 est, et Pachynum quinto die deniq; appulsa est: nautæ fa-  
 me coacti, radices palmarum agrestium, quarū erat in  
 illis locis, sicut in magna parte Siciliæ, multitudo, collige-  
 bant, & his miseri, perditiq; alebantur. Cleomenes autē,  
 qui alterum se Verrem cum luxuria, atq; nequitia, tum  
 etiam imperio putaret, similiter totos dies, in litore taber-  
 naculo posito, perpotabat. ecce autem repente, ebrio Cleo-  
 mene, esurientibus cæteris, nuntiatur piratarum naues  
 esse in portu Edisse: nam ita is locus nominatur. nostra  
 autem classis erat in portu Pachyni. Cleomenes autem, q̃  
 erat terrestræ præsidium non re, sed nomine, sperabat ijs  
 militibus, quos ex eo loco deduxisset, explere se numerū  
 nautarum, & remigū posse. reperta est eadem istius ho-  
 minis auarissimi ratio in præsijs, quæ in classibus: nam  
 erant perpauci reliqui, cæteri; dimissi. princeps Cleome-  
 nes in quadriremi Centuripina malum erigi, uela fieri,  
 præcidi anchoras imperauit: & simul, ut se cæteri seque-  
 rentur, signum dari iussit. hæc Centuripina nauis erat  
 incredibili celeritate uelis: nam scire isto Prætorē nemo  
 poterat, quid quæq; nauis remis facere posset: etsi in hac  
 quadriremi propter honorem, et gratiam Cleomenis mi-  
 nime multi remiges, & milites deerant. euolat iam è  
 conspectu ferè fugiens quadriremis, cum etiam tūc cæ-  
 teræ naues suo in loco moliebantur. erat animus in reli-  
 quis: quanq̃ erant pauci, quoquo modo sese res habebat,  
 pugnare tamen se uelle clamabant, & quod reliquum

uitæ,uiriumq; fames fecerat,id ferro potissimum redde-  
re uolebant.quòd si Cleomenes non tanto ante fugisset,  
aliqua tamen ad resistendum ratio fuisset:erat enim so-  
la illa nauiis constricta, & ita magna, ut propugnaculo  
cæteris posset esse: quæ, si in prædonum pugna uersare-  
tur,urbis instar habere inter illos piraticos myoparones  
uideretur.sed tunc inopes relictæ a duce, præfectoq; clas-  
sis,eundem necessario cursum tenere cæperunt. Pelorum  
uersus,ut ipse Cleomenes, ita cæteri nauigabant. neque  
ita tamen tam prædonum fugiebant impetum, quàm im-  
peratorem sequebantur. tum ut quisque in fuga postre-  
mus, ita periculo princeps erat: postremam enim quanq;  
nauem piratæ primam adoriebantur. ita prima Halun-  
tinorum nauiis capitur: cui præerat Halutinus homo no-  
bilis Philarchus: quem ab illis prædonibus Locenses po-  
stea publice redemerunt: ex quo uos priore actione iura-  
to rem omnem, causamq; cognostis. deinde Apolloniensis  
nauiis capitur, et eius præfectus Anthropinus occiditur.  
dum hæc aguntur, interea Cleomenes iam ad Pelori li-  
tus peruenerat, iam sese in terram e naui eiecerat, qua-  
drirrememq; in salo fluctuantem reliquerat. reliqui præ-  
fecti nauium, cum in terram imperator exisset, cum ip-  
si neque repugnare, neque mari effugere ullo modo pos-  
sent, appulsis ad Pelorum nauibus Cleomenem persecu-  
ti sunt. tunc prædonum dux Heracleo, repente, præ-  
ter spem, non sua uirtute, sed istius auaritia, nequi-  
tiaq; uictor, classem pulcherrimam populi R. in litus  
expulsam, & eiectam, cum primum aduersperasceret,  
inflammari, incendiq; iussit. o tempus miserum, at-  
que acerbum provincie Sicilie: o casum illum multis

innocentibus calamitosum, atq; funestum: o' istius nequitiam, ac turpitudinem singularem. una, atq; eadem nox erat, qua Prætor amoris turpissimi flamma, ac classis populi R. prædonum incendio conflagrabat. affertur nocte intempesta grauis huiusce mali nuntius Syracusas: curritur ad Prætorium, quò istum è conuiuio illo præclaro reducerant paulo ante mulieres cum cantu, atq; symphonia. Cleomenes, quanquã nox erat, tamen in publico esse non audet, includit se domi: neq; aderat uxor, quæ consolari hominem in malis posset. huius autem præclari imperatoris ita erat seuera domi disciplina, ut in re tanta, in tam graui nuntio nemo admitteretur, nemo esset, qui auderet aut dormientem excitare, aut interpellare vigilantem. iam uero, re ab omnibus cognita, cõkursabat urbe tota maxima multitudo: non. n. sicut antea consuetudo erat, prædonum aduentum significabat ignis è specula sublatus, aut tumultus, sed flamma ex ipso incendio nauium & calamitatem acceptam, & periculum reliquũ nuntiabat. cum Prætor quæreretur, & cõstaret ei neminem nuntiassse: fit ad domum eius cum clamore concursus, atq; impetus. tum iste excitatus exit: audit rem omnẽ ex Timarchide: sagum sumit. lucebat iam ferè: procedit in mediũ, uini, somni, stupri plenus. excipitur ab omnibus eiusmodi clamore, ut ei Lampfaceni periculi similitudo uersaretur ante oculos. hoc etiã maius hoc uidebatur, qd in odio simili multitudo hominum hæc erat maxima. tum istius acta cõmemorabantur, tum flagitiosa illa cõuiuia: tum appellabantur à multitudine mulieres nominatim: tũ quærebatur ex ipso palàm, tot dies continuos, per quos nunquam uisus esset, ubi fuisset? quid egisset? tũ

imperator ab isto præpositus Cleomenes flagitabatur: neque quicquam propius est factum, quam ut illud Vticæ se exemplum de Adriano transferretur Syracusas, ut duo sepulcra duorum Prætorum improborum, duabusque in provinciis constituerentur. uerum habita est à multitudine ratio temporis, habita est tumultus, habita etiam dignitatis, existimationisque communis, quæ is est conuentus Syracusis ciuium. R. ut non modo illa provincia, uerum etiam hac Rep. dignissimus existimetur. confirmant ipsi se, cum is etiam tum semisomnis superet: arma capiunt: totum forum, atque insulam, quæ est urbis magna pars, complent. unam illam solam noctem prædones ad Pelorum commorati, cum fumantes etiam nostras naues reliquissent, accedere incipiunt ad Syracusas. qui uidelicet sæpe audissent, nihil esse pulchrius, quam Syracusarum mœnia, ac portus: statuerant sese, si ea Verre Prætoris non uidissent, nunquam esse uisuros. ac primo ad illa æstiuæ Prætoris accedunt, ipsam illam ad partem litoris, ubi iste per eos dies tabernaculis positis castra luxuriæ collocarat. quem posteaquam inanem locum offenderunt, Prætores commouisse ex eo loco castra senserunt: statim sine ullo metu in portum ipsum penetrare cœperunt. cum in portum dico iudices, (explanandum est enim diligentius eorum causa, qui locum ignorant) in urbem dico, atque in urbis intimam partem uenisse piratas: non enim portum illud oppidum clauditur, sed urbe portus ipse cingitur, et concluditur: non ut alluantur à mari mœnia extrema, sed influat in urbis sinum portus. hic te Prætor Heracleo archipirata cum quatuor myoparonibus paruis ad arbitrium suum nauigauit. pro di immortales, piratis

cus myoparo, cum imperium populi R. nomen, ac fasces  
 essent Syracusis, usq; ad forum & ad omnes urbis crepi-  
 dines accessit: quod neq; Carthaginiensium gloriosissima  
 classes, cum mari plurimum poterant, multis bellis sepe  
 conata, unquam aspirare potuerunt; neq; populi R. inui-  
 eta ante te Prætorum gloria illa naualis, unquam tot Pu-  
 nicis, Siciliensibusq; bellis penetrare potuit: qui locus eius  
 modi est, ut ante Syracusani in mœnibus suis, in urbe, in  
 foro hostem armatum, ac uictorem, q̄ in portu ullam  
 hostium nauem uiderent. hic te Prætorum prædonum na-  
 uicula peruagata sunt, quod Atheniensium classis sola post  
 hominum memoriam CCC nauibus ui, ac multitudine  
 inuasit: quæ in eo ipso portu, loci ipsius, portusq; natura  
 uicta, atq; superata est. hic primum opes ipsius ciuitatis  
 uicta, cōminuta, depressaq; sunt: in hoc portu Athenien-  
 sium nobilitatis, imperij, gloriæ naufragiū factum exi-  
 stimatur. eò ne pirata penetravit, quod simul atq; adis-  
 set, non modo à latere, sed etiam à tergo magnam par-  
 tem urbis relinqueret? Insulam totam præteruectus est:  
 quæ est urbis magna pars Syracusis suo nomine, ac mœ-  
 nibus. quo in loco maiores ( ut ante dixi ) Syracusanum  
 quēquam habitare uetuerunt, q̄, qui illam partem urbis  
 tenerent, in eorum potestatem portum futurum intelli-  
 gebant. at quemadmodum est peruagatus? radices pal-  
 marum agrestium, quas in nostris nauibus inuenerat,  
 iaciebat, ut omnes istius improbitatem, & calamitatem  
 Siciliae possent cognoscere. Siculos ne milites, aratorū ne  
 liberos, quorum patres tantum labore suo frumenti ex-  
 arabant, ut populo R. toti q; Italiae suppeditare possent,  
 eos ne in insula Cereris natos, ubi primum fruges inuen-

ta esse dicuntur, eo cibo esse, usos, à quo maiores eorum  
ceteros quoq; frugibus inuentis remouerunt. te Pratore  
Siculi milites palmarum stirpibus, prædones Siculo fru-  
mento alebantur. o spectaculum miserum, atq; acerbū:  
ludibrio esse urbis gloriam, populi R. nomen; hominum  
conuentu, atq; multitudine, piratico myoparone, in por-  
tu Syracusano de classe populi R. triumphum agere pi-  
ratam, cum Pratoris nequissimi, inertissimiq; oculos præ-  
donum remi respergerent. posteaquam è portu pirata  
non metu aliquo affecti, sed satietate exierant: tum cœpe-  
runt quærere homines causam illius tantæ calamitatis:  
dicere omnes, & palàm disputare, minime esse miran-  
dum, si militibus, remigibusq; dimissis, reliquis egestate,  
& fame perditis, Pratore tot dies cum mulierculis per-  
potante, tanta ignominia, & calamitas esset accepta. hæc  
autem istius uituperatio, atque infamia confirmabatur  
eorum sermone, qui à suis ciuitatibus illis nauibus præ-  
positi fuerant: qui ex illo numero reliqui Syracusas clas-  
se amissa refugerant. dicebant, quos ex sua quisque nauis  
missos sciret esse. res erat clara: neque solum argumētis,  
sed etiam certis testibus istius audacia tenebatur. homo  
certior sit, agi nihil in foro, & conuentu toto die, nisi  
hoc quæri à Nauarchis, quemadmodum classis esset a-  
missa: illos respondere, & docere unumquemque, missio-  
ne remigum, fame reliquorum, Cleomenis timore, &  
fuga. quod posteaquam iste cognouit, hanc rationem  
habere cœpit. causam sibi dicendam esse statuerat iam  
ante, quàm hoc usu uenerit, ita ut ipsum priore actio-  
ne dicere audistis. uidebat, illis Nauarchis testibus,  
tantum hoc crimen sustinere se nullo modo posse:



consilium capit primo stultum, ueruntamen clemens: Cleomenem, & Nauarchos ad se uocari iubet: ueniunt. accusat eos, q̄ huiusmodi de se sermones habuerint: rogat, ut id facere desistant, & in sua quisq; naui dicat se tantum habuisse nautarum, quantum oportuerit, neque quenquam esse dimissum. illi enim uero se ostēdunt, quod uellet, esse facturos. iste non procrastinat: aduocat amicos statim: querit ex his sigillatim, quot quisq; nautas habuerit. respondit unusquisq; ut erat praeceptum. iste in tabellas refert: obsignat signis amicorum prouidens homo, ut contra hoc crimen, si quando opus esset, hac uidelicet testificatione uteretur. derisum credo esse hominē amentem à suis consiliarijs, & admonitum, hasce ei tabulas nihil profuturas, etiam plus ex nimia Prætoris diligentia suspicionis in eo crimine futurum. etiam iste erat hac stultitia multis in rebus usus, ut publice quoq; quæ uellet, in ciuitatum literis & tolli, et referri iuberet. quæ omnia nunc intelligit sibi nihil prodesse, posteaquam certis literis, testibus, auctoritatibusq; cōuincitur. ubi hoc uidet, illorum confessionem, testificationem suā, tabellas sibi nullo adiumento futuras: inquit consilium, non improbi Prætoris (nā id quidem esset ferendum) sed importuni, atq; amētis tyrāni. statuit, si hoc crimen extenuare uellet (nam omnino tolli posse nō arbitrabatur) Nauarchos omnes testes sui sceleris uita esse priuandos. occurrebat illa ratio: quid Cleomeni fiet? potero ne animaduvertere in eos, quos dicto audiētes esse iussi? missum facere eum, cui imperiū, potestatemq; permisi? potero ne eos afficere supplicio, qui Cleomenem secuti sunt? ignorare Cleomeni, qui secum fugere, & se consequi iussit? potero ne in eos

esse uehemens, qui naues inanes non modo habuerunt, sed etiam apertas? in eum dissolutus, qui solus habuerit constratam nauem, & minus exinanitam? pereat Cleomenes unà. ubi fides? ubi execrationes? ubi dextræ, complexusq;? ubi illud cõtuberniũ muliebris militiæ in illo delicatissimo litore? fieri nullo modo poterat, quin Cleomeni parceretur. Cleomenem uocat. dicit ei, se statuisse animaduertere in omnes Nauarchos, ita sui periculi rationes ferre, ac postulare. tibi uni parca: & totius istius culpæ crimen, uituperationemq; incõstantiæ potius suscipiã, q̃ aut in te sim crudelis, aut tot, tam graues testes uiuos, incolumesq; esse patiar. agit gratias Cleomenes: approbat consilium: dicit, ita fieri oportere. admonet tamen illud, quod istum fugerat, in Phalargum Centuripinum Nauarchum non posse animaduerti, propterea quod secum fuisset unà in Centuripina quadriremit. quid ergo? iste homo ex eiusmodi ciuitate, adolescens nobilissimus, reus stis relinquetur? in præsentia, inquit Cleomenes: quoniam ita necesse est: sed post aliquid uidebimus, ne iste nobis obstare possit. hæc posteaquam acta, & constituta sunt: procedit iste repente è pratorio inflāmatuſ sceles re, furore, crudelitate, in forum uenit, Nauarchos uocari iubet. qui nihil metuerent, nihil suspicarentur, statim accurrunt. iste hominibus miseris, innocentibusq; inuicem athenas imperat. implorare illi fidem populi R. & quare id faceret, rogare. tunc iste hoc causæ dicit, quod classem prædonibus prodidissent. fit clamor, et admiratio populi, tantam esse in homine impudentiam, atque audaciam, ut aut alijs causam calamitatis attribueret, quæ omnis propter auaritiam ipsius accidisset, aut, cum ipse prædonum

socius putaretur, alijs prodicionis crimen inferret: dein-  
 de hoc quintodecimo die crimen esse natum, postquam  
 classis esset amissa. cum hæc fierent; quærebatur, ubi esset  
 Cleomenes: nõ quo illum ipsum, cuiusmodi esset, quisquã  
 supplicio propter illud incommodum dignũ putaret: nam  
 quid Cleomenes facere potuit (non enim possum quen-  
 quam insimulare falso) quid inquam, magnopere po-  
 tuit Cleomenes facere, istius auaritia nauibus exinanitis?  
 atq; cum uident sedere ad latus Prætoris, & ad aurẽ fa-  
 miliariter, ut solitus erat, insusurrare. tum uero omni-  
 bus indignissimũ uisum est, homines honestissimos, electos  
 ex suis ciuitatibus, in ferrũ, atq; in uincla coniectos, Cleo-  
 menem propter flagitiorũ, ac turpitudinis societatem fa-  
 miliarissimũ esse Prætoris. apponitur his tamẽ accusator  
 Næuius turpio quidã, qui C. Sacerdote Prætoris iniuriarũ  
 damnatus est, homo bene appositus ad istius auda-  
 ciam: quem iste in decumis, in rebus capitalibus, in omni  
 calumnia præcursores habere solebat, & emissariũ. ue-  
 niunt Syracusas parentes, propinquiq; miserorum adole-  
 scentium, hoc repentino calamitatis suæ comoti nuntio:  
 uinctos aspiciunt catenis liberos suos, cum istius auari-  
 tiæ pœnam collo, & cernicibus suis sustinerent: adsunt,  
 defendunt, proclamant, fidem tuam, quæ nusquã erat,  
 nec unquam fuit, implorant. pater aderat Dexio Tyn-  
 daritanus homo nobilissimus, hospes tuus, cuius tu domi  
 fueras, quem hospitem appellaras. eũ cum illa auctorita-  
 te, & miseria uideres præditum, nõ te eius lacrymæ, non  
 senectus, nõ hospitij ius, atq; nomen à scelere aliquam ad  
 partem humanitatis reuocare potuit. sed quid ego hospi-  
 ty iura in hac tam immani bellua comemoro? qui Sche-

nium Thermitarum hospitem suum, cuius domum per hospitium exhausit, & exinanivit, absentem in reos retulerit, causa indicta capite damnarit; ab eo nunc hospitiorum iura, atq; officia quæramus? cum homine enim crudeli nobis res est, an cum fera, atq; immani bellua? te patris lacryma de innocentis filij periculo non movebāt? cum patrem domi reliquisses, filium tecum haberes: te neq; præsens filius de liberorum charitate, neque absens pater de indulgentia patria cōmonebat? cathenas habebat hospes tuus Aristeus, Dexionis filius. quid ita? prodiderat classē. quod ob præmium? deseruerat exercitum. quid Cleomenes? ignavus fuerat: at cum tu ob virtutem corona aurea donaras. dimiserat nautas: at ab omnibus tu mercedem missionis acceperas. alter parens ex altera parte erat Herbitensis Eubulida, homo domi sue clarus & nobilis: qui quia Cleomenem in defendendo filio læserat, nudus penē est destitutus. quid erat autem, quod quisquam diceret, aut defenderet? Cleomenem nominare nō licet. at causa cogit, moriē, si appellaris: nūquam enim iste est cuiquam mediocriter minatus. at re-miges non erant. Prætorem tu accusas? frange cervicē. si neq; Prætorem, neq; Prætoris æmulum appellare licebit: cum in his duobus tota causa sit, quid futurū est? dicit etiam causam Heraclius Segestanus, homo domi sue summo loco natus. audite, ut uestra humanitas postulat iudices: audietis enim de magnis incōmodis, iniurijsq; sociorum. hūc scitote fuisse Heracliū in ea causa, qui propter gravem morbum oculorum tum non navigavit, et iussu eius, qui potestatem habuit, in comœatu Syracusis remanserit. iste certe neque prodidit classē, neque metū

perterritus fugit, neq; exercitum deseruit: etenim tunc  
 esset hoc animaduersum, cum classis Syracusis proficisce-  
 batur. is tamen in eadem causa fuit, quasi esset in aliquo  
 manifesto scelere deprehensus, in quem ne falso quidem  
 causa conferri criminis potuit. fuit in illis Nauarchis He-  
 racliensis quidam Furius (nam habent illi nonnulla hu-  
 iusmodi latina nomina) homo, quādiu uixit, domi suae,  
 non solum post mortem tota Sicilia clarus, & nobilis. in  
 quo homine tantum animi fuit, non solum ut istum li-  
 bere laderet (nam id quidem, quoniam moriendum ui-  
 debat, sine periculo se facere intelligebat) uerum morte  
 proposita, cum lacrymans in carcere mater noctes, diesq;  
 assideret, defensionem causae suae scripsit: quam nūc, ne-  
 mo est in Sicilia, quin habeat, quin legat, quin tui scele-  
 ris, & crudelitatis ex illa oratione cōmone fiat. in qua do-  
 cet, quot à ciuitate sua nautas acceperit, quot, & quanti  
 quenq; dimiserit, quot secū habuerit: item de ceteris na-  
 uibus dicit. quae cum apud te diceret, uirgis oculi uerbe-  
 rabatur. ille morte proposita, facile dolorem corporis pa-  
 tiebatur. clamabat, id quod scriptū reliquit, facinus esse  
 indignum, plus impudicissimae mulieris apud te de Cleo-  
 menis salute, quā de sua uita lacrymas matris ualere.  
 deinde etiā illud uideo esse dictum, quod, si recte uos po-  
 pulus R. cognouit, non falso ille iam in ipsa morte de uo-  
 bis praedicauit: non posse Verrem testes interficiēdo cri-  
 mina sua extinguere: grauiorem apud sapientes iudices  
 se fore ab inferis testem, quā si uiuus in iudicium pro-  
 duceretur: tum, auaritiā solum, si uiueret; nunc, cum  
 ita esset necatus, sceleris, audaciae, crudelitatis testem fo-  
 re: iam illa praecleara, non testium modo caternas, cum

tua res ageretur, sed tum à dijs manibus innocentium pœnas, sceleratorumq; furias in tuum iudicium esse uenturas: sese ideo leuiorem casum suum fingere, q̃ iam ante aciem securium tuarum, Sestiiq; tui carnificis uultum, & manum uidisset, cum in cōuentu ciuium R. iussu tuo securi ciues R. ferirentur. ne multa iudices, libertatē quā uos socijs dedistis, hac ille in acerbissimo supplicio miserimæ seruitutis abusus est. cōdemnat omnes de cōsilijs sententia: tamen neq; iste in tanta re, tot hominum, totq; ciuium causa P. Veſtium ad se accersit Quæstorem suum, cuius consilio uteretur, neq; P. Cernium talem uirum Legatum, qui, quia Legatus isto Pratore in Sicilia fuit, prius ab isto iudex reiectus est: sed de latronum, hoc est de comitum suorum sententia cōdemnat omnes. hic cum Eli Siculi fidelissimi, atq; antiquissimi socij, plurimis affecti beneficus à maioribus nostris, grauiſſe cōmouetur, & de suis periculis, fortunisq; omnibus pertimescunt. illam clementiam, mansuetudinemq; nostri imperij in tantam crudelitatem, inhumanitatemq; esse cōuersam? condemnari tot homines uno tempore nullo crimine? defensionem suorum furtorum Pratorem improbum ex indignissima morte innocentium quærere? nihil addi iam uidetur iudices ad hanc improbitatem, amentiam, crudelitatemq; posse: & recte nihil uidetur: nam, si cum aliorum improbitate certet, longe omnes, multumq; superabit: sed secum ipse certat: id agit, ut semper superius suū facinus nouo scelere uincat. Phalarum Censuripinum dixeram exceptum esse à Cleomene, quod in eius quadriga Cleomenes uectus esset: tamē quia peritauerat adolescens, quod eandem suam causam uidebat

esse, quam illorum, qui innocentes peribant, ad hominem  
 accedit Timarchides : à securi negat esse ei periculum :  
 uirgis ne caderetur, monet ut caueat. ne multa : ipsum  
 dicere adolescentem audistis, se ob hunc uirgarum me-  
 tum pecuniam Timarchidi numerasse. leuia sunt hæc in  
 hoc reo crimina. metum uirgarum Nauarchus nobilissi-  
 mæ ciuitatis pretio redemit : humanū. aliud, ne condēna-  
 retur, pecuniam dedit : usitatum est. non uult populus  
 R. obsoletis criminibus accusari Verrem : noua postulat :  
 inaudita desiderat : non de Prætoris Siciliæ, sed de crude-  
 lissimo tyranno fieri iudicium arbitratur. includuntur in  
 carcerem condemnati. supplicium constituitur in illos, su-  
 mitur de miseris parentibus Nauarchorum : prohiben-  
 tur adire ad filios suos, prohibentur liberis suis cibū, ue-  
 stitumq; ferre. patres hi, quos uidetis, iacebant in limine,  
 matresq; misera pernoctabant ad ostium carceris, ab extre-  
 mo complexu liberū exclusæ : quæ nihil aliud orabant,  
 nisi ut filiorum extremū spiritum excipere sibi liceret.  
 aderat ianitor carceris, carnifex Prætoris, mors, ter-  
 rorq; sociorum, & ciuium, licitor Sestius : cui ex omni  
 gemitu, doloreq; certa merces cōparabatur. ut adeas, tan-  
 tum dabis : ut cibum tibi introferre liceat, tantū. nemo  
 recusabat. quid, ut uno ictu securis afferam mortem fi-  
 lio tuo ? quid dabis ? ne diu crucietur ? ne sæpius feria-  
 tur ? ne cum sensu doloris aliquo, aut cruciatu spiritus  
 auferatur ? etiam ob hæc causam pecuniam licitori da-  
 batur. ò magnū, atq; intolerandū dolorem : ò grauem,  
 acerbamq; fortunam. non uitam liberū, sed mortis cele-  
 ritatem pretio redimere cogeantur parentes. atque ipsi  
 etiam adolescentes cum Sestio de eadem plaga, & de una



illo ictu loquebantur : idq; postremum parentes suos liberi orabant, ut leuandi cruciatus sui gratia licitori pecunia daretur . multi , & graues dolores inuenti parentibus , & propinquis : multi . ueruntamen mors sit extrema : non erit . est ne aliquid ultra , quò progredi crudelitas possit ? reperietur : nam illorum liberi cum erunt securi percussi , ac necati , corpora feris obijciuntur . hoc si luētuosum est parenti , redimat pretio sepeliendi potestatem . Onasum Segestanum , hominem nobilem , dicere audistis , se ob sepulturam Heraclij Nauarchi pecuniam Timarchidi dinumerasse : hoc ne possis dicere : patres enim ueniunt amissis filiis irati . uir primarius , homo nobilissimus , dicite , neque de filio dicit . iam hoc , quis tum fuit Syracusis , qui non audierit ? quin sciat , has per Timarchidem pactiones sepulturae cum uiuis etiam illis esse factas . non palàm cum Timarchide loquebantur ? non omnes hominum propinqui adhibebantur ? non palàm uiuorum funera locabantur ? quibus rebus omnibus actis , atq; decisis , producuntur è carcere , & deligantur ad palum . quis tam fuit illo tempore durus , et ferreus , quis tam inhumanus , prater unum te , qui non illorum ætate , nobilitate , miseria cōmoueretur ? ecquis fuit , quin lacrymaretur ? quin ita calamitatem putaret illorū , ut fortunam tamen non alienam , periculum autem commune agi arbitraretur ? feriuntur securi . letaris tu in omnium gemitu , et triumphas : testes auaritia tuæ gaudes esse sublato . errabas Verres , & uehementer errabas , cum te maculas furto- rum , et flagitiorum tuorū , sociorum innocentium sanguine eluere arbitrare : præceptis amentia ferebare , qui te

existimares auaritiæ uulnera crudelitatis remedijs posse sanare: etenim, quicquid illi sunt mortui sceleris tui testes, tamen eorū propinqui neq; tibi, neq; illis desunt, tamen ex illo ipso numero Nauarchorū aliqui uiuunt, & ad sunt: quos, ut mihi uidetur, ab illorum innocentium pœna fortuna ad hanc causam seruauit. adest Philarchus Haluntinus: qui quia cum Cleomene nō fugit, oppressus à prædonibus, et captus est: cui calamitas salutis fuit: qui nisi captus à piratis esset, in hūc prædonem sociorum incidisset. dicet is pro testimonio de missione nauarū, de fame, de Cleomenis fuga. adest Centuripinus Phalargus, in amplissima ciuitate amplissimo loco natus. eadem dicite: nulla in re discrepat. per deos immortales iudices quod eadem animo feretis? aut hac quemadmodum auditis? utrū ego desipio, & plus, q̃ satis opus est, doleo in tanta calamitate, miseriāq; sociorum, an uos quoq; hic acerbissimus innocentium cruciatus, & mœror pari sensu doloris afficit? ego enim cū Herbitensem, cum Heracliensem securi esse percussum dico, uersatur mihi ante oculos indignitas calamitatis. eorū ne populorū ciues, eorū ne agrorum colonos, ex quibus maxima uis frumenti quotannis plebi Romanæ illorum operis, ac laboribus quæritur qui à patribus spe nostri imperij, nostræq; æquitatis suscepti, educatiq; sunt, ad C. Verris nefariā immanitatem, et ad eius securem funestā esse seruatos? cū mihi Tyndaritani illius uenit in mentem, cum Segestani, tum iura simul ciuitatū, atq; officia considero. quas urbes P. Africanus etiam ornandas esse spolys hostium arbitratus est, eas C. Verres non solum illis ornamentis, sed etiam uiris nobilissimis nefario scelere priuauit. en quod Tyndaritani libenter prædicent:

prædicent: nos in septemdecim populis Sicilia nõ eramus: nos semper in omnibus Punicis, Siciliensibusq; bellis amicitiam fidemq; populi R. secuti sumus: à nobis omnia populo R. semper & belli adiumenta, & pacis ornamenta administrata sunt. Multum uero hæc his iura profuerunt in istius imperio ac potestate: Vestros quondam nautas contra Carthaginem Scipio duxit. at nunc naues contra prædones penè inanes Cleomenes ducit. Vobiscum Africanus hostium spolia, & præmia laudis cõmunicauit. at nunc per me spoliati, naue à prædonibus abducta, ipsi in hostium numero, locoq; ducemini. Quid uero illa Segesta norũ non solum literis tradita, neq; cõmemorata uerbis, sed multis officiis illorũ usurpata & cõprobata cognatio, quos tandem fructus huiusce necessitudinis in istius imperio tulit? nempe hoc fuit iure iudices, ut ex sinu patris nobilissimus adolescens, & è cõplexu matris ereptus innocens filius istius carnifici Sestio dederetur. cui ciuitati maiores nostri maximos agros atq; optimos concesserunt, quã immunem esse uoluerunt: hæc tanta apud te cognationis, fidelitatis, uetustatis, auctoritate, ne hoc quidẽ iuris obtinuit, ut unius honestissimi atque innocentissimi ciuis mortem & sanguinem deprecaretur. Quò confugient socii? quem implorabunt? qua spe deniq; ut uiuere uelint tenebuntur, si uos eos deseritis? ad Senatum desuenient, qui de Verre supplicium sumat? non est usitatũ, non senatoriũ. ad populum R. confugient? facilis est causa populi. legem enim sociorum causa iussisse, & ei legi custodes ac uindices præposuisse dicet. Hic locus ẽ igitur unus, quò perfugiant: hic portus, hæc arx, hæc ara sociorum: quò quidem nunc non ita confugiunt, ut antea in

suis repetendis rebus solebant. non argentum, non aurū,  
 non uestem, non mancipia repetunt, non ornamenta, quæ  
 ex urbibus fanisq; erepta sunt: metuunt homines imperi  
 ti, ne iam hæc populus R. concedat, & iam fieri uelit. pa  
 timur. n. iam multos annos, & silemus, cū uideamus ad  
 paucos omnes omnium nationum pecunias peruenisse.  
 quod eo magis ferre æquo animo, atque concedere uide  
 mur, quia nemo istorum dissimulat, nemo laborat, ut ob  
 scura sua cupiditas esse uideatur. In urbe nostra pulcher  
 rima atq; ornatissima quod signū, quæ tabula picta est,  
 quæ non ab hostibus uictis capta, atq; apportata sit? at  
 istorum uillæ sociorum fidelissimorum & plurimis, &  
 pulcherrimis spolijs ornata refertæq; sunt. ubi pecunias  
 exterarum nationum esse arbitramini, quibus nunc o  
 mnes egent, cum Athenas, Pergamum, Cyzicum, Miletū,  
 Chion, Samon, totam deniq; Asiam, Achaiam, Græciam,  
 Sicilia iam in paucis uillis inclusas esse uidetis? Sed hæc,  
 ut dico, omnia iam socij uestri relinquunt, & negligunt  
 iudices. ne publice à populo R. spoliarentur, officijs ac fi  
 de prouiderunt. paucorum cupiditati, tum cum obsistere  
 non poterant, tamen sufficere aliquo modo poterant. nūc  
 uero iam adempta est non modo resistendi, uerum etiā  
 suppeditandi facultas. itaq; res suas negligunt. pecunias,  
 quo nomine iudiciū hoc appellatur, non repetunt, relin  
 quunt & negligunt. hoc iam ornatu ad uos cōfugiunt.  
 aspiciate, aspiciate iudices squalorem, sordesq; sociorum. est  
 Sthenius hic Thermitanus cum hoc capillo atq; ueste: do  
 mo sua tota expilata, mentionem tuorum furtorum nō  
 facit: sese ipsum abs te repetit, nihil amplius: totum enim  
 tua libidine & scelere ex sua patria, in qua multis uir=

tutibus & beneficijs princeps fuit, sustulisti. Dextio hic quem uidetis, non quæ publice Tyndari, non quæ priuatim sibi eripuisti, sed unicum miser abs te filium optimum atque innocentissimum flagitat. non ex litibus aestimatis tuis pecuniam domum, sed ex tua calamitate cineri atque ossibus filij sui solatium uult aliquod reportare. Hic iam grandis natu Ebulida, hoc tantum ex æta ætate laboris itinerisq; suscepit, non ut aliquid ex huius bonis recuperaret, sed ut quibus oculis cruentas ceruices filij sui uiderat, isdem te condemnatum uideret. Si per L. Metellum licitum esset iudices, matres illorum, uxores, sororesq; ueniebant. quarum una, cum ego ad Heracliam noctu accederem, cū omnibus matronis eius ciuitatis, & cum multis facibus mihi obuiam uenit: & ita me suam salutem appellans, te suum carnificem nominans, filij nomen implorans, mihi ad pedes misera iacuit: quasi ego excitare filium eius ab inferis possem. faciebant hoc idem in cæteris ciuitatibus grandes natu matres, & item paruuli liberi miserorum: quorū utrorumque ætas laborem & industriam meam, fidem & misericordiam uestram requirebat. itaque ad me iudices præter cæteras hanc querimoniam Sicilia detulit lacrymis. ego ad hoc non gloria inductus accessi, sed ne falsa damnatio, ne carcer, ne catenæ, ne uerbera, ne secures, ne cruciatus sociorum, ne sanguis innocentium, ne denique etiam exanguium corpora mortuorum, ne mæror parentum, ac propinquorum magistratibus nostris quæstui posset esse. Hunc ego si metum Si ciliæ, damnatione istius per uestram fidem & seueritatem deiecero iudices, satis officio meo, satis il =

lorum uoluntati, qui à me hoc petiuerunt, factum esse arbitror. Quapropter si quem forte inueneris, qui hoc nauale crimen conetur defendere, ista defendat, illa communia, quæ ad causam nihil pertinent, prætermittat: me culpam fortunæ assignare, calamitatem crimini dare, me amissionem classis obicere, cum multi uiri fortes in cõmuni incertoq; periculo belli, & terra, & mari sæpe offenderint. Nullam tibi obijcio fortunam: nihil est, quod cæterorum res minus commode gestas proferas: nihil est, quod multorum naufragia fortunæ colligas. ego naues inanes fuisse dico: remiges, nautasq; dimissos: reliquos stirpibus uixisse palmarum: præfuisse classi populi R. Siculum, perpetuo socys atq; amicis Syracusanum: te illo tempore ipso superioribusq; diebus omnibus in litore cum mulierculis perpotasse dico. harum rerum omnium auctores testesq; produco. Nū tibi insultare in calamitate, num intercludere perfugium fortunæ, nū casus bellicos exprobrare, aut obicere uideor? tametsi solent ij fortunam sibi obijci nolle, qui se fortunæ cõmiserunt, qui in eius piculis sunt ac uarietate uersati. istius quidē calamitatis tua fortuna particeps non fuit. homines enim in prælijs, non in conuiuijs belli fortunam cõtare ac periclitari solent. in illa autem calamitate non Martem fuisse cõmunem, sed Venerem possumus dicere. q̃ si fortunam obijci tibi non oportet, cur tu fortunæ illorum innocētium ueniam ac locum non dedisti? Et iam illud prædices licet, q̃ supplicium more maiorū sumpsersis, securiq; percusseris, iccirco à me in crimen & inuidiam uocari. non in supplicio crimen meum uertitur: non ego securi nego quenquam feriri debere: non ego metum ex re militari,

non seueritatem imperij, non pœnam flagitij tolli dico oportere: fateor nō modo in socios, sed etiam in ciues militesq; nostros presape esse seuerē ac uehementer uindictam. quare hæc quoq; prætermittas licet. Ego culpā non in Nauarchis, sed in te fuisse demonstro: precio milites remigesq; dimisisse arguo. hoc Nauarchi reliqui dicūt, hoc Netinorum fœderata ciuitas publice dicit, hoc Herbitenses, hoc Amestratini, hoc Ennenses, hoc Agyrinenses, Tyn daritani, Locrenses publice dicunt: tuus deniq; testis, tuus Imperator, tuus hospes Cleomenes hoc dicit, sese in terrā esse egressum, uti Pachyno, è terrestri presidio milites colligeret, quos in nauibus collocaret. quod certe nō fecisset, si suum numerum naues haberent. ea est enim ratio instructarum ornatarumq; nauium, ut nō modo plures, sed ne singuli quidem possint accedere. Dico præterea illos ipsos reliquos nautas fame atq; inopia rerum omnium confectos fuisse ac perditos. dico aut omnes extra culpam fuisse: aut si uni attribuēda culpa sit, in eo maximā fuisse, qui optimam nauem, plurimos nautas haberet, summum imperiū obtineret: aut si omnes in culpa fuerint, non oportuisse Cleomenem cōstitui spectatorem illorum mortis atq; cruciatu. dico etiam, in illo supplicio mercedem lacrymarum, mercedem uulneris atq; plagæ, mercedem funeris ac sepulturæ constitui nefas fuisse. Quapropter si mihi respondere uoles: hæc dicito, classē instructam atq; ornata fuisse, nullum propugnatorem abfuisse, nullū uacuum transtrū fuisse, remigi rem frumētariam esse suppeditatam, mentiri Nauarchos, metiri tot et tam graues ciuitates, mentiri etiam Siciliam totam, proditum esse te à Cleomene qui se dixerit exisse in terrā



ram, ut Pachyno deduceret milites: animum illis, non co-  
 pias defuisse: Cleomenem acerrime pugnante[m] ab his re-  
 lictum esse atque desertum: nummum ob sepulturam da-  
 tum nemini. quæ si dices, tenebere. sin alia dices, quæ à  
 me dicta sunt, non refutabis. Hic tu etiam dicere aude-  
 bis, est in iudiciis ille familiaris meus, est paternus ami-  
 cus ille? non, ut quisque maxime est, quicum tibi aliquid  
 sit: ita tui huiusmodi criminis maxime eum pudet? Pa-  
 ternus amicus est. ipse pater si iudicaret, per deos immor-  
 tales quid facere posset, cum tibi hæc diceret? tu in pro-  
 uincia populi R. Prætor, cum tibi maritimum bellum es-  
 set administrandum, Mamertinis, ex fœdere quam debe-  
 rent nauem, per triennium remisisti: tibi apud eosdem pri-  
 uatim nauis oneraria maxima publice est edificata: tu à  
 ciuitatibus pecunias classis nomine coegisti: tu pretio re-  
 miges dimisisti: tu, cum nauis esset à Quæstore, & ab Le-  
 gato capta prædonum, archipiratam ab omnium oculis  
 remouisti: tu, qui ciues R. esse dicerentur, qui à multis co-  
 gnoscerentur, securi ferire potuisti: tu tuam domum pi-  
 ratas abducere, in iudicium archipiratam domo produ-  
 cere ausus es: tu in prouincia tam splendida, apud socios  
 fidelissimos, ciues R. honestissimos, in metu periculoq[ue] pro-  
 uinciæ dies continuos complures in litore conuiujsq[ue] iacui-  
 uisti: te per eos dies nemo domi tuæ conuenire, nemo in  
 foro uidere potuit: tu sociorum atq[ue] amicorum ad ea cõ-  
 uicia matres familias adhibuisti: tu inter eiusmodi mulie-  
 res prætextatum tuum filium, nepotem meum collocaui-  
 sti, ut ætati maxime lubricæ atq[ue] incertæ exempla nequi-  
 tiæ parentis uita præberet: tu Prætor in prouincia cum  
 tunica pallioq[ue] purpureo uisus es: tu propter amorē libi

dinemq; tuam, imperium nauium Legato populi R. ademi-  
 misti, Syracusano tradidisti: tui milites in provincia Sici-  
 lia frugibus, frumentoq; caruere: tua luxuria atq; auaritia  
 classis populi R. capta et incensa est: post Syracusas  
 conditas quem in portu nunquam hostis accesserat, in eo te  
 Pratore primum pirata nauigauerunt. neq; hæc tot tan-  
 taq; dedecora dissimulatione tua, neq; obliuione hominum  
 ac taciturnitate tegere uoluisti: sed etiam nauium præfe-  
 ctos sine ulla causa de cōplexu parentum suorum, hospi-  
 tumq; tuorum ad mortem cruciatumq; rapuisti: neq; in  
 parentum luctu atq; lacrymis te mei nominis cōmemo-  
 ratio mitigauit: tibi hominum innocentium sanguis non  
 modo uoluptati, sed etiam quæstui fuit. Hæc si tibi tuus  
 parens diceret: posses ab eo ueniam petere? posses, ut tibi  
 ignosceret, postulare? Satis est factum Siculis, satis officio  
 ac necessitudini iudices, satis promisso muneri ac rece-  
 pto. reliqua est ea causa iudices, quæ nō iam recepta, sed in-  
 nata; neq; delata ad me, sed in anima sensuq; meo peni-  
 tus affixa atq; insita est: quæ non ad sociorum salutem,  
 sed ad ciuium R. hoc est ad uniuscuiusq; nostrum uitam  
 et sanguinem pertinet. In qua nolite à me, quasi dubium  
 sit aliquid, argumenta iudices expectare. omnia, quæ dia-  
 cam de supplicio ciuium R. sic erunt clara et illustra,  
 ut ad ea probanda totam Siciliam testem adhibere pos-  
 sim. furor enim quidam sceleris et audaciæ comes, istius  
 effrenatum animum, importunamq; naturam tanta oppressit  
 amētia, ut nunquam dubitaret in cōuentu palam supplicia,  
 quæ in cōiectos maleficij seruos constituta sunt, ea in ci-  
 ues R. expromere. uirgis quam multos ceciderit, quid ego  
 cōmemorē? tantum breuissime dico iudices. nullum fuit omnia

nō isto. Prætor in hoc genere discriminē. Itaq; iam consue-  
tudinē ad corpora ciuū R. etiā sine istius nutu ferebatur  
manus ipsa lictoris. Num potes hoc negare Verres? in fo-  
ro Lilybæi, maximo conuentu, C. Seruiliū ciuē R. in  
conuentu Panormitano ueterem negotiatorem, ad tribu-  
nal, ante pedes tuos, ad terrā uirgis & uerberibus abie-  
ctum? aude hoc primum negare, si potes. nemo Lilybæi  
fuit, quin uiderit: nemo in Sicilia, quin audierit. Plagis  
confectū dico à lictoribus tuis ciuē R. ante oculos tuos  
concidisse: ob quam causam dū immortales? tametsi iniu-  
riam facio cōmuni causæ, & iuri ciuitatis: quasi enim  
possit esse ulla causa, cur hoc cuiquam ciui R. iure acci-  
dat; ita quero, quæ in Seruilio causa fuerit. ignoscite in  
hoc uno iudices: in cæteris enim nō magnopere causas re-  
quiram. Locutus erat liberius de istius improbitate atq;  
nequitia. quod isti simul ac renunciatum est, hominem iu-  
bet. Lilybæum uadimonium Venerio seruo promittere.  
promittit. Lilybæum uenitur. cogere eum cœpit, cum a-  
geret nemo, nemo postularet, HS duobus millibus spon-  
sionem facere cum lictore suo, nī furtis quæstū faceret.  
Recuperatores de cohorte sua dicit daturum. Seruilius  
& recusare, & deprecari, ne iniquis iudiciis, nullo ad  
uersario, iudiciū capitis in se constitueretur. Hæc cum  
maximē loqueretur, sex lictores circumsistunt. ualentissi-  
mi, & ad pulsandos uerberandosq; homines exercitatissi-  
mi: cedunt acerrime uirgis: deniq; proximus lictor (de  
quo sæpē iam dixi) Sestius, conuerso bacillo oculos mise-  
ro tondere uehementissime cœpit. itaq; illi cum sangui-  
os oculosq; compleisset, concidit: cū illi nihilo minus iacen-  
ti latera tunderentur: ut aliquando spondere se diceret.

sic ille affectus illinc tum pro mortuo sublatus, breui  
 postea est mortuus. iste autē homo Venerius, & affluens  
 omni lepore, & uenustate, de bonis illius in aede Veneris  
 argenteū Cupidinem posuit. sic etiam fortunis hominum  
 abutebatur ad nocturna nota cupiditatum suarū. nam  
 quid ego de ceteris ciuiū R. supplicijs sigillatim potius,  
 quā generatim, atq; uniuerse loquar? carcer ille, qui est  
 a crudelissimo tyranno Dionysio factus Syracusis, quæ  
 Lautumia uocantur, in istius imperio domiciliū ciuium  
 R. fuit. ut quisq; istius animum, aut oculos offenderat, in  
 Lautumias statim coniciebatur. indignū hoc uideo uide-  
 ri omnibus iudices: et id iam priore actione, cum hæc te-  
 stes dicerent, intellexi: retineri. n. putatis oportere iura li-  
 bertatis nō modo hic, ubi Tribuni pl. sunt, ubi ceteri ma-  
 gistratus, ubi plenum forum iudiciorum, ubi senatus au-  
 ctoritas, ubi existimatio populi R. & frequentia: sed ubi-  
 cunq; terrarū, et gentium uiolatum ius ciuium R. sit, sta-  
 tuitis id pertinere ad cōmunem causam libertatis & di-  
 gnitatis. in externorum hominū et maleficorum, scelera-  
 torumq; in prædonum hostiumq; custodias tu tantū nu-  
 merum ciuiū R. includere ausus es? nunquā ne tibi indi-  
 cū, nunquā concionis, nunquam huius tantæ frequentie,  
 quæ nūc animo te iniquissimo infestissimoq; intuetur, ue-  
 nit in mentem? nunquā tibi populi R. absentis dignitas,  
 nunquā species ipsa huiusmodi multitudinis, in oculis  
 animoq; uersata est? nunquā te in horū conspectum rea-  
 diturum, nunquā in forum populi R. uēturum, nūquam  
 sub legum & iudiciorum potestatem casurum esse pu-  
 tastis? at quæ erat ista libido crudelitatis exercenda? quæ  
 tot scelerum suscipiendorum causa? nulla iudices, præ-

ter prædandi nouam singularemq; rationem. nam ut il-  
 li, quos à poetis accipimus, sinus quosdam obsedisse ma-  
 ritimos, aut aliqua promontoria, aut prærupta saxa te-  
 nuisse dicuntur, ut eos, qui essent appulsi nauigij, interfi-  
 cere possent: sic iste in omnia maria infestus ex omnibus  
 Siciliæ partibus imminebat. quæcunq; nauis ex Asia, quæ  
 ex Syria, quæ Tyro, quæ Alexandria uenerat, statim cer-  
 tis indicibus & custodibus tenebatur: uectores omnes in  
 Lautumias conijciebantur: onera atq; merces in Præto-  
 riam domum deferiebantur. uersabatur in Sicilia longo  
 interuallo alter, non Dionysius ille, nec Phalaris (tulit. n.  
 illa quondam insula multos & crudeles tyrannos) sed  
 quoddam nouum monstrum, ex uetere illa immanitate,  
 quæ in iisdem locis uersata esse dicitur: non enim Caryb-  
 din tam infestâ, neq; Scyllam nautis, quàm istum in eo-  
 dem freto fuisse arbitror: hoc etiam iste infestior, q̃ mul-  
 to se pluribus et maioribus canibus succinxerat. Cyclops  
 alter, multo importunior. hic enim totam insulam obtine-  
 bat: ille Aetnam solam, & eam Siciliæ partem tenuisse  
 dicitur. at quæ causa tum subijciebatur ab ipso indices  
 huius tam nefariæ crudelitatis? eadem quæ nunc in de-  
 fensione commemorabitur. quicunq; accesserant ad Sici-  
 liam paulo pleniores, eos Sertorianos milites esse, atq; à  
 Dianio fugere dicebat. illi ad deprecandum periculum  
 proferebant alij purpuram Tyriam: eius alij atq; odo-  
 res, uestemq; linream: gemmas alij, & margaritas: uina  
 nonnulli Græca, uenalesq; Asiaticos: ut intelligeretur ex  
 mercibus, quibus ex locis nauigarent. nō intelligebant eas  
 ipsas sibi causas esse periculi, quibus adiumentis se ad sa-  
 lutem uti arbitrabantur. iste, n. hæc eos ex piratarum so-

cietate adeptos esse dicebat : ipsos in Lautumias abducti  
 imperabat : naues eorum atq; onera diligenter asseruan-  
 da curabat. his institutis cum cōpletus iam mercatorum,  
 carcer esset, tum illa fiebant, quæ L. Suetium equitem R.  
 lectissimum uirum dicere audistis, quæ ceteros audietis  
 ceruices in carcere frangebantur indignissime ciuiū R.  
 ut etiam illa uox, & illa imploratio, ciuis R. sum, quæ se-  
 pe multis in ultimis terris opem inter barbaros & salu-  
 tem tulit, ea mortem illis acerbiores, & supplicium ma-  
 turius ferret. quid est Verres? quid ad hæc cogitas respon-  
 dere? num mentiri me? num fingere aliquid? num au-  
 gere crimen? num quid horum dicere istis defensoribus  
 tuis audes? cedo mihi quæso ex ipsius sinu literas Syracu-  
 sanorum, quas iste ad arbitrium suum cōfectas esse arbi-  
 tratur. cedo rationem carceris, quæ diligētissime confici-  
 tur, quo quisq; die datus in custodiam, quo mortuus, quo  
 necatus sit. **L I T E R A E S Y R A C V S A N O R V M.**  
 Videtis ciues R. gregatim coniectos in Lautumias: uidetis  
 indignissimo in loco coaceruatam multitudinem uestro-  
 rum ciuiū. querite nunc uestigia, quibus exitus illorum  
 ex illo loco cōpareant. nulla sunt. omnes ne mortui? si ita  
 posset defendere, tamen fides huic defensioni non habere-  
 tur. sed scriptum extat in iisdem literis, quod iste homo  
 barbarus ac dissolutus neq; attendere unquā, neq; intelli-  
 gere potuit. *ἡ δὲ ἰστορία*, inquit, hoc est, ut Siculi loquun-  
 tur, supplicio affecti ac necati sunt. si quis Rex, siqua ciui-  
 tas exterarum gentium, siqua natio fecisset aliquid in ci-  
 uē R. eiusmodi, nō ne publice uindicaremus? nō bello per-  
 sequeremur? possemus hæc iniuriā ignominiamq; nominis  
 R. inultā impunitamq; dimittere? quot bella maiores no-

stros, et quanta suscepisse arbitramini, q̄ ciues R. iniuria affecti, q̄ nauicularij retenti, q̄ mercatores spoliati dice rentur? at ego retentos non queror: spoliatos ferendū pu to: nauibus, mancipijs, mercibus ademptis in uincula con iectos esse mercatores, & in uinculis ciues R. necatos esse arguo. Si hæc apud Scythas dicerem, nō hic in tanta mul titudine ciuium R. non apud senatores lectissimos ciuita tis, non in foro populi R. de tot & tam acerbis supplicijs ciuium R. tamen animos etiam barbarorum hominum permouerem. tanta enim huius imperij amplitudo, tan ta nominis R. dignitas est apud omnes nationes, ut ista in nostros homines crudelitas nemini concessa uideatur. Nū ego tibi ullam salutem, ullum per fugium putem, cum te implicatum seueritate iudicij, circūretitum frequentia populi R. esse uideam? Si mehercules ( id quod fieri in telligo non posse ) ex his laqueis te exueris, ac te aliqua ui ac ratione explicaris, in illas tibi maiores plagas inciden dum est, in quibus te ab eodem me, superiore ex loco con fici & concidi necesse est. cui si etiam, id quod defendit, uelim concedere: tamen illa ipsa defensio non minus esse ei pernicioſa, quā mea uera accusatio debeat. quid. n. defendit? ex Hispania fugientes se excepisse, & suppli cio affecisse dicit. quis tibi id permisit? quo id iure feci sti? quis idem fecit? qui tibi id facere licuit? forum ple num, & basilicas istorum hominum uidemus, & animo æquo uidemus. ciuiliſ enim diſſenſionis, & siue amentia, siue fati, seu calamitatis non est iste molestus exitus: in quo reliquos saltem ciues incolumes licet conseruare. Ver res ille uetus proditor Consulis, translator Questuræ, auersor pecuniæ publicæ, tātum sibi auctoritatis in Rep.



suscepit, ut quibus hominibus per senatum, per populum R. per omnes magistratus in foro, in suffragiis, in hac urbe, in Rep. uersari liceret, ijs omnibus mortem acerbam crudellemq; proponeret, si fortuna eos ad aliquam partem Siciliae detulisset. ad Cn. Pompeium clarissimum uirum & fortissimum permulti occiso Perperna ex illo Sertoriano numero militum confugerunt. quem non ille summo cum studio saluum incolumemq; seruauit? cui ciui supplici non illa dextera inuicta & fidem porrexit, & spem salutis ostendit? ita ne uero? quibus fuit portus apud eum, contra quem arma tulerunt; ijs apud te, cuius nullum in Rep. unquam monumentum fuit, mors & cruciatus erat constitutus? uide, quam commodam defensionem excogitaris. malo, malo mehercules id, quod tu defendis, his iudiciis populoq; R. quam id, quod ego insimulo, probari. malo inquam, te isti generi hominum, quam mercatoribus & nauicularijs inimicum atq; infestum putari. meum enim crimen auaritiæ te nimis coarguit: tua defensio furoris cuiusdam, & immanitatis, et inaudite crudelitatis, & penè nouæ proscriptionis. sed non licet me isto tanto bono iudices uti, non licet. adsunt enim Puteoli toti: frequentissimi uenerunt ad hoc iudicium mercatores, homines locupletes atq; honesti, qui partim socios suos, partim liberos ab isto spoliatos, in uincla coniectos, partim in uinclis necatos, partim securi percussos esse dicent. hic uide quam me sis usurus æquo. cum ego P. Granium testem produxero, qui suos liberos à te securi percussos esse dicat, qui à te nauem suam, mercesq; repetat: refellito si poteris: meum testem desiram, tibi fauebo, te inquam adiuuabo: ostendito illos cum Ser

torio fuisse, à Dianio fugientes ad Siciliam esse delatos. nihil est quod te malim probare. nullum. n. facinus, quod maiore supplicio dignū sit, reperiri, neq; proferri potest. reducam iterum equitem R. L. Flaviū. si uoles, quoniam priore aēione, ut patroni tui dīctitant, noua quadam sapientia; ut omnes intelligunt, cōscientia tua atq; auctōritate meorum testiū, testem nullum interrogasti: interrogetur Flavius, si uoles, quinā fuerit L. Herēnius is, quem ille argentariā Lepti fecisse dicit: qui cum amplius centum ciues R. haberet ex cōuentu Syracusarū, qui eum nō solum cognoscerent, sed etiā lacrymantes, ac te implorantes defenderent; tamen à te inspectantibus omnibus Syracusanis securi percussus est. hunc quoq; testem meū refelli, & illum Herēnium Sertorianū fuisse abs te demonstrari, & probari uolo. quid de illa multitudine dicemus eorum, qui capitibus inuolutis in piratarū captiuorumq; numero producebantur, ut securi ferirentur? quæ ista noua diligentia? quā ob causam abs te cogitata? an te L. Flauij, ceterorumq; de L. Herennio uociferatio cōmouebat? an M. Annij grauissimi atq; honestissimi uiri summa auctōritas paulo diligentiore timidioremq; fecerat? qui nuper pro testimonio, nō aduenam nescio quē, nec alienum, sed eum ciuem R. qui omnibus in illo cōuentu notus, qui Syracusus natus esset, à te securi percussum esse dixit. post hāc illorum uociferationem, post hanc cōmunem famam atq; querimoniam non mitior in supplicio, sed diligentior esse cōpit. capitibus inuolutis ciues R. ad necem producere instituit. quos tamen iccirco necabat palām, q̄ homines in conuentu (id quod antea diximus) nimium diligenter prædonum numerum requirebant.

hæcine plebi R. te Prætor est constituta cōditio: hæc negotij gerendi spes: hoc capitis, uitæq; discrimen? parum ne multa mercatoribus sunt necessario pericula subcunda fortuna, nisi etiā hæc formidines ab nostris magistratibus atq; in nostris provinciis impendebunt? ad eam ne rem fuit hæc suburbana ac fidelis provincia Sicilia plena optimorū sociorum, & honestissimorum ciuium R. ciues R. omnes suis ipsa sedibus libētissime semper accepit, ut, qui usq; ex ultima Syria atq; Aegypto nauigarēt, qui apud barbaros propter togæ nomen in honore aliquo fuissent, qui ex prædonū insidijs, qui ex tempestatum periculis profugissent, in Sicilia securi ferirentur, cum se iam domū uenisse arbitrarētur? nam quid ego de P. Gauiō Consano municipe dicam iudices? aut qua ui uocis, qua grauitate uerborū, quo dolore animi dicam? tametsi dolor me nō deficit, ut, cætera mihi in dicendo digna re, digna dolore meo suppetāt, magis elaborādum est, quod crimen eiusmodi est, ut, cum primum ad me delatu est, usurum me illo nō putarem: tametsi. n. uerissimū esse intelligebam, tamen credibile fore non arbitrabar. coactus lacrymis omniū ciuium R. qui in Sicilia negotiātur: adductus Valentinorum hominum honestissimorū testimonijs, omniumq; Rhegynorū, multorumq; equitum R. qui casu tum Messana fuerunt, dedi tantum priore actione testimonium, res ut nemini dubia esse posset. quid nunc agam? cum iam tot horas de uno genere ac de istius nefaria crudelitate dicam, cum propè omnem uim uerborum eiusmodi, quæ scelere istius digna sunt, alijs in rebus cōsumpserim, neq; hoc prouiderim, ut uarietate criminū nos attentos tenerem, quemadmodum de tāta re dicam.

opinor unus modus atq; una ratio est. rem in medio ponam : quæ tantū habet ipsa grauitatis, ut neq; mea, quæ nulla est : neq; cuiusquam, ad inflammandos uestros animos eloquentia requiratur. Gaius hic, quem dico, Consanus, cum illo numero ab isto in uincula coniectus esset, et nescio qua ratione clam e Latomys profugisset, Messanamq; uenisset, qui propè iam Italiam, & moenia Rhegynorū uideret, & ex illo metu mortis ac tenebris, quasi luce libertatis, & odore aliquo legum recreatus, renixisset : loqui Messanæ coepit, & queri, se ciuem R. in uincula esse coniectum, sibi recta iter esse Romā, Verri se præsto aduenienti futurū. non intelligebat miser, nihil interesse, utrum hæc Messanæ, an apud ipsum in pratorio loqueretur. nam, ut ante uos docui, hanc sibi iste urbem delegerat, quam haberet adiutricem scelerum, furtorum recepticem, flagitiorum omnium sociam. itaq; ad magistratum Mamertinū statim deducitur Gaius, eoq; ipso die casu Messanam Verres uenit. res ad eum deferitur, esse ciuem R. qui se Syracusis in Latomys fuisse quereretur : quem iam ingredientem nauem, & Verri nimis atrociter minitantem, à se retractum esse, & asseruatū, ut ipse in eū statueret, quod uideretur. agit hominibus gratias, & eorum erga se beneuolentiam diligētiamq; collaudat. ipse inflamatus scelere & furore, in forum uenit. ardebant oculi : toto ex ore crudelitas eminebat : expectabāt omnes quo tandem progressurus, aut quidnam acturus esset : cum repente hominem proripi atq; in foro medio nudari, ac deligari, & uirgas expediri iubet. clamabat ille miser, se ciuem esse R. municipem Consanum, meruisse se cum L. Pretio splendidissimo equite R. qui Panormi negotiaretur,

negotiaretur, ex quo hac Verres scire posset. tum iste se comperisse ait, eum speculandi causa in Siciliam abduci bus fugitiuorum esse missum: cuius rei neq; index, neque uestigium aliquod, neq; suspicio cuiquam esset ulla. deinde iubet undiq; hominem proripi, uehementissimeq; uerberari. Cedebarur uirgis in medio foro Messanae ciuis R. iudices, cum interea nullus gemitus, nulla uox alia istius miseri inter dolorem, crepitumq; plagarum audiebatur, nisi hac. ciuis R. sum. hac se commemoratione ciuitatis omnia uerba depulsurum, cruciatum à corpore deieturum arbitrabatur. is non modo hoc non perfecit, ut uirgarum uim deprecaretur, sed cū imploraret sepius, usurparetq; nomen ciuitatis, crux, crux inquam infelici & arumoso, qui nunquam istam potestatem uiderat, comparabatur. ò nomen dulce libertatis: ò ius eximium nostrae ciuitatis: ò lex Porcia, legesq; Semproniae: ò graui ter desiderata, & aliquando reddita plebi Romanae Tribunitia potestas: hucine tandem omnia reciderunt? ut ciues R. in prouincia populi R. in oppido fœderatorum, ab eo, qui beneficio populi R. fasces & secures haberet, deligatus in foro uirgis cederetur? quid cum ignes, candentesq; laminae, ceteriq; cruciatus admouebantur? si te illius acerba imploratio, & uox miserabilis non inhibebat: ne ciuium quidem Romanorum, qui tum aderant, fletu & gemitu maximo commouebare? in crucem tu agere ausus es quenquam, qui se ciuem R. esse diceret? nolui tam uehementer agere hoc prima actione iudices, nolui: uidi stis enim ut animi multitudinis in istum dolore, & odio, & communis periculi metu concitarentur. statui egomet mihi tum modum orationi meae, & C. Numitorio

equiti R. primario homini, testi meo: & Glabrimonem id, quod sapiētissime fecit, facere latatus sum, ut repente cōsilio in medio testem dimitteret. etenim uerebatur, ne populus R. ab isto eas pœnas ui repetisse uideretur, quas, ueritus esset, ne iste legibus & uestro iudicio non esset persoluturus. nunc quoniam iam exploratum est omnibus, quo loco causa tua sit, & quid de te futurum sit: sic tecum agam. Gaium istum, quem repentinum speculatorem fuisse dicis, ostendam in Lautumias. Syracusis à te esse coniectum: neq; id solum ex literis ostendam Syracusanorum, ne possis dicere me, quia sit aliquis in literis Gaius, hoc fingere, & eligere nomen, ut hunc illū esse possim dicere: sed secūdum arbitrium tuum testes dabo, qui istum ipsum Syracusis abs te in Lautumias coniectum esse dicant. producam etiam Cōsanos, municipes illius ac necessarios, qui te nunc serā doceant, iudices, non sero, illum P. Gaium, quem tu in crucem egisti, ciuem R. & municipem Consanum, non speculatorem fugitiuorum fuisse. cum hæc omnia, quæ polliceor, cumulate tuis proximis plana fecero: tum istuc ipsum tenebo, quod abs te mihi datur. eo contentum me esse dicam. quid enim nuper tu ipse, cum populi R. clamore atq; impetu perturbatus exiuiisti, quid inquam locutus es? illum, q̃ morā supplicio quæreret, ideo clamitasse, se esse ciuem R. sed speculatore fuisse. iam mei testes ueri sunt. quid. n. dicit aliud C. Numitorius? quid M. & P. Corij nobilissimi homines, ex agro Taurominitano? quid Q. Luceius? qui argentariam Rhegy maximam fecit? quid. n. ceteri? adhuc. n. tefles ex eo genere à me sunt dati, nō qui norisse Gaium, sed qui se uidisse dicerent, cum is, qui se ciuem R. esse cla-

maret, in crucem ageretur. hoc tu Verres idem dicis, hoc  
 tu cōfiteris, illum clāmīasse se ciuem esse Romanum: ap-  
 pud te nomen ciuitatis ne tātum quidem ualuisse, ut di-  
 lationem aliquam crucis, ut crudelissimi tēterrimiq; sup-  
 plicij aliquam paruam moram saltem posset afferre. hoc  
 teneo, hic hāreo iudices, hoc sum cōtentus uno. omitto ac  
 negligo cetera: sua cōfessione induatur ac iuguletur. ne-  
 cesse est, qui esset, ignorabas? speculatorem esse sufficabas  
 res? non quero, qua suspitione: tua te accuso oratione. ciuē  
 R. se esse dicebat. si tu apud Persas, aut in extrema India  
 deprehensus Verres, ad supplicium ducere: quid aliud  
 clāmīares, nisi te ciuem esse Romanum? & si tibi ignoto:  
 apud ignotos, apud barbaros, apud homines in extremis:  
 atq; ultimis gentibus positos, nobile & illustre apud o-  
 mnes nomē tuā ciuitatis profuisset: ille, quisquis erat, quē  
 tu in crucem rapiebas, qui tibi esset ignotus, cum ciuem  
 se R. esse diceret, apud te Pratorem si non effugium, ne-  
 moram quidem mortis mentione atq; usurpatione ciui-  
 tatis assequi potuit? homines tenuēs, obscuro loco nati na-  
 uigant: adeunt ad ea loca, quā nunquā antea uiderunt:  
 ubi neq; noti esse ijs, quod uenerunt, neq; semper cum co-  
 gnitoribus esse possunt. hac una tamen fiducia ciuitatis  
 non modo apud nostros magistratus, qui & legum &  
 existimationis periculo continentur: neq; apud ciues solū  
 Romanos, qui & sermonis, & iuris, & multarū rerum  
 societate iuncti sunt, fore se tutos arbitrātur: sed quocū-  
 que uenerint, hanc sibi rem praesidio sperant esse futu-  
 rum. tolle hanc spem, tolle hoc praesidium ciuibz Roma-  
 nis: constitue nihil esse opis in hac uoce, ciuis R. sum: posse  
 impune Pratorem, aut alium quemlibet supplicium,



quod uelit, in eum constituere, qui se ciuem R. esse dicat, quod quis ignoret: iam omnes prouincias, iam omnia regna, iam omnes liberas ciuitates, iam omnem orbem terrarum, qui semper nostris hominibus maxime patuit, ciuibus R. ista defensione præcluseris. Quid si L. Pretium equitem R. qui tum in Sicilia, nominabat? etiã ne id magnum fuit? Panormum literas mittere, asseruasse hominem, custodijs Mamertinorum tuorũ uinctum, clausum habuisse, dum Panormo Pretius ueniret: cognosceret hominem: aliquid de summo supplicio remitteres. si ignoraret: tum, si ita tibi uideretur, hoc iuris in omnes constitueres: ut qui neq; tibi notus esset, neq; cognitorem locupletẽ daret, quãuis ciuis R. esset, in crucẽ tolleretur. sed quid ego plura de Gauio? quasi tu Gauio tum fueris infestus, ac non nomini generi, iuri ciuium hostis. non illi inquam homini, sed causæ cõmuni libertatis inimicus fuisti. quid enim attinuit, cũ Mamertini more atq; instituto suo crucem fixissent post urbem, in uia Pompeia: te iubere in ea parte figere, quæ ad fretum spectaret? Hoc addere, quod negare nullo modo potes, quod omnibus audientibus dixisti palã, te iccirco illum locũ deligere; ut ille, qui se ciuem R. esse diceret, ex cruce Italiã cernere ac domũ suam prospicere posset: itaq; illa crux sola iudices post cõditam Messanam illo in loco fixa est. Italiæ cõspectus ad eam rem ab isto delectus est, ut ille in dolore cruciatuq; moriens, per angustio freto diuisa seruitutis, ac libertatis iura cognosceret: Italia autem alumnum suum, seruitutis extremo summoq; supplicio affectum uideret. Facinus est, uinciri ciuem R. scelus, uerberari: propè parricidium necari: quid dicam in crucem tollere? uerbo satis digno

tam nefaria res appellari nullo modo potest. non fuit his omnibus iste cōtentus. Spectet, inquit, patriam: in conspe-  
ctu legum libertatisq; moriatur. non tu hoc loco Gaiū,  
non unum hominem nescio quem ciuem R. sed commu-  
nem libertatis, & ciuitatis causam in illum cruciatum,  
& crucem egisti. iam uero uidete hominis audaciam. nō  
ne cum grauer tulisse arbitramini, q̄ illam ciuib; R.  
crucem non posset in foro, non in comitio, non in rostris  
defigere? quod enim his locis in prouincia sua celebritate  
simillimum, regione proximum, potuit, elegit: monimen-  
tum sceleris audaciæq; suæ uoluit esse in cōspectu Italiae,  
uestibulo Siciliae, præteruentione omnium, qui ultro citroq;  
nauigarent. Si hæc non ad ciues R. non ad aliquos amis-  
cos nostræ ciuitatis, non ad eos, qui populi R. nomen au-  
dissent; deniq; si non ad homines, uerum ad bestias; aut  
etiam, ut longius progrediar, si in aliqua desertissima so-  
litudine ad saxa & ad scopulos hæc conqueri & deplo-  
rare uellem: tamen omnia muta atq; inanima, tanta &  
tam indigna rerum atrocitate cōmouerentur. nunc ues-  
ro cum loquar apud senatores populi R. legum iudicio-  
rumq; & iuris auctores, timere non debeo, ne non unus  
iste ciuis R. illa cruce dignus, ceteri omnes simili pericu-  
lo indignissimi iudicentur. paulo ante iudices lacrymas in  
morte misera atq; indignissima Nauarchorum non tene-  
bamus, & recte ac merito sociorum innocentium misera-  
ria cōmouebamur. quid nunc in nostro sanguine tādē  
facere debemus? nam ciuium R. sanguis coniunctus exi-  
stimandus est, quoniam id & salutis omnium ratio, &  
ueritas omnium postulat. omnes hoc loco ciues R. & qui  
adsunt, & qui ubicunq; sunt, uestrā seueritatem deside-

rant, uestram fidem implorant, uestrum auxilium requirunt: omnia sua iura, cōmoda, auxilia, totam deniq; libertatem in uestris sententijs uersari arbitrantur. à me, tã= et si satis habent, tamen, si res aliter acciderit, plus habebunt fortasse, quàm postulant: nam & si qua uis istum de uestra seueritate eripuerit, id quod neq; metuo iudices, neq; ullo modo fieri posse uideo: sed si in hoc me ratio fefellerit, Siculi causam suam perisse querentur, & mecum pariter moleste ferent: populus quidem Romanus breui, quoniam mihi potestatem apud se agēdi dedit, ius suum, me agente, suis suffragijs ante Cal. Feb. recuperabit. ac si de mea gloria & amplitudine queritis iudices: non est alicuius meis rationibus, istum mihi ex hoc iudicio ereptum ad illud populi R. iudicium reservari. splendida est illa causa, probabilis mihi & facilis, populo grata atque iucunda. Denique si uideor hic, id quod ego non quæsiui, de uno isto uoluisse crescere: isto absoluto, quod sine multorum scelere fieri non potest, de multis mihi crescere licebit. sed mehercules uestra rei q; publicæ causa iudices nolo in hoc delecto consilio tātum flagitium esse cōmissum: nolo eos iudices, quos ego probarim atq; delegerim, sic in hac urbe notatos isto absoluto ambulare, ut non cæra, sed cæno obliti esse uideātur. quamobrem te quoq; Hortensi, quia monendi locus est, ex hoc loco moneo, uideas etiam atq; etiam, & consideres, quid agas, quò progrediare, quē hominem, & qua ratione defendas. neq; de illo quicquam tibi præsinio, quo minus ingenio mecum atq; omni dicendi facultate contendas. cætera, si qua putas te occultius extra iudicium, quæ ad iudicium pertinent, facere posse: si quid artificio,

consilio, potentia, gratia, copijs istius moliri cogitas: magnopere censeo desistas: & illa, quæ tētata iam, & cōcepta ab isto sunt, à me autē peruestigata & cognita, moneo ne extinguas, & longius progredi ne sinas. magno tuo periculo peccabitur in hoc iudicio, maiore quàm putas. quòd enim te liberatum iam existimationis metu, defunctum honoribus, designatum Cos. cogites: mihi crede ornamenta ista, & beneficia populi R. non minore negotio retinentur, quàm comparantur. tulit hæc ciuitas, quoad potuit, quoad necesse fuit, regiam istam uestram dominationem in iudicijs, & in omni Republica tulit. sed quo die populo R. Tribuni pl. restitui sunt, omnia ista uobis ( si forte nondum intelligitis ) adempta atque erepta sunt. omnium nunc oculi coniecti sunt hoc ipso tempore in unumquenq; nostrum, qua fide ego accusem, qua religione ij iudicet, qua tu rōne defendas. de omnibus nobis, si quis tantulū de reēla regione deflexerit, non illa tacita existimatio, quā antea continere solebatis, sed uehemens ac liberū populi R. iudicium consequetur. nulla tibi Quinte cū isto cognatio est, nulla necessitudo: quibus excusationibus antea nimium in aliquo iudicio studiū tuum defendere solebas, earū habere in hoc homine nullā potes. quæ iste in prouincia palā dictitabat, cū ea, quæ faciebat, tua se fiducia facere dicebat: ea ne uera putentur, tibi maxime est prouidendū. ego mei iam rōnem officij cōfido esse omnibus iniquissimis meis persolutā. nā istū paucis horis primæ actionis omniū mortalīū sententys condēnaui. reliquū iudicium nō iam de mea fide, quæ perspecta est: neq; de istius uita, quæ dānata est: sed de iudicijs, &, uere ut dicam, de te futurum est. at quo

tempore futurum est? nam id maxime providendum est.  
 etenim cum omnibus in rebus, tum in Rep. permagni mo-  
 menti est ratio atque inclinatio temporum. nempe eo,  
 cum populus R. aliud genus hominum atque alium or-  
 dinē ad res iudicandas requirit: nempe ea lege de iudicijs  
 iudicibusq; nobis promulgata, quam nō is promulgavit,  
 cuius nomine proscriptam uidetis, sed hic reus. hic inquā  
 sua spe atq; opinione, quam de uobis habet, legem illam  
 scribendam promulgandamq; curauit. itaq; cum primo  
 agere cœpimus, lex non erat promulgata: cū iste uestra  
 seueritate permotus, multa signa dederat, quamobrem  
 responsurus non uideretur, mentio de lege nulla fiebat.  
 posteaquam iste recreari & confirmari uisus est, lex sta-  
 tim promulgata est: cui legi cum uestra dignitas uehe-  
 menter aduersaretur, istius spes falsa & insignis impu-  
 dentia maxime suffragatur. Hic si quid erit cōmissum  
 à quoquam uestrum, quod reprehendatur: aut populus  
 R. iudicabit de eo homine, quem iam antea iudicijs indi-  
 gnum putauit; aut ij, qui propter offensionem iudicio-  
 rum de ueteribus iudicibus lege noua noui iudices erunt  
 constituti. mihi porro, ut ego non dicam, quis omnium  
 mortalium non intelligit, quā longe progredi sit neces-  
 se? potero silere Hortensi? potero dissimulare? cum tātum  
 Resp. uulnus acceperit, ut expilatae prouinciæ, uexati so-  
 cii, dii immortales spoliati, ciues R. cruciati & necati im-  
 pune me actōre esse uideantur? potero hoc onus tantum  
 aut in hoc iudicio deponere, aut diutius tacitus sustine-  
 re? non agitata res erit? nō in medium proferenda? non  
 populi R. fides imploranda? non omnes, qui tanto se scele-  
 re obstrinxerint, ut aut fidem suā corrupti pateretur, aut

iudicium corrumpere, in discrimen ac iudicium uocan-  
 di? quæret aliquis fortasse: tantum ne igitur laborem,  
 tantas inimicitias, tot hominum suscepturus es? non stu-  
 dio quidem hercule ullo, neque uoluntate. sed non idem mi-  
 hi licet, quod is, qui nobili genere nati sunt: quibus omnia  
 populi R. beneficia dormientibus deferuntur: longe alia  
 mihi lege in hac ciuitate, et cōditione uiuendum est. ue-  
 nit enim mihi in mentem M. Catonis hominis sapientissi-  
 mi: qui cum se uirtute, non genere populo R. cōmenda-  
 ri putaret, cum ipse sui generis initium ac nominis ab se  
 gigni et propagari uellet, hominum potentissimorum su-  
 scipit inimicitias, et maximis in laboribus usque ad sum-  
 mam senectutem summa cū gloria uixit. posteaque Pōpe-  
 ius humili atque obscuro loco natus, nō ne plurimis inimi-  
 citiis, maximisque suis periculis ac doloribus amplissimos  
 honores est adeptus? modo L. Fimbriam, C. Marium, C.  
 Celiū uidimus nō mediocribus inimicitiiis ac laboribus  
 contendere, ut ad istos honores peruenirent, ad quos uos  
 per ludum et per negligentiam peruenistis. hæc eadem  
 est nostræ rationis regio et uia: horum nos hominū se-  
 clam atque instituta persequimur. uidemus quanta sit in-  
 inuidia, quantoque in odio apud quosdam homines nobiles  
 nouorum hominū uirtus et industria: si tantulum ocu-  
 los deiecerimus, præsto esse insidias: si ullum locū aperue-  
 rimus suspiciōi aut crimini, accipiendū esse statim uulnus:  
 esse nobis semper uigilandū, semper laborandū uidemus. ini-  
 micitiæ sunt, subeātur: labores, suscipiātur. etenim tacite  
 magis et occultæ inimicitie timēdæ sunt, quā indictæ et  
 apertæ. hominū nobiliū nō ferè quisquā nostræ industrie  
 fauet, nullis nostris officiis beneuolentiā illorū allicere pos-

sumus: quasi natura & genere disiuncti sint, ita dissident à nobis animo ac uoluntate. quare quid habent eorum inimicitia periculi, quorum animos iam ante habueris inimicos et inuidos, quam ullas inimicitias susceperis? quamobrem mihi iudices optandū est illud, in hoc reo finem accusandi facere, cum & populo R. satisfactum, et receptum officiū Siculis necessarijs meis erit persolutum. deliberatum autem est, si res opinionem meā, quā de uobis habeo, sefellerit, non modo eos persequi, ad quos maxime culpa corrūpendi iudicij, sed etiā illos, ad quos cōscientiæ cōtagio pertinebit. proinde si qui sunt, qui in hoc reo aut potentes, aut audaces, aut artifices ad corrūpendum iudiciū uelint esse, ita sint parati, ut disceptante populo R. mecum sibi rem uideant futurā. & si me in hoc reo, quem mihi inimicum Siculi dederūt, satis uehemētem, satis perseuerantem satis uigilantem esse cognorunt, existimēt in ijs hominibus, quorum ego inimicitias populi R. salutis causa suscepero, multo grauiorem atq; acriorem futurū. Nunc te Iupiter Optime Maxime, cuius iste donum regale, dignū tuo pulcherrimo templo, dignū Capitolio atq; ista arce omnium nationū, dignū regio munere, tibi factum ab regibus, tibi dicatum atq; promissum, per nefariū scelus de regis manibus extorsit: cuiusq; sanctissimum & pulcherrimū simulacrum Syracusis sustulit: teq; Iuno regina, cuius duo fana duabus in insulis posita sociorū, Melitæ & Sami, sanctissima et antiquissima simili scelere idem iste omnibus donis ornamentisq; nudauit: teq; Minerva, quā item iste duobus in clarissimis & religiosissimis tēplis expilauit; Athenis, cum auri grāde pondus; Syracusis, cū omnia præter tectum et parietes abstu-

impātio  
pulcherrima



lie: teq; Latona, & Apollo, & Diana, quorum iste Deli non fanū, sed, ut hominum opinio, & religio fere, sedem antiquā, diuinumq; domiciliū nocturno latrocinio, atq; impetu cōpilauit: etiam te Apollo, quem iste Chio sustulit: teq; etiam atq; etiā Diana, quā Pergæ spoliauit, cuius simulacrum sanctissimum Segestæ, bis apud Segestanos cōsecratum, semel ipsorum religione, iterum P. Africani uictoria, tollendum, asportandumq; curauit: teq; Mercuri, quem Verres in uilla, et in priuata aliqua palaestra posuit, P. Africanus in urbe sociorū, & in gymnasio Tyndaritanorum iuuentutis illorum custodem, & presidem uoluit esse: teq; Hercules, quem iste Agrigenti nocte intempesta, seruorum instructa & cōparata manu cōuelere ex suis sedibus, atq; auferre conatus est: teq; sanctissima mater Idæa, quā apud Enguinos augustissimo et religiosissimo in templo sic spoliata reliquit, ut nūc nomen modo Africani, & uestigia uiolata religionis maneant, monimenta uictoriæ fanīq; ornamenta nō extant: uosq; omniū rerum forensium, consiliorum maximorū, legum iudiciorumq; arbitri, & testes, celeberrimo in loco Prætorij locati Castor, & Pollux, quorum è templo quæstum sibi iste, & prædam maximam improbissime cōparauit: omnesq; di, qui uehiculis thesaurum solennes cætus ludorum initis, quorum iter iste ad suum quæstum, non ad religionū dignitatem faciendum, exigendumq; curauit: teq; Ceres, et Libera, quarum sacra, sicut opiniones hominum, ac religiones ferunt, longe maximis, atq; occultissimis ceremonijs continentur: à quibus initia uitæ atq; uictus, legum, morum, mansuetudinis, humanitatis exempla hominibus, et ciuitatibus data, ac dispersita esse dicunt

## PRO M. FONTEIO ORATIO, XI.

Desunt permulta.

Hoc Prætorē oppressam esse arcē alieno Galliā. à quibus uersuras tantarum pecuniarum factas esse dicunt? à Gallis? nihil minus. à quibus igitur? à ciuibus R. qui negotiantur in Gallia. cur eorum uerba non audimus? cur eorum tabulæ nullæ proferuntur? insector ultro, atq; insto accusatori iudices: insector inquam, ac flagito testis. plus ego in hac causa laboris, et operæ cōsumo in poscendis testibus, quàm ceteri defensores in refutandis. audacter hoc dico iudices, non temere confirmo. referta Gallia negotiatorū est, plena ciuium R. nemo Gallorum sine ciue R. quicquam negotij gerit, nummus in Gallia nullus sine ciuium R. tabulis cōmouetur. uidete quò descendam iudices, quàm longe uidear à cōsuetudine mea, et cautione, ac diligētia discedere. unæ tabulæ proferantur, in quibus uestigium sit aliquod, quod significet pecuniam Fonteio datam: unum ex toto negotiatorum, colorum, publicanorum, aratorum, pecuariorum numero testem producant: uere accusatum esse concedam. prody immortales, quæ est hæc causa? quæ defensio? prouinciæ Galliæ M. Fonteius præfuit, quæ constat ex ijs generibus hominum et ciuitatum, qui (ut uetera mittam) partim nostra memoria bella cum populo R. acerba, ac diuturna gesserunt: partim modo ab nostris imperator

ribus subacti, modo bello domiti, modo triumphis ac mo-  
 nimentis notati, modo ab senatu agris urbibusq; mulctati  
 sunt: partim, qui cum ipso M. Fonteio ferrum ac ma-  
 nus contulerunt, multoq; eius sudore ac labore sub popu-  
 li R. imperium, ditionemq; ceciderunt. est in eadem pro-  
 uincia Narbo Martius, colonia nostrorum ciuium, specu-  
 la populi R. ac propugnaculum istis ipsis nationibus op-  
 positum & obiectum. est item urbs Massilia, de qua ante  
 dixi, fortissimorum fidelissimorumq; sociorum, qui Gal-  
 licorum bellorum pericula populo R. copiis, armisq; pro-  
 pulsarunt. est praeterea numerus ciuium R. atq; hominum  
 honestissimorum. huic prouinciae, quae ex hac getium ua-  
 rietate constaret, M. Fonteius (ut dixi) praefuit: qui et ante  
 hostes, subegit: qui proximi fuerant, eos ex iis agris, qui-  
 bus erant mulctati, decedere coegit. ceteris, qui iccirco  
 magnis saepe erant bellis superati, ut semper populo R. pa-  
 rerent, magnos equitatus ad ea bella, quae tum in toto or-  
 be terrarum a populo R. gerebantur, magnas pecunias  
 ad eorum stipendium, maximum frumenti numerum  
 ad Hispaniense bellum tolerandum imperauit. hac qui  
 gessit, in iudicium uocatur: uos, qui in re non interfui-  
 stis, causam una cum populo R. cognoscitis. dicunt contra,  
 quibus inuitissimis imperatum est: dicunt, qui ex agris  
 ex Cn. Pompey decreto decedere sunt coacti: dicunt, qui  
 ex bello, caede & fuga nunc primum audent contra M.  
 Fontem inermem consistere. quid coloni Narbonenses?  
 quid uolunt? quid existimant? hunc per uos uolunt, se  
 per hunc incolames existimant esse. quid Massiliensium  
 ciuitas? hunc praesentem iis affecit honoribus, quos ha-  
 buit amplissimos. Vos autem absens orat atq; obsecrat, ut

sua religio, laudatio, auctoritas aliquid apud uestros ant  
 mos momenti habuisse uideatur. quid? ciuium R. quæ uo  
 luntas est? nemo est ex tanto numero, quin hunc optime  
 de prouincia, de imperio, de socijs, & ciuibz meritū esse  
 arbitretur. quoniam igitur uidetis qui oppugnēt M. Fon  
 teium, cognoscitis qui defensum uelint, statuite nūc, quid  
 uestra æquitas, quid populi R. dignitas postulet: utrum  
 colonis uestris, negotiatoribus uestris, amicissimis atq; an  
 tiquissimis socijs & credere & cōsulare malitis: an his,  
 quibus neq; propter iracundiam fidem, neq; propter infi  
 delitatem honorem habere debetis. quid si maiore etiam  
 hominum honestissimorum copiam affert, qui huius  
 uirtuti, atq; innocentie testimonio possint esse? tamen ne  
 plus Gallorum cōsensio ualebit, quā summa auctoritas  
 omnium? cum Gallie Fontecius præfesset, scitis iudices ma  
 ximos populi R. exercitus in duabus Hispanijs, clarissim  
 osq; imperatores fuisse, quā multi equites R. quā  
 multi Tribuni militum, quales & quot, & quoties lega  
 ti ad eos exercitus. præterea Cn. Pompeius maximus atq;  
 ornatissimus hiemauit in Gallia, M. Fonteio imperāte. scie  
 tis ne uobis multos, satis idoneos testes, & cōscios uidetur  
 ipsa fortuna esse uoluisse earum rerum, quæ M. Fonteio  
 Pratore gererentur in Gallia? quem ex tanto hominum  
 numero testem in hac causa producere potestis? quis est  
 ex eo numero, qui uobis auctor placeat? eo nos iā lauda  
 tore et teste utemur. dubitabitis etiā diutius iudices, quin  
 illud, quod initio uobis proposui, uerissimū sit? aliud per  
 hoc iudiciū nihil agi, nisi ut M. Fonteio oppresso testimo  
 nijs eorū quibus multa Reip. causa inuitissimis imperata  
 sunt, segniores posthac ad imperādū ceteri sint, cū uideāt

eos oppugnari, quibus oppressis populi R. imperiū incolu-  
 me esse non possit. Obiectum est etiam, quæstum M. Fon-  
 teium ex uiarum munitione fecisse: ut aut ne cogeret mu-  
 nire: aut id, quod munitum esset, ne improbaret: si &  
 coacti sunt munire omnes, & multorum opera impro-  
 bata sunt, certe utrunq; falsum est: & ob uacationem  
 pretium datum, cum immunis nemo fuerit: & ob pro-  
 bationem, cum multa improbata sint. quid: si hoc crimen  
 optimis hominibus delegare possumus, & ita, ut nō cul-  
 pam in alios transferamus, sed uti doceamus, eos isti mu-  
 nitioni præfuisse, qui facile officium suum, & præstare,  
 & probare possunt? tamen ne uos omnia in M. Fonteium  
 iratis testibus freti conferetis? cum maioribus Reip. ne-  
 gotijs M. Fonteius impediretur; & cum ad Remp. perti-  
 neret, uiam Domitiam munire: Legatis suis primarijs ui-  
 ris C. Annio Belliceno, & C. Fonteio negotium dedit. itaq;  
 præfuerunt, imperauerūt pro dignitate sua, quod iustum  
 est, & probauerunt. quod uos, si nulla alia ex re, ex lite-  
 ris quidem uestris, quas scripsistis, & missis & allatis cer-  
 te scire potuistis. quas si antea non legistis, nunc ex nobis  
 quid de ijs rebus Fonteius ad Legatos suos scripserit, quid  
 ad eum illi rescripserint; cognoscite. Literæ ad C. An-  
 nium Legatum, ad C. Fonteium Legatum. Literæ à C.  
 Annio Legato, à C. Fonteio Legato. Satis opinor esse per-  
 spicuum iudices, hanc rationem munitionis neq; ad M.  
 Fonteium pertinere, & ab ijs esse tractatam, quos nemo  
 possit reprehendere. cognoscite nunc de crimine uinario,  
 quod illi inuidiosissimum & maximum esse uoluerūt.  
 Crimen à Pletorio iudices ita constitutum est: Fonteio  
 non in Gallia primum uenisse in mentem, ut portorium

vini institueret, sed in Italia hac proposita ratione Ro-  
 ma profectum: itaque Titurtum Tolosa quaternos de-  
 narios in singulas vini amphoras portorum nomine exe-  
 gisse, Crodimum Porcium & Numium ternos uictoria  
 \* tos, Nulchalone serene Umbinos & uictoriatos mille. at-  
 que in his locis se Crodimi & Nulchalone ab his porto-  
 rium esse exactum, si qui Cobiamacho, qui uicus inter  
 Tolosam & Narbonem est, diuerterentur, neque Tolo-  
 sam ire uellent. Elefiodolus tantum senos denarios ab his,  
 qui ad hostem portarent, exegisset. uideo iudices esse cri-  
 men, & genere ipso magnum: uel ligal enim esse imposi-  
 tum fructibus nostris dicitur, et pecuniam permagnam  
 ratione ista cogi potuisse confiteor, & inuidiam: uel ma-  
 xime enim inimici hanc rem sermonibus diuulgare uo-  
 luerunt. sed ego ita existimo, quo maius crimē sit id, quod  
 ostendatur esse falsum, hoc maiorem ab eo iniuriam fie-  
 ri, qui id confingat: uult enim magnitudine rei sic occu-  
 pare animos eorum, qui audiunt, ut difficilis aditus ueri-  
 tati relinquatur.

Desiderantur quæ de crimine uinario erant reliqua, nec  
 non quæ ad bellum Vocontiorum, & dispositionem hi-  
 bernorum pertinebant.

At hoc Galli negant, actio rerum & uis argumentorum coargui potest. igitur testibus iudices non credere cupidis, & iratis, & coniuratis, & ab religione remotis non solum potestis, sed etiam debetis. etenim si, quia Galli dicunt, iccirco M. Fonteius nocens existimandus est, quid mihi opus est sapiente iudice? quid a quo quaesitore? quid oratore nō stulto? dicunt. n. Galli. negare non possumus. hic si ingeniosi, & periti, & aequi iudicis has partes esse existimatis, ut quoniam quidem testes dicunt, sine ulla dubitatione credendum sit, salus ipsa uirorum fortium innocentiam tueri non potest. sin autem in rebus iudicandis non minimam partem ad unamquāq; rem existimandam, momentoq; suo ponderandam sapientia iudicis tenet: nā multo uestre maiores grauioresq; partes sunt ad cogitandum, quā ad dicendum meae: mihi enim semper unaquaq; de re testis non solum semel, uerum etiam breuiter interrogandus, & saepe etiam non interrogandus, ne aut irato facultas ad dicendum data, aut cupido auctoritas attributa esse uideatur. uos & sapius eandē re animis agitare, & diutius uno quoq; de teste cogitare potestis. et si quem nos interrogare nolumus, quae causa nobis tacendi fuerit, existimare debetis. quamobrem si hoc iudices praescriptum lege aut officio putatis, testibus credere: nihil est, cur alius alio iudice melior, aut sapientior existimetur. unum est enim, & simplex aurium iudiciū, & promiscue, & cōmuniter stultis ac sapientibus ab natura datum. quid est igitur, ubi elucere possit prudentia? ubi discerni stultus auditor & credulus ab religioso & sapienti iudice? nimirum illud, in quo ea, quae dicuntur a testibus, coniectura, & cogitatione traduntur, quāta au



Et oritate, quanta animi æquitate, quanto pudore, quanta  
 fide, quanta religione, quanto studio exstimationis bonæ,  
 quanta cura, quanto timore dicantur. an uero uos id in  
 testimonijs hominum barbarorum dubitabitis, quod per  
 sæpe & nostra, & patrum memoria sapientissimi iudi-  
 ces de clarissimis nostræ ciuitatis uiris dubitandum non  
 putauerunt? qui Cn. & Q. Cepionibus, L. & Q. Metel-  
 lis testibus in Q. Pompeium hominem nouum non cre-  
 diderunt: quorū uirtuti, generi, rebus gestis fidem & au-  
 ctoritatem in testimonio cupiditatis atq; inimicitiarū suffi-  
 cio derogauit. ecquem hominē uidimus, ecquem uere cō-  
 memorare possumus parem consilio, grauitate, constan-  
 tia, ceteris uirtutibus, honoris, ingenij, rerum gestarum  
 ornamentis M. Aemilio Scauro fuisse? tamen huius, cuius  
 iniurati nuu propè terrarū orbis regebatur, iurati testi-  
 monio neq; in C. Fimbriam, neq; in C. Memmium credi-  
 tum est. Noluerunt ū, qui iudicabant, hanc patere inimi-  
 citijs uiam: quem quisq; odisset, ut eum testimonio posset  
 tollere. quantus in L. Crasso pudor fuerit, quod ingenij,  
 quanta auctoritas, quis ignorat? tamen is, cuius etiā ser-  
 mo testimoniū auctoritatē habebat, testimonio ipso, quæ  
 in M. Marcellum inimico animo dixit, probare non po-  
 tuit. Fuit, fuit illis iudicibus diuinum ac singulare iudi-  
 ces consilium, qui se non solum de reo, sed etiam de accu-  
 satore, de teste iudicare arbitrabatur, quid fictum, quid  
 fortuna ac tempore allatum, quid precio corruptū, quid  
 spe, aut metu deprauatum, quid à cupiditate aliqua, aut  
 inimicitijs profectum uideretur. quæ si iudex nō ample-  
 ctetur omnia consilio, non animo, ac mente circūspiciet,  
 si, quicquid ex illo loco dicetur, ex oraculo aliquo dici

arbitrabitur: profecto satis erit id, quod dixi antea, non  
 surdum iudicem huic muneri atque officio praesse: nihil  
 erit quãobrem ille nescio quis sapiens homo, ac multarũ  
 rerũ peritus ad res iudicandas requiratur. an uero illi e-  
 quites R. quos nos uidimus, qui nuper in Rep. iudicijsq;  
 maximis floruerunt, habuerunt tantum animi, tantũ ro-  
 boris, ut M. Scauro testi non crederent? uos Belgarũ atq;  
 Allobrogum testimonijs non credere timetis? Si inimico  
 testi credi non oportuit, inimicior Marcello Crassus, aut  
 Fimbriæ Scaurus ex civilibus studijs atq; obreſtatione  
 domestica, quã huic Galli? quorũ, qui optima in causa  
 sunt, equites, frumentum, pecuniam semel atq; iterũ, ac  
 sæpius inuitissimi dare coacti sunt: ceteri, partim ex uete-  
 ribus bellis agro mulctati, partim ab hoc ipso, bello supe-  
 rati & oppressi. si, qui ob aliquod emolumentũ suum cu-  
 pidius aliquid dicere uidentur, ijs credi non conuenit: cre-  
 do maius emolumentum Cepionibus & Metellis propo-  
 situm fuisse ex Q. Pompeij dñatione, cum studiorũ suo-  
 rum obreſtatores sustulissent, quã cunctæ Gallia ex  
 M. Fonteij calamitate, in qua illa prouincia propè suam  
 immunitatem ac libertatem positam esse arbitratur. an  
 si homines ipsos spectare conuenit (id quod in teste profe-  
 cto ualere plurimum debet) non modo cum summis ciui-  
 tatis nostræ uiris, sed cum infimo ciue R. quisquam am-  
 plissimus Gallia comparandus est? scit Induiciomarus qd  
 sit testimonium dicere? mouetur eo timore quo nostrum  
 unusquisq; cum in eum locum productus est: recordami-  
 ni iudices quantopere laborare soleatis, non modo quid  
 dicatis pro testimonio, sed etiam quibus uerbis utamini,  
 ne quod minus moderate positũ, ne quod ab aliqua cupi-

ditate prolapsum uerbum esse uideatur. uultu deniq; laboratis, nequa significari possit suspicio cupiditatis: ut et, cū proditis, existimatio sit quædam tacita de uobis pudoris ac religionis: & cum disceditis, ea diligenter conseruata ac retenta uideatur. credo hæc eadem Induciomarū in testimonio timuisse, aut cogitasse: qui primū illud uerbum consideratissimum nostræ consuetudinis, arbitror, quo nos etiam tunc utimur, cū ea dicimus iurati, quæ cōperta habemus, quæ ipsi uidimus, ex toto testimonio suo sustulit, atq; omnia se scire dixit. uerebatur enim uidelicet, ne quid apud uos populumq; R. de existimatione sua deperderet: nequa fama consequeretur eiusmodi, Inducio marū talem uirum tam cupide, tam temere dixisse: non intelligebat, se in testimonio nihil præter uocem, & os, et audaciā neq; ciuibus suis, neq; accusatoribus nostris præstare debere. an uero istas nationes religione iusiurandi, ac metu deorum immortalium in testimonijs dicendis cōmoueri arbitramini? quæ tantum à cæterarum gētiū more ac natura dissentiuunt, quod cæteræ pro religionibus suis bella suscipiunt, istæ cōtra omnium religiones. illæ in bellis gerendis ab dijs immortalibus pacem ac ueniam petunt: istæ cum ipsis dijs immortalibus bella gerunt. hæ sunt nationes, quæ quondam tā longe ab suis sedibus Delphos usq; ad Apollinem Pythium, atq; ad ora culum orbis terræ uexandum ac spoliandum profectæ sunt. ab ysdem gentibus sanctis, & in testimonio religionis obsessum Capitolium est, atq; ille Iupiter, cuius nomine maiores nostri sanctam testimoniorum fidem esse uoluerunt. postremo his quicquam sanctum ac religiosum uideri potest? qui etiā si quādo aliquo metu adducti deos

placandos esse arbitrantur, humanis hostijs eorum aras  
 ac templa funestant, ut ne religionem quidem colere pos-  
 sint, nisi eā ipsam prius scelere uiolarint. quis. n. ignorat  
 eos usq; ad hanc diem retinere illā immanem ac barba-  
 ram consuetudinem hominū immolādorū? quāobrem  
 quali fide, quali pietate existimatis esse eos, qui etiam deos  
 immortales arbitrentur hominū scelere & sanguine fa-  
 cillime posse placari? cum his uos testibus uestrā religio-  
 nem coniungetis, ab his quicquā sancte aut moderate di-  
 etum putabitis? hoc uestre mentes tā castę, tam integrę  
 sibi suscipient, ut, cum omnes Legati nostri, qui illo trien-  
 nio in Galliam uenerunt: omnes equites R. qui in illa pro-  
 uincia fuerunt, omnes negotiatores eius prouincię: deni-  
 que omnes in Gallia, qui sunt socij populi R. atq; amici,  
 M. Fonteij incolumem esse cupiant, iurati priuatim &  
 publice laudent: uos tamē Gallis credere malitis? quid ne  
 secuti esse uideamini? uoluntatem ne hominum? grauior  
 igitur uobis erit hostiū uoluntas, quā ciuium? an digni-  
 tatem testiū? potestis igitur ignotos notis, iniquos æquis,  
 alienigenas domesticis, cupidos moderatis, mercenarios  
 gratuitis, impios religiosis, inimicissimos huic imperio ac  
 nomini, bonis ac fidelibus, & socijs & ciuibus anteferre?  
 an uero dubitatis iudices, quin insitas inimicitias istę gen-  
 tes omnes & habeant & gerant cum populi R. nomine?  
 sic existimatis eos hic sagatos brachatosq; uersari animo  
 demisso atque humili, ut solent ij, qui affecti iniurijs, ad  
 opem iudicum supplices inferioresq; cōfugiunt? nihil ue-  
 ro minus. hi contra uagantur lati atq; erecti passim to-  
 to foro, cum quibusdam minis & barbaro atque imma-  
 ni terrore uerborum: quod ego profecto non crederem,

nisi aliquoties ex ipsis accusatoribus uobiscum simul iudices audissem: cum præciperent, ut caueretis, ne hoc ab-  
solutum, nouum aliquod bellum Gallicum concitaretur. si  
M. Fonteium iudices in causa deficerent omnia: si turpi  
adolescencia, uita infami, magistratibus, quos ante oculos  
uestros gessit, cōuictis uirorum bonorum testimonijs,  
legationibus flagitiose obitis, inuisus suis omnibus in iudi-  
cium uocaretur: si in eo iudicio colonorū populi R. Nar-  
bonensium, fidelissimorum sociorum Massiliensium, ciui-  
um R. omnium testimonijs tabulisq; premereetur: tamen  
esset uobis magnopere prouidendum, ne quos ita afflictos  
à uestris patribus maioribusq; accepissetis, ut contemnen-  
di essent, eos pertimuisse, & eorum minis & terrore com-  
moti esse uideremini. Nūc uero, cum lædat nemo bonus,  
laudent omnes uestri ciues atq; socij, oppugnet ij, qui se-  
pissime hanc urbem & hoc imperium oppugnarunt: cū-  
que inimici M. Fonteij uobis ac populo R. minentur, amici  
ac propinqui supplicent uobis: dubitabit: non modo uest-  
ris ciuibus, qui maxime gloria ac laude ducuntur, ue-  
rū etiam exteris nationibus ac gentibus ostendere, uos in-  
sententijs ferēdis ciui parcere, quàm hosti cedere maluis-  
se? magna mehercule causa iudices absolutionis cum cæ-  
teris causis hæc est, nequa insignis huic imperio macu-  
la atque ignominia suscipiatur, si hoc ita perlatum erit  
in Galliam, senatum, equitesq; populi R. non testimo-  
nijs Gallorum, sed minis commotos, rem ad illorum  
libidinem iudicasse. ita uero, si illi bellum facere co-  
nabuntur, excitandus nobis erit ab inferis C. Marius,  
qui induciomaro isti minaci atque arroganti par in-  
belligerando esse possit: excitandus Cn. Domitius &

Maximus, qui nationem Allobrogum & reliquias suis iterum armis conficiat atque opprimat: aut quoniam id quidem non potest; orandus erit nobis amicus meus M. Pletorius, ut suos novos clientes à bello faciendo deterreat, ut eorum iratos animos atque horribiles impetus deprecetur: aut, si non poterit, M. Fabium subscriptorem eius rogabimus, ut Allobrogum animos mitiget, quoniam apud illos Fabiorum nomen amplissimum: ut uelint isti aut quiescere, id quod uicti ac subacti solent: aut, cum minantur, intelligere, se populo R. non metum belli, sed spe triumphi ostendere. Quod si in turpi reo patiendum non esset, ut quicquam isti se minis profecisse arbitrarentur: quid faciendum uobis in M. Fonteio arbitramini? de quo homine iudices (iā. n. mihi uideor hoc propè causa duabus actionibus perorata debere dicere) de quo uos homine iudices ne ab inimicis quidem ullum fictum probrosum non modo crimen, sed ne maledictum quidem audistis. ecquis unquam reus, præsertim in hac uitæ ratione uersatus, in honoribus petendis, in potestatibus, in imperiis gerendis, sic accusatus est, ut nullum probum, nullum facinus, nulla turpitudine, quæ à libidine, aut à petulantia, aut ab audacia nata esset, ab accusatore obijceretur, si non uera, attamen ficta, cum aliqua ratione ac suspitione? M. Aemilium Scaurum summum nostræ ciuitatis uirum scimus accusatum à M. Bruto. extant orationes, ex quibus intelligi potest, multa in illum ipsum Scaurum esse dicta, falso, quod negat? uerūtamen ab inimico dicta & obiecta. Quam multa M. Aquilius audiuit in suo iudicio? quam multa L. Cotta? denique P. Rutilius? qui etsi damnatus est, mihi uidetur tamen inter uiros optimos atque innocentissimos esse nume-

randus. ille igitur ipse homo sanctissimus ac temperatissimus multa audiuit in sua causa, quæ ad suspicionem stuprorum ac libidinem pertinerent. extat oratio hominis (ut opinio mea fert) nostrorum hominum longe ingeniosissimi atq; eloquentissimi, C. Gracchi: qua in oratione permulta in L. Pisonem turpia ac flagitiosa dicuntur: at in quem uirum? qui tanta uirtute atq; integritate fuit, ut etiam illis optimis temporibus, cū hominem inuenire nequam neminem posses, solus tamen Frugi nominaretur: quem cum in concionem Gracchus uocari iuberet, & uiator quæreret, quem Pisonem? quod erāt plures. cogis me, inquit, dicere inimicum meum frugi. is igitur uir, quem ne inimicus quidem satis in appellando significare poterat, nisi ante laudasset: qui uno cognomine declarabatur, non modo quis esset, sed etiam qualis esset: tamen in falsam atq; iniquam probrorum insimulationem uocabatur. M. Fonteius ita duabus actionibus accusatus est, ut obiectum nihil sit, quo significari uestigium libidinis, petulantia, crudelitatis, audacia possit. non modo nullum facinus huius protulerūt, sed ne dictum quidem aliquod reprehenderunt. quod si aut quantam uoluntatem habent ad hunc opprimendum, aut quantam ad maledicendum licentiam, tantum haberent aut ad ementiendum animi, aut ad fingendum ingenij, non meliore fortuna ad probra nunc audienda Fonteius, quàm illi, de quibus antea commemorauī, fuisset. Frugi igitur hominem iudices, frugi inquam, & in omnibus uitæ partibus moderatum ac temperantem, plenum pudoris plenum officij, plenum religionis uidetis positum in uestra fide ac potestate, atque ita, ut commissus sit fidei,



permissus potestati. uidete igitur utrum sit æquus : ho-  
 minem honestissimum, uirum fortissimum, ciuem opti-  
 mum dedi inimicissimis; atq; immanissimis nationibus,  
 an reddi amicis ? præsertim cum tot res sint, quæ ue-  
 stris animis pro huius innocentis salute supplicent : pri-  
 mum generis antiquitas : quam Tusculo ex clarissimo  
 municipio profectam in. monimentis rerum gestarum  
 incisam ac notatam uidemus, tum autem continuæ Præ-  
 tura, quæ & cæteris ornamentis & existimatione inno-  
 centiæ maxime floruerunt : deinde recens memoria pa-  
 rentis, cuius sanguine non solum Asculanorum manus,  
 à qua interfectus est, sed totum illud sociale bellum ma-  
 cula sceleris imbutum est : postremo ipse cum in omnia  
 uita partibus honestus atq; integer, tum in re mili-  
 tari cum summi consilij & maximi animi, tum uero  
 usu quoq; bellorum gerendorum in primis eorum homi-  
 num, qui nunc sunt, exercitus. quare si etiam monendi  
 estis à me, quod non estis iudices, uideor hoc leuiter pro  
 mea auctoritate uobis præcipere posse, ut ex eo genere ho-  
 mines, quorum cognita uirtus, industria, felicitas in re  
 militari sit, diligenter uobis retinendos existimetis : fuit  
 enim maior talium uirorum in hac Rep. copia: quæ cum  
 esset, tamen eorum non modo salutem, sed etiam honori  
 consulebatur. quid nunc uobis faciendum est, studiis mi-  
 litaribus apud iuuentutem obsoletis, hominibus autem  
 ac summis ducibus partim ætate, partim ciuitatis discor-  
 dijs hac Reip. calamitate consumptis ? cum tot bella aut  
 à nobis necessario suscipiantur, aut subito atq; improui-  
 sa nascantur : nõ ne & hominem ipsum ad dubia Reip.  
 tempora reseruandum, & cæteros studio laudis ac uir-

tutis inflammandos putatis? recordamini quos Legatos  
nuper in bello L. Iulius, quos P. Rutilius, quos L. Cato,  
quos Cn. Pompeius habuerit: scietis fuisse tum M. Cor  
nutum, L. Cinnam, L. Sullam Prætorios homines, belli ge  
rendi peritissimos: præterea C. Marium, P. Didium,  
Q. Catulum, P. Crassum, non literis homines ad rei mi  
litaris scientiam, sed rebus gestis ac uictorijs eruditos.  
age uero nunc inferte oculos in curiam, introspicite pe  
nitus in omnis Reip. partes: utrum uidetis nihil posse  
accidere, ut tales uiri desiderandi sint? an, si acciderit,  
eorum hominum copia populum R. abundare? quæ si  
diligenter attendetis, profecto iudices uirum ad labo  
res belli impigrum, ad pericula fortem, ad usum ac  
disciplinam peritum, ad consilia prudentem, ad ca  
sum fortunamq; felicem, domi uobis ac liberis uestris  
retinere, quàm inimicissimis populi R. nationibus & cru  
delissimis tradere & condemnare maletis. at infestis  
propè signis inferuntur Galli in Fonteium, & instane  
atque urgent summo cum studio, summa cum auda  
cia: nos uero iudices & multis & firmis prasidijs, uo  
bis adiutoribus isti immani atque intolerandæ barbariæ  
resistemus. primum obijcitur contra istorum impe  
tus Macedonia fidelis & amica populo R. provincia e  
quæ cum se ac suas urbes non solum consilio, sed etiam  
manu Fonteij conseruatam esse dicat, ut illa per hunc à  
Thracum aduentu ac depopulatione defensa fuit, sic ab  
huius nunc capite Gallorum impetus terroresq; depellit.  
constituitur ex altera parte ulterior Hispania, quæ pro  
fecto nō modo religione sua resistere istorum cupidita  
ti potest, sed etiam sceleratorum hominum periuria testi

monijs ac laudationibus suis refutare. atq; ex ipsa etiam  
 Gallia fidelissima & grauissima auxilia sumuntur. uenit  
 huic subsidio misero atq; innocēti Massiliensium cūcta ci-  
 uitas, quæ non solum ob eam causam laborat, ut huic, a  
 quo ipsa seruata est, parem gratiā referre uideatur, sed  
 etiam, q̃ ea cōditiōe atq; eo fato se in ijs terris colloca-  
 tam esse arbitratur, ne quid nostris hominibus istæ gētes  
 nocere possint. pugnat pariter pro salute M. Fonteij Nar-  
 bonensis colonia, quæ per hūc ipsa nuper obsidione hostiū  
 liberata, nūc eiusdem miserijs ac periculis cōmouetur. de-  
 niq; ut oportet bello Gallico, ut maiorum iura, moresq;  
 præscribūt, nemo est ciuis R. qui sibi ulla excusatione ute-  
 dum putet. omnes illius provinciæ publicani, agricolæ, pe-  
 cuarij, ceteri negociatores uno animo M. Fonteium atq;  
 una uoce defendūt. q̃ si tantas auxiliorū nostrorū copias  
 Induciomarus ipse despexerit, dux Allobrogum cetero-  
 rumq; Gallorum, num etiā de matris hūc cōplexu lectis-  
 simæ miserrimæq; fœminæ uobis inspeçantibus auellet  
 atq; abstrahet? præsertim cum uirgo Vestalis ex altera  
 parte germanū fratrem cōplexa teneat, uestramq; indi-  
 ces ac populi R. fidem imploret: quæ pro uobis liberisq;  
 uestris tot annos in dijs immortalibus placādis occupata  
 est, ut ea nūc pro salute sua, fratrisq; sui animos uestros  
 placare possit: cui misera quod præsidiū, quod solatium  
 reliquū est, hoc amisso? nam cetera fœminæ gignere ip-  
 sæ sibi præsidia, et habere domi fortunarum omnium so-  
 cium participemq; possunt: huic uero uirgini quid est  
 præter fratrem, quod aut iucundū, aut charū esse possit?  
 nolite pati iudices aras deorū immortalium Vestæq; ma-  
 tris, quotidianis uirginis lamentationibus de uestro indi-

cio commoueri. prospicite ne ignis ille aternus nocturnis  
 Fonteiæ laboribus uigilijsq; seruatus, sacerdotis Vestæ la-  
 crymis extinctus esse dicatur. tēdet ad uos uirgo Vestalis  
 manus supplices easdē, quas pro uobis dys immortalibus  
 tendere cōsuevit. caute ne periculosum superbumq; sit,  
 eius uos obsecrationē repudiare, cuius preces si dū asser-  
 narētur, hæc salua esse nō possent. uidetis ne subito iudi-  
 ces uirū fortissimū M. Fonteium parentis & sororis cō-  
 memoracione lacrymas profudisse? qui nunquā in acie  
 pertimuerit, qui se armatus sæpe in hostiū manū multi-  
 tudinemq; immiserit, cū in eiusmodi periculis eadē se so-  
 latia suis relinquere arbitraretur, quæ suus pater sibi re-  
 liquisset, idem nunc perturbato animo pertimescit, ne nō  
 modo ornamento & adiuuēto non sit suis, sed etiā cum  
 acerbissimo luētū dedecus aternū miseris atq; ignominiā  
 relinquat. o fortunā longe disparem M. Fonteī, si deligere  
 potuisses, ut potius telis tibi Gallorū, quā periurijs in-  
 tereundū esset: tum enim uitæ socia uirtus, mortis comes  
 gloria fuisset: nūc uero qui est dolor? uictoriæ te atq; im-  
 perij pœnas ad eorū arbitrium sufferre, qui aut uicti ar-  
 mis sunt, aut inuitissimi paruerūt? a quo periculo defen-  
 dite iudices ciuem fortem atq; innocentem: curate ut no-  
 stris testibus plus, quā alienigenis credidisse uideamini:  
 plus saluti ciuiū, quā hostiū libidini cōsuluisse: gratio-  
 rem duxisse eius obsecrationem, quæ uestris sacris præsit,  
 quā eorū audaciam, qui cum omnium sacris delubrisq;  
 bella gesserunt. postremo prospicite iudices, id quod ad  
 dignitatem populi R. maxime pertinet, ut plus apud uos  
 preces uirginis Vestalis, quā minæ Gallorum ualuisse  
 uideantur.

PRO A. CAECINA ORATIO, XII.

S
 I, quantum in agro, locisq; desertis au-  
 dacia potest, tantum in foro atq; in iu-  
 dicij impudentia ualeret, non minus in  
 causa cederet A. Caecina Sex. Ebutij im-  
 pudentia, quam tum in ui faciēda ces-  
 sit audacia. uerum & illud considerati hominis esse pu-  
 tauit, qua de re iure decertari oporteret, armis non con-  
 tendere: & hoc constantis, quicum ui & armis certare  
 noluisset, eum iure iudicioq; superare. ac mihi quidem cū  
 audax praeipue fuisse uidetur Ebutius in cōuocandis ho-  
 minibus & armandis, tum impudens in iudicio: non so-  
 lum quod in iudicium uenire ausus est, (nam id quidem  
 tametsi improbe fit in aperta re, tamen malitia est iā ufi-  
 ratum) sed q̄ non dubitauit id ipsum, quod arguitur,  
 confiteri: nisi forte hoc rationis habuit, quoniam si facta  
 uis nō esset moribus, superior in possessione retinenda nō  
 fuisset: quia contra ius moremq; facta sit, A. Caecinam  
 cum amicis metu perterritum profugisse: nūc quoq; in  
 iudicio, si causa more institutoq; omniū defendatur, nos  
 inferiores in agendo non futuros: sin ē consuetudine re-  
 cedatur, se, quo impudentius egerit, hoc superiorem di-  
 scessurum. quasi uero aut in iudicio possit idem improbi-  
 tas, quod in ui confidentia: aut non eo libētius tum auda-  
 cia cesserimus, quo nūc impudentia facilius obsisteremus.  
 itaq; longe alia ratione Recuperatores ad agendam cau-  
 sam hac actione uenio atq; initio ueneram: tum enim no-  
 stra causae spes erat posita in defensione mea, nūc in con-  
 fessione aduersarij: tum in nostris, nunc uero in illorum

testibus : de quibus ego antea laborabam , ne , si improbi  
essent , falsi aliquid dicerent : si probi existimarentur ,  
quod dixissent , probarent . nunc sum animo æquissimo :  
si enim sunt uiri boni , me adiuuant , cum id iurati di-  
cunt , quod ego iniuratus insimulo : sin autem minus ido-  
nei , me non ledūt , cum siue creditur his hoc ipsum , quod  
nos arguimus , siue fides non habetur , de aduersary te-  
stium fide derogatur . ueruntamen cum illorum causæ  
actionem considero , nō uideo quid impudentius dici pos-  
sit : cum autem uestram in iudicando dubitationem , ue-  
reor ne id , quod uidentur impudenter fecisse , astute &  
callide fecerint : nam si negassent uim hominibus ar-  
matis esse factam , facile honestissimis testibus in re per-  
spicua tenerentur : sin confessi essent , & id , quod nullo  
tempore iure fieri potest , tum ab se iure factum esse  
defenderent , sperarunt id , quod affecuti sunt , se inieclu-  
ros uobis causam deliberandi & iudicandi iustam mo-  
ram ac religionem . simul illud , quod indignissimum est ,  
futurum arbitrati sunt , ut in hac causa non de impro-  
bitate Sex. Ebutij , sed de iure ciuili iudicium fieri uide-  
retur . qua in re si mihi esset unius A. Cæcinæ causa agen-  
da , profiterer satis idoneū esse me defensorem , propterea  
q̃ fidem meam diligentiamq̃ præstarem : quæ cum sunt  
in actore causæ , nihil est , in re præsertim aperta ac sim-  
plici , q̃ excellens ingenium requiratur . sed cum de eo iu-  
re mihi dicendū sit , quod pertineat ad omnes , quod cōsti-  
tutum sit à maioribus , cōseruatum usq̃ ad hoc tempus ,  
quo sublato non solū pars aliqua iuris diminuta , sed etiā  
uis ea , quæ iuri maxime est aduersaria , iudicio cōfirmata  
esse uideatur : uideo summi ingenij causam esse : nō uti

demonstratur quod ante oculos est, sed ne, si quis uobis error in tanta re sit obiectus, omnes potius me arbitrentur cause, quam uos religioni uestre defuisse. quāquam ego mihi sic persuadeo Recuperatores, non uos tam propter iuris obscurā dubiamq; rationem bis iam de eadem causa dubitasse, quā, quod uidetur ad summam illius estimationem hoc iudicium pertinere, moram ad condemnandum acquisisse, simul & illi spatiū ad sese colligendum dedisse. quod quoniam iam in cōsuetudinem uenit, & id uiri boni uestri similes in iudicādo faciunt, reprehendendum fortasse minus, querendū uero magis etiam uidetur: ideo ꝑ omnia iudicia aut distrahendarum controuersiarum, aut pūtiēdorum maleficiorum causa re-perta sunt: quorum alterum leuius est, propterea quod & minus lādīt, & persæpe disceptatore domestico diuidicatur: alterum est uehementissimum, quod & ad grauiiores res pertinet, & non honorariā operam amici, sed seueritatem iudicis ac uim requirit. quod est grauius, & cuius rei causa maxime iudicia constituta sunt, id iam mala cōsuetudine dissolutū est. nam ut quæq; res est turpissima, sic maxime, & maturissime iudicanda est: at ea, in qua existimationis periculum est, tardissime iudicatur. qui igitur conuenit, quæ causa fuerit ad constituendum iudicium, eandem moram esse ad iudicandum? si quis, quod spondit, qua in re uerbo se uno obligauit, id non facit: maturo iudicio, sine ulla religione iudicis condemnatur: qui per tutelam, aut societatem, aut rem mandatam, aut fiduciæ rationem fraudauit quēpiam, in eo, quo delictum maius est, eo pœna est tardior: est enim turpe iudicium, & factō quidem turpe. uidete igitur



tur quàm inique accadat, quia res indigna sit, ideo tur-  
 pem existimationem sequi: quia turpis existimatio sequa-  
 tur, ideo rem indignam non iudicari. at si quis mihi hoc  
 iudex, Recuperator uel dicat: potuisti. n. leniore aetione cō-  
 fligere. potuisti ad tuum ius faciliore & cōmodiore iudi-  
 cio peruenire: quare aut muta aetionem, aut noli mihi  
 instare, ut iudicem: tamē is aut timidior uideatur, quàm  
 fortem, aut cupidior, quàm sapientem iudicem esse aquū  
 est. si aut mihi præscribat quemadmodum meum ius per-  
 sequar, aut ipse id, quod ad se delatum sit, non audeat iu-  
 dicare. etenim si Prætor, is, qui iudicia dat, nunquam pe-  
 titori præsstituit, qua aetione illū uti uelit: uidete quàm  
 iniquum sit, cōstituta iam re, iudicem, quid agi potuerit,  
 aut quid possit, non quid actum sit, querere. uerūtamen  
 nimia uestra benignitati parceremus, si alia ratione ius  
 nostrum recuperare possemus: nūc uero quis est, qui aut  
 uim armatis hominibus factam relinqui putet oportere,  
 aut eius rei leniorem aetionem nobis aliquam demonstra-  
 re possit? ex quo genere peccati, ut illi clamitant, uel iniu-  
 riarum, uel capitis iudicia constituta sunt, in eo potestis  
 atrocitatem nostram reprehendere? cum uideatis nihil  
 aliud actum, nisi possessionem per interdictum esse repe-  
 titam? uerum siue uos existimationis illius periculum, siue  
 iuris dubitatio tardiores fecit adhuc ad iudicandum,  
 alterius rei causam uosmetipsi iam uobis sapius prolato  
 iudicio sustulistis, alterius ego uobis hodierno die causā  
 profecto auferam, ne diutius de controuersia nostra, ac  
 de communi iure dubitetis. Et si forte uidebor altius ini-  
 tium rei demonstranda petisse, quàm me ratio iuris, &  
 ius, de quo iudicium est, & natura causæ coegerit, quæso

ut ignoscatis: non enim minus laborat A. Cæcina, ne summo iure egisse, quàm ne certum ius non obtinuisse uideatur. M. Fulcinius fuit Recuperator è municipio Tarquiniensi, qui et domi suæ cū primis honestus existimatus est; & Romæ argentariam nõ ignobilem fecit. is habuit in matrimonio Cesenniam, eodem è municipio, summo loco natam, & probatissimam fæminam, sicut & uiuus multis ipse rebus ostendit, & in morte sua testamēto declarauit. huic Cesenniae fundū in agro Tarquiniensi uendidit temporibus illis difficillimis solutionis. cum uteretur dote uxoris numerata, quo mulieri esset res cautior, curauit ut in eo fundo dos collocaretur. aliquanto post iam argentaria dissoluta, Fulcinius huic fundo uxoris continentia quædam prædia atque adiuncta mercatur. moritur Fulcinius: multa enim, quæ sunt in re, quæ remota sunt à causa, prætermittam. testamento facit hæredem, quem habebat è Cesennia filium: usum fructum omnium bonorum suorum Cesenniae legat, ut frueretur unà cum filio. magnus honos uiri iucundus mulieri fuisset, si diuturnum esse licuisset: frueretur enim bonis cum eo, quem suis bonis hæredem esse cupiebat, & ex quo maximum fructum ipsa capiebat: sed hunc fructum mature fortuna ademit: nam breui tempore M. Fulcinius adulescens mortuus est, hæredem P. Cesennium fecit, uxori grande pondus argenti, matriq; partem bonorum maiorem legauit. itaq; in partem mulieres uocatae sunt. Cum esset hæc auctio hereditaria constituta, Ebutius iste, qui iadiu Cesenniae uiduitate ac solitudine aleretur, ac se eius in familiaritatem insinuasset hac ratione, ut cum aliquo suo compendio negotia mulieris, si qua acciderent, contro-

uersasq; susciperet, uersabatur quoq; eo tempore in his  
 rationibus auctioris & partitionis, atq; etiam se ipse in  
 ferebat & intrudebat, & in eam opinionem Cesenniam  
 adducebat, ut mulier imperita nihil putaret agi callide  
 posse, ubi non adesset Ebutius. quam personam iam ex  
 quotidiana cognoscitis uita Recuperatores, mulierum as  
 sentatoris, cognitoris uiduarum, defensoris nimium liti  
 giosi, conciti ad rixam, inepti ac stulti inter uiros, inter  
 mulieres periti iuris & callidi: hanc personam imponite  
 Ebutio: is enim Cesenniae fuit Ebutius: ne forte quera  
 tis, num propinquus? nihil alienius. amicus aut à patre,  
 aut à uiro traditus? nihil minus. quis igitur? ille, quem  
 supra deformauì, uoluntarius amicus mulieris, non ne  
 cessitudine aliqua, sed ficto officio, simulataq; sedulita  
 te coniunctus, magis opportuna opera nonnunquam,  
 quam aliquando fidei. cum esset, ut dicere institueram,  
 constituta auctio Romæ, suadebant amici cognatiq; Ce  
 senniae id, quod ipsi quoque mulieri in mentem ueniebat:  
 quoniam potestas esset emendi fundum illum Fulcinia  
 num, qui fundo eius antiquo continens esset, nullam esse  
 rationem, amittere eiusmodi occasionem, cum praesertim  
 pecunia ex partitione deberetur: nusquam eam posse me  
 lius collocari. itaq; mulier facere constituit. mandat, ut  
 fundum sibi emat. cui tandem? cui putatis? an non in me  
 te uenit omnibus hominis illius ad hoc munus, & ad om  
 nia mulieris negotia parati? sine quo nihil satis caute,  
 nihil satis callide agi posset? recte attenditis. Ebutio negotium  
 datur. adest ad tabulam, licetur Ebutius: deterrètur empto  
 res multi, partim gratia Cesenniae, partim etià pretio: fun  
 dus addicitur Ebutio, pecunià argentario promittit Ebu

tius. quo testimonio nūc uir optimus uititur, sibi emptum esse. quasi uero aut nos ei negemus additū, aut eum quisquam fuerit, qui dubitaret, quin emeretur Cesennia, cū id pleriq; scirent, omnes ferē audissent, hi coniectura asse- qui possent, cum pecunia Cesennia ex illa hereditate de- beretur, eam porro in prædijs collocari maxime expedi- ret, essent autem prædia, quæ mulieri maxime conueni- rent, ea uenirent: liceret is, quem Cesennia dare operā nemo miraretur, sibi emere nemo posset suspicari. hac em- ptione facta, pecunia soluitur à Cesennia. cuius rei putat iste rationem reddi non posse, q̃ ipse tabulas auerterit: se autem habere argentarij tabulas, in quibus sibi expensa pecūia lata sit, acceptaq; relata, quasi id aliter fieri opor- tuerit. cum omnia ita facta essent, quemadmodum nos defendimus, Cesennia fundum possedit, locauitq; neq; ita multo post A. Cæcina nupsit. ut in pauca conferam, testa- mento facto mulier moritur. facit heredem ex deince, et semuncia Cacinam, ex duabus sextulis M. Fulcinium libertum superioris uiri, Ebutio sextulam aspergit. hanc sextulam illa mercedem isti esse uoluit assiduitatis et mo- lestiæ, si quam susceperat. iste autē hac sextula se ansam retinere omnium controuersiarum putat. iam principio ausus est dicere, non posse heredem esse Cesennia Cacinā q̃ is deteriore iure esset, quā ceteri ciues, propter incō- modum Volaterranorum, calamitatemq; ciuilem. itaque homo timidus imperitusq; qui neq; animi neq; consilij sa- tis haberet, non putauit esse tanti hereditatem, ut de ciui- tate in dubium ueniret. concessit credo Ebutio, quantum uellet de Cesennia bonis ut haberet: immo, ut uiro forti ac sapienti dignum fuit, ita calumniam stultitiāq; ob-

triuie ac contudit . in possessione bonorum cum esset, & cum ipse sexulam suam nimium exaggeraret , nomine heredis arbitrum familiae herciscundae postulauit . atq; illis paucis diebus, posteaquam uidet nihil se ab A. Caecina posse litium terrore abradere, homini Roma in foro denuntiat, fundum illum, de quo ante dixi , cuius istum emptorem demonstraui fuisse mandato Cessenniae, suum esse, seq; sibi emisse. quid ais? istius ille fundus est, quem sine ulla controuersia quadriennium, hoc est, ex quo tempore fundus uenit, quoad uixit, possedit Cessenniae: usus enim inquit, eius & fructus fundi testamento uiri, fuerat Cessenniae. cum hoc nouae litis genus tam malitiose intenderet, placuit Caecinae de amicorum sententia constituere, quo die in rem praesentem ueniretur, & de fundo Caecinae moribus deduceretur. colloquuntur, dies ex utriusque commodo sumitur. Caecina cum amicis ad diem uenit in castellum Axiam: ex quo loco fundus is, de quo agitur, non longe abest. ibi certior fit à pluribus, homines permultos liberos atq; seruos coegisse & armasse Ebutum. cum id partim mirarentur, partim non crederent, ecce ipse Ebutius in castellum uenit, denuntiat Caecinae se armatos habere, abiturum eum non esse, si accessisset. Caecinae placuit & amicis, quoad uideretur saluo capite fieri posse, experiri. tum de castello descendunt, in fundum proficiscuntur. uidetur temere commissum. uerum, ut opinor, hoc fuit causa: tam temere istum re commissurum, quam uerbis nuntiabatur, nemo putauit. atq; iste ad omnes introitus, quā adiri poterat non modo incum fundum, de quo controuersia fuerat, sed etiam in illum proximū, de quo nihil ambigebatur, armatos homines opponit. itaq; pri-

mo cum in antiquum fundū ingredi uellet, quod eā pro-  
 xime accedi poterat; frequentes armati obstiterunt. quo  
 loco depulsus Cæcina, tamen, quā potuit, ad eum fundū  
 profectus, ex quo ex conuentu uim fieri oportebat. eius  
 autem fundi extremam partem oleæ directo ordine defi-  
 niunt. ad eas cum accederetur, iste cum omnibus copijs  
 præsto fuit, seruumq; suum nomine Antiochum ad se uo-  
 cauit, & clara uoce imperauit, ut eum, qui illum olearū  
 ordinem intrasset, occideret. homo mea sententia pruden-  
 tissimus Cæcina, tamen in hac re plus mihi animi quā  
 consilij uidetur habuisse: nam cum & armatorum mul-  
 titudinem uideret, & eam uocem Ebutij, quam comme-  
 morauī, audisset, tamen accessit propius, & iam ingre-  
 diens intra finem eius loci, quem oleæ terminabant, impe-  
 tum armati Antiochi, cæterorumq; tela atque incursum  
 refugit. eodem tempore se in fugam conferunt unā ami-  
 ci aduocatiq; eius metu perterriti, quemadmodum illo-  
 rum testem dicere audistis. his rebus ita gestis, P. Dolabel-  
 la Prætor interdixit, ut est consuetudo, de ui hominibus  
 armatis, sine ulla exceptione, tantum, ut, unde deieciisset,  
 restitueret. restituisse se dixit. sponsio facta est. hac de spō-  
 sione uobis iudicandum est. Maxime fuit optandū Cæ-  
 cinæ Recuperatores, ut cōtrouersie nihil haberet: secūdo  
 loco, ut ne cū tā improbo homine: tertio, ut cū tā stulto  
 hēret: etenim nō minus nos stultitia illius subleuat, quā  
 lædit improbitas. improbus fuit, q̄ homines coegit, arma-  
 uit, coactis armatisq; uim fecit. læsit in eo Cæcinam. sub-  
 leuauit ibidem: nam in eas ipsas res, quas improbissime  
 fecit, testimonia sumpsit, & eis in causa testimonijs uti-  
 tur. itaque mihi certum est Recuperatores, antequam

ad meam defensionem, meosq; testes uenio, illius uti confessione & testimonijs: quid confitetur? atque ita libenter confitetur, ut non solum fateri, sed etiam profiteri uideatur. Recuperatores? cōuocaui homines, coegi, armaui: terrore mortis ac periculo capitis, ne accederes, obstiti. ferro (inquit) ferro, & hoc dicit in iudicio, te reieci atq; perterruui. quid? testes quid aiunt? P. Vetilius propinquus Ebutij se Ebutio cū armatis seruis uenisse aduocatū. quid prae-  
 rea? fuisse complures armatos. quid aliud? minatum esse Ebutium Caecinae. quid ego de hoc teste dicā, nisi hoc, Recuperatores? ut iccirco non minus ei credatis, quod homo minus idoneus habetur, sed ideo credatis, quod ex illa parte id dicit, quod illi causae maxime est alienum. A. Terentius alter testis non modo Ebutium, sed etiam se ipsum arguit. in Ebutium hoc dicit, armatos homines fuisse. de se autem hoc praedicat: Antiocho Ebutij seruo imperasse, ut in Caecinam aduenientem cum ferro inuaderet. quid loquar amplius hoc de homine? in quē ego dicere, cum rogarer a Caecina, nunquam uolui; ne arguere illum rei capitalis uiderer: de eo dubito nūc, quomodo aut loquar, aut taceam, cum ipse hoc de se iuratus praedicet. deinde L. Celius non solum Ebutium cum armatis dixit fuisse compluribus, uerum etiam cū aduocatis perpaucis eō uenisse Caecinam. de hoc ego teste detraham: cui aequae atque meo testi ut credatis, postulo. P. Memmius secutus est, qui suum non paruum beneficium commemorauit in amicos Caecinae, quibus sese uiam per fratris sui fundum dedisse dixit, quā effugere possent, cum essent metu omnes perterriti. huic ego testi gratias agam, quod & in re mise-



ricordem se præbuit, & testimonio religiosum. A. Attilius, & eius filius L. Attilius & armatos ibi fuisset, & se suos armatos adduxisse dixerunt, etiam hoc amplius: cum Ebutius Cæcinæ malum minaretur, ibi eum Cæcinam postulasse, ut moribus deductio fieret. hoc idem P. Rutilius dixit, & eo libentius dixit, ut aliquo in iudicio eius testimonio creditum putaretur. duo præterea testes nihil de ui, sed de ipsa emptione fundi dixerunt: P. Cæsennius auctor fundi, non tam auctoritate graui, quam corpore, & argentarius Sex. Clodius, cui nomen est Phormio, nec minus niger, nec minus confidens, quam ille Terentianus est Phormio, nihil de ui dixerunt, nihil præterea, quod ad uestrum iudicium pertineret. Decimo uero loco testis expectatus, & ad extremum reservatus dixit Senator populi R. splendor ordinis, decus atque ornamentum iudiciorum, exemplar antiquæ religionis Fidiculanus Falcula: qui cum ita uehemens acerque uenisset, ut non modo Cæcinam periurio suo lederet, sed etiam mihi uideretur irasci: ita eum placidum mollemque reddidi, ut non auderet, sicut meministis, iterum dicere, quot milia fundus suus abesset ab urbe: nam cum dixisset minus abesse LIII, populus cum risu acclamauit ipsa esse: meminere enim omnes, quantum in Albano iudicio accepisset. in eum quid dicam? nisi id, quod negare non possit? uenisse in consilium publicæ quaestionis, cum eius consilij iudex non esset: & in eo consilio, cum causam non audisset, & potestas esset ampliandi, dixisse sibi liquere: dum incognita re iudicare noluisset, maluisse condemnare, quam absolvere: cum, si uno minus damnarent, condemnari reus non pos-

set, non ad cognoscendam causam, sed ad explendam  
damnationem præsto fuisse. utrum grauius aliquid in  
quempiam dici potest, quam ad hominem condemnan-  
dum, quem nunquam uidisset, neq; audisset, adductum  
pretio esse? an certius quicquam obici potest, quã quod  
is, cui obijcitur, ne nutu quidem infirmare conatur? ue-  
runtamen is testis, ut facile intelligeretis eum nõ abfuisse  
animo, cum ab illis causa ageretur, testesq; dicerent, sed  
tantisper de aliquo reo cogitasse: cum omnes ante eum di-  
xissent testes, armatos cum Ebutio fuisse complures; so-  
lus dixit non fuisse. uisus est mihi primo ueterator intel-  
ligere præclare, quid causa optaret: & tantummodo er-  
rare, quod omnes testes infirmaret, qui ante eum dixis-  
sent: cum subito ecce idem qui solet, suos solos seruos ar-  
matos fuisse dixit. quid huic tu homini facias? nõ ne con-  
cedas interdum, ut excusatione summæ stultitiæ, summæ  
improbitalis odium deprecetur? utrum Recuperatores  
his testibus non credidistis, cum, quid liqueret, non habui-  
stis? at controuersia non erat, quin uerum dicerent. an  
in coacta multitudine, in armis, in telis, in præsentî metu  
mortis, perspicuo periculo cadis dubium uobis fuit, an  
esse uis aliqua uideretur, nec ne? quibus igitur in rebus  
uis intelligi potest, si in his non intelligitur? an uero illa  
defensio uobis præclara uisa est: non deieci, sed obstiti:  
non enim te sum passus in fundum ingredi, sed armatos  
homines opposui: ut intelligeres, si in fundo pedem po-  
suisses, statim tibi esse pereundum. quid ais? is, qui armis  
perterritus, fugatus, pulsus est, non uidetur esse deiectus?  
posterius de uerbo uidebimus. nunc rem ipsam ponamus,  
quam illi non negant: & eius rei in actionemq; quæ

ramus. Est hac res posita, quæ ab aduersario non negatur: Cacinam, cum ad constitutam diem, tempusq; uenisset, ut ius ac deductio moribus fieret, pulsus prohibetumq; esse uis coactis hominibus & armatis. cum hoc cõfiter, ego homo imperitus iuris, ignarus negotiorum ac litium, hãc puto me habere actionem, ut per interdictum, meum ius teneam, atq; iniuriam tuam persequar. fac in hoc errare me, nec ullo modo posse per hoc interdictum id assequi, quod uelim: te uti in hac re magistro uolo. quæro, sit ne aliqua huius rei actio, an nulla? conuocari homines propter possessionis controuersiam non oportet, armari multitudinem iuris retinendi causa non conuenit: nec iuri quicquam tam inimicum, quàm uis: nec æquitati quicquam tam infestum est, quàm conuocati homines & armati. quod cum ita sit, resq; eiusmodi sit, ut in primis à magistratibus animaduertenda esse uideatur, iterum quæro, sit ne eius rei aliqua actio, an nulla? nullam esse dices? audire cupio qui in pace & otio, cum munus fecerit, copias pararit, multitudinem hominum coegerit, armarit, instruxerit, homines inermes, qui ad constitutum experiundi iuris gratia uenissent, armis, uiris, terrore periculoq; mortis repulerit, fugarit, auerterit, hoc dicat, feci equidem, quæ dicis, omnia, & ea sunt & turbulenta, & temeraria, & periculosa: quid ergo est? impune feci: nam, quid agas mecum ex iure civili ac prætorio, non habes. ita ne uero Recuperatores? hoc uos audietis? & apud uos dici patiemini sæpius? cum maiores nostri tanta diligentia prudentiaq; fuerint, ut omnia omnium non modo tantarum rerum, sed etiam tenuissimarum iura statuerint, persecutiq; sint, ut hoc genus

unum uel maximum pratermitterent, ut, si qui me exire domo mea coegisset armis, haberem actionem. si qui introire prohibuisset, non haberem? nōdum de Cæcinæ causa disputo, nōdum de iure possessionis nostræ loquor, tantum de tua defensione C. Piso queror. quando ita dicis, et ita constituis, si Cæcina, cum in fundo esset, inde deiectus esset, tum per hoc interdictum eū restitui oportuisse; nunc uero deiectū nullo modo esse inde, ubi non fuerit; hoc interdicto nihil nos affecutos esse: quero, si te hodie domum tuam redeuntem coacti homines et armati nō modo limine tectoq; ædium tuarū, sed primo aditu uestibuloq; prohibuerint, quid acturus sis? monet amicus meus te L. Calphurnius, ut idem dicas, quod ipse antea dixit, iniuriarum. quid ad causam possessionis? quid ad restituendum eum, quem oportet restitui? quid deniq; ad ius civile, aut ad æloris actionē, et ad animadversionem agēs? iniuriarum? plus tibi ego largiar. non solum egeris, uerum etiam cōdemnaris licet: nunquid magis possidebis? actio enim iniuriarum nō ius possessionis assequitur, sed dolorem imminutæ libertatis iudicio pœnāq; mitigat. prætor interea Piso tanta de re tacebit? quemadmodum te restituat in ædes tuas, non habebit? qui dies totos aut uim fieri uetat, aut restitui factam iubet, qui de fossis, de cloacis, de minimis aquarum itinerumq; controuersijs interdicat, is repente obmutescet? in atrocissima re quid faciat, non habebit? et C. Pisone domo tectisq; suis prohibito, prohibito inquam per homines coactos et armatos, Prætor quemadmodum more et exemplo opitulari possit non habebit? quid enim dicet? aut quid tu tam insigni accepta iniuria postulabis? unde ui prohibitus sis,

nemo unquam interdixit. nouum est, nō dico inusitatum, uerum omnino inauditum. unde deiectus? quid proficiēs, cum illi hoc respondebunt tibi, quod tu nunc mihi: armatos se tibi obstitisse ne in aedes accederes: deici porro nullo modo potuisse, qui nō accesserit. deicior ego, inquis, si quis meorum deijcitur. omnino iam bene agis: à uerbis enim recedis, & æquitate uteris: nam uerba ipsa si sequi uolumus, quomodo tu deijceris, cum seruus tuus deijcitur? uerum ita est, uti dicis: te deiectum debeo intelligere, etiam si tactus non fueris. non ne? age nunc, si ne quidem tuorum quisquā loco motus erit, atq; omnes in aedibus adseruati ac retenti, tu solus prohibitus & à tuis aedibus ui atq; armis perterritus: utrum hanc aetio nem habebis, qua nos usi sumus, an aliam quampiam? an omnino nullam? nullam esse aetionem dicere in re tam insigni, tamq; atroci, neq; prudentiæ, neq; auctoritatis tuæ est. alia si qua forte est, quæ nos fugerit, dic quæ sit. cupio discere. hæc si est, qua nos usi sumus, te iudice uincamus necesse est: non enim uereor ne hoc dicas, in eadem causa eodem interdicto te oportere restitui, Cæci nam non oportere. etenim cui perspicuum non sit, ad incertum reuocari bona, fortunas, possessiones omnium, si ulla ex parte sententia huius interdicti diminuta, aut infirmata sit: si auctoritate uirorum talium ius armatorum hominum iudicio approbatum uideatur, in quo iudicio non de armis dubitatum, sed de uerbis quæsitū esse dicatur? is ne apud uos obtinebit causam suam, qui se ita defenderit: eiei ego te armatis hominibus, nō deiei: ut tantum facinus non in æquitate defensionis, sed in una li tera latuisse uideatur? huiusce rei uos statuetis nullam

esse actionem? nulli experiundi ius constitutum? quod obstitit armatis hominibus, qui multitudine coacta non introitu, sed omnino aditu quempiam prohibuerit? quid ergo? hoc quam habet vim? ut illa res aliquid aliqua ex parte differre videatur, utrum pedem cum intulero atque in possessionem uestigium fecero, tum expellar atque deiciar: an in eadem vi atque usdem armis mihi ante occurratur, ne non modo intrare, verum etiam aspicere, aut aspirare possim. qui hoc ab illo differt? ut ille cogatur restituere, qui ingressum expulerit: ille, qui ingredientem repulerit, non cogatur? uidete per deos immortales quod ius nobis, quam conditionem uosmetipsi, quam denique ciuitati legem constituere uelitis. huiusce generis una est actio, per hoc interdictum, quo nos usi sumus, constituta. ea si nihil ualet, aut si ad hanc rem non pertinet, quid negligētius, aut quid stultius maioribus nostris dici potest, qui aut tanta rei pratermiserint actionem, aut eam constituerint, quae nequaquam satis uerbis causam et rationem iuris amplecteretur? periculosum est dissolui hoc interdictum: captiosum est omnibus rem ullam constitui eiusmodi, quae cum armis gesta sit, rescindi iure non possit: ueruntamen est turpissimum illud, tanta stultitiae prudentissimos homines condemnari, ut nos iudicetis huius rei interdictum atque actionem in mentem maioribus nostris non uenisse. queramur, inquit, licet, tamen hoc interdicto Ebutius non tenetur. quid ita? quod uis Caecinae facta non est. dici in hac causa potest, ubi arma fuerint, ubi coacta hominum multitudo, ubi institerint et certis locis cum ferro homines collocati, ubi minae, pericula terroresque mortis, ibi vim non fuisse? nemo, inquit,

occisus est, neq; saucius. quid ais? cum de possessionis con-  
trouersia, & de priuatorum hominum contentione iuris  
loquamur, tu uim negabis esse factam, si cades & occisio  
facta nō erit? ego exercitus maximos saepe pulsos & fu-  
gatos esse dico terrore ipso, impetuq; hostium, sine cuius-  
quam nō modo morte, uerum etiam uulnere. etenim Re-  
cuperatores non ea sola uis est, quæ ad corpus nostrum,  
uitamq; peruenit, sed etiam multo maior ea, quæ pericu-  
lo mortis iniecto, formidine animum perterritum loco  
sæpe et certo de statu dimouet. itaq; saucijs sæpe homines,  
cum corpore debilitantur, animo tamen non cedunt, neq;  
eum relinquunt locum, quem statuerint defendere. at alij  
pelluntur integri: ut non dubium sit, quin maior adhibi-  
ta uis ei sit, cuius animus sit perterritus, quàm illi, cuius  
corpus uulneratum sit. quòd si uī pulsos dicimus exerci-  
tus esse eos qui metu ac tenui sæpe suspicionē periculi fu-  
gerunt, & si non solum impulsu scutorum, neq; cōflictu  
corporum, neq; iētu cōminus, neq; coniectione telorum,  
sed sæpe clamore ipso militum, aut instructione, aspe-  
ctūq; signorum magnas copias pulsas esse & uidimus, et  
audiuimus: quæ uis in bello appellatur, ea in otio nō ap-  
pellabitur? & quod uehemens in re militari putatur, id  
leue in iure ciuili iudicabitur? & quod exercitus arma-  
tos mouet, id aduocationem togatorum nō uidebitur mo-  
uisse? & uulnus corporis magis istam uim, quàm terror  
animi declarabit? & sauciatio quæretur, cum fugam fa-  
ctam esse constabit? tuus enim testis hoc dixit, metu per-  
territis nostris aduocatis, locum, quā effugerent, demon-  
strasse. qui non modo ut fugerent, sed etiam ipsius fuga  
tutam uiam quæsierunt, his uis adhibita non uidebitur?



quid igitur fugiebant? propter metū? quid metuebant?  
uim uidelicet. potestis igitur principia negare, cum extre-  
ma conceditis? fugisse perterritos confitemini: causam  
fugæ dicitis eandem, quā omnes intelligimus, arma, mul-  
titudinem hominum, incursionem atq; impetum armo-  
rum: hæc ubi conceduntur esse facta, ibi uis facta nega-  
bitur? at uero hoc quidem iam uetus est, & maiorum  
exemplo multis in rebus usitatum: cum ad uim faciun-  
dam ueniretur, si quos armatos quāuis procul conspe-  
xissent, ut statim testificati discederēt, optime spon-  
sionem facere possent, ni aduersus edictum Prætoris uis facta  
esset. ita ne uero? scire esse armatos satis est, ut uim fa-  
ctam probes: in manus eorū incidere non est satis? aspe-  
ctus armatorum ad uim probandam ualebit: incursum  
& impetus non ualebit? qui abierit, facilius sibi uim fa-  
ctam probabit, quā qui effugerit? at ego dico hoc: si,  
ut primo in castello Cæcinæ dixit Ebutius, se homines coe-  
gisse & armasse, neq; illum, si eō accessisset, abiturum,  
statim Cæcina discessisset; dubitare uos nō debuisse, quin  
Cæcinæ facta uis esset. si uero, simulac procul cōspexit ar-  
matos, recessisset: eo minus dubitaretis: omnis enim uis  
est, quæ periculo aut decedere nos alicūde cogit, aut pro-  
hibet accedere. quod si aliter statuetis, uidete ne hoc uos  
statuatis, qui uiuus discesserit, ei uim nō esse factam: ne  
hoc omnibus in possessionū controuersiis præscribatis, ut  
confligendū sibi & armis decertādum putent: ne, quem-  
admodum in bello pœna ignaui ab imperatoribus con-  
stituitur, sic in iudicijs deterior causa sit eorum, qui fu-  
gerint, quā qui ad extremum usq; contenderint. cum  
de iure & legitimis hominum controuersiis loquimur, et

in his rebus uim nominamus, pertenuis uis intelligi debet. uidi armatos, quamuis paucos, magna uis est. decessi unius hominis telo perterritus, deiectus detrususque sum. hoc si ita statuetis, non modo non erit cur depugnare quisquā posthac possessionis causa uelit, sed ne illud quidem, cur repugnare. sin autem uim sine cade, sine uulneratione, sine sanguine nullam intelligetis, statuetis homines possessionis cupidiores, quā uitæ esse oportere. age uero, de ui te ipsum habebo iudicem Ebuti: responde, si tibi uidetur: in fundum Cæcina utrum noluit tandem, an non potuit accedere? cum te obstitisse & repudiasse dicis, certe hunc uoluisse concedis. potes igitur dicere non ei uim fuisse impedimento, cui, cum cuperet, eoque consilio uenisset, per homines coactos non sit licitum accedere? si. n. id, quod maxime uoluit, nullo modo potuit, uis profecto quædam obstitit necesse est: aut tu dic quæobrem, cum uellet accedere, non accesserit. iam uim factā negare non potes. deiectus quemadmodum sit, qui non accesserit, id quæritur: dimoueri enim & depelli de loco necesse est eum, qui deiciatur. id autem accidere ei qui potest, qui omnino in eo loco, unde se deiectum esse dicit, nunquam fuit? quod si fuisset, & ex eo loco metu permotus fugisset, cum armatos uidisset, diceret ne esse deiectum? opinor. an tu, qui tam diligenter & tam callide uerbis controversas, non æquitate diiudicas, & iura non utilitate communi, sed literis exprimis, poteris ne dicere deiectum esse eum, qui tactus non erit? quid, detrusum dicis? nam eo uerbo antea Prætores hoc interdicto uti solebant. quid ais? potest ne detrudi quisquam, qui non attingitur? non ne, si uerbum sequi uolumus, hoc intelligamus  
necesse

necesse est, eum detrudi, cui manus afferantur? necesse est  
 inquam, si ad uerbum rem uolumus attingere, neminem  
 statu detrusum, qui non adhibita ui, manu demotus &  
 actus præceps intelligatur. deiectus uero qui potest esse  
 quisquam, nisi in inferiorem locum de superiore motus?  
 potest pulsus, fugatus, eiectus denique: illud uero nullo  
 modo potest, deiectus esse quisquam, nō modo qui tactus  
 non sit, sed ne æquo quidem & plano loco. quid ergo, hoc  
 interdictum putamus eorum esse causa cōpositum, qui  
 se præcipitatos ex locis superioribus dicerent? eos enim ue  
 re possumus dicere esse deiectos. an non, cum uoluntas et  
 consilium & sententia interdicti intelligatur, impuden  
 tiam summam aut stultitiam singularem putabimus, in  
 uerborum errore uersari, rem & causam & utilitatem  
 communem non relinquere solum, sed etiam prodere? an  
 hoc dubium est, quin neque uerborum tanta copia sit, nō  
 modo in nostra lingua, quæ dicitur esse inops, sed ne in  
 alia quidem ulla, res ut omnes suis certis ac proprijs uo  
 cabulis nominentur: neque uero quicquam opus sit uer  
 bis, cum ea res, cuius causa uerba quasita sint, intelliga  
 tur? quæ lex, quod senatusconsultum, quod magistratus  
 edictum, quod fœdus aut pæctio, quod (ut ad priuatas  
 res redeam) testamentum, quæ iudicia aut stipulationes,  
 aut pæcti & conuenti formula non infirmari, aut con  
 uelli potest, si ad uerba rem defletere uelimus, cōsilium  
 autem eorum, qui scripserunt, & rationem & auctori  
 tatem relinquamus? sermo hercule & familiaris, et quo  
 tidianus non cohærebit, si uerba inter nos aucupabimur.  
 deniq; imperium domesticum nullum erit, si seruulis hoc  
 nostris concesserimus, ut ad uerba nobis obediant, non ad

id, quod ex uerbis intelligi possit, obtemperent. Exemplis  
nunc uti uidelicet mihi necesse est harum rerum omni-  
um. non occurrit unicuique uestrum aliud aliud in omni ge-  
nere exemplum, quod testimonio sit, non ex uerbis totum  
pendere ius, sed uerba seruire hominum consilijs & au-  
ctoritatibus? orate & copiose L. Crassius homo longe elo-  
quentissimus, paulo ante quam nos in forum uenimus,  
iudicio centumuirali hanc sententiam defendit & faci-  
le, cum contra eum prudentissimus homo Q. Mutius  
diceret, probauit omnibus, M. Curium, qui haeres institui-  
tus esset ita, mortuo posthumo filio, cum filius non modo  
non mortuus, sed ne natus quidem esset, heredem esse o-  
portere. Quid? uerbis satis hoc cautum erat? minime. quae  
res igitur ualuit? uoluntas. quae si tacitis nobis intelligi pos-  
set, uerbis omnino non ueremur, quia non potest, uerba  
reperta sunt, non quae impedirent, sed quae indicarent uo-  
luntatem. lex usum & auctoritatem fundi iubet esse bien-  
nium. at utimur eodem iure in aedibus, quae in lege non  
appellantur. Si uia sit immunita, iubet, quae uelit, agere  
iumentum. potest hoc ex uerbis intelligi, licere, si uia sit in  
Brutijs immunita, agere, si uelit, iumentum per M. Scau-  
ri Tusculanum. actio est in actorem praesentem his uer-  
bis. quandoquidem te in iure conspicio. hac actione Ap-  
pius ille Cacus uti non posset, si tam uere homines uerba  
consecrarentur, quam rem, cuius causa uerba sunt, non  
considerarent. testamento si recitatus haeres esset pupillus  
Cornellius, isque iam annos. XX. haberet, uobis interpreti-  
bus amitteret hereditatem? ueniunt in mentem mihi per  
multa, uobis plura certo scio. uerum ne nimium multa  
complectamur, atque ab eo, quod propositum est, longius

aberret oratio: hoc ipsum interdictum, de quo agitur, cōsideremus. intelligetis enim in eo ipso, si in uerbis ius cōstituiamus, omnem utilitatem nos huius interdicti, dum uersuti & callidi uolumus esse, amissuros. VNDE TV, AVT FAMILIA, AVT PROCURATOR TVVS. Si me uillicus tuus solus deiecit set, non familia deiecit set, ut opinor, sed aliq; de familia. recte igitur diceret te restituisse: quippe. quid. n. facilius est quam probari ijs, qui latine sciant, in uno seruulo familia nomē nō ualere: si uero ne habeas quidē seruū praeter eū, qui me deiecerit, clames uidelicet, si habeo familiā, à familia mea fateor te esse deiectū. neq; dubiū est, quin, si ad rem iudicandam uerbo ducimur, non re, familiam intelligamus, quæ cōstet ex seruis pluribus: quin unus homo familia non sit. uerbum certe hoc non modo postulat, sed etiam cogit. at uero ratio iuris, interdictiq; uis, & Prætorum uoluntas, & hominum prudentium consilium & auctoritas respiciat hanc defensionem & pro nihilo putet. quid ergo? isti homines latine non loquuntur? immo uero tantum loquuntur, quantum est satis ad intelligendam uoluntatem: cum sibi hoc proposuerint, ut si ue me tu deieceris, siue tuorū quīspiam, siue seruorum, siue amicorū, ut seruos non numero distinguant, sed appellent uno familiae nomine. de liberis autem, quisquis est, procuratoris nomine appelletur: non quo omnes sint aut appellentur procuratores, qui negotiū nostrū aliquid gerant: sed in hac re, cognita sententia interdicti, uerba exquiri omnia noluerunt. non enim alia causa est æquatis in uno seruo & in pluribus: non alia ratio iuris in hoc genere dūtaxat, utrū me tuus procurator deiecerit

is, qui legitime procurator dicitur omnium rerum eius, qui in Italia non sit, absit'ue Reip. causa, quasi quidam penè dominus, hoc ē alieni iuris uicarius; aut tuus colonus aut uicinus, aut cliens, aut libertus, aut quiuis, qui illam uim, deiectionemq; tuo rogatu, aut tuo nomine fecerit. quare si ad eum restituendum, qui ui deiectus est, eādem uim habet æquitatis ratio: ea intellecta certe nihil ad rem pertinet, quæ uerborum uis sit, ac nominum. tam restitues, si tuus me libertus deiecerit, nulli tuo prapositus ne gotio, quā si procurator deiecerit: non quo omnes sint procuratores, qui aliquid nostri negotij gerunt, sed quod in hac re quæri nihil attinet. tam restitues, si unus seruulus, quā si familia deiecerit uniuersa: non quo idem sit seruulus quod familia, uerum quia, non quibus uerbis quidq; dicatur, quæritur, sed quæ res agatur. etiam ut iam longius à uerbo decedamus, ab æquitate ne tantulū quidem: si tuus seruus nullus fuerit, & omnes alieni ac mercenarij, tamen & ipsi tuæ familiæ & genere & nomine continebuntur. Perge porrò hoc idem interdictum sequi. **HOMINIBVS COACTIS.** neminem coegeris, ipsi conuenerint sua sponte: certe cogit is, qui cōgregat homines & conuocat. coacti sunt ij, qui ab aliquo sunt unum in locum congregati. si non modo conuocati non sunt, sed ne conuenerunt quidem, sed ij modo fuerunt, qui etiam antea, non uis ut fieret, uerum colendi, aut pascendi causa esse in agro cōsueuerant: defendes homines coactos non fuisse, & uerbo quidem superabis, me ipso iudice, re autem ne consistes quidem ullo iudice: uim enim multitudinis restitui uoluerunt, non solum cōuocata multitudinis, sed, quia plerunque ubi multitudi-

ne opus est, homines cogi solent, ideo de coactis composi-  
tum interdictum est: quod etiam si uerbo differre uide-  
bitur, re tamen erit unum, & omnibus in causis idem ua-  
lebit, in quibus perspicitur una atque eadem causa equi-  
tatis. ARMATIS V E. quid dicemus? armatos si la-  
tine loqui uolumus, quos appellare uere possumus? opi-  
nor eos, qui scutis, telisq; parati, ornatiq; sunt. quid igitur?  
si glebis, aut saxis, aut fustibus aliquē de fundo præ-  
cipitem egeris, iussusq; sis, quem hominibus armatis deie-  
ceris, restituere: restituisse te dicis? uerba si ualent, si cau-  
sa non ratione, sed uocibus ponderantur: me auctore di-  
cito. uinces profecto non fuisse armatos eos, qui saxa id-  
cerent, quæ de terra ipsi tollerent: non esse arma cespites  
neq; glebas: non fuisse armatos eos, qui prætercuntes ra-  
mum defringerēt arboris: arma esse suis nominibus, alia  
ad tegendum, alia ad nocendum: quæ qui nō habuerint,  
eos inermes fuisse uinces. uerum si quidem erit armorū  
iudicium, tum ista dicito. iuris iudicium cū erit & equi-  
tatis, caue in ista tam frigida, tam ieiuna calumnia deli-  
tescas: non enim reperies quenquam iudicem, aut Recupe-  
ratorem, qui, tanquam si arma militis inspiciunda sint,  
ita probet armatum: sed perinde ualebit, quasi armatissi-  
mi fuerint, si reperientur ita parati fuisse, ut uim uitæ,  
aut corpori potuerint afferre. atque ut magis intelligas  
quàm uerba nihil ualeant: si tu solus, aut quiuis unus cū  
scuto, cum gladio impetum in me fecisset, atq; ego ita de-  
iectus essem, auderes ne dicere, interdictum esse de arma-  
tis hominibus, hic autem hominem armatum unum fuis-  
se? non opinor tam impudens esses. atqui uide ne multo  
nunc sis impudentior: nam tum quidem omnes mortales



implorare posses, quòd homines in tuo negocio latine lo-  
qui obliuiscerentur: quòd incermes armati iudicaretur:  
quòd, cum interdictum esset de pluribus, còmissa res esset  
ab uno, unus homo plures esse homines iudicaretur. ue-  
rùm in his causis non uerba ueniunt in iudicium, sed ea  
res, cuius causa uerba hæc in interdictum còiecta sunt.  
uim, quæ ad caput & ad uitam pertinet, restitui sine ul-  
la exceptione uoluerunt. ea fit plerunque per homines co-  
actos armatosq;: quæ si alio consilio, eodem periculo fa-  
cta sit, eodem iure esse uoluerunt: non enim maior est in-  
iuria, si tua familia, quàm si tuus uillicus: non si tui ser-  
ui, quàm si alieni ac mercenarij: non si tuus procurator,  
quàm si uicinus aut libertus tuus: non si coactis homini-  
bus, quàm si uoluntarijs, aut etiam assiduis, ac domesti-  
cis: non si armatis, quàm si inermibus, qui uim haberent  
armatorum ad nocendum: non si pluribus, quàm si uno  
armato: quibus enim rebus plerunque uis fit, eiusmodi hæ-  
res appellantur interdicto. si per alias res eadẽ facta uis  
est: ea, tametsi uerbis interdicti non concluditur, tamen  
sententia iuris atque auctoritate retinetur. uenio nunc  
ad illud tuum: non deieci, si non suui accedere. puto te ip-  
sum Piso perspicere, quanto ista sit angustior iniquiorq;  
defensio, quàm si illa uterere: non fuerunt armati, cum  
fustibus & saxis fuerunt. si mehercule mihi non copio-  
so homini ad dicendum, optio detur, utrum malim defen-  
dere, non esse deiectum eum, cui uir & armis ingredien-  
ti sit occursum; an armatos non fuisse eos, qui sine scutis  
ac sine ferro fuerint: omnino ad probandum utranque  
rem uideam infirmam nugatoriamq; esse: ad dicendum  
autem, in altera uidear mihi aliquid reperire posse, non

fuisse armatos eos, qui neque ferri quicquam neque scutum ullum habuerint: hic uero hanc eam, si mihi defendendum sit, cum, qui pulsus, fugatusq; sit, non esse deiectum. atque illud in tota defensione tua mihi maxime mirum uidebatur, te dicere iurisconsultorum auctoritati obtemperari non oportere. quod ego, tamen si nunc primum, neque in hac causa solum audio, tamen admodum mirabar, abs te quamobrem diceretur: nam ceteri tum ad istam hortationem decurrunt, cum se in causa putant habere æquum & bonum, quod defendant. si contra uerbis & literis, & (ut dici solet) summo iure contenditur, solent eiusmodi iniquitati & boni & æqui nomen dignitatemq; opponere. tum illud, quod dicitur, \* irrident: tum aucupio uerborum et literarum tendiculas in inuidiam uocant: tum uociferantur ex æquo & bono, non ex callido, uersutoq; iure rem iudicari oportere: scriptum sequi, calumniatoris esse: boniq; iudicis uoluntatem scriptoris, auctori tatemq; defendere. in ista uero causa, cum tu sis is, qui te uerbo, literaq; defendas, cum tuæ sint ea partes, unde deiectus es? an inde quod prohibitus es accedere? deiectus, non deiectus: cum tua sit hæc oratio, fateor me homines coegisse, fateor armasse, fateor tibi mortem esse minitatum, fateor hoc interdicto prætoris uindicari, si uoluntas & æquitas ualeat. sed ego inuenio in interdicto uerbum unum, ubi delitescam. non deieci te ex eo loco, quem in locum prohibui ne uenires. in ista defensione accusas eos, qui consuluntur, & æquitatis censeant rationem, non uerbi haberi oportere. & hoc loco Sceuolam dixisti causam apud centumuiros non tenuisse: quem

ego antea commemoravi, quod idem faceret, quod tu nunc: tamen si ille in aliqua causa faciebat, tu innul-  
la facis: tamen probasse nemini quod defendit, quia  
verbis oppugnare aequitatem uidebatur. cum id miror,  
te hoc in hac re alieno tempore, & cōtra quā ista cau-  
sa postulasset, defendisse: tum illud uulgo in iudicijs &  
nonnunquam ab ingeniosis hominibus defendi mihi mi-  
rum uideri solet, nec iurisconsultis concedi, nec ius civile  
in causis semper ualere oportere: nam qui hoc dispu-  
tant, si id dicunt, non recte aliquid statuere eos, qui con-  
sulantur, non hoc debent dicere, iuri civili, sed homi-  
nibus stultis obtemperari non oportere: sin illos recte re-  
spondere concedunt, & aliter iudicari dicunt oportere,  
male iudicari oportere dicunt. neque enim fieri potest,  
ut aliud iudicari de iure, aliud responderi oporteat; nec  
ut quisquam iuris numeretur peritus, qui id statuat esse  
ius, quod non oporteat iudicari. at est aliquando con-  
tra iudicatum. primum utrum recte, an perperam: si  
recte, id fuit ius, quod iudicatum est: sin aliter, non du-  
bium est, utrū iudices, an iurisconsulti uituperandi sint:  
deinde si de iure uario quippiam iudicatum est, non po-  
tius contra iurisconsultos statuunt, si aliter pronuncia-  
tum est ac Mutio placuit, quā ex eorum auctoritate, si  
ut Manilius statuebat, sic est iudicatum. etenim ipse Cras-  
sus non ita causam apud centumuiros egit, ut contra iu-  
risconsultos diceret, sed ut hoc doceret: illud, quod Scenola  
defendebat, non esse iuris. & in eam rem non solū ratio-  
nes afferret, sed etiam Q. Mutio socero suo, multisq; peri-  
tissimis hominibus auctoribus uteretur: nam qui ius  
civile contemnendum putat, is uincula reuellit non

modo iudiciorum, sed etiam utilitatis, uitæq; communis. qui autem interpretes iuris vituperat, si imperitos iuris esse dicit, de hominibus non de iure civili detrahit: si peritis non putat esse obtemperandum, non homines lædit, sed leges, ac iura labefacit. quod uobis uenire in mentem profecto necesse est: nihil enim in ciuitate tam diligenter, quàm ius ciuile retinendum. etenim hoc sublato, nihil est, quare exploratum cuiquam possit esse quid suum, aut quid alienum sit: nihil est, quod æquabile inter omnes, atq; unum omnibus esse possit. itaq; in cæteris cõtrouersiis atque iudicijs, cum quæritur, aliquid factum, nec ne sit, uerum an falsum proferatur, et fictus testis subornari solet, et imponi falsæ tabulæ, nõnunquam honesto ac probabili nomine bono uiro iudici error obijci, improbo factas dari, ut, cum sciens perperam iudicauit, testamentum aut tabulas secutus esse uideatur. in iure nihil est eiusmodi Recuperatores, non tabulæ falsæ, non testis improbus, deniq; nimia ista, quæ dominatur in ciuitate, potentia in hoc solo genere quiescit: quid agat, quomodo aggre diatur iudicem, quæ deniq; digitum proferat, non habet. illud enim potest dici iudici ab aliquo non tam uerecundo homine, quàm gratioso: iudica hoc factum esse, aut nunquã esse factum, uel cogitatum. crede huic testi: has comproba tabulas. hoc non potest. cui filius agnatus sit, eius testamentum non esse ruptum, iudica: quod mulier sine tutore auctore promiserit, deberi: non est adiectus ad huiusmodi res neq; potentia cuiusquam, neque gratia. deniq; quo maius hoc, sanctiusq; uideatur, ne pretio quidem corrumpi iudex in eiusmodi causa potest. iste noster testis, qui ausus est dicere fecisse uideri

eum, de quo ne cuius rei argueretur quidem scire potuisset, ipse nunquam auderet iudicare, deberi viro doctum, quam mulier nullo auctore dixisset. ò rem præclaram, vobisq; ob hoc retinendam Recuperatores: quod enim est ius civile, quod neq; inflecti gratia neq; perfringi potentia, neq; adulterari pecunia possit? quod si non modo oppressum, sed etiam desertum aut negligentius adseruatum erit, nihil est, quod quisquam sese habere certum, aut à patre accepturum, aut relicturum libere arbitretur. quid enim refert, ædes, aut fundum relictum à patre aut aliqua ratione habere bene partum: si incertum sit, quæ, cum omnia tua iure mancipij sint, ea possis ne retinere? si parum sit communitum ius? si civili ac publica lege cōtra alicuius gratiam teneri non potest? quid inquam prodest fundum habere, si, quæ decentissime descripta à maioribus iura finium, possessionum, aquarum, itinerumq; sunt, hæc perturbari aliqua ratione, commutariq; possunt? mihi credite, maior hereditas venit unicuiq; uestrum in iisdem bonis à iure et à legibus, quàm ab ijs, à quibus illa ipsa bona relicta sunt: nam ut perueniat ad me fundus, testamento alicuius fieri potest: ut retineam quod meum factum sit, sine iure civili non potest. fundus à patre relinqui potest: at usucapio fundi, hoc est finis sollicitudinis ac periculi litij non à patre relinquitur, sed à legibus. aquæ ductus, haustus, iter, actus, à patre, sed rata auctoritas harum rerum omnium à iure civili sumitur. quapropter non minus diligenter ea, quæ à maioribus accepistis, publica patrimonium iuris, quàm priuata rei uestre retinere debetis: non solum quòd hæc iure civili sec

pta sunt, sed etiam quod patrimonium unius incommodo dimittitur, ius amitti non potest sine magno incommodo civitatis. In hac ipsa causa Recuperatores, si hoc nos non obtinebimus, ut armatis hominibus deiectum esse eum, quem ut armatis hominibus pulsum, fugatumque esse constet, Caecina rem non amittet, quam ipsam animo forti, si tempus ita ferret, amitteret: in possessionem in praesentia non restituitur, nihil amplius: populi R. causa, civitatis ius, bona, fortunae, possessionesque in dubium, incertumque reuocabuntur: uestra auctoritate hoc constituetur, hoc praescribetur: quicum tu posthac de possessione contendes, eum si ingressum modo deieceris, in praedium restitutionas oportebit: sin autem ingredienti, cum armata multitudo obuius fueris, et ita uenientem repuleris, fugaris, auerteris, non restitues. tum statueritis uim in caede solum, non in animo libidinis: nisi cruor appareat, uim non esse factam, iniuriarum delictum esse, qui prohibitus sit, nisi ex eo loco, ubi uestigium impresserit, deici neminem posse, iuris retinere sententiam et equitatem plurimum ualere oportere, an uerbo ac litera ius omne torqueri, uos statuite Recuperatores, utrum utilius esse uideatur. hoc loco percommode accidit, quod non adest is, qui paulo ante affuit, et adesse nobis frequenter in hac causa solet, uir ornatissimus C. Aquilius. nam ipso praesente, de uirtute eius et prudentia timidius dicerem, quod et ipse pudore quodam afficeretur ex sua laude, et me similis ratio pudoris a praesentis laude tardaret. cuius auctoritati dictum est ab illa causa concedi nimium non oportere.

uereor de tali uiro ne plus dicam, quàm uos aut sentia-  
 tis, aut apud uos commemorari uelitis, quapropter hoc di-  
 cam, nunquam eius auctoritatem nimium ualere, cuius  
 prudentiâ populus R. in cauendo, non in decipiendo per-  
 spexerit: qui iuris ciuili rationem nunquam ab æquita-  
 te seiunxerit: qui tot annos ingenium, laborem, fidem  
 suam populo R. promptam, expositamq; præbuerit: qui  
 ita iustus & bonus uir est, ut natura, non disciplina con-  
 sultus esse uideatur: ita peritus ac prudens, ut ex iure ci-  
 uili non scientia solum quædam, uerum etiam bonitas na-  
 ta uideatur: cuius tantum est ingenium, ita prompta fi-  
 des, ut, quicquid inde haurias, purum, liquidumq; te hau-  
 rire sentias. quare permagnam initis à nobis gratiam,  
 cum cum auctorem uestræ defensionis esse dicitis. illud  
 autem miror, cur uos aliquid contra me sentire dicatis,  
 cum cum auctorem uos pro me appelletis, uestrum no-  
 minetis. ueruntamen quid ait iste uester auctor? omni-  
 bus, quicquid uerbis actum pronunciatumq; sit, conue-  
 nit. ego ex isto genere consultorum non nominem, ut opi-  
 nor, istum ipsum, quo uos auctore rem istam agere &  
 defensionem causæ constituere dicitis. qui cum istam  
 disputationem mecum ingressus esset, non posse probari  
 quenquam esse deiectum, nisi ex eo loco, in quo fuisset:  
 rem & sententiam interdicti mecum facere fatebatur,  
 uerbo me excludi dicebat, à uerbo autem posse recedi nō  
 \* arbitrabatur. cum exemplis uterer multis, etiam illa ma-  
 teria æquitatis, ab uerbo & ab scripto plurimis sæpe in  
 rebus ius æqui boniq; rationem esse seiunctam, semperq;  
 id ualuisse plurimum, quod in se auctoritatis habuisset  
 æquitatisq; plurimum: consolatus est me, & ostendit in



hac ipsa causa nihil esse quod laborare : nam uerba ipsa  
 sponsionis facere mecum, si uellem diligenter attendere.  
 quonam inquā modo ? quia certe, inquit, deiectus est Cæ-  
 cina uī hominibus armatis aliquo ex loco : si non ex eo lo-  
 co, quem in locum uenire uoluit, at ex eo certe, unde fu-  
 git. quid tum ? Prætor, inquit, interdixit, ut, unde deiectus  
 esset, eò restitueretur, hoc est quicumq; is locus esset, unde  
 deiectus esset. Ebutius autem, qui fatetur aliquo ex loco  
 deiectum esse Cæcinam, is, quo modo se restituisse dixit,  
 necesse est male fecerit sponsionem. quid est Piso ? placet  
 tibi pugnare uerbis ? placet causam iuris, et æquitatis, et  
 nō nostræ possessionis, sed omnino possessionum omnium  
 constituere in uerbo ? ego, quod mihi uideretur, quod à  
 maioribus factitatum, quod horum auctoritate, quibus  
 iudicandum est, dignum esset ostendi, id uerum, id æquū,  
 id utile omnibus esse : spectari, quo consilio et qua sen-  
 tentia, nō quibus quidq; uerbis esset actum. tu me ad uer-  
 bum uocas ? non ante uenio, quā recusaro. nego opor-  
 tere, nego obtineri posse, nego ullam rem esse, quæ aut  
 comprehendi satis, aut caueri, aut excipi possit, si aut  
 præterito aliquo uerbo, aut ambigue posito, sententia  
 et recognita non id quod intelligitur, sed id quod di-  
 citur, ualebit. quoniam satis recusauī, uenio iam quò  
 uocas. quaero abs te, sim ne deiectus, non de Fulciniano  
 fundo : neq; enim Prætor, si ex eo fundo essem deiectus,  
 ita me restitui iussisset : sed eò, unde deiectus essem. sum  
 ex proximi uicini fundo deiectus, quā adibam ad istum  
 fundum : sum de uia, sum certe alicunde, siue de pri-  
 uato siue de publico : eò restitui sum iussus. restituisse  
 te dixisti : nego me ex edicto Prætoris restitutum esse.

quid ad hæc dicimus? aut tuo, quemadmodum dicitur, gladio, aut nostro defensio tua conficiatur necesse est. si ad interdicti sententiam confugis, & de quo fundo actum sit tum, cum Ebutius restituere iubebatur, id quarendum esse dicis, neque æquitatem rei uerbi laqueo capi putas oportere: in meis castris, præsidijq; uersaris, mea, mea est ista defensio, ego hoc uociferor, ego omnes homines deosq; testor: cum maiores uim armatam nulla iuris defensione texerint, non uestigium eius, qui deiectus sit, sed factum illius, qui deiecerit, in iudicium uenire: deiectum esse, qui fugatus sit: uim esse factam, cui periculum mortis sit iniectum. istum locum fugis & reformidas: & me ex hoc, ut ita dicam, campo æquitatis ad istas uerborum angustias & ad omnes literarum angulos reuocas. in ijs ipsis intercludere insidijs, quas mihi conaris opponere. non deieci, sed eieci. peracutum hoc tibi uidetur: hic est mucro defensionis tuæ: in eum ipsum causa tua incurrat, necesse est: ego enim tibi refero: si non sum ex eo loco deiectus, quò prohibitus sum accedere: at ex eo sum deiectus, quò accessi, unde fugi. si Prætor nō distinxit locum, quò me restitui iuberet, & restitui iussit, nō sum ex edicto restitutus. uelim Recuperatores, hoc totum si uobis uersutius, quam mea cōsuetudo defendēdi fert, uidebitur, sic existimetis: primum alium, non me excogitasse: deinde huius rationis non modo nō inuentorem, sed ne probatorē quidem esse me: idq; me nō ad meam defensionem attulisse, sed illorū defensioni retulisse. me pro meo posse iure dicere: neq; in hac re, quam ego protuli, quæri oportere, quibus uerbis Prætor interdixit, sed de quo loco sit actum, cum inter =

dixit : neque in ui armatorum spectari oportere, in quo loco sit facta uis, uerum sit ne facta. te uero nullo modo posse defendere : in qua re tu uelis, uerba spectari oportere : in qua re nolis, non oportere. ueruntamen ecquid mihi respondetur ad illud quod antea dixi, non solum re & sententia, sed uerbis quoque hoc interdictum ita esse compositum, ut nihil commutandum uideretur? attendite diligenter quaeso Recuperatores: est enim uestri ingenij, non meam, sed maiorum prudentiam cognoscere: non enim sum id dicturus, quod ego inuenerim, sed quod illos non fugerit. Cum de ui interdicatur, duo genera causarum esse intelligebat, ad quae interdictum pertineret: unum, si qui ex eo loco, in quo esset: alterum, si ab eo loco quo ueniret, ui deiectus esset. & horum utrunque, neque praeterea quicquam potest accidere Recuperatores. id adeo, si placet, considerate. si qui meam familiam de meo fundo deiecerit, ex eo me loco deiecerit. si qui mihi praesto fuerit cum armatis hominibus extra meum fundum & me introire prohibuerit, non ex eo, sed ab eo loco me deiecerit. ad haec duo genera rerum, unum uerbum, quod satis declararet utrasque res, inueniunt: ut siue ex fundo, siue à fundo deiectus essem, uno atque eodem interdicto restituerer. Vnde TV. hoc uerbum, unde, utrunque declarat, & ex quo loco & à quo loco. unde deiectus est Cæcina? ex urbe. unde deiecisti? ab urbe. unde deiecti Galli? à Capitolio. unde qui cum Graccho fuerunt? ex Capitolio. uidetis igitur hoc uno uerbo significari res duas, & ex quo, & à quo loco. cum autem eo restitui iubet, ita iubet: ut si Galli à maioribus nostris postularent, ut eo restituerentur, uno

de deiectione essent, & aliqua ui hoc assequi possent : non opinor eos in cuniculum, quod aggressi erant, sed in Capitolium restitui oportere. hoc enim intelligitur, unde deiecisti, siue ex quo loco, siue à quo loco, eò restituas. hoc iam simplex est, in eum locum restituas : siue ex hoc loco deiecisti, restitue in hunc locum : siue ab hoc loco, restitue in eum locum, non ex quo, sed à quo deiectus. ut si qui ex alto, cum ad patriam accessisset, tempestate subito reiectus optaret, ut cum esset à patria deiectus, eò restitueretur ; hoc opinor optaret, ut à quo loco depulsus esset, in eum se fortuna restitueret, non in salum, sed in ipsam urbem, quam petebat : sic ( quoniam uim uerborum necessario similitudine rerum aucupamur ) qui postulat, ut à quo loco deiectus est, hoc est unde deiectus est, eò restituatur. cum uerba nos eò ducunt, tum res ipsa hoc sentire atq; intelligere cogit. etenim Piso ( redeo nunc ad illa principia defensionis meae ) si quis te ex adibus tuis ui hominibus armatis deiecerit, quid ageres ? opinor, hoc interdicto, quo nos usi sumus, persequerere. quid ? si qui iam de foro redeuntem armatis hominibus domum tuam te introire prohibuerit ? quid ages ? utere eodem interdicto. cum igitur Prator interdixerit, unde deiectus es, ut eò restituaris, tu hoc idem, quod ego dico & quod perspicuum est, interpretabere, cum illud uerbum unde, in utranq; rem ualeat, eoq; tu restitui sis iussus, tam te in ades tuas restitui oportere, si è uestibulo, quam si ex interiore adium parte deiectus sis. ut uero iam Recuperatores nulla dubitatio sit, siue rem, siue uerba spectare uultis, quin secundum nos iudicetis,

iudicetis, exoritur hic iam obrutis rebus omnibus & perditis, illa defensio, eum deici posse, qui tum possideat: qui non possideat, nullo modo posse: itaq; si ego sim à tuis adibus deiectus, restitui non oportere: si ipse sis, oportere. nūmera quā multa in ista defensione falsa sint Piso. ac primum illud attende, te iam ex illa ratione esse depulsum, q̄ negabas quēquam deici posse, nisi qui in eo loco esset: nunc iam posse concedis: eum, qui non possideat, negas deici posse. cur ergo aut in illud quotidianum interdictum, unde ille me ui deiecit, additur, cum ego possem, si deici nemo potest, qui non possidet: aut in hoc interdictum, de hominibus armatis, non additur, si oportet quari, possederit, nec ne? negas deici nisi qui possideat. ostēdo, si sine armatis, coactis ue hominibus deiectus quisquam sit, eum, qui fateatur se deiecis, uincere sponsonem. si ostendat eū non possedisse, negas deici, nisi qui possideat. ostēdo, ex hoc interdicto de armatis hominibus, qui possit ostendere non possedisse eum, qui deiectus sit, condemnari tamen sponsonis necesse esse. si fateatur esse deiectum. dupliciter homines deiciuntur, aut sine coactis, armatis ue hominibus, aut per eiusmodi ratione aut uim. ad duas dissimiles res duo deuineta interdicta sunt. in illa ui quotidiana non satis est posse docere se deiectum, nisi ostendere possit, cum possideret, tum deiectum. ne id quidem satis est, nisi docet ita se possedisse, ut nec ui, nec clam, nec precario possederit. itaque is, qui se restituisse dixit, magna uoce saepe confiteri sollet, se ui deiecis: uerum illud addit, non possidebat: uel etiam, cum hoc ipsum concessit, uincit tamen sponsonem, si planum facit, ab se illum aut ui, aut clam,

aut precario possedisse. uidetis ne quot defensionibus eū,  
 qui sine armis ac multitudine uim fecerit, uti posse ma-  
 iores uoluerunt? hunc uero, qui ab iure, officio, bonis mo-  
 ribus ad ferrum, ad arma, ad eādem confugerit, nu-  
 dum in causa destitutūq; uidetis: ut, qui armatus de pos-  
 sessione contendisset, inermis planē de sponſione certa-  
 ret. ecquid igitur interest Pīso inter hāc interdicta? ec-  
 quid interest, utrum hoc additum, cum A. Cācina posse-  
 derit, nec ne? ecquid te ratio iuris, ecquid interdicto-  
 rum dissimilitudo, ecquid auctoritas maiorum commo-  
 uet? si esset additum, de eo quari oporteret. additum  
 non est, tamen oportebit. atq; ego in hoc Cācinam non  
 defendo: possedit enim Cācina Recuperatores: & id  
 tametsi extra causam est, percurram tamen breuī, ut  
 non minus hominem ipsum, quā ius commune defen-  
 sum uelitis. Cesenniam possedisse propter usumfructum  
 non negas. qui colonus habuit conductum de Cesennia  
 fundum, cum idem ex eadem conductiōe fuerit in fun-  
 do, dubium est, quin, si Cesennia tum possidebat, cum  
 erat colonus in fundo, post eius mortem hāres eodem  
 iure possederit? deinde ipse Cācina, cum circuiret prae-  
 dia, uenit in istum fundum, rationes à colono accepit.  
 sunt in eam rem testimonia. postea cur Ebuti de isto po-  
 tius fundo, quā de alio, si quem habes, Cācina de-  
 nunciabas, si Cācina non possidebat? ipse porrò Cācina  
 cur se moribus deduci uolebat, idq; tibi de amicorum,  
 etiam de ipsius C. Aquilij sententia responderat? at  
 enim Sylla legem tulit. ut nihil de illo tempore, nihil de  
 calamitate Reip. querar, hoc tibi respondeo, adscripsis-  
 se eundem Syllam in eandem legem, si quid ius non es-

set rogari, eius ea lege nihilum rogatum. quid est quod  
 ius non sit, quod populus iubere, aut uetare non pos=  
 sit? ut ne longius abeam, declarat ista ascriptio esse ali=  
 quid: nam nisi esset, hoc in omnibus legibus non adscri=  
 beretur. sed quæro abs te, putes ne, si populus iusserit  
 me tuum, aut item te meum seruum esse, id iussum ra=  
 tum atque firmum futurum? perspicis hoc nihil es=  
 se ut in cæteris, quæ rogauî. primum illud con=  
 cedis, non, quicquid populus iusserit, ratum esse o=  
 portare. deinde nihil rationis affers, quamobrem si li=  
 bertas adimi nullo modo possit, ciuitas possit: nam &  
 eodem modo de utraq; re traditum nobis est: & si se=  
 mel ciuitas adimi potest, retineri libertas non potest. qui  
 enim potest iure Quiritum liber esse is, qui in numero  
 Quiritum non est? atq; ego hanc adolescentulus causam  
 cum agerem contra hominem disertissimum nostræ ciui=  
 tatis Cottam, probauî. cum Arretinæ mulieris liberta=  
 tem defenderem, & Cotta Decemuiris religionem inle=  
 cisset, non posse sacramentum nostrum iustum iudica=  
 ri, quod Arretinis adempta ciuitas esset, & ego uehemen=  
 tius contendissem ciuitatem adimi non potuisse: Decem=  
 uiri prima actione non iudicauerunt; postea re quasi=  
 ta & deliberata, sacramentum nostrum iustum iu=  
 dicauerunt. atque hoc & contradicente Cotta, & syl=  
 la uiuo iudicatum est. iam uero in cæteris, ut omnes,  
 qui in eadem causa sunt, & lege agant, & suum ius  
 persequantur, & omnes iure ciuili sine cuiusquam  
 aut magistratus, aut iudicis, aut periti hominis, aut im=  
 periti dubitatione utantur, quid ego commemorem?  
 dubium nemini uestrum est. certe quæri hoc solere



me non praterit, ut ex me ea, quæ tibi in mentem non ueniunt, audias: quemadmodum, si ciuitas adimi non possit, in colonias latinas sæpe nostri ciues profecti sint. aut sua uoluntate, aut legis mulcta profecti sunt: quam mulctam si sufferre uoluissent, tamē manere in ciuitate potuissent. quid? quem pater patratus dedit, aut suus pater populus uendit, quo is iure amittit ciuitatem? ut religione ciuitas soluatur, ciuis R. traditur: qui cum est acceptus, est eorum, quibus est deditus. si non accipiunt, ut Mancinum Numantini, retinet integram causam et ius ciuitatis. si pater uendit, cum, quem in suam potestatem suscepit, ex potestate dimittit. iam populus cum eum uendit, qui miles factus non est, non adimit ei libertatem, sed iudicat non esse eum liberum, qui, ut liber sit, adire periculum noluit. cum autem incensum uendit, hoc iudicat: cum is, qui in seruitute iusta fuerint, cēsu liberetur, eum, qui, cum liber esset, cēseri noluerit, ipsum sibi libertatem abiudicasse. quod si maxime istæ rebus adimi libertas aut ciuitas potest, non intelligunt, qui hæc commemorant, si per has rationes adimi maiores posse uoluerunt, alio modo noluisse: nam ut hæc ex iure civili protulerunt, sic afferant uelim, quibus lege aut Romana ciuitas, aut libertas erepta sit. nam quod ad exilium attinet, perspicue intelligi potest quale sit. exilium enim non supplicium est, sed profugium portusque supplicij: nam qui uolunt pœnam aliquam subterfugere aut calamitatem, eo solum uertunt, hoc est sedem ac locum mutant. itaque nulla in lege nostra reperietur, ut apud ceteras ciuitates, maleficio ullum exilio esse mulctatum. sed cum homines, uincula, neces, ignominiasque uitant, quæ

Sunt legibus constituta, confugiunt quasi ad aram in exilium: qui si in ciuitate legis uim subire uellent, non prius ciuitatem quam uitam amitterent: quia nolunt, non admittitur his ciuitas, sed ab his relinquitur atque deponitur: nam cum ex nostro iure duarum ciuitatum nemo esse possit, tum amittitur hæc ciuitas denique, cum is, qui profugit, receptus est in exilium, hoc est in aliam ciuitatem. non me præterit Recuperatores, tamesi de hoc iure multa prætereo, tamen me longius prolapsus esse, quam ratio uestri iudicij postularit. uerum id feci, non quod uos in hac causa hanc defensionem desiderare arbitrarer, sed ut omnes intelligerent, nec ademptam cuiquam ciuitatem esse, nec adimi posse. hoc cum eos scire uolui, quibus Sylla uoluit iniuriam facere, tum omnes cæteros nouos, ueteresq; ciues: neque enim ratio afferri potest, cur si cuiquam nouo ciui potuerit adimi ciuitas, non omnibus antiquissimis ciuibus possit: nam ad hanc quidem causam nihil hoc pertinuisse, primum ex eo intelligi potest, quod uos ea de re iudicare non debetis: deinde quod Sylla ipse ita tulit de ciuitate, ut non sustulerit horum nexa atque hæreditates: iubet enim eodem iure esse, quo fuerint Ariminenses: quos quis ignorat duodecim coloniarum fuisse, & à populo R. hæreditates capere potuisses: quod si adimi ciuitas A. Caecinæ lege potuisset, magis illam rationem tamen omnes boni quæreamus, quæ admodum spectatissimum, prudētissimumq; hominem, summo consilio, summa uirtute, summa auctoritate domestica præditum, leuatum iniuria ciuem retinere possemus, quam uti nunc, cum de iure ciuitatis nihil potuerit deperdere, quisquam existat, nisi tui Sexte similis &

stultitia & impudentia, qui huic ciuitatem ademptam  
 esse dicat. qui quoniam Recuperatores suum ius non de  
 seruit, neque quicquam illius audaciae, petulantiaeque; con=  
 cessit, derelinquo iam communem causam, populiq; R.  
 ius in uestra fide ac religione depono. is homo ita se pro  
 batum uobis uestriq; similibus semper uoluit, ut id non  
 minus in hac causa laboraret: nec cōtenderit aliud, quàm  
 ne ius suum dissolute relinquere uideretur: nec minus  
 uereretur, ne contemnere Ebutium, quàm de eo contem=  
 ptus esse existimaretur. quapropter si quid extra iudi=  
 cium est, quod homini tribuendum sit, habetis hominem  
 singulari pudore, uirtute cognita, & spectata fide am=  
 plissimum, Etruriae nomine totius in utraque fortuna co=  
 gnitum multis signis & uirtutis, & humanitatis. si quid  
 in contraria parte in homine offendendum sit, habetis  
 eum, ut nihil dicam amplius, qui se homines coegisse fa=  
 teatur. sin hominibus remotis de causa quaeritis: cum iu=  
 dicium de ui sit, is, qui arguitur, uim se hominibus arma=  
 tis fecisse fateatur: uerbo se non aequitate defendere cone=  
 tur: id quoque ei uerbum ereptum esse uideatis:  
 auctoritatem sapientissimorum hominum facere nobis=  
 scum: in iudicium non uenire, utrum Cæcina possederit,  
 nec ne: tamen doceri possedisse: multo etiam minus qua=  
 ri A. Cæcinæ fundus sit nec ne: me tamen id ipsum do=  
 cuisse, fundum esse Cæcinæ: cū hæc ita sint, statuite quid  
 uos tempora Reip. de armatis hominibus, quid illius con=  
 fessio de ui, quid nostra decisio de aequitate, quid ratio  
 interdicti de iure admoneant, ut iudicetis.

A B C D E F G H I K L M N O P Q R S T  
V X Y Z.    A A B B C C D D E E F F G G  
H H I I K K L L M M N N O O P P Q Q.  
*Omnes quaterniones præter Q Q duernionem.*

A P V D   A L D I   F I L I O S.

V E N E T I I S, M. D. X L. M E N S E O C T O B R I.

